



N4 ეროვნული ბიბლიოთეკა

ლიტერატურული ჟურნალი

აპრილი, 2014 წლის 3 ნაწილი

1429
2014 №4

ჰალიცა

პროზა

ლუკა ბაქანიძე
თამარი ფხაჩაძე
გურამ მგვრალიძვილი
ნათია მანია

პოეზია


მარიამ ხუტურაული
ნევიჯო დუხანოვიძვილი
ნათია ცხაპანია

თარგმანი

ფრანსუა სავანი
ჩარლზ ბუკოვსკი
ანდრეი ბელი
მაგსად ნური
ჯუმი ერსოვი
ილზა აიხინგერი
ანა ახმეტოვა



მართა ვარკაშვილი




ცნობილი ამერიკელი მწერალი,
ბესტსელერების ავტორი

ჯონ გრიშედი

მისი „კრიმინალური
ტრილერები“ რომლებიც
1991 წლიდან იბეჭდება
და დღემდე 225
მილიონზე მეტი
ეგზემპლარია
გაყიდული



ცნობილია, რომ მისი წიგნები, გამოსვლიდან ერთ კვირაში სრულად
გაყიდულია. მწერლის რომანები პოპულარულია ჰოლივუდშიც
„ფირმა“ ჯონ გრიშემის რიგით მეორე რომანია. იგი 1991 წელს
დაინერა და გამოცემისთანავე ბესტსელერად იქცა. ჰოლივუდმა
ნაწარმოების ეკრანიზაციის
უფლება ავტორისგან 600 ათას
დოლარად შეიძინა. ფილმი
სიდნი პოლაკმა გადაიღო.
მიტჩი მაკდირის როლი
ტომ კრუზმა შეასრულა...



ფასი
13.99 ლარი

შეიქინეთ წიგნის მაღაზიაში!

წიგნები აღვილვა მიტანით ფასნაგების გარეშე
ბელ.: 0(32) 238 26 73; 0(32) 238 26 74 www.elva.ge



ლიტერატურული კონკურსი	4
რედაქტორის გვერდი	5
კროზა, კოეზია	
ლუკა ბაქანიძე მესამე ნაპირი	6
მარიამ ხუცურაული ლექსები	33
თამრი ფხაკაძე მოთხრობები	38
ნუციკო დეკანოზიშვილი ლექსები	53
გურამ მეგრელიშვილი მოთხრობა	56
ნათია ცხაკაია ლექსები	59
ნათია მანია მოთხრობები	61
კონკურსი „მოკლედ ითქვის“	65
თარგმანი	
ფრანსუაზ საგანი დაკარგული პროფილი (თარგმნა ლია დარაშვილმა)	68
ჩარლზ ბუკოვსკი მაკულატურა (თარგმნა ზაალ ჩხეიძემ)	90
ანდრეი ბელი პეტერბურგი (თარგმნა ნინო ქუთათელაძემ)	112
მაგსად ნური რომანიდან „ქალაქის მერი“ (თარგმნა გივი ალხაზიშვილმა)	140
ანა ახმატოვა ლექსები (თარგმნა ევა ჯიქიამ)	145
ჯეზმი ერსოზი მოთხრობები (თარგმნა ლანა მანველმა)	146
ილზე აიხინგერი სარკის ამბავი (თარგმნა მარიამ გოგოლაშვილმა)	152
მარიო ვარგას ლოსა ინტერვიუ ჟურნალ „BOCAS“-თან (თარგმნა ლინდა ციცილაშვილმა)	156
„პალიტრა L“ წარმოგიდგინეთ	164
„ინტელექტი“ წარმოგიდგინეთ	165
მონათრეობა	
ბასილ მელიქიშვილი	166
ლიტერატურული საანგორი	174

„კვირის პალიტრის“
ლიტერატურული დამატება

პროექტის ავტორი
თამარ მამაცაშვილი
მთავარი რედაქტორი
ზაალ ჩხეიძე
მთავარი რედაქტორის მოადგილე
მანანა ჯანელიძე
მონვეული რედაქტორი
ბესო ხვედელიძე
მხატვარ-დიზაინერი
ანა უთურგაძე
გარეკანის დიზაინერი
ნანუკა ქყონია
სტილისტი
ქეთი ნიკოლეიშვილი
კორექტორები
ცირა ჯიშარიანი
ლალი ტინჭარაული
კომპიუტერული უზრუნველყოფა
დათო მოსიაშვილი
ნინო ასკილაშვილი

ჟურნალი გამოდის
თვეში ერთხელ

რედაქციაში შემოსული მასალები
ავტორებს არ დაუბრუნდებათ

მისამართი: თბილისი, იოსებძის ქ. №49
ტელ: 238-74-44; გამოწერა: 298-74-44;
E-mail: lpalitra@yahoo.co.uk

ჟურნალის წინა ნომრების შექენა
შეგიძლიათ რედაქციაში

„მედია პალიტრის“ ცხელი ხაზი
238-33-84



N4 აპრილი 2014

ლიტერატურული კონკურსი „მოკლედ ითქმის“

4

პირველად ქართული ლიტერატურის ისტორიაში!

განურჩევლად იმისა, პროფესიონალი მწერალი ბრძანდებით თუ, უბრალოდ, წერის მოყვარული, „ლიტერატურული პალიტრა“ გაძლევთ შანსს, მონაწილეობა მიიღოთ ცოცხალ ლიტერატურულ პროცესში და აცხადებს მცირე პროზის კონკურსს „მოკლედ ითქმის“.

კონკურსის პირობები

ჟურნალი წლის ბოლომდე ყოველთვიურად შემოგთავაზებთ ცნობილი ლიტერატურული ნაწარმოებებიდან აღებულ თითო ფრაზას, რომლითაც უნდა დაიწყოს საკონკურსოდ წარდგენილი ნაწარმოები.

ტექსტს უნდა ჰქონდეს სიუჟეტი.

მოცულობა არ უნდა აღემატებოდეს 200 სიტყვას.

საკონკურსო ნაწარმოებები გამოგვიგზავნეთ ყოველი თვის 20 რიცხვამდე, სურვილისამებრ, ხელნაწერის სახით ან ელექტრონული ფორმატით:

● ფოსტით, მისამართზე: თბილისი, იოსებძის 49, „პალიტრა მედია“, ჟურნალი „ლიტერატურული პალიტრა“ (ლიტ. კონკურსი „მოკლედ ითქმის“);

● „კვირის პალიტრის“ საფოსტო ყუთების მეშვეობით;

● კონკურსის ელექტრონულ მისამართზე:

konkursi@palitra.ge

პირადი ინფორმაციის (სახელი, გვარი, საცხოვრებელი ადგილი ან ელფოსტის მისამართი, საკონტაქტო ტელეფონი) მითითება აუცილებელია.

ჟიურის მიერ არჩეული ნაწარმოებები დაიბეჭდება „ლიტერატურული პალიტრის“ ყოველ ნომერში, ხოლო 12 საუკეთესოს წლის ბოლოს გადაეცემა სპეციალური პრიზები.

იქეცი ქართული ლიტერატურის ნაწილად!

აპრილის ფრაზა:

ვცდილობდი, ამ გაურკვევლობას გავეცეოდი...

გამარჯობა, მკითხველო

ბევრს დავობენ დღეს მავანნი და მავანნი, როგორ უნდა გამოიყოფოდეს ე.წ. „მაღალი ლიტერატურა“ „დაბალისაგან“, ვითომ რა ნიშნით, რა სახელით. მრავალნი წუნან იმის გამო, რომ ზღვარი, ოდესღაც მეტად მკაფიოდ არსებული, ამ ჩვენს გარეკლამებულ ყოველდღიურობაში ნაიშალა. მით უფრო ნაშალა იგი ელექტრონულმა სამყარომ და გამოუცდელი მკითხველი შეატოვა სრულიად უსაზღვრო სივრცეებს ლიტერატურისას. ვითომ რა უნდა იყოს ამაზე უკეთესი, არა?! მაგრამ ამბობენ, აი, ლიტერატურის ისტორიკოსები ამბობენ, რომ ეს ხშირად სრულიად უმადური პროფესია კრიტიკოსისა როგორღაც ტოპოგრაფის მუშაობას ჰგავს. როგორც რომ ტოპოგრაფი ადგენს რუკას და დაიტანს ზედ ყველა მნიშვნელოვანსა და უმნიშვნელო სახელს, შეადგენს მასშტაბს და ასე შემდეგ, ამგვარადვეა ლიტერატურის ისტორიკოსიც; ის ახარისხებს, თავის ადგილს მიუჩენს ნაფიქრს და ნაწვალებს სხვისას, თან ერთისას კი არა, მრავალთასაც ზოგჯერ, ზოგჯერ კი არა და თითქმის ყოველთვისაც. მართალია ისიც, – დავად არა ღირს, ვფიქრობ, – რომ დროთა განმავლობაში იცვლება ხოლმე ეს ლიტერატურული რუკები. მრავალნი ქრებიან, მრავალნი ახლებიც ჩნდებიან, უფრო იშვიათად ოდესღაც გამქრალნიც ბრუნდებიან. ოღონდ ლიტერატურული რუკა ტოპოგრაფიულზე მეტად პრეტენზიულია და ისიც არი, რო პრინციპები სჭირდება თავისი, რის მიხედვით, რისთვის და რატომ უპირატესობის მინიჭებით უნდა შედგეს იგი. ამ ყველაფერს კი საერთო კრიტერიუმები სჭირდება, მარტო „კარგია-ცუდია“ არ ჰყოფნის, ჩვენში ჯერ ვერ არი აქტუალური ეს საკითხი, მაგრამ, აი, იქით, ევროპისაკენ, გაცხარებით დავობენ კლასიფიკაციის ახლებურ სისტემებსა და მიდგომებზე, თუმცა ამაზე – სხვა დროს. ჰოდა, ჩემო ძვირფასო მკითხველო, რას მოვაცოლე ახლა ამოდენა ამბავი, იმასაც გეტყვი ბარემ. ინგლისურენოვან ნიგნის მაღაზიაში რომ შეხვიდეთ, გნებავთ ასე „ხორციელად არსებულსა“ და გნებავთ ვირტუალურში, აუცილებლად მოგხვდებათ თვალში ორი განყოფილება, ორივე – ყოველთვის მკაცრად გამოყოფილი, თუმცა შინაარსით ლამის მსგავსი, მსგავსი კი არა, ტყუპისცალი ერთიმეორისა. პირველს ამაყად უწოდებენ ინგლისელები ცლასსიცს, ხოლო იმ „სხვას“ მხიარულად უწოდებენ ფიცტიონ. ვითომ რომ ეს ფიცტიონ უფრო გასართობი ნაწერია, თავის შესაქცევი და ცლასსიცს კიდეც, რასაც სახელი გეუბნებოდეთ,

სწორედ იმგვარი. ერთ საქართველოში სტუმრად მყოფ პროფესორს ვკითხე ამას წინათ, რა პრინციპით აწყობთ და ახარისხებთ-მეთქი ამ ორ მოსაზღვრე რუბრიკაში ავტორებს. იმის მონაცოლი მოკლედ რომ მოვჭრათ, დაახლოებით ასე გამოვა: სადაც ფიქრია მეტი და დარდი ამ ფიქრის გამო, ის „კლასიკაა“, ხოლო სადაც ქმედება და თავგადასვლებს მოდევნებული ახალი ყოყინა – ის სხვაო. იქნებ დამაკმაყოფილებელი პასუხი არც იყოს, მაგრამ ერთი კია, რომ როცა შენ ამ წერილს კითხულობ, მკითხველო, დიდი ქართული მწერლის გურამ დოჩანაშვილის იუბილე უკვე ჩავლილი იქნება, აბა, რა გითხრა, როგორ დააფასებენ კიდეც ერთხელ, ან სულაც გაიხსენებენ თუ არა... 75 წლისა შესრულდა ბატონი გურამი, სამი მეოთხედი საუკუნის ხნისა. ჩვენ ჩვენდათავად მიგვილოცნია მისთვის ეს თარიღი. დღეგრძელობა, ჯანმრთელობა და კვლავაც დიდი შემოქმედებითი გამარჯვებები გვისურვებია. ჰოდა, ზემო ამბავი იმიტომაც მოვყევი, იმ ჩემი ოქსფორდელი პროფესორის სიტყვებით თუ განვსჯით, ბატონი გურამი ჭეშმარიტი „კლასიკოსი“ გამოდის, ფიქრისა და მერე კიდეც ამ ფიქრზე შემოჩენილი დარდის მწერალი.

სიტყვა გამიგრძელდა და მოკლედვე გეტყვი სხვა ამბებს, ჩემო მკითხველო, ამ სააპრილოს. ერთბაშად სამ რომანს ვამთავრებთ წლეულს დაწყებულს – ბელისაც, ბუკოვსკისაც, საგანსაც. ქართული რომანიც დავიწყეთ ერთი, ახალგაზრდა ავტორის, ლუკა ბაქანიძისა, მე კი ჩემდათავად მოკრძალებულად მიჩვენია, ყურადღებით ჩახედოთ ამ ტექსტს, ამ მწერალს, ვინძლო კარგად დაიმასსოვროთ მისი ხელწერა, მომავალში აუცილებლად ხშირად გადაეყრებით.

P.S. ჰო, იმას ვამბობდი, ბუკოვსკი მოვათავეთ-მეთქი და თუ ხელი არაფერმა შეგვისალა, მალევე, უახლოეს მომავალში, ჩვენი და გამომცემლობა „პალიტრა L“-ის ერთობლივი ძალისხმევით აუცილებლად წიგნადაც გამოვა.

რაც შეეხება ახალ რუბრიკებს, ამ ჩვენი აპრილის ნომრიდან გთავაზობთ ინტერვიუების ციკლს მეოცე საუკუნის დიდ, გამოჩენილ ავტორებთან, პირველი სტუმარი კი ამ მხრივ ჩვენი ნომრისა მარიო ვარგას ლიოსა გახლავთ, გენიალური სამხრეთამერიკელი. რაც შეეხება ჩვენს ძველ რუბრიკებს, უკვე ნაჩვევი ფორმატით ისინი მაისიდან კვლავაც დაგიბრუნდებიან, გამრავალფეროვნებული მეტად და, იმედი მაქვს, დახვეწილიც უფრო.

29347



მესამე ნაპირი

(რომანი)


ტოვას ხსოვნას

1

ზუსტად ასე მიყვარს გაღვიძება: თვალს რომ გაახელ და ერთხანს აზრზე არა ხარ, სად იმყოფები... სწორედ ამისთვის, ასეთი გაღვიძებისთვის ვცხოვრობ ისე, როგორც ვცხოვრობ და მარტო მე კი არა – ჩვენ ყველა, ჩემიანები.

გაიღვიძებ ეგრე და როგორც არ უნდა იყო, გინდ თავი გისკდებოდეს პახმელისგან თუ რავი, რა ჯანდაბისგან, ან სიცვიისგან იყინებოდე, ან ცეცხლი გეკიდოს ფეხზე, მოკლედ, რაც არ უნდა ცუდად იყო, მაინც კარგად ხარ, იმიტომ რომ იცი: შენ რომ გიყვარს, სწორედ ისეთი დღე გქონდა გუშინ და ახლაც ყველაფერს გააკეთებ, ყველაფერს გამოსწოვ დღევანდელ დღეს; მიხვალ, სადაც მიგესვლება და არ მიგესვლება, რისი დაღევა, ჭამა თუ მონევაც შეიძლება ან მავნებელია, ყველაფერს დალევ, შეაკეთებ და წააწყდები ათას ნაგავს და კარგ, მართლა მაგარ ტიპებს; ზოგთან ჩაურტყამ, ზოგთან მოწვევ, ვისთანაც დაკვრა გიყვარს, იმასთან დაუკრავ, ვისთანაც ლაპარაკი გიყვარს, იმასთან ილაპარაკებ, ვისი გაჟიმვაც ხელგეწიფება, იმას გაჟიმავ და ასე – აქ, ამ სიბრტყეზე, ჩემს განზომილებაში, სადაც გადაეყრები არასრულფასოვნების კომპლექსის ყველაზე მაგარ და საინტერესო, სასაცილო და ხანდახან სახიფათო გამოვლინებებს ისტერიის უმაღლესი და თავისუფლების უდაბლესი ხარისხით და, პრინციპში, ყველგან ასეა, მარტო აქ კი არა.

მთავარი, ცენტრი დამავინწყდა, ჩვენი ტაძარი: ერთი მიყრუებული როკკლუბი, სადაც ბინადრობს ყველაზე ნაღდი ადამიანი დედამინის ზურგზე, ყოფილი მღვდელი და ამჟამად კლუბის მეპატრონე და შეთავსებით ქარიზმატული ფეისკონტროლიორი, რესპექტაბელური და ცხოვრების ჯანსაღი წესის მიმდევარი ხალხის მტერი ნომერი პირველი, ცალთვალა, წითელწვერიანი და უშველებელი, ვითარცა მეკობრე, ბებერი დრამერი მამაო – ჩვენი შემწე და მფარველი. მამაომ მასწავლა ტუ-



ლუკა ბაქანიძე

ჩის გარმონზე დაკვრა, რისი მეშვეობითაც, რაც სახლიდან წამოვედი, მას მერე მოვიპოვებ პურს არსობისას: სიგარეტს, ლიმონს და არაყს – მე, ჩემი ძმაკაცი და მხეცი გიტარისტი ალექსანდერი და ბერძენი, თავგადაპარსული გოგონა – ჩვენი კლავიში, კანის ნებისმიერ მონაკვეთზე ტუშით და ნემსებით შედევის დახატვა რომ შეუძლია. ადრე სალონში აკეთებდა სვირინგებს ნეი და ბევრი კლიენტიც ჰყავდა, მაგრამ მერე სპიდიანი მარკუსა შეიყვარა და გამოაგდეს იქიდან. განსაკუთრებით მამაოს უყვარს ნეი, მისი გაკეთებული სვირინგიც აქვს ზურგზე: ყალყზე შემდგარი კენტავრი, თავადაც ტატუირებული და საყურეებიანი, ხელში კომბალივით მომარჯვებული ელექტროგიტარით. მოკლედ, სუფთა მამაო, ოღონდ ოთხფეხა, – ოცდამეერთე საუკუნის ქრონი, ანდერგრაუნდის გმირთა და უპოვართა აღმზრდელი და მეგობარი.

ნეას შეყვარებული კიდეც, მარკუსი, სანამ მოკვდებოდა ჩვენთან ერთად უკრავდა...

მარკუსი და ნეა რომ გავიცანით, თავიდან გავიფიქრე, ეს როგორ შეიყვარა-მეთქი ამ გოგომ. სულ სხვადასხვა ტიპები იყვნენ: მარკუსი – ჩუმი და წყნარი, წარამარა წითლდებოდა ბავშვივით და ისედაც ბავშვს ჰგავდა; დაბალი იყო და გამხდარი, სიგარეტის ლერივით, ნეი კი ხმაურიანი და უტიფარი, თან მარკუსზე ერთი თავით მაღალი.

ვიჯექით ერთხელ მე და ალექსანდერი მი-

ნისქვეშა გადასასვლელში და გიტარაზე ახალ თემას ვარჩევდით. ცუდი დღე გვქონდა, ერთი-ორი კაპიკი ძლივს მოვაგროვეთ და მარტო არაყზე და ლიმონზე გვეყო, მშვირები ვიყავით. ლამდებოდა და იმას ვფიქრობდით, სად გაგვეთენებინა. მე პარკში მერჩივნა, კარუსელზე: აკვანივით კარუსელი იყო, – ერთს მიანვებოდი, დაატრიალებდი, აძვრებოდი მერე ორადგილიან სკამზე და სანამ გაჩერდებოდა, ასე ტრიალში ჩაგეძინებოდა კიდეც და რომც არ დაგძინებოდა, ისედაც ასწორებდა მანდ წოლა, თან თუ მოწეულიც იყავი... დროდადრო გამოჩნდებოდა ცხენოსანი პოლიციელი, ეული და თავჩალუნული რომ დააჩინდრიკებდა თავის ცხენს დაუანგებულ კარუსელებს შორის და უთავო მხედარს ჰგავდა შორიდან. ამ მივარდნილ პარკში ვის ან რას იცავდა და საერთოდ ვინ სირმა გაამწესა აქ, აზრზე არა ვარ, თუმცა ჩვენ არაფერს გვერჩოდა. ხანდახან შედეგობდნენ ეგ და მაგისი მერანი და გვიყურებდნენ შორიდან, ახლოს არ მოდიოდნენ. მაგრამ მერე და მერე, ერთად რომ ვიყავით ყველა, მარკუსი და ნეაც რომ ჩვენთან ერთად იყვნენ, უფრო გლიჯავდა: ოთხივე რომ მივანვებოდით კარუსელს, დავძრავდით და ნახევარი საათი მაინც ვტრიალებდით ასე. მარკუსს კიდეც მანანწალა ძაღლები უყვარდა კარუსელზე მეტად, ჭრილის ხმაზე რომ გამოძვრებოდნენ ხოლმე საიდანაც და ძაღლებსაც უყვარდათ მარკუსი; ჩვენ რომ სკამებზე ვინეჩით და რაღაც სისულელებს ვუკრავდით, ის ამ დროს ძაღლებს ეთამაშებოდა და კარგი იყო, მაგარი იყო ეს ყველაფერი – კარუსელიც, მუნჯი პოლიციელიც, ალექსიც, ნეიც, არაყიც და მთვრალი მარკუსიც, იმ მუნჯიან ძაღლებთან რომ კოტრილობდა შუალამისას.

იმას ვამბობდი, თავიდან როგორ იყო-მეთქი, ნეი და მარკუსი როგორ გავიცანით: ვიჯექით მე და ალექსი, მე კარუსელის მულამი მქონდა, მაგრამ მეტროს ფული აღარ გვრჩებოდა და ბოლოს აქვე გადავწყვიტეთ გათენება. სკამები აქაცაა, თან ღამე თბილა ამ პადზემკაში. ადრე რამდენჯერ ჩამომივლია, ზაფხულში საერთოდ გრილა მიწისქვეშებში და მაშინ რას წარმოვიდგენდი, ღამე ასე თუ ეთბილებოდა, თითქოს ვიღაცამ გამათბობლები ჩართოო. გამვლელები ათასში ერთხელ თუ გამოჩნდებიან: მეტროდან ამოსული შეგვიანებული მოქალაქეები, სანოვაგით დატვირთული ჩანთებით შინ რომ მიიჩქარიან, ერთს გადმოგვხედავენ ზიზლით ან შიშით და სწრაფად ჩაგვივლიან წინ. ჩვენ გარდა, ჩვენნაირების გარდა არავის უყვარს მიწისქვეშა გადასასვლელი ღამით, მე და ალეს კი ეს გვიყვარს განსაკუთრებით, რომელიც თავის დროზე უეჭველი ყოფილმა ბომჟმა დააპროექტა და ალაგ-ალაგ ნიშებში მერხებიც ჩააყოლა წამოსანოლად. ორის მერე შუქს აქრობენ, ელექტროენერგიას ზოგავენ ალბათ და მაშინ არის ყველაზე ნაღდი: კუნაპეტ ბნელში მყუდროდ რომ წევხარ პარალონზე, საიდანაც ჩხრიალის თუ ფხაკუნის ხმები გესმის

და კიდეც რაღაც იდუმალი ექოები რომ დაქრინ წინ და უკან... ამ დროს ვიგონებთ ყველაზე მაგარ თემებს გიტარაზე და ტუჩის გარმონზე მე და ალექსა. სუნს და ნაგავს კი არა უშავს, მაინც ყველგან ნაგავია, შეჩვეულები ვართ.

ჰოდა, ვზივართ და გამოჩნდნენ მაღალი, თავგადაპარსული გოგო და დაბალი, ჩხირივით ბავშვი, ჩვენზე უფროსი რომ აღმოჩნდა მერე. ბიჭს უცხოპლანეტელივით დიდი თვალები ჰქონდა და თავისხელა გიტარის ფუტლიანი მოეგლო ზურგზე, მაგრამ არ ჰგავდა არაფრით გიტარის კაცს. ჩვენდა გასაკვირად, წინ გაგვიჩერდნენ და გვისმენდნენ.

ალექსანდერმა სიგარეტი თხოვა ბიჭს, თუმცა ღამის სამყოფი და არაყზე დასაყოლებელი რამდენიმე ღერი გვქონდა ორივეს. ბიჭი არც განძრეულა და გოგომ გააძრო ზურგჩანთიდან ქემელის კოლოფი, კარგა ბლომად ამოიღო და ჩვენ წინ, ფულის მოსაგროვებელ ყუთში ჩაყარა. მე რომ მომწონს, ზუსტად ისეთი გოგო იყო: გამხდარი, პატარა მკერდით და ოდნავ მკაცრი სახით. ის ბიჭი კიდეც არ მომეწონა საერთოდ, ისიც კი ვიფიქრე, ეგ გიტარა რომ ალექსის გიტარად გადაიქცეს, ურიგო არ იქნებოდა-მეთქი, თან კაციშვილი არ იყო ახლო-მახლო და ბიჭსაც ზედ ეტყობოდა, რომ არ დაინყებდა ბევრ ლაი-ლაის. მოკლედ, გოგო მომეწონა ძალიან და მთვრალიც ვიყავი, თორემ სულ არ ვარ ეგეთი ტიპი. შემშურდა და ზედაც ეტყობოდათ ორივეს, ერთად რომ იყვნენ – ხელიხელჩაკიდებულები. ალექსმა კი, ვითომ არაფერი, ამოიღო ჯიბიდან სხვადასხვა ჯურის ღერებით ნახევრად სავსე სიგარეტის კოლოფი და გოგოს მოცემულიც შიგ ჩაყარა, ერთსაც გაუკიდა და ისევ გიტარას დაუნყო ჩალიჩი. გოგოს გაეცინა, ჩანთიდან კიდეც ორი ღერი ამოიღო, ერთს თვითონ მოუკიდა, მეორე თავის ბიჭს მისცა. ბიჭს არ მოუკიდებია. გვიყურებდა და სიგარეტს ატრიალებდა თითებში.

უცებ გვეუბნება:

– ბიჭებო, ცოტა ხანს რომ თქვენთან ერთად დავუკრა, შეიძლება?

ხმაც ბავშვის ჰქონდა.

ალექსს გადავხედე.

– ბასია? – ვკითხე მერე ბიჭს.

ბასიგიტარა კი დაგვხატავდა, რაც მართალია, მართალია, მაგრამ ჩვენი მინი ხმის გამაძლიერებელი და აკუმულატორი უკვე მესემიჩკე სურენას სარდაფში გვქონდა შენახული.

ალექსი ისევ თავის გიტარას უჩხიკინებდა. ჩემზე უფრო გაგლეჯილი მთვრალი იყო.

ბიჭმა ფუტლიარი ძირს დადო და თვითონაც იქვე მოირთხა ფეხი. მერე ფრთხილად გახსნა და გიტარის ნაცვლად პრიალა ფლეიტა ამოიღო.

ყბა ჩამომივარდა.

– მარტო ეგ გაქვს? – თან ფუტლიარში ჩავიხედე. ცარიელი იყო, ტიპს ფლეიტა დაჰქონდა ამხელა შალითით. მოკლედ, ორი ვერსიაა: ან მამალი გიჟია, ან რა ვიცი, შეიძლება უბრა-

ლოდ ეგეთი ხოში აქვს, ასე უნდა... საერთოდ, შიგნაკრავ, ანუ, როგორც იქითკენ იტყვიან, არაპროგნოზირებად ხალხს დიდ პატივს ვცემ, ოღონდ ნაღდებს: რამდენია ისეთი, ყველაფერს რომ იკისრებს, შიგნაკრავად, განსაკუთრებულად რომ მოგაჩვენოს თავი. ფლეიტის პატრონის მიმართ პატივისცემისმაგვარი რალაც ვიგრძენი და მივხვდი, – გოგოს ამბავი იყო, თორემ თავიდანვე მომეწონა, ეგეთი, როგორც იყო – ბავშვივით თვალბადაჭყეტილი და მორიდებული, ჩვენი მომავალი ძმა და მეგობარი მარკუსი, რომელსაც სპიდი ჰქონდა მაშინ უკვე.

ალექსმა თავი ასწია, ამღვრეული თვალები შეავლო ფლეიტას და უაზროდ წაიბურტყუნა: – გავეკარი პაპსავიკებს...

ბიჭი განითლდა.

– მთვრალია, – ვთქვი მე.

– ეტყობა, – გოგოც ბიჭის გვერდით ჩაცუტქდა და ასეც ბიჭზე მაღალი ჩანდა, – რა მუსიკას უკრავთ, ბიჭებო?

– რა ვიცი, რასაც წამოიღებს, იმას ვუკრავთ... შენც უკრავ?

– ცოტას. ისე ვხატავ, – გოგომ ახალ ღერს მოუკიდა და თქვა:

– ეს მარკუსია, მე – ნეა, – მერე ბიჭს შეხედა და დაამატა: – ერთად ვართ.

მაგრად უყვარდა, ზედ ეტყობოდა.

მე ალექსს ნავეკარი მხარი:

– ეს ალექსანდერია, მე – ჯიო და ჩვენც ერთად ვართ, – თან გავიფიქრე, ახლა ამას გეები არ ვეგონოთ-მეთქი, თუმცა ისეთი მასტი ჩანდა, გვეკითხავდა კიდეც, რომ ჰგონებოდა. მაგარი გოგო იყო, იყო რა – არის ნეი, თან გადაპარსული თავიც უხდებოდა ოხერს.

ამასობაში მარკუსი ჩუმად იჯდა და თავის ფლეიტას ათვალეირებდა.

– აღარ დავეუკრათ? – გვეკითხა ბოლოს მოუთმენლად.

ფლეიტას აქ ერთი ბებერი უბერავდა დილაობით და არ მიყვარდა ეს ხმა მიწისქვეშაში, არ უხდებოდა რალაცნაირად, უაზრო ხასიათი მოჰქონდა. საერთოდ, აკუსტიკა და ექოები არ მომწონს ფლეიტაზე. სადმე ქუჩაში, ხმაურში და აურზაურში ძლივს რომ მოისმის ხოლმე, უფრო მევასება.

– მიდი და აგაყოლებ, – ვუთხარი უხალისოდ და ტუჩის გარმონი გავინმინდე სახელოზე.

– რას უკრავ, რა ნოტა ავილო? – მარკუსმა ფლეიტა მოიმარჯვა.

– დროზე აიღე ნოტი, სანამ მოგახტა ენოტი, – ამოღერლა ალემ და გემოზე დაასლოკინა.

მარკუსს ისევ წაუვიდა ფერი, კინალამ შეინახა თავის ფლეიტა.

– დაუკარი, გეხვენები, – ისეთი ხმით უთხრა ნეამ, მე რომ იმის ადგილას ვყოფილიყავი, ზურნაზეც დავეუკრავდი ათასი წელი.

და შეიყვანა მარკუსმა და მეც ჩემი ორსართულიანი „ჰოპნერი“ შევუშვი, მაგრამ ჩავებრე თუ არა, არყის თუ შიმშილის გამო უცებ თავბ-

რუ დამეხვა და შევინახე ისევ. მარკუსს კიდეც ეტყობოდა, რომ მაგრად უსწორდებოდა, ოღონდ დაეკრა და ფეხებზე ეკიდა, წინ რას ააყოლებდა, ვერ გაიგებდა სხვა ხმას მაინც; წამოდგა და რალაც იდენინი იმპროვიზაციებით ისე ააზრიალა მთელი მიწისქვეშა გადასასვლელი, ალექსანდერიც კი გამოაფხიზლა. ვიჯექით ყველა და შევყურებდით.

– როგორი იყო? – გვეკითხა ბოლოს აქოშინებულმა და ყურებამდე გაღიმებულმა, თან ჩვენ გვერდით მოირთხა ფეხი.

– სალოლ, – უთხრა ალემ და გიტარის ფუტლიარში სიგარეტის ღერი ჩაუგდო.

და ღამე ყველას ერთად გვეძინა. მიწისქვეშაში.

იმ დღეს კი სარეპეტიციოში ვეყარეთ მე, ალემ და ერთ უნიჭო ბასისტი, წინა საღამოს რომ ვიპოვეთ სკვერში. ამ სკვერში, ვილაცხემისას ძეგლთან იკრიბებოდნენ ხოლმე საღამოობით ლანირაკი – ჯერეთ დილეთანტი გოთები, პანკები თუ სხვა ჯურის ლამაზი და უზრდელი გოგოები, საღამოს მშობლებს რომ ატყუებდნენ, დაქალთან ვრჩებით, ერთად უნდა ვიმეცადინოთ და მერე ნებისმიერ გიტარიან და საყურიან კლიენტთან ჟიმაობდნენ ღამეული ქალაქის კუთხე-კუნჭულებში, რის შემდეგაც, წესისამებრ, ამ ტიპების მეტსახელებს ამოისერავდნენ სადმე ბრიტვიტ, ნასერებს ერთმანეთს ატოლებდნენ და უხაროდათ. გიტარიანი ტიპებიც, შესაბამისად, ხშირად ეტანებოდნენ ამ სკვერს. ერთი დარეხვილი კლიენტი ვიცოდი, მუნუკების გასაქრობად მაგარი რალაც მოიფიქრა: ახალთახალი „ფენდერის“ გიტარა დაითრია თავისი შალითით, ღამღამობით გაიკეთებდა ყურზე მავთულის საყურეს, მოიგდებდა ზურგზე გიტარას, გამოდიოდა აქეთ და ერთორ სულელს წამოიცვამდა ხოლმე მართლაც, მაგრამ მერე, ძალიან რომ გალალდა და მუნუკებიც გაუქრა, გაუგო ვილაცამ და მაგრად ძუყენეს; თვითონ გოგოებმა ცემეს, სულ ლუდის ბოთლები აფშვხენეს თავზე. დაკვრა მაინც ესწავლა კრეტინს... ამ ჯურის გოგოებისთვის, ჩვენ, ასე თუ ისე სტაჟიანი პანკები – თუმცა მე და ალექსა სულაც არ ვთვლიდით თავს პანკებად – ვიყავით თეთრ რაშზე ამხედრებული პრინციები, ანდერგრაუნდის ლოთი მხედრები და ყველაზე ეგზოტიკური მასალა მასტურბაციისათვის და მე და ალემც, სარეპეტიციოს ქირის ფულს რომ ვერ ვშოულობდით, ჯანდაბას, ვხდებოდით ხანდახან მათი გულისთვის პანკები და დოზანები... თან პრაქტიკულადაც მოსახერხებელი იყო: არც დაბანა-გაპარსვა და გამოწყობა გჭირდებოდა, არც ფული ჯიბეში პაემანისთვის, როგორც იქ მჭირდებოდა, წინა ცხოვრებაში – სწორედ რომ პირიქით, და სარეპეტიციოს ქირასაც სიამოვნებით იხდიდნენ ხოლმე... იქ კი წითელი შუქი ენთო და მთელი მულამი იყო, ტომაზინოს – სარეპეტიციოს

პატრონის შავ ელექტროგიტარას რომ ხერხავდი „კენჭუდის“ ხმის გამაძლიერებლის ბოლო ხმაზე, ტრეშეფექტით და მაგარი მოწეული და გარშემო, – სიგარეტის თუ მარიხუანის ბუღში არამინიერი არსებებებით ილანდებოდნენ ვილაცა ხურუშიანი ნაშები...

მოკლედ, უფულოდ ვართ, ჩავდივართ სკვერში და ვხედავთ, ვილაცა გდია ძეგლთან მკვდარივით და ბიჭბუჭები ზედ ესევინან, ჯიბეებს უჩითავენ. ბიჭბუჭობა გავყარეთ და შევავალიერეთ. ეგდო თავისთვის და ყარდა არყის სუნად, ალექსი კი ხანდახან დედა ტერეზა ხდება ხოლმე და ახლაც კარგი მოქნეული სილა შემოჰკრა, თუმცა თვალი მაინც ვერ გაახელინა და სკამზე აათრია. ჩვენხელა ჩანდა, ტყავის შარვალი ეცვა და კისერზე რაღაც სულელური სვირინგი ჰქონდა, ჰოროსკოპის ნიშანი თუ რაღაც ეგეთი. მე სულ მეკიდა ეს ტიპი, თან უამრავი გვინახავს ორივეს ამ დღეში, ერთმანეთის ჩათვლით, მაგრამ ალექსმა აიტყხა – ახლა ამას მივხედოთ და ნაშები მერეო და ბოლოს წავიღეთ იქვე, ტომასას სარეპეტიციოში. მამოს კლუბი შორს იყო, თორემ კი მიხედავდა ამას მამაო. სარეპეტიციო დაკავებული დაგვხვდა, ნაცნობები უკრავდნენ და უპრობლემოდ შევედით. გაუხარდათ კიდეც: დრამერი ყავდათ ცუდად, მე კი, თუ გაჭირდებოდა ცოტაცოტას დრამსაც ვუკაკუნებდი და გიტარაზეც შემეძლო ერთი-ორი აკორდის აღება, ალექსმა მასწავლა. საერთოდ, ნაღდი დრამერი აქეთ დიდი იშვიათობაა და ხანდახან რამდენიმე ჯგუფს ერთი დრამერი გვყავდა რიგრიგობით. მამაოც გვეშველებოდა ზოგჯერ ბიჭებს, როცა მაგის კლუბში გვქონდა გამოსვლა. ვინც დაგვხვდა, ეს ბიჭები მძიმე მეტალს უკრავდნენ, მსმენელიც ბლომად ჰყავდათ და რეპეტიციის ქირაზეც არ უწევდათ ჩალიჩი: გამოაკრავდნენ განცხადებას სარეპეტიციოს კარზე, შემსვლელებს ცოტა ფულს ახდევინებდნენ და ეგ იყო; ერთი ოცდაათი კაცი კი ეტეოდა შიგნით, ფული დასალევზეც რჩებოდათ მერე და დროდადრო ჩვენი ქირის ვალსაც ისტუმრებდნენ ხოლმე. იტოგში, არ იყვნენ უცხოები. რას ვამბობდი: შევედით მე და ალექსა, ჩვენი ბარგიც შევათრიეთ და მიხედვ-მოხედვა ვერ მოვასწარით, რომ უცებ კუთხიდან ორი-სამი კაცი წამოხტა, ჩვენს მთვრალს მივარდნენ, იქვე დივანზე წამოაგორეს და გახდა დაუნყეს სწრაფად, გაჭირვებული მამათმავლებით, თან რაღაცას ღრიალებენ გახარებულები... მე და ალექსანდერი კი დაგვტოვეს პირლია, განძრევაც ვერ მოვასწარით და მერე ბიჭებმა აგვისხნეს: მეორე დღეს რომ მეტალისტების ტუსოვკა ტარდებოდა, გაუგიათ საიდანღაც და აკრეფილა თურმე, რაღაც ქალაქის თუ დაბის სახელი თქვეს – იქაური ხუთი-ექვსი სული როკერი, შეაჯდნენ მატარებელს და წამოვიდნენ აქეთ. მატარებელში დაულევიათ მაგრად და ეს ერთი – მე და ალექსამ რომ გავაძრეთ, დაუკარგიათ სადღაც. რომ ვეღარ იპოვეს, დაადეს თავი და ტომაზინიოს სარეპეტიციოში მოვიდ-

ნენ, ნამყოფი იყო აქ ადრე რომელიღაც. მჯდარან ასე ტომაზინიოსთან და, გაღმა როგორც იტყვიან – დანა კბილს არ უხსნიდათ, თავიანთ ძმაკაცზე დარდობდნენ... და რატომ არ გლოვობდნენ და მოთქვამდნენ, იმიტომ რომ ამ ჩვენის მთვრალს მთელი ამათი სარჩო და საგზალი, ოციოდე პაპიროსი მარიხუანა ჰქონია დამალული და ფილტვმა უგრძნო ეტყობა ალექსას, თორემ რაც ჩვენ ეგრე გათხლეშილი ხალხი გვინახია და არც არაფერი, ჩაგვივლია.

მოკლედ, სამ-ოთხ საათზე გაგვეღვიძა სარეპეტიციოში. ერთი ეს ტიპი ეგდო გუშინდელივით, მე და ალექსმა რომ ვიპოვეთ და დრამის ქვეშ თავად ტომასა ხვრინავდა, სარეპეტიციოს პატრონი. გაკრეფილიყვნენ დანარჩენები. სხვათა შორის, ნუხელ ეს ჩემისა ერთი გამოფხიზლება კი გამოფხიზლდა და სულ მუშტები ირტყა გულზე – ჩემზე მაგარი ბასგიტარისტისო, მაგრამ გიტარა დაიჭირა და ეგრევე შეეტყო რისი დამკვრელიც იყო, მერე ერთი ტარიანი მარტომ მოსწია – პახმელიაზე გამოყავსო და მოკვდა ისევ და მაგისმა ძმაკაცებმაც – ეგრე არისო სულ, ბასზე კი მართლა უკრავსო.

საიდ-მეტალისტების ტუსოვკაზე ნამყოფი ვიყავი რამდენჯერმე და იქ შეკრებილ სატანისტებზე, გოთებზე თუ ვილაცა სადომაზოხისტებზე მეტად მაგათი მუსიკა მატკივებდა თავს, მაგრამ ალექსმა გაახურა – ალინაც იქნებაო და წავიდეთ-მეთქი. სადაც ახლა მივდიოდით, სწორედ იქ ნახა პირველად ალინა და დაერხა კიდევაც.

ალინა კი იყო გაურკვეველი სექსუალური ორიენტაციის, მსოფლმხედველობის და ეროვნების არსება, ყველგან და ყველანაირი ფორმით რომ გადაეყრებოდი – დღეს თუ მეტროს ხიდის ქვეშ იჯდა დახეული ჯინსებით და ერთი წლის დაუბანელ ლესბიანკებთან და პანკებთან ერთად ტრიგანს ყლაპავდა და ზედ სპირტს აყოლებდა, მეორე დღეს რომელიმე ფეშენ-რესტორნიდან გამოსულს ნახავდი, მავან ჰალსტუხოსან ძიაკაცთან ერთად და თავადაც სოლიდურად გაზმანულს. ეს ჩემის ალინა ყველგან თან დაათრევდა თავის დას, ექვსიოდე წლის ლადას, ნესტოზე საყურე რომ ჰქონდა და მხარზე – ეტყობა უფრო ადრე გაკეთებული, სხეულის ზრდისაგან დეფორმირებული სვირინგი – ეკლიან მავთულშემოხვეული ბუმბული. ალინას მარიხუანა უყვარდა, ლადას კიდეც ნებო, რომელსაც ნეპოს ეძახდა და ერთხელ ნებოს პრისოდში გვითხრა: რუსაკები ვართ მე და ჩემი დაო, სულ თოვლია ჩვენკენ და პაპაჩემი და დათვები ერთად თევზაობენ მდინარეზე გაზაფხულობითო – პაპაჩემი აქეთა ნაპირზე, დათვები გაღმა და ჩემი თვალთ მატქს ამბავი ნანახიო. დათვებისა არ ვიცი, მაგრამ ლადას და, ალინა, გარეკვამდე უყვარდა ალექსანდერს – ჩემს ძმას და დიდ გიტარისტს.

გაცნობისთანავე, მაგრად რომ დავთვერით მე და ალექსა, მომიყვა მაგ ამბავს, მეც ჩემი ვუთხარი და მერე კარგა ხანს თვალს ვარი-

დებდით ერთმანეთს, იმიტომ რომ ვერ ვიტან სირულ გულს გადაფურჩქვინებს და ალექსიც ჩემსავით ყოფილა. მაშინ მომიყვა: დაუპატიჟებია ერთხელ რაშიდას თავისთან – მე არ ვიცნობდი რაშიდას მაშინ – გოგო გაუცნია და ამ გოგოსთვის უთქვამს, – ალექსააო ეს, ჩვენიანი კაცი და აიყვანე ოთახში და პატივი ეცი შენებურადო. ალექსანდერს კი მოეწონა ის გოგო მაგრად, თან პუტანკურ ამბავში კი არა – ნაღდად მოეწონა და ერთი საათი მიმტკიცებდა, – იმასაც დავევასე, ისე მიყურებდაო. იმ გოგომ, ალინამ, უყურა ერთხანს გაბურძგნილ ალექსას და მერე ოთახის ნაცვლად სადღაც ბნელ ჩუღანში შეიყვანა... და მჯდარან ასე ჩუმად, არც სექსი და არც არაფერი, მაგრამ ასე კარგად ჯერ გოგოს გვერდით არ ვყოფილვარ, ხომ გესმის, ჯიო, ძმურადო, – მიხსნიდა ალექსა და თავიდან მეგონა, რაღაც პარნუხას მოყვებოდა, გამიტყდა და ალესაც ეგრე უფიქრია თურმე იმ ბნელ ალაგას – ახლა პარნუხა თუ არ ავტეხე, ქინძი ან პიდრილა არ ვეგონოო და მანდ დარხვეია კიდევაც, რადგან ასეთ ჟამს ფიქრი ყველაზე მურტალი ამბავია ოდითგანვე: ამ დროს რაც წამოიღებს, ის უნდა შეიყვანო ეგრევე, თუ არაფერმა წამოიღო და – დაიკიდო ზედ, დაიხურო ქუდი და წახვიდე შენს გზაზე. ალექსანდერს კი დაუნყია ძალად ხელის ფათური და ალინას უთქვამს: არ გინდაო, ალექს, ასე რომ ვზივართ, მე და შენ რომ ვზივართ, ეგ უფრო მისწორდებაო, თან ხელი ჩაუკიდია ბავშვივით. მჯდარან ასე იმ ბნელ სარდაფში, რაშიდას სახლის ღრიანცელებს უსმენდნენ და ალექსაც ბოლოს ყურებამდე შეყვარებული გამოვიდა იქიდან. მიყვებოდა ამას ალექსანდერი და მეც, ჩემდათავად და სოლიდარობის ნიშნად, – ვითომ შენი კარგად მესმის-მეთქი, – მოვუყევი რაღაც უაზრობას, ჩემს კურსელ მარისთან რომ ბობოქარი სექსი მქონდა ერთხელ, ოღონდ მესენჯერში – მაგარი იყო და შენ არ ინალვლო, ხანდახან ესეთი სირობებიც უსწორდება-მეთქი კაცს... მოკლედ, ძალიან მთვრალი ვიყავი, თან ალესავით ღრმად შეყვარებულიც არ ვყოფილვარ არასდროს – სულ ვერ გავუგე ალექსანდერს და მახსოვს, მაშინ რატომღაც ისიც მივაყოლე გულაჩუყებულმა: – მეტრო რომ მიდის – ეგ ხმა, ბორბლების ხმა მიყვარს-მეთქი მაგრად.

როგორც წესი, აქ, ჩვენთან, არავინ არაფერს გეკითხება და არც არავის აინტერესებს, სანამ აქ მოხვდებოდი, ვინ იყავი და რას აკეთებდი. ერთმანეთის ნამდვილი სახელებიც კი არ ვიცოდით, გვარზე და წარმომავლობაზე რომ არაფერი ვთქვათ. უმრავლესობა, ვისაც რა გაუსწორდებოდა იმას ირქმევდა, მანდ მთავრდებოდა ყველაფერი და მერე შემთხვევით თუ გაიგებდი რამეს, ან თვითონ გეტყოდა, თუ მოუნდებოდა. მოკლედ, აქამდე ვინ იყავი და რა ხდებოდა შენს თავს, რაღაცნაირად, არ იყო მნიშვნელოვანი აქ. სიზმარს რომ მოუყევი კაცს, ცოტას გაერთობი და ორ წუთში აღარც

გემახსოვრება – ასე იყო. მარკუსზე, მაგალითად, მარტო ის ვიცოდი, კონსერვატორში რომ სწავლობდა და სპიდი ჰქონდა. რომელიც სულ უბრალოდ, სადღაც საავადმყოფოში თუ პოლიკლინიკაში აიკიდა ბინძური შპრიცით, მაგრამ მარკუსიც და ჩვენც ისე ვიყავით, თითქოს არაფერიც არ სჭირდა და რომელ ცხოვრებაშიც აიკიდა, იქვე დატოვა თავისი სპიდი, ცუდი სიზმარივით... და უმრავლესობაც მარკუსივით ვიყავით პრინციპში: ყველამ სადღაც ჩვენ-ჩვენი სპიდი ავიკიდეთ, ან გვჭირდა დიდი ხანია, მივხვდით ამას და ალბათ ამიტომაც მოვედით აქ... ისეთებიც ბევრი არიან, ლამის აქ რომ დაიბადნენ და აქვე მიაკვდებიან სადმე ბოთლს ან შპრიცს; სხვა ცხოვრების აზრზეც არ არიან და არც აინტერესებთ, ბოლომდე აქ არიან. ზოგისთვის კი ალბათ ეტაპივითაა ეს ყველაფერი და ხანდახან ვფიქრობ ხოლმე: უკვე მესამე წელია ასე ვარ, ალექსიც ერთი-ორი კვირის მოსული იყო მე რომ გავიცანი, და ხანდახან ვფიქრობ და სიმართლე ვთქვა, ცოტა ვფრთხები კიდევ: იქნებ ერთხელ ეს ყველაფერიც ისე ამომივიდეს ყელში, როგორც იქ ამომივიდა და აქაც აქაური სპიდი დამემართოს – მერესად ჯანდაბაში წავიდე-მეთქი. ან შეიძლება მერე კიდევ გამოჩნდეს სხვა რაღაც, სხვა სამყარო, მანამდე რომ ვერც წარმოვიდგენდი ისეთი, როგორც ეს გამოჩნდა, სადაც ახლა ვცხოვრობ... მარკუსს კი მართლა სპიდი აქვს. საავადმყოფოში აიკიდა ბინძური შპრიცით.

ალექსის სპიდი უალექსოდაც ვიცოდი, ან მარტო მე კი არა – მთელმა ქალაქმა იცოდა მაგათი ამბავი: ალექსის სპიდი მისი ოჯახი იყო, დენტის გამოგონების დღიდან განგსტერული ხაზით რომ წამოვიდა და ალექსის პაპა და მერე მამაც იყვნენ გავლენიანი კრიმინალური ავტორიტეტები, თავისი სროლებით, ზონებით და ბიზნესში წილებით და თვითონ ალესაც ერთი-ორი საფეხურილა ჰქონდა დარჩენილი იმ ადგილამდე, მაგათ იერარქიაში უმაღლესად რომ ითვლება, როდესაც თავისი სპიდის ამბავს მიხვდა; მოკიდა ხელი გადამალულ გიტარას, რომელზეც ბავშვობიდან უკრავდა და მამამისმა ერთი-ორჯერ, სიმთვრალეში თუ კაიფში კედელზეც მიუმსხვრია და სანაცვლოდ სპეცშეკვეთით დამზადებული, თავიანთი საგვარეულოს საფირმო იარაღი – „ჩეზე“ აჩუქა, ვერცერთი აეროპორტის რენტგენი რომ ვერ შიფრავდა... ჰოდა, აილო გიტარა ალექსამ, დამტვრეული ჩეზე მამამისის ოთახში დაყარა, მერე დაჰკრა ფეხი და აქ მოვიდა, მამაოსთან. მამაო კიდევ დარაჯივით იყო: აქ მომსვლელებს, ვისაც საჭიროდ ჩათვლიდა ერთმანეთს რომ აცნობდა და თავ-თავიანთ ადგილებზე ანაწილებდა. სწორედ მამაომ გამაცნო ალექსანდერი და ნეა და მარკუსიც მამაოს გამოუშვია ჩვენთან. ისე მამაოს გარეშეც ბევრი დაყი-ალეებს აქ თავისთვის. ზოგმა ჩვენსავით რაღაც ისეთი იპოვა, რაც იქ აკლდა და კარგადაა და მოსწონს ეს ყველაფერი, ზოგიც ვერ იტანს აქაურობას, მაგრამ აღარ აქვს სხვა გზა... ასე-

თები ვერც ჩვენ გვიტანენ და ვერც ერთმანეთს; აქ თუ სადმე ჩხუბი და დანის ტრიალი ატყდა, ან ისინი არიან, ან გოგოები. ჩვენთანებიდან დროდადრო ვინმე მთვრალი პანკი თუ დაიმტვრევს ხოლმე თავზე ბოთლს და ეგაა.

რაშიდა კი იყო სრულიად დედაქალაქის გოთების თუ სატანისტების თუ სადომაზონისტების, მოკლედ, ერთი ყვერიდან გამოსული ხალხის მთავარი და მასურებელი, ოხრად ფული რომ ჰქონდა, მოეპოვებოდა ყველაზე ძნელად საშოვნელი ნარკოტიკები და უმაგრესი ქალები, რომელთა მეშვეობითაც ისე ჰყავდა დასირებული თავისიანები – ერთხელ ჩემი თვალითა ვნახე, ხელზე როგორ კოცნიდნენ მღვდელივით. სინამდვილეში კი ერთი ჩათლახი ოპერატორი იყო რაშიდა, მთელი დღეები რალაც სირი ტელევიზიის ლოგოიან კამერას დაარბენინებდა აღმა-დაღმა და ამ დროს ისეთი უწყინარი და სანდო იერი ჰქონდა, ლოყაზე ჩქმეტა მოგინდებოდა კაცს.

ჰოდა, ამ რაშიდას ჰქონდა თუ ქირაობდა, რა ვიცი მე, იტოგში წელიწადში რამდენჯერმე ქალაქარეთ ჩითავდა დიდ, გალავნიან სახლს, რომლის პირველი, მინისქვეშა სართული – ერთი დიდი ოთახი თუ დარბაზი, გამოტენილი იყო მუთაქებით და პუფებით, უშველებელი დინამიკებით და ჭერზე დამონტაჟებული კამერებით და კედელთან მიმდგარ მაგიდაზე, შვედურ ამბავში, ყოველთვის ბლომად ეყარა ჯიზპატის კალიკები – ექსტაზის ნაირსახეობაა ეგ და, სახელწოდებიდან გამომდინარე, ბევრ სხვა სიკეთესთან ერთად ვიაგრის ეფექტიც აბადია, – გასახმოზი მწვანილივით გაშლილი მარისუანა და ძვირიანი დასალევით სავსე ყუთები, და ამ ყველაფერს აფერადებდა ნეონის განათება, სიტუაციის და რაშიდას სურვილისდა მიხედვით – სხვადასხვა ფერებში. მოკლედ, კამერები და ეს კრეტიწული მუსიკა რომ არა, კი გაერთობოდა კაცი გემოზე, თან, რაც მთავარია, მთელ სახლში ზევით-ქვევით მოძრაობდნენ რაშიდას ქალები: ისეთი ქალები, რომლებზე დანძრევაც არ უოცნებია ბევრს, არათუ გაჟიშვა და ამ ხელებდაცვეთილ ლანირაკებსაც მეტი რა უნდოდათ, – ხელზე კი არა, რატომ ტრაკზე არ კოცნიდნენ რაშიდას.

ზემოთ კი ოთახებიც იყო და ავეჯიც, არც კამერები ეყენა და აქ შეიძლებოდა გადაჰყროდი უფრო სერიოზულ ნარკოტიკებს და ჰალსტუხმომშვებულ ძიაკაცებს, დღისით ენამამულზე თუ სარწმუნოებაზე რომ ღრიალებდნენ ეკრანებიდან და სრულიად ქვეყნის გამოქლიავებული მოსახლეობის გულებს ათრთოლებდნენ ეროვნულ ამბავში, საღამოს კი რაშიდას სახლში, მავან დაბოლილ თინეიჯერს მიათრევდნენ ოთახში, სულ ერთია ბიჭს თუ გოგოს, და უბლაგუნებდნენ გემოზე.

ბასისტი იქვე დავტოვეთ და ალექსანდერი მეკითხება, – ნვერი რომ გავიპარსო, თუ მომიხდება ნეტაო. მერე ტომასას სახლში შევიდა, იქიდან მართლა ნვერგაპარსული გამოვიდა და ახლა იმაზე გამიხურა, ნიკაპი ხომ

არ გამომიჩნდაო გრძელი. მე რა უნდა მეთქვა, ნეი მარკუსის ქალი იყო და ჩემდათავად სულ ფეხებზე მეკიდა, დაუბანელი რომ ვიყავი და ნვერგაუპარსავი, ყოველ შემთხვევაში, ვცდილობდი დამეკიდა. ორი დღეა არცერთი მენახა და უკვე მენატრებოდა ნეი... და მარკუსიც რომ მენატრებოდა, ეგ ჩათლახი ეგა. ერთხელ ნავიყვანეთ რაშიდასთან და ვერ იტანდნენ რაშიდას და იმ სახლს: მაშინ ნეის ვილაც მთვრალი გოთი აეკიდა, ნეიმ აგინა, მარკუსი, როგორც ყოველთვის, განითლდა და მე და ალექსანდერს კინალამ შემოგვაკვდა ცემაში ის ტიპი, მთვრალი იყო და მაგიტომ გადარჩა. არადა, ეგ საწყალი რა შუაში იყო – ერთმანეთის ქალებს რაშიდას სახლში ისე ატრიალებდნენ ნალმა-უკულმა, როგორც არაფერი და პრინციპში მეც მისარგებლია ამ ამბით რამდენჯერმე და ცემა კი არა, ერთი აქეთ მეკითხებოდა მერე, ჩემს ქალს ხომ მაგარი მოჭერა აქვსო... მაგრამ ნეი ნეი იყო და მივქარეთ საერთოდ, მანდ რომ ნავიყვანეთ. რაშიდასაც გაუტყდა მაშინ: პირდაპირ გვითხრა, შარი არ მჭირდებაო აქ – თუ ერთობით, გაერთეთ, თუ არადა პლეტიო. რაშიდას ალინა ჰყავდა, ალინა კიდევე ალეს უყვარდა და მიხვდა მაგას რაშიდა, იმასაც მიხვდა, რომ ალექსი ათასი წელი არ იტყოდა, პუტანკა მიყვარსო, თან რაშიდას პუტანკა – ეგეთი ტიპი იყო და რომც ეთქვა, ვინმე თავისიანი იქითა ცხოვრებიდან მოძებნიდა და მიჩხავდა ალექსას; ისედაც ველარ იტანდნენ უკვე, ახლა დაჭრით თუ არა, გაძუყნიდნენ მაინც უეჭველი და ეს ყველაფერი რომ მოწვა რაშიდამ, მაგიტომაც გაუშინაურდა ალექსანდერს, თორემ ადრე – პლეტიო, ვერ გვეტყოდა ასი წელი, იცოდა ალექსის გალმურ-შავური ამბავი და ეშინოდა და გვეტენებოდა ყოველთვის.

ნეი და მარკუსი კი ამალამ ალბათ ჩვენს კარუსელზე გაათენებენ, დალევენ, ძაღლებს ეთამაშებიან და შეიძლება მეც მოვენატრო... შეიძლება ნეის და მარკოს მე და ალექს მოვენატროთ ღამე, რომ დათვრებიან. უთავო მხედარიც თავის პოსტზე დადგება, მთვარე თუ იქნა, მთვარის შუქზე და უცებ მეც იქ მომიწდა ყოფნა და გავბრაზდი ალექსზე და იმ ბოზ ალინაზე, მაგრამ ალექს მარკოზე და ნეიზე მაგრად მიყვარდა და ვუთხარი:

– არ უნდა გაგეპარსა, ნიკაპი სირივით გამოგენია, ბრატ.

აქ რაც უფრო შეუმჩნეველად ამოხვალ, უკეთესია და მანქანის შემოყენებაც შარია. მე და ალექსმაც გადავუხვიეთ ტრასიდან და ტყეში შევედით, ათიოდე წუთი ასე ვიარეთ და მინდვრის პირას გავჩერდით, იქაურობა დავალივერეთ. რაშიდას სახლიც რაშიდასნაირი ტიპია; დგას თავისთვის მინდვრის ბოლოს მშვიდობიანი აგარაკივით, თეთრი და ჟალუზებიანი, იქითა მხრიდან ქალაქს გადაჰყურებს და აქედან რომ შეხედო, არც ისმის და არც ჩანს რა-

იმე, გეგონება არ არისო შიგნით კაციშვილი და ზედ რომ მიადგები, მარტო მაშინ გაიგებ ოდნავ ბასავიკების გუგუნს. გვიან ღამით თუ გამოფინებიან ხოლმე ეზოში და აივნებზე, როდესაც რაშიდა კარგად დარწმუნდება, რომ – თუ მომსვლელი იყო, ანტიქრისტე გამოჩნდებოდა აქამდეც...

ანტიქრისტეს კი იმიტომ ეძახდნენ ანტიქრისტეს, თვითონ რომ ღრიალებდა მაგას. კინოებში და წიგნებში ნაგიჟარი ფანატიკოსი და ანაფორიანი კლიენტები რომ არიან, ყველგან ეჩრებიან და ყველაფერს აფუჭებენ – ეგეთი იყო ზუსტად, ოღონდ ამასაც მარკოსავით ბავშვური, მრგვალი თვალები ჰქონდა და წითელი ლოყები, ასაკითაც განელე-გამონელე ოცდაათის თუ იქნებოდა. მოკლედ, ეგ ანაფორა რომ არა, ცული, თოხი და მაგისი ჯანი – ჰალალი სოფელი და იქვე სოფლის მღვდელი და ვინც მოყვებოდა – მოყოლით კი მთელი სოფელი აქ მოდებოდა ხოლმე, მართლა ცულები და თოხები ეჭირათ, ქალსაც და კაცსაც და ყველა ანტიქრისტეს, სატანის მოციქულს და რაღაც ეგეთებს გაყვიროდა, თან ჭიშკარს ეჩალიჩებოდნენ და რაც კი რამ დამპალი მოექვევბოდათ სოფელში, ყველაფერს რაშიდას სახლს უშენდნენ და გემოზე აფერადებდნენ. ერთხელ მძღნერებიც იყო ჭიშკარზე და წაუსვს თუ ეგრევე მიუშვს, რავიცი მე... იტოგში, არ იყო ცუდი ხალხი. საიდან იგებდნენ რაშიდას ამბავს, აზრზე არა ვარ, მაგრამ ხანდახან მოცვივდებოდნენ და იყვნენ ასე. მენტები კი რაშიდაზე მეტად სძულდათ; რაშიდას სულ ეკიდა ძალღობა, არ ვიცი ნაცნობობის თუ დიდი წილების გამო თუ საერთოდ არ იცოდნენ რაშიდას გრუჰავუხები და მაგისტვის არცა სცხელოდათ – უფრო დიდი ამბები ტრიალებდა ქვეყანაში და ერთი-ორჯერ რომ მოვარდნენ, მაშინაც ანტიქრისტეს და მაგისიანებს დაერივნენ, ამათ კიდევ მენტობასაც ანტიქრისტეები უძახეს, თოხებიც დააბზრიალეს და მაგარი სერი იქნებოდა, ჩვენ მაშინ იქ არ ვიყავით და ბიჭები გვიყვებოდნენ.

განწყობისათვის ცოტა მარიხუანა მოვნიეთ იქვე ხესთან, მერე კუილებივით გადავიპარეთ მინდორზე და ზარს მივაჭირე.

ცოტა ხანში მიკროფონში მოისმა კარგად ღრმად ჩამბალი ხმა:

– ალო!

პეტო იყო, რაშიდას დამქაში და მისი მოციქული ჭიშკრის მიდამოებში.

– ალო კი არა გააღე დროზე! – შეუძახა ალექსამ, თან აქეთ-იქით იხედება.

– რომ გავალო, ვინა ხარ რო?

ეგ ბოზიშვილი. არადა კამერით გვიყურებს. მაგრამ ახლა ამის გინებას რა აზრი აქვს, ღრმადაა უკვე.

– ბრატვა ვართ პეტროს, მე და ალექსი ვართ, – ვუთხარი მე.

– ჯიო ხარ? მერე რა ჭირს შენს ძმაკაცს, ალაფურშეტზე მოდის?

თან რომ გვეკაიფება.

– მე შენი დამსმელი! – განრისხდა ალექსანდერი, წვერგაპარსული და შეყვარებული გააღე-მეთქი, საქმე მაქვს რაშიდასთან.

– ეხლავე, ჰოუ, რა იყო! – აქ პეტოს, ეტყობა, ალეს წინა ცხოვრება გაახსენდა, ჭიშკარი გაჩხაკუნდა და შევედით.

ნარწყევით, ბიჩოკებით და ბოთლის ნამტვრევებით ოდნავ შევსებულ აუზთან, გულის ფორმა რომ ჰქონდა, დიპლომატისნომრებიანი ყვითელი ჯიპი ეყენა.

– ეგ რა არის, პეტროს? – ვკითხე ეზოში გამოსულ პეტოს.

– გუშინ ვიაიპი ტუსოვკა იყო და ვერ მოვასწარით ასუფთავება, – თქვა პეტომ და დააბოყინა.

– მანქანაზე გეუბნება, კვერცხო! – უთხრა ალექსამ.

პეტომ მანქანას შეხედა და ხელები მოიფშვინტა.

– ეგა? მაგას არ ვამბობ მერე, გუშინდელი ამბავია-მეთქი. შენ წელან გენახა რა მანქანა გავიდა, ჰეჰე...

– ანტიქრისტემ არ ჩაგიჯვათ მერე? – სახლი შევათვალიერე.

– სად მოასწრებდა, ღამის სამ საათზე შეგყვარა რაშიდამ; ვილაც უცხოელები ყავდა და პატივი ვცეთო. კაი ქალიც მოხსნა იმან, წელან რომ წავიდა, – პეტოს გაეცინა, – რაშიდამ კალიკი მისცა და მთელი ღამე სახლის გარშემო დარბოდა გორილასავით, თან ზურგზე ნაშა ჰყავდა მოკიდებული. დილით ჩააგდო მანქანაში და წაიყვანა თან... ალექს და, წვერი რა პონტში გაიპარსე ა? ნიკაპი იმასავით გამოგენია...

ალექსი ზედ მიადგა:

– რასავით, ბიჭო!

– აი, იმასავით... – დაიბნა პეტო და ნიკაპზე მოისვა ხელი ბრძენკაცივით, – ის რომ არი, მოკლედ არ გიხდება და ეგაა. ჰა, აღარ შემოდისხართ? თქვენთანებიც არიან...

პეტომ კარები შეაღო, განავლისსუნთან ჰოლში შევედით და წამოიღო კიდევაც ბასების დაგუდულმა გუგუნმა.

– ვილაც ქლიავმა ერთი ლისტი კოდეინი ჭამა, გამხსნელი დაავიწყდა და გაჭედა მაგრად, – გვიყვებოდა გზადაგზა პეტო, – მერე პანიკაში ჩავარდა, ტრანი დაემართა და გარეთ რომ ვერ გამოაგნო, მალალეტკებს ჩაუვარდა დაბლა, იქ კიდევ ფოსფორნასმული ვალერა გაეჩითა და უარესად დაერხა – ისინიც ხომ დააპანიკა და ესეც ძლივს დავანწყნარეთ, ბლიად.

– არაყი უნდა მიგეშვათ, – ერთდროულად ვთქვით მე და ალექსანდერმა და გაგვეცინა.

– არაყი დაბრიდავდა, სუპრასტინი და სოდა მიცა რაშიდამ და უშველა, – გვითხრა პეტომ და გაგვაჩერა, – აგერ დივანზე გდია. ნახე რა სუნი ასდის, შობელძალეს.

– ვერ გააგდეთ მერე... – მართლა რას ყარდა, ლორიშვილი. ცხვირზე მივიჭირე ხელი.

– გარეთ შარია და ეგდოსო მანდ, რაშიდამ. თან, ვისთანაც ეგ არის, დიდი ფაქტით არიან მოსულეები.

– ჰოო?

და ამ დროს გაიბრწყინა ტვინმა: დივანისკენ წავედი, დავხედე და მანდ წამომიღო კეფაში მინდვრისპირულმა – რომ დავინყე სიცილი, ველარ გავჩერდი, ჩავიკუზე და ეგრე ვიციინოდი გიჟივით, მოვიდა ალექსი და უცებ გაუსხსნა იმასაც და პეტოს რალა აცინებდა, იმ ჩემანდრელას, და ვიჯექით ასე ყველა ძღნერისსუნიან ჰოლში და ვსლოკინებდით კარგა ხანს, იმიტომ რომ დივანზე იდო ჩვენი ბასგიტარისტი, წელან ტომასასთან რომ დავტოვეთ – ეგა, შიკრიკი ლმერთის, ჰერმესის უკანონო შვილი თუ ნათესავი სისწრაფის ამბავში და თავისი მორიგი სიკვდილის ნიაღში, როგორც ყოველთვის, ძმებისგან მიტოვებული და აყროლებული...

სადაც ჩვენ შევედით, იქ მსუბუქი როკი იყო ჩართული, თან დაბალ ხმაზე და მივხვდი, რომ არ იყვნენ დიდი ხნის მოსულები. მწერალი და ბიჭები ღვიძლის სარეპეტიციოდან ერთად იჯდნენ და ჩვენც იქით წავედით.

ეს მწერალი ხომ აგდია ყველგან და ახლაც ზის აგერ, როგორც ყოველთვის, ნეტარი გამომეტყველებით და რაშიდას ქალებს უყურებს ბაყვებზე. ფხიზელი არ მიყვარს ეგ კაცი, სულ რალაცას გვეკითხება და ტვინს გვიბურღავს, მაგრამ პერედოზის ჟამს დიდ საქმეებს ატრიალებს და ამ დროს არაფერი ჯობს მაგის ყურებას: რომ ამოაგდებს ბალაყანს და დასდევს სკვერებში გოგოებს, ეგრე ბალაყანამოგდებული, როგორც ახურუშებული პანი ნიმფებს და სადაც კვილ-წივილია, იმ მიდამოებში თავისთავად იგულისხმება ხოლმე მწერალიც, მხიარული ექსპიბიციონისტი. რომ ჩხაპნიდა რალაცეებს ბლოკნოტში, კი ვხედავდი, მაგრამ ბევრი ჩხაპნის აქ მასე და გვეკიდა მაგრად, სანამ ერთხელ ვილაც კამერა-მიკროფონიანი კლიენტები არ დაგვადგნენ თავზე და გაიგიჟეს თავი – აბა მწერალიო. ნეიმ – სადღაც აქვე ეგდება მთვრალიო და სულ ავარდნენ ესენი, ჟურნალისტები – სად არის, გვანახეთ და ოცი ბაგსი აგერო, და აგინა ნეიმ და კარგიც ქნა: ჩვენთანია მწერალი მაინც, თან მაშინ მოსანევიც გვედო და ვოტკაც ზემოდან, თავისი ლიმონიანად, რა სირად გვინდოდა მაგათი ოცი ბაგსი... მერე კი ჩავფიქრდით ამბავზე, მაგრამ ჩვენთანია მეთქი მწერალი, არაა ცუდი კაცი.

– და აი, შემოგვიერთდნენ ფსევდო-ბიტნიკებიც! – თქვა მწერალმა, – მასწვეთ ბიჭებო?

– გააძრე, – ჩაიბურტყუნა ალექსმა და დავჯექით.

– გაიპარსე თუ გაგცვივდა? – მზრუნველად შეეკითხა ჩუი, ალაგ-ალაგ ჩვენი დრამერი და გვერდით მიუჯდა.

აუუ! რა დაენწევა ახლა ამას... ალექსმაც იქიდან – წადიშენიო, ხელი ჩაუქნია.

ჩუი კი იყო ჩუი, ჟირაფზე ოდნავ დაბალი და თვალბგადმოკარკლული ძმაილა ჩვენი, თანაც ალი-კვალი თუ პროტოტიპი ერთი ძველი ფილმის პერსონაჟისა. ის პერსონაჟიც მალალია და ნაგიჟარი და ჩვენი ჩუიც მარადჟამს

დრამის ჯოხებს ატრიალებს თითებში, სულ დაწყლულებული რომ აქვს, თეთრი პლასტიკური ახვევია ზედ და უკრავს ჩუი ყველაფერზე, რაც შემოხვდება: კედლებზე და ყუთებზე, ქალებზე, ბოთლებზე და საკუთარ ღიპზე, თან წამდაუნუმ ემტვრევა ჯოხები და სათადარიგოებიც უძევს უკანა ჯიბეში. მეორე ჯიბით კი დააქვს პასპორტი, სადაც ჩარტყმულია ლამის ნახევარი მსოფლიოს ვიზები: ჩუის წინა სპორტული ცხოვრების დასტური და მისი ამჟამინდელი ტარიანების და ჩაკიდულების მთავარი თემა და ფონი, არსი და საბაბი. კალათბურთის და დრამის ზემოთ, ქვემოთ და გარშემო ჰკიდია პლანეტა ჩუის და ზეპირად გეტყვის, რომელმა კალათბურთელმა რომელ წელს სად გააკუა. ხიხოსავით მიამიტი და გულბურყვილო კაცია ჩუი და ამიტომ, ვისაც არ ეზარება, ყველა ეკაიფება, აგომიებს და ამასაც სჯერა ყველაფერი, არ უტყდება და არის ეგრე. გაბრაზებული ჩუი ერთხელ ვნახე ცხოვრებაში და არ მენახა ნეტავ... მაშინ შეყვარებული ყავდა, თამარა და იმან დამართა ამბავი:

გაფუჭებულ მიქშერს შეგვპირდა ერთხელ ტიპი, ვდგავართ იმის სადარბაზოსთან მე და ჰაკერები და ველოდებით. ჰაკერები იყვნენ ტყუპი ძმები, საკუთარი ხმის ჩამწერი სტუდიაც ჰქონდათ და მაგათ ამბავსაც ვიტყვი მერე... ვართ ასე და უცებ მოსახვევში შავმა ბეემემ შემოაჭრა, კუთხეში ცარიელი ბუნკერი ააყირავა გემოზე და ჩვენ რომ გაგვცდა, რალაც გამოაგდო ფანჯრიდან და იქითა ასახვევშიც ეგრე წულით შეაჭრა. ერიჰას თქმაც ვერ მოვასწარიო და ახლა თეთრი ნივა შემოვარდა, შუა ქუჩაში აყირავებულ ბუნკერს შუმახერივით ააცილა, კინალამ ზედ გადაგვიარა და ეგაც ბეემევს შეყვა ასახვევში. ბეემევს დაბურული მინები ჰქონდა, ნივაში კიდევ კბილებდაკრეჩილი ოპერები იჯდნენ და ეგენი მანქანით კი არა, მიგალკას ხელში დაიჭერდნენ და შლოპანცებითაც გამოგეკიდებოდნენ და ჯოჯოხეთში ჩამოგყვებოდნენ, თუ დიდი ფულის ახვევის სუნი დატრიალდებოდა ჰაერში; სუფთა ბრუს ვილისები და დიდი ახვარი ხალხი... უფრო პუსტა-პუსტა მენტები კი სადმე ბნელ ჩიხებში ხვრინავდნენ დანჯღრეულ და ფარებჩამქრალ მანქანებში და ვინმე ბედშავი ნარკამანი შემთხვევით თუ გადააწყდებოდათ, აუნთებდნენ უცებ ფარებს და სანამ ის აზრზე მოვიდოდა, გამოყოფდნენ ხელს და ეგრე ციყვებივით იჭერდნენ. პუსტა-პუსტები ძირითადად სოფლელები იყვნენ და ხანდახან თუ გამოგეკიდებოდნენ, ბავშვივით უხაროდათ ამბავი, ფანჯრებიდან თავგამოყოფილები კიოდნენ და იგინებოდნენ პაპუასებივით და თუ ვინცობაა მაგათზე უარეს მანქანაში იჯექი, ან კოჭლი ტიპი იყავი და დაგიჭერდნენ, სულ რომ უკანასკნელი ბომჟი ყოფილიყავი, სანამ გაგძუყნიდნენ ჯერ მაინც თავიანთ პირადობის მოწმობას განახებდნენ დიდის ამბით, თან სიხარულისგან ცქმუტავდნენ. ჩვენ, გამოლმელებს რატომღაც ბევრს არაფერს გვერჩოდნენ; არ

ვიცი, რალაც შინაგანი სოლიდარობის ძაფები იბმებოდა ჩვენ შორის თუ იცოდნენ, რომ მარისუანა კი არა, კაცის მოჭრილი თავი რომც ეპოვათ ჩვენთვის, კაპიკის ჩამტანები არ ვიყავით არცერთი, არადა გაღმელებს სულ უმიზნოდაც ცემდნენ და განყოფილებაში მიათრევდნენ წამდაუნუმ, კამათელიც რომ სდებოდათ ჯიბეში... ჩვენ კი მარტო პლანს ნაგვართმევდნენ ხოლმე და სულ მიკვირდა, ერთ მანქანაში როგორ ეტეოდა ამდენი ხალხი და თუ კუდზე დამაჯდებოდნენ, ერთხანს არ გავრბოდი, ვუყურებდი და მაგრად ვკაიფობდი, მანქანიდან რომ გადმოდიოდნენ და გადმოდიოდნენ დაუსრულებლად.

მოკლედ, პუსტა-პუსტები არ იყვნენ ცუდი ხალხი და რას ვყვებოდი: გაქრა-მეთქი ბეემ-ვე, ოპერებიც მიყვნენ და რუპორები და ნივინი იქით უბანში რომ მიიკარგა, გავიდა ცალი ჰაკერი და პარკი შემოიტანა სადარბაზოში. პარკში იდო პირსახოცი, პირსახოცში ხოშინი პაკეტი და ჰაკერებმაც ეგრევე თითები ტიკვს აქეთ-იქიდან, ღრძილებში გამოისვს და სუფთა კოკაინი ყოფილა, თან იმდენი, ერთი კოდლა სამშაკაცო რომ შეაჯდებოდა ერთი თვე, ვინმე გნიდა ბარიგა კი შეზღონგზეც წამონვებოდა სადმე ჰავაიზე. მე წამალს არ ვეტანებოდი, ათასში ერთხელ თუ გავსინჯავდი და ისიც იმათ ჯინაზე, ტვინს რომ ბურღავენ ხოლმე: – ეგ არ ქნათ, თორემ ტრუპები ხართ – შეაჯდებითო და კაცს თუ მაგაზე მაგარი ამბებიც აქვს ცხოვრებაში, თუ მთლად ტუტუცი არაა, იშვიათად შეჯდება ორი-სამი გასინჯვით. აგერ, ჰაკერებიც ხომ ეგრე არიან, როცა უნდათ მაშინ აჯდებიან და ჩამოდიან: ჰაკერებს თავიანთი ჯაზი აქვთ და დანარჩენი ყველაფერი თამაშია მაგათთვის. წამალი ძირითადად უსაქმურ ან მოწყენილ კლიენტს შეიყოლიებს ხოლმე, ან ვინმე შეშინებულ თინეიჯს, თვითდამკვიდრება და სტატუსი რომ სჭირდება წყალივით და რაც უფრო ბევრს აგინებ და უშლი, წამალზე მოჩალიჩე ტიპი მით უფრო მეტ პატივისცემას აღძრავს ასი წელი შტერ თინეიჯერებში. ისეთსაც ბევრს ვიცნობ, რომლის ადგილასაც შევჯდებოდი კი არა, უარესს ვიზამდი... ასეთები მიყვარს და პატივს ვცემ და მეცოდებიან თან... გაღმელი კრეტიანი პრაფესორები კიდევ ყველას და ყველაფერს ერთ, საკუთარ ქვაბში ხარშავენ და მაგათ რომ უსმინო, ბერსაც კი მოუნდება გასინჯვა, ბლიად. მოკლედ, ალეს ბალახი უყვარდა, მარკოს არაყი ევასებოდა და ჰაკერებმა, ჩუიმ, მწერალმა, ნეიმ და კიდევ რამდენიმე ჩვენთანმა შემოდეს თაროზე ეგ პაკეტი და სანამ არ დაცალეს, ეგრე ცხვირდასიებულები დადიოდნენ. კოკაინი არ მქონდა გასინჯული და თავიდან მეც შევუყვი ნელ-ნელა, მაგრამ ერთი კვირის თავზე, რაც კი ცხვირ-პირში რეცეპტორები მეზადა, გამიბანდა სუყველა, თან წამდაუნუმ უნდა გეყნოსა, რომ არ გამოსულიყავი და ბოლოს არაყს და წყალს რომ ველარ ვარჩევდი ერთმანეთისგან და ლიმონსაც ქალაღდის გემო გაუხდა, მივხვ-

დი: არ იყო ეგ ჩემი ამბავი, – არადა, გემო და სუნია ნახევარი ცხოვრება და მერე აღარც გავკარებივარ საერთოდ.

ჰოდა, ვზივართ ერთხელ ასე ჰაკერებთან, მე, ალე და მარკო ფილმს ვუყურებთ ბრუსლის მონანილეობით, – დაბოლილზე მაგრად მოაქვს ჩემის კუნგფუისტების ჭყავილს. ჰაკერები გვერდით ოთახში ეთერში არიან, ნეი ტუალეტშია და უურნალების მაგიდასთან ზიან ჩუი და თამარა. მე და ალე მონეულები ვართ, თამარას ნაყნოსი აქვს და ახლა ჩუის უკეთებს კარტით კოკას ბილიკს, თან თვალს მიკრავს, იჭყანება შიგნაკრავივით და მეთქი პიზდეც – კაიფში ჩარჩა უეჭველი თამარა და დამირჩა ძმაკაცი უქალოდ... ვარ ასე და ამასობაში ჩუიმიც გაიჩქო ცხვირში მილი და მოადგა იქიდან თავის ბილიკს, თამარა კი ისევ ნაგიჟარივით იღმიჭება. ბოლოს, როგორც იქნა ვისქესე: მანიშნებს თურმე ამბავს და მიხვედრაც ვერ მოვასწარი, რომ უცებ საიდანღაც ზიპო გააძრო თამარამ, ზედ ჩუის კოკას ბილიკთან გააჩხაკუნა და იფეთქა კიდევაც რალაცამ, გემოზე დაიშხულია და ჩუიმ სახიდან ცეცხლი და კვამლი გაჰყარა დრაკონივით, თამარა კი სკამიდან იატაკზე ჩაცურდა და იჭაჭება სიცილით. ხმაურზე ოთახიდან ჰაკერებიც გამოვარდნენ, მივედით ყველა და ვხედავ, – ჩუის ცხვირი ვედროსავით აქვს, ნესტოებიდან ცოტა სისხლი და კვამლი გამოსდის ახალნასროლი თოფივით და დგას ასე გაშეშებული. ჩუი ალეზე და მარკოზე ნაკლებად არ მიყვარდა და მაგრად შევწუხდი და გამიტყადა, თან აზრზე არა ვარ, რა მოხდა, მაგრამ იქით თამარა იცინის, მეც კარგი პლანი მაქვს მონეული და რა ვქნა, როგორც იტყვიან – თავს ზეით ძალა არაა და ვხარხარებ მეც ეგრე, დამწუხრებული და ამყვა ალექსაც, ჰაკერები კი პაპის დანატოვარ, ზოლად ჩამწვარ-გაშავებულ მაგიდას დაჰყურებენ უაზროდ, ცხვირს ისრისავენ და სწორედ აქ იწყება არაკი ჩუის დიდი განრისხებისა: უცებ თავის შეყვარებულს, თამარას რომ მიახტა კალიასავით და კაცებს რომ ცემენ ხოლმე, ისე დაუნყო ცემა; თავისი ორმოცდაშვიდნომრიანი კედები სულ სახეში აზილა და მე და ალექსა რომ გასაშველებლად მივედით, დაგვანათა ჩვენც თითო-თითო, მერე ჰაკერებისკენ გაეშურა და როგორია, ორმეტრანახევრიანი კაცის მუშტი რომ მოგხვდება და ვყრივართ ასე ოთახში სოკოებივით, ჩუი კი დააბოტებს აქეთ-იქით და გვირტყამს, ვისაც ფეხს წამოსდებს, თან ნესტოებიდან სისხლი ასხამს, მთელ ხმაზე გვაგინებს და ბოლოს სადღაც გავარდა ეგრე, გინებ-გინებით... თურმე ამ ჩემის თამარას გაუხსნია საახალწლო პეტარდა – იქაც მერე ვნახე, რალაც უკულმართი თეთრი ფერის დენთი რომ ყრია, და კოკას კი არა – იმ დენთის ბილიკისთვის მიუცია ცეცხლი მუყაით მეზარბაზნესავით და კიდევ კარგად გადარჩა ჩუი, ტვინი რომ არ გამოენვა... ამ ამბის შემდეგ თამარა ჩუის დაშორდა და რაშიდასთან გადაბარგდა, ჩუი კი ისევ ისეთი გულუბრყვილო კაცია და ცხვირზე რომ შრამი აქვს, ეგეც უხდება.

ჩუის ნახვა თუ გინდა, ნახავ ღვიძლის ბიჭების სარეპეტიციოში, პატარა რომ არის, თან დაბალჭერიანი და კარზე დიდი ასოებით აწერია „ღვიძლი“. აქ ჩუის გარდა ერთი ასვატიანი დინამიკის თავზე შეიძლება გადაეყარო კატას, რომელიც თავიდან ფიტული მეგონა და რომ დამპორჩყნა შუა რეპეტიციის დროს, მერე მივხვდი, – ნაღდი კატა ყოფილა, ოღონდ გარემოში ღრმად ადაპტირებული, მანაგუაგარეულ რძეზე გაზრდილი და მეორე ასვატიანზე ჰაიპარად შემოდებულია ბრტყელი და ხაკისფერი ტანკსანინალმდეგო ჭურვი, თევზის კონსერვს რომ ჰგავს და ვიბრაციაზე ფეთქდება. ასვატიანზე-მეთქი შემოდებული და ვადაგასულია, ძველია ალბათ, მაგრამ ახალიაო და მართლა ახალივით რომაა, ეგ ზეთიანი... მოკლედ, მამალი გიჟები, არადა წყნარ მუსიკას უბერავენ – ქანთრის, ბლუზს და ფატალისტები ვართ კატიანალო, ნაღდ მუსიკას რომ ვუბერავთ, იმიტომ არ ვფეთქდებითო. მანდ ტრემიც შეგვიყვანია გემოზე და ნაღმისა არაფერი მწამს, მაგრამ ის წყეული კატა რომ დაგვჩხავლებს ხოლმე დროდადრო ბექვოკალში და ფანჯრებიც რომ არაა, ეგ არ მიყვარს. თან, ეს ამბავი ტრიალებს თექვსმეტსართულიანის სხვენში, სადაც ხშირად ჭედავს ლიფტი. ხანდახან სარეპეტიციოს მოადგება ერთი მართლა გიჟი დედაბერი, ამათი მეზობელი და მაგის ღრიალი ექოებად ისმის სადარბაზოში: ჩემი სუშილიკიდან გამოეთრით ყველანი, თორემ ცეცხლს მიგცემთ დედანულიანადო. ამ სხვენზე თურმე სარეცხს აშრობდა ადრე, კომუნისტების დროს და ახლაც წამოუღებენ ხოლმე წარსულის აჩრდილები.

თვითონ ბიჭები კი, ჩუი და ტყუპი ძმები, რომლებსაც ძმებ ჰაკერებს ვეძახით ყველა და მართლაც მაგრად ერკვევიან კომპიუტერებში და საერთოდ, ყველანაირ აპარატურაში – თავიანთი სარეპეტიციოს ქვეშ, მეთექვსმეტე სართულზე ბინადრობენ. სახლიც და სარეპეტიციოც ტყუპებისაა და უსახლკარო ჩუიც ისე ჰყავთ შეკედლებული. თუმცა რაღა ჩუი, – მაგათთან ცხრა კაცზე ნაკლები არასდროს მინახავს, არც დღისით და არც ღამით, და ზამთარში მე, ალეს ნეის და მარკოსაც მრავალი ღამე გვითენებია მანდ. აქ კედლებზე ღამის ჭერამდეა ასული ნაირ-ნაირი მოქმედი თუ გამოშიგნული აპარატურა და ციმციმებენ სხვადასხვა ჯურის ეკრანები – კომპების თუ ტელევიზორების. აქვეა რაღაც ხმის ჩამწერი სტუდიის აგვარი, ოღონდ არსად ჩანს პერმეტული კამერა მიკროფონისთვის, როგორც ნაღდ სტუდიებშია და თავად მიკროფონზეც მავთულეებითაა მიმაგრებული დაგლეჯილი გუბკა – ვითომ ფილტრია, მაგრამ მაინც უძლიერესად აკეთებენ ჰაკერები ხმის რეჟისურას და მასტერინგს და პაპსავიკების რიგიც უდგათ ხანდახან – როცა ძალიან უჭირთ. ისე მარტო თავიანთ მუსიკას ჩალიჩობენ და ვინც მაგათნაირს უბერავს, იმასაც ზედ გადაყვებიან – ქანთრის, ბლუზის და ჯაზის ამბავში. ჩვენც გვითხრეს

ტყუპებმა ერთხელ: არც დაკვრა იცით და არც ხმა გივარგათ, მაგრამ რაღაც ნაღდი მოაქვსო თქვენს მუსიკას და აგერ სტუდია და ემაგერ რადიოც ზემოდანო; საკუთარი რადიოც იქვე აქვთ, რომელსაც გავრცელების დიაპაზონი აქვს ერთი-ორი კილომეტრი და იმასაც ძლივს დაიჭერ ისე, სუფთად, რომ არ იხრიალოს. ღამე ეთერში რეკავენ ვიღაც ბედნიერი კლიენტები და სულ ბედნიერულ თემებზე ბაზრობენ, ან ჯაზზე და ბლუზზე და ტყუპებიც, ეს ჩემისებში, თან ჩუიც რომ დაემსგავსათ, სულ ეგეთი – ბედნიერი სიფათებით დადიან ფზიზლებიც და ისეც და რა უხარიათ ან ღვიძლი რატომ ქვია მაგათ ჯგუფს, აზრზე არა ვარ, არც მაინტერესებს და რადიო და პოპულარობა ხომ ათასი წელი ზედ გვახატია, მამაოს კლუბშიც ისე გამოვდივართ ხოლმე, ჩვენთვის ვახურებთ. ერთი ნეი გვიჩმახებს, – ყოველთვის ეგრე პოხუისტურად ხომ ვერ დავუკრავთო, ეგება-და გავქაჩოთო და გვიწყალებს გულს... ზამთარში კი მიყვარს მაგრად „ღვიძლი“: რომ შედიხარ და რაც არ უნდა ხალხით იყოს სავესე, არც ყვირილია და არც ღრინაცელი, თითქოს ტყუპების წყნარი ხასიათი გადაედოო ყველას, და სულ რაღაც თუხთუხებს დენის პლიტაზე – ან რამე საჭმელი, ან ნარკატა და თბილა სახლშიც და გულშიც...

რას ვყვებოდი: ვიჯექით ასე რაშიდასთან, ალექსანდერი თავის გოგოს ეძებდა თვალებით და მე ხალხს ვალივერებდი, ჯერ კუტოკებად რომ იჯდნენ და თავისთვის ახურებდნენ. თავიდან ყოველთვის ასე ხდება და მერე ირევა მონასტერი... დღეს რაღაც ბევრნი არ ჩანდნენ, ყოველ შემთხვევაში ამ სართულზე და შეიძლება დაბლა იყვნენ, თორემ ზემოთ რაშიდა მარტო რამდენიმე თავისიანს თუ უშვებდა. რაშიდას ორი ქალი, თამარა და პრია, ხან ზემოთ – კიბეზე ადიოდნენ, ხან ჩაგვივლიდნენ, მინისქვეშა დარბაზში ჩადიოდნენ და მწერლის სული დაყვებოდათ თან. ალბათ ზევით იყო რაშიდა და ესენი სიტუაციებს უყვებოდნენ. დანარჩენი ქალები ან ვერ ვიცანი და ან ახლები იყვნენ, აღინა კი საერთოდ არ ჩანდა და ანერვიულდა ალექსი – მაგის ლავსთორი აქ მარტო მე ვიცოდი და სხვას ასი წელი არაფერს ჰკითხავდა. ერთ კუთხეში ვიღაც ჰალსტუხმომშვებულ ძიაკაცს ეძინა თუ აკიმარებდა, ამ დახეულ ხალხში მაგრა საინტერესოდ მოჩანდა და რომ ვუყურებდი, წელანდელმა მინდვრისპირულმაც წამოაჩოჩა ცოტა, უკანასკნელი და სუსტი წამოღებით და მეც ჩემთვის ვსითხითებდი გოიმი ბერიკაცივით. აქაურს არ ჰგავდა და ეტყობა „პეტომ რომ მოგვიყვა, იმ ამბიდან შემორჩენილი რაშიდას უცხოელი იყო.

უცბად წამოვდექი და ალექსს ვუთხარი:
– აბა დაბლა ვნახოთ, რა ხდება. თან შეიძლება აღინაც იქ იყოს.

სულ დამავიწყდა ალეს ჭირ-ვარამი.
– არ იქნება და მაგის დედაც არ ვატირე, რაში მაინტერესებს აღინა, – უდარდელად წაილაპარაკა ალექსმა და წვერგაპარსულზე

ავლანური ჰაშიშის ფერი დაედო, თან გაიხედ-გამოიხედა, მაგრამ ბიჭებს რომც გაეგოთ, გაეგოთ კი არადა საქორწინო ეტილი რომ ენახათ ჩახუტებულები აღინა და ალექსა, ერთს დაუკრავდნენ ტაშს და ორ წამში დაავიწყდებოდათ კიდეც და ეგრეც არის: აქ ვისაც რა და ვინ გაუსწორდება, იმას შეიყვარებს, გოგოს, ხეს თუ თხუნელას და არცაა პრობლემა და სხვისი საქმე. ახლაც არ განძრეულან ბიჭები. ერთი მწერალმა გამოიხედა ცოტა და ეგ იყო.

– ჩავალ და ამოვალ მალე, – ალექსს თვალი ავარიდებდა და კიბისკენ წავედი, თან გზაში აქეთ-იქით ჩვენთანებს შევეხებოდი. უმრავლესობა საერთოდ ვერ ვიცანი, მაგრამ ჩვენ ძმა მეტალისტებთან ერთად იყვნენ და მეტალის ხალხი იქნებოდნენ ისინიც. ბართან ვილაც გოგოს მონოდებულ ბონგს მოკლე ნაფაზი ამოვარტყი და კიბეზე ჩავედი; მოკლე იმიტომ, რომ ეგრევე ხამივით დაბოლება და დათრობა არ მიყვარდა, ჯერ ქვეყანა უნდა მენახა...

დაბლა ღია წითელი შუქი ანათებდა, როგორც ტომას სარეპეტიციოში, და ელექტრომუსიკას შეყავდა დაბალ ხმაზე. ეგ რაშიდას ფინტი და ოინი იყო: ტრანსით და ღია ფერებით იწყებდა და ბოლოს ისეთი ბლექ-მეტალით ამთავრებდა, „სეკულტურა“ ტკბილ იავნანად მოგეჩვენებოდა იმასთან შედარებით... მაგრამ ახლა სხვა ამბავი ტრიალებდა, ჩუმად მივჯექი კუთხეში და იქაურობა მოვათვალე.

ერთ კედელზე ლამის მთლიანად მიესხათ რალაც ოხრობა, იატაკზეც მოწურწურებდა და პეტოს და ვალერას – ეგეც რაშიდას მარცხენა ხელი იყო, ვედროები ეჭირათ და ახლა მეორე კედელს აწუნებდნენ. ვალერას მართლა ფოსფორი თუ მაგდაგვარი ულტრაჯანდაბა ესვა და ჩვენ ძმა ბასკიტარისტსაც იოლად გაუფეგ – ბასკერვილების ძალს ჰგავდა ეს დედავირთხა... რასაც კედლებს ასხამდნენ, წითელ საღებავი გამოდგა და ამ შუქზე თხლესავით ჩანდა, სულ არ ჰქონდა მულამი. ამ კედლებზე წინათ სირულ პენტოგრამებს თუ ვარსკვლავებს და რქებს ხატავდნენ და ახლა ეს მოიფიქრა ეტყობა რაშიდამ, ვარსკვლავის ფორმაში კი შავი სანთლები გაემწკრივებინათ შუა იატაკზე, ოლონდ არ მოეკიდებინათ ჯერ. მოკლედ, სუფთა საბავშვო ბალი, მაგრამ ესენი, თინეიჯერები, ერთ მხარეს იყვნენ მოქუჩებულები და პირლიები ალივერებდნენ იქაურობას. ჩემ გვერდით დაბალ დივანზე იჯდა პრია, აქეთ-იქიდან ვილაც ტიპი და გოგო მოესვა და ხან ერთს ეზასავებოდა, ხან მეორეს. ბიჭს ეტყობოდა, რომ მაგრად უსწორდებოდა და გოგოს იმ შუქზეც მკვდრის ფერი ედო, მაგრამ მაინც ზასაობდა პრიასთან, თან დროდადრო არყის ბოთლიდან დიდ ყლუპებს ურტყამდა და იჭყანებოდა... და სწორედ ეგ იყო რაშიდას მთავარი ფინტი, ძმებოგრიმებო: ჩაუჯდებოდნენ ეგრე რაშიდას ქალები ვინმე ნყვილს, ჯერ ჯიგრულად ელაპარაკებოდნენ და ცოტ-ცოტა არაყს ახვეინებდნენ, ამასობაში ზემოთ რაშიდა მუსიკას და განათებას შეცვლიდა და რაშიდას ქალებიც

ნელ-ნელა თომარზე და ზასაობაზე გადადიოდნენ – ჯერ ერთთან, მერე მეორესთან და შემჩნევლად ერთმანეთზეც რომ მიუშვებდნენ, ამათ უკვე ყველაფერი ეკიდათ და ახლა სხვებს ჩაუჯდებოდნენ, იქაც რალაც უბედურ კომბინაციებს ატრიალებდნენ და მოკლედ, ისე ჰქონდათ დამულამებული, რომ გოგოს გოგოზეც უპრობლემოდ უშვებდნენ და ასე ავლენდნენ ჯერ მხოლოდ ქვეცნობიერად ლესბოსელებს და პიდარასტებს; სუფთა ზიგმუნდები, ოლონდ ძუძუებიანი და ბოლოს გრუპავუხაც ისეთი ხოშიანი გამოსდიოდათ – რომელიმე ფეხისთვის რომ გებნკინა, ასი წელი ვერ მიხვდებოდი, ვისი თავი საიდან დაიკვივებდა.

ამასობაში ისმოდა ამგდები მუსიკა და თინეიჯებს „ეუფლებოდათ თავისუფლების დაუოკებელი განცდა“ – როგორც მწერალმა თქვა ერთხელ და ესწნებოდათ ყველანაირი კომპლექსი, ამ დროს შედიოდა საქმეში მოსანევი ან მსუბუქი ექსტაზი და ამათაც მაგრად უხაროდათ ყველაფერი; უხაროდათ, რომ ასე იოლად და თავისუფლად მიდიოდა ამბავი, აქამდე ძნელი და გასატყეხი რომ ეგონათ... აქ ცუდად გახდომის შანსი არ იყო და მაინც, ყოველი შემთხვევისთვის, მოფარებულში იდგა მარილწყლიანი ტაშტი შიგ ჩამბალი პირსახოცებით და ისიც ძირითადად ზემოთ თუ დასჭირვებით. ყველაზე მურტალი ის იყო, რომ თინეიჯების და სხვების გარდა აქ ნალდი სატანისტებიც მოიძვევებოდნენ, რომლებსაც ზოგ-ზოგები გოთებად მოიხარებენ ხოლმე და ძალიანაც მიჰქარავენ, ვინაიდან, სხვაგან არ ვიცი და ჩემს ქვეყანაში აქამდე ნაგიჟრისერტებს და გოთებს არაფერი აქვთ საერთო, და ამ ბრიგადას თვითონ გოთებიც კი ერიდებოდნენ, რაშიდასაც არ ეხატა გულზე და აგერ ახლაც – ისე ნალდში და სერიოზულად უყურებდნენ კედლებზე საღებავს თუ ძირს გამწკრივებულ სანთლებს, ამათი შემხედვარე მართლა უამურად იგრძნობდი თავს კაცი. არადა რალაცნაირი, საწყალი სახეები თუ თვალები აქვთ... რაშიდას სახლის გარეთაც შევხვედრივართ და სულ ეგრე ჩუმად დადიან და ჩუმადვე ატყავებენ სასაფლაოებზე კატებს და ძაღლებს, რალაც ძალიან ღრმას აწვევებინა მოკლედ. ერთხელ მწერალს დაუღევია მაგათთან ერთად და მერე გვითხრა, – ასეთი ნაკითხი და განათლებული კლიენტები აქ არ შემხვედრიანო ჯერ. ყვერებით უნდა დაკიდო სუყველაო, – მარკუსამ, – ძაღლებს როგორ ატყავებენო ეგ ჩათლახები და მწერალმა – ცოდოები არიანო, საიდანაც მოვიდნენ, იქ ისეთი დაერხათ, არცერთს არ დაგრხევიათ ეგრე და ღმერთმაც დაგიფაროთო. მარკუსამ ცოტა ხანს ჩუმად უყურა, მერე წამოდგა – შენი ძალითმწერალი დედაცო, – შეაგინა და წავიდა. კაცი დღეს-ხვალ იბრიდება, მაგაზე მეტი რალა უნდა დაერხესო, – ალექსმა და მაშინ მწერალსაც მაგრად გაუტყდა და ეგეც მარკუსისვით აითესა სადღაც, მერეც იშვიათად გენახულობდა და თუ მოვიდოდა, მარკუსს რომ ნახავდა, ჩუმად იჯდა და არც მარკო ეუბნებოდა რამეს.

ამ საუბრის მერე იყო, ერთი-ორი კვირის შემდეგ: წევს ერთხელ ალექსი ჰაკერების სახლში და წინაკიან არაყს ურახუნებს, თან ლიმონს აყოლებს ზედ. ჩვენ კი – მე ნეი მარკო ჩუი და ჰაკერები გარშემო ვუზივართ და ვსვამთ ჩვენც, ოღონდ ჩვეულებრივ, უწინაკო არაყს. წევს ასე ალექსი და ყოველი მოყუდების მერე ცხრასართულიანებს გვაგინებს სუყველას და თან გვეკაიფება მაგრად. გრიბი აიკიდა ალექსამ, ორმოცი სიცხეც ზედ აქვს, ამგვარად მკურნალობს და ყველა არყით მკურნალობს აქეთ, გინდ გრიბი სჭირდეს და გინდაც ტრიბერი, ოღონდ ამ დროს ზედ ისხამენ ხოლმე და ძალიან მწარე ყოფილა... მოყვები მერე ტრიბერზე, უფრო სწორედ – ვინც ეგ ამკიდა იმ ქალზე, შარლიზზე; ან რა მოსაყოლი ეგაა, არადა მთლა უთქმელობაც არ ივარგებს და მოკლედ, გზადაგზა მოვახერხებ ალბათ რაიმეს... ახლა კიდევ გვლანძღავს ეგრე ალექსანდერი და ბოლოს, ტვინი რომ წაიღო, ავითესოთ მოდი აქედანო – მარკო მეუბნება, – კარგი ამინდია, კარუსელებზე ვავათენოთო და ჰაკერებმა გაჭედეს – ამას ვილა მიხედავსო, ჩვენ ექთანები კი არა ვართო.

გალმა მეც მემართებოდა სეზონებზე გრიბი და მაშინ ჟოლოიან ჩაის ვუბერავდი, წამლებსაც ვსვამდი, მერე ვწვებოდი და ათ საბანს ვიფარებდი ზედ და მულამი ისაა, რომ რაც აქ ვარ, ერთი თითი არა მტკენია – ფუი ეშმაკს და არული კუდიანებს, როგორც ორლობებში იტყვიან და რაის სიცხე – ისეთ ჯანზე ვარ, გეგონება, სადმე იალაღებზე და თხის რძეზე ვიყო გაზრდილი. თან წონაშიც რომ მოვიმატე, არადა დღეში ერთ-ორ ლუკმას ვჭამ და არც მინდება მეტი: არაყი პლანი და მაგისი ჯანი. ერთი სკამებზე და პარალონებზე ძილი მიჭირდა თავიდან, ძლივს ვიძინებდი და დილითაც ზურგი და კისერი მტკიოდა, ახლა კი, ძილი რომ მომიწდება, რაც შემომხვდება იმას მივეყუდები და ეგრევე სიზმრებში მივდივარ გაღიმებული... ძილით კი გვიძინია მე და ალექსას სახურავებზე და ხეებზე, სარდაფებში, ნავთობსადენის მილში და შუაგულ წვიმაშიც, ყველაზე კომფორტულ საწოლზე, პარალონ-გაფენილ ძელსკამზე რომ არაფერი ვთქვა და ერთხელ კონტინერშიც გვეძინა მე და ალექსი: იმ კონტინერში ბანანით სავსე ყუთები იყო ოხრად, ჩვენ კიდევ მოწეულები ვიყავით და კიშკა რომ გაგვეხსნა, მთელი ღამე ბანანებს ვჭამდით მაიმუნებით და მერე ერთი კვირა ტრანსი გვექონდა, ცუდად მახსენდება ეგ კონტინერი... მოკლედ, რავიცი სად აღარ გვიძინია და ბოლოს უკვე ისე ვიყავი, – ერთი-ორჯერ ლოგონს შემომხვდა და გავიტანჯე მთელი ღამე; მაგარი მიჩვევა ცოდნია პარალონზე ძილს, ბლიად.

ჰოდა, ექთანები ხომ არა ვართო, – ჰაკერებმა და თქვენ წადით და ამას მე მივხედავო – ნეიმ. მენყინა, ნეი რომ დარჩა, მაგრამ უკვე წამომდგარი ვიყავი და მეთქი ახლა რომ ისევ დავჯდე, რამე არ იფიქრონ ამათ. ჩვენ-ჩვენი არყის

ბოთლები ავიღეთ მე და მარკომ და დავეშვიტ მეტროსკენ.

ჯერ დღე იყო, პარკის ღობეზე რომ გადავძვრიო. დღისითაც მაგარი სანახავია ჩვენი პარკი, კაციშვილი არაა და გარშემო სულ კარუსელები და საქანელებია, ზოგი ჟანგიანი და სკამებჩამოწყვეტილი და ზოგი ახალივითაა, წითელ-ყვითელი და სკამებიც ზედ აქვს. მოვდიოდით ასე სიჩუმეში და არაყს ვიყუდებდით, ხანდახან კი მოისმოდა ლომის ღრიალი ან რალაც სხვა სასაცილო ხმა და ვიცინოდით მე და მარკუსა, ვიჭაჭებოდით სიცილით – ისეთი ხმა ისმოდა დროდადრო... ამ პარკის იქით ზოოპარკი იწყებოდა და მანდ კიოდა რალაც თუ ვილაც. ჩვენი კარუსელი მაინც ყველაზე დიდხანს ტრიალებს და იქ რომ მიხვიდე, ჯერ ასე უნდა იარო და მერე სულ დაბლა ჩახვიდე, ტირებთან; აქ არც ქარი უბერავს და მარკუსის ძაღლებიც ამ მიდამოებში ბინადრობენ. მოვდივართ და ამასობაში ხანიგურად დათვრა მარკუსა: ფეხი ერევა, იფურთხება და ყვირის და მღერის რალაცვებს. საერთოდ, ამ ბოლო დროს, რაც უფრო მოაქვს მარკუსას სპიდს, უფრო იცვლება თვითონ მარკოც; აღარც მორიდებული ტიპია და აღარც წითლდება ძველებურად, უფრო მოძრავი და შუსტრი გახდა და კარგა ხოშიანადაც იგინება, თან მაგარი მწარე ენა ჰქონია მარკოს – ერთს ისეთს იტყვის, თავს ჩაღუნავ კაცი. ისე კი სულ არ შეცვლილა... მე ნაღდი სპიდის ამბავი არ შემხვედრია ჯერ და მეგონა, მარკოს ერთ დღესაც რალაც მუნუკები დააყრიდა და ჩირქები გადმოუვიდოდა, მერე ეგრე ხროტინით დაიბრიდებოდა სადმე და მეცოდებოდა, ამას კი ეგ დაემართა მარტო – ხასიათი შეეცვალა და ხანდახან ფხიზელზეც არწყევს ხოლმე და მორჩა, დადის ჩვეულებრივად კაცი.

ახლაც მოვდივართ და მოვიმღერით და უცებ მარკო მეუბნება:

- ჯიო, გიყვარს, ხომ, ნეი.
- ვითომ არაფერი და არც მიყურებს.
- დავიბენი.
- შიგ ხომ არა გაქვს, მარკუს, რეებს მეკითხები...

ეს კი ახურებს ისევ, თითქოს ვერც გაიგოო: – მეც მაგრად მიყვარს ნეი და შენც მაგრად მიყვარხარ, ჩათლახო...

არადა ვერ ვიტან, ვერ ვიტან ეგეთ ლოთურ გულის გადაშლებს. ვერც ალექსი იტანს და ახლა მარკომ თუ დაიწყო, აღარც გაჩერდება და კიდევ კარგი, ზოოპარკმა მიშველა და ვაშა და დიდება იმ ცხოველს თავის გალიაში, ამ დროს რომ გააბა კივილი. მარკუსი გაჩერდა და სახეზე ცუდი ფერი დაედო.

– გესმის? – მეკითხება შეცვლილი ხმით. დავიძაბე და მეთქი ახლა რამე არ მოუვიდეს მარკოს, ჩემს ძმაკაცს და დედაც ვატირე ნეის და ყველა გოგოსი ზემოდან, ისეთი სახე გაუხდა უცებ.

– აბა, რანაირად კივის ეგ შობელძაღლი! რა ცხოველია ნეტა... ან შეიძლება ფრინველიცაა, ჰა? – ძალით გავიციინე და მარკოს შევხედე.

29342

– თავს ნუ იდებოლებ, ჯიო, და უსმინე, ძაღლია, ბოზიშვილივიყო!

მეც მივუგდე ყური. მართლა ძაღლის ხმას ჰგავდა და მერე ჩაჩუმდა რალაცნაირი ხავილით, გეგონება ნაუჭირესო ყელში.

და გავარდა მარკუსი გიჟივით და მივყევი მეც, თან რალაც ძალიან მურტალს მიგრძნობს გული. ჩავაჭერით დაბლა, ჩვენს კარუსელსაც კარგად გავცდით და ბუჩქებთან ძლივს გავაჩერე მარკო. ბუჩქების მიღმა ძველი ტირის ნანგრევები იდგა და იქვე ბინძური წყალი ჩამოდიოდა, იმ წყლის იქით კი უკვე ზოოპარკი იწყებოდა და ის ხმაც, ჩვენ რომ მივედით, მანდ სადღაც მიწყდა ამ დროს.

– ხომ გითხარი ზოოპარკიდან ისმის-მეთქი, შე ქინძო, რომ დამარბენინებ იმასავით... – თან ამას რატომღაც ჩურჩულით ვეუბნები.

– ტირიდან ისმოდა, – თქვა მარკუსმა და ისევ წაინია.

– რა გაატრიაკე, ბიჭო, საქმე, წამო და ვნახოთ მაშინ, მაგის დედაც ვატირე, ოღონდ ჯერ ჩუმად მივიდეთ და დავალივეროთ, – ვუთხარი და ბუჩქებში გავხობდით. გავხობდით და რაც მე იქ ვნახე, მარტო ყველაზე დამპალ უფასებში თუ მინახავს და ახლალა შევამჩნიე, ხელში რომ არყის ბოთლი ჩამებლუჯა მაგრად, ეგრევე ბოლომდე ჩავცალე, ბუჩქების უკან ჩაკუზულმა და კარგიც ვქენი – ცოტა დუხზე მოვედი.

აქეთა კედელი არც იყო საერთოდ და ყველანი კარგად ჩანდნენ, ეგ შიგნაკრავი სატანისტები თუ ვილაც ჩემისები. იდგნენ ასე ჩუმად, ორიც გოგო იყო და დაჰყურებდნენ რალაცას, ის რალაცა ცოტა ფართხალედა და გასისხლული იყო მთლიანად და ძალი ბლიად, მარკუსას ერთ-ერთი ძაღლი, კედელზე კი ის სირული რქები და ვარსკვლავები მიეხატათ შავად... არადა, ვილაც შტერი ბავშვები კი არა, ჩვენზე უფროსებიც იყვნენ, მე რომ მოვსტყან ჯერ ამათი და მერე ზემოდან მწერლის სწავლა-განათლება.

მარკოს ჩავეჭიდე და ჩუმად ვეუბნები, თან ხმა მიკანკალებს:

– წამო ახლა, მარკუს, და ბიჭებიც მოვიყვანოთ, აქვე დავმარხოთ ეს ნაბოზრები!

ამას იმიტომ ვეუბნები, რამენაირად რომ მოვაშორო აქაურობას და ავითესოთ აქედან, თორემ ამათ რა ბიჭები უნდა დააყენო, ამათ სულ რომ არმატურები ურტყა თავში, უფრო უსწორდებათ უკუღმართებს, და სულ რომ მარტო იყოს მაგათიანი და ოცი კაცი ურტყამდეს, მაინც წინ მოიწევენ კარგი ვაჟკაცებივით, თან ყველაზე მურტალი ისაა, რომ ამ როჟებით, შეშინებული სახეებით მოიწევენ; რომ უნდა გარბოდნენ და იმალებოდნენ სადღაც, ეგეთი თვალების პატრონები და ესენი პირიქით მოდიან მაზოხისტი ნაგიჟრები, თითქოს გაქცევა უნდოდეთ და უკნიდან ვილაცა ხელს აქეთ კრავდეთ და ვერაფერს უზამ, ან შენ თვითონ უნდა გაიქცე და ან უნდა მოკლა, თორემ მოვა და ისე გაგიყრის რამეს როგორც არაფერი, იმიტომ რომ კიდიათ ყველაფერი ფეხებზე,

მინახავს ამბავი და მაგიტომ ვამბობ... ქალაქ-გარეთ რომ ბრიდავდნენ კატებს და ძაღლებს და კრეტინულ რიტუალებს ატარებდნენ, მე მეგო და რაშიდასთანაც შევხვედროდი ერთი-ორჯერ, მაგრამ აქ, შუა ქალაქში თუ ვნახავდი, არ მეგონა ნალდად.

წამოდი-მეთქი, თქმაც ვერ მოვასწარი და გადახტა მარკო აბჯრიანი მეომარივით, გზაშივე შეაღწეა თავისი ბოთლი კედელს და იმათ განძრევაც ვერ მოასწრეს, ისე ჩამოუტარა ბოთლის თავი – რაც ხელში შერჩა და რომელიღაცის მაიკამაც გაიხრინინა და სისხლმაც გაასხა ეგრევე.

მეც უკან მივყევი მარკოს, თან მაგარ სისულელეს ვბურტყუნებ გზადაგზა: – ბიჭებო, მთვრალია და არ გაგიტყდეთ-მეთქი, – ასე ბოდიშ-ბოდიშებით მივაჭერი და თვალებშიც გამოანათა: უკნიდან დამიშვეს რალაც.

ცოტა აზრზე რომ მოვედი, ვხედავ – მე და მარკუსი გაგდებულები ვყავართ, თან იმაზე მეტნი ყოფილან, ჩვენ რომ ვნახეთ და ახლა ჩუმად დადიან გარშემო და წიხლებს გვირტყამენ. ერთი გოთვერანი გოგო უფრო შუსტრი ტიპი ჩანს – ხან იქითაა და ხან აქეთ, შიგადაშიგ რალაც ფიცარს გვირტყამს და მეც ხოშიანად ვაგინებ, აბა სხვა რა უნდა ვქნა, უეჭველი წელანაც ამ გოგომ დამიშვა ფიცარი. უცებ, გავიხედოთ და მარკო, ჩემი ძმაკაცი, მოიკუნტა და ტირის მთელ ხმაზე, ქალებს რომ ისტერიკა ემართებათ, ეგრე ქვითინებს და მარკუსს, ეგ კაპიშონკა და ხელები თავზე გადაიფარე და ფეხებს ვერ მოგვჭამენ, – ვარიგებ ჩემი ჭკუით და თან ბოლო ხმაზე ვღრიალებ: – ამის ცემა არ შეიძლება, მე თქვენი ტუტუცი დედა ვატირე-მეთქი, წამოდგომაც მინდა და მაგდებენ უკან და ისე ვარ უკვე, რომ მეც ფეხებზე მკიდილა ყველაფერი და მარტო იმას ვნატრობ, დღეს მარკუსას არ დამართონ რამე და ხვალ გამოვართმევ ბიჭებს იარაღს და მართლა დავაკლავ სათითაოდ ერთმანეთზე... მაგრამ ამ დროს სახეებზე ავხედე და ტანში გამაცია ისევ – თითქოს აქეთ მე და მარკუსა ვცემდით, ეგრე დაგვყურებდნენ და ჩავიბლავლე, რაც გამახსენდა:

– რაშიდას ბრატვა ვართ, თქვე ნაბოზრებო!

გაჩერდნენ წამში. მარტო ის წაკლა გოგო გვირახუნებდა გემოზე და დანარჩენებმა ძლივს გააჩერეს. სახიდან ხელები ჩამოიღეთო, – გვითხრა მერე ერთმა, წვერი რომ ჰქონდა ლამის ჭიპამდე. ჩამოვიღე ხელი და ამან, რაშიდასთან მინახავს მართლაო. იმ გოგომ ერთიც მოიღერა თავისი ფიცარი, ისევ დანარჩენებმა შეაჩერეს და ისე როგორ მოვკვდები, ამას თუ ეგ ფიცარი უკან არ გავუყარე... წვერიანი კი ძალიან წყნარად გვეუბნება: – ახლა წადით, ბიჭებო, და სხვა დროს აღარ შეგვიშალოთ ხელი. აათრიეს მერე თავიანთი გასისხლული ძმაკაცი, მარკუსმა რომ დაჭრა, აიკრიფნენ და დაგვტოვეს ასე გატყავებულ ძაღლთან.

სად გაგვიმართლა, მთვრალეები რომ ვიყავით, თორემ ხელით წასაღებები გავხდებოდით მაშინ მე და მარკო, ჩემი ძმაკაცი და ფლეიტის

ოსტატი. იმ დარეხვილმა მწერალმა კიდეც – ცოდოები არიანო, ბლიად.

იმიტომ გამახსენდა ამბავი, რომ ახლა ეს ჩემის სატანისტებიც იქვე იყვნენ და ხან პეტოს და ვალერას ალივერებდნენ, ხან იატაკზე ჩამწკრივებულ სანთლებს ასწორებდნენ და თინეიჯებისკენ არ იყურებოდნენ საერთოდ. წვერიანმა გამოიხედა, მიცნო და თავი დამიქნია, ვითომ არაფერი და მეც არ ვიყავი მანდ უშუს ჩამტარებელი, თან კარგი დრო იყო იმ ამბიდან გასული, მე და მარკოც ჯანზე ვიყავით და ახლა ხელი ავუწიე მეც, ის ფიცროსანი გოგოც მოვიგონე და უფრო კარგად მოვათვალიერე იქაურობა: აქ თუ იყო, კი გაჟიმავდა გემოზე კაცი, მაგრამ ამ განათებაში წესიერად არც ჩანდა არაფერი, ნელ-ნელა მუსიკაც მძიმდებოდა და მერე იმ დომხალში რაღას ვიპოვნიდი. პეტომ მოიხედა თუ არა, ხელი დავუქნე და მოვიდა პეტროსა, – ერთადერთი რაშიდას ხალხიდან, რომელსაც ასე თუ ისე ვეძმაკაცებოდი.

– ვა, შენც ჩამოხვედი, ჯიო? რა იყო, ახალამოსული ძუძუ მოგენატრა? – პეტო გვერდით მომიჯდა და იქვე მჯდარ თინეიჯებს გადახედა, სამ ნომერზე ნაკლები რომ არ ჰქონდა არცერთს, – ვალერა-სირმა რომ ბოლო ზარიდან მორეკა, იკაიფე? დანერილი საროჩკებიც რომ ზედა აქვთ!

– მალე მთავარი პორნოვარსკვლავი რომ შევიქმნები რაშიდას კინოებში, მერე ტრაკზე მაკოცებ, პეტროს, – ვუთხარი მე, – აბა ბოლო ზარი?

– ვა, რამდენს გაძლევს რო რაშიდა? – ამ კრეტინმა ან მართლა დაიჯერა და ან თავს იდებილებს, – მე რატომ არ მითხრა მერე...

– შენ და ვალერა საჭურისები ხართ მაგის ჰარემისა და მიტომ.

– ვინაა საჭურისი ტო, საჭურისი მამაშენია, – გაუტყდა პეტოს.

– კარგი, ვხუმრობ, რას ავარდი...

სულ არ მეკიდა, პეტო სად ავარდებოდა და სად ჩამოვარდებოდა? მაგრამ ახლა რალაც-რალაცები მაინტერესებდა.

– რა ბოლო ზარიო, პეტროს?

პეტოს გაეცინა.

– აქეთ რომ თეთრსაროჩკიანები ზიან, ხედავ? მაგათ დღეს სკოლა დაამთავრეს და ამ შტერმა – წამო ბოლო ზარის ტუსოვკაზეო, მაგრად გაგისწორდებათ და წამოყვანენ ცხვრებივით.

იქით გავიხედე, მაგრამ თეთრად არაფერი მოჩანდა.

– ახლა გახდილები აქვთ, თორემ ეგენი არიან, – ამიხსნა პეტომ.

სალოლ ზიგმუნდებს, დღეს რალაც სწრაფად მუშაობენ... მაგრამ მე დღეს ან ფიცრიანს გავჟიმავე და ან არც არავის, ჩემთვის დავბოლდები რაშიდას სახურავზე და ნეიზე ვიფიქრებ.

– იმათმა რაო, პეტრო, – ვუთხარი და სატანისტებზე ვანიშნე.

პეტომ ხელი ჩაიქნია.

– მაგათ ხომ გამიტრაკეს, ჯიო, საქმე, რას უშვებს, ბლიად, საერთოდ რაშიდა.

– რა გვინდაო?

– რა გვინდა და კედლებზე წითელი კრასკა რა პონტიში მინახითო, გეთქვათ და ნალდ სისხლებს გავაძრობდითო.

აზრზე ხარ, ეგენი კიდეც კატა-ძაღლებს წურავენ, ამათი... ან არ ბეზრდებათ, ან აქამდე როგორ არ დაგლიჯა რომელიმე ძაღლმა.

– პეტროს და, ვინმე გოგო ხომ არ მოყვათ? დიდი ფიცარი უნდა ეჭიროს ხელში...

აქ კი იმ ნაფაზმაც დამიკაკუნა, წელან კიბეზე რომ მომანოდა ვილაცამ.

პეტომ შემომხედა.

– არადა, ამ შუქზე საერთოდ ვერ შეგატყე, ტო. ვარგოდა? მე კი მარტო კალიკებზე ვზივარ ამ ბოლო დროს, რაშიდას ჩამოუტანეს და მაგრა სხვანაირად მოაქვს.

– არ მიყვარს წამალი და კალიკები, ხომ იცი პეტროს. წელან მოსაწვევს ამოვარტყი ცოტა და ეგაა. მისმინე, სერიოზულად, მაგათთან ერთად ორი თუ სამი გოგო ხომ არის მოსული?

– რავი, მე რომ გავუღე, ეგენი იყვნენ მარტო, – თქვა პეტომ და გამიტყდა. დიდი რამ მულამი მქონდა იმ გოგოსი და ახლა იქაურობასაც მუშტრის თვალით გადავხედე, მაგრამ ეს დომხალი არ იყო ჩემი ამბავი, აქედან გამომდრობილ გოგოზეც იმპოტენციის შეტევა დამემართებოდა, გამოცდილებით ვიცოდი და რაშიდას ქალებს კი ერთი გაბურძგნილი ჯიოლენდისათვის სად ეცალათ, მთელი ავტობუსი მოსწავლეები ჰყავდათ მისახედი... უცებ რაშიდას ერთ-ერთ კამერას შუა თითი ვაჩვენე. ჯერ არ გადაიღებდა რაშიდა, მაგრამ შეიძლება ისე გვიყურებდა.

ვარ ასე დაბოლმილი და ვფიქრობ, აქვე გავითიშო თუ ზევით ავიდე, ალექსთან, ალექსი კი უეჭველი ისევ აღინაზე გამიხურებს და ამ დროს იქვე ვალერას ლიციანი მესმის:

– ჰლანი არ გინდა, პატარავ?

– აუ, გააჯვი რა, ვალერ! – და ამას ბავშვის ხმა ამბობს. ალბათ ვილაც თინეიჯი წინილან და უბრალოდ ასეთი ხმა აქვს, ანდა ამ მუსიკაში და აურზაურში წამოიღო ხმამ ეგრე წვრილად.

– რატო, ლადა, ხომ განეინებს ხოლმე შენი და...

ლადა... ლადა... უჰ შენი, ლადა ტო!

– აღინას დაა, ბიჭო, აქ? – მივუბრუნდი პეტოს.

– რავი, ჯიო, წელან ზევით გვებლანდებოდა ფეხებში და ეხლა ეტყობა აქ ჩამოსულა. რას დაათრევს ის ბოზი კიდე აქეთ-იქით!

ახლა მე რომ ამისთვის შემომერტყა, ალექსი მერე მე შემომარტყამდა და გავჩუმდი.

– თვითონ აღინა სადა გდია? – ვკითხე მერე.

– აბა წელან რას გეუბნებოდი, დილით მანქანაში ჩაისვა და წაიყვანა-მეთქი გორილამ, – გაბრაზდა პეტო და ამ დროს დაუძახა ვილაცამ და იქით წავიდა.



აუუ! მიდი და უთხარი ალექსს, ახლა შენს ალინას ვილაც გორილა უბლაგუნებს სადმე უკანა სავარძელზე და მაგის შვიდი წლის და კიდევ შუა გრუპავუხაში ზის და ვალერა პლანს აძალბებს-თქო... ამ დროს ლურჯი ნეონებიც აინთო და გადააცისფრა იქაურობა, ზემოთ დაკიდულმა ბურთმა კი წითელი წერტილები დაატრიალა ყველგან. ეს მართლა კარგად მოუფიქრებია რაშიდას და ხალხმაც კივილი დაიწყო და ტაშიც დაუკრა. ეტყობოდა, მთავარი ამბავიც მალე დაიწყებოდა.

– თამ, მოიხედე ერთ წუთს, – დავულრიალე თამარას – ზედ დინამიკთან იჯდა და ხმა რომ გაეგო – და მკლავზე მოვქაჩე.

თამარა ადრე სულ სარეპეტიციოებში ეგდო, ბევრჯერ შევყრილვართ ერთად და მოხარულულებს ვიცნობდით ერთმანეთს, თან, ხომ ვთქვი, ჩემს ძმაცაცთან, ჩუისთან რომ მოძრაობდა ერთხანს, ახლა კი რაშიდას ქალი იყო, მუშაობდა და არ ეცალა.

– შენი თავი არა მაქვს, ჯიო, მანდ ერთიორი ნაღდი გოგოა, გამოაძრე და მაგათ მიხედე! – დამიყვირა იმანაც და ვილაც გოგოსთან ზასაობა გააგრძელა, მაგრამ მე არ მოვეშვი და იქვე ჩავუჯექი ამბავში, თან ცალი თვალთვალს ვამერებს ავხედე, – მეთქი, ხომ არ იღებს ჯერ ჩათლახი რაშიდა და ემანდ მართლა პორნოვარსკვლავი არ გავიჩითო მაგის უკულმართ ვიდეოში, თუმცა იქ ბევრნი ჯერ კიდევ პირლიები იჯდნენ და კადრებს აფუჭებდნენ.

– თამ! თამ! – დავეჯაჯგურე ისევ, – სხვა რამე მინდა, თამ!

თამარა იმ გოგოს შეეშვა და ინტერესით შემომხედა.

– რა სხვა რამე?
– ალინა სადაა, ალინას ვეძებ, თამ!
– შეგიყვარდა, ბიჭო? – გაეცინა თამარას.
– მე კი არა, გოიმო... მაგარი საქმე მაქვს და როდის მოვა, უცებ მითხარი!

– აღარ მოვა ალინა! – დამიყვირა თამარამ, – საერთოდ წავიდა, დაახვია აქედან! – და ისევ თავის გოგოს მიუბრუნდა, ამასობაში გაბრაზებული რომ მიყურებდა.

ეეჰ, ლესბო... კაცმა თუ მოახერხა და ლესბო გაჟიმა, მერე დიდხანს აღარ მოუნდებოდა სხვა ქალი. ყველაზე მაგარი პარტნიორია ლესბო, ნაღდი ლესბო ოღონდ, ეს წინილა კი არა, ახლა რომ მკვლელივით მიყურებს. ნერწყვი გადავყლაპე და ოცნებებიდან გამოვერკვიე:

– სად დაახვია, თამ! ერთიც, ჩემს თავს გაფიცებ...

თამარამ შემანყვეტინა:
– გათხოვდა ბიჭო, გათხოვდა, გაიგე? დილით ვილაც თურქმა ცოლობა თხოვა, ბრილიანტის ბეჭედიც აჩუქა და მოხიეს ორივემ და გააჯვი ახლა აქედან!

აუუ! რა ეტყვის ახლა ალექსს... ანდა სულაც არაფერს ვეტყვი და იჩალიჩოს თვითონ, მე მაგის კერძო დეტექტივი ხომ არა ვარ.

– გორილამ თხოვა თამ? გორილამ აჩუქა,

ბლიად... – ჩავილაპარაკე დაბნეულმა და კიბის თავში მოწეულიც არ ყოფილა ურიცხვად.

– ნებოს ჯობია, ლადა! – მომესმა ჩემი და მკვივდი, ახლა რაც უნდა მექნა.

– რა ნებო და პლანი, სულ გაუბერე შენ? – მივადექი ვალერას.

– ვაუ, პანკების ადეპტს ჩემი სალამი! – გადამეხვია ვალერა-ალბინოსი, ვინმე სათნო ბაბუასავით თეთრწვერა და თეთრთმიანი, რაშიდას გრუპავუხების მთავარი კლოუნი და უკვე გახეული მთვრალი, თან შუბლი უნათებს ნათურასავით, ულტრარაღაცის ამბავში. მართლა მაგარი სასაცილო ტიპია და გამეცინა.

– ვინაა, ბიჭო, შენი პანკი!
– თუ რავი, რაცა ხარ, – ამოღერლა ვალერამ, – ლადა-ლადა ლადოები!

– აუ, ჯიო, უთხარი რა რამე, გამიტრავა საქმე!

დავიხედე და კედელთან იატაკზე ფეხმორთხმული ზის ლადა, ალინას ექვსი თუ შვიდი წლის და.

მეც იქვე მოვირთხი ფეხი.
– აქ რას აკეთებ, ლადა...
– რას უნდა ვაკეთებდე, მუსიკას ვუსმენ და ამ სირმა კიდე შემცა, – თქვა ლადამ და ვალერას ახედა.

– წამო ზემოთ, იქ უფრო კაი პონტია, – ვუთხარი და თან ვცდილობ, პირდაპირ რომ პუფია, იმას ავეფარო, იქ კი უკვე ისეთი ტყლაშუნი გააქვს ვილაცის ტრავს, მუსიკას ფარავს ლამის.

– ზემოთ წელან ვიყავი და ბანძ მუსიკას უსმენენ იქ, გაჩერდი და მალე „ქრიდლოფფილზი“ შეიყვანს, ამ დროს რთავს ხოლმე რაშიდა...

აზრზე მოდი, შვიდი წლის ბაღლი და უკვე ყველაზე მურტალ საიდ-მეტალზე ზის, თან აქ ბევრჯერ იქნება ნამყოფი, ზეპირად იცის მასტმა, როდის რა შეყავს რაშიდას.

– ამო ზემოთ და შოკოლადებია იქ, – ვეუბნები.

ლადამ შემომხედა.

– შენ შიგ გაქვს, ჯიო, თუ უკვე კაიფში ხარ? რა ჯანდაბად მინდა შენი შოკოლადები, წებო თუ გაქვს, მომე.

– ნებო აყლევებს, მაგას ისევ პლანი ჯობია, – ვთქვი და იქვე მობოდილა ვალერას შევხედე, – ეგერ, ვალერას ხომ ხედავ? შენხელა რომ იყო ეგეც ნებოს სუნთქავდა და ნახე, ახლა რამხელა თავი აქვს.

– მართლა წეპოსგან გაუხდა ეგეთი თავი? – შეფიქრიანდა ლადა და ვალერას გახედა დაეჭვებულმა, – დაიგინე აბა?

– რა უნდა დავიგინო გოგო, ბავშვობაში ერთად დავრბოდით მე და ეგ. მერე კითხე, თუ არა გჯერა.

– მაშინ წეპოს გადავაგდებ და პლანზე შევჯდები! – გადაჭრით თქვა ლადამ.

აუ, ეს რა შარში გავყავი თავი! კეფა მოვიფხანე.

– პლანიც ასივებს თავს, შენ რომ იცოდე... – ვუთხარი გაუბედავად.

ლადას გაეცინა:

– მაშინ შენ მარტო თავი უნდა დადიოდე კალაბოკივით და ახლა მართლა იტყუები და ატრაკებ, ჯიო.

ესა ნახე, რა მომადო!

– არ ვიტყუები და ავედი ახლა მე ალექსთან და თუ მოდიხარ, წამო, თუ არადა ეგდე აქ და უყურე ამათ! – გაბრაზებული წამოვდექი და ლადაც ეგრევე წამოვდგა.

– ალე შემოთაა, ჯიო? აბა მე რატო ვერა ვნახე.

ეს ალექსა კიდეც ყველას რომ უყვარს, ბებერს ბავშვს თუ ვირთხას...

ჩავკიდე ხელი ლადას, კიბისკენ წავედი და დარბაზიც ამასობაში უფრო შევსებულიყო შემოდან ჩამოსული ტიპებით. ერთ დივანზე სატანისტების შემადგენლობა მიფენილიყო გაუნძრევლად და გვიყურებდნენ. თვალი ავარიდე და კიბეზე ავედი.

– შენი და სადაა, ლადა? – ვკითხე გზაში ფრთხილად.

– სად უნდა იყოს, ჟიმაობს ალბათ სადმე, – თქვა ლადამ უდარდელად.

ამასაც თუ ბავშვი ქვია ბლიად, მე ნაკლა აღინას დედა რომ ვატირე და ჩავუფსი ალექსს იმ ბნელ სარდაფში და რომანტიკაში, რომ არ გაკუზა აღინა მანდვე და ახლა კიდეც ამ ლადას რომ დავათრევე აღმა-დაღმა ძიძასავით...

შემოთ სულ შეთხელებულიყო ხალხი. ძიძაკაც ისევ ძველებურად აკიმალებდა. ღვიძლის ბიჭები, ალექსი და მწერალიც იქ იყვნენ და აქედანვე ეტყობოდათ, რომ კარგა ღრმად იყვნენ უკვე მალაროში შესულები. ჰაკერები და ჩუი ჩვეულებრივზე უფრო ბედნიერი სიფათებით იჯდნენ და მწერალიც არ უნდა ყოფილიყო ურიგოდ, თან გვერდით ვილაც ჩოლკიანი გოგო ეჯდა და ის გოგოც კაი დარეხვილი ტიპი ჩანდა; რომ მივედი არცერთს გამოუხედავს და ბაზრობდნენ რაღაცას მწერლებზე თუ მხატვრებზე და გოგოსაც შუბლზე ეწერა, – ამ ჩემის მწერლის სკვერებში კუნტრუში რომ ენახა, სულ გააღმერთებდა და ტრაკზეც აკოცებდა შემოდან, არაორდინალობის და ასე პოზუისტურად გამოხატული ინდივიდუალიზმის ამბავში. ისე, ჩვენს მწერალს მაგრად გაუმართლა და ბუნებრივად მოსდგამს ბალაყანამოგდებული სირბილი, თორემ დაიარებთან აქ ისეთებიც, პოეტები თუ მხატვრები – სულ არ ეხოშებათ და მაინც ძალით გადადიან ყირაზე, ტუტუცი და ფულიანი ხალხი რომ უმრავლოს ღმერთმა.

– ალე! ალე! – ხელში რომ ბუშტები უჭირავთ, ეგეთი ბავშვივით გავარდა ლადა და ისე შემოახტა ალექსს, ბანძ კინოებში შვილები მამებს რომ ახტებიან ხოლმე. ერთი შენელებული კადრი და მორიკონეს მუსიკა აკლდა ბექში და აქეთ კიდე ვინმე მაზალო და ცრემლიანი მაყურებელი.

რამ შეაყვარა ასე ალექსა, აზრზე არა ვარ მართლა, არადა ერთი ამბავი ჰქონდათ მართო ალექსს და ლადას: მაშინ დედატერეზობამ

მოუარა ეტყობა ალექსანდერს და ზოოპარკში წაიყვანა ლადა, წაიყვანა რა – აქედანვე, პარკიდანვე გადაბობდნენ ზოოპარკის კედელზე, ეშმაკის ბორბალზე დასვა ალექსამ და როცა სულ შემოთ ავიდნენ, ნახევარი პაპიროსი მარისუნაც გააბოლა თვითონ, რომ ჩამოვიდნენ და აქლემის გალიასთან ისეთი წამოულო ალეს, სულ დაავინწყდა ლადა და მარტო გადმოძვრა მერე ჩვენთან.

ჰოდა, ეგ ერთი ამბავი ჰქონდათ სულ და ახლა აბოლებს ლადას ალექსზე. რას გაუგებ ბავშვებს.

– აქ თუ იყავი ალე, მე რატო ვერ ვნახე, – უთხრა ლადამ და მკლავზე უჩქმიტა.

ალექსმაც დაინახა ლადა და ეგრევე გაანათა იქაურობა, ისე გაუხარდა, თან წამოვდგა და თმას ისწორებს: ამ შტერს ისიც თუ ეგონა, რომ ახლა ლადას აღინაც გამოყვებოდა და ისიც ზედ შემოახტებოდა, მაგრამ აღინას კიდია ალექსი, აღინას ფულიან გორილებთან ბლაგუნი ურჩევნია ჩემს თმაგაჩეჩილ ძმაკაცთან ერთად ჩამოსასხმელის სმას და მერე კარუსელებზე სიმღერას და ამიტომ არსად ჩანს ეგ დედაფეთქებული აღინა, ალე კი ისეთი სიფათით მიყურებს – რაღაცის კითხვა უნდა მაგრად, ვერ მეკითხება და მეც არაფერს ვეტყვი ასი წელი, ადგეს და თვითონ გაიგოს... და უცებ ისე შემეცოდა ალექსა, ჩემი ძმაკაცი და დიდი გიტარისტი, ჩუმად რომ იდგა და გვიყურებდა ხან მე და ხან ლადას, – ყელში ბურთი მომანვა და კინალამ გავფუჭდი მაზალოსავით ამ დანყველილ სახლში, თან გამიხარდა კიდეც: ჯერ გულჩვილობის სტადიას გავდიოდი ეტყობა და მაშასადამე, წინ მქონდა ყველაფერი.

– დაბლა იყო და ამოვიყვანე, – ვთქვი ისე, რომ ალესთვის აღარ შემიხედავს და დივანზე დავჯექი.

დაბალ მაგიდაზე შამპანურები და კონიაკები ეწყო და მეზიზღება ერთიც და მეორეც, მაგრამ მწერალი, ჩოლკიანი გოგო და ბიჭებიც კონიაკს უბერავდნენ, თან ჭიქებით უბერავდნენ და ზედ რაშიდას სიგარებსაც აბოლებდნენ გემოზე. შამპანურის არც სიმთვრალე მიყვარს და არც პახმელია, შუშის ჭიქით კიდეც ბოლოს როდის დავლიე დასალევი, აღარც მახსოვდა და ახლა არყის ძებნა დამეზარა და ისევ კონიაკი მოვიყუდე ჩემებურად.

– სად დაბლა ნახე? – მკითხა ალექსმა.

– მარტო იყო და აქ ამოვიყვანე, – ვუთხარი და კონიაკს სიგარაც ჩავუფინე იმასავით. მოკლედ, ერთი კაზაჩოკები არ მეცვა და სუფთა ის ვიყავი, რა ქვია იმას.

– მუსიკას ვუსმენდი, – აუხსნა ლადამ და შეეხვეწა: – აუ ალე წამო და ისევ ჩავიდე, რა! იცი, რა მუსიკა შეიყვანა რაშიდამ? წამო და ვალერას პლანს გამოვართმევ შენთვის ა? წამოხვალ?

– რაშიდას დამსმელი უნდა მოვტყნა ახლა მე... – თქვა ალექსმა და მივხვდი, რომ დაბოლილი კი არა, მთვრალი იყო. მერე ჩემკენ მოინია და ყურში მეუბნება:



– ბიჭო, დაბლა რამე ხომ არა, ჰა? შემომაკვდება ბოზიშვილივიყო.

– შიგ ხო არ გაქვს ალექს, იქ არ ვიყავი, ბიჭო, მეც... – და გამახსენდა, რომ ლადა ბევრჯერ იყო აქ ნამყოფი და რა ვიცი, ამათი უკულმართი დედები ვატირე... მაგრამ პეტო და ვალერა არ იზამდნენ ამბავს; რაშიდას ხალხი კი იყვნენ, მაგრამ უყვარდათ მაინც ლადა, ვიცოდი და თამარაც უვლიდა ხანდახან, ალინა რომ უტოვებდა და საერთოდ არც უშვებდნენ მანდ, თვითონ ლადა თუ ჩაიპარებოდა ხოლმე და იქ უცხოს და განსაკუთრებულს რას ნახავდა, ალინას ხელში უარესები ჰქონდა ნანახი.

– დავიშალეთ თუ ვრჩებით? – გვეკითხება ჩუი, – ჩვენ მივდივართ უკვე.

აქედან ასე ფხიზელი არ ვიყავი წამსვლელი არსად და ალექსმაც – უჩვენოდ წადით, საქმე გვაქვსო.

– თქვენც დაბლა ჩადიხართ, ტო, – გაუტყდა ჩუის, ქვემოთ კი ჩუის ყოფილი შეყვარებული, თამარა მოძრაობდა, თან კარგად მოძრაობდა და მაგიტომ და ისედაც არ იყო ჩუი იქ ჩამსვლელი კაცი.

ახლა ზემოთ, სასუფეველში გვაქვს საქმეო – ალემ. მართლა მაგარი მთვრალი იყო.

– შენ ჩუი ხარ თუ ხუი? – დაინტერესდა ლადა.

– ალექს ახლა ეს უზდელი ბავშვი მოაშორე აქედან ძმურად, ამის ნერვები არა მაქვს, – ჩუიმ თავისი ფოხები აათამაშა ნერვიულად, – და საერთოდ აქ რა ჯანდაბას მოდიოდით, სირების ბუდეა ვერა ხედავ. მოდი ახლა ეს დასალევები გავწიოთ და ჩვენთან წავიდეთ და დავუკრაოთ.

– ჩვენ რომ გვეუბნები, თქვენ რა ჯანდაბა გინდოდათ აქ...

– ჩვენ რაც გვინდოდა, აგერ გვაქვს ჯიბეში ერთი თვის სამყოფი, – თქვა ცალმა ჰაკერმა, მწერალს კი ამასობაში უკვე ბაყვებშიც ჩაეყო ხელი ჩოლკიანისთვის, იმასაც თავის მხრივ აქეთ გადმოენვდინა მარჯვენა და ახლა რაღაც პალესტრის ხანის ქანდაკებას მიმოიხილავდნენ ორივე ბრძნული სახეებით.

ალექსმა მოკიდა ხელი ლადას და ორივემ ზემოთ ააჭრა, რაშიდასთან. მეც თან მივყევი.

რაშიდა იჯდა სავარძელში, ქუთუთოებზე ოხრად ტუში ესვა და წინ ერთი შვიდასიოდე მონიტორი უციმციმებდა. ეგრე ითხიპნება ხოლმე ტუსოვკებზე და ერთხელ ქალის პარიკითაც ვნახეთ მე და ალემ და გამოხეც ვიკაიფეთ. აქეთ თავჩალუნული პეტო და ვალერა მოჩანდნენ, რაშიდას სავარძლის უკან კი იდგა სულ შავებში ჩაცმული და სუფთად გაპარსული, ჭალარათმიანი კლიენტი, აქედან მუტანტს რომ წააგავდა და მერეც, კარგად რომ დავაკვირდი, მართლაც მუტანტი გამოდგა; წვეტიანი ტუფლებიც ზედ ეცვა და შურუკებიც უეჭველი სადმე ნასკებში თუ ტრუსებში ექნებოდა ჩატანიებული, ადათისამებრ... და ძმებოგრიმებო, სწორედ ამ ოთახში მზადდებოდა და მონტაჟდებოდა რაშიდას სახელგანთქმული

ბლექმეტალ ფართები, რომელიც თავისი ბუნებრიობით უფრო ქაჩავდა პორნოსაიტებზე ვიდრე გადაღების ხარისხით და მონტაჟით, და რომელსაც რაშიდა მერე თურქეთში აგზავნიდა და იქიდანაც დიდი კუშები და სერიოზული ნარკატა მოსდიოდა სამაგიეროდ.

მუტანტებს ჩვენები ეძახდნენ ალექსის წინა ცხოვრების ბრატვას, ეგრეთწოდებულ „კაიბიჭებს“, ხანდახან რომ ჩამოშავდებოდნენ ხოლმე მეტროს ხიდის ქვეშ თავიანთი კოვზებით და რასტვარიტელებით და მერე იჯდნენ ჩაკუზულები და ისე გვალივერებდნენ, როგორც უცხოულანტელებს.

მეტროს ხიდის ქვეშ კი იყო გამოღმელების: პანკების და გოთების, მეტალისტების და სხვა ფერად-ფერადი და დახეული ხალხის ყველაზე დიდი ბირჟა ქალაქში. სამოც-სამოცდაათ სულზე ნაკლებს იშვიათად ნახავდი აქ. იყვნენ ასე კუტოკებად თუ ერთმანეთში არეულები და ვისაც რა გაუსწორდებოდა, იმას აკეთებდა: ზოგი კიოდა და ზოგიც ჩუმად იყო, ზოგს ციოდა და ცეცხლიც ენთო და ზოგსაც ცხელოდა და შიშველი მოძრაობდა, ზოგი ზასაობდა ან ჟიმაობდა და ზოგიც წიგნს კითხულობდა, რაღაცას ჯღაპნიდა თუ მუსიკას უსმენდა. უფრო ცალკე და მოტეხილში ბირჟაობდა პიდარასტების კუტოკი, რომლებსაც ხანდახან ჩამოსძახებდნენ ხოლმე ზემოდან, ძვირიანი მანქანებიდან და მიჰყავდათ სათითაოდ. ამ ხიდქვეშ ყველას ის გვაერთიანებდა, რომ თითქმის ყველა ვიყავით ბომჟები და არცერთმა არ ვიცოდით ზუსტად, ხვალ სად ჯანდაბაში გავიღვიძებდით. მიუხედავად ათასნაირი ხასიათისა, გინდა სიფხიზლეში და გინდაც სიმთვრალეში თუ კაიფში, ძირითადად მშვიდობიანად მიდიოდა ამბავი, თუმცა უცხო თვალს რომ შეეხედა, უეჭველი იფიქრებდა, – აქ ახლა დიდი რამ დაგნარი აიწვევო, ისეთი აყალმაყალი და გნიასი იდგა ყოველთვის... ვიყავით ეგრე და საქმე-საქმეზე თუ მიდგებოდა, მხარშიც კი ვედექით ერთმანეთს – ფულის, დასალევის ან ლამის სათევის საკითხებში და ერთი გოგოები ატრაკებდნენ და წამდაუნუმ თმებით ათრევდნენ ერთიმეორეს და აქეთ მიდიოდა მაზიანები და ნიძლავები.

შავებზე ვამბობდი: ჩამოდიოდნენ ხოლმე ასე და გვიყურებდნენ. ადრე ხან გიტარას წაართმევდნენ ვინმეს, ხან საყურეს ჩამოახევენდნენ ყურიდან, სანამ ერთმა გალიმებულმა მეტალისტმა ერთხელ ზურგჩანთიდან არ გააძრო გადაჭრილი სანადირო თოფი და ერთ მუტანტს არ მიუშვა ორივე ჩახმახი შიგ თვალებში და განუწა იმის ტვინით ნახევარი ბირჟა, თვითონ კიდეც მაჯა ეღრძო და იდგა მერე დაღმეჭილი და ხელზე იბერავდა სულს. ის მეტალისტი მუტანტის მეგობრებმა კი გააქრეს სადღაც, მაგრამ ამ ამბის შემდეგ არავის ერჩოდნენ აქეთ, ისე ჩამოდიოდნენ ხიდისქვეშ წამლის გასაკეთებლად და გვიყურებდნენ ასე, როგორც ყოველთვის, ჩაკუზულები და ეგენი საერთოდ ლამის მთელ ცხოვრებას ჩაკუზულე-

ბი ატარებენ, იშვიათად მინახავს ფეხზე მდგარი, გამართული მუტანტი და ახლა რაშიდასთან რომ შემომხვდა, იმიტომ გამიკვირდა და მეთქი სურვილი ხომ არ ჩავუთქვა ამბავს.

– საიდან მომიყვანეთ ბიჭო ეს ქინძები, რა ვუყო ახლა მე ამათ! – ღრიალებს რაშიდა.

– ზროსლები არ გვინდაო, თინეიჯები მოყარეთო, ეგრე არა თქვი, რაშიდ, – ბურტყუნებს ვალერა. შუბლზე და ლოყებზე ისევ ის ფოსფორივით რაღაცა უსვია და ჩვეულებრივი ნათურის შუქზე ვილაცის ორგაზმის მსხვერპლივით მოჩანს.

– მერე აქვე სადმე ვერ აყარეთ, თქვეჩემისებო, ეს პაპკიანი კლიენტები რომელ სკოლაში იბოვებთ, თქვენი დედები რომ ვატირე მე!

– მართლა ბოლო ზარიდან მოხსნა, ბოზიშვილივიყო, – ხითხითებს პეტროსა, ეს ქლიავი.

– აზრზე ხარ, ტო, – მიუბრუნდა რაშიდა იმას, მუტანტს, მუტანტი კი ცხვირს იფხანს და ქირქილებს:

– ჩაგვაბოზებენ, ძმაო, ეგ შკოლნიკები.

ღრმა გაჩხერილში იყო მუტანტი და ეტყობა მსოფლმხედველობა შემოუტრიალდა კაიფში და მაგიტომაც იდგა ფეხზე, როგორც იმ ანგედოტშია: სამი ღამურა რომ ტოტზე ჰკიდია თავდაყირა და პლანს ეწევინ და ამ დროს ერთი ამოტრიალდება, ჩვეულებრივად დაჯდება ტოტზე და რა მოუვიდაო, – მეორე ღამურა იკითხავს და მესამე ეტყვის – ეტყობა მაგრად წამოულო და გული წაუვიდაო. მოკლედ, ხომ ხვდები.

– ისე, ეგრე უფრო ბუნებრივი კადრები გამოვა, რა გინდა, – ვუთხარი მე.

– თუ არ იყიმავეს, რა ჯანდაბად მინდა ბუნებრივი კადრი, – თქვა რაშიდამ და ახლალა შემოგვხვდა:

– ვაა, ჯიოლენდ? ალე?

თან ზედ შეეტყო, რომ გაუტყდა ჩვენი დანახვა – მე და ალე ვეკაიფებით ხოლმე სულ და ახლა, წონა რომ არ დაუფარდეს თავისიანებში, პეტოს და ვალერას ეუბნება:

– რას მიყურებთ, გააჯვით აქედან და იმ კამერას მიმიხედეთ.

– რომელ კამერას? – ამბობს ვალერა და რაშიდა ყვირის ისევ, თვალეზე ტუშნასმული:

– პივა რომ აასხა, ბლიად, ვილაცა შტერმა, იმ კამერას და მალე ქენით, ისედაც ძლივს მიქაჩავს ფილტრები!

ვალერა კარისკენ დაანვა და ბოლო სიტყვაც ჩააგდო კარებში:

– ვინ კამერას, ტო... ჩიტი ხომ არა ვარ, რაშიდ, იმ სიმაღლეზე რა მოწმინდავს.

– ჩიტები ხომ არა ვართ, რაშიდ, – მხარი აუბა პეტომ, გასვლისას რაღაც კალიკი ჩამოდო ხელში და ყურში მიჩურჩულა:

– მიუშვი, ჯიო, ეგრევე, ყველა ნარკატას იხევს და შენ იცი...

ამ დროს ალექსა რაშიდას მიუახლოვდა, ლადაც გაიყოლა და რაღაცნაირად, დერსკად და ჩუმიად ეუბნება:

– ამას იქ რა უნდოდა, შე ნაბიჭვარო!

ისეთი დუხით უთხრა, გეგონება, ქამარში ისევ მამამისის ნაჩუქარი გლუმიტელიანი ჩეზე ედოს და გარეთ კიდეც მაფიოზი ძმაკაცებით გატენილი დაბურულმინებიანი ბეემვე ელოდებოდეს და გაფუჭდა რაშიდაც, როგორც ფუჭდებიან ხოლმე ქინძები, თვითონვე რომ ხვდებიან თავიანთ ქინძობას და მოულოდნელად ნაღდ ამბავში რომ მიადგებიან ზედ... და რაშიდამაც დაიციყინა:

– აბა ვისა, ალე!

– დაიკიდე, რაშიდ, ვერა ხედავ, მთვრალია გახეული, – თქვა ლადამ და ალეს მიეხუტა.

მუტანტი კი ამასობაში ჩემი ძმაკაცის მწვანე კედებს ათვალეირებს და ისევ ქირქილებს:

– ალექსანდერ, რავა ხარ, ბრატ!

ალეს ის ტიპი ან არ შეუმჩნევია საერთოდ, ან შეამჩნია და რა ვიცი ვინ ეგონა და მოკლედ, ფეხებზე ეკიდა აქამდე მუტანტი. ახლალა შეხედა, ეტყობა იცნო და მაგრად დაიბნა, ლადაც ეგრევე მოიშორა.

– ვა, უცებ ვერ გიცანი, – ამბობს და იკრიჭება დებილივით.

– რაღაც აღარ ჩანხარ ჩვენკენ... – ენა ძლივს დაატრიალა მუტანტმა და უცებ შუსტრად, ფხიზელივით ეკითხება:

– ეგ ბავშვი ვინაა, ალექს?

სუბო აქვს ალბათ გაშვებული, სუბომ იცის ხანდახან ასეთი უაზრო მოტანა-წაღება, მონაცვლეობით.

– ლადაა ეგ, ალინას და, – წაილაპარაკა რაშიდამ, – ხომ იცი ალინა?

ეგ ისე თქვა რაშიდამ, საუბარი რომ სხვა სართულზე შეეგდო და ამ დროს თვალეზეც გაუნათდა ჩათლახურად; ეტყობა რაღაც ამბავი აწონ-დანონა უკულმართ ტვინში, სიტუაცია კარგად დაალივერა და სავარძელში გადანვა.

– იმ დღეს რომ გაგაჟიმიე, ბიჭო, ალინა, მწვანეთვალეა, როგორ არ გახსოვს, ტო, – უთხრა მუტანტს და ალეს შეხედა თან.

– ალინა... ალინა... – მუტანტი სავარძელს ჩამოეყრდნო და ღრმად ჩაფიქრდა თუ ისევ მოუტანა და რაშიდას მელოტ კინკრიხოს დაუშტერა თვალი.

ამ დროს კარებში პრია გაეძრო:

– რაშიდ...

– პლეთი! – მოაკეტინა რაშიდამ და დაამატა: – ეს ლანირაკი გაიყოლე პახოდუ და იმ სირქალასაც უთხარი, რომ აღარ მოათრიოს აქ!

– სირქალა თავი გაბია! – უთხრა ლადამ, კარებში გაძვრა და ყვირის იქიდან: – ალე, მანდ რომ მოაყომარებ, დაბლა ჩამო, ოკეი?

ლადა-ლადა... არადა, რომ შეხედავ აბრამის თუ ჯეშალის ბატკანი გეგონება, ბაბთებიანი ცისფერთვალეა გოგონა და რამე.

– შემომაკვდება ეს ბავშვი, – ისევ ალეს უყურებს რაშიდა, სავარძელში გადანოლილი და ალე, ჩემი ძმაკაცი, დგას ეგრე ჩუმიად და ვუყურებ და ველოდები – ოდნავ, სულ ოდნავ მაინც გაინძრეს, რომ ავილო ხელში სკამი და მივაფშვნა ვინმეს სიფათში... ამ დროს რაში-

დამ მუტანტსაც ახედა, ამასობაში ზედ კეფაზე რომ დაცვიბოდა თვალებით. ახედა და ტაშიც შემოჰკრა:

– ვა, ახლა გამახსენდა! ხომ გათხოვდა ალინა, აზრზე ხარ, გუდრონ? მართლა გათხოვდა, ბოიშვილივიყო!

გუდრონაო... მე რომ ეგეთი მეტსახელი მქონდეს, ფლასებს ჩავიცმევდი და სადმე მღვიმეში დავეყუდებოდი ხმელა პურზე – ისეთი დავიგრუზებოდი.

ტაშზე მუტანტი უცებ გამოფხიზლდა:

– ჰოო, ტო...

– საელჩოდან რომ დადის ბარიგა, იმას ნაუყვანია, აზრზე ხარ? – აგრძელებს გნიდა რაშიდა.

– თეთრი რომ მოაქვს, ტო? გორილას რომ გავს... – ბავშვივით გაიცინა მუტანტმა, – ფაქტი მოაქ და ქალი მიაქ, ტო.

ალექსას, ვხედავ, ნიკაპი აუკანკალდა. მაგის შემხედვარე გრდემლიც მიხვდებოდა რალაცას და შავი სამყაროს ადეპტმაც ისექსა ეტყობა, და ვართ ასე ყველა და ალეს შევყურებთ საახალწლო ნაძვის ხესავით, ის კიდე რაშიდას მონიტორებს ათვალეირებს, ვითომ ზედ ჰკიდიო, სულ არ ეხება ლაპარაკი...

და შემორჩენია ალექსანდერს ის დედაფეთქებული დაავადება, ვერ მორჩენილა ჩემი ძმაკაცი, მთვრალზეც კი ზედ აქვს ბორკილებით გაღმური გაგება – ერთმანეთის კუილს რომ აყურადებენ მთელი ცხოვრება და რაშიდას ბოზის შეყვარებას კი არა, შნუროკის არასწორედ შეკვრას არ გაპატიებენ და ეს არის, ალექს, ყველაზე ნაღდი, რაც შენ გჭირს ახლა: ხომ გიყვარს და მაგრად გიყვარს ალინა და ეგაა მაგის საშველი თუ ვაქცინა: ალინა კი არა – რაც ამ დროს შენს თავს ტრიალებს... მთავარია, არ დაფრთხე, ბრატ, არავის დაუჯერო, ბოლომდე შემოუშვა და მერე ვინღაა, ვინ ოხერი! შენ ხარ და პლანეტა და სადღაც აქაა, ამ მიდამოებშია, ალექს, რავიცია, ყველაზე ნაღდი რალაც... შეყვარებული კაცის ნაპირზე ყოფილა ყველაფერი, ახლა ვხვდები და ხოშიანადაც დავხუროთ მოდი, გავაჩმახოთ ჩვენებურად და გავშპეთ აქედან, ისევ ჩვენს კარუსელთან დავბრუნდეთ, ალებარდოს, ძმაილავ ჩემო...

და სანამ მე უკვე ვაჩმახებ გუნებაში და გაჩმახების სტრატეგიაც მოფიქრებული მაქვს: სკამიც ლამის ხელში მიჭირავს უკვე და ალესაც იქვე ეგულება კაი მძიმე ტორშერი, ალე და რაშიდა ერთმანეთს მიჩერებიან თვალებში. ამასობაში მუტანტი ისევ აბსაიდში წავიდა, ალე კი უცებ შემოტრიალდა, კარისკენ დაანვა და გავყვი მიც, რა უნდა მექნა.

გამოსვლისთანავე ეგრევე მარჯვნივ, დერეფანში გავარდა ალექსა, იქ ტუალეტების მეტი არაფერი მახსოვდა და მეთქი გული ერევა უეჭველი, მაგრამ ალე გაცდა ტუალეტს, გაიხედა-გამოიხედა და ჭერიდან სახურავზე ასასვლელი კიბე ჩამოსწია ხლიწინით, შუსტრად ავიდა, კიბე აკეცა და ზემოდან ჩურჩულებს:

– დასალევეები წამოიღე რა, ჯიო, ძმურად.

...ის კიბე რალამ დამავინყა... არადა, თუ რამე მიყვარს რაშიდას სახლში, ეს კიბე მიყვარს და მერე სახურავი და კიბესაც მოველოდნის ასე ვტყვავთ ხოლმე, ვინმე რომ არ აგვეკიდოს. დაბლა ჩავირბინე, ბარიდან ორი ბოთლი დავითრიე და იქაურობაც დავალივერე. არც ღვიძლის ბიჭები ჩანდნენ სადმე და მწერალსაც ალბათ სადმე მდუმარებაში ყავდა წამოცმული ის ჩემის ჩოლკიანი. ფეხქვეშ იატაკი ზრიალებდა და ორი ჰერმეტიული კარიდანაც ამოისმოდა ბასავიკების გუგუნე: ეტყობა, ქვემოთ ზენიტში იყო ამბავი და უცებ ჰალსტუხიან ძიაკაცს, წელან რომ აკიმარებდა – იმას, როგორც იტყვიან, თვალი თვალში გავუყარე. თვალისა რა ვთქვა და რაიმე სხვა ორგანოს უკან გამყრელი რომ იყო, სახეზე ეტყობოდა; დაბლა ეგ დინოზავრივით იქნებოდა და ახლა აქ იჯდა ეულად და მანუგეშებელიც უეჭველი მალე გამოუჩნდებოდა... ასეთები ხანდახან აქ კი არა, თუ გაუჭირდებოდათ ხიდექეშაც ჩამოიპარებოდნენ ხოლმე, მაგრამ მაშინ კოსტუმი არ ემოსათ, დიდი და მუქი სათვალეები ეკეთათ და ნუგეშის ცემაში იმდენ ფულს იხდიდნენ, რომ მანუგეშებლების მთელი არმია ედგათ რიგში და მერე გრიმიც აღარ სჭირდებოდათ, ისე უბრწყინავდათ სახე ეკრანებზე... ბოთლები დავითრიე და ისევ რაშიდას სართულზე ავაჭერი. დერეფანში კაციშვილი არ იყო, ჩამოვეცევი კიბე და სხვენში ავედი. ამ მტკრიან სხვენზე ზეპირად ვიცოდი ყველა კედელი და თვალდახუჭული ავიდოდი სახურავზე, მაგრამ ერთ ალაგას რატომღაც ყოველთვის თავს ვუჭახუნებდი რალაცას და ისე შევეჩვიე, აღარც ვიგინებოდი და ახლაც ჩვეულებისამებრ შევახალე შუბლი და სახურავზეც ავედი მშვიდობიანად.

რაშიდას სახლის სახურავს კი არაფერი ჰქონდა საერთო რაშიდას ამბავთან... თითქოს სულ ცალკე და სხვაგან სადმე დალივილებდა ჰაერში; მარტო სახურავი იყო, მშვენიერი და მოსახერხებელი დახრის კუთხით, თავისი საკვამურებით და ანტენებით და სულ დაბლა, ზედ კიდესთან მოაჯირივით იყო ამონეული რალაც სადინარები და ფეხების შემოსალაგებლად უფრო გლიჯავდა ეგ სადინარები: რომ წამოწვებოდი, როგორც შეზლონგზე, ფეხებს იმ მოაჯირივით რალაცაზე შეანყობდი და გაიხედავდი სადაც გაგისწორდებოდა. გასახედი კი ნაღდი იყო: აქეთ ჩემის მშობლიური დედაქალაქი ჩაფენილიყო, წინ, მდელოს იქით ტყე ჩანდა და სულ იქით ტიტველი გორები, ზედ მასტერკებივით დარჭობილი ბოძებით და თუ არც ქალაქები გევასებოდა კაცს და არც ბოძები, აგერ გეხურა ცა – იქ არც ბოძები იყო, არც ქალაქები; მარტო ვარსკვლავები, სპუტნიკები და მფრინავი თევზები მოძრაობდნენ ცაში, იქით მთვარეც ატრაკებდა ხუთიანზე და სახურავზე ღამე ფხიზლად ამსვლელ კაცს არ ვემეგობრები ასი წელი და დანარჩენები, ჩემიანები ხომ მიმიხვდებიან მულამს...

...ავედი და სადაც ჩვენ გვიყვარდა ჯდომა,

კიდესთან და საკვამურთან, იქ იჯდა ალე, ჩემი ძმაკაცი და თავი ჰქონდა ჩაქინდრული იმასავით. გვერდით მივუჯექი და ბოთლი მივანოდე. ალემ ბოთლი გამომართვა და ისე, რომ არც შეუხედია ხელში რა ეჭირა, ამბობს:

– ბარემ ბროლის ფუჟერებიც ამოგეტანა, ჯიო.

ბოთლს დავხედე და მწვანე გამოდგა, შიგნით კიდევ ესხა ყველაზე მურტალი დასალევი – შამპანური, მაგრამ ახლა ვაივიშის დრო არ იყო, დაბლა აღარ ვიყავი ჩამსვლელი და მეთქი შენი შუშხუნა დედაც, შამპანურს ვაგინებ გულში და თან მისწორდება, ხუმრობის თავი რომ აქვს ალექსას და არ ყოფილა ისე ცუდად, მე რომ მეგონა. ამ დროს პეტოს კალიკიც გამახსენდა, – ალბათ რაიმე ექსტაზი იქნებოდა, ალკოჰოლზე ექსტაზი კი ჭირისუფალსაც გამახიარულებდა, ვიცოდი და მაგარ ხასიათზე დავდექი: მაინც კარგად გამოგვდიოდა მე და ალექსას ამბის დახურვა. კალიკი ჯიბიდან ამოვიღე და მთვარის შუქზე შევათვალიერე, რომ გამეგო, სახელდობრ რა სახეობის ექსტაზთან მქონდა საქმე და რის ექსტაზი და რაის მთვარე – თურმე მთელი გალაქტიკა მეჭირა ხელში, ბუხრის თავზე შემოსადები ანტიკვარი და ყველაზე ძლიერამოსილი ჰალუცინოგენი, რომელზე მაგარიც, აგერ ლამის საუკუნეა ჩალიჩობენ და ვერ გამოუგონიათ: თვით მისი უდიდებულესობა ელესდე მეპყრა ხელთ, მყარი სახით და ზედ ჩემისდოქტორის სათვალაინი პროფილით... აქეთ ვერცერთ ბარიგასთან ვერ ნახავ ასეთ კალიკს და საიდან პეტოს, ან მე რატომ მომცა – საერთოდ ვერ მივხვდი ამბავს.

ელესდე ერთხელ მამაოს აჩუქა დაბადების დღეზე ვილაც ბებერმა გიტარისტმა და მაშინ მამაომ მარტო ჩვენ, მე და ალეს დაგვიძახა. ჭრელაჭრულა კალიკი რომ დავინახე, რაღაც სადისკოთეკო ექსტაზი მეგონა და მეთქი ავაპმე, – დაგვიბერდა და გამოტვინდა მამაო, მამაომ კი ის კალიკი ჩაიში დაუშვა და რა უნდა გვექნა, კაცს დაბადების დღე ჰქონდა და ვნრუპეთ სამივემ ეგ ჩაი, თან გახეული მთვრალეები ვიყავით და არც მოიტიანა არაფერი, იქით გამომიყვანა სიმთვრალიდან... მერეც სულ ფხიზლად ვიყავი და ჩემთვის ვანობდი ისრის ბუნიკებს შხამში, ცეცხლზე შემოდგმულ ქვაბში რომ თუხთუხებდა და მშვილდისარს ლარი წინადღეს გამოვუცვალე, ლარის გამოცვლა აღარ სჭირდებოდა და სანადიროდაც მზად ვიყავი თხემით ტერფამდე მეც და მთელი ჩემი ერიც – მთელი ბუშმენობა. მოკლედ, ისე გადამიყვანა სადღაც, რომ ვერც კი მივხვდი და სადაც წამიყვანა, იქაურობა უფრო ნალდი გახდა, – თავის ფერებით, სუნებით და კიდევ რაღაც უცნაური, მზადყოფნის თუ მოლოდინის შეგრძნებით, და იქიდან გამოვყურებდი მამაოს ბარს და ცეცხლის პირას ვშტერდებოდი: ეს წვერებიანი კლიენტი რა ტიპია და რატომ მელანდება-მეთქი – მამაოზე ვკაიფობდი.

ახლა კალიკი შუაზე გადავტეხე და ერთი ნატეხი ალეს გავუწოდე, არადა ტრიალ სახუ-

რავზე კი არა, ჩაკეტილ ოთახშიც არ ღირს ეგ საქმე, თუ ვინმე ფხიზელი არ გყავს გვერდით; სახურავზე ელესდეს მიშვება უეჭველი სუიციდის ტოლფასია, მაგრამ ამაზე ბევრი აღარ მიფიქრია, არც ალეს უკითხავს არაფერი და გადაყლაპა ეგრევე, ზედ შამპანურიც დააყოლა და მეც ალეს მივბაძე... ერთი წუთის მერე კი აღარც კალიკი მახსოვდა და არც რამე პრიხოდს ველოდებოდი; ვიჯექი ჩემთვის, ამ უბედურისერთ შამპანურს ვყლურნავდი და იმაზე ვფიქრობდი, რა მაგარი სახურავი აქვს ამ დამპალ სახლს-თქო. ჩვენი კარუსელის მერე რაშიდას სახლის სახურავზე ვიყავი ყველაზე კარგად. სხვა სახურავებსაც არაფერს ვერჩოდი, საერთოდ, ყველა სახურავს პატივს ვცემ, სადაც ღამე გვითენებია, მაგრამ იმ სახურავებზე შუა ზაფხულშიც აცივდებოდა ხოლმე ღამ-ღამობით, მზისგან გახურებული თუნუქი თუ შიფერიც ისე ცივდებოდა, პარალონიც აღარ გვშველოდა და დილაობით გაყინულნი ვიღვიძებდით. რაშიდას სახურავზე კი რატომღაც უაზროდ თბილოდა, შეიძლება სულაც იმიტომ, რომ ჩვენ არ ვფიქრობდით სიცივეზე, ისე კარგად ვიყავით: რომ წამოვწვევოდით მე და ალექსა და რამდენი ცაში რაღაც ამოძრავდებოდა, მფრინავი თეფშია-მეთქი – ალეს ვუმტკიცებდი, ის კი ატრაკებდა, გინდა თუ არა თანამგზავრიაო და სანამ ჩაგვეძინებოდა, ასე ავყურებდით ცას, არცერთი ვუთმობდით ერთმანეთს და ბავშვებივით ვიმეორებდით ჩვენსას: სპუტნიკი, მფრინავი თეფში, სპუტნიკი, მფრინავი თეფში... და მერე რაშიდას სახურავს სიზმრებიც სულ სხვანაირი მოჰქონდა. მაგრამ ნეის შემდეგ ძველებურად ველარ ვუმულამებდი ამ სახურავს, ნეი და მარკო აქ ამომსვლელეები არ იყვნენ და ნეი თუ სადმე ახლომახლო არ იყო, ვერაფერს ვუმულამებდი ძველებურად... ახლაც ნეიზე და მარკოზე ვფიქრობდი, ჩვენ რომ გვიყვარდა ისეთი ამინდი იყო და ალბათ კარუსელზე ათენებენ, ნეტავ ახლა რა ჯანდაბას აკეთებენ და მაგარ მურტალ ამბავსაც მივადექი... საკვამურს მივეყრდენი და გავიხედ-გამოვიხედე, უამური ფიქრები რომ მომეტეხა.

ალე ისევ თავის მულამში იჯდა, ხელებში თავჩარგული და ბურტყუნებდა: „მიცურავს მთვარე-ჯადოქარი, სახურავები მთვარის შუქით მოსარკულია...“* მაგრად როცაა, პოეზიის მულამში ვარდება ხოლმე ჩემი ბრატი და ეგრე ბურღავს ტვინს, კიდევ კარგი ენას მაინც ატრიალებს ეს ჩემისა. უფრო იქით, სახურავის გაღმა კიდესთან სხვა საკვამური ჩანდა; ზედ კიდეზე ამოშვერილიყო, ალბათ გარე კედელს ამოუყვებოდა საიდანღაც და ისე მოჩანდა აქედან, გეგონებდა ვილაც კლიენტი ზის და ფხეები ქვემოთ აქვს ჩაკიდებულიო. საკვამური რომ ადამიანს მივამსგავსე, სულ არ გამკვირვებია, რადგან კარგა ხანია ეგ იყო ჩემი ფინტი და მულამი: ჯერ კიდევ გაღმა, ხე იქნებოდა თუ დაჭყლეთილი პლასტმასის ბოთლი თუ ქვა... მოკლედ ყველგან და ყველაფერში რაღაც სახეებს თუ პროფილებს, ფორმებს თუ მოძრაო-

ბას ვჩითავ ხოლმე, თუ კარგად დავაკვირდები და ბევრჯერ მომსვლია, ღამე სიგარეტის ან მასტერკის მოკიდებულ თავს რომ დავაშტერდები დაუნივით და ნაფაზის დარტყმა მავინყდება, ისეთ ტიპებს ვამულამებ შიგნით, თავისი ჩრდილებით და ამბებით... ახლაც მარტო ის გამიკვირდა, რომ მერამდენეჯერ ვზივარ აქ ასე და ახლალა შევამჩნიე ის ჩემის საკვამური, თუმცა რაშიდას აუზს რომ გულის ფორმა ჰქონდა, ეგეც ხომ დღეს აღმოვაჩინე და ალბათ უყურადღებო მასტი ვარ, თორემ ამ წუთას ხომ არ ამოვიდოდა მართლა სოკოსავით ის კაცივით საკვამური...

ისევ ჩემს საკვამურს მივეყრდენი, ფეხები სადინარზე თუ რალაც ჯანდაბაზე შევალაგე გემოზე და ამ დროს, გამახსენდაც არ ქვია მაგას, უბრალოდ ვილაცამ ამნია, სულ სხვა სახურავზე დამსვა და: გავრბივარ ბრაგაბრუგით სახურავზე, ჩემ წინ ობობასავით მიქრის ჩუი და გვერდით მომყვება ერთი სომეხი ბარიგა. ჯიბეში ბლომად ფული მიდევს და ეს ფული ხიდქვეშ ააგროვებს ბიჭებმა, საახალწლოდ რომ მარისხუნა გვეყიდა, ჩემის ბარიგას კი ჩათლახი ოპერები აზიან თურმე კუდზე და აზრზე არა ვართ; გასინჯვა ძლივს მოვასწარით, ამბავი რომ დაიწყო და კრეტინმა ბარიგამ – წამომყვითო, კარგი ხოდები ვიცი, ვერ მოგვჭამენო და მეგონა, სადმე უკანა ეზოთი გავშებოდით და ახლა კიდევ გავრბივართ ასე სახურავზე: ბარიგა რომ დაიჭირონ, სახლ-კარს გააყიდინებენ ან ოცი წლით ჩასვამენ, მართლა გასაქცევად აქვს საქმე და ამიტომ სულ სალტოებით და ფატალიტებით გარბის ბარიგა და ჩვენ, – რომ გავრბივართ მარტო მაგისტვის გვცემენ მაგრად და მთელ ფულს რომ წაგვართმევენ და ახალ წელს გაგვიფუჭებენ, ეგ უფრო მედარდება და ტოლს არ ვუდებთ ბარიგას სირბილში, თან ისეთ ადგილებს ვახტებით გზადაგზა, ყველაზე ვაჟკაცი კატა რომ ორჭოფობას დაიწყებდა: ხომ აზრზე ხარ, შიშისგან თუ სხვა რალაცისგან მეორე სუნთქვასავით რომ გეხსნება და ისეთ ამბებს ატრიალებ, სხვა დროს ასი წელი რომ ვერ დაატრიალებდი, – ჩვენც ხან ჩავხტებით სადღაც ჯანდაბაში, ხან ავბობდებით ისევ პიტალო კედელზე და ვართ ასე. ამასობაში უკან ერთი ოპერი კაბელებს წამოედო ალბათ და სადღაც ჩავარდა შიფერების ლანუნით და გინებით, მანამდე ხმაგაულებლად მოგვსდევდა და დანარჩენებიც დაბლა ქუჩებში ეგრე ჩუმად დაჯლიგინებენ ღორებივით, პატიოსანი მოქალაქეები რომ არ გამოაღვიძონ... სამაგიეროდ ჩვენ გავაყრუეთ ბრაგაბრუგით ყველაფერი და ზურგსუკან ხან საკვამურს ვგრძნობ და აქედან საკუთარ თავს ვუყურებ, სახურავიდან სახურავზე რომ ვენწენები სპაიდერმენივით, ხან მარტო ვარსკვლავებიან ცას ვხედავ, ზემოდან მესმის ფეხების ბრაგუნი და მერე ისევ გავრბივარ, ოღონდ ახლა არც ფეხის ხმა მესმის და სუნიც სხვანაირია... რალაც მაგარი ნაცნობი მიდის და მოდის წამებში თუ კადრებივით – არც გალმიდან და არც გამოლ-

მიდან, სულ სხვა კუნძულიდან, შორიდან მოდის და ხელებში რატომღაც ვაშლები მიწნდება, თითებს ვუჭერ მაგრად და ჩემს გვერდის ჩუი კი არა, ვილაც ბავში მორბის – გოგო, მეც შორტებიანი ლანირაკი ვარ და ტირილს ძლივს ვიკავებ, თან სირბილისაგან ხმა მიკანკალებს და ვჩურჩულებ: გადავხტებით, გადავხტებით, გადავხტებით, ნუ გეშინია... და უკან როტვეილერის დორბლიანი ხახა იჩითება, წინ კიდევ მწვანე ჭიშკარი... ვეყუდები საკვამურს მთელი ძალით, თვალებს მაგრად ვხუჭავ და ასე ცოტა ხანს აღარ მიქრება ხელიდან ვაშლები, – და გავრბივარ სახურავზე თვალდახუჭული, ბრაგაბრუგით ვებერებით მე, ჩუი, ბარიგა და ვილაც პატარა გოგო და კარგად ვარ, კარგად კი არა, შიგნაკრავივით ბედნიერი ვარ რატომღაც... მერე გოგო და ვაშლები ქრებიან და ტყუილად ვმუჭავ ხელებს, ტყუილად ვხუჭავ მაგრად თვალებს – აღარ მოდიან და ბოლოს ჩახტა რომელიღაც იტალიურ ეზოში ბარიგა და მივეყვით ჩვენც. აქ კი ფეხებზე მკიდია უკვე ყველაფერი, ისე კარგად ვარ, თან აქედან ახლოსაა ჩემი ადგილები და იქ ას კვადრატულ მეტრში რომ ასმა ოპერმა გვეძებონ მე და ჩუი, ვერ გვიპოვნიათ ასი წელი, ისეთი დასამალი ადგილები ვიცი და ახალი წლის ამბავიც გამოგვივა, აგერ გვაქვს ფული. ეზოდან გავედით და ოპერები სადღაც ტრაკში მოჩანან, როგორც სირი დედინაცვალი ნიქარას ზღაპარში და ახლა უფრო დინჯად გავრბივართ მე და ჩუი, თავი ქუდში გვაქვს. ამ დროს, ვხედავ, ჩუი მეძებარი ძალივით, ზიგზაგებით მორბის – ჰოპ, ჰოპ, – ხან ქუჩის იქითაა, ხან აქეთ შუსტრად და აზრზე მოსვლას ვერ ვასწრებ, რომ ფეხი უცდება ხრეშზე და გორავს კვნესით. ამასობაში სულ ახლოს მოვიდნენ ოპერები და რა ვქნა, ვტოვებ ასე ძმაილას და ვტყდები ჩემს გზაზე, თან ვბრაზობ, ალე რომ არ წამომყვება და ჩუის კიდევ რა ეტაკა, წარმოდგენა არ მაქვს. ახლა ალბათ უკვე გაგდებული ჰყავთ ნიხლქვეშ და მოუხდება კიდევ, და ცემა რომ მობეზრდებათ, გამოაპანდურებენ ჩუვაკას – ვიცი, ოპერობაში ვილაც ნათესავიც ჰყავს ზემოდან და პრობლემა არაა, ასი წელი მაინც ერთად შევხვდებით ბრატვა ახალ წელს... მერე ხიდქვეშ, ჩემებში ვყვები ამბავს და ერთ მოწეულ კლიენტს ისეთი სიცილი უტყდება, ისტერიკაში ვარდება და ლამის ენა ეყლაპება, ისე ცუდად ხდება. თურმე ამ კლიენტს უსწავლებია ჩუისთვის: როცა ოპერი კუდზე გაჯდება, ერთს ჰაერში ისვრის და თუ არ გაჩერდი ფეხებში დაგიშვებს – ასეთი წესია და ამ უკუღმართ ქვეყანაში შეიძლება ეგრევე კეფაში დაგაცალონო აბოიმა და რომ არ გაგარტყან, ეგრე ზიგზაგებით უნდა გაიქცეო – უხუმრია ამ კლიენტს, ჩუიმაც დაიჯერა და რა დროს გაახსენდა ამ ჩემისას. ახლა მახსენდება ჩუის ზიგზაგები და ვხარხარებ შუა სახურავზე, ისიც მახსენდება, წელან კალიკი რომ დავუშვი და ალბათ ახლა ასეთი – პლანვივით პრიხოდი აქვს და იმ ნაღდი ამბიდან გამოვედი ეტყობა; აღარც ბრაგაბრუგი მესმის

და ის ვაშლები რალა ჯანდაბა იყო ნეტავ... და ვინანე, რომ მარტომ არ გავუშვი კალიკი და ალეს გავუყავი, მაშინ იქნებ ვაშლების ამბავიც უფრო კარგად გამეგო.

უცებ ალე გამასხენდა, მოვიხედე და ვხედავ, – სადაც წელან ალექსანდერი იჯდა, იქ ახლა რალაც მონანკარებს და ბრწყინავს მთვარის შუქზე. ნაკადს თვალი ავაყოლე და სულ ზემოთ, ანტენებში წამოწოლილა ჩემი ძმაკაცი, თან ისე მოხერხებულად ჩაკვებებულა ანტენებში, რომ იქიდან ჩამოგორების შანსი არ იყო და ეტყობა ავტოპილოტი ჩაერთო და სადაც ყველაზე ნაკლებად დაერხეოდა, იქ ჩაუჯდა, სანამ გაითიშებოდა და რომ არწყია – კარგია, ანი მაგას არაფერი მოუვა და იძინოს, მოუხდება. ალეს კი ეშველა, მაგრამ მე რომ ასე ფხიზლად ვარ, რა ჯანდაბა ვქნა-მეთქი, – ჩემს საკვამურს ვეკითხები და საკვამურმა – შამპანური ხომ მანდ გაქვს ნახევარი ბოთლი და ჩაუფინე, თან შეიძლება პრიხოდიც შემოგიბრუნოსო. ეგ სულ აღარ გამხსენებია და გამიხარდა, უფრო გემოზე მოვკალათდი, შამპანურიც მოვწრუპე და ისე ძალიან აღარ შემზიზღებია, მომეწონა კიდევ მაგრად...

და ცოტა ხანში ისევ გაიქცა ვილაცა ცაზე; მე ვერ ვხედავდი, მარტო ფხებების ბრაგუნი მესმოდა და ვბრაზობდი, რომ ხელში ვაშლები აღარ მეჭირა და საკვამურიც ამბობს ამასობაში: – გოიმი ხარო, ის კალიკი მარტოს უნდა მიგეშვაო და რა კალიკი, ბლიად, ვაშლების მუღამი მაქვს და აზრზე არა ხარ-მეთქი არაფრის და ამან – ისევ ხელში გიჭირავსო ვაშლები, მარტო ახლა კი არა, სულ თან დაგაქვს და ვერ ხვდებიო და ეგ ვაშლები რომ არა, ვერც სპიდისას მიხვდებოდი რამეს და ასე ვერ გაიქცეოდიო ასი წელი, ვაშლების გარეშე აზრადაც არ მოგივიდოდა ასე, სახურავებზე შიგნაკრავით სირბილი და საკუთარი კომპასით რალაცის ძებნა, სადმე გაღმა მიახმებოდიო ერთ ადგილს უვაშლებოდ და ეგ შენი ძმაკაციც შენსავით არისო; ყველას თქვენ-თქვენი ვაშლები გაქვთ და სახურავებზე სირბილია მთელი თქვენი ამბავიო. მერე გაჩუმდა საკვამური და მე ისევ მესმის, ვილაც ტიპები რომ დაბრაზუნებენ ცაზე, – ნეტა იქაც სახურავი ხომ არაა და ვერ ვხედავ მე... და საკვამური მეკითხება: – გინდა, ჯიოლენდ, მაგრად გაგისწოროო ახლა, მეთქი, აბა, მიდი და – კარგო, მაგრამ ის კალიკი რომ მარტოს მიგეშვა, უფრო მაგარს გაგისწორობდიო და რაის კალიკი – ვბრაზობ, – შიგაქვს ამ საკვამურს უეჭველი, ან თვითონ აქვს კალიკი დაშვებული... უცებ ზურგით ვიგრძენი, როგორ გაინძრა თუ გაიჭინთა ჩემის საკვამური და ვხედავ, – იშლება და ფართოვდება რაშიდას სახურავი, და აღარც გორები მოჩანს და აღარც არაფერი; მარტო ცაა ზემოთ, გარშემო კი ყველგან რაშიდას სახურავია ჰორიზონტამდე და მიდი ახლაო, – საკვამურმა, – ხომ ეგ გისწორდება და შეუბერე, ირბინე ახლა სადაც გინდა, საითაც გინდა და გააყრუე ბრაზუნით მთელი პლანეტაო... გამოვშტერდი, ისე

გამიხარდა და შეძლებისდაგვარად ვერიდები სენტიმენტებს, მაგრამ თავი ვერ შევიკავე და ვაკოცე საკვამურს – ჩემიანი და ჯიგარი ხარ-მეთქი. მერმე სადინართან ჩავხობდი, ვათვალთვალავ, სადამდეც თვალი მიმიწვდება, მთელ სახურავს და იქაც ვხედავ საკვამურებს და ანტენებს, მარტო ვაშლებს ვერ ვგრძნობ ხელებში და ეგება, რომ გავიქცევი, მერე გამიჩნდეს, გზადაგზა... ზურგს უკან კიდევ – მიდი, რალას უყურებო – მესმის და მაიცა ჯერ, – ვეუბნები.

ვარ ასე და ამ დროს სახურავში გაიჩინა ორი სინათლე, თვალბივით თუ იმასავით და წამოვიდა შორიდან: მოდის წელ-წელა და სადაც დაბლიდან მოდის, ატანს რაშიდას სახურავშიც, ჩემს ტვინშიც და ანთია ასე ორი შუქი; ჯერ ნერტილებივით, მერე დიდდება, სულ ახლოს მოდის და რალაც ღმუილივით ხმაც წამოყვამერე და რაშიდას სახურავიც გაფერმკრთალდა, – ალაგ-ალაგ უკვე გორებსაც ვარჩევ ზედ დარჭობილი ბოძებით, გორების აქეთ – ტყესაც და იმ ტყიდან გამოდის ეს ორი შუქი, ღმუილიც მოყვება და ფარები, ტო, მანქანის ფარები, როგორც ერთ მაგარ ფილმშია, ნაგვის მანქანას რომ უმულამებს დენირო – აქაც ფარები შემოყო ჯერ და დიდი კამაზიც გამოვიდა ტყიდან, მდელოზე შემოაჭრა და რაშიდას სახლისკენ წამოვიდა რივოკით... წამოვიდა და ისეთი ჭახანით ხია რაშიდას ჭიშკარს და გადმონაგრია კედელთან ერთად – სულ გამომიყვანა და გამომაფხიზლა, ამბავიც გამახსენდა და ჭირის ოფლმა დამასხა: მეთქი სალოლ, ის დედაფეთქებული კალიკი რომ მარტომ არ დავუშვი და პრინციპში, ეს კამაზი რომ არა, ახლა მართლა ვარსკვლავებში ვირბენდი და ნამტვრევებად ვეყრებოდი დაბლა, ბრრრ... სად გადავრჩი, ბლიად.

ამასობაში კამაზიდან ოხრად ხალხი გადმოიყარა ყვირილით, ორი-სამი კაცი ეგრევე გამოვიდა ფარების შუქზე და ყვითელი ჯიპისკენ დაანვა. ეტყობა, წინასწარ აქეთ ყველაფერი დაგეგმილი, – ვფიქრობ და ამ ორს უცებ რალაც ცეცხლები გაუჩნდათ ხელებში და მიუშვეს ყვითელ ჯიპს: აზრზე მოდი, მოლოტოვის კოქტილები გააძრეს მასტებმა და ჯიპიც აპრიალდა გემოზე, მე კი უკან გადმოვწეი და აფეთქების ხმას ველოდები, მაგრამ ეს ჩემის ჯიპი რატომღაც არ ფეთქდება, ბენზინი არ დარჩა ალბათ და ისევ ჩავიხედე, რამე რომ არ გამომეტოვებინა; იქაურობასაც ხოშიანად ანათებდა ზემოდან მთვარე, აქეთ ცეცხლმოდებული ჯიპი და იქით კამაზის ფარები, – ფარების შუქზე შეგროვდა მერე ყველა და ერთ მოხეულ ტიპს უსმენენ, მოხეული ტიპი კი, ხმაზე ვიცანნი, ანტიქრისტე იყო და რას მიხვდებოდა ასი წელი ანტიქრისტე, სუთი წუთის წინ ერთი გამოსირებული ჯიოლენდი რომ გადაარჩინა სახურავზე და ახლა იმის ამბავს ისე ბალეშიკობდა ეგ ჯიოლენდი, ლამის კეტი აელო ხელში და ისიც მარაქაში გარეულიყო, – ხომ ხვდები, ჩემზე ვამბობ და მოკლედ, ვზივარ-მეთქი სადინართან ფეხმორთხმული, ჩავყურებ დაბლა

და ვხედავ – ეზოში ვალერამ გამოაჭრა, გულს შემოუარა, მარაქას მიუახლოვდა და ანტიქრისტეს ეუბნება დუხით:

– აბა რა ხდება აქ, ბიძაჩემო!

ანტიქრისტე და მარაქა გაშტერდნენ ცოტა ხნით, ვალერას ათვალიერებენ და მესმის, ანტიქრისტე ამბობს:

– ვინაა ბიძაშენი, შე მამაძაღლო!

თან ეგრევე შუბლი ხია სიფათში და ჩააყირავა კიდეც ბასეინში ჩემის ვალერა, მარაქიდანაც გადაჰყვინნ ტიპები და ძუყნიან ვალერას იმ გულის ფორმის აუზში, პახოდუ ხოშიანად იგინებინან. ამ დროს „ბეჰემოთის“ ბლავილიც ამოვარდა: ეტყობა, გამოხსნეს ყველა ჰერმეტი და გამოცვივდა მთელი ქვემოთა ხალხი ჯოგად და შესცხეს ყმუილით ანტიქრისტეს ბანდას... ზემოდან რას მივხვდებოდი ვინაობას და სივებს, თან საყურებლად ასე – სილუეტებად უფრო გლიჯავდა და გინებით ვხვდებოდი მოძრაობას: ანტიქრისტეს მარაქა უფრო წვინანად და სართულ-სართულ იგინებოდა, თავისი მსუყე იმპროვიზაციებით და რაშიდასიანები ვის აგინებდნენ, ვერ გაიგებდა კაცი. ჯერ გორგალივით აიბურდა ყველა ფარების შუქზე, მერე სახლის გარშემო დარბოდნენ ცალ-ცალკე და უცებ ისევ შეიყრებოდნენ და ყბების ტკაცუნნი და გინება აგერ სახურავზე მწვდებოდა...

საერთოდ, რაც გამოლმა ვცხოვრობ, ასე მგონია ხანდახან: თითქოს ვილაც უჩინარი კლიენტი სხვა უჩინარ ტიპებს ეუბნება, – რომ აგერ, გამოჩნდა ჯიოლენდი და აბა თქვენ იცით, მოემზადეთ და არ შემარცხვინოთო და მოათრევენ და მოაქვთ საიდანაც უჩინარ ტიპებს მასალა; ზოგი ფერს ჩითავს, ზოგი სუნს, ზოგი განათებას ან ხმას და მოკლედ, ისეთი საესე ამბავი მხვდება ხოლმე, რომ არც ჭირდება აღარაფერი, ჭუჭრუტანაც არ რჩება ცარიელი... ახლაც ისეთი ამოჭქონდა „ბეჰემოთს“ თავისი შავი ტრეშებით და ეს თავპირის მტვრევის და გინების ხმებიც ისე გემოზე აჯდა ზედ, გეგონება დააბალანსაო ვილაცამ და მუსიკასავით მოდიოდა ზემოთ ყველაფერი. ამ დროს ლამპიონები ჩაირთო ზედიზედ, მიდამო ხუთიანზე გადაანათა და დაილაღნენ და აღარ ჰქონდათ ეტყობა ჩხუბის იშტა; მარტო ხვნიშაკენსა მესმოდა, სახლის გარშემო დარბოდნენ ყველა შიგნაკრავებით და ერთმანეთს თუ წაანყდებოდნენ, რალაც ტკაცუნის თუ მტვრევის ხმა მოჭქონდა ზემოთ და ყვრილი და გინება აღარ. გულის ფორმის ბასეინში ისევ ჯანზე ახურებდნენ – იქსად ჯანდაბაში გაიქცეოდნენ და ამოდიოდა გულიდან ყველა ჯურის გინება, კამაზის ძარაზე კი ვილაც ბებერი აქნევდა კომბალს და: – აბა, მივეშენეთ, ბიჭებოო, დაჰკათ მაგ მამაძაღლებს, დაჰკათო, – მთელ ხმაზე ჩხაოდა.

მიყვარს რატომღაც ეს ხალხი, სოფლელები... გაღმელებს ხომ მიჩვენია ასი წელი და ბევრ გამოღმელსაც ზემოდან.

ერთი ლამპიონის ქვეშ სათამაშოსავით მოჩანს ბავშვი... ვაკვირდები მთელი ძალით და

ვაშლების დედაც ვატირე, ყველაზე მაგარი ბავშვი დგას ლამპიონის ქვეშ და გულს ამიწერს, უკვე ყველაფერი რომ აქვს ნანახი და ბუამისის და დათვების ერთად თევზაობა რომ აქვს ნანახი და ამ სირებმა არც იციან და არც აინტერესებთ, რომ სადღაც, შორ ქვეყანაში, ლადას ბაბუა დათვებთან ერთად თევზაობს ხოლმე გაზაფხულობით, ვერ ხვდებიან ვერაფერს და ლადა, ლადას ვუყურებ იდიოტივით და სხვა ყველაფერი – რაშიდებიც და ანტიქრისტეებიც, რომ დაფუთფუთებენ ასე გულის ფორმის ბასეინში მატლებით – ფხებზე მკიდია, ვუყურებ ლადას და სხვა ყველაფერი აღუფხულია უაზროდ ერთმანეთში, ბუნდოვანია ყველაფერი გარშემო, ლადას გარშემო, მარტო ლადას ვხედავ, უცებ ხელში ისევ ჩემი ვაშლები მიჩნდება და ვჩურჩულებ: – გადავხტებით, გადავხტებით, გადავხტებით, ნუ გეშინია! და მერე მე თვითონ ვფრთხები, ლადას თვალს ვარიდებ, ისევ ცას ავყურებ და სალოლ ელესდეს-მეთქი – ვბურტყუნებ უაზროდ... და სხვას ასი წელი, ათასი წელი არ ვეტყვი ამას, რაც ახლა აქ, რაშიდას სახურავზე დამეშვა საიდანაც ჩაქუჩივით და აღარც მინდა მეტი, დღეს დამერხა და შემეშვით-მეთქი, – უჩინარ ტიპებს ვეხვინები.

ამ დროს ზედ ცხვირთან ღრიალი მესმის, არავინ არ ჩანს და ხომ გამოვფიზლდი უკვე, რალა ჯანდაბაა ეს... მერე მოვტვინე, ისევ დაბლა ჩავიხედე და არ გამოსულა ჩემის რაშიდა აივანზე, მხარზე კამერა შემოუდია და ქვემოთ ამბავს იღებს, თან ყვირის თუ მღერის და ახლა ავიღებ და ერთს ხოშიანად დავაფურთხებ ამ ჩათლახს თავზე, – სულ აქვეა, არ გამიჭირდება და თვითონ რა ჯანდაბას მიხვდება. მომენონა იდეა, კიდესთან გავწექი და ის იყო მიზანში ამოვიღე, რომ უცებ შუბლთან მწვანედ ჩამიწულია შამპანურის ბოთლმა და ზედ რაშიდას კეფაზე გაადინა ხოშიანი რაკვანი, მერე ეზოში გადასხლტა და იქ დაიმსხვრა. რაშიდა ერთ ადგილზე შემოტრიალდა და კამერა გადაუვარდა აივანიდან, ცოტა ხანს ასე იტრიალა, ბოლოს აივანზე ჩაიკეცა და თავიდან სისხლი წამოუვიდა ოხრად. ჩავხედე და – სალოლ ალექსანდერ, ხომ გაისწორე შენი, ბრატ, მაგრამ არ დაიბრიდოს ეს ჩემისა, – ვამბობ და ალეს ვებლაუჭები ფხზე – კიდეზე იდგა და რომ არ გადავარდნილიყო, თან ავიხედე და რაის ალე, ბლიად: ჩემის მწერალი შემომდგარა სადინარზე გულხელდაკრეფილი და ისეთი სახე უჩანს მთვარის შუქზე, გეგონება იყო გაჭირსო. ვუყურებ მწერალს დაქლიავებული და ამ დროს გაანათა ტვინმა: კაცს რომ ჰგავდა, იმ საკვამურისკენ გავიხედე მარცხნივ და ეგრეც იყო, – საკვამურის ჭაჭანიც არ იყო საერთოდ იმ მხარეს...

და მერე ვინეკით მე და მწერალი სახურავზე, სიგარეტს ვაბოლებდით ჩუმად და ფხები სადინარზე გეჭონდა შემოწყობილი. ცაზე მფრინავი თევშები და თანამგზავრები დაბორილებდნენ აღმა-დაღმა, უკან კი ჩემი ძმაკა-

ცი და დიდი გიტარისტი, ალექსანდერი ხვრი-
ნავა გაემოზე.

იყო შაშვი მაგალობელი, ჭირი იქა პლანი აქა
და მამაოს ბარში მოგვისმინა და მოვეწონე ალ-
ბათ, უფრო რე ჩვენი მუსიკა ევასა, თორემ რო-
მელი ბრედპიტი მე ვარ, ბლინ. მოკლედ მამა-
ოს ბარიდან ამეხვოსტა ეგ ქალი, ტანი-ტატანი
და ძუძუ-ტუჩითაც პიტალო შარლიზ ტერონი;
მართლა შარლიზას გავდა, თუ არ იხევედა ათა-
სი წელი კიდე – ეგრეთი ქალი და შესაბამისად,
დავქლიავდი მეც.

თხემით ტერფამდე გაღმელი იყო შარლიზა,
თანაც მაღალ ქუსლებზე ამძვრალი გაღმელი
და ზემოდან სუნამოც ესხა, მე კიდეც არც სუ-
ნამო მევასება და არც ფეხები მაღალ ქუსლებ-
ზე: მიუშვებ ასეთს სადმე ფეხშიშველას და სა-
დლაა ფეხები, თან მერე უქუსლოდ ბატებივით
დადიან ხოლმე, სასაცილოდ. შარლიზა კიდეც
მაღალქუსლიანების გარეშეც მაგარი ქალი გა-
მოდგა, უბრალოდ სტილი ქონდა ასეთი, სერი-
ოზული და რამე.

მოვრჩებოდით დაკვრას მამაოს ბარში და
გარეთ შარლიზა მელოდება შავი ჯიპით: ჩაეგ-
დე ახლა ჯიოლენდ და გავატრაკოთო ჩვენებუ-
რად. ახლა რომ მახსენდება, აშკარად სასაცი-
ლოდ მოვჩანდით ერთად: ჯერ ხომ საერთოდ
სხვადასხვა მასტები ვიყავით, ჩაცმულობით თუ
ვიზუალ-პარამეტრებით და ისედაც – რა ძმო-
ბაგაგებასაც მე ვაწვებოდი, შარლიზას ეს ყვე-
ლაფერი სძულდა და მეც, ჩემდათავად ასი წე-
ლი ზედ მხატვა მაგის კრედოები თუ იდეალები.
თან უკვე ბებერი იყო, სადაცაა ოცდაექვსს
მიუკაკუნებდა და ეს რომ თვალსაწიერზე გა-
მეჩითა, მე ჯერ ისევ მამალი თინეიჯი მეთქმო-
და. მგონი აქამდე არ მითქვამს და ჩემებში ყვე-
ლაზე უმცროსი ვარ, ნეი ცოტათია ჩემზე დიდი
და ალექსანდერს აქვს ყველაზე ბრძენი და
ცხოვრებანანახი ვიდი. მარკოზე ხომ ვთქვი
– ჩვენზე უფროსი იყო, თუმცა იერით ბალ-
დი და თვალებიც სულ ხუთი წლის ბავშვივით
ჰქონდა დაჭყეტილი... რას ვყვებოდი: ერთი ეგ
გვქონდა-მეთქი საერთო მე და შარლიზას, რომ
ორივეს უკუღმართული ჟიმაობა გვევასებო-
და, საქმეში ჩაუხედავი ხალხი ექსტრემალურ
სექსს რომ იტყვიან – აი, ეგა, და ხანდახან მიჩ-
მახებდა შარლიზა, – იმ დღეს იცი რა მაგარი
ადგილი გავჩითე და სად ეგდეთ შენ, მობილს
რა პონტში არ ხმარობო, ჯიოლენდ; ან მე გა-
მოგივლიდი, ან შენ და სად დაბოდიხლობო
საერთოდ ამ ცხოვრებაში. მეც კეფას ვიფხან –
მეთქი სად უნდა ვიბოდიხლო, აგერ ვარ მარად
და ტელეფონს რაც შეეხება: ისეთი შიგნაკრა-
ვი კი არ გეგონო, ეშმაკის მანქანებზე და თა-
ვის კიბოზე რომ ახურებენ ხოლმე – ძალიანაც
მევასება და პატივს ცეცემ, ზოგადად, ტექნიკას
და ჩემი ტე-ათიც დამესიზმრება ხანდახან, გა-
მოღმელობის პირველივე კვირას რომ გავყიდე
გემოზე – არ მჭირდებოდა არაფერში და ახ-
ლაც, თვალს რომ გადავაკლებ, რამდენი ხანია

აქეთ ვიარები და ტელეფონი რომ დამჭირდა,
ეგეთი მარტო ერთი-ორი შემთხვევა მახსენდე-
ბა... შარლიზას ეპოქაში კი მაგრად გამიმარ-
თლა, მობილური რომ არ მქონდა და ნებისყო-
ფაც უკვე ისეთ ხუთიანზე მქონდა აწყობილი:
აჰაო – შარლიზამ, გამოგადგებო და მე ვუ-
ბერავ გოიმივით – ვერა, არ შემიძლია, ვერ
ავიღებ და ეგეთებს, არადა იმ ტელეფონის ფა-
სად ერთი სეზონი ფეხი-ფეხზე გადადებული
იცხოვრებდა კაცი... სექსს რაც შეეხება, მანდ
შარლიზას უეჭველი ცალკე ზოღიაქო ჰქონდა
და რომელიმე აღმოუჩენელი და გრძელი პლა-
ნეტა ეგულბოდა მფარველად, და წყალი-ჰაე-
რის და მინა-ცეცხლის გარდა, კიდეც მილიონი
სტიქიის არსებობაში დაარწმუნებდა სექსის
დროს ნებისმიერს; იმენა მანიაკი გამოდგა ტი-
პი. თან, მარტო უკუღმართ ადგილებს კი არა,
ამინდს და ტემპერატურებსაც რომ უშულამებ-
და ეგ ჩემისა... ასე და ამგვარად, ვყიმაობდით
მე და შარლიზა კურდღლებივით და ჯერ ხომ
წვიმა-სეტყვობას და ტლაპოებს არ ვმაზავდით
ათასი წელი, მერმე მთვარის შუქის და სასაფ-
ლაოების მულამი მოანვა კლიენტს და ერთხელ
სადღაც ავტოპარკსაც მიმავენა, იქ ერთი ადამ-
ზე ძველი და ჟანგიანი ტროლეიბუსი გაჩითა
და – სახურავზეო, ბიგელებში ვქნათო, აზრზე
მოდო... ჰაკერების დაბადების დღეზეც ავიყ-
ვანე – მეთქი რა ნაშა მყავს, შეხედეთ, ბანდა,
და გასკდით ნძრევით, შარლიზა კიდეც დათვ-
რა მაგრად, გავიდა აივანზე, გემოზე არწყია
და რომ გავედი მეც – არ გადაეშვას-მეთქი
მეთექვსმეტე სართულიდან კისრით – ვხედავ,
გადაყუდებულა მოაჯირზე, ასლოკინებს და
ჩურჩულაობს: – მოდი, ჯიოლენდ, მალეო, ასე,
აქ მინდაო, ახლავეო... მე დურაქმაც ველარ
გავძელი და მეორე დღეს მეც გული მერეოდა,
ოღონდ ჩემს თავზე და შარლიზა რომ მეძებდა,
ვიმალებოდი იმასავით და ბანდა ტეხავდა: –
არ არისო აქეთ ჯიოლენდი, სად არისო – ამან
და მწერალი ეუბნება: – მარტო ჯიო კი არ და-
დისო, ქალბატონო, ამ დუნიაზე, მიბრძანეთ
და თხემით ტერფამდე თქვენთან მიგულეთო.
შარლიზამ – იდინახუიო და მანქანა დაქოქა, მე
კიდეც ლამის გამოვვარდი სამალავიდან და გა-
ვეკიდე: მეთქი აგერ ვარ ათასი წელი, გულო,
არ მიმატოვო და რამე... მოკლედ, ეგეთ ჭა-
პანწყვეტაში ვიყავით, სანამ არ მივხვდი, რომ
იქით შარლიზა მჭიმავდა და ცხოვრებაში პირ-
ველად გამიტყდა, სამის მერე არაფრის თავი
რომ აღარ მქონდა ხოლმე. ამის გამო დალევას
და მოსანენვს შევეშვი თითქმის, ასე ოთხზეც
ვქაჩავდი ძლივძლივობით და შემდეგ ზომბი-
ვით გამოქლიავებული ვტასაობდი აღმა-დაღ-
მა. აქეთ ჩემიანებიც მახსარად მიგდებენ – ალე-
მარკო, ჰაკერები, ჩუი, მწერალი და ნეი – ნეაც
დამცინის და ამაზე უფრო ვვარდები: მარკოს
ქალი იყო ნეი, მაგრამ ხომ შეიძლება სულ ცო-
ტა, სულ ოდნავ მაინც ეეჭვიანა, იქნებ რამე ნი-
ტო ჩრდილმა მაინც გადაუაროს სახეზე ნეიო-
ზას, ეს კი მეკაიფება გემოზე და მე საერთოდ
ვრეკავ და ჩემებს ვუტრავებ – მეთქი უეჭველი

გშურთ ამბავი და მაგიტომ კაიფობთ; აი, ასე ვყავდი დაშტერებული შარლიზას, არადა, ქალის ხამი ნალდად არასდროს ვყოფილვარ და აქეთ მით უმეტეს – ვერც იქნები გამოღმელი კაცი ქალის ხამი... იტოგში, დაახლოებით ერთი თვე ეგრე ვიმრუშეთ და ბოლოს მომბეზრდასავით: მაგის ლიბიდოს დაკმაყოფილებას მე ვერ ვწვდებოდი და ზედ რომ ვაკვდებოდი და ეს მამუნათებდა – სულ ეგა ხარო, ჯიოლენდ, მიტყდებოდა და ვაგინებდი პირდაპირ: – არ მოგწონს და დავაი აქედან! – ვღრიალებდი და ეს ღრიალზე და გატრაკებაზე თურმე უფრო მულამზე მოდის და სპეცომ მაგდებს...

ერთხელ დამხვდა ჩვეულებისამებრ მამაოს ბართან და არ გამისწორდა მაინცდამაინც, ეს კიდევ – ჩაჯე, ჯიოლენდ, ჩემი ბაითი უნდა განახრო და დიდი პოხუისტი კაცი კი ვჩანვარ იერსახით, მაგრამ ნალდში ყველა და ყველაფერი მაინტერესებს და ახლაც ავვარდი: მეთქი ვეჰა, ნეტავ რა მასტია შარლიზა გალმა... ჩავუჯექი ტუჩის გარმონიანად და ცოტა ხანში გადავაჭერით ავი ალაგებისკენ – პროსპექტებისკენ. გავყურებ შარლიზას და ლამის ვუთხრა: გააჩერე მანქანა, აქვე, ახლავე... – მიმაჩვია განდონმა და მართლა, ახლა თუ ამას ნაიკითხავ, შეიძლება მილიონნაირი ქალი წარმოიდგინო და მაინც ქინძი გეგონო, ესე როგორ დააქლიავაო ნაშამ – იფიქრო და იფიქრე რამდენიც გინდა, ამის სურათს აქ ვერ გავაძრობ, თორემ მიმიხვდებოდი ყველაფერს ასიათასი წელი... მოკლედ, ჩემი ძველი უბანი გავიარეთ და სავარძელი დავასანოლე, ფანჯრიდან რომ არ გამოვჩენილიყავი. ბოლოს შარლიზას ბაითსაც მივადექით, გარაჟის კარი პულტით გააღო და იქ ორი ხოშიანი მანქანაც გაეძრო, მე კიდევ ბაითს ვალივერებ და – სულ შენია, ტო, მთლიანად შენია? – ვეკითხები და მიტყდება: ამხელა სახლში უეჭველი გაღმელების კოდლა ცხოვრობს, ამის ოჯახობა და ძობაგაგება და მე რა პონტში მომათრია ამ ჩემისამ, რომელი პიჯაკიანი და თაიგულიანი სიძე მე ვარ, სიამრებს რომ ასიაბანდებენ ხოლმე – ვიმსახურებთო თქვენი ქალიშვილის ხელს, ოფისის ტიპები ვართო, შემოსავლიანი როჟები და მე რა ჯანდაბად მინდა ამის ხელი და ვის რა უნდა მოვატყუო პრინციპში: მოტყუებას გამოღმა გადავეჩვიე, აქეთ აზრიც არა აქვს მაგას, – თუ რამეა, უპრობლემოდ წარვუდგენ თავს, სიმამრი იქნება თუ ვინმე სხვა წინაპარი, – რომ აგერ, ჯიოლენდი ვარ, გამოღმელი კაცი და თანაც ღრმად უკულმართული ადამიანი პროვინულ ხასიათებში: მთელ სამყაროს პატივს ვცემ და ვუშვებ ჩემში ყველაფერს თავისი ბალახის ღერიაანად თუ ჭიანჭველიანად, მაგრამ გაღმელებს, ერთი ხუთი მილიარდიოდე ადამიანს ვერაფერს ვუხერხებ და მომკალი თუ გინდა... თქვენს ქალიშვილთანაც მარტო ერთი კიდური მაკავშირებს, ბატონო, და მითქვია და ვალიარებ კვალად – ყველაზე სექსუალური გოგო რომაა დუნიაზე და სიმამრს თუ წინაპარს თუ საერთოდ, ნებისმიერ გაღმელს

თავიდან დააბნევს ჩემი გულწრფელობა; რაც არ უნდა იდიოტობა ვთქვა, შიგნით, გაღმული ქერქის ქვეშაც იგრძნობს, მართალია, მაგრამ ვარ თხემით ტერფამდე, არადა გადაჩვეულია, ზოგადად, გულწრფელობას და მოკლედ – რალაცნაირად ვერ გამოსდის ჩემთან მტრობა და ჩემზე გაბრაზება... ყოველ შემთხვევაში, პირველ წუთებში და ამასობაში მეც კი მოვასწრებ რამენაირად ათესვას და მერე თავიც უტეხია. გამოცდილი მაქვს ამბავი, ზეპირად ვიცი და მაგიტომ ვამბობ ახლა, არ მიყვარს ტყუილად სიტყვების რასხუნი...

ბევრი რომ არ ვწელო, შევაჭერით ბაითში და იმენა სდუმს სახლი, კაცის ჭაჭანიც არაა. მიმათრევს შარლიზა რალაც კიბეებზე და ბოლოს შემიყვანა რომელიღაც ოთახში, ხელი გამიშვა, სანოლზე გაგორდა ღორივით და გადავეში მეც, აბა რა უნდა მექნა... და შარლიზას ისეთი ორგაზმი ჰქონდა, ლამის ნახევარი საათი ნაგიჟარივით კანკალებდა, მე კიდევ ოთახს ვათვალიერებ და მიკვირს, რა დოზანა ეტაკა ამ ჩემალას, ან იქნებ ბალიშია მონამლული თუ რავი, ჭერი უნდა ჩამოინგრეს სადაცაა; იტოგში ექსტრემის ნიშატს დავეძებ, ოთახი კი ამასობაში მშვიდობიან და მოსაწყენ ვიდუბა: კედლებზე ვილაც ტიპების შავ-თეთრი ფოტოები და ჩარჩოიანი ნახატები, ლამის ჭერამდე ასული, უცხოური ნიგნებით გამოტენილი თაროები და ერთი წყლიანი ჭიქა არ დევს სანოლთან, შიგ ჩადებული კბილების პროთეზით და ეგ ოთახია ყველაზე გემოზე დასამთქნარებელი ალაგი პლანეტაზე, შარლიზას კი ისევ ბნედიანივით აკანკალებს, ასეთი არ მინახია ჯერ... სულ გამოვშტერდი და ბოლოს კაი ხოშიანად გავუსილაქე – მეთქი ხომ არის მშვიდობა შენს თავს, გვრიტო, და გამოახილა თვალები როგორც იქნა და მეფერება: – ჰოვო, ჯიოლენდ, მშვიდობა არისო. აბა რა ხდება, ბლინ, ჩამახედე საქმეში და არაფერიც არ ხდებაო, ცოტა ხანში კი ამბობს: – ამ სანოლში ექვსი თვის წინ მამაჩემი მოკვდაო... ისე დავეკლიავდი, წამოხტომა ველარ მოვახერხე, მივუნექი გვერდით და – ვერ გამიგებო შენ, ჯიოლენდ, ტუტუცი ხარ და ვერ გამიგებო. არადა, ამას კი არა ქვებს და ტარაკნებს ვუგებ კაცი, მაგრამ შარლიზას რა უნდა მოვთხოვო – გაღმელია, თან ფიზიონომიაც მაგარი არაინტელექტუალური მაქვს მართლა და გავჩუმდი და მეცოდებოდა შარლიზა, მეთქი რა ვუშველო ახლა ამას – მერეც ეგრე ვფიქრობდი და სექსის ამბავში სულ აღარ მაინტერესებდა.

აქედან ოთხი-ხუთი დღეა გასული, ლამის სამი საათი იქნება და მძინავს გაგუდულს ტომასას სარეპეტიციოში. უცებ შუა სიზმარში მანქანის ამძუნებული სიგნალები ჩამესმის და რა უნდა ვქნა, ავდექი და გავედი მეც მთქნარებით და ტრაკის ფხანით, თან ვფიქრობ: მორჩა კინო, ახლა ამას მოვტეხავ სამარადისოდ, სამუდამოდ ავაორთქლებ ჩემი ცხოვრებიდან... პახოდუ მთელი მულამი ეგაა, რომ ადრე როგორც ვუყურებდი, ხო აზრზე ხარ და ბოლო

დროს ცივი გონებით ვაკვირდებოდი ტიპს, – მეთქი რა ხდება ამის თავს და თვალეში რა-ღაც ნიტო ნაპერწკალი გავუჩითე, გიჟებს რომ აქვთ ხოლმე, ეგეთი და გიჟს თუ ამდენმა ჟიმი-ობამ არ უშველა, ესე იგი წასულია მართლა მაგისი საქმე; საერთოდ ყველაფერს შველის ეგ ამბავი და ამას ახლა ვერაფერი უშველის ფსიქიატრის გარდა და მე ხელეხიცი დამიბანია შვიდასი წელი...

მომისიგნალა და გავედი მეც, ეს კიდევ ძველებურად: – აბა, ჩაჯე და გავბერეთო, – უეჭველი გონია, რომ ახლავე ჩავუხტები, მე კიდევ ვდგავარ ეგრე და – მეძინება-მეთქი, სხვა დროს იყოს, შარლიზ, და რამე. შემომხედა და მიხვდა ეტყობა, მაგის რადიუსიდან უკვე გასული რომ ვიყავი და ახლა იმენა მეხვეწება – ეს ერთიცო, ჯიოლენდ, ფლიზ, და მე მაგრად არ მისწორდება: ჩემ გარდა დავიჯერო ვერავინ ააგდო მასტმა? მართლა ის ხომ არა ვარ, არც სექსგიგანტი და საერთოდ, შარლიზას რომ ეგრე გავარეკინო, ისეთი არაფერი მაბადია აშკარად, თან მთლა კრეტინიც არაა, ესეც რომ სხვა ტუტუცი გაღმელებივით ეგზოტიკაზე თუ რომანტიკაზე ავარდეს და აბა რას გადამეკიდა, ბლინ... ამასობაში კი მეც ავვარდი და უკვე მაინტერესებს, ნეტა რა მოიგონა ახლა. მოკლედ, ჩავუხტი ისევე მანქანაში და გავბერეთ, მაგრამ ახლა არც ვუყურებ და არც სიძვაზე ვფიქრობ. გავიარეთ მთელი ქალაქი, ბოლოს გააჩერა და – ეგე, მოვედითო, ჯიოლენდ. კაი ოთხი საათი იქნება და აქეთ რაღაც ჭიშკარი გაეძრო, შიგნით კი ნაძვები და ორ თუ სამსართულიანი სახლი. მივადექით ჩემის ჭიშკარს და ეს არისო, – შარლიზა ამბობს, თან იმასავით სუნთქავს და მობილურით რეკავს სადღაც, არადა ჭიშკარს ხოშინანი ჯაჭვები ახვევია და კლიტეც ადევს, ოღონდ შიგნიდან. მეთქი გაგემაზა, შარლიზ, აქ ახლა კაციშვილი არაა და ხვალე მოვიდეთ, – ვუბნები და არ მევასება არც ეს ჭიშკარი და სახლიც ზემოდან... საერთოდ, რაც თავი მახსოვს ასე ვარ: თუ ვინმე ან რამე არ მომეწონა, სულ ერთია ადამიანი იქნება თუ ჩხიკვი, ესე იგი რაღაც პიზდეცი ტრიალებს იმის მიდამოებში, ან ჩვენ ორივეს მიდამოებში და იმისკენ იტრიალოს რამდენიც უნდა, მე კიდევ ყოველთვის ვცდილობ, ამბავს გავერიდო... ახლაც შარლიზამ – როგორ არააო, ეგე შუქს ხომ ხედავო, მანდ დარაჯი ჩითავს და დილით ისეთი კუში მივეცი, ახლა მთელი ღამით შეგვიშვებსო შიგნით. დასტურ დარაჯმაც აიღო ამასობაში ტელეფონი და ეს უყვირის თავის მაბილში: – სადა გდხარო ამდენი ხანი, მალე გამოო და ვხედავ, ხელები უკანკალებს და სუნთქვითაც, ხომ აზრზე ხარ, ისევ ისე დაღლილივით სუნთქავს – ძლივს ითმენს მასტი. ვუყურებ, ვუყურებ და ბოლოს ვეკითხები: – შეშვებით კი შეგვიშვებს, მაგრამ სად ჯანდაბაში შეგვიშვებს კერძოდ, სად მომიყვანე, ჰა, შარლიზ, და ამან ეგრევე, ვითომც არაფერი: – სადაო და მორგბიო... აჰა, აი თურმე რაშია საქმე, – ვუბნები უდარდელად, თან ნელ-ნელა ზადნით

მივდივარ და გზადაგზა ვუხმობ მთელ ჩემს ნებისყოფას თუ მსოფლმხედველობას – თავისი იუმორის ფუნდამენტებიანად, მაგრამ აშკარად არაფერი მშველის: წამიც და ქალივით აკვილდები და მოვხევე რივოკით იქიდან – უცებ ისე დავიზმენდი და მერმე კი დამცინეს ჩემებმა: რამ დაგაიზმენაო ჯიოლენდ და შეიძლება არც უნდა შემშინებოდა და უბრალოდ ქლიავი ფანტაზიორი ვიყავი, ლანირაკიც პრინციპში და მაგის ბრალი იყო ყველაფერი, არადა, მაშინ მართლა ცუდად წამოიღო იმ ადგილმა და შარლიზას თვალემა და როგორღაც მოვახერხე და ყვირილი არ დამიწყია, გაქცევით კი ნალდში გამოვიქეცი რივოკით: ჯერ უკან-უკან წამოვედი, მერე მოვტრიალდი და მოვხიე, თან – ახლაც კარგად მახსოვს და მეცინება – აქეთ-იქით ბნელ ალაგებს ვერ მივეკარე და ზედ შუა ქუჩაზე, გამყოფ ზოლზე მოვბრბოდი... გზაში კი მივხვდი, ბავშვობა და სისულელე რომ იყო ეს ჩემი საქციელი, მაგრამ საერთოდ, ასეთი წესი და ადათი მაქვს: თუ რამე ისეთი მოხდა და გავიქეცი, რომც აღარ იყოს საჭირო, მაინც იქამდე ვირბენ, სანამ სიქა არ გამძვრება, ვინაიდან მისწორდება რატომღაც სირბილი, ოღონდ ფხიზელზე ან ოდნავ მთვრალზე, თორემ მომინია რამდენჯერმე კაიფში გაქცევამ და კინალამ ინფარქტმა მხია... რას ვყვებოდი: დავენენე მოკლედ და სანამ ალექსანდერის სამლოცველოსთან არ მოვალნიე – აქაურობაზეც ვიტყვი მერე ათასი წელი, სად წავა – ეგრე კედების ტყაპატყუპით ვირბინე იმ შუალამისას... შარლიზამ ერთი კი დამიძახა: რას აკეთებო, ჯიოლენდ, სად გარბიხარო და ეგ იყო, მაგის შემდეგ აღარც მამაოს ბარში ჩამოსულა და საერთოდაც გაქრა, სულ ტყუილად ვემალებოდი ერთი კვირა...

შარლიზასთან დაშორება მესამე დღესვე აღვნიშნე გემოზე: რაც ერთი თვეა რიგიანად ვერ გამოვმთვრალვარ და მომიწევია ამ ჩემისის გადამკიდე, ახლა უცებ – ერთ დღეში ავინაზლაურე და მეორე დღეს დედაც მეტირა. თან, მანამდე ქალის გამოსობით არაფერი ასეთი არ დამმართნია და ისედაც – მილიონი წელი ვერ წარმოვიდგენდი, შარლიზასნაირ ქალს თუ რაიმე მაგდაგვარი ეჭირვებოდა; თავიდან ეს ჩემი ტკივილებიც პახმელიის და ადხანიაკის ნაირსახეობა მეგონა და ვკვირვობდი: მეთქი მანდ რატომ, ბლინ, ხომ თავი უნდა მტკიოდეს ახლა, ეგ რა შუაშია... ძალიან რომ შემანუხა, კი მივხვდი ამბავს, მაგრამ ჯერ მაინც არ მჯეროდა და ტიპებს ვეკითხებოდი, – ღამის ერთი თვეა ქალთან ვარ და რომ დაფშორდი, ახლა ამომიგდო, ტო, სადაური წესია და ერთმა გარკვეულმა კლიენტმა: – სვავდი და ენეოდი, ჯიოლენდ, ეგ ერთი თვეო? – მეკითხება და იმ ხანებში ორივეს, ხომ მოვყევი, რატომაც ვიყავი შეშვებული და ამან, გარკვეულმა ტიპმა: – მაგის ბრალიაო და ასე იცისო ხანდახან, და ახლა ეგრე რომ გაილეშე, მაგიტომ ამოგიგდოო ასე მალე და ასწორებსო, თორემ ფხიზელ როყებს საერთოდ არ უგდებს

კარგახანს და მერე უცებ დაუმუნჯეებს ხოლმეო... მენვის და რა მენვის, ლამის კედლებზე გავდივარ სიმნრით, არადა მკურნალობაც, ვთქვი უკვე ადრე – მარტო ერთგვარი ვიციტ გამოლმელებმა; მეც ვისხი ზედ ცისტერნა არაყი და სანამ აქეთ ჩემი ღრიალი ცასა სწვდებოდა, იქით გამოლმელი ალკაშები ხმლებს ლესავდნენ: ამდენ ვოტკას სად აფუჭებსო ეგ ჩემისა, მაგის ბალაყანს ჩვენ როგორ არა ვჯობივართ, ამის დედაც ვატირეო. მერე გარკვეული ტიპი მეუბნება: – მაგას თუ ჩალიჩობდი, გეთქვაო ჩემთვის, ჯიოლენდ: ეგ თავიდანვე, გამოყოფისთანავე უნდა ქნა, ისიც მაშინ, თუ ეჭვი გეპარება ამბავშიო, პროფილაქტიკის პონტშიო, თორემ თუ აგინვა, მერე უკვე გვიანიაო, აღარ გიშველის და მამენტ, უარესიაო მერე და მოიტა აბა ერთი აქეთ ეგ ვოტკაო...

ასე ძალიან მართლა არაფერი მტკიებიდა არასოდეს, თან რა ჯანდაბა მექნა, აზრზე არ ვიყავი. ბოლოს, ჩავიდა ხიდისქვეშ ალექსანდერი – ჩემი ძმაილა და დიდი გიტარისტი, მოუყვა გამოლმელებს ჩემი გასაჭირი და ააგროვა კიდეც კარგი ფული: პოხუისტებს კი ვგავართ, მაგრამ საქმე-საქმეზე რომ მიდგება, მრგვალი მაგიდის მასტები ხდებიან ხოლმე ხიდისქვეშ, და რა განხრის და გაგების გამოლმელიც არ უნდა იყო; გინდა პანკი, გინდა მეტალისტი თუ უბრალოდ ხოშიანი ბომჟი, თუ მართლა გერხევა, გადაგაკვდებიან ზედ. მინახავს ამბავი და მაგასაც უცნაურად შვრებიან: აგერ, გაედო ვთქვათ ვინმეს და მაგის დედაც ვატირეო, გაედო და გაედოო – ყველა ეგრე იტყვის და მერე უცებ საიდანლაც შეგიგროვდება დიდი ფული, ესენი კიდეც ისევ იგინებიან – ღირსიაო და აი დარდიო, დაერხა და დაერხეს, ჩემს ფეხებს კიდეო, არადა აგერ

– უცებ დიდი ფული გიჩნდება-მეთქი საიდანლაც ჯიბეში... სხვათა შორის, ამ დროს ყველაზე დიდ კუშს პიდარასტები აძრობენ უფრო სწორად, გეები: პიდარასტებს რომ ეძახიან, არ უყვართ და არც მე გავუტეხავ ათასი წელი, ვინაითგან და რადგანაც მაგათი უმრავლესობა ჯიგარი და მხიარული ხალხია, გოთვერანი გეი იშვიათად შემხვედრია ჩემდათავად, მაგრამ ნაღდი ძმაკაცობა ვერ გამომდის რალაც ამ ხალხთან: ვზივართ, ვთქვათ, მე და გეი, ვლპარაკობთ ამ მთისას და იმ ბარისას, ამ დროს გამახსენდება, სადაც ირტყამს ეგ ჩემისა და ბრრრ... საერთოდ, რაც კი სულიერი დაიარება ამ პლანეტაზე, ადამიანი თუ ცხოველი, ყველას სექსი მინახავს ლაივში, ყველას რა – ნიანგების თუ კოალების ჟიმაობას ლაივში სად ჯანდაბაში ვნახავდი, ხომ აზრზე ხარ – ძალღი-კატა და ეგეთ როუებზე ვამბობ – მინახავს და არც არაფერი, ერთ დანყველილ დღეს კი პიდარასტების რალა იყო და – გეების სექსს შევესწარი, თან ჯგუფურს და მერე ერთი კვირა ფერი არ მედო სახეზე და საქმელსაც ველარ ვჭამდი, იმიტომ რომ მაგაზე მურტალ სანახაობას არ გადავყრივარ არასოდეს... მოკლედ, არ გამომდის ნაღდში ამათთან მეგობრობა და მომკალი თუ გინდა. რას ვამბობდი: ავიღე-მეთქი ფული, გავედი გაღმა და ექიმმა მალამოების და ნემსების ქარაშოტი დამიტრიალა, სამი თვეც არ უნდა გავკარებოდი იდეაში არაფერს, არც ვოტკას და არც მოსანევეს და ერთი თვენახევარი მართლა გავქაჩე, მერე კი ველარ გავძელი, თან ამასობაში მოვრჩი კიდეც; მანანწალა ძალღის იმუნიტეტი მაქვს და რას არ მოვრჩებოდი...

(გაგრძელება იქნება)



დღიურები

კვირა – ქობლების დღე

მასწავლე, დედი
8 დეკემბერი, 2013 წელი

დედი, მასწავლე, შენ და მამამ
 ეგ უღელი როგორ გამართეთ
 ან ჯვრისმწერელი ვინა გყავდათ ან მეამინე,
 ამდენ ხანს რომ არც გაცვდა,
 არც ფერი იცვალა.
 ან რა ხე იყო, კურთხეული,
 სად გაზრდილი, რა მიწის ნერგი,
 ასე რომ უძლებს გრიგალებს
 და მწეყერ-ზვავეებს,
 თვითონ კი სულ არის და არის.
 ან სად ისწავლეთ, იკმაროთ
 და ჩვენც გვამყოფინოთ
 გამხამარი კუტი, წვეთი თაფლი,
 მწიკვი მარილი?
 ციდა სათითოთ როგორ არწყათ
 ამა სოფლის ცოდვა და მადლი...
 როგორ ეკმაროთ დიდ-პატარას, მკვდრებს
 და ცოცხლებს, მდიდარს და ღარიბს;
 ჭირს და ლხინს გასწვდეთ თავისს,
 სხვისას, სოფელ-ქვეყნისას,
 ცხვარ-ძროხაც მწყემსოთ,
 ზვარშიც იდგეთ, ხეც აჩუქურთმოთ.
 არ დაგავინყდეთ თებერვალში
 პირველხნულის დამწყალობნება,
 შემოდგომის პირს საზედაზე
 ქოცოებზე სანთლების მიკვრა.
 შაბათის მწუხრზე ლოცვად შედგეთ,
 დღე გლახაკებს მისცეთ სახსარი.
 კვირადღის უქმეს ისტუმროთ
 და სტუმრად იაროთ...

მერე ახალ ცხოვრებასავით სულ ახლიდან
 შემდეგი და ახალი კვირა...
 რომ ჯანსაღ გენში ჩაგვიწეროთ
 კოდურ სიტყვებით –
 უფლის რწმენა, კაცის სასო და მიწის მადლი.
 მასწავლე, დედი...



მარიამ
ხუშურაული

კვირადღის ღაქსი

24 თებერვალი, 2013 წელი

დე, მოდი, თავით მომიჯექი.
 ჩართე შენი თვალის რენტგენი,
 გულის ულტრასონოგრაფი,
 მისწი-მოსწიე ერთმანეთში
 აბურდული ფრთები – ლექსები,
 უღლისგან ბევრგან გამრუდებული
 ხერხემალი მომინახე,
 ცხოვრებასავით მშფოთვარ ძილში
 შემეყოლე „დედა გენამლოს“
 და მტკივან ზურგზე მომიტარე
 ხელი-სალბუნი.
 მამაც მანდ იჯდეს, ფეხებისკენ.
 ქვევრისა და სველი მიწის სუნს
 ჰქონდეს ნაჯაფ ხელებზე.
 იჯდეს, თებერვლის წელგატეხილ
 ზამთრის თოვას აყოლოს ფიქრი,
 შიგდაშიგ ასე დამჯდარსავე
 ჩამოეძინოს დაღლილობისგან,
 მაგრამ თვალეები მთვემარესაც
 ბავშვურ უინით ჰქონდეს ავისილი
 და ჩემზე უფრო ელეოდეს გული ლოდინში -
 ერთი მალე გავიღვიძო და დათოვლილი
 ხეები ვბერტყოთ...
 მე ვიდრე მძინავს, მამა დამოძღვრე:
 ბუხარს შემა არ მოაკლოს,
 ბილიკებზე არ დაუთოვოს,
 გამოუცვალოს აბაზანას, ონკანი
 რომ წვეთავს დილიდან.
 მერე აქ დაჯდეს ისევ, ჩემი არეული
 სუნთქვის დარაჯად,



ვიდრე შენ ქადებს დააცხოვრებ და
 შავქლიავის კომპოტს მოხარშავ.
 ვიდრე ხვალისთვის ჩამილაგებ
 გამშრალ მწვანე ნილს, თხილს და მურაბებს,
 სანამ ტკივილებმორჩენილი, ყველაზე
 კარგი სიზმრებიდან გამოვერკვევი
 და ნავიყოლებ პირიმზითში, თოვლქვეშ
 თოთო გაზაფხულის აღმოსაჩენად.
 დე, მოდი, თავით მომიჯექი.
 დღესასწაული აქ მთავრდება,
 ხვალაც ისევ ორშაბათია.
 ნამალზე უფრო უნამლესი ლოცვა
 მისაგზულე – „დედა გენამლოს“.

შაბათი – ადგილის დედის დღე

ვიდრე
19 ოქტომბერი, 2013 წელი

ვიდრე ჯერ კიდევ ალიონი
 ვარდისფერად ინთება ცაზე,
 ვიდრე ჯერ კიდევ მზეს მზე ჰქვია,
 ავდარი ავდრობს,
 ვიდრე ხორბალზე პური მოდის,
 არ გუდაფშუტობს,
 ვიდრე მწიფდება მზით და ირწყვება წვიმით,
 ვიდრე ჯერ კიდევ შეგიძლია ჭამო
 ხიდან ვაშლი და კომში
 დაენაფო და მიწის პირზე მოჩუხჩუხე
 წყალი დალიო,
 ვიდრე ჯერ კიდევ კაცის ყური ტყეში
 შაშვის სტვენას აღიქვამს,
 ვიდრე ჯერ კიდევ ნანვიმარზე
 ოხშივარს – მიწის,
 ნათიბს – ბალახის, თონეს პურის
 ცხოვის სუნი აქვს,
 ვიდრე ჰაერი კურნავს ჯერაც და
 კაცის სიტყვაც,
 ვიდრე მიწის მადლს ერთი კაცი
 მაინც იფიცებს,
 ვიდრე გვიყვარს და სიყვარულით
 ვიშვებით ჯერაც,
 ლოცვას აქვს აზრი.
 – ღმერთო, ნეტავ სად მოვიდე, სად გეახლო,
 სად მოგართვა სანირავად ქადა-პური,
 შემწედ გვეყავ, კურთხეულო, დაგვიფარე,
 ამ მიწაზე იქონიე გულისყური...

25 მაისი, 2013 წელი

საარაგვოზე გუშინ წვიმა თქვეს,
 ჩარგლისკარს სხივი ენთო.
 შესაქმის შემდგომ ანდა წინადღეს
 აქ თუ იუქმე, ღმერთო!
 ზუსტად აქ თუ გვთქვი უფლისჩიტიბად,
 მოგვფინე შენსავ კალოს,

და როცა გულში გეჭიკჭიკება
 ჩვენში გალობ და გალობ.
 აქ გვთქვი მთებად და მთებზე ნესტობად
 ტყედ, ბალახად და წყაროდ,
 შენსუნებურად როგორ იქნება,
 ზვრებს რომ ვანვიმ და ვხარობ?!
 საბადურებზე დილას დარი თქვეს,
 ნისლი აცვია ერნოს,
 შენ შეენიე, არსთა განმრიგევ,
 ეპატრონე და მსხნელად ეყავი –
 ცხვარს და მეცხვარეს,
 ხარს და მეგუთნეს,
 ნიგნს და მნიგნობარს,
 ცას და წყალ-ჭალას –
 ჯვარი დასწერე, ღმერთო!

ორშაბათი – ქუელის დღე

ვით ნეფერტიტი ძველ პაპირუსზე
8 ივლისი, 2013 წელი

არა ბორკილით ანდა საბელით,
 (ვით ნეფერტიტი ძველ პაპირუსზე),
 მე შეგეუღლე უფლის სახელით,
 დაგშვენდი როგორც ზეცას სილურჯე,

წყალს–სიანკარე, მზეს – სიმხურვალე,
 ლალატს – ტკივილი ძნელდასათმენი,
 მე შეგეფერე და შეგეუღლე
 სიყვარულით და უფლის სახელით.

ამიტომ სულ არ მეცოტავება
 ეს უღელი და ეს ბედისწერა –
 ვიყო ცოლი და სული ვუბერო
 ღვთიური ცეცხლით დანთებულ კერას...

საშუადღობო

11 ნოემბერი, 2013 წელი

შემოდგომა დასტყობია ტყეებს და
 ოქროქაცვით გადაშიბულ ჭალას,
 შენ ერთს გესმის, რასაც გულით განიცდის,
 შემოდგომა-ქალი რასაც მალავს.

ნანვიმარზე ტოტს შემრჩალი წვეთივით,
 მხოლოდ ქარის შემოქროლევას ელის,
 შენ ერთს გესმის, რა ძნელია დუმილი,
 როცა ქალში მოლალური მღერის.

როცა ქალი – ცით და მიწით ავსილი –
 ვარსკვლავებს კრფს მოკაშკაშე ციდან,
 მადლიერი დაუჩოქებ ზენაარს,
 რომ უყვარდი, რომ მას შენთვის ქმნიდა.

*
შემოდგომა დასტყობია ცხოვრებას...

19 იანვარი, 2014 წელი

გინდა, ჩვენზე სულ სხვა ზღაპარს მოვიგონებ,
 სხვა დღეისდღეს, სხვა წარსულს
 და სულ სხვა ხვალს.
 ვითომ ჩვენი ზეცა ჯერაც ავდრიანობს
 ვითომ დღემდე ერთ გზაზეც ვერ შევიყარეთ
 ვითომ დღემდე ვერ გამოცხვია ობლის კვერი,
 ნაგუბარშიც არ ჩამდგარა დღემდე წყალი,
 ეზოს ბოლოს სულ ტყუილა ვკონკიაობ,
 ბროლის ქოშით ფეხშიშველს ვერ მომისწარი.
 ჩემზე უნინ სხვას შეხვდი და შეიყვარე,
 მეც სხვას ვერგე, სხვის ეზო-კარს ვახშიანებ,
 ვითომ შენ ჭერს სხვა ქედანი დაღულუნებს,
 სხვისთვის ვიხდენ მეც ჭრელ კაბებს,
 ბაფთიანებს...
 ვითომ გტკივა და ჩემი ხმა ნამალია,
 მეც მიჭირს და არ მიფარავს შენი ჩრდილი...
 არც მზე მინდა, არც ცა მინდა, არც ცხოვრება-
 უჩემბმო და უშენჩრდილო, გაცრეცილი...

აღმომაჩინე

17 თებერვალი, 2014 წელი

შენი წილი და არჩივი,
 გულმართალი და
 სათუთი დიდი ბავშვივით.
 გამომიცანი,
 ყველა საშენო ლექსიდან,
 აღმომაჩინე
 უცებ, თებერვლის ერთ დილას.
 გამომარჩიე
 ათას ქალსა და ლამაზმანს,
 აღმომაჩინე,
 თორემ ცხოვრება გათავდა.
 გამომიცანი
 შენთვის ტკივილიში მოცილე,
 გამომიცანი
 შენთან საოცრად მორჩილი
 გამომიცანი
 შექმნილი შენი ნეკნიდან
 დამიჩემე და
 გამომიყვანე ეჭვიდან.
 ჩემით დაიწყოს
 შენთვის ხილული სამყარო,
 აღმომაჩინე
 და არასოდეს დამკარგო...

23 თებერვალი, 2014 წელი

ამოვათავე აღმართი და კიდეც ინათა
 გვიან, ავდრებში როგორც სჩვევია.
 ალბათ, სულ ერთი წუთით იყო,
 ნისლი შეიმქვრა
 და გამონათდნენ ასკილები წითელ-წითელი.
 – დიდება-მეთქი შენდა, ღმერთო,
 – შევუთვალე ცა-ქვეყნის გამჩენს,
 – ჯერ – რომ გააჩენ ამ სასწაულ სილამაზეს,
 მერე – თვალსა და გულსაც
 მისცემ ამის მჭვრეტელს
 და ზრუნვითაც შენვე იზრუნებ,
 სადმე შემოგხვდეს.
 თორემ ამ გზაზე, ამ ავდრიან უღელტეხილზე
 (გზასაც რომ არ ჰგავს უდაბური და უკაცური)
 გეძალება ფიქრებიც მძიმე.

ლამის მთელი გზა გამატარა საზრუნავმა
 შინ და გარეთის:
 ხვალ შეხვედრები საღამომდე,
 ზეგ და მაზეგ ფქვილსა და ზეთს
 დავარიგებ (ჰუმანიტარულს),
 მერე პარასკევს (გაფრინდა კვირა...)
 დამთავრდება ბანკის კრედიტი
 (გოგოს სწავლის ფულს გადავიხდი),
 მივალ სახლში და გვიანამდე,
 ან დილაამდეც სადილები უნდა ვამზადო,
 თანაც ისეთი, უჩემოდ რომ
 გაიტანოს თავი ოჯახმა.
 შაბათს დილიდან ეს გზა კიდეც
 ერთხელ მომელის,
 (მე ვინ მაუქმებს?) ორი-სამი მუშა
 უნდა ამოვიყვანო,
 შევაცვლევიწო სათავეში გამსკდარი მილი,
 მთელი კვირაა, ამ წვიმებში, წყალს
 წყაროდან ეზიდება ორი უბანი.

მომშიებია.
 აქამდეც ყავამ მაყუათა თაფლგარეულმა,
 ბედად, ვისაგზულე მშრალი პურის ორი ნატეხი,
 გზა-გზა მოვიფშვნი ცოტ-ცოტას
 და დარდში ჩავიღბობ.
 დარდი კი... დარდი იმდენია
 გულს თუ გაულებ...
 მთავარი არის გზა ეძებო, ამ სადარდელს
 რით განეშორო,
 პრობლემებს როგორ მოუარო, რითი უნამლო.
 გზა თუ იპოვე, ჩათვალე,
 რომ გიპოვია სიცოცხლის არსი –
 გიპოვია შენში შენი წილი უფალი.

მოვსულვარ ლამის.
 აქ ერთ დიდ ლოდზე მთლად ბავშვმა
 რომ მივანერე შენი სახელი
 და ზედ გზის პირას, სათვალის
 ადგილას დავფალ



და იმ დღის მერე აქ სრულდება
ჩვენი ერთად თქმის რიტუალი.
აბა, ამ ადგილს მშვიდად როგორ
ავუვლ-ჩავუვლი?
შევჩერდე უნდა და გავიხსენო ის,
რაც მთელი სიცხადით მახსოვს –
ივლისის ბოლოს ერთი ცხელზე
ცხელი სალამო,
ათიოდე წლის ბიჭი, მაშინ თვითონაც ბავშვმა,
ხელისხელით რომ მიგიყვანე სათბოში
მყოფ მამა-ბიძასთან

და ამაყად გამოვაცხადე:
„აემ ბაღის ცოლად ვიზრდები...“
თან შუბლსქვემოდან თვალები მქონდააა –
მილიონი მოკაშკაშე ვარსკვლავით სავსე...
(აჰა, ევროპა მივარდნილ მთაში)
მერე ათწლობით ნაირგვარმა წყალმა იდინა,
ეს ვარსკვლავები დამაქვს უკვე ამდენი
წელი და ისე მიჭერ ძლიერ მარჯვენას,
რომ რაგინდა რა ქარიშხალმა თავზე
გვიაროს, არ მეშინია!
თუმცა ორშაბათი მძიმე დღეა,
არ მეშინია, რადგან შენი სახელი ჰქვია.

ვიდრე ეს წვიმა ცოტას იფერხებს,
უნდა მოვასწრო,
საჭეზე წუთით ჩათვლემამდე წავიოცნებო:
შენს მოლოდინში გადადიან ყირას ბავშვები,
მამა მარანში ღვინოზეა,
დედა მჭადებს აკრავს კეცებზე,
მე ბუხრისპირას ქოთანში ვზელ
დილას ნანატრ რეჰან-ქონდრიან,
ტყლაპიან და პიტნა-ქინძით
შეზავებულ მინდვრის ლობიოს...

სუთმაბათი – შეიღების დღე

თეკლა
10 ოქტომბერი, 2013 წელი

გარეთ ცირცვლების ქარია და
სახლში პიტნის ჩაის არომატი,
რატომ აგვიანებ, საფიცარო,
ასეთ სიხარულში რად მომაკლდი?!
ხევ-ხევ დაბალახობს ნისლის ჯოგი,
დგება ცისკრისფერი გამთენია,
შენი გასამზითვი მარმაშები
გალმა მთებს და მინდორს აფენია.
კაბებს იმშვენებენ ძახველები,
ზამთარს მისამართი დაჰკარგვია,
თეთრი წეროების სამკუთხედი
ზეცის საოქტომბრო ნაქარგია.
ეგეც სამზითვოებს მიმიტვალე,
მთებიც, ლამის მზემდე აწვდილები,
ბექზე ოქროქაცვის შიბები და
ტყისპირს ცეცხლისფერი ასკილები.
ვიცი, შენ თავს მალე წამართმევენ,
ძლივს და ეგუება მამაშენიც.

რაც რამ საუნჯე მაქვს, მზითვად გაძლიერ,
შენი ქალობაა დანარჩენი.
გძინავს. ჩემი ფიქრი ქარს დაჰყვება,
შენზე ლოცვის იქით ვერ კი წავა,
დილა ნატვრისფერი გაგიტენდეს,
დედის სიხარულო, თვალშალშავა.

ბოლო აკორდი
7 ნოემბერი, 2013 წელი

ქუჩებში პოეზიას,
ყვითელი ფოთლების ნატიფ პოეზიას
ხვეტავენ ქალები.
ჩემსავით მეოცნებე კი არა –
უფრო პრაქტიკული, უფრო ჭკვიანი
და უფრო მფრთხალებიც.
ლექსებს ვერ ამჩნევენ მიმობნეულს,
ვერც ერთურთს ამჩნევენ,
გარბიან თავ-თავის გზებით.
ავდარზე წუნუნებენ, შვილებზე დარდობენ,
სადილზე ზრუნავენ და
(რა თქმა უნდა)
ოჯახში მიელიან ქმრები.
მე...
ვცდები ოჯახს და
მთელ დღეს ქუჩა-ქუჩა ვაგროვებ სიხარულს,
ასე ფოთოლ-ფოთოლ ვაგროვებ სათქვენოდ,
თან ცრემლი მერევა.
გისხენებთ,
გაბოდებთ
და მერე გიგზავნი
წუხანდელ ლოცვებს,
თბილისურ ჭორებს,
პატარა ზღაპრებს,
ნოემბრის ფოთლებს და დიდ ბედნიერებას.

თორნიკეს
27 თებერვალი, 2014 წელი

წლებია, ლამით შენს იმედად ვიძინებ მშვიდად
(ერთი ნარკოზით დაძინებაც რა ბედენაა),
არ მითქვამს დღემდე, რომ შენს ხასიათს
არ წამოვკიდო ჩემგან ნდობის და
იმედის უზომო ტვირთიც
და უნებურად კიდევ უფრო არ წაგაქეხო
ირგვლივ ყველას პატრონობაზე.
შენი გაჩენა ჩემთვის დიდზე დიდი ჯილდოა.
არც ეს მითქვამს.
მხოლოდ სხვებზე უფრო ხშირად
შენ გეფერები,
რადგან ათასჯერ მეტად უჭირთ
ძლიერებს და სხვათა პატრონებს.
დღეს გეუბნები, ვიდრე
თვლელმა-ძილი წამიღებს:
– დილას საუზმედ მამაშენს შვრიის ფაფა
უნდა, პიტნის ჩაიც ცოტა ლიმონით.
თქვენთვის ბრინჯი ან წინიბურა
მოხარე რძეზე,

თაფლი, კარაქი, მურაბები –
 რასაც ინდომებთ...
 სუფრას და ჭურჭელს, რომ მორჩებით,
 თამთა მიხედავს.
 კარადაშია, შეურჩიე მამას პერანგი,
 წინდა, ჰალსტუხი
 (ორი კვირა, ალბათ, გეყოფათ)
 ქუდი არ დარჩეს და წამლები დაუღვევლი.
 ჩამოუარე შენებურად მერე ყველაფერს,
 გაზი, დენი, არსად დაგრჩეთ,
 წყლის ონკანიც ყველგან მოსინჯე,
 ორივე კარი დაკეტე და წადი სკოლაში.
 – ბევრს ნუ იცვლქებ (სამაგისოდ
 სკოლა რად გინდა?)
 ცელქობისთვის, რა ხანია, კარგა დიდი ხარ,
 შენი ხნის უკვე მეფეები იყვნენ მეფენი
 (ლიმილს გამჩნევ და მეღიმება)
 წამოიყოლე უკან გზაზე ჩაი და ყველი.
 ხორცი დაჭერი, გარეცხე და კარგად მოხარშე
 (ქაფის მოხდა არ დაგავიწყდეს)
 სადილისათვის შეაზავებ ნიახურით,
 ქინძით და ნივრით
 (სხვა წვნიანებს სხვა დროს გასწავლი),
 სალათას ჭამის წინ დაამატებ
 ცოტა ლიმონს, ცოტა არაჟანს,

არ დაგეზაროს, კატლეტები ორთქლზე
 შეითბე (ცივს რა გემო აქვს?),
 შემომამატე სარდაფიდან საბუხრე შეშა,
 იმეცადინეთ და ელოდეთ
 მამას ვახშმისთვის.
 ახლა ადექი. დროა უკვე ალბათ რვა ხდება
 თუ არ ადექი, მაგდენ საქმეს ვეღარ მოასწრებ.
 არ მიხარია, ღმერთმა იცის,
 ამ ყველაფერს შენ რომ გავალებ,
 (შენი იმედით, რა ხანია, უშფოთველს მძინავს)
 უმაგისოდაც ყველას პატრონს,
 მზრუნველს და სანდოს,
 არაბავშვურ ფიქრებით სავსეს.
 თავს ვინუგეშებ და ვიმშვიდებ –
 კაცად იზრდები!
 ესლა ადექი, დროა უკვე, ვიცი არ გძინავს,
 რომ მე ვიძინო ცოტა კიდევ
 უსიზმროდ, მშვიდად,
 (რა ბედენაა, ცხოვრებაში ერთხელ ნარკოზით)
 რომ გავიღვიძებ ამ ჩუმ ფიქრებს
 სიტყვა-სიტყვით გიამბობო დღესვე...
 თუ მოხდა, რომ ვერ გავიღვიძე...
 ეგ ყველაფერი იცი უკვე და
 ყოველდღე გაიმეორებ.





ვიზიტი ექიმთან

იმხანად, როცა შორეულ ბრაზილიაში ბერიკაცმა აპარესიდო კასტალდომ გადაწყვიტა ცოლად მოეყვანა თავისი საყვარელი თხა, სახელად კარმელა...

და იმხანად, როცა შეერთებულ შტატებში ალაგ-ალაგ მოვიდა თოვლი, რომელიც ცეცხლის სიმზურვალისგან წყლად კი არ დნებოდა, არამედ შავ კუპრად...

იმხანად, როცა ჩრდილო კორეამ კიდევ ერთხელ ნახა საამური სიზმარი, თითქოს მზეზე ადამიანი დასვა (ჩრდილოკორეელი, რალა თქმა უნდა)...

იმხანად, როცა ვნებადაუოკებელ ნიდერლანდში გაუგონარი გაქანების ეროტიკული ქალაქის აღმშენებლობა წამოიწყეს...

და როცა საფრანგეთში მაინც, აი, მაინც იქორწინეს ერთურთზე მხარბეჭიანმა ვაჟკაცებმა ბრუნომ და ვენსანმა...

იმხანად, როცა რუსეთმა საზღვარი კიდევ 11 კილომეტრით გადმოუჩოჩა ჩვენს პატარა საქართველოს...

და კიდევ ბევრი ამდაგვარი ამბის ხანად...

ქართლოსი ექიმთან მივიდა.

ხოლო კარზე, რომელშიც ქართლოსი უნდა შესულიყო, ეწერა:

„ფსიქიატრიულ მეცნიერებათა დოქტორი, პროფესორი ენრიკო გიშველიძე-უმროსი“.

და ქართლოსმა გაიფიქრა: „ერთი ასო აკლია აქ. ნეტაი, უმფროსია თუ უმცროსი?“

მერე რიგის დასაკავებლად დაფაცურდა.

– ბოლო თქვენ ბრძანდებით? – დაეკითხა ქალს, რომელსაც ქოლგის დაკეცვა დავიწყებოდა და ასე, ქოლგანამოფარებული იჯდა სკამზე.

ხოლო ქოლგა იყო წითელი.

ქალმა ქოლგისქვემოდამ ამოხედა ქართლოსს, ფრთხილად შეათვალიერა და თქვა:

– თქვენ ჰერცოგი არ ხართ, ხომ?

ქართლოსმა მიუგო:

– არა. ქართლოსი ვარ. გვარად მხარბეჭიანი.

– თუ გინდათ, მოდით ქოლგის ქვეშ, სანამ გადაიღებს, – თქვა ქალმა და გვერდითა სკამზე გადაჩოჩდა.

ქართლოსმა ცას ახედა, მაგრამ შეკიდული ჭერი შერჩა თვალთ.

– არა, იყოს. მადლობა დიდი. ვიდგები.

– კარგი, – დაეთანხმა ქალი, – ოღონდ იქით მიიწიეთ ცოტა, გუბეში მაინც ნუ იდგებით.



ეროვნული ზიგლიოთეკა

თამრი ფხაკაძე

ქართლოსმა მიწას დახედა, მაგრამ ლაპლაპა ლამინატი შერჩა თვალთ.

ოდნავ განზე მაინც მიდგა და ამ დროს პროფესორ ენრიკო გიშველიძე-უმ(ც)როსის კაბინეტის კარი ფართოდ და დაუნანებლად გაიღო და ვილაც იმედმოცემულსახიანმა კაცმა გამოაბიჯა.

– უჰ, მე კიდევ, საფრანგეთის რევოლუცია მეგონა! – შვებით შესცინა მან ქართლოსს, – პარიზის კომუნა და მთელი ამბავი!

მერე მხედრული სალამი უძღვნა პროფესორ გიშველაძის კაბინეტის კარს, ცალ ქუსლზე შემორტიალდა და ლონივრად გაუყვა დერეფანს გასასვლელისკენ.

ქართლოსი, რასაკვირველია, დაბნეული დარჩა, მაგრამ რიგს ხომ თავისი წესები აქვს, დაბნეულობისთვის სად დაგიტოვებს დროს. ჰოდა, ქართლოსმა ფრთხილად დააკაკუნა ქოლგაზე:

– მიბრძანდით, ქალბატონო, თქვენი რიგია.

ქოლგის ქვეშიდან მოისმა:

– არ მცალია. უთხარით, რომ სახლში არ ვარ. თეატრში ვარ.

მაშინ ქართლოსმა მორიდებულად შეაღო კარი და სანერი მაგიდის წინ გაუშეშდა ექიმს.

ხოლო ექიმი იყო ქალაღებში ჩაფლული და უდავოდ მელოტი.

– დაბრძანდი, დაბრძანდი, – თქვა მან თავაუნველად, – მოდუნდი. მე ახლავე...

მეტი მოდუნება სადღა იქნებოდა! ქართლოსს ისედაც ჩვარივით მოღვენთოდა ხელ-ფეხი და ლამის ჩაკეცილიყო სკამზე. ლელავდა. ექიმებში სიარულს ნაჩვევი არ იყო და ფსიქიატრის ხომ გზა-კვალაც არ იცოდა აქამდე!

ამასობაში კი პროფესორმა ენრიკო გიშველიძე-უმ(ც)როსმა თავი აწია. და როგორც ფსიქიატრიულ მეცნიერებათა დოქტორების წესი და რიგია, სახეზე ნეტარება და ბედნიერება ეხატა.

ქართლოსს თვალი შეავლო, კმაყოფილად დაუქნია თავი და თქვა:

- დავეინყოთ?
- დ... დავეინყოთ. - მიუგო ქართლოსმა.
- ძალიან კარგი!

ექიმი წამოდგა, სანერ მაგიდას ზომიერი ღიპი შემოატარა, ქართლოსს თავს წაადგა და ოდნავ წინ, მისკენ წახრილი თვალებში ჩააცქერდა. მერე თქვა:

- გასსაგებია. ახლა, ჩემო ძამია, ნუ დაგეზარება და ამ თითს მიაყოლე თვალი.

ქართლოსმა ჯერ მარცხნივ გააყოლა თვალი პუტკუნა, ოდნავ ბალნიან, ოქროსრგოლიან თითს, მერე - მარცხნივ.

- გასსაგებია, - თქვა ექიმმა ენრიკო გიშველიძემ, - ახლა ფეხი ფეხზე შემოიდე, ძამიკო, და მე ჩაქუჩს დაგკრავ.

- ურო დამკარი თუ გინდა, ექიმო, ოღონდ მეშველოს რამე... - შეჰლაღადა ქართლოსმა.

ჩაქუჩი პატარა და არასაშიში გამოდგა. მაგრამ დაჰკრა თუ არა ექიმმა კვირისტავს ქვემოთ მსუბუქად, ქართლოსს თითქოს დენმა დააარტყაო, ფეხი არნახული ძალით აუხტა მაღლა და კარგა გვარიანი დარტყმა უთავაზა პროფესორს უადგილო ალაგას.

- უჰჰჰ! - სიმწრით სამად მოიკეცა ექიმი ენრიკო გიშველიძე-უმ(ც)როსი და ორივე ხელი (ჩაქუჩიანა) ლაჯებში იტაცა, თუმცა გონს მალე მოეგო, მაგიდას კვლავ შემოატარა ზომიერი ღიპი და კალამი მოიმარჯვა.

- სახელი, ძამია...

- ქართლოსი, - დამნაშავედ ჩაიდუღლუნა ქართლოსმა, - არ მინდოდა მე...

- უარესებიც მინახავს. გვარი?

- მხარბეჭიანი. უარესი როგორ...

- ზედა ორი კბილი ჩამიმტვრია ერთმა. მხარ... ბე... ბე...

- ჭიანი... - წააშველა ქართლოსმა.

- ჭიანი! კარგია! ასაკი?

- ორმოცდაჩვიდმეტი.

- პროფესია?

- ახლა გლეხი. კომუნისტების დროში მარკ-შეიდერად ვიყავი მალაროში.

- ოჯახური მდგომარეობა?

- ცოლ-შვილი მყავს. რვა შვილიშვილი.

- მალადეც!

- ზამთრობით არ მაჩერებენ სოფელში. ხან ერთთან ვარ აქ, ხან მეორესთან. მარტის შუიდან მივდივარ ისევ. აღარ მიდგება გული...

- რალა უკლია მარტამდე... - პროფესორმა ფანჯარას გახედა. იქ შუშას შეკვირტული ტოტი მობჯენოდა და ცის ნაგლეჯიც ჩანდა, ჯერ ისევ ცივად კრიალა და ლურჯი.

ექიმმა კალამი დადო, ხელები მაგიდაზე დააბლა და საქმიანად იკითხა:

- აბა, რას უჩივი, ძამია?

- გლახა სიზმარს. მეტი არაფერს, ბატონო.

- კონკრეტულად?

- მოვყვე?

- უნდა მოყვე, აბა როგორ? ნელა. დაკვირ-

ვებულად. პირველ პირში. მხოლოდით რიცხვში. ჰე, გისმენ!

და ქართლოსმა დაიწყო.

- სამი თვე იქნება, სულ ერთ სიზმარს ვხედავ.

- აჰა, აჰა, - წაახალისა პროფესორმა.

- ვითომ... გზას ვადგავარ და... მივდივარ პირდაპირ.

- აჰა, აჰა. და საიდან მოდიხარ?

- არჩევნებიდან.

- აჰა. ყოველთვის?

- კი, ყოველთვის, ექიმო. ხმა მაქვს ახალი მიცემული და მოვდივარ.

- ხმა ვისთვის? კონკრეტულად ვინმესთვის?

- არა. მარტო ის მახსოვს ხოლმე, რო ხალხის რჩეულისთვის, როგორც ამბობენ.

- აჰა, აჰა.

- ჰოდა, მინდა, რომ წავიდე პირდაპირ.

- არც მარჯვნივ, არც მარცხნივ!

- საქმეც ეგაა, ექიმო, არც მარჯვნივ, არც მარცხნივ, პირდაპირ მინდა წასვლა, სულ პირდაპირ.

- აჰა, აჰა. და რა გიშლის ხელს?

აქ ქართლოსი შეფერხდა, ექიმი კი გაფაცვიცდა და შესძახა:

- თამამად, თამამად, ძამია!

- ორნი არიან, - თქვა ქართლოსმა.

- აჰა?

- ერთი მარცხნივაა, მეორე მარჯვნივ.

- და რაო, რა გვინდაო?

- მარცხენა მეუბნება, მარცხნივ წამოდი და გაგამდიდრებო.

- კაი ერთი-თქო! და მარჯვენა?

- მარჯვენა მეუბნება, მარჯვნივ წამოდი, თორემ გესვრი და გაგათავებო!

- მაგისმა მზემ! - კოპები შეიკრა ექიმმა.

სიჩუმე ჩამოდგა. დერეფნიდან ქალის ხმა მოისმა. ოდნავ გაბზარული, მაგრამ მაინც უბადლო სოპრანოთი საქართველოს ჰიმნს მღეროდა.

- ოპერის სოლისტია, - აუხსნა პროფესორმა შემცბარ ქართლოსს, - საერთაშორისო კონკურსების ლაურეატი.

- ჩემი არ იყოს, უჭირს რალაც... - მოკრძალებულად აღნიშნა ქართლოსმა.

- გაუჭირვებელი აქ ვინ მოვა, ჩემო კარგო ძამია! - ხალისიანად შესძახა ექიმმა, - აქ პატარ-პატარა ყველას უჭირს და მეტწილად... - ექიმი ერთბაშად დასერიოზულდა, - მეტწილად რალაც დიადი უჭირთ.

- მეც დიადი? - გაბედა ქართლოსმა.

- ჰეჰ! რა თქმა უნდა, შენც დიადი, ძამია, შენც! აბა, ძროხამ არ მოინველასი კი არაა ეგ შენი სიზმარი!

ქართლოსს საკუთარი თავის შესახებ კიდევ რამის კითხვა მოერიდა და ისევ ქალის სადარდელით დაინტერესდა.

- და იმას... გარეთ რო მღერის... ქოლგიანს... რა გაუჭირდა?

ექიმი ფეხზე ადგა და კვლავ შემოატარა ღიპი მაგიდას.

ქართლოსმაც წამოიწია, მაგრამ პროფესორმა მხარზე ხელი დააბჯინა და უთხრა:

- იჯექი.



ორიოდ ნუთს იყუჩეს. მერე ექიმმა ნელა, ზღაპარივით დაიწყო:

– ერთ საღამოს ოპერის თეატრში „რიგოლეტო“ გადიოდა. ჯილდას ეს ქალი ასრულებდა, – ექიმმა კარს გახედა – რიგოლეტოს ადარნესე ბაბუნაშვილი, ჰერცოგს – სულიკო ცქვიტავა.

– მე მკითხა, ჰერცოგი ხომ არ ხარო, – ჩაურთო ქართლოსმა.

ექიმმა კი განაგრძო:

– სწორედ მაშინ, როცა რიგოლეტოს თავისი არია უნდა დაეწყო... ხომ იცი რიგოლეტო? აი, ქალიშვილს რომ შეუცდენს მოხუც მამას მდიდარი ბატონი და...

– გლახის ნაამბობივით...

– ჰო, ოღონდ იქ სხვა ამბები ხდება მერე და მოკლედ, სავსეა ძამია, დარბაზი ლოჟიან-ბალკონებიანა და... შემოდიან უცებ ნიღბიანები, ადიან, ძამია, სცენაზე, ადებენ შენ ჰერცოგს კაი ბუღვიალა ბორკილს ხელებზე და მიყავთ. ჯილდას თვალწინ! ორკესტრის თვალწინ! ეს რიგოლეტოც დგას გაჩუმებული. რაღა ეარიება, ჩემო ძამია... ხალხიც დაშტერებული მიჩერებია...

– ჯილდა ამას ქვია? – კარს გახედა ქართლოსმა.

– კი, ამას ქვია. ოღონდ იქ, ოპერაში. ისე მზიაა, თაბაგარი. მზია თაბაგარი არ გაგიგია?

– კი გამიგია. და იმას რას ერჩოდნენ...

– ჰერცოგს?

– ჰერცოგს.

– მიდი და გაიგე შენ! სამშობლოს მოღალატეაო, ძამია. აგენტო. კი გამოსვეს ციხეში და! უკან მორჩა ბუმბულებიანი შლაპა და ის...

და აქ პროფესორმა ენრიკო გიშველიძე-უმ(ც) როსმა სასიამოვნო ტენორით დაამღერა:

ღა დონნა ე მობილე,

ღუალ პიუმა ალ ვენტო,

ღუტა და ცცენტო

ე დი პენსიერო!

ქართლოსმა თავი ჩაქინდრა და საკუთარ ხელებს დააცქერდა.

– არა, წლების მერე კი გაამართლეს, გმირის ნოდებაც მიანიჭეს, მაგრამ... ეჰ...

– და ეს ქალი?... – შეახსენა ქართლოსმა.

– ქალი... ქალი... ქალი ნაზი არსებაა, ძამია! იმ საღამოს მერე რაღაცები აერია თავში. ჯილდას არიის მაგივრად საქართველოს ჰიმნი იმღერა მომდევნო სპექტაკლზე... მაგრამ ეგ არაფერი! ვუშველით! მოვარჩენთ! შენ რა იყო, რა ხელები გიკანკალებს?

ქართლოსი მართლაც, ოდნავ მოცახცახე ხელებს დასცქეროდა.

– ეგ არაფერი, – ანუგეშა ექიმმა, – ხელებს ეშველება! მთავარია, სხვა რამე არ აგიკანკალდეს, ძამია, სხვა!

ქართლოსი ჭარხალივით განითლდა.

ექიმმა კი განაგრძო:

– გული, გული არ უნდა აგიკანკალდეს, ესა მთავარი! შიში არ უნდა გააკარო გულს! ჰე, მიხედოთ ახლა საქმეს.

ზომიერმა ღიპმა ერთხელაც შემოხაზა მაგიდა. ექიმი ერთბაშად დასერიოზულდა. მეტიც,

გამკაცრდა კიდეც და ასე, გამკაცრებულად თქვა:

– შენს ამბავს დავუბრუნდეთ. მიდინარ ვენიკი პირდაპირ და ხელს გიშლიან. ერთი მარცხნიდან, მეორე – მარჯვნიდან.

– ზუსტად.

– მარცხენას ზედმიწევნითი აღწერილობა მინდა. დაძაბე მეხსიერება და მიდი, აღწერე.

ქართლოსმა კარგა ხანს იყუჩა და მერე დაიწყო:

– რომ მივდივარ... პირდაპირ წასვლას რომ ვეპირები და რომ მივდივარ, მარცხნივ ვერ არაფერი. მინდორია უხნავი. ჰექტრობით ვერ ვიტყვი ახლა... და უცებ პატარა ტაროსავით წამოყოფს რაღაცა თავს მინიდან. წამოყოფს და იზრდება.

სიმინდის ტაროა. როგორ ვთქვა, აღარც კი ვიცი... იზრდება, იზრდება, მსხვილდება, ჯერ ერთსართულიანი სახლისტოლაა, მერე ორსართულიანის, მერე სამიანის... და არის ბაჯალლო ოქროსფერი!

ლაპლაპებს, ლაპლაპებს, თვალს ჭრის. თითო მარცვალი თითო ფანჯრისტოლაა... გამოდის რია-რია, ქალების სიცილი, კისკისი, რაღაცნაირ მუსიკას აწუილებენ, აღმუვლებენ... მარა მე ვერ ვხედავ ვერავის, ამ ყვითელ ლაპლაპს ვხედავ მარტო. როგორი დასანახია?! და ვიღაცა მეძახის ზევიდან, სიმინდის ტაროდან, რომე, ქართლოს!

ქართლოს!! ქართლოს!!! სამჯერ ასე. რა გინდა და ვინა ხარ? – შევუძახებ მე. საით გაგიწევია, ქართლოს? – მეკითხება და თან ხითხითებს რაღაცნაირად და... საით გამიწევია და პირდაპირ! – ვეუბნები მე. თან ბრაზი მომდის, რომე, ვინაა, რა უნდა, რა მისი საქმეა, მე საით გამიწევია. ჰოდა, ეს ოქროს ტარო ბუღვრიალებს, ტრიალებს, იმხელაა, რო წამოყირავდეს, ამიან-იმიანა გადასრესს ქვეყნიერებას და ქართლოს! ქართლოოოოს! – მიძახის ისევ, – აქეთ წამოდი, აქეთ! უჰ, მომდის ბრაზი უარესად. დამანებე ვიღაცა ხარ, თავი, – ვუყვირი აქედან, და ვეშურები წინ წასვლას ჩემი გზით, პირდაპირ, მარა რას წახვალ, წამოვა ხოშკაკალასავით ოქროს სიმინდის მარცვალი, ჩამიხერგავს გზას... ქართლოსიიიი! – მეძახის ისევ, – შემხედე, როგორი კბილები მაქვს?!... ავიხედავ და ვიღაცა ხარხარებს, ხარხარებს, გადმოყრილი აქვს ოქროს კბილები უთვალავი! ხახას ვხედავ მარტო! ჰოდა... რო მივანწყდები წინ და რო მინდა პირდაპირ წასვლა, მეღვიძება მაგ დროს.

სიჩუმე ჩამოდგა.

ქართლოსი, ერთ დროს მარკშეიდერი, ახლა კი გლეხი დარდიანად შესცქერის პროფესორს.

– ვად ვარ ძალიანი? – სვამს კითხვას.

ექიმი დუმს. ექიმი ენრიკო გიშველიძე-უმ(ც) როსი დუმს. მერე კი ფიქრიანად ამბობს:

– მარჯვენა. მარჯვენა აღმიწერე ახლა.

და ოდნავ გახარებული იმით, რომ ჯერ კიდევ, როგორც ჩანს, არ იკვეთება მძიმე დიაგნოზი, ქართლოსი შედარებით მხნედ იწყებს:

– მორიგეობით ჩნდებიან. ამაღამ რო მარცხენა არ მომცემს გასაქანს, ხვალღამ – მარჯვენა. რიგრიგობით არიან... ახლა, მარცხენა რანაირია. რანაირია და მივდივარ ჩემთვის, პირდაპირ გაყოფს ვეპირები, მივიმღერი, ხანაც მივიღლინებ...

– უკაცრავად, – ცქვიტად ჩაერთო პროფესორი, – რას მიიმღერი?



- სიმღერას, - გაუკვირდა ქართლოსს.
- რომელს!
- იმას... რა მადლიანად ანათებებს, ჩემი მზე ჩემი მთვარეოოო... - რაც შეეძლო მოგუდა ქართლოსმა ლილინი, - ბაში-აჩუკში როა.
- აჰა, აჰა. კარგი ძალიან. და შენ ვინ ხარ ხოლმე, ეს მითხარი. ყოველთვის შენ?
- ხანდახან გამოერევა რო, კომბლე ვარ, ან ნაცარქექია, ერთხელ რწყილი და ჭიანჭველა ვიყავი ერთად აღებული... ავთანდილიც კი ვიყავი ამასწინათ, ახლა გამახსენდა. რა ესმოდის მღერა ყმისა, სმენად მხეცნი მოვიდიანო... მანდ რო მიდის ავთანდილი წინწინ...
- უჰჰჰ, კარგი ხარ, ქართლოს! - აღფრთოვანდა პროფესორი.
- გაგრძელებაც ვიცი... - მორცხვად მოახსენა ქართლოსმა, - ვეფხისტყაოსნის ზეპირმცოდნე ვარ მე. შეჯიბრშიაც გავიმარჯვე ადრე.
- უჰჰჰ, რა ხარ შენ, რა! რა ყოფილხარ შენ! მიდი აბა, გამიგრძელე.
ქართლოსი ფეხზე წამოდგა და ისე თქვა:
- მისვე ხმისა სიტკბოსაგან წყლით ქვანიცა გამოსხდიან,
ისმენდიან, გაჰკვირდიან, რა ატირდის, ატირდიან...
იმღერს ლექსთა საბრალოთა, ღვარისაებრ ცრემლნი სდიან. კიდე გავაგრძელო?
- არ გინდა მეტი, - ამოიფშლუკუნა პროფესორმა და ხელი გაასავსავა, - დაჯექი, დაჯექი, - მერე უჯრიდან ქალადის ხელსახოცი ამოაცოცა და თვალების მშრალელებს მოჰყვა.
- რა გატირებს, ექიმო... - სკამზე ჩაჯდა ქართლოსი.
- არ ვიცი! მოულოდნელი სიხარული, ალბათ... სტენიკური ემოცია...

ცოტა ხანს იყუჩეს. მერე პროფესორმა ჰკითხა:
- შენ ეს მითხარი, დევი არ ყოფილხარ არასდროს? ან ბაყბაყი, ან ისე... ცხრათავიანი!
ქართლოსმა გადაჭრით იუარა:
- აჰ, არა, დევი არ მახსენდება, ექიმო. ან კიდე, ნეტაი რაც მაბია, ამ ერთისთვის მიმახედია, რას დავეძებ ცხრა თავს. და ისა, ძალიანი გლახაა, სხვა რომ ვარ ხანდახან, ექიმო?
- შენ რა გითხარი, ქართლოს! ნაცარქექია და კომბლე რა სხვაა, ან რწყილი და ჭიანჭველა! ან ჩვენი ავთანდილ სპასუეტი! შენ ხარ ეგენიც, შენ! სიზმრის წესებით ასეა. ქვეცნობიერი, შეუცნობელი, მთელი ამბავი! ფროიდი, იუნგი, უაკ ლაკანი... ამაზე სხვა დროს ვილაპარაკოთ. შენ სიზმარი გააგრძელე ახლა. მიდიხარ, ესე იგი, მიდიხარ და...
- მივდივარ, ბატონო ექიმო, მივდივარ წინწინ და რალაცა გამოჩნდება ხელმარჯვნივ, ასე ორას მეტროში... სამასში იყოს, თუ გინდა. შავი!
- შავი?
- შავი, კი. ვუკვირდები ხან ასე, ხან ისე, და... ჩექმა დევს გზისპირას, ცალი! ხოდაბუნებია უკან ძვირფასი, ალაგ - ხეხილი კაი მოვლილი. ასე, მუხლამდე ჩექმაა. შავი. და იმ ვერანა ოქროს ტაროსი არ იყოს, იზრდება თანდათან ეს ჩექმა. სიმაღლეშიც იზრდება და სიმსხოშიც! გახდება ასე ჩემი მურთაზის კორპუსისხელა. მურთაზისთან ვარ ახლა. მანამდე მაგულისთან ვიყავი. მანამდე როლანდისთან...
- ჩექმა. - შეახსენა პროფესორმა.
- ჰოდა, მე რა ვიცი, ვისი რა არის, გავივლი ჩემი გზით, ვფიქრობ. ნავალ პირდაპირ, როგორც მქონდა გუმანში. და ვუჩქარებ ნაბიჯს. ჩქარა მინდა გავცდე რალაცაა. ეს ჩექმა კიდე, ჩემო ბატონო, იზრდება და იზრდება. მოისმის შიგნიდან უცნაური ხმები, ჩხაკუნი, გუგუნი, რახრახი...

თან, გეგონება, ზარებიც რეკენ ეკლესიაშიო... და უცებ, მიღრიალებს ვიღაც, რომე – ქართლოს, სდექ! მარჯვნისააააააა–კენ, ერთი–ორიიი! ჩექ-მისკენ ნააააბიჯით იარრრ! აც–დვააა, აცც–დვაა! ასე, ზუსტად.

– უხხხ! – მომუჭა თითები პროფესორმა და პუტკუნა მუშტი მაგიდას დაჰკრა.

– გამანებე, ვიღაცა ხარ, თავი, გამატარე ჩემი გზით, – ვუყვირი მე, მარა გაგიგონია?! ტკაც, ტკუც, ტკაც, ტკუც... – ნამოვა სეტყვასავით შავი ქლიავი და ლოღონაშო, მარა სიზმარში ვიცი, რო ტყვიაა, ქლიავი კი არა! ამ დროს განოლა უნდა მინაზე, რო არ მოგხვდეს და ვფიქრობ, გავწვები და ასე ხოხვით მაინც წავალ პირდაპირ, მტრის და მომხედურის ჯინაზე-მეთქი და მეღვიძება მაგ დროს, ექიმი!

ქართლოსმა ვალმოხდილად ამოისუნთქა და ექიმს შეაჩერდა მოსწავლესავით, გაკვეთილს რომ მოყვება და ნიშნის გამოცხადებას რომ ელის მასწავლებლისგან.

მაინც დაამატა:

– ა, ესაა ექიმი. ქვას არ ვსროულობ, მარა, ეს კი მჭირს ასე.

ექიმი დუმს. ფსიქიატრიულ მეცნიერებათა დოქტორი, პროფესორი ენრიკო გიშველიძე-უმ(ც)როსი დუმს. ფიქრობს არავინ უწყის რაზე.

ფანჯრის იქით კი... მარტს რალა უკლია! ოდნავ შეკვირტული ტოტი ერაკუნება მინას გარედან, თებერვლის ქარს ეთამაშება, მოლოდინებითაა სავსე, ცის სილურჯე უხარია...

– გასაგებია ყველაფერი, – ნალვლიანი ხმით ამბობს ბოლოს ექიმი, – ახლა მთავარი დარჩა.

– მთავარი?

– მთავარი.

– ნემსი უნდა გამიკეთონ?! – გადამტკნარდა ქართლოსი, რომელსაც ნემსის ძალიან, ძალიანი ეშინოდა.

– არა, – თქვა ექიმმა, – ახლა უნდა მითხრა, იქ... იმ პირდაპირ... რისკენ მიდიხარ. წინ რა არის. რა გეგულება...

უფფ. ამის თქმა იყო და დერეფნიდან ისეთი ტკბილი, ისეთი ტკბილზე ტკბილი იავნანა მოისმა, უკეთესს რას ინატრებდი!

და ქართლოსმა ხმადაბლა თქვა:

– თუ არ გამბანრავ და არსად გამომამწყვდევი, ვიტყვი.

– რას ქვია გაგბანრავ! ის კი არაა აქ!

– მთლად ისე ზუსტად კი არ ვიცი და კი არ მახსოვს, მაგრამ მაინც ვიცი და მაინც მახსოვს.

– რა დაბნეულად ლაპარაკობ, შე კაცო, – მოუთმენლობა დაეტყო ექიმს, – თქვი, თუ ამბობ, ჰე!

– უკვდავების წყარო მეგულება წინ, – ერთბაშად, რისკიანად ამოთქვა ქართლოსმა და გაჩუმდა.

ექიმი დუმს. ექიმი ენრიკო გიშველიძე-უმ(ც)როსი დუმს.

– არაფერს მეტყვი, ექიმი? – შეკვდიან ქართლოსი.

ხოლო ექიმი ფიქრში წასულად ამბობს:

– შენ არაფერს მეტყვი, ძამია ზიგმუნდ?

– ქართლოს... – ოდნავ ნაწყენად შეუსწორებს ქართლოსი.

– შენ არ გეუბნები, არა, – აწყნარებს ექიმი.

ქართლოსი დაბნეულად მიიხედ-მოიხედავს და დანამდვილებით რწმუნდება, რომ ოთახში მესამე არავინაა.

ხოლო ექიმი კითხვას სვამს. პროფესორი ენრიკო გიშველიძე-უმ(ც)როსი უტკბილესი იავნანის ფონზე სვამს კითხვას:

– „ინფორმატორ-ნიუსს“ კითხულობ, ხომ, ყოველდღიურს?

– კი. მოაქვს ხოლმე მურთაზის. მაგულიც ყიდულობდა ყოველდღე.

– თოქშოუ „გამოსავალს“ უყურებ ყოველკვირას, ხომ?

– კი, უყურებენ ხოლმე და მეც ვუყურებ.

– რადიოსაც უსმენ. „მამულიშვილის ხმას“.

– კი. მარტო როცა ვარ, ტელევიზორს არ ვრთავ და... მაგას ვუსმენ.

– და უკვდავების წყარო გინდა.

– სიზმარში, კი.

– და ცხადში? ცხადში არ გინდა, ძამია?

– ცხადში ახლა...

– გინდა! ცხადში რომ გინდა, იმიტომ გინდა სიზმარში!

– წავალ მე, ექიმი... – ნამოინია ქართლოსმა.

მაგრამ ექიმი, ფსიქიატრიულ მეცნიერებათა უდავოდ მელოტი დოქტორი, პროფესორი ენრიკო გიშველიძე-უმ(ც)როსი თეთრი ხალათის ზედა ღილს შეიხსნის და მგზნებარედ ამბობს:

– მეც მინდა! მეც ნეიტრალიტეტი მინდა! შვეიცარიასავით! მეც უკვდავების წყარო მეგულება იქ, ძამია!

– სად... – პირდაღებული შესცქერის ექიმს ქართლოსი.

– სად და იქ! პირდაპირ!

გარეთ, მორაკუნე გაკვირტულ ტოტზე ჩიტი შემოსკუპებულა და ცნობისმოყვარედ იმზირება აქ, შიგნით. იმან რა იცის, აქაურობა რა სევდა-დარდების ბუდეა... იმან რა იცის, აქ რა ნუგუმის ბარტყები იჩეკება ხოლმე, ან რა იმედის კვერცხები ლაყდება... ან ვინ რას სტვენს, ან ვინ რას ჭიკჭიკებს... ვინ რას ჩხავის, ვინ რას გალობს...

ფრრრრ! – და აიჭრა ცაში...

ვინ იცის, ხომ? – იქნებ გუგული იყო და გადაიფრინა...

პრომეთეს ცეცხლი

დილის რვა საათია. რვა მარტის დილის რვა საათი.

მე, სამსონ პირველი, შპს „ელექტრონიკა 88“-ის დაცვის სამსახურის უფროსი, ჩემს პატარა კაბინეტში ყავის დასალევად ვემზადები.

დაცვის ბიჭები – მკლავაძე და სირბილაძე ქვემოთ, კიბის უჯრედქვეშ მოწყობილ ოთახში ყრიან და სძინავთ.

ყავას დავლევ და ჩავალ, გავალვიძებ. ცხრის ზუსტად ოცდახუთ წუთზე დირექტორი მოვა. გრაფიკს არ დაარღვევს. არც რვა მარტის და არც მესამე მსოფლიო ომის მიზეზით. ხანდახან მგონია, რომ საქმე სინამდვილეში მისთვის უსაქმურობის ტოლფასია. საქმით უსაქმურობს, სხვა ყველაფერი ეზარება.

თავი მისკდება. საშინელი არაყი იყო. ეს რა მოათრიეს, საიდან მოათრიეს! მკლავაძემ, ჩემი სოფლის ჭაჭაო. მტყუანს?! სოფლის არა, სამოთხის ბაღის!

შევცდი. არ უნდა მიმეცა ამდენის უფლება ამ ლანირაკებისთვის. ბოლოს და ბოლოს, დაცვის სამსახურის უფროსი ვარ. მაგათი პირდაპირი უფროსი. უფროსი რომ ხარ, უფროსულად უნდა დაიჭიროო თავი. არ უნდა აინთხილო.

მკლავაძე ოცი წლისაა. სირბილაძე – ოცდასამის. მე – ორმოცდახუთის. ყველანაირად უფროსი ვარ. ასეც, ისეც.

შევცდი. ტფუი, ყავის მეტი ყველაფერია!

მეორედ ეს აღარ მოხდება. მორჩა. ახლა ჩავალ, გავალვიძებ და მკაცრად დაველაპარაკებ. მომინდომეს აქ ქალთა საერთაშორისო და ყირაზე გადასვლა!

...
მკლავაძის გოგო უფრო ეშხიანი იყო, ისე. ცალი თვალი ცოტათი გაურბოდა, მაგრამ უზღებოდა. ჩემი შეყვარებული რომ ყოფილიყო, ისეთი განცდა მექნებოდა, რომ ბოლომდე ჩემი არაა. ეს გაქცეული თვალი ცალი ფეხით გასაქცევად გამზადებულს ამსგავსებდა და საინტერესო იყო. ფხიზლად უნდა ყოფილიყავი. ვერ ვიტან, ქალი ისე რომ ჩაგაცქერდება, როგორც ბიოლოგი მიკროსკოპს. ვერ ვიტან, ქალი „სამუდამოდ შენი ვარ“ – ს რომ აწვება. ვითრგუნები.

სირბილაძის გოგო ლამის პეპელას ჰგავდა. რალაცნაირი გაძეხილი, ფართხუნა და ყავისფერი იყო.

მკლავაძის – ნაღდი ჭრელი პეპელა! არა, რა ეცვა, რა ეხურა და რა ეკეთა, აზრზე არ ვარ. ეგეთებს ვერ ვამჩნევ დიდად. მთლიანობაში მრჩება შთაბეჭდილება. მარტო წითელი პომადა მასხოვს ტუჩებზე. და საერთო ჯამში ჭრელ პეპელას რომ ჰგავდა, ეგ.

ის მეორე, სირბილაძის, – ცარიელი თვალები იყო. სხვა არაფერი დაგამახსოვრებოდა. არც ფეხი, არც წელი, რამე, რუმე... ქალი – თვალები, რა! და ლამის პეპელა.

მკლავაძის მორიგეობა არც იყო გუშინ. ისე მოვიდა, ნებაყოფლობით. სხვა წასასვლელი რომ არ გექნება კაცს, ისე.

ეტყობა, წინასწარ მოილაპარაკეს. იმან როგორ მკითხა, ჭრელმა პეპელამ? – „თქვენ არ გყავთ მეგობარი გოგონა, ბატონო სამსონ?“

თან „სონ“-ზე ტუჩები მოამრგვალა, გეგონება კოცნას ატანს სიტყვასო.

ჰ! მეგობარი გოგონა! მეგობარი გოგონების მეტი რა მყოლია!

მეგობარი გოგონა...

აუჰ, ნატულის დავურეკო ერთი, მივულოცო... რა ვაჩუქო ნატულის? თავის საყვარელ შოკოლადს ვუყიდი. ან სუნამოს. მეტი რა ვიცი, რა ვუყიდო.

წითელი პომადა? არა. არც წაისვამს და ცუდადაც გაუკვირდება. წითელი პომადის წამსმელი არ არის ნატული.

სირბილაძის გოგომ მაგრად დალია ისე. რაც მეტს სვამდა, თვალები მეტად უდიდებოდა.

დავლევ ამ ყავას და ჩავალ, გავალვიძებ ბიჭებს. სირბილაძეს სახლში გავუშვებ. მკლავაძემ გადაივლოს თავზე ცივი წყალი და როგორც უნდა, ისე იმორიგეოს.

ჰ! ჩვენო, ბაღში გავალთო და, რო დაბრუნდნენ, სადღა იყო წითელი პომადა. იკოცნავეს მაგრად, მეტი რა. რა ბევრი ის უნდა მაგას! ამოილო მერე პატარა სარკე, პომადა და წაიგლისა ისეც ტუჩებზე. თან სარკის ზემოდან ერთი გამოხედვა კი მტყორცნა. მტყორცნა ერთია და მე თუ არ ვუთვალთვალედი, რას დავინახავდი, მტყორცნა თუ არ მტყორცნა?


მეც არა მიშავს რა! ბატონო სამსონ არ გინდათ, უბრალოდ სამსონი დამიძახეთ-მეთქი, როგორ ვუთხარი? თქვენობით, თან. არადა, თვალებით ძალიანაც შენობით ლაპარაკზე რო ხართ უკვე...

უჰჰჰ... არაყიც ისეთი იყო... ტყვია!
მაგრად თუ არ შევახურე ახლა ესენი, ისე დამაჯდებიან თავზე, მოხედვას ვერ მოვასწრებ!
ტფუი, მოვიდა დირექტორი! არცაა ჯერ ცხრის ოცდახუთი...

...
– დილა მშვიდობის, ბატონო შოთა, – ვეუბნები, – დიახ, ლამემ მშვიდად ჩაიარა. დიახ. ისეთი არაფერი. ერთი-ორი პატარა ჩხუბი იყო გარეთ. წალაპარაკება. დიახ. არა. დიახ. დიახ. არა. კი ბატონო. ახლავე.

...
ყავის დალევაც ვერ მოვასწარი წესიერად. ჩავიდე, ჩავიდე, გავალვიძო ბიჭები, სანამ დროა.

...
სირბილაძე ნახეთ ერთი, რას ხვრინავს! ეს კიდეც, საერთოდ მოკვდა მგონი ეს! თან წითელი პომადა რო ამჩნევია! თან სად!



– დაცვა! დაცვა-მეთქი!
იშმუნებიან.

– დროზე ავდექით, აზრზე მოვედით, ყველა-
ნაირი კვალი გავაქრეთ და საქმეს მივხედეთ!
დაცვა-მეთქი!

წამოიზღაზნენ.

– სირბილაძე, სახლში. მკლავაძე, ეგ გაიხადე
დროზე, ეგ წითელპუპლებიანი და ფორმა ჩაიცვი,
ცვლაში ხარ უკვე! მოვიდა უკვე, რას მიყურებ!

გამოსვლას ვაპირებ, მაგრამ კართან ვტრიალ-
დები:

– და მეორედ ეს ბარდაგი არ მოხდება აქ.
გასაგებია?

ტკეპნით ვთქვი, რალაც და გაბოროტებული
ბებერივით.

კიბეზე ამოვდივარ და თავს ვიმართლებსა-
ვით: არა რა, ამათთან სირბილე არ შეიძლება,
ცოტა თუ არ უმკაცრე, ეგრევე დაკარგავ ავტო-
რიტეტს, არ ამართლებს სირბილე...

სირბილე. სირბილე... სირბილაძე...

ცხრას თხუთმეტი აკლია. ცხრაზე ნატულის
დავურეკავ. თორემ, ათის ხუთ წუთზე უკვე გვი-
ანი იქნება. უკვე გულნატკენი დამიხვდება.

„გული მატკინე“ ნატულის საყვარელი სიტყვე-
ბია. ამაზე მეტს არ გეტყვის, მაგრამ ამაზე მეტი
გერჩივნოს – თეფშების ლანალუნი და კაბების
ტენვა ჩემოდანში.

„გული მატკინე“ და მაგ დროს მგონია, რომ
ნატული არავის არ ჰგავს, ნატული შუშისაა,
გატყდება კიარადა, უცებ გასკდება, როგორც
ჭიქა სკდება ხოლმე ცხელი წყლისგან, გავარდება
ძირი და ჩემი ბრალი იქნება. მე ხომ ჩვეულებრივი
დაცვის უფროსი ვარ, ნატული კი – ლიტერატო-
რია, ფილოლოგიურ მეცნიერებათა ფერია და
ანგელოზი. და ცოლად თუ გამომყვა, იმიტომ კი
არა, რომ ის ბიჭი დავიჭირე, ჩანთა რომ წაართვა
ქუჩაში... დავენიე და ჩანთა საკუთარი ხელით მი-
ვაცემინე ნატულისთვის... არა, ნატული იმიტომ
გამომყვა ცოლად, რომ მერე კაფეში ვუთხარი,
ბავშვობაში ლექსებს ვწერდი ხოლმე-მეთქი...

ნატულიმ იმ ბიჭსაც, ჩანთის ქურდსაც ეს
სიტყვები უთხრა: „გული მატკინე“...

იქედან მოყოლებული, შუშის მგონია. ბრო-
ლის.

ნატული მეტისმეტად ძვირფასი შენაძენი გა-
მომადგა: რალაცნაირად, დაძაბულად მიყვარს.
თან მიყვარს და თან სულ მეშინია, არ გამიტყდეს.
მე ხომ მაინც, არ დავდექი პოეტი. დაცვის კუნ-
თებიანი და უხეში უფროსი დავდექი. მაინცადა-
მაინც, არ მეხერხება ბროლთან ურთიერთობა.

...

სახლის ნომერს ვკრეფ და იმავე წამს შიგა
ტელეფონი ზრიალებს. დირექტორია.

რატომღაც ფეხზე ვდგები. საერთოდ, როცა
მირეკავს, არ ვდგები ხოლმე ფეხზე, პირიქით,
სავარძელში კარგადაც მოვენწყობი ხოლმე და
ლამის მაგიდაზეც კი შემოვდებ ხოლმე ფეხებს,
რალაცას ვამტკიცებ ამით, მაგრამ ახლა ვდგები,
იმიტომ, რომ, გული მიგრძნობს, შარში ვარ.

– გისმენთ, ბატონო შოთა. დიას. არა. დიას.
სირბილაძე იყო წუხელ. არა. დიას. მკლავაძე ახლა

გამოცხადდა შესაცვლელად. მესმის. ახლავე.
დიას, ამოვყვები.

კიბეზე ჩავრბივარ.

– სირბილაძე, დირექტორთან! თმა გადაივარ-
ცხნე, რას ჰგავხარ. მასწონტქე! ტფუუუუუ, არყის
ქვაბი! აჰა, ეს კევი ჩაიდე პირში და ბევრი არ
ილაპარაკო. არ ლეჭო, ისე გედოს. მოხდა ალბათ,
რა ვიცი მე, რა მოხდა! დასახოცები მყავხართ
ორივე და პირველი მე ვარ დასახვრეტი.

...

დირექტორის კაბინეტში გყინავს რალაც
ძალა: მგონი ხმა. ან თვალები. სიტყვებიც, ყინუ-
ლებივით სცვივა პირიდან.

ისეთ დირექტორს რა სჯობს, კაცურად რომ
დაგაყრის, მაგრამ – რომ შეხურდები, კი არ
გაიყინები.

ეს – გყინავს.

მე და სირბილაძე გვერდიგვერდ ვდგავართ
და ყინულის სიტყვებს ვადნობთ ჩვენთვის.

– დარწმუნებულები ხართ, რომ ღამემ კარგად
ჩაიარა? – ცრის.

– დიას, – ერთხმად ვამბობთ. ახლა მეც სირ-
ბილაძის ტოლად ვგრძნობ თავს, ასაკითაც და
თანამდებობითაც. წამხდრები ვართ ბიჭები.

– ესე იგი, დანაკლისი არაფერია?

– ა.. არა...

– მე ასე არ ვფიქრობ. კარგად დაათვალიე-
რეთ.

გამოვდივართ და ვინყებთ დიდ დათვალიე-
რებას, დანაკლისის ძიებას.

...

სხვენიდან დავინყებთ. სარდაფამდე ჩავედით.
სანყობი, ყველაფერი, მე რა ვიცი, ადგილზეა.
სამჯერ ავედი ზევით.

– ადგილზეა, ბატონო შოთა, ყველაფერი. ვერ
მივაგენით დანაკლისს. მაგრამ მივაგენთ! – ვეუ-
ბნები, – ოლონდ პატარა მინიშნება გვინდა. ისე.
უმნიშვნელო. აქლემია, ნემსია, ტელევიზორია,
ლურსმანია...

შემოხედვა იცის, გეგონება, მიცვალებულმა
წამოინია და სილა გაგანწა. თვალები შუშის
უხდება, პირი – ძაფივით. თან ფითრდება.

– ერთხელაც დავივლით ყველაფერს, – ვეუ-
ბნები.

– რამდენჯერაც საჭირო იქნება, იმდენჯერ
დაივლით, – მეუბნება.

შენნი...

გამოვდივარ. ჰჰჰჰჰჰ, სხვა ჰაერია გარეთ.

ისევ თავიდან ვინყებთ: სხვენიდან სარდაფა-
მდე. გამათობლები, ვენტილატორები, ფენები,
მიქსერები, ჩოპერები, ტოსტერები... ჯანდაბა!
ადგილზეა ყველაფერი. ადგილზეა. თვლითაც
და თვალთაც.

ტფუიი, რვა მარტი! თორმეტი საათი მოსულა
უკვე. პირველი დანყებულა. ანი გინდ მიულოცე,
გინდ არა, ნატულის უკვე ნატკენი აქვს გული.

ვრეკავ. ნატული ყურმილს არ იღებს. მე თქვე-
ნი ქალთა საერთაშორისო ტვინის მონყობილობა
რა ვთქვი, რაა!

– შეფ, ბალი არ იმასგვიქნია, არ გვინახავს, –
მეუბნება უცებ მკლავაძე.

– მართალია, ეე! – უხარია სირბილადეს, – მარა ბაღში რა არი რო მოსაპარი?

– რავი.

– ნამოდით, ვნახოთ, – მივუძღვები წინ და გულნატკენი ნატულის აჩრდილს ზურგს ვაქცევ. ერთი ციცქნა ბალი გვაქვს უკანა მხრიდან. შუაში პატარა ფანტანი, ირგვლივ ბუჩქები, ბალახი. ტირიფი დგას ერთი და იმის ქვეშ ხის გრძელი სკამი. „მოურუმის“ გოგოები ზაფხულობით აქ აბოლოებენ ხოლმე.

ჰაჰ!

სამივე ვშეშდებით უცებ და პირდაღებულები დავცქერით პატარა, ახალნათხარ ორმოს.

თვალს ზევით ვაპარებთ, დირექტორის ფანჯრებისკენ.

...

კიბეზე ავრბივარ და კარს ფრთხილად ვაღებ.

– ბატონო შოთა, მივაკვლიეთ!

თავს ნელა წევს ქალაღებებიდან, კალმისტრიან ხელს ჰაერში აშეშებს და სფინქსივით მიყურებს.

– ყვავილია წაღებული. თავის ქოთინანა ამოთხრილი. მარტო ერთი ყვავილი, მეტი არაფერი. – ვამთავრებ ჩემს ანგარიშს.

– მარტო ერთი ყვავილი... – იმეორებს ნელა, ყინულებად.

– დიახ.

– მარტო ერთი ყვავილი?!!!!!!! – მოგუდულად ღრიალებს უცებ და კალმისტრიან ხელს მაგიდას ახეთქებს. კალმისტარი იატაკზე ვარდება. საფეთქლებში ტკივილივით მანვება აზრი, რომ უნდა მივანოდო. მაგრამ არ ვინძრევი. არ ვიმჩნევ კალმისტარს. ვფიქრობ სხვა რამეზე. იმაზე, რომ პირველად ვხედავ, კაცს ასე არ უხდებოდეს ღრიალი.

ერთბაშად წყნარდება და განონასნორებულად მეკითხება:

– რა გვარია დაცვა?

– სირბილადე, – ვეუბნები.

– მოხსნილია.

– ბატონო შოთა... ყვავილის გულისთვის...

– ცინერარია, სამსონ! მაგ ყვავილს ცინერარია ჰქვია.

– დიახ. ერთი ცინერარიის გულისთვის... დედა ჰყავს ავად...

– დღევანდელი დაცვა რა გვარია?

– მკლავადე.

– გაითვალისწინოს.

– დიახ.

– და თქვენც გაითვალისწინეთ, სამსონ.

გამოვდივარ და კიბის თავში, ღია ფანჯარასთან სიგარეტს ვუკიდებ. არადა სამი თვეა არ მომიწევია. ისე მიდევს ჯიბეში, თავისუფლებისთვის.

ვენევი და ვფიქრობ, როგორ ვუთხრა სირბილადეს. სამსახურის დაკარგვა როგორია... სირბილადის დედა ბიბლიოთეკარი იყო. შეამცირეს. ავადმყოფობს სულ. ჯანდაბა, როგორ ვუთხრა! სამსონ, – ვეუბნები საკუთარ თავს, – შენი ბრალია ყველაფერი, სირბილადეს თუ უშვებს, შენც თან უნდა მიყვებოდე.

ტფუუ, რა ქალი და რა შავი კატა! ეგეც ქალთა საერთაშორისო და წითელი პომადა!

რა ვქნა...

ვდგავარ, ვენევი დახარბებულად. მომნატრები ეს ნაგავი!

ბოლოს ქვევით ჩავდივარ.

სირბილადე ხაფანგში მოყოლილ კვერნას ჰგავს.

– რაო?

– გაგიშვა... – ვეუბნები .

– აუ-აუ-აუუუ ჩემიიი!! – შუბლში ხელისგული იტკიცა მკლავადემ, – ერთი ტილიანი ყვავილისთვის როგორ იმასაქნა, ამის დედა ვატირეე?! სირბილადე ხმას არ იღებს. უხმოდ იწყებს აბარგებას. ბურთი მეხირება ყელში.

– შენ ჩემთან შემოდი, არ წახვიდე ისე, – ვეუბნები.

ხუთ წუთში ამოდის.

– დაჯექი.

ჯდება.

– მოკლედ ასე: სანამ რამეს იშოვი, ჩემ ხელფასს შუაზე ვიყოფთ.

– შეფ, როგორ გე... – დგება ფეხზე.

– დაჯექი.

ჯდება.

– სანამ რამეს ნახავ-მეთქი. მეც გავიკითხავ. გამოჩნდება რამე. მანამდე ასე იყოს. ზუსტად შენი ხელფასი გამოდის ჩემი ხელფასის ნახევარი. დროებით. დედას არაფერი უთხრა. ადექი და კვირაში სამჯერ სადმე დარჩი ღამე. იმ შენს გოგოსთან. ან უკეთესს გეტყვი – უთხარი, დღის ცვლაში გადამიყვანეს-თქო და იბოდიალე...

– შეფ...

– მოკლედ, ოცდახუთში შენს ხელფასს მკლავადეს გამოვატან. მორჩა. ეს მინდოდა მეთქვა.

– შეფ...

– არ გვინდა ახლა მადლობები და ქალთა საერთაშორისოები. მიდი, მიდი, დროზე.

...

უჰჰ...

...

ერთ ღერს ჩემთვის, სინყნარეში ვენევი და მერე ყურმილს ვიღებ. ნატულისთან დარეკვას ვაპირებ.

და ისევე შიდა ტელეფონი ზმუის. ისევ ისაა.

– დიახ, ბატონო შოთა.

– სამსონ, პოლიცია გამოიძახეთ და საქმე აღძარი.

– ყვავილზე, ბატონო შოთა??

– ცინერარია, სამსონ. ცი-ნე-რა-რი-ა! – მიცრის და ყურმილს დებს.

ჯერ პოლიციაში დავრეკო თუ ჯერ ნატულისთან? ნატულისთან ვრეკავ. „ტუუუუ, ტუუუუ“... აიღე რა, ნატული!

და უცებ შიდა ტელეფონი ზრიალებს ისევ.

ნატულიანი ყურმილი მარცხენა ხელში გადამაქვს და მარჯვენათი შიდას ვიღებ.

– ალო, სამსონ, – დირექტორია, – ეს რა ბოიკოტია აქ?!

– რა ბოიკოტი, ბატონო შოთა...

„ალო, ალო! გისმენთ, ალო!“ – ყრუ წრიპინად



მომესმის მარცხენა ხელში გაშეშებული ყურმილიდან ნატულის ხმა.

– ამოდით ჩემთან.
– დიახ. ახლავე. – შიდა ტელეფონს ვდებ, საქალაქო კი უკვე გათიშულია. „ტუუუუუუუ“... ზუმერი მდინარესავით ჩამოდის ჩემსა და ნატულის შორის.

არა უშავს. მერე ყველაფერს ავეხსნი.

...
დირექტორის კაბინეტში მკლავაძე მხვდება. დგას – ორმეტრიანი, დაკუნთული და მლელვარე. – რა ხდება? – ვსვამ კითხვას.

– ეს ხდება, – დირექტორი ფურცელს მანვდის. ზედ გაბრაზებული ოროსნის ხელწერით წერია:

„გამანთავისუფლეთ სამუშაოდან ჩემი სურვილით. დაცვა თემური მკლავაძე“.

– ეს რა არის? – ვეკითხები თემური მკლავაძეს, დაცვას. თუმცა კარგად ვიცი, რაც არის. კაცობა არის.

– ვერ დავრჩები, შეფ.

– დარჩები, – ეუბნება დირექტორი, – იქამდე დარჩები, სანამ მე არ გაგათავისუფლებ, თუ შენს ცვლაშიც დაიკარგება რამე.

– ერთი წუთით, ბატონო შოთა, ცალკე დავლაპარაკებ.

მკლავაძე გარეთ გამყავს და კიბის თავში, ფანჯარასთან ვდგებით.

– მესმის შენი, მკლავაძე, – ვეუბნები, – ოღონდ, საიდუმლოდ გეტყვი, სირბილაძე უხელფასოდ არ დარჩენილა. დაწყნარდი.

– ანუ ეს რანაირად, შეფ?..

– ქვევით ჩადი და საქმეს მიხედე. მორჩა.

მკლავაძე ქვევით ჩადის. მე დირექტორთან შევედივარ, მკლავაძის განცხადებას ვართმევ და მუჭში ვიჭმუჭნი.

– ძალიან კარგი, სამსონ. ახლა პოლიცია გამოიძახეთ და ძარცვაზე საქმე აღძარი. თავისუფალი ხართ.

...
ბოლოს და ბოლოს სახლის ნომერს ვკრეფ.

– ალო, – ნატულის ხმა უფრო შეშფოთებულობას გამოხატავს, ვიდრე გულნატკენობას. ნატულის ხმა აშკარად მიმანიშნებს იმაზე, რომ მას, ნატულის, ქალთა საერთაშორისო დღის დარდი აღარ აქვს უკვე. ნატულის აღარ ეზეიმება, ის შეშფოთებულია. მას ჩემი დარდი აქვს.

– სამსონ, რა მოხდა?! წელან რატომ არ დამელაპარაკე? იმის მერე სულ ვრეკავ. სამსონ, ხომ კარგად ხარ? მობილურიც გათიშული გაქვს.

– ნატული, – ვეუბნები, – ჩემო ნატული... შენ გულნატკენი არ ხარ? უკვე ხომ რომელი საათია და რვა მარტი ვერ მოგილოცე. ქალთა საერთაშორისო.

– რა დროს რვა მარტია, სამსონ! უკვე ვიცვამდი და მოვდიოდი. ხომ კარგად ხარ? მითხარი.

– კი, კარგად ვარ. მერე მოგიყვები ყველაფერს.

– ხომ მშვიდობაა?

– კი, კი.

– მაღლობა ღმერთს. რალა არ ვიფიქრე. მე-

გონა, თავს დაგესხნენ. ძარცვა და გაკოჭილი ზისარ. პირზე სკოჩი...

– ნატული, ეგ სულ შენი სერიალტელის პრინციპია რვა მარტს გილოცავ.

– გმადლობ. კექსი გამოვაცხვე ჩაისთვის.

– გკოცნი.

...
სავარძელში გადაწოლილი ვზივარ, ვფიქრობ და პოლიციაც მოდის.

– წაღებული რა არის?

– ყვავილი, – ვეუბნები.

– ვერ გავიგე? – კალამომარჯვებული, ფურცელზე თავდახრილი ინსპექტორი მარტო თვალებს წევს მალლა და მიყურებს წარბებანეული.

– ცინერარია.

– რა ცინერარია.

– ყვავილი.

ინსპექტორი კალამს ქალღმერთს დებს, სკამზე თავისუფლად ჯდება, ფეხს ფეხზე იდებს და მეკითხება;

– წითელი თუ ყვითელი? თუ ლურჯი?

– თეთრი, წითელი არშიებით, – ვეუბნები.

– აჰა. და... ვაზიდან ამოიღეს თუ პიჯაკის ჯიბეში გქონდა გარჭობილი?

– ქოთიანა ამოთხარეს ბალში.

– გიყვართ ხომ ყვავილები? – გესლიანად მიღიმის.

– მე არა. დირექტორს. ამბობს, ყვავილის და აქლემის ქურდი ორივე ქურდიაო. და ტელევიზორის.

– სადღაც სწორია. მაგრამ ყვავილზე საქმეს ვერ აღვძრავ. ვერ კი არა – არ. უბრალოდ ჩავინიშნავ აქ ჩემთვის. თუ განმეორდა – მირეკავ.

– კარგი.

– იცი რა, წუხელ ერთი მტკვარში გადახტა, ორი – ანძაზე აძვრა და მღეროდა იქ, ოთხმა ლამის აკუნა ერთმანეთი, იქით ბანკს დაეცნენ, აქეთ სუპერმარკეტის დარაჯი გასკოჩეს... ერთმაც ცოლს ტელევიზორი ესროლა ეჭვიანობის ნიადაგზე. სერიალის კაცზე იეჭვიანა. ღამე კი არა, საგიჟეთი იყო.

– მესმის.

– არ გვცალია ყვავილებისთვის.

– მესმის.

– იმას უთხარი, შენს დირექტორს, აღვძარი-თქო.

– ეგრე ვიზამ.

ინსპექტორი მიდის. დირექტორი უკვე წასულია. მკლავაძე დაძმარებული ზის ფოიეში და დასიცხული კამეჩივით იმზირება.

– თუ რამეა, მირეკავ და ეგრევე აქ ვარ, – ვეუბნები მკლავაძეს, გარეთ გამოვდივარ და მანქანაში ვჯდები.

ნატულისთვის მის საყვარელ, ეიფელისკოშკიან ფრანგულ შოკოლადს ვყიდულობ.

დაღლილი ვარ.

...

ნატული ჩემ პირდაპირ ზის და დედასავით მიყურებს. თავს პატარა ბიჭად ვგრძნობ.

ერთხელ, დიდი ხნის წინ, ზუსტად ასე ვისხედით ნამცხვრიანი ლანგრის გაღმა-გამოღმა მე და

დედაჩემი. მე ის-ის იყო, აბურდულ-დაბურდულად ვუამბე, როგორ გავერთე გუნდაობით და როგორ მომპარა ამასობაში ვილაცამ ციგა. მრცხვენოდა, ასეთი ბოთე რომ გამოვჩნდი. ციგაზე მეტად ეს მადარდებდა. სიმნრით მომუშტულ ხელებს მაგიდის ქვეშ ვმალავდი. მაშინ დედამ თქვა:

– არ არსებობს სამალავი, რომელშიც ქურდი დამალება.

და კიდევ დედამ თქვა:
– შენ კარგად მოქცეულხარ, რომ არავის არაფერი უთხარი. დაბრალება ძალიან ცუდია. საშინელებაა დაბრალება, სამსონ.

ახლა ნამცხვრის გაღმა-გამოღმა მე და ნატული ვსხედვართ და ნატული ამბობს:

– მეცოდება ქურდები...
და კიდევ ნატული ამბობს:

– შენ ძალიან კარგად მოქცეულხარ. საწყალ ბიჭს დედა ავად ჰყოლია... მაგრამ მაინც, როგორ ვერ გაიგეთ ვერც ერთმა ვერაფერი?

– არ ვიცი...
– კიდევ ჭამე ნამცხვარი. და ჩემი სერიალიც იწყება.

– იცი, ნუხელ ვილაც კაცს ცოლისთვის ტელევიზორი უსვრია. ეჭვიანობის ნიადაგზე. რომელი-ღაც სერიალის კაცზე უეჭვიანია.

– ალბათ, ხოსე დიეგოზე, – ამბობს ნატული. გვეცინება.

და უცებ თავი ღრმად მოხუცებული მეჩვენება. ნატულიც – თმათეთრ, მოფამფალებულ დედაბრად. ორი მოხუცი უკბილო ხუმრობაზე უკბილოდ იცინის... ორი ტკბილი ერთფეროვნებით ერთმანეთს შებერებული ადამიანი როგორც ხავსს, ისე ებლაუჭება სიცილის ჩვევას...

„იყო და არა იყო რა, იყო ერთი მოხუცი, უშვილო ცოლ-ქმარი“...

ორი ჩიფჩიფა, მყუდრო მოხუცი.

– არა, აღარ გადმომიღო, აღარ მინდა.
– ნავედი მაშინ, იწყება უკვე.
– მე აივანზე გავალ, მოვწევ.
– სამსონ...

– დღეს მოვწიე. არა უშავს, ისევ გადავაგდებ.

– გული მატკინე... – მიღიმის ნატული, მაგრამ აღარ აგრძელებს თემას. სერიალის დროა. ერთი ნაჭერი კექსი თეფშით ტელევიზორისკენ მიაქვს. სადღაც, მესმის იმ კაცის, ტელევიზორის მტყორცნელის. ოღონდ არა ეჭვიანობის განხრით.

აივანზე გავდივარ, სიგარეტს ვუკიდებ და ქუჩას პატიმარვით ხარბად გადავცქერი. გეგონება, დიდი ხნის უნახავია, ისე.

ქუჩა სავსეა ყვავილებიანი გოგოებით. ძირითადად ყოჩივარდები, იები, ნარცისები, მიმოზა...

ეს ფეხით მოსეირნე გოგონების წილი ქალთა საერთაშორისოა. მანქანებში რა ხდება, არ ვიცი, ვერ ვხედავ. შესაძლოა, უკანა სავარძელზე ვარდები მიწოლილა, რა ვიცი...

უცნაურად ვარ აფორიაქებული. მინდა სასწრაფოდ დავივინყო ეს კადრი – დაბერებული მე და დაბერებული ნატული, ორი გალუული მოხუცი, ორი უფესვო, წერტილდასმული სიცოცხლე, სულ სხვანაირად, უგემურად, დაუნანებლად წარმავალი...

ვდგავარ აივანზე, თავიდან ვერ ვიშორებ ამ კადრს, პირში ნატულის კექსის სიმწარედ ქცეულ სიტკბოს ვგრძნობ, გულში – ნატულის ბრაზიან სიბრაღულად ქცეულ სიყვარულს, ტვინში კი სამარცხვინო, უზნეო ამბოხს, რომელიც მინდა ჩავაქრო, როგორც ანთებული სიგარეტი წყალში, ონკანქვეშ, სწრაფად, შიშხინით... მაგრამ ვერ ვაქრობ.

ქალებს ვათვალთვლებ ქუჩაში, გოგოებს. მალლებს, დაბლებს, მსუქნებს, გამხდრებს... ყველანაირებს! და ყველა ნატულიზე საინტერესო მეჩვენება. მიუნვდომელი და საინტერესო.

თავში რევოლუცია მიტრიალდება: არა, რატომ ჩავიბეჭდე თავში, რომ არ უნდა ვულატო?!!

აი, გუშინ ღამით მესამე გოგოც რომ ყოფილიყო, რა ვითომ? აი რა?!! პენსიაზე გასულ, ჩამონერილ მონმესავით კი არ ვიჯდებოდი მაშინ! გავიყვანდი გარეთ, როგორც მკლავაქემის, სიტყვაზე, დირექტორის კაბინეტში, იმ შავი ტყავის ტახტზე, ან დირექტორის მოსაცდელში, შინდისფერი ტყავის ტახტზე! დამემჩნეოდა მეც წითელი პომადა სადმე, უადგილო ადგილას... რა, მერე?!! ისეთი რა კრიმინალი და სინდისის სასამართლო იქნებოდა? ნატული არც კი ეჭვიანობს ჩემზე. არც კი უშვებს ამ აზრს ფანტაზიებში! ნატულისთვის იგივე ვარ, რაც საკუთარი ხელი, ფეხი, ცხვირი...

საშინელ ხასიათზე ვარ. ვერ ვხვდები რა მეტაკა, რამ ამამღვრია, რამ ამაშარა.

უცებ ვხვდები, რომ ნატულის დანახვა არ მინდა. ოთახში შესვლაც არ მინდა. მინდა აივანიდანვე ავორთქლდე! მინდა ნატულის კექსის გემოც გავიქრო და სიგარეტის კვამლს ვიგუბებ პირში. აქედანვე, ამ აივანიდანვე მინდა გადახტომა, თავით გადაშვება რამე ახალში ან დავინწყებულში და საკუთარი ნებით აკრძალულში.

ერთფეროვნების და ნეტარი სიმყუდროვის პატიმარი ვარ. ნატულის მოთვინიერებული, ნატულის განვრთნილი მხეცი ვარ. მხეცის რალა შემრჩენია?! არაფერი! ლომიდან და ვეფხვიდან ოთახის ფინიად გადამაქცია! აღარც ნადირობის სურვილი, აღარც კლდე-ღრე ხეტიალი, დაუთვლელი დრო, გაუზომელი სივრცე... წრეზე დავდივარ. წრეზე მორბენალი, გამოლენჩებული ულავი! რგოლებში მოხტუნავე ლომი! პირში შაქარი, სამსონი აქ არი! კიდევ შაქარი, – სამსონი აქ არი!

არა, არ უნდა იყოს ქალი უნაკლო! უნაკლობა ქალისთვის ყველაზე საშინელი და მოსაწყენი ნაკლია! ამიტომაც ვარ ჭაობში. ნატულის უნაკლობის ჭაობში ვარ კისრამდე ჩამხრჩვალნი და ასე ამომხდება სული.

ნატული იმდენად დარწმუნებულია საკუთარ უნაკლობაში, რომ ბებრული ფაჩუჩების ჩაცმის უფლებასაც კი აძლევს თავს. ნატულის უკვე აცვია ბებრული ფაჩუჩები. მარტო დაბერებულა აკლია. ეგეც იქნება! იქნება, სად წავა, მოვა!

სათქმელი ისე მომანვა ყელში, თითქოს შუა ზღვაში ჩამაგდეს და ვიღრჩობი. ყელში მომდგარ სიტყვებად ქცეული ფიქრები სულს მიხუთავს.



მოულოდნელ ღვარცოფად მოვარდნილი დაუნ-

დობელი სიტყვები მშხამავს, ტვინს მირევს.

და უჰჰჰჰ, ზარი! მკლავაძეა.

– რა ხდება მკლავაძე, რა პრობლემაა?

მინდა კიდეც, რომ რამე ხდებოდეს, რომ პრო-

ბლემა იყოს.

– შეფ, ანუ... კიდე წაიღეს ყვავილი. ანუ მეორე ცალი, – ბლუკუნებს მკლავაძე, – ისევ ისე იმასა-

ქნეს, ქოთინანა.

ოთახში შემოვდივარ, ქურთუკს ხელს ვავლებ და ტელევიზორის მიმართულებით ტყვიასავით ვისვრი:

– ნატული, გავრბივარ, სასწრაფო გამოძახე-

ბაა! არ ადგე, იყავი!

კარს ვიჯახუნებ და კიბეზე ვეშვები.

ზუსტად ვიცი, ნატული მაინც ადგება, ნატული ახლა ფანჯარასთან მივა და თვალს მომადევნებს, ნატული ელის, რომ ავიხედავ. ელის, რომ მიუხედავად სასწრაფო გამოძახებისა, რიტუალი მაინც აღსრულდება: მე მაინც ავხედავ და ხელს გავუქნევ. ნატულისთვის არ არსებობს გამო-
ნაკლისები.

მაგრამ არა. მე არ ავხედავ. ნატულის, რა თქმა უნდა, გული ეტკინება, მაგრამ მე ვამსხვრევ რიტუალს! მე ვანგრევ ტრადიციას! და სიამოვნებით ვტკენ გულს.

ისიც საკმარისია, რომ ნატული არასდროს წაისვამს წითელ პომადას! ნატული არასდროს შეიფერადებს დახვეწილად უფერულ ტუჩებს და არასდროს შემიფერადებს დახვეწილ ერთფეროვნებას, რომელიც სიკვდილამდე აღმითქვა.

არა. არ ავიხედავ! თუმცა არც კი უნდა ვიოცნებო, რომ ნატული ამის გამო გაბუტული დამხვდება და ისტერიკას ამიგორებს. არა. ნატული ამას გაგებით მოეკიდება. იმიტომ, რომ უნაკლოა. წვიმს.

მკლავაძის ზარი რომ არა, სიამოვნებით წავიდოდი ფეხით, სიამოვნებით დავსველდებოდი და ფეხებზეც სიამოვნებით დავიკიდებდი, შარვალი ტალახიანი შხეფებით თუ გამიოხრდებოდა. უნაკლო ქალები ჭკუას კარგავენ ქმრების ტალახიანი შარვლების მონესრიგებაზე.

ჯანდაბა! ციხიდან გამოქცეულივით ვარ. ეგრეა მერე! ციხეა ეგეთი ქალი, ეგეთი უნაკლო და დახვეწილი!

მანქანას ცოტა ხნით ვაჩერებ და გამვლელებს ვათვალიერებ.

აგე, მოდის, ძმაო, ოჯახი, – კაცი, ქალი, ბავშვი და თეთრი ლეკვი. ყველას თავისი ადგილი აქვს ცხოვრებაში. მე სამივე ვარ ნატულისთვის: ქმარიც, შვილიც და ლეკვიც!

თან სინდისი მიტევს: შეჩემისა, შენა, რა ყველაფერს ერთბაშად მიხვდი, რა კოლუმბმა რო ამერიკა, ეგრე აღმოაჩინე უცებ ყველაფერი! – შუქნიშანზე ვერდები, – გაეყრები ბოლობოლო, არის გამოსავალი და დაწყნარდი, ეეე!

გაყრა!

ამ სიტყვის და ამ გამოსავლის არსებობამ ერთბაშად დამაწყნარა. როგორც ავადმყოფი – ჯიბეში მოყურებულმა ნამალმა.

ღრმად ამოვისუნთქე და ვილაც მოვლევებთან გოგოს გავუღიმე.

...

მკლავაძე მეორე ახალნათხარ ორმოსთან ჩაცუცქულა და ისე ტრაგიკულად ჩასცქერის მინას, როგორც საყვარლის საფლავს.

– ბიჭო, შენ... – დავინყე. გრძელი და სასტიკი საყვედური მიწოდდა მეთქვა, მაგრამ გავჩუმდი, ხელი ჩავიქნიე და სიგარეტს მოვუკიდე.

– შეფ, ეგ მესამეზეც გამოვია, იმნაირი ისა აქვს...

– იმნაირი ისა აქვს! რა იმნაირი ის, მკლავაძე, თვალები სად გქონდა, მითხარი!

– შეფ, ტუალეტში არ გავსულიყავი, მაგის დედა ვატირე? – თავი ჩაქინდრა და კისრის სრესას მოჰყვა. – მოხსნილი ვარ, რალად უნდა მაგას ბევრი ის...

ვდუმვარ. მეც ასე ვფიქრობ.

– სირბილაძე თუ იმასაქნა, მე რა ისა ვარ... – აგრძელებს. უნდა ბიჭს, რომ ვანუგემო, მაგრამ ვერ მინუგეშვებია.

უცებ თავში დიდებული აზრი მომდის.

– მკლავაძე!

– რა არი, შეფ...

– ვიყიდოთ და ჩავრგოთ.

– აუუუუუუ!!!

– რაო, რა თქვა, რა ქვიაო?

– რალაცნაირი ის იყო, შეფ... ლამაზი ქალის სახელივით...

– მკლავაძე, მოკლედ, სულ ლამაზი ქალები გელანდება შენ!

– ჰეეე, – მკლავაძე ქოჩორს იტკეპნის ტორით.

– ეკა ხომ არ ერქვა ან მაკა?

– ჰეეე, – იცინის, – ფლუცინაციაო თუ რავი, რალაც ეგეთი იყო, შეფ.

– სწორია. ეგეთი იყო რალაც, მაგრამ ვერ ვიხსენებ. მიდი, მობილურით ფოტო გადაუღე დროზე.

– ვის, შეფ...

– ყვავილს, მკლავაძე, ბებიაშენს ხო არა. გადაუღე და გავარდი. დაიცა. აჰა, ფული. ეს ხომ ლურჯია, ისინი – ერთი წითელი იყო, მეორე – თეთრი წითელი არშიებით. ჩვენს ბუკლეტში ვნახე. არ გინდა საერთოდ ეს მობილურის ფოტო. ბუკლეტი ანახე. ქოთნებსაც მიაქციე ყურადღება. ესეთი იყოს. მიდი, გავარდი. ყვავილების მალაზიებით დაინყე, გაიკითხე, გამოიკითხე...

– აუუ, სანამ არ იმასავქნი, არ მოვეშვები, შეფ!

– მიდი!

გასასვლელამდე მივყვები. მკლავაძე მონადინებულად მიძუნძულებს. ყვავილებიანი ქალები დაპაკუნობენ აქეთ-იქით.

ქალები...

მკლავაძის წითელპომადიანი დამეხატა. მკლავაძის ფლუცინაცია! მეცინება. ქუჩას გავცქერი ისევ. ქუჩა სავსეა ბედნიერი, გამოცოცხლებული ფლუცინაციებით!

სალამოსკენ ქუჩებიდან სუფრებთან გადაინაცვლებენ... რესტორნებში შეიყუჩებიან, ჩადნებიან, ჩატკებებიან... აინევა ელეგანტური „ჩვენს ულამაზეს ფლუცინაციებს გაუმარჯოს!“...

ერთ დროს ნატულიც იყო ჩემი ფლუცინაცია!
ცოტა ხნით. სანამ პაემნების და თაფლობის დრო
გაივლიდა. წითელი პომადა არც მაშინ წაუსვამს
ტუჩებზე, მაგრამ არც ასე გაცრეცილი ყოფილა,
ასე უფერო და უსუნო...

ახლა ნატული ნატულია.
ქუჩას თვალი მოვაშორე, ვესტიბიული გადა-
ვიარე, გზად სიგარეტი ამოვაცოცე კოლოფიდან
და ბალს მივაშურე.

მკლავაძე რეკავს.
- შეფ, ამას რქმევია ცინერარია.
- ჰო, სწორია. მერე?
- ესენი ყოფილა სუ ფერადფერადები. ლურ-
ჯები თეთრი გულით, ვარდისფერები, ლურჯე-
ბი, იასამნისფერები თეთრი არშიით, თეთრები
ვარდის...

- მკლავაძე, ჩვენ რომ გვინდა, ისეთი თუ არის?
- არა, შეფ. ანუ თეთრები წითელი არშიით და
წითლები თეთრი...

- მკლავაძე, ნუ დამალავ. ეძებე. ეძებე!

- დიახ, შეფ. ბაზრობაზეც იმასავექნი...

მობილურს ჯიბეში ვიდებ, ბალში გავდივარ
და უცებ ვშეშდები!

ჩემი საკუთარი ორი თვალით ვხედავ ყვავი-
ლების ქურდს! ბალში ჩაცუცქულა და თხუნელა-
სავით თხრის მესამე ქოთანს!

პატარა, შვიდი-რვა წლის ბიჭია. ერთი მუჭაა
ასე ჩაცუცქული. კომბოსტოსთან მიმჯდარ
ბაჭიას ჰგავს. რუხი სვიტერი აცვია, იდაყვებთან
აქაჩული. ხერხემალი და მალეები ამოხაზულა
ქსოვილზე. თხრის. გამალებით თხრის პატარა
თხუნელა. დროდადრო აქეთ-იქით იყურება
ნაჩქარევად.

უკნიდან ფრთხილად გუახლოვდები და მხარ-
ზე ვადებ ხელს.

არ ინძრევა. არც გაქცევას ცდილობს. არც
უკან იხედება. ხელებს იფერთხავს და გაჩხიკული
თითებიდან მიწის მოშორებას იწყებს.

მაგრად ვიბნევი. მაგრად ვიბნევი მე, სამსონ
პირველი, რომელსაც იატაკზეც დამიკრავს შეიარ-
ღებული მძარცველი, ხიდიდანაც გადავშვე-
ბულვარ მტკვარში კაცის გადასარჩენად, ლამის
მთანმინდამდეც მირბენია და მაინც დამიჭერია
ქურდი, და რა ვიცი, არც ტყვია დამკლებია და
არც ინდურ ფილმებში რომაა ხოლმე, ისეთი
ბათქაბუთქი.

მაგრად ვიბნევი. ბიჭს ხელს ვუშვებ, რა-
ტომღაც შარვლის ფერთხვას ვინცებ ხელიგულით
და ისე ვამბობ:

- ესე იგი, შენ ხარ.
ამაზე იდიოტური რა უნდა მეთქვა!

ბიჭი ხმას არ იღებს. წამოდგა და ისევ მიწას
იშორებს თითებიდან. ხისგან გამოჩორკნილ
თოჯინას ჰგავს. ბურატინოების და პინოქიოების
ჯიშისაა მოკლედ. ტუჩები ისე აქვს მოკუმული,
ვიცი, ძნელად გახსნის.

- მე აქაურობის დაცვის უფროსი ვარ. სამსონი
მქვია. შენი სახელი? - ვეკითხები.

თავს ოდნავ წევს მალლა, წარბებსქვეშიდან
შემაღლებს თვალს და ისევ თითებს უბრუნდება.

- სახელი არ დაგარქვეს დედამ და მამამ?

ჰოჰოჰო, რა მზერა მესროლა? ტყვიაზე უა-
რესი!

- კარგი, - ვეუბნები, - თუ არ გინდა, ნუ მეტყ-
ვი. სახელს არ აქვს გადამწყვეტი მნიშვნელობა.
წამომყვი. უნდა ვილაპარაკოთ. წამოდი, წამო-
დი. ჩემს კაბინეტში მიმყავხარ.

...

ჩემი კაბინეტი მარტის ნაშუადღევ მზეს
ისე გაუნათებია, ოქროსფერი წყლით სავსე
აკვარიუმი გეგონება. ჩვენ - მე და ჩემი პატარა
კრიმინალი, შევეცურდით შიდ და ვართ ახლა
ორი ოქროსფერი თევზი, ერთი დიდი, მეორე -
ლიფსიტა.

- მისმინე, - ვეუბნები, - არც პოლიციას
ვურეკავ, არც ვინმეს რამეს ვეტყვი, მხოლოდ
დავსხდეთ და კაცურად ვილაპარაკოთ. კაცურად.
როგორც ორმა კაცმა. რატომ წაილე ყვავილე-
ბი? იცი, რომ ერთი დაცვის ბიჭი სამსახურიდან
გაუშვეს იმ პირველი ყვავილის გამო? არადა,
დედა ჰყავს ავად.

ბიჭმა ტუჩები უფრო მაგრად მოკუმა.

- მეორე ყვავილისთვის მეორე ბიჭს გააგდე-
ბენ სამსახურიდან. ეს მესამე რომ წაგელო, მეც
ზედ მიმყოლებდნენ. მეც გამაგდებდნენ.

- ცუდი დაცვა ხარ, - თქვა ბიჭმა.

- მე? მე ვარ ცუდი დაცვა?? იცი რას გეტყ-
ვი?! ორი შეიარაღებული ყაჩაღი დამიჭერია! -
წამოვენთე, მაგრამ მაშინვე ჩავცხრი და ვკითხე:

- ბალში საიდან შემოხვედი?

- კუთხეში ორი რკინა როა, იმაში ვეტყვი, -
ამბობს ბიჭი, - ერთი ცოტათი გალუნულია.

- ყვავილები სად წაილე?

- დედაჩემს წავუღე. იმიტომ რომ რვა მარტს
წესია ყვავილების მიტანა.

- გასაგებია. ოღონდ არავის უთქვამს, რომ
მოპარული ყვავილების მიტანაა წესი.

ხმას არ იღებს.

- რა გქვია?

- რეზო.

- რეზო. რეზიკო. რევაზი. კარგი სახელია.

- ჩვენ ეზოში რო მამუკაა, იმან ორჯერ რეზი-
ნა დამიძახა. ჩემზე დიდია.

- რეზინა როგორ დაგიძახა!

- ველოსიპედის ბორბლები დაუწრუტე. და
თავისი ოთახის ფანჯარა ჩავუტეხე... და მუშტით
კბილიც ჩავუმტვრეი.

- შენ რა კაცი ყოფილხარ, - ვეუბნები, - სხვისი
ფანჯარების და სხვისი კბილების მტვრევა რა
წესია! მამაშენმა იცის ეგ ამბავი?

- არ იცის.

- მერე, რომ გაიგოს? იმ მამუკამ რომ უთხრას?

- ვერ ეტყვის.

- მე რომ ავდგე და ვუთხრა?

ისე შემომხედა, თავი უკანასკნელ დამსმენად
და ჩამშვებად ვიგრძენი.

- არა, მე კი არ ვეტყვი, მაგრამ ისე გეუბნები...

არა რა, უცნაური დღეა!

- მაინც ვერ ეტყვი. იმიტომ, რომ მამაჩემი
მოკლეს. ყაზახეთში.

უფფფფფ!!...

- ცუდი ამბავია. ვწუხვარ.



ცოტა ხანს ჩუმად ვართ.
 – და შეიარაღებულები რითი იყვნენ? – მე-კითხება.
 – ვინ? – აზრზე ვერ მოვდივარ უცებ.
 – ის ყაჩაღები. დანებით თუ პისტოლეტებით?
 – პისტოლეტებით.
 – მერე როგორ მოერიე?
 – ასეთ დროს ყველაფერი სისწრაფეზეა დამოკიდებული, – ვეუბნები.
 ბიჭი დინჯად მიქნევს თავს, დიდი კაცივით.
 მზე უფრო ჩაითაფლა, ჩაქარვისფერდა, ბიჭის ნაბლისფერ, აბურდულ თმაში აბზინდა... ოქროსფერი შუქი უფრო ჩამუქდა, უფრო ჩაღდა ჩემს სოროში. ორი თავი მოვყურებულვართ შიგ. მე – კატებთან და ადამიანებთან ურთიერთობაში გამოცდილი, სათაგურებისაც კარგად მცოდნე ბებერი თავი და ესეც – პატარა წრუნუნა, გამოუცდელი ბიჭისგან და უვიცობისგან გაბედული.
 – მისმინე, – ვეუბნები, – ახლა, აი, რას ვაკეთებთ: ვსხდებით ჩემს მანქანაში, მიგყავარ დედასთან და ვეუბნებით სიმართლეს. მე რაც შემეძლება, წაგეშვებები (თვალს ვუკრავ გამამხნეველად), მოგვაქვს ის ქოთნები უკან, თავის ადგილზე, როგორც მაგარ კაცებს შეეფერება, იმ ორ ბიჭს ვშველით. და ჰო, მთავარი დამავინწყდა, გზაში, როცა წავალთ, შენი დედიკოსთვის ყვავილებს ვყიდულობთ. ლამაზ, დიდ თაიგულს. ეგ სწორი თქვი შენ: რვა მარტს ქალებისთვის ყვავილების მიტანა წესია. და კაცმა წესები უნდა შეასრულოს. აბა, რას იტყვი? მოსულა? მიგყავარ დედაშენთან?
 ბიჭი ცოტა ხანს კუმტად დუმს. ბოლოს თავს მიქნევს:
 – კარგი.
 მკლავაძესთან ვრეკავ:
 – მკლავაძე, – ვეუბნები, – შეეშვი ძებნას. სამსახურში მოდი სასწრაფოდ. საქმეზე ვარ გასასვლელი.
 – შეფ, მაინც ვერ იმასავქენი ჯერ ვერსად. ანუ ვარდისფერებია და ლურჯები, და თეთრები...
 – მკლავაძე, ქართული გესმის? შეეშვი და წამოდი. მიდი. დროზე. გელოდები.
 მე და რეზო ქუჩაში გავდივართ. ათ წუთში მკლავაძეც მოდის.
 – ვაა, ეს კაცური კაცი ვინაა, შეფ? – აქოშინებულა.
 – ეს არის რევაზი, – ვეუბნები, – აბა შენ იცი, მკლავაძე, ათი ყური, ათი თვალი!
 – გასაგებია, შეფ.
 მანქანაში ვსხდებით და ბიჭს ვეკითხები:
 – აბა, ჩემო რევაზ, საით?
 – პირდაპირ და მერე მარცხნივ, – მპასუხობს მოლუშული, – და მერე სულ ზევით.
 მანქანას ადგილიდან ვძრავ და მარშრუტს მივყვები.
 მოსახვევში, საყვავილესთან ვჩერდები და ვარდებს ვყიდულობ.
 – ეს დედიკოს, – ვეუბნები ბიჭს და თაიგულს უკანა სავარძელზე ვდებ, – შენ ნუ მოლუშულხარ. ნუ დარდობ, ყველაფერს ისე ვიტყვით, რომ

დედა არც ძალიან გაბრაზდეს და ყვავილებიც გაუხარდეს.
 არ მპასუხობს. თითს წინ იშვერს და მასწავლის:
 – ახლა სულ ზევით.
 და ასე მივადექით კუკიის სასაფლაოს. მანქანიდან გადმოვდივართ. ხელში რალაც-ნაირად, გაურკვეველი დანიშნულებით მიჭირავს ვარდების თაიგული.
 – დედაშენი აქ მუშაობს? – ვეკითხები ბიჭს, მაგრამ ის უკვე წინ მიდის, არ ესმის. მივყვები.
 „ალბათ, საფლავებს უვლის,“ – ვფიქრობ.
 ჩემი პატარა მძარცველი სულმთლად გალუული და მიუსაფარი მეჩვენება უცებ ამ შავი მარმარილოს ქალაქის ვინრო, საცალფეხო ქუჩებში მიმავალი. პატარა, ხის ბურატინო! მეშინია, თვალსანიერიდან არ დამეკარგოს და არ გამიქრეს.
 ბიჭი ჩერდება და ორ ნაცნობ ქოთანს ვხედავ ახალ მიწაყრილზე, ზედ სასაფლაოს მესერთან. პატარა ხის ჯვარია ჩარჭობილი, მუყაოს ფირფიტა დევს და ზედ წვიმისგან გადაბნობილი წარწერა ჩანს: „დედა“.
 ძალიან ცუდად ვარ. აი, ძალიან.
 მეჩვენება, რომ სამყარო ორ ნაწილად გაიყო. ერთ მხარეს მთელი კაცობრიობაა გადაზელილ გუნდასავით, თავისი ღრიალით, თავისი ხარხარით, სისინით, ყიჟინით, მოთქმა-ვაებით, მთელი ამ თავისი ომებით, რევოლუციებით, არჩევნებით, სიყვარულ-სიძულვილებით და მეორე მხარეს – ეს ერთი ბიჭი დგას, ეს ჩემი უდანაშაულო დამნაშავე, ეს ჩემი ობოლი პინოქიო...
 სწრაფად მოვდივარ აზრზე. და ამ გაყინული დროის დასაძრავად ვამბობ:
 – ძალიან ვწუხვარ, რეზო. ვხედავ, ახალი ამბავია...
 – დიდი თოვლი რო იყო.
 ყვავილებს ვანოდებ ხელში:
 – აჰა. შენ დადე, – ვეუბნები.
 – არა. შენ დადე. მე უკვე მოვიტანე, როგორიც უყვარს.
 „უყვარს“...
 – ჩვენები გახმა.
 – გასაგებია, – ვუქნევ თავს.
 – ავად რომ გახდა დედა, ეგრევე გახმა.
 – მესმის.
 – წყალს ვუსხამდი, მაგრამ მაინც.
 – ჰო...
 ყვავილებს მიწაყრილზე ვდებ.
 მზე ჩასვლანაა. ჩამავალი მზის მენამული მოედო სასაფლაოს. ქარმა წამოუბერა. ყვავები ფრენენ, ჩხავიან.
 – შენ ყოჩაღ, – ვეუბნები ბიჭს, – მოგივლია აქაურობისთვის. წარწერა გაგიკეთებია. ნამდვილი კაცი ხარ.
 – სხვებს ქვა აქვთ. სურათიც.
 – აქაც იქნება. გპირდები, – გულმხურვალედ წამოვიხსროლე დაპირება მე, ბებერმა ყვავმა. პატარა, რუხი ბახალა თავს ჩემკენ ატრიალებს და გამომცდელად მიყურებს. მერე ქოთანს იღებს. ცინერარია, რომლის სახელი გუშინ არც ვი-

ცოდი და რომელიც გუშინ ამ დროს „ელექტრონიკა 88“-ის ბაღში მშვიდად ყვაოდა, ქოთანში დანთებულ პატარა კოცონს ჰგავს ჩამავალი მზის შუქზე.

– რას შვრები? – ვეკითხები ბიჭს.
– მომაქვს, – მეუბნება ბიჭი, – მეორე შენ წამოიღე.

– რა სისულელეა?! ახლავე დადე, სადაც იდო! ბიჭი გაკვირვებული მიყურებს. ქოთანი გულზე აქვს მიხუტებული. ყვავილები ნიკაპზე ეცაცუნება.

– აბა, ბიჭები?
– და-დე. – ვეუბნები, – დადე ადგილზე. ბიჭი ქოთანს იქვე დებს, საიდანაც აიღო და ხელისგულების ფერთხვას იწყებს. ზუსტად ისე, როგორც იქ, ბაღში.

მზე გადაგორდა ამასობაში. ერთბაშად შემოეცალა ჰაერს სხივი და სითბო, ჩამუქდა, შეგრილდა ერთბაშად.

– რა ვქნათ, რეზო, არ წავიდეთ ნელ-ნელა? – ვეკითხები ბიჭს.

ბიჭი თავს მიქნევს. დაღმართზე ვეშვებით, როგორც ორი დათვი ტყიან ფერდობზე.

მე – დიდი დათვი, თაფლის, ფუტკრის, პანტის და თოფიანი მონადირის მცოდნე. ესეც – ბელი, მობაჯბაჯებს. ჯერ სადაა, ახლა იწყებს ყველაფერს!

როგორც სიზმრიდან, ისე გამოვდივარ სასაფლაოდან. რეალობას ვუბრუნდები. აი, ჩემი მანქანა. აი, ქუჩა. აი, ქალაქი დაბლა. აი, დღევანდელი, უკვე მოზინებული დღე, ქალთა საერთაშორისო დღე. ახლა ყველაფერი უფრო მწვავედ და საქმიანად ჩანს: ზემოთ დატოვებული ცინერარიები, დაპირებული საფლავის ქვა, ჩემი ოფისი, უსამსახუროდ დარჩენილი სირბილაძე, მკლავაძე და რაღაზეა ლაპარაკი – მეც. მე პირველ რიგში.

ლამპიონები აინთო აქა-იქ. ქალაქი აბრჭყვიალდება მალე, ღამის ცხოვრებაზე გადავა. ცხოვრება ერთია მაინც. შენს დღეებს და ღამეებს ვერ გასცდები.

მივალ სახლში. ჩაის დავლევ. ნატულის კექსს მივაცოლებ. გაზეთს გადავშლი. მერე ნატულის გვერდით დავწვები. ჩვენს გაგრილებულ, ჩვენს ჩანყნარებულ ლოგინში, რომელსაც ძველი გემივით მოგონებები უფრო აცოცხლებს, ვიდრე ანწყოს შტორმები და ქარიშხლები.

– სახლამდე მიგიყვან, – ვეუბნები ბიჭს. თავს მიქნევს.

– საით? – ვეკითხები.
– შენს სამსახურთან. მეორე ქუჩა.

ჩუმაღ მივდივართ. კონკრეტულად არაფერზე არ ვფიქრობ. უბრალოდ, უსიტყვო სანახაობები მოდის. რატომღაც საკუთარ თავს ვხედავ პატარაობისას, ხის ცხენზე მჯდომარეს... ვხედავ ჩემი ბავშვობის მწვანე მდელოს და მდინარეს, ვხედავ ჰამაკს და ბებერი კაკლის ჩრდილში მჯომ ბაბუას... ბედნიერებას ვგრძნობ. სიმშვიდეს.

– მე მეგონა, წამოიღებდი ყვავილებს, – მეუბნება ბიჭი.

მიჭირს ჩემი სანახაობებიდან ერთბაშად გამოსვლა.

– მეც მეგონა, – ვპასუხობ, – ნესით, მოპარული რამე თავის ადგილზე უნდა დაბრუნდეს.

– მაშინ, რატომ არ წამოიღე?

– იმიტომ, რომ ყველა ნესს აქვს გამონაკლისი. ერთი მაინც.

– გამონაკლისი რა არის?

– კარგი. უფრო ადვილად აგისხნი. საქმე ისაა, რომ ნესი საერთოდ უნდა შეასრულო, მაგრამ ხანდახან, ძალიან იშვიათად, ნესის შესრულებას ნესის შეუსრულებლობა სჯობს. გამონაკლისი სწორედ ამნაირ შემთხვევას ჰქვია. გამიგე? როცა ნესის შესრულებაზე მთავარი რაღაც სხვა არის. ეს არის გამონაკლისი. ღვედი გაიკეთე. ღვედის გაკეთება დაგვაინწყდა. გადმოჭიმე, თორემ დაგვაჯარიმებენ. ღვედის გადაჭერა ნესია.

– მაგასაც აქვს გამონაკლისი?

– ალბათ, აქვს. ცოტა ხანს ჩუმადაა, მერე ამბობს:

– თუ დაჭრილი ჯარისკაცი ზის. თუ მხარშია დაჭრილი, ან მკლავში, ვერ გაიკეთებს ღვედს. უყურე შენ?!

– სწორია, – ვეუბნები, – ხედავ, რა კარგად გაიგე? მაგრამ საერთოდ ნესებს შესრულება უნდა.

– ჰო. – მეთანხმება ბიჭი.

ესეც ჩემი ოფისი. ფოიეში მკრთალი შუქი ანთია. სავარძელში გაშხლართული მკლავაძე მოჩანს. მობილურზე ლაპარაკობს. ალბათ, თავის წითელპომადიანს ელაზლანდარება.

ასე მგონია, სხვა ცხოვრებაში იყო ის ღამის ღრეობა.

– მეორე ქუჩაზე ადი, – მეუბნება ჩემი მგზავრი.

– ვიცი, უკვე მითხარი.
– მესამე სახლია.

...

თბილისის „იტალიურ ეზოებში“ იტალიელები არ ცხოვრობენ, მაგრამ კარს, რომელიც ხვეულა რკინის კიბის თავში დაგვიხვდა, აწერია: „პ. ს. ჯაკომეტი“.

ეს წარწერა უცებ კარგ ხასიათზე მაყენებს. პატარა ბიჭი რომ ვიყავი, იტალიელ ფეხბურთელებზე ვგიჟდებოდი, ფეხბურთელობაზე და იტალიაში წასვლაზე ვოცნებობდი და არა „ელექტრონიკა 88“-ის დაცვის უფროსობაზე. ვიცოდი „სკუადრა აძურას“ სრული და სათადარიგო შემადგენლობა და სანოლთან პაოლო როსის პლაკატი მეკიდა.

ახლა მგონია, რომ კარს ვინმე, მონიკა ბელუჩისმაგვარი გააღებს და მეტყვის: „ჩაო!“

მაგრამ კარს ფაშფაშა, სახეგაოფილი ქალი მიღებს. ჯერ მე მათვალეირებს, მერე ბიჭს, მერე ისევ მე.

– გამარჯობა, – ვეუბნები.

– გამარჯობა. – მეუბნება თვალებმოჭუტული, – შენ მამა ხო არ არის? მამა არის, მამა არ არის, მე არ იცი, ბინა უყე იყიდე, ფული უკე ბანკი მიეცი, ყელაფერი გაათავე!

– არ ვარ მამა, – ვამბობ. თან აუხსნელ, უფორმო სინანულს ვგრძნობ ამის თქმისას. აი, ტანისამოსს რომ მოირგებ გემრიელად მაღაზიაში,



ყველაფერზე

როგორ უნდა ხდებოდეს, რომ
გავდიოდეთ ერთ დღეს და აღარ მოვდიოდეთ.
თვალს ვარიდებდეთ ჩავლილ სიყვარულს –
როგორც ნაჩვევ სისუსტეს,
ნაჩვევ ხილვებში.

როგორ უნდა ხდებოდეს, რომ
არ განალვლებდეს გაზაფხულის
არც ერთი კვირტი –
გითვალთვალვებდეს ტალახიანი თებერვალი –
ნოემბრის მოყირჭებული ძაძვით.

როგორ უნდა ხდებოდეს, რომ
გავდიოდე და გარეთ ვეძებდე ჩემს გულს,
გავდიოდე და გარეთ ვეძებდე თვალებს,
გავდიოდე და გარეთ ვეძებდე.

როგორ უნდა ხდებოდეს, რომ
მემატებოდე და მეკლდე,
მყავდე და არ იყო,
ვიყოთ და არ ვიყოთ,
და იყოს – იყო და არა

იყო რა – ყოფნასა და არყოფნას შორის
ჩვენი ლანდები,

გაზაფხულის უტიფარი ჭოროფლები ცაზე და
იყვირე! იყვირე! იყვირე!

მაინც ვერავინ ვერაფერს გაიგებს –
ერთი მერცხალიც არ მოსულა –
ფრუსტრირებული გაზაფხულია
და ჩემს სიმღერას გიყვები:

როგორ უნდა ხდებოდეს, რომ

გული მწყდებოდეს, რეჩხი მიყოს,
გული მტკიოდეს,
ყელში მწვდებოდეს მოფართხალე

სიცოცხლის გვამი.
მაქანავებდეს გაზაფხულის ნედლი სიო და
მთლიანი მინა, შეჩვეული, მიღირდეს რამედ,

ხელს მიშვებდე და არ მტკიოდეს
და ვიდგე მაინც აქ,

ხელს გჭიდებდე და მეყრდნობოდე
და მთები იძვროდნენ,

მანადგურებდეს ლამის ხილვა,
რომ ბავშვი წაიქცა,

დღისით – ახდენა, – ხელს გიშვებდე
და სადღაც მივრბოდე,

მოხდა მაისი. ვწერ არსაიდან
– გაყიდულ ლექსებს,

მოხდა მაისი – ვარდის შაბათი
– თითქოს მე ვმღერი.



ნუსიკო დეკანოზიშვილი

თითქოს შენ ისევ დგახარ და ჩქარობ.
გიყურებ, მესმის.
ვდგავარ და ვტირი. ვდგავარ და
ვგლოვობ – გაყიდულ ლექსებს.

როგორ უნდა ხდებოდეს, რომ
დარდი მჭამდეს – დაბადების,
სისხლი მკებნდეს – შხამიანი,
და სამშობლო – გადამდეში,
დარდით მჭამდეს ცა და მდელო,
და მიყვარდე – მახრჩობელა,
ჩვენო მკვლელი – საქართველო!

როგორ უნდა ხდებოდეს, რომ
ბავშვები ჯგუფებს უკვდებოდეთ,
ბავშვები ხროვებს უკვდებოდეთ,
მაგრამ
ბავშვები სამშობლოს არ უკვდებოდეს!

როგორ უნდა ხდებოდეს, რომ
დავდიოდე და ვეძებდე საშველს,
დავდიოდე და არ იყოს არსად,
დავდიოდე და აღარ მტკიოდეს
დაღლილი რასა.

გავდიოდეთ და სახლებს გმანავდნენ,
ვბრუნდებოდეთ და ფანჯრებს ქოლავდნენ,
მუხლზე ვიდგეთ და აღარ გვისმენდნენ,
დავეძებდეთ და ჩუმად მალავდნენ –
მალავენ რასაც...

როგორ უნდა ხდებოდეს, რომ
იყოს გაზაფხული,
შენ ჩემს გვერდით იდგე და
მე ამ ლექსს ვწერდე...

როდესაც შენი წვიმები მოდიოდნენ და ჩემს სანახებში უხმოდ რჩებოდნენ, ანდა ზურგის ქარს გაჰკიოდნენ კვიპაროსები, როდესაც ლამდებოდა შენგან

და არ თენდებოდა, და გაბმულად ჩუმდებოდა ჰაერი, ისე გაბმულად, რომ მე არ ვიცოდი, რომელ დროში მესუნთქა

ან სად დამეგო ხმელი ლოგინი, ის იყო ღმერთი – უცნაური – რალაცნაირი, ფეხაკრეფილი იდგა კედელთან

და ითვლიდა დღეებს – წასვლამდე. მას არ ესმოდა ჩემი სუნთქვაშეკრული ვენებების,

და ვერ ხედავდა ხეებს, რომლებსაც თავბრუსხვეულები ვეყუდებოდით. მას არ ესმოდა ჩვენი სულელური საუბარი, თორემ გაიცინებდა.

გაიცინებდა და ავიდოდა მეცხრე ცაზე, საიდანაც დაგვაყრიდა უამრავ ტყუილს, ცოტა მანანასა და

რამდენიმე წითლად მოხასხასე ელექტრონულ გულს – გულების საოხად.

არის აქ ვინმე თუ ვიცინო ხმამალა – აივსო ოთახი, სკვერი და... სიცოცხლე, რომელიც უჟმურმა ცხოვრებამ დამალა, არადა, ვიცოდი – სიცოცხლე ვიცოდი. როგორმე გავრეეკო ფარა და ნახირი – დარდების. მიყვარდე – უხმოდ და ვადამდე, იცი, რა ძნელია, რომ გაღმა გახვიდე, და უფრო ძნელია – სიცოცხლე გადასდო ქალაქებს, ტროტუარს, ჩამავალ მხარეებს, და მთების იქით რომ ცხელ-ცხელი მზე არის, გზადაგზა მკვდრებს ყრიან, შვებაა, ღამეა. კართან ჩანს უსულო სულების მეკარე. ჩრდილები. ჩრდილები. იცი, რა ძნელია – უძლებდე შეჩვეულ ქალაქის ასფალტებს. მოგდევდეს ჩრდილებით ქალაქი მრევლივით და მობეზრებულებს – ნამგალებს ხატავდე, რომ ფრენენ უკლებლივ ქვევით და თავდაღმა – ინვიმებს და ისევ გარეცხავს ქვაფენილს – ნიშნავს და გავრბივარ წვიმებში ხანდახან, რომ არ ჩავუვარდე ხახაში – დაფჩენილ – ცხოვრებას. და ისევ – არის აქ ვინმე თუ ვიცინო, ვიცინო, ვიცინო, ვითომდა, მიყვარდა, ვუყვარდი, მივრბოდი, მივენდე – მივრბოდი და პეშვით სიცოცხლე მიმქონდა.

რომ არ მიყვარდე ან რომ არ წვიმდეს ან თოვდეს ან რომ არ

ამოდიოდეს მთვარე მაშინ მე მაინც ამოვალ მალე მოვალ და ამოვალ

შენთან მოვალ და მალე რომ არ მელოდე არ მოვალ უშენოდ არსად არ მოვალ

არც დღისითა და ღამე ერთხელ კანიდან გამოვალ ერთხელ ხორციდან გამოვალ

შენად ვიქცევი და მე რომ არ ვიყო და ან რომ არ მქონდეს სიკვდილი ან რომ არ

მეჩქარებოდეს კვდომა სიცოცხლის საზღვრებს გადმოვალ გამოგიგონებ და მოვალ მეყვარები და მოვალ

თურმე როგორი ყოფილხარ – მარტო სიზმარში გიცნობდი. ღამლამობით რომ მომიხვალ, ღამლამობით და, სიცოცხლით დაღლილს სიკვდილზე მიყვები – სიკვდილისფერი ჩრდილებით. მოგყავს წითელი სიტყვებით არგაჩენილი შვილები. თურმე ყოფილხარ როგორი – საცერისხელა თვალებით, თან სიყვარულის მომგონი, ზეიმი ფერისცვალების, გულზე დაყრილი მიწით და ომში გამკრთალი ღიმილით, ყაყაჩოსავით სინითლე. ან კიდევ შავი მიმინო. თურმე როგორი ყოფილხარ – ახლა მივხვდი და გეხვევი. ერთხელ ვნებით რომ მომიხვალ, აღარ დამტოვო შემთხვევით.

დაიძინე, მე უნდა ვიფხიზლო. და შენ თუ არ დაიძინებ, მე არ გამომივა სიფხიზლე. დაიძინე, ჩემო ადამიანო – შენ ჩემთვის გაჩნდი. დაიძინე, ჩემო ღმერთო, მე შენ უნდა მაქციო ადამიანად.

* * *

კედლებს ატყვიხარ, ჰაერს დააჩნდი,
 მიჯრით მიწყვიხარ მუცელზე... მკერდში,
 რომელიც ბედავს, ყოველ საათში
 აგიტყოს და ალიბი სევდის –
 ჩამომიღვაროს ფერდებში, და შენ
 აჩნდე კედლების ჩამოშლილ ამბებს,
 დაატყო ხელი ნატყვიარ – ნაშენ
 ხილვების ჩრდილებს – აზიდო ცამდე.
 და სამად სამი, გასამდეს ტყვია –
 როგორ ატყვიხარ კედლებს და ჰაერს...
 საკიდი სულის მინაზე გდია.
 ფეხზე დგას ჩემი ცოცხალი გვამი.

* * *

„Христос и Бог! Я жажду чуда
 Теперь, сейчас, в начале дня!
 О, дай мне умереть, покуда
 Вся жизнь как книга для меня“.

Марина Цветаева


საითლა გავფრინდე, მარინა?
 ეს იყო, რაც უკვე შევძელი.
 ჰაერში მუდმივი ქარია,
 ან სუნი – დენტის და ენქელის.
 ფარფატა ქალაღებს გიგზავნი,
 გიგზავნი მტრედებს და ბარათებს,
 გზაზე რომ წავიდნენ გზისანი,
 დაერჩი და – პუბლიკა გავართე,
 და ამის სამღერად მოვედი –
 საითლა გავფრინდე, საითლა?
 სიცოცხლის მაღალი ქორედი
 და ზეცა, რომელიც გაირღვა,
 სალამოს სევდიან მღერაში –
 რომ თოვდა ხშირად და ხანდახან.
 ლექსებს რომ ვხატავდით მე და შენ.
 და ქარმა კაბები გაგვხადა.
 და შენ რომ იყავი ლექსივით.
 და მე რომ სიკვდილსაც შევეშვი.
 რაც უკვე შევძელი, ეს იყო –
 სიტყვები მფანტავდნენ დღეებში.
 საითლა გავფრინდე, მარინა?
 თავსაც ვერ მოიკლავ სრულიად.
 ჰაერში ქარია, მარინა
 და მკვდარი ცოცხლების სუნია.

* * *

გაუშვით შვილები – ეზოებში,
 მეგობრებში, ცხოვრებაში.
 ითამაშონ, წაიქცნენ, ეტყინოთ.
 თქვენ მათ მაგივრად ვერ იცხოვრებთ.
 გაუშვით შვილები ცხოვრებაში.

* * *

მნიფა სევდა შენი ხელების,
 შემახედა – როგორ დაუსვამ სხვა ქალს და
 სისხლი რძესავით წამოუვა
 ფერმკრთალი კერტებიდან,
 და როგორ ეყვარები მუცლით – ყელამდე...
 შენი ხელების სევდა შავია –
 ჰაერში არეული ლანდებივით,
 მზისგან რომ მორბიან.
 მე დაგინახავ ჩემი თეთრი ოთახიდან,
 ხელებს გამოვიწვდი და ვიტყვი:
 აი, როგორ უყვართ ჩემ კაცებს!
 აი, რა ბასრია მათი სამართებელი!
 აი, რა კარგი შემოდგომა!
 სევდა მნიფს, სევდა – ამ მოსავალს –
 გრძელს და უებროს – არაფრით დავთმობ.
 და შენ შეგიძლია, იყო ბედნიერი –
 აკრძალული ოცნებების კანონით,
 და შენ შეგიძლია, იყო მშვიდი,
 და იფიქრო უსასრულოდ
 ჩამოშვებულ ხელებზე.
 მე კი, ამ შემოდგომას, გაგისხენებთ – კაცებს,
 რომლებიც ასე მიყვარდით,
 და დაგასახიჩრეთ ჩემი სიყვარულით,
 როდესაც ასე მნიფდა ჩემი სევდა,
 როდესაც ასე უხვმოსავლიანი,
 ვინექი და
 თქვენთვის გაუგებრად ვილიმოდი:
 წადით სხვა ქალებთან და მაპატიეთ,
 წადით სხვა ქალებთან და
 ასწავლეთ სიყვარული,
 წადით სხვა ქალებთან და მომიყვით –
 როგორ გიყვართ ისინი.
 წადით,
 მე თქვენზე დავწერ.



N4 კანონი 2014





როცა ვთქვი არა

სოფელი ზედ სამაჩაბლოს საზღვართან იყო. მანქანა ჭიშკართან გავაჩერეთ და რალაცნაირი ომახიანი მორიდებით შევედით.

ეზოში ისეთი ქალები დაგხვდნენ, როგორებიც ასეთ სოფლებში არიან ხოლმე – შრომისგან, იქნებ დარდისგან ან იქნებ კლიმატისგან ნაადრევად დაბერებულები. დედამთილის და რძლის გარჩევა რომ ჭირს და კაცები შედარებით ახალგაზრდულად რომ გამოიყურებიან.


ყველამ მამას შევხედეთ და იმანაც როგორღაც ამოთქვა:

– სიძე რომელია?

მამას განსაკუთრებით უყვარდა თეკლა. დედაჩემს ჰგავსო, იტყოდა ხოლმე. ბებიაჩვენი კი კაი მამალი ქალი იყო. ნამდვილი ოთარაანთ ქვრივი – ცხოვრებას რომ კაცებივით უმკლავდებიან და უკან არასოდეს იხევენ. თეკლაც ასეთი გვეგონა, ყოველ შემთხვევაში, მამა ამბობდა, თეკლას იმედი მაქვსო, მაგას ვერავინ დამიჩაგრავსო, ჩემი ნაბოლარა ბიჭიაო.

და მაინც, მოიტაცეს. როგორც ადრე – იქნებ ქალაქშიც, ახლა კი მხოლოდ ასეთ მიყრუებულ სოფლებში თუ მოხდება, რომ ბიჭს გოგო შეუყვარდება, ან მოენონება, ან კიდევ უარესი – სხვისგან გაიგებს, რომ ტოტოლანთა კაი გოგო ჩამოსულა ქალაქიდან, ჭკუაში დაუჯდება – რატომაც არა? რატომ უნდა დამასწროს სხვამ? ჩაჯდება მამამისის თეთრ „06-ში“ და ძმაცაცებთან ერთად ტოტოლანთ მხარეს გადავა. საღამომდე ბირჟაზე იდგებიან. გვიან ღამით კი, როცა თეკლასნაირი გოგო ქუჩაში გამოვა, ჩაავლებენ ხელს და მოიტაცებენ.

მოტაცება კი ასე ხდება და ამას ჰქვია: რამდენიმე ბიჭი ძალით ტენის დაბნეულ გოგოს უკანა სავარძელზე. როგორც წესი, თავად სასიძო ამ დროს შორიახლოს დგას. მერე ის მძლოლის გვერდით ჯდება ხოლმე. გოგოსთან ერთად მყოფ ნათესავ გოგოსაც ხელს გააყოლებენ ხოლმე (ხშირად ისიც საქმეშია) და მანქანაში აღმოჩნდება რვა-ცხრა კაცი ერთად. ამ დროს უკვე გარკვეულია, ვინ არის ბიჭის მეჯვარე (ის ყველაზე აქტიურია). გოგოს მეჯვარეს დიდი მნიშვნელობა არ აქვს, მაგრამ ისიც გარკვეულია. მოტაცებული სადმე შორს მიჰყავთ, ვთქვათ, ერთი კუთხიდან მეორეში, ქართლიდან იმერეთში, ან რაჭიდან გურიაში,



გურამ მებრელიშვილი

რომ ნათესავებმა არ იპოვონ. იშვიათად, მაგრამ მაინც, სასიძო საცოლეს აუბატიურებს (ხანდახან, როცა განსაკუთრებით დიდი ალბათობაა, რომ ოჯახმა გოგო უკან დააბრუნოს, კაცი ამას მანქანაშივე აკეთებს, სანამ მეგობრები გარეთ დგანან და ნერვიულად ეწევიან, სასიძო მომავალ ცოლს პირზე ხელს აფარებს და ძალადობს), უმეტესად კი მივლენ დანიშნულების ადგილამდე და იწყება გოგოს დამუშავება, რომ მონატაცებ ქალს ცოლად აღარავინ მოიყვანს, ამიტომ ჯობს, ბედს შეეგუოს და დათანხმდეს. როგორც წესი, გოგოები შიშით თუ ხალხის აზრის გავლენით, რჩებიან.

– ვინ განახებს სასიძოსა, გიჟები არიან? – სოფლურად ჩაიფხუკუნა ჯოხს დაყრდნობილმა კაცმა.

მამამ გაბრაზებით გადახედა დედაჩემს, დედამ კი თავი დახარა, თითქოს რაიმე დანაშაული მიუძღვოდა, შვილი რომ მოტაცეს.

ტოტოლანთმა მხოლოდ მესამე დღეს დაგვირეკეს და გვითხრეს, თეკლა მოიტაცესო. რატომ მესამე დღეს? ვეძებდითო, თქვენი ნერვიულობა არ გვინდოდაო და მსგავსი ზღაპრები. როგორც კი ეზოში შევედით, უფროსი ტოტოლანთი თოფით მოვარდა და სასიძოს მოკვლით იმუქრებოდა, თითქოს ეს სამი დღე საკმარისი არ იყო ბიჭის მოსაკლავად.

მამას დანა პირს არ უხსნიდა. ატუზული იდგა ტალავერთან და მარჯვენა ხელს მარცხენა მუშტში მალავდა.

ეზოში გრძელი ხის სკამები გამოეტანათ, რომელზეც თეთრი ქაღალდი გადაეკრათ და ზედ ძაფი გადაეხვიათ, ალბათ, სტუმრებს უფრო გამოსაჩინად რომ დაგვხვდნოდნენ.

მე ვგრევე მივხვდი, რომელი იყო ჩემი დის სადედამთილო, განსაკუთრებით მოენდომებინა და სასაცილოდ ბევრი ფერუმარილი ესვა. მიუ-

ხედავად იმისა, რომ ნერვიულობდა, ეტყობოდა, ჩვენი შეთვალერება მაინც მოესწრო.

დედაჩემმა სიგარეტს გაუკიდა. მამას თანდასწრებით არასოდეს მოუნევიდა და მივხვდი, რომ ერჩინა, ყველაფერი დროზე დამთავრებულიყო. მამამ არც კი გახედა და გაიმეორა:

– სიძე რომელია?

რალაცნაირად შემეცოდა მამაჩემი. ასეთ დროს მთელი ტვირთი კაცზე გადადის. მამაზე გადადის. უნდა-არ უნდა, ისე უნდა მოიქცეს, როგორც საზოგადოების დიდი ნაწილი მოიქცეოდა. ბევრი ფიქრი უნევს მამას – რამე ისე არ ქნას, რომ მომავალი სიძე (თუ ის სიძე იქნება. და რომ იქნება, ამას ლაპარაკი არ უნდა) არ გაანაწყენოს, რამე ისე არ ქნას, რომ ცოლ-შვილის თვალში არ დამცირდეს, რამე ისე არ ქნას, რომ შვილი ვინმეს დააჩაგვრინოს. დედისთვის ამ დროს გაცილებით იოლია, ქალები უფრო ადვილად ეგუებიან ასეთ ამბებს, უფრო გონივრულადაც ფიქრობენ, ალბათ და უფრო პრაგმატულებიც არიან. ასეთ დროს უკეთესია, მოლაპარაკებაზე ქალი გაუშვა, ის თავს არავის დააჩაგვრინებს.

მამაჩემი ლუდს სვამდა მეგობრებთან ერთად, როცა დედამ დაურეკა და უთხრა:

– თეკლა მოიტაცეს!

მერე მთელი გზა ერთმანეთს აბრალებდნენ. ხმა არ ამოულიათ, მაგრამ მივხვდი, რომ ერთმანეთს აბრალებდნენ. დედაჩემის ნათესავებთან ისვენებდა თეკლა, მამამ კი ნება დართო, წასულიყო.

თეკლა და სიძე ორი საათის მერე მოვიდნენ. თეკლას ლოყები გაფითრებოდა და მეც უნამუსოდ გამეფიქრა, რომ ეს სისხლდენის ბრალი იქნებოდა. ეზოში მდგომ ქალებს ზედაც არ შეხედა, ჩემკენ წამოვიდა და დედას გადაეხვია. მამა რალაცნაირად გაუცხოებული უყურებდა. მერე თეკლა მივიდა და რალაც უთხრეს ერთმანეთს. მამამ ჩვენ გადმოგვხედა და ხელი გადახვია თეკლას.

– შენ გადანწყვიტე, თუ გინდა წავიდეთ! – ჩურჩულით თქვა მამამ, მაგრამ ყველამ გავიგონეთ, რადგან ყველას გვინდოდა გაგვეგო, რას იტყოდა მამა.

თეკლა კი ძალიან პატარა იყო საიმისოდ, რომ გადანწყვიტილება თავად მიეღო. მამამ კი, როგორც ეს კაცებმა ვიცით, ტვირთი ქალებს გადააბარა მაინც.

დედამ გვერდით გაიყვანა თეკლა და ჩურჩული დაიწყეს.

დაახლოებით ვიცოდი, რაზეც ილაპარაკებდნენ: მოხდა თუ არა მოსახდენი? გაქვს თუ არა საცვლები? ლამის პერანგი და ახალი პირსახოცი წამოგიღე და ეგეთები. ანუ ყველაფერი რომ წინასწარვეა გარკვეული. დედა მზად წამოვიდა, წესების სრული დაცვით წამოვიდა. მზად დაგვხვდნენ სასიძოს ოჯახშიც, როგორც კულტურულ, განვითარებულ საზოგადოებაში ხდება ხოლმე – შედეგი ცნობილია, თამაშის წესებს კი მაინც ყველა ვიცავთ. საკლავი ეზოში გამოტანილ სამზადში თუხთუხებდა, ქათმები გაპუტული იყო და მზარეული ოჯახის წევრებს უყურებდა თვლებში, რომ პირველივე წიშანზე თონეში ჩაენყო და მერე სუფრასთან მოეტანა, ცხელი შოთები

პერიოდულად გაიელვებდნენ ხოლმე თონიდან კიბისკენ, საიდანაც მეორე სართულზე ადიოდი და სუფრა სწორედ იქ იყო გაშლილი.

მოკლედ, ყველაფერი მზად იყო იმისთვის, რომ მამას ეთქვა ჰო, დედა ისედაც ჰოს ამბობდა, ისე სურდა, ყველაფერი დამთავრებულიყო. მე პრინციპში დიდად არც მაინტერესებდა ეს ამბები, ისედაც ძალისძალობით წამომიყვანეს და მნიშვნელობა არ ჰქონდა, სოფლელი სიძე მეყოლებოდა თუ ქალაქელი კოტიკოსნაირი გარენარი.

თეკლა ჩემთანაც მოვიდა, მხარზე მომიჭირა და ნიკაპზე გამკრა ხელი. წარბები შევეყარე. მეჯავრებოდა, როცა ნიკაპზე გამკრავდა ხოლმე და ახლა სწორედ ასე გააკეთა, ჯინაზე, იცოდა, რომ ამდენ ხალხში პასუხს არ დაეუბრუნებდი. ისეთი სახე ჰქონდა, რომ გინდა ყველას დაანახო, თითქოს არც ისე ცუდადაა ყველაფერი, სინამდვილეში კი ყველაფერი ძალიან ცუდად რომ არის. კი, ყველაფერი ცუდად იყო, როცა ჩემი სიძე დავინახე. გარეგნობით მეც არ ვბრწყინავ, მაგრამ ეს მაინც რალაც განსაკუთრებული იყო, გრძელი თავი და არაბუნებრივად, ლამის რაქიტულად გამომშვერილი შუბლი და შუბლზე დაყრილი უამრავი მუნჯი. რალაცნაირი თვითკმაყოფილი სახე ჰქონდა, რომ ყველაფერი შეუძლია, რასაც მოინდომებს, რომ სხვისი მორიდებულობით ის ყოველთვის ისარგებლებს, რადგან ასეთია ბუნებით, უნამუსო.

ლამის ყვირილი დავინყე, რომ თეკლა არ უნდა დაგვეტოვებინა, მაგრამ მაინც გავჩუმდი. გავჩუმდი, რადგან რომ მეყვირა, შეიძლება ჩემი და მართლა წაგვეყვანა უკან, მერე ხალხი ჭორაობას დაიწყებდა, თეკლა ამ ხმებს ვერ გაუძლებდა და გაბოზდებოდა, ან შეიძლება არც გაბოზებულიყო, მაგრამ ეს ტვირთი, სამი დღე ქმრის ოჯახში წამყოფი გოგოს ტვირთი, ძნელი გადასატანი იქნებოდა ჩემთვის.

ალბათ, მამაც ასევე ფიქრობდა. ერთბაშად დაპატარავდა და ლამის დედაზე დაბალი გამოჩნდა. მე ვიცოდი, რასაც იფიქრებდა, ერთი სისხლის არ ვართ? იფიქრებდა, რომ უკეთესია, გამოსავალი არსებული მდგომარეობიდან მოიძებნოს. რაც მოხდა (და რომ მოხდა, ამაში დედას გამოხედვამ დაგვარწმუნა), მოხდა, შეიძლება კარგი ბიჭიც აღმოჩნდეს, შეიძლება ქალაქში ბინა ვუყიდოთ და თეკლას ამ მივარდნილ ადგილას ცხოვრება აღარ მოუნევეს. ყველანი ადამიანები ვართ, ამ პირობებში დაბადებულები, ამათნაირი ვიქნებოდით.

მოკლედ, ყველაფერს იზამდა, რომ გაემართლებინა მომხდარი, ეს ხალხი, ჩვენ. მაგრამ თავს ვერ გაიმართლებდა. სუფრასთან უზომოდ ბევრს დაღევდა, იმდენს, რომ გონება დაეკარგა და დილით, ნაბახუსევზე, ადვილად გადაეტანა იმის გააზრება, რაც მოხდა.

დედაჩემის ქმარმა, ვინც მანქანით წაგვიყვანა, სიტუაციიდან გამოსავალი ადვილად მოძებნა. ასეთ ხალხს ყოველთვის ვიხსენებ ხოლმე მსგავს ამბებში. არ ვიცი, ეს ცნობიერად ხდება თუ არაცნობიერად, მაგრამ ისინი ყველა კონფლიქტს თანამგზავრევით თან სდევენ.

– რახან წინააღმდეგი არავინაა, გოჭის ხორცს

მაინც რაღას ვერჩით, დაკარგავს გემოს! – მოიფუნვინტა ხელები დეიდაჩემის ქმარმა.

რა თქმა უნდა, ასეთ დროს ზოგი ნერვიულად გაიცინებს, ზოგი – ირონიულად (მამაჩემმა აგრესიულად გაიღიმა), მაგრამ მიზანი ისაა, რომ სიმძიმის ცენტრმა სხვაგან გადაინაცვლოს. პრინციპში, მიუხედავად იმისა, რომ იმწუთას ჭირის დღესავით შემჯავრდა ეს ადამიანი, დღემდე მიმაჩნია, რომ მას სწორედ ასე უნდა ეთქვა და ასე მოქცეულიყო.

სუფრასთან გადავინაცვლეთ. მიუხედავად იმისა, რომ ადამიანის მენტალიტეტი საბოლოოდ მაინც კუჭზე გადის (და ამის ნათელი მაგალითი მარკოზის სახარებაშია, ოთხი ათასი კაცი შვიდი პურით რომ დაანაყრა ქრისტემ, ოთხიოდე საათის შემდეგ კი მოწაფეებმა მისი იგავი საფუარზე ისევ პირდაპირ გაიგეს, რადგან შიოდათ და ერთი პური ჰქონდათ დარჩენილი), ჩვენი ოჯახისა და სასახელოდ უნდა ითქვას, ცოტა ვჭამეთ.

რაღაცნაირად შეგუებულები ვისხედით ხუთივე – მამაჩემი, დედა, მე, თეკლა და ჩემი უმცროსი და, ნენე.

სიძე უკვე შემთვრალი იყო. ისედაც წითელი სახე უფრო აჭარხლებოდა, ცდილობდა, თეკლასთან განსაკუთრებულად მოქცეულიყო, მაგრამ ვხვდებოდი, რომ ამით კიდევ უფრო აზიზლებდა თავს ცოლს.

„რა იქნება, რომ ავდგეთ და წავიდეთ? თეკლა ამათთან გამჩერებელი მაინც არაა!“ – ვფიქრობდი და ყველა ის ნაცნობი ქალი გამახსენდა, ვინც ასე მოიტაცეს, ახლა კი კარგი, ტრადიციული ქართული ოჯახი ჰქონდათ. ალბათ, ტვინს აქვს ასეთი თვისება – როდესაც პრობლემას ვერ წყვეტ, ანალოგიების საშუალებით ცდილობს სტრესული მდგომარეობა შეუმსუბუქოს ადამიანს. ხშირად ეს სტრესი გადავადდება ხოლმე, იშვიათად ქრება, მეტწილად კი კონსერვდება და მერე სად და როგორ იფეთქებს, კაცმა არ იცის.

თეკლა ჩემზე სამი წლით იყო დიდი. პრინციპში, არასოდეს მიჩხუბია მის გამო, რადგან ყოველთვის თავად აგვარებდა პრობლემებს, თაყვანისმცემელი კი არასოდეს ჰკლებია. რაღაცნაირი გოგო იყო ყოველთვის, მამა ტყუილად არ ამბობდა, დედაჩემს ჰგავსო. რაღაცნაირად ჩუმიად ამაყი, უფრო სწორად, ჩუმიად ღირსეული, აი, ვინრო ადამიანურ რაღაცებზე რომ არ იყიდებიან,

ისეთი. ამიტომაც, ახლა, როცა სუფრის თავში შედარებით მაღალ სკამზე მჯდომს ვუყურებდი, ორმაგად მეცოდებოდა.

მამაჩემმა ორჯერ დამიხსნა ციხიდან, ორივეჯერ – ჩემი დანაშაულის გამო, ახლა კი თავის საყვარელ შვილს ვერაფერს შევლოდა.

იმავე საღამოს ვაპირებდით ქალაქში დაბრუნებას, მაგრამ მამა უგონოდ დათვრა, როგორც მოსალოდნელი იყო. დათვრა ჩვენი მძღოლიც, დეიდაჩემის ქმარი. როგორც სოფლებში იცინ ხოლმე, მეზობლის სახლში დაგვანვინეს, უზარმაზარ ცივ ოთახში, მეორე სართულზე, სადაც წლების წინ გაკრულ შპალერს მხოლოდ ფერი ეცვლება და სხვა მხრივ შეურყვნელი რჩება.

ლამე ცუდად მეძინა. დედასაც არ ეძინა. მესმოდა, როგორ ბორბავდა ძილში. ბოლო ათი წლის განმავლობაში პირველად მოგვიხდა, რომ ყველამ ერთ ოთახში დავიძინეთ – მე, მამამ, დედამ და ნენემ, თეკლას ქმრის სახლში ეძინა. წარმოვიდგენდი ხოლმე, როგორ შიშვლდება ჩემი და მახინჯი, არა, მახინჯი არასწორი სიტყვაა, არასასიამოვნო კაცის წინაშე ვალდებულების გამო, წესის გამო, იმის გამო, რომ ასეა მიღებული.

მერე დედაჩემი ამბობდა, უცნაურად ამოიჩემე ის ბიჭი, ეგეთი შეუხედავიც არ იყო, ჩემში კი რაღაცნაირ შიშს, ზიზლს და დათრგუნვას იწვევდა. ამის მიზეზს

მერე მივხვდი, როცა მამამისი ვნახე. გაჭრილი ვაშლივით ჰგავდნენ ერთმანეთს, ეგ იყო, მამა მოტეხილი და სახედანაოჭებული იყო. თვალებში მსოფლიო ზიზლით და გაავებით. რამდენიმე თვით ადრე სამაჩაბლოს მხარეს მოუტაციათ და, ტყვეობიდან დაბრუნებული, ხალხში იშვიათად ჩნდებოდა, ალბათ,

ამიტომაც არ იყო სუფრასთან იმ საღამოს.

გამთენიისას ჩამეძინა. როგორც ჩანს, დედას არ ეძინა, მამას კი მერეც არაფერი გაუგია. იქნებ უკეთესიც იყო მისთვის, რომ არ გაუგია.

სამი გასროლა ყოფილა, მე ორი დავითვალე. ალბათ, პირველზე გამეღვიძა და ამიტომ. კვილი და ეგეთი რაღაცები არ ყოფილა, ვის უნდა ეკივლა. კაცის ყვირილი გავიგონეთ, ჩვენი სახლისკენ იძახდა, მეზობელს ეძახდა. სიძის მამა იყო. გამთენიისას მოუკლავს ცოლი, შვილი და ჩემი და, თეკლა.





დაგვიანებული ზღაპარი

ოდესღაც მესიზმრა უკიდევანო კამკამა
 ოქროს თევზებით დაფერილი ტბა
 შორეულ მთებში, და იქით მიმავალი
 თეთრი შროშანებით ფენილი ბილიკი.
 ან იქნებ ცა მესტუმრა სიზმრად
 ოქროს ვარსკვლავებით აკიაფებული.
 ვერასდროს ვარჩევდი სიზმარს
 რეალობისგან და გავუყევი
 აყვავებულ ბილიკს, ვიარე, ვიარე
 და მივადექ ბნელით მოსილ მღვიმეს.
 დაქანცულს, იქ დარჩენა მომინდა.
 ყველა ჩემს ოცნებას,
 ყველა ჩემს სურვილს
 ცეცხლი წავუკიდე,
 კოცონი ავაბრიალე და გავნათდი.
 მღვიმეში განძი მოვიძიე
 და დავრჩით იაგუნდებთან.
 თმაგაშლილს მშვენიოდა ტიარა.
 დროის ისარი ერთი მიმართულებით
 მიისწრაფოდა.

და მე დაგტოვე ნათელში,
 რომელიც გისახსოვრე სამუდამოდ.

დავადექი ლალებით
 მოკირწყლულ ბილიკს
 და მას მერე მოვდივარ შენგან:
 გზად ჯადოსნურ აკორდთ
 ლაბირინთი შემომხვდა
 შევედი და დავიკარგე სამუდამოდ.
 ასე დაკარგული ვაგრძელებ გზას
 შენგან ჩემკენ
 გაყინულ ხეთა სინატიფე და სიფაქიზე
 დავიმეგობრე, სინანულით დახუნძლული.
 მუსიკა თან მახლავს
 და სევდანი ჩიტების
 ტრელები და ფორშლაგები ეხმიანებიან
 უხილავი ორკესტრის
 უწყვეტ მელოდიას.
 სადღაც ბუბუტავს გარდასული მონატრება
 ლალატივით ისუსხება საყვედური
 და არ ვიცი სადაა ყურე
 სადაც ჩავუშვებ ლუზას.
 მივყვები სისხლისფერ ბილიკს
 ჩიტის გულივით მფრთხალი და ფრთხილი,
 რადგან შეყვარებული კაცის უბეში
 ხშირად მორიელი ბუდობს.
 სამუდამოდ დაიდო ბინა ჩემს თვალებში
 გაკვირვებამ.



ნათია ცხაკანია

ყალბი ღიმილის მიღმა,
 ჩემკენ მოზიდული მშვილდი
 მონამლული ისრით,
 რას უნდა ნიშნავდეს ნეტავ?
 მოვუყვები ბილიკს და
 ზევადად თავს მატყედება
 ყველა ტკივილი, შეცდომებით
 მოვარაყებულნი.
 არ ვიცი, სად და როდის მთავრდება
 სიზმარი, რომელიც ყველა მენყერს
 გადამალახვინებს:
 ვერ ვიჯერებ, რომ თვითონ
 გამოგიგონე. იმიტომაც ვერ გაგნებ
 არარსებულს,
 კამკამებს ფერჩალვრილი ტბა
 და ცრემლად იღვრებიან ჩელოები.
 ქათქათებს მყინვარწვერი
 და ვბრუნდები ჩემში
 მოვდივარ, მოვდივარ,
 გზა კი არ ილევა.

წვიმს

წვიმს, წვიმს, წვიმს,
 გაიხარა პატარა ტირიფმა
 დაიამა მონყურებული ფესვები.
 ფრთები გამალა
 ჩემი სევდის ლურჯმა ხომალდმა,
 შორს და მალლა მიმაფრენს
 უსასრულობაში.
 მიტოვებული ჩემი ბალი
 მექცა წალკოტად.
 შეუსაბამობაა თუ პირიქით.
 მე ვერ მოვიშალე ნათება,
 რადგან ბევრმა ძვირფასმა ადამიანმა

დამტოვა და დამიტოვა
 მოელვარე სხივთ წყარო,
 მენვივნენ სამოთხის ჩიტები,
 ამიხმიანეს ტკბილი ძილი
 ისე ხანმოკლე,
 ძილს ვერ დაარქვევ.
 წვიმად იღვრება ჩავლილი ამბები
 ფერად სპეკალთ დიადემად ასხმული
 ჩემი გონების უძირო კიდობანში
 ხანდახან მინდა
 ნანწავი მოვიკვეცო.
 რადგან ფრენისას მამძიმებს.
 და ვერ ვიძებნებ,
 ისე როგორც
 შენზე ფიქრებს ვერ ვიძებნებ,
 ვერ ვანდობ წვიმებს
 ნაკადულებად მოსდონ ქვეყანას,
 რარიგ მაკლიხარ,
 ფრთები გაშალა
 ჩემი სევდის უცხო ხომალდმა,
 წვიმს...

შაშვების ნადიმი, დილა და სარკმელი,
 სარკმელი, დილა და შაშვების ნადიმი.
 ზამთარი ცისფერი, თეთრი და ნათელი.
 რა სამწუხაროა, სხვა არ მაქვს სათქმელი.

ხურმა და ყურძენი, ხურმა და ჩიტები
 ყინვა და ფიფქები და მერე – ფიქრები,
 ნაძვები, ნაძვები, ნაძვები, ფიჭვები
 ჩამქრალი ბუხარი, უცეცხლოდ ვინწვები.

შაშვების ნადიმი, დილა და სარკმელი
 ერთი თამარია მზის სხივი ნათელი
 ჩემი მარგალიტი – ბნელეთში სანთელი
 გარეთ კი ფანტელი, ფანტელი, ფანტელი.

სურათი ალბომიდან

ნეტავ ეს რა ლაბირინთმა გადამკარგა,
 ვინ მიბოძებს, ზღაპარია! არიადნეს გორგალს,
 არითმია ჩემი არსის, გულს ედრება,
 არიმანი კვალდაკვალ მდევს – ბორგავს.
 ჩემი ბალის უჩინარი სამშვენისი,
 ქრიზანთემა, შემოდგომის ქრიზანთემა,
 მენატრება ფერის, თეთრი, ქრომატიზმი,
 ჩემი ყოფის რთული ფუგის სხივებრ თემა.
 ქიმერა თვლემს ჩვენი მოდგმის არსობაში,
 ქრიზანთემა, მომწუსხველი ქრიზანთემა,
 სიკეთე და ერთგულება – ალქიმია!

ამორძალთა ხვედრი – მკაცრი ანათემა.
 ნეტავ ეს რა ლაბირინთმა ჩამიხვდა,
 ვინ მიბოძებს, ზღაპარია! არიადნეს გორგალს,
 არითმია ჩემი არსის გულს ედრება,
 არიმანი კვალდაკვალ მდევს – ბორგავს.

ვარდის ფურცლებად დამრჩა

ჩამოიღვენთა ჩემი სანთელი,
 და ათინათი უწყალოდ ჩაქრა,
 ბინდიან ბალში
 შევრჩი მომღერალთ,
 გულმა გაშალა მგლისფერი აფრა.
 ისევ კამკამებს ცდომილი ცაში,
 თუმც არას შევთხოვ მიჯნურთა სასოს,
 შენ ვერ მიმიხვდი, გიშვებდი ჩემით,
 ფქვილს ვიტოვებდი, გატანდი ქატოს.
 ჩამოიკანრა სევდამ ლანცები,
 მთვარემ აკრიფა ხავერდთა კონა,
 შემოვიკეტე ალმასის კოშკი,
 ცრემლთ ავუკრძალე ამო სრბოლა.
 ვარდის ფურცლებად დამრჩა დღეები,
 მოგონებების სურნელით მთვრალი,
 ისე გიყვარდი, ისე მიყვარდი,
 ორივეს დაგვრჩა სანუთროს ვალი.

ქარო, იქროლე, აღზევდი,
 არ დაიშალო ქარობა,
 გადაუქროლე ტკივილებს
 ჩამორთმეული ქალობა
 იქნებ და როგორც გალობა
 შემოვირიგო წყალობად!
 წვიმავ იწვიმე, იწვიმე
 არ დაინანო ცრემლები
 მე გაზაფხულებს ველი და
 ფერებს და ბგერებს ვნებდები.
 სხვა ქარები და წვიმები
 იქნებ და აღარც მელიან,
 ჩელოები და არფები
 იქნებ გაყრისას მღერიან
 წვიმავ იწვიმე, იწვიმე,
 გულს გაჩენილი ღარები,
 სისხლად დაღვრილი ლალები
 გადავივინყო მინდა და
 დამიბრუნდება დარები.
 ქარო, იქროლე, აღზევდი,
 არ დაიშალო ქარობა,
 გადაუქროლე ტკივილებს
 ჩამორთმეული ქალობა,
 იქნებ და როგორც გალობა,
 შემოვირიგო წყალობად!

ჩემი ღაბღების დღე



ნათია მანია

ჩემი დაბადების დღე იმით დაიწყო, რომ უღაბღ-მაღესმა ოლია კუხიანიძემ ცნობილ მისამართზე გამიშვა...

არა, არ იფიქროთ, რომ უარი მითხრასავით, იმიტომ რომ გათხოვილია და რამე... არაფერი შემითავაზებია. და საერთოდ, ტრადიციული ორიენტაციის გოგო ვარ, სამწუხაროდ.

ოლიამ დაბადების დღე მომილოცა ფეისბუქით. რამდენიმე წუთით ადრე კი, სანამ ჩემი დაბადების დღე დადგებოდა, მისმა ქმარმა მაგინა კომენტარებში ოლიას პოლიტიკურ სტატუსს მითხრობდა. ოლიამ არც კი წაშალა ეს სიტყვები. მერე კი მომილოცა...

ჰოდა, ვუთხარი ოლიას:

– ოლია, შენ თუ გგონია, შენი მოლოცვა შენი ქმრის გინებას გადასწონის, ცდები-მეთქი.

გაბრაზდა ოლია და გამიშვა.

ასე საინტერესოდ დაიწყო ჩემი დაბადების დღე.

რანაირი დაბადების დღე არ მქონია. რა არ დებულა სუფრაზე: მქონია საცივი და ღვინო სულუგუნით, ფხალეულობა და სალათები, ნამცხვრები და ტორტები. მხოლოდ შემწვარი კარტოფილი და წყლით მოხელილი შაქარმოყრილი ბლინებიც მქონია უშუქობის ფონზე.

პირდაპირ დაბადების დღეზე გავუთავისუფლებივართ სამსახურიდან და არ მცოდნია. მცოდნია, რომ საჩუქარს მიმზადებდნენ და მერე ის საჩუქარი არ მიმიღია.

მარტო ერთი მეგობარიც მოსულა ჩემთან და ბევრი მეგობარიც ნათესავებითურთ. მთელი როკ-ჯგუფიც მყოფია დაბადების დღეზე. და ნამდვილ კომპოზიტორს ჩემთვის დაუკრავს და უმღერია კიდევ.

მაგრამ ასეთი დაბადების დღე ჯერ არ მასოსვს.

წელს რამდენიმე დღით ადრე გავაფრთხილე ახლობლები, რომ არ მედაბადებისდღეებოდა, არანაირი წვეულების გამართვას არ ვაპირებდი და არც სახლში ვიქნებოდი.

ღამით გამორთული მობილური არც დღისით

ჩამირთავს. დილიდანვე ვაპირებდი შინიდან გაპარვას, მაგრამ ორ საათამდე მეძინა. ავდექი დამუყავებული სიფათით და გამოვაცხადე, ნურავინ მომილოცავს და მიხსენებს დაბადების დღეს – ნერვები მეშლება-მეთქი.

ხალათით შევფართხუნდი სამზარეულოში. მაგიდაზე ტორტი დამხვდა კოლოფით. მოვავლე ხელი, გამოვალე მაცივრის კარი და ისე შევისროლე შიგ, რომ თარო ჩამოტყვა.

უგემურად ვისაუზმე და კბილების გასახეხად გასულს მესმოდა, როგორ ეჩურჩულებოდა დედა მამას: ხელახლა არ გამოიტანო ეგ ნამცხვარი, თორემ დაგვამსობს თავზეო.


დროზე უნდა გამეღწია სახლიდან... ვფიქრობდი, რა მეკეთებინა ამ ზამთარში გარე, ქუჩაში.

გადავწყვიტე, საღამოს „რუსთაველში“ წავსულიყავი და რამე მხიარული ფილმი მენახა. მანამდე კი ნაცნობი მწერლის საღამოზე მიმელო ერთ-ერთი გამომცემლობის მიპატიჟება.

მართალია, იმ მწერლის სულ სამი მოთხრობა თუ მექნება წაკითხული, მაგრამ ერთ დროს ჩემი თაყვანისმცემელი იყო და ხომ უნდა მცოდნოდა, რა დავკარგე!

ზღაზვნიტ ვიცვამდი. დამაგვიანდა. მწერალთან შეხვედრაზე ველარ მოვხვდებოდი. ორ კინოსეანს „რუსთაველში“ კი ჩემი ბიუჯეტი ვერ გასწვდებოდა. მაინც ჩავჯექი რუსთაველზე მიმავალ ტრანსპორტში და კინოს სახლთან ჩამოვედი – კინოს სახლში ბილეთი მხოლოდ ღარი ღირს.

დარბაზში ბნელოდა, რადგან ფილმი უკვე დაწყებული იყო. თითქმის არაფერი ჩანდა და ბევრი არ მიძებნია – თვალში მოხვედრილ პირველივე ცარიელ ადგილას დავჯექი, ბოლოდან



მეორე რიგში, სულ განაპირას. გვერდით, სკამ-გამოშვებით, ერთი გოგო მეჯდა. მერე მეორეც მოვიდა და შუაში ჩაგვიჯდა. როგორც ჩანს, დაქალები იყვნენ. შიგადაშიგ ნაიჭუჭუკებდნენ და ნაიფხუჭუნებდნენ ხოლმე.

ფილმი რალაცნაირად ბნელკადრებიანი იყო, ცოტა გაწელილი და მოსაწყენი. ნახევარი საათის მერე ხალხმა ადგომა და წასვლა დაიწყო. პირველ რიგში წყვილები ტოვებდნენ დარბაზს – ალბათ, მათი ჩვეულებრივი დღე უფრო ნათელი იყო, ვიდრე ფილმის დადგმული კადრები.

ცოტა ხანში ჩემ გვერდით მსხდომი დაქალებიც ადგნენ და გავიდნენ. სიბნელეს თვალი შევაჩვიე. უკვე კარგად ვხედავდი ადამიანთა სილუეტებს და უკეთესი ადგილი შევარჩიე. შუაში გადასვლა ჯობდა, თორემ კისერმოქცეულს მიწევდა ამერიკული ცხოვრების ყურება.

ჩემი რიგი თითქმის ცარიელი იყო შუა ადგილების ჩათვლით. ცოტა იქით იჯდა ვიღაც. გადავჩოჩდი, გადავჩოჩდი და მივუჩოჩდი. ახლა მთლად არ მივჩოჩებვარ – სამი სკამი გამოვტოვე (არ მინდოდა, დამერღვია უცხოს მყუდროება) და ზუსტად შუაში მოვხვდი.

იმ ვილაცას, როგორც ჩანს, სციოდა – სქელი ქურთუკის საყელო აენია და მარტო ცხვირი უჩანდა...

და უცებ დამცხა – მისი ცხვირი იყო! კი, კი, ნამდვილად ის ცხვირი იყო, რომელიც მუდამ პუშკინის პროფილს მაგონებდა. ქურთუკიც მისი იყო – დიდი და გაბერილი, რომელიც მთლიანად მალავდა პატრონის გამხდარ სხეულს.

და იქნებ არ იყო ის? იქნებ მე მხოლოდ ძალიან მინდოდა, რომ ეს ცხვირი, რომელიც მკვეთრად მოჩანდა მუქი ქურთუკის ფონზე, მისი ყოფილიყო? იქნებ ის მელანდებოდა, რაც მესიზმრებოდა? იქნებ ერთთვისანი მონატრებისა და დუმილის მერე უკვე მოჩვენებები დამენყო? არა, არ იქნებოდა ის...

არა, ის იყო. ვცდილობდი, თავმოუბრუნებლად გამეპარებინა თვალი და მალულად მეთვალყურებინა უცნობის ნაცნობი ნაკვთები. ამის დედაც! ძალიან ბნელოდა. ამ ფილმში კი იმდენად ცოტა იყო ნათელი კადრი, რომელიც მის პროფილს მიაშუქებდა და ჩემს ყოყმანს ბოლოს მოუღებდა.

არა, ის იყო. ის იყო, რადგან ჩემს სხეულში ისე ვრცელდებოდა წრიული ტალღები, როგორც წყალში ქვის ჩაგდებისას. სადღაც ჭიპთან ჩნდებოდნენ ტალღები და კიდურებისკენ მიემართებოდნენ...

მერე კი მუცელში მორევი დატრიალდა.

თავი მოვაბრუნე და ისე შევხედე. ისიც მიყურებდა და რომ შევხედე, მიტრიალდა. გამელიმა და თავი დავხარე. ტუჩებს ძლივს ვუყრიდი თავს, ენას კბილს ვაჭერდი, მაგრამ რალაცნაირი, ყოვლისმომცველი და გიჟური სიხარული გარეთ ცდილობდა გამოლწევას. მე შებორკილი მყავდა, ვახრჩობდი და გარეთ არ ვუშვებდი. ვიჯექი გაუნძრევლად. მერე ისევ მივატრიალე თავი და შევხედე.

მიყურებდა. ჯერ სერიოზულად და დაკვირვებით მიცქერდა, მერე კი მასაც ძლივს შესამჩნევად

გაელიმა. თვალის დახამხამებაში დავეფარე ჩვენი გამყოფი ორსკამიანი მანძილი, გვერდით სახარხარად ქელში ჩავესვენე და ცხვირი მის კისერში ჩავერგე. კი, ნამდვილად ის იყო და კისერს ისევ იმ სუნამოს სუნი ასდიოდა.

.....
– აქ რა გინდა, სუფრაზე არ უნდა იჯდე ახლა? შენს დაბადების დღეზე?

– შენ რა გინდა აქ, გაკვეთილი არ უნდა გქონდეს?

– ადრე ჩავატარე გაკვეთილები.

– არ გადამიხდია დაბადების დღე. არ მინდოდა. სახლიდან წამოვედი. ხალხს ვემალები.

– გიჟი ხარ შენ!

.....

– მოდი, წავიდეთ.

– რატომ? ვიყოთ.

– მოგნონს?

– არც მაინცდამაინც, მაგრამ ბარემ ბოლომდე ვუყუროთ, მალე დამთავრდება.

– შენ რა იცი?

– ვიცი, ხო გაათავისუფლეს უკვე, ან რაღა უნდა მოხდეს?

– არა, ჯერ უნდა მოკლან. გავიდეთ, მე მანამდეც ვაპირებდი გასვლას, მაგრამ დაგინახე და რომ ავმდგარიყავი, იფიქრებდი, რომ შენ გამო მივდივარ და დავრჩი.

– კარგი, გავიდეთ. და სად წავიდეთ?

– რა ვი, აღვნიშნოთ სადმე შენი დაბადების დღე.

.....

– რა იფიქრე, როცა შემამჩნიე?

– ჯერ ვერაფერი ვიფიქრე, შოკში ვიყავი. ნეტა აქ როგორ მოხვდა-მეთქი. კინოში რომ ვაპირებდი წასვლას, მარტო გიორგიმ იცოდა. ვფიქრობდი, დავიჯერო, ნათია გიორგის დაურეკავდა და ჩემს ამბავს ჰკითხავდა-მეთქი? ამიტომ უარყვავი ეს ვარაუდი. ძალიან გაკვირვებული ვიყავი... შენ?

– მე ძალიან გამიხარდა და თავს ვიკავებდი, რომ არ გამმლიმებოდა. ტუჩებს ვკუმავდი – აი ასე!

– ეს შენ გგონია, რომ თავს იკავებდი, თორემ სინამდვილეში ყველა კბილი გიჩანდა.

– ცუდო!

– კარგი, გეხუმრები. არაფერი ვჭამოთ ხინკლების გარდა?

– არა. ხომ იცი, შენთან არასდროს მშია... მომწონს ეს სიმღერა.

– აბა ვინ მღერის?

– ჯო დასენი. დებილი რატომ გგონივარ ხოლმე? ბავშვობაში ვუსმენდი.

– შენ თვითონ გითქვამს, მუსიკა არ მიყვარსო. ავდგეთ ახლა, სანამ ბონიემი ჩაურთავთ.

– რა უჭირს ბონიემს? თუმცა წავიდეთ...

.....

– არა, მაინც ვინ გამიჩალიჩა ეს ამბავი?

– ამან (ქაშუეთის თეთრი გუმბათისკენ გავიქნიე თავი). ვირწმუნოთ?

– მე არასდროს ვყოფილვარ ურწმუნო, ეკლესიური არ ვარ თორე...

შევხედე. ურწმუნო არ ყოფილა თურმე. არადა მეორე პაემანზე მიხრა, ჯვრისწერა არ გვექნება, რადგან ათვისტი ვარო.

– ასეთი დამთხვევები უბრალოდ არ ხდება. ეს იმას ნიშნავს, რომ მე შენი ბედი ვარ. უნდა აღიარო!

– არა, მაინც ვინ გამიჩალიჩა ეს ამბავი?

ჩახუტებულები ვისხედით თეთრად განათებულ ქაშუეთის უკან და მე ვფიქრობდი, რომ სასწაულები მართლაც ხდება ხანდახან. დაბადების დღეებზე მაინც.

...ეს დაბადების დღე კი იმით დაიწყო, რომ ულამაზესმა ოლია კუხიანიძემ ცნობილ მისამართზე გამიშვა...

არავინ

2013 წლის 7 ივლისს, 22:29-ზე, ლაშა ლამაზი გოგოს გვერდით დაჯდა მატარებელში.

გოგო სახითაც ლამაზი იყო და მშვენიერი ტანიც ჰქონდა.

ტანი ლაშამ მაშინ შეუთვალე, როცა გოგო დგებოდა და ფანჯრიდან ყრიდა ნაგავს. უკანასკნელი საქციელის გამო მაინცდამაინც ზრდილობიანი არ ეთქმოდა, მაგრამ ლაშას ამისთვის არ მიუტყვევია ყურადღება.

სამაგიეროდ, ყურადღება მიაქცია იმას, რომ გოგო არავის არ უყურებდა და არ აქცევდა ყურადღებას – სრულებით არავის. ხან ფანჯარაში იყურებოდა, ხან – სადღაც მიღმა, ხან კი აკაკი წერეთლის პოზაში გაირინდებოდა ხოლმე.

ლაშა გოგოს უყურებდა ყურადღებით.

მცხეთას რომ უახლოვდებოდნენ, ლაშამ რვეული ამოიღო და ლექსის წერა დაიწყო.

ლექსი გოგოზე იყო. იმაზე, თუ როგორი ლამაზი იყო, იმაზე, რომ არავის არ უყურებდა და იმაზე, რომ ლაშა ფიქრობდა გოგოზე და ფიქრობდა იმაზე, თუ რა ანუხებდა და რა სადარდებელი ჰქონდა გოგოს.

ლაშამ მარცვლები დათვალა – თანაბარი იყო. რითმასაც არა უშავდა – ორმარცვლიანს. უცებ გადაათეთრა ლექსი, ამოხია ფურცელი და ბევრჯერ-ბევრჯერ გაკეცა.

დიდუბეში, ჩასვლის წინ, ეს ბევრჯერ-ბევრჯერ დაკეცილი ქალაღი გოგოს ჩანთაში ჩაუკუჭა და უთხრა:

– ეს ლექსია. თქვენზეა. წაიკითხეთ. არ გადაადგოთ!

გოგომ შეხედა ლაშას. სხვებმაც შეხედეს. ლაშამ სწრაფად გაიარა ვაგონი – ლანძღვისა და ყვირილის მოსმენა არ უნდოდა. ზოგიერთი გოგო ხომ ილანძღება და ყვირის. გოგოებს რას გაუგებ.

ჩასვლისას ცოტათი შეყოვნდა – ჩასასვლელთან რიგი იყო. მზის სათვალე გაიკეთა. მერე ჩავიდა და, რა თქმა უნდა, ვაგონს გამოუარა.

იმ ფანჯარას რომ მიუახლოვდა, რომლის მიღმაც გოგო უნდა მჯდარიყო, კაკუნი გაიგონა.

ლაშამ აიხედა. გოგო ხელებით და სახით მოყრდნობოდა მინას.

გოგო აინია, თავი გამოყო ფანჯრიდან და დაუძახა:

– ვინა ხარ?

უცებ კადრები შენელდა (ლაშას კინოში ეგონა თავი).

მოიხსნა სათვალე, თავი გადაიქნია და საკუთარი თავისთვისაც მოულოდნელად შესძახა:

– არავინ!

გაისწორა ჩამოცურებული ზურგჩანთა და გზა გააგრძელა.

მერე მთელი დღე დადიოდა და მეგობრებთან ბუზღუნებდა:

– არა, რა, რამ მათქმევინა მაინც ეს „არავინ“?

რამ მათქმევინა?! მაგრამ კინოში მეგონა თავი და...

ლექსს გვარი მოვანერე.

ყოველთვის ვანერ გვარს ჩემს ლექსებს.

სახელი არ მიმინერია, მაგრამ იცის სახელი.

მობილურზე ვლაპარაკობდი და ვისაც დავურეკე, იმას ვუთხარი – ლაშა ვარ-მეთქი.

დამიმახსოვრებდა?

დამიმახსოვრებდა ჩემს სახელს?

მომძებნის?

ჰა, მომძებნის?

არა, რამ მათქმევინა მაინც ეს „არავინ“, ა?

ამბავი გაცოცხლებული ჩიცისა

სკოლაში როცა ვსწავლობდი, ხშირად დევებოდი ხოლმე ერთ ბედნიერ ამბავს, პატარაობისას რომ შემემთხვა სამეგრელოში.

ხომ გვაქვს ყველას ჩვენ-ჩვენი სასწაულებრივი ამბები? ჰოდა, ეს ჩემი ერთ-ერთი უსაყვარლესი ისტორია იყო. მოგიყვებით ახლა თქვენც.

პატარა რომ ვიყავი, ერთ ზამთარს საჩინოში დიდი თოვლი მოვიდა და დიდი სიცივეები დაიჭირა. დიდებს მუხლამდე სწვდებოდა და მე – ნელამდე. მეგრული ყინვა ხუმრობა არ გეგონოთ – ძვალ-რბილში ატანს ხოლმე. ჰოდა, გარეთ დიდხანს არ მტოვებდნენ, მთელი დღეები აგუგუნებულ ბუხართან ვიჯექი და შეშას მაშით ვუჩუჩხურებდი. ვიჯექი, აღმოდებულ კუნძებსა და მორებს ნაპერწკლებს ვაყრევინებდი და ამით ვერთობოდი.

ერთ დღესაც, როცა ბებიამ შეშის კონა შემოიტანა, სანამ კარს მიხურავდა, ოთახში ყინვისგან

თავგზააბნეული პატარა ჩიტი შემოფრინდა. ავტეხე ერთი ამბავი: არიქა, ჩიტი-ჩიტი-მეთქი!

გამოენთო მოხუცი და ახალგაზრდა და დამიჭირეს ეს ჩიტი. მომცეს ხელში. ვეფერე და ვეფერე.

დედაჩემის ბიცოლამ მითხრა: თუ გინდა, ეს ბარტყი სახლში დაიტოვო, ფეხზე ძაფი უნდა გამოაბაო.

არა და არა, ცოდვანა-მეთქი, – არ ვქენი არასდღედით.

გავუშვი ხელი. გაფრინდა ჩიტი. მიაწყდა ერთ ფანჯარას, მიაწყდა მეორე ფანჯარას, აფრთხილდა თავრეტდასხმული, გამოფრთხილდა უკან და ეგრევე აგუზგუზებულ ბუხარში შევარდა, პირდაპირ წითელ ნაკვერჩხლებში შესახრუკად. შეტრუსვის ხმაც კი გაუშვა ასეთი: ფშშშშშშ. ისეც პატარა, ერთ წამში კიდევ უფრო შეიკუმშა და დაპატარავდა ჩემს თვალწინ ნალვერდლის სინითლეში. სანამ ალი მოედებოდა, დედამ სტაცა ხელი მამას და ცეცხლს გამოჰგლიჯა ბედშავი ბარტყი. მერე გარეთ გაიტანა და თოვლზე დადო.

თავადაც ბარტყი ვიყავი და სიკვდილისა ბევრი არაფერი ვიცოდი, მაგრამ გუმანით მივხვდი მაშინვე, რაღაც ცუდი და გამოუსწორებელი რამ რომ ხდებოდა. ავტეხე ზღუქუნი. ვტიროდი და ვტიროდი, ვიმდულრებოდი, ვიკლავდი თავს. იმასაც ვხვდებოდი, ჩემი ბრალი რომ იყო ეს ყველაფერი. რომ არ დაეჭირათ ჩემთვის, სახლში რომ არ დამეტოვებინა, ან დედაჩემის ბიცოლასთვის რომ დამეჯერებინა და ძაფი მაინც რომ შემეება ფეხზე, ჩიტი ბუხარში არ შევარდებოდა.

მეცოდებოდა და იმიტომ ვტიროდი, სინდისი მქენჯნიდა და იმიტომაც ვტიროდი. ერთი წლის დასახარჯი ცრემლი ერთ დღეში დავხარჯე. დავინითლე თვალები უბედურად, ვედარაფერს ვხედავდი გარშემო.

ამ დროს დედამ დამიძახა გარედან: ნათია,

მოდით აქო! მოდი, მოდი, რაღაც უნდა გითხრაო!

მოდი, გოგო, მოდი ჩქარაო. ბარტყი დედა ჩიტმა წაიყვანაო.

გამოვბარტყუნდი გარეთ. თოვლის სითეთრემ თვალი მომჭრა და მატკინა.

აი, აქ დავსვი შენი ჩიტიო, მითხრა დედამ. მოსულიერდა ყინვაშიო. მერე მოფრინდა დედა ჩიტი, შეისვა მხარზე და გაფრინდაო.

მართლა აღარსად იყო პატარა ჩიტი. მარტო პატარა ნაჩიტარი კვალი მოჩანდა თოვლზე. გამიხარდა მე. გამიშრა ცრემლები.

გავიდა ბევრი-ბევრი წელი და ეს ამბავი სულ მახსოვდა: როგორ გადარჩა დამწვარი ბარტყი და როგორ წაიყვანა დედა ჩიტმა. ვყვებოდი და ვყვებოდი სულ ამ ამბავს. ეზოშიც მომიყოლია, სკოლაშიც, გზაშიც. ერთხელ სახლში ვუყვებოდი ვიღაცას და დედა მიგდებდა თურმე ყურს. დიდი ვიყავი უკვე, ბიჭებს ვუფუფუნებდი თვალებს.

რა შტერი მყავხარ, დედაო, ახლაც გჯერა ამ ამბისო?

რა-მეთქი?! – ჩამივარდა ენა.

დედა, რა გაცოცხლებდა იმ დამწვარ ჩიტს, ერთიანად იყო შეხრუკულიო. რომ გავიტანე გარეთ, ცოტა ხანში ავდექი და ჩავმარხე იქვე, თოვლში და დაგიძახე, რა მექნა აბა, კინალამ გაგისკდა გული და რამეთი ხომ უნდა დამეწყნარებინეო.

მაშინ არ ვიცი, გამისკდებოდა თუ არა გული, მაგრამ დედაჩემის ამ სიტყვებზე კი ჩამეთუთქა. თოვლის ბაბუას არსებობა არ დამიჯერებია არასდროს და ღმერთის არ მწამებია, ერთი ის მწამდა, რომ ჩემი სისულელის გამო დამწვარი ჩიტი გადარჩა და გაფრინდა და ეგეც არ შემარჩინეს.

რა იქნებოდა, მერეც არ ეთქვა ჩემთვის სიმართლე და ბოლომდე მჯერებოდა ჩემი პატარა გაცოცხლებული ჩიტის ამბავი.





რედაქციამ შეაჯამა მარტში ჩატარებული კონკურსის შედეგები.
წარმოგიდგინთ გამოსაქვეყნებლად შერჩეულ მოთხრობებს.

ჩიცებთან მოღაჯრავე

ნი(კა)კო(ი)

ბერდედას დღესაც ვერ უპატივბია თავისთვის ის სიტყვები, მაშინ უმამოდ გაზრდილ თავის ერთადერთ ქალიშვილს მზევინარს რო აკადრა:

– მწერელტყვეო1! რაის მაქნისი ხარ, არაფრის გამკეთე. ჩიტთ ენაის სწავლა რაში გამაგადგების? ბაღლ ხო აღარ ხარ, საქმე რო ვერ გაიგ? ნეტა სრუთ არ გამჩენიყავ, უხელთურო2!

...სამი წლისა იყო მზევინარი, ჩიტი რო ნახა პირველად. დილით შუკუმიდან3 შემოსული მზის სხივი თვალეზე მიელამუნა, გააღვიძა. დედა გომურში იყო საქონელთან, გარედან კი რაღაცის წინინი ისმოდა.

მზევინარი ლოგინიდან გადმობობლდა, კართან მიფორთხდა, გამოალო და ბანის კუთხეში ბარტყი შენიშნა. ფრინველი საბრალოლად წრიპინებდა.

მზევინარი ბარტყთან მიფორთხდა და ის იყო, ხელი წაატანა, რომ საიდანღაც დედა ჩიტი მოფრინდა, მზევინარს დაასწრო, ბარტყს დასწვდა და მალლა აიტაცა. დედა-შვილი იქვე, ქაზდარზე4 ჩამოჯდა და ჟღურტული ატეხა.

სანამ დედამ არ მოაკითხა, მზევინარი მათ ხშიანობას უგდებდა ყურს. ის დღე იყო და ჩიტების ჟღურტულისთვის რომ არ მოესმინა, ვეღარ ძლებდა. რომ წამოიზარდა, უფრო და უფრო დიდხანს უგდებდა ყურს ჩიტთა გალობას.

ცამეტი წლისას ფრინველთა ენა უკვე კარგად „ესმოდა“ – ერთმანეთისგან შეუსდომლად არჩევდა შაშვის, ჩხიკვის, ჩიგოლიას, პრანწიას, ურნატას თუ მწყრის „ენას“, თვითონაც ბაძავდა, გამოსდიოდა კიდეც, და საქონლის მწყემსობისას საათობით „ესაუბრებოდა“ ფრინველებს.

დედა კი... ბერდედა სულ ამას უშლიდა. უძრახავდა საქციელს, ხანაც თათხავდა, ქვეჯანსან და სამინეს ეძახდა თავმომწონე გოგოს.

იმ დილასაც ისეთი სიტყვები აკადრა, რომ...

მზევინარი ბილიკს თავქვე დაუყვა. დაბლა არავი მიხშიანობდა და შემოდგომით, საითაც ჩიტები მიფრინავდნენ, ისიც იმ მხარეს მიედინებოდა.

მზევინარმაც იქითკენ აილო გეზი.

ბერდედა დაღამებამდე ეძებდა შვილს, ეძახდა, ემუდარებოდა, დაბრუნებულიყო, ბოლოს იაზრა: მზევინარი გამოსაზამთრებლად გაფრენილ ჩიტებს გაჰყვებოდაო უთუოდ... და დამუნჯდა.

მას შემდეგ სამი წელი გავიდა, სამი უგრძესი წელიწადი...

მას შემდეგ სამი წელი გავიდა, სამი უგრძესი წელიწადი... ჭყაპი თოვლს მისდევდა და ქარი – ხვატს, ნიკოს ყოველდღიურობის ყველაზე საპასუხისმგებლო საქმიანობა კი მზესუმზირას ჩენჩოთი სასვე თეფშის A პუნქტიდან B პუნქტამდე გადატანა იყო მთელი ამ ხნის განმავლობაში.

ჰო, ასე იწყებოდა მისი დღე. ინათებდა თუ არა, ნიკო ლოგინიდან წამოხტებოდა და თავის ნოუთბუქს მიუსკუპდებოდა, სადაც, რაღა თქმა უნდა, უკვე ელოდა დანოლამდე მომზადებული მოხალული მზესუმზირა და ჩაცხელთერმოსებული ყავა. ფეისბუქ ექაუნთის ფაციფუცით შემონმების შემდეგ ნიკო ეძებდა ფილმს და რამდენიმე ლილაკზე რამდენიმე დანკაპუნებით ნეტარებაში იძირებოდა. აკნან უნებდა, წრუპავდა და მთვარისხელა გუგებით შესცქეროდა მონიტორს. მთავარი იყო, ფანჯრისკენ არ გაპარვოდა თვალი.

ერთხელ, როცა ნიკო რომელიღაც თამაშის დისკს ეძებდა, თაროდან რვეულები გადმოცვივდა და ერთიდან შემოდგომის ჩაჰერბარიუმებული ყვითელი ოცნება გადმოვარდა. სისხლმა – ჩქეფას, გულმა – ფეთქვას, ნერვმა ტოკვას უმატა! რა ლამაზი იყო, ის ოხერი. ნაკადულივით ანცი და ვარსკვლავივით ციმციმაო, იტყოდნენ მასზე მოხუცი პოეტები. ქერა, თითქმის გამჭვირვალე თმით და საყვარელი ტუჩისკუთხა ღიმილით. გაურკვეველფერა თვალებით. ჰაერი იყო, ტანგო იყო, წითელი ღვინო და მწვანე თვლემა. ნიკოსი იყო და „სთან“ და „სთვის“ და... დამთავრდა. ჰეჰ, მაინც დამთავრდა! იგიჟმაჟა ალივით და მინავლდა, მინაკვერჩხლდა, ქარს გაჰყვა შემოდგომის ყვითელ ოცნებასავით.

გამოფხიზლდა და სარკეში საკუთარ გამომეტყველებას შეეფეთა. პირდაფრენილ თევზს ჰგავდა, მინაზე სულთმობრძავს.

ჰაჰა! – შესცინა მტვრიან ანარეკლს, „ჩენჩოთეფშა“ აილო და ფრთხილი ნაბიჯით გაუყვა გრძელ დერეფანს B პუნქტამდე.

დოდო ბაკურაძე

1. მწერელტყვე – სულელი
2. უხელთური – დაუმორჩილებელი, გიჟი
3. შუკუმი – მცირე სარკმელი
4. ქაზდარი – ხევსურული ბანიანი სახლის სახურავი
5. ქვეჯანი – ჯიუტი

მგელი

მას შემდეგ სამი წელი გავიდა, სამი უგრძესი წელიწადი... მაგრამ მე გუშინდელივით მახსოვს იმ ღამის იდუმალი სუსხი, სველი ხეების შრიალი, სარეკლამო აბრების შუქი და ავტობუსი, რომელშიც მეგობართან ერთად ავედი. პირველი გარდასახვა სწორედ იმ წუთებში მოხდა, საუბრით გართული, ბილეთის აღებას რომ ვაპირებდი ბარათით... არა-ამქვეყნიურმა სიმხურვალემ შიგნიდან დამწვა. ვიგრძენი, რომ ვიცვლებოდი... მეგობრის თვალებში დანახული შიში ჩემს გარეგნობაში გაჩენილ ცვლილებებს ირეკლავდა. ტკივილმა ძირს დამაგდო, დავიკრუნჩხე და არაადამიანური ძალის მოზღვაებას წამლეკა... ახლაც ჩამესმის მგზავრთა განწირული კივილი, ცოცხლდებიან შიშისგან შეშლილი სახეები... მეგობარი ბასრი ეშვებით დავეფლითე და როგორც სისხლიან ბადეში, ისე გავივლართე კოშმარულ ქაოსში. დაცარიელებული ავტობუსის ფანჯარა ხმაურით გავამტვრიე და ასფალტს თათები რომ მივანვდინე, გავიგონე, როგორ მესროლეს... გავიქეცი. ბენჯში ტკივილი ჟონავდა, მაგრამ გავრბოდი...

ბოლოს უკაცრიელ სიჩუმეში ჩავიძირე. თვალი რომ გავახილე, ტყის გრილი ნიავი ეფერებოდა ჩემს დაკანრულ, შიშველ სხეულს. კვლავ ადამიანი ვიყავი... ნატყვიარი მდინარის წყლით მოვიბანე...

ახლა საწოლში ვწევარ, უხმოდ ვათვალე-რებ დაბზარულ ჭერს, რომელზეც ღამის სიჩუმე თვლემს და საკუთარ „მე“-ს ვეძებ. ვინ ვარ მე? ადამიანი თუ მხეცი? იქნებ ორივე ერთად? მიჭირს გავერკვე, რომელში მეტია სისასტიკე – ადამიანში თუ ცხოველში.

– შენ მგელი ხარ და ველარაფერს შეცვლი! – ახლოდან ჩამესმის იმ მეგობრის ჩურჩული, სამი წლის წინ რომ დავგლიჯე ავტობუსში.
მაღე გათენდება...

გიორგი დოლიძე

იყო და არა იყო რა...

მას შემდეგ სამი წელი გავიდა, სამი უგრძესი წელიწადი, ის კი ისევ მიდიოდა და გაიძახოდა: მუჭანახევარი, მუჭანახევარიო. შემოხვდა მგელი. ჩემი ცხვრები არ გინახავსო? არა, ჩემმა მზემას! აბა, კბილები დაკრიჭეო! ჰქონდა ჩიჩია. მისცხო და მისცხო კომბლემ კომბალი, ვიდრე პირიდან ნითელქუდა არ ამოაგდებინა. დაჯდა გოგონა და ატირდა: დედინაცვალმა სახლიდან გამომაგდოო! ჩქარა, შემაჯექი ზურგზე და გავიქცეთო! მირბის ნიქარა, მთარბენინებს მეგობარს. მიადგნენ ქოხს. დედაბერმა გამოსძახა: შვილო, სახლი დამიგავეო. შენ რომ ჩემთვის წინილა არ მოგიყვანიო? რწყილი ახტა, დახტა და მივიდა კრუხთან. კრუხმა მისცა ნახევარწინილა. წამოვიდნენ ერთად. შემოხვდათ მამალი. გვრიტო, გვრიტო, სად მიდიხარო? ჩემი შვილების გამოსახსნელადო. მეც შენი მშველელი ვიქნებო. გაჰყვა მამალიც. მიადგნენ მინდორს. ამოუშვა ნახევარქათამამ ზღვა. მოვიდა მეზადური. დაიჭირა თევზი. უცებ თევზმა ენა ამოიღა: გამიშვი და ბედსა გწევო. გადააგდო წყალში. მოიხედა და – ბროლის სასახლე არ წამოჭიმულა?! შევიდა. ხედავს, სულ ოქროსფრად ლაპლაპებს ყველაფერი. ბუხართან კაცი მიმჯდარა და ნაცარს ქექავს. მიუსხდნენ სუფრას. შუა ჭამაში რომ იყვნენ, დევმა დააცემინა. როგორ გაბედე ჩემთან დაცემინებო? – ჩამოსძახა ნაცარქექიამ. აიხედა დევმა და რას ხედავს: ხის კენწეროზე კოკროჭინა შემოძვდარა, აუვსია უბე ვაშლით. დაუშინა კოკროჭინამ დედაბერს ვაშლები. დედაბერმა ასძახა: თუ შნო გაქვს, შენი და-ძმები ასთავიანი დევისგან გამოიხსენიო! წავიდა ასფურცელა და-ძმის საძებნელად. ცხრა მთა გადაიარა, იქ კი კაცი მიდიოდა და გაიძახოდა: მუჭანახევარი, მუჭანახევარიო!

მას შემდეგ სამი გრძელი წელიწადი გავიდა, ან იქნებ სამასი, ან, სულაც, სამი ათასი, ყველაფერი კი ისევ ისეა:

- ჭირი – ისევ იქა,
- ლხინი – ისევ აქა,
- ქატო – ისევ იქა,
- ფქვილი – ისევ აქა!..

ირმა იაკობიშვილი

შევხვლები მარსს!

მას შემდეგ სამი წელი გავიდა, სამი უგრძესი წელიწადი. ჩემს სიცოცხლეში პირველად მოვიქეცი გულწრფელად და ყველა მათგანმა სულელად ჩამთვალა; თუმცა „სიყვარულით“, მაგრამ მაინც დამცინოდნენ.

მთელი არსებით ვგრძნობდი თითოეულ ბაგეზე გამსკდარ ღიმილს, სხივს დაცინვისას.

არაფერი მაკავშირებს, შორს ვდგავარ მათგან... მარტო დავაბიჯებ და ვთელავ დედამიწას.

მე უბრალოდ ვთქვი: „ზეგ გავფრინდები მარსზე“. ჩემი სიტყვები მთელ სუფრას მოედო. მესმოდა, როგორ იმეორებდნენ უცნობი ბაგეები ოცნებას, რომელსაც წამის წინ მხოლოდ მე ვფლობდი.

საყვარელი ქალიც დამცინოდა. ისიც სხვებივით მოექცა ბავშვობიდან გამოყოფილ არდავიწყებულ ნატვრას. „სხვას რა მოვთხოვო... ახლა ისიც სხვაა...“

მხიარულობდნენ ადამიანები ირგვლივ, სადღეგრძელოები არ ილეოდა. ვგრძნობდი, აქ აღარ გამეჩერებოდა. „მე გავფრინდები მარსზე!“ – მინდოდა მეყვირა, პირში მიმეხალა ყველასათვის, მაგრამ არ ღირდა. გაქცეულ სიტყვას აზრს ვერ შეეძენდი და ვერც სხვის თვალში შევიცვლებოდი – მე ხომ ვიყავი კაცი, რომელმაც ამ საღამოს ბევრი დალია...

გამოვიხურე კარი და გამოვედი. ფეხდაფეხ მომყვებოდა ის. არ ვიცი, რას გრძნობდა. ხელი მომკიდა... მივუბრუნდი და მთელი არსებით ვუყვირე: „მე მივფრინავ მარსზე და ველარ მნახავ!“

არ ღირდა იმ ქალთან ცხოვრება, რომელსაც არ სწამდა შეუძლებელის არსებობა...

სამი წელი გავიდა მას შემდეგ, რაც ჩალაგებულ ჩემოდნით ველი, როდის გავფრინდები... და შევხვდები მარსს, რომელსაც მოვუყვები, არავის რომ არ სჯეროდა ჩემი ოცნების ასრულების. მარსი კი, თავის მხრივ, დედამიწას გადმოსძახებს: „მიეცით ადამიანებს ოცნების უფლება!..“

მარიამ ჯინჯინაძე

გოლგოთა

მას შემდეგ სამი წელი გავიდა, სამი უგრძესი წელიწადი...

გადაჩვეოდა ლაპარაკს, ცოტას ჭამდა, ხან სულაც ავიწყდებოდა; გამუდმებით რაღაც სტკიოდა – ისე ძალიან, თითქოს სული ეწვოდა.

ოღონდ ეს იყო – ტირილი არ შეეძლო.

ბოლმა ახრჩობდა და მაინც ვერ ტიროდა,

ისე, სულ უბრალოდ წაილილინა, მერე ხმას აუნია, მერე გიჟივით გაეცინა თავის სიტყვებზე, კარგა ხანს იცინოდა, სანამ ასეთმა მხიარულებამ თვალები არ მოუწყლიანა საბოლოოდ.

„გოლგოთისკენ მიმავალ ქარო...“ – თავისთვის ღილინებდა.

– უსაქმური, უსაქმური, – მიადევნა მეზობელმა კიბეზე ჩასვლისას, აი, იმ მეზობელმა, მუდამ თავი რომ ჰქონდა წაკრული და, ოთხად მოკეცილი, დილაობით მხიარულად ანიოკებდა ეზოს.

გაელიმა, მხრები აიჩეჩა. მიხვდა, დილიდანვე დაითარსა – კიდეც არაფერს დაუბეჭდავდნენ. არადა სამი წელი გავიდა... ხომ ცდილობდა, ხომ წერდა, ხელეები უკვე სტკიოდა, თითქოს ლურსმნებს აჭედებნო.

„გოლგოთიდან სამოთხისკენ მიმავალ ქარო...“ – კვლავ უცნაურად აეკვიბათა. არადა არ სწამდა სამოთხის.

მხოლოდ ყორნების ჩხავილი აფრთხობდა.

– ისეთი ანურული დადიოდა ხოლმე, მორიდებით, – იხსენებდა კიდეც სამი წლის შემდეგ თავნაკრული მეზობელი, ოღონდ ამჯერად წელში ამაცად გამართულიყო, რამდენადაც შეეძლო, და თვალებს ისრესდა ხელსახოცით, – ისეთი სათნო... უწყინარი... არა, განა არ ეტყობოდა, ასეთ წიგნებს თუ დანერდა... ყველა მაგაზე მეკითხება, ჩემი მეზობელი იყო, ჩემი... აქ გაიზარდა, ჩემ ხელში... რაო?! ვინ გითხრათ, ბატონო, მაგის მშობლებსაც კი ვიცნობდი, მაშ!

ადგილი კი ძვირი დაუჯდათ საფლავისთვის, მაგრამ მაინც დიდი ზარ-ზეიმით მიაბარეს მიწას და დღესაც ხომ ნაირ-ნაირ იუბილეს უხდინა, აი, ისეთს, ჩიტის რძეც რომ არ აკლია სუფრას.

აბა, მართლა გოლგოთაზე რა უნდოდა ამ ერთი ციდა კაცს?!


მარიამ გიგაშვილი



ი. ს. ს.-ს

დაკარგული პროფილი

დასასრული. დასაწყისი იხ.
„ლიტერატურული პალიტრა“, №3, 2014 წ.



ფრანსუაზ საბანი

მეორე დილას კლინიკაში მისვლამდე შევიარე ედვარდ ჰუპერის, ამერიკელი მხატვრის, გამოფენაზე, რომლის მიმართაც განსაკუთრებულ სიმპათიას ვგრძნობ. მთელი საათი ვიოცნებე ეული გმირებით დასახლებული მელანქოლიური ტილოების წინ. განსაკუთრებით დიდხანს შევჩერდი „ზღვის დარაჯების“ წინაშე. ქალი და კაცი სხედან გვერდიგვერდ. თვალში საცემია მათი სრული განრიდებულობა, განდგომილება. კუბის ფორმის სახლის წინ სხედან და ზღვას გასცქერიან. მომეჩვენა, რომ ეს სურათი ჩემი და ალანის ცხოვრების შეუზრალელებელი პროექცია იყო.

პირი გაეპარსა. ნორმალური სახის ფერი ნელ-ნელა უბრუნდებოდა. გაქრობოდა დაბნეული და მავედრებელი გამომეტყველება. სხვა გამოსხედავ პქონდა, ასეთი ნაცნობი – უნდო და ბოროტი. დაჯდომა ძლივს მოვასწარი:

– მამ, სახლიდან წამოხვედი და იულიუს ა. კრამის დაჯავშნილ ნომერში ცხოვრობ? ის რა, შენთან ერთად ჩამოვიდა?

– არა, თავისი ნომერი დამითმო და რაკი მე და დედაშენი, როგორც იცი, ცუდად ვენყობით ერთმანეთს...

არ დამამთავრებინა. ლოყები აუწითლდა, თვალები აენტო.

ისევ შევნიშნე ნალვლიანად, როგორ ალამაზებდა ეჭვიანობა. არსებობს – გაცილებით მეტი, ვიდრე ჰგონიათ – უცნაური ჯიშის ხალხი, წონასწორობას მხოლოდ ბრძოლაში რომ მოიპოვებენ.

– მე სულელს კი მეგონა, საგანგებოდ ჩემს სანახავად ჩამოხვედი. აი, ის კი გიჟი არ არის, რომ ორ დღეზე მეტხანს დაგტოვოს მარტო. როდის ჩამოდის?

წონასწორობიდან გამომიყვანა. ვერ ვიტანდი მის ინტუიციას, ერთსა და იმავე დროს სწორიც რომ იყო და მცდარიც. ისევ იმ გამოუვალ მდგომარეობაში აღმოვჩნდი, გამუდმებით რომ ვიყავი

ჩვენი ცოლქმრობისას: ყოველთვის ეჭვქვეშ და ყოველთვის დამნაშავე. ვეცაღე მეზუმრა. ჰუპერზე მოვუყევი, ნიუ-იორკზე, თვითმფრინავზე, მაგრამ არ მისმენდა. თავის საყვედურებს დაუბრუნდა, მე კი, ერთსა და იმავე დროს გაცეცხლებულმაც და შვებამოგვრილმაც, გავიფიქრე, რომ ჩვენი დაშორება აუცილებელი იყო. ჩვენი გუშინდელი შეხვედრა, ასე რომ მომიკლა გული და თანაც გული ამიჩუყა, მხოლოდ გაუგებრობა იყო, რომლის მიზეზი მარტო ჩემი სიბრალული უნდა ყოფილიყო.

მეტისმეტად კარგად ვიცოდი, რომ სიბრალული არ შეიძლება სასიყვარულო ურთიერთობის საფუძველი იყოს, ის მას აჭკნობს და კლავს.

– კი მაგრამ, ბოლოს და ბოლოს, – უკანასკნელად გავიბრძოლე, – მშვენივრად იცი, რომ ჩემსა და იულიუსს შორის არავითარი ფიზიკური სიახლოვე არ არის.

– ჰო, აბა რა, ჩემს დროს უფრო ლამაზებს ირჩევდი.

– მე არავინაც არ ამირჩევია, როგორც შენ ამბობ, შენს დროს. ორი შემთხვევა იყო და ისინიც – შენი პროვოცირებული.

– ყოველ შემთხვევაში, იულიუს ა. კრამმა თავისი ფრთის, თავისი ოქროს ფრთის ქვეშ შეგიფარა. და ეს, როგორც ჩანს, მოგწონს. და მერე, – უცებ ძალიან რიხიანად დაუმატა, – მე რა, მასთან გძინავს თუ არა? გამუდმებით ხვდები, ელაპარაკები. ურეკავ, უღიმი. ჰო, უღიმი და ელაპარაკები ვილატას და არა მე! თუნდაც თითის წვერიც არ დაეკარებინოს შენთვის – სულერთია!

– გინდოდა, შენი წამოსვლის წინა ბოლო

კვირები დაგვბრუნებოდა? თავის გალიაში ჩაკეტილი ორი ბორგნეული შეშლილი – ასეთ ცხოვრებაზე ოცნებობ?

თვალს არ მაცილებდა.

– დიახ, ორი კვირა მთლიანად მე მეკუთვნოდა, როგორც იმ უკაცრიელ პლაჟებზე, სადაც მიმყავდი ხოლმე, სადაც არავის იცნობდი. მაგრამ მეორე კვირის ბოლოს უკვე იჩენდი ნაცნობ მეთევზეებს, კაფეს სტუმრებს ან ოფიციალტებს და ისევ სხვაგან უნდა წავსულიყავით. არ დარჩენილა ბარბადოსის და გალაპაგოსის არც ერთი კუნძული, ჩვენ რომ არ ვყოფილიყავით. მაგრამ სხვა კუნძულებიც არის, სადაც შენ არ ყოფილხარ, სადაც წაგიყვან თუნდაც ძალით, თუ დამჭირდა.

მისი ხმა ღრენას დაემსგავსა, სახე ოფლით დაეცვარა და ნამდვილი გიჟის გამომეტყველება მიიღო. შეშფოთებული სკამიდან წამოვდექი. სანიტარი ქალი შემოვიდა სწრაფად, მაგრამ მშვიდად. ხელში შპრიცი ეჭირა. ალანი უძალიანდებოდა. მაშინ მან დარეკა და სანიტარი მამაკაცი გამოიძახა. მანიშნეს, გავსულიყავი.

დერეფანში კედელს მიყრდნობილი ვიდექი. გულს მაზიდებდა. ალანი კუნძულების, ბრაზილიის პლაჟებისა და ინდოეთის პროვინციების სახელებს გაჰკიოდა. ხმა სულ უფრო შემზარავი უბდებოდა. ყურებზე ხელები ავიფარე. უცებ სიჩუმე ჩამოვარდა. სანიტარი გოგონა გამოვიდა პალატიდან. სახე წელანდელივით მშვიდი ჰქონდა.

– მშვენიერ მდგომარეობაშია, – მითხრა. მომეჩვენა, რომ საყვედურით მიყურებდა.

მორჩა. მეტი აღარ შემეძლო. შევტრიალდი და ბარბაცით გავედი კუტიკარში. ისევ სიჩუმე გამეფდა. ალანმა რაც უნდა მითხრას, მე მას აღარ ვნახავ. შეუძლებელია. შეუძლებელია. ეს სიტყვები მდევდა სასტუმროს ნომრამდე. კარს ხელი ვუბიძგე. იულიუსის მდივანმა, ბარგს რომ ხსნიდა, დაბნეულად შემომხედა. მერე საძინებლიდან იულიუსი გამოვიდა. მე თვალცრემლიანი მივვარდი და კისერზე ჩამოვეკიდე. ჩემზე დაბალი იყო და მხარზე რომ დავყრდნობოდი, ცოტა დახრა მჭირდებოდა. ჩვენი სილუეტები ალბათ წვერნაჭრილ ხეს ჰგავდა პატარა, მაგრამ მაგარ საბჯენშეყენებულ, გასწორებას რომ ლამობდა.

...

ნასოში შესანიშნავი თეთრი პლაჟია, მზე – მცხუნვარე, წყალი – თბილი და გამჭვირვალე. ჰამაკში ჩანოლილი შელოცვასავით ვიმეორებდი ამას, თითქოს მინდოდა დამეფერებინა ის, რასაც ირგვლივ ვხედავდი. არაფერი გამომდიოდა. ყველა ეს სიკეთე ოდნავაც არ მაბედნიერებდა, ფიზიკურადაც კი. მთელი ის სამი დღე, რაც აქ გავატარე, რომელიღაც ვერაგი მხეცუნა მიფუთფუთებდა ტვინში. ჩამჩინებდა: „აქ რას აკეთებ? რატომ? ხომ მარტო ხარ!“ მაგრამ სწორედ მარტოობისას განვიცადე არაჩვეულებრივი, თითქმის ბუნებრივი ბედნიერება, როცა დამაბრმავებელი, კონცენტრირებული, თვალისმომჭრელი გაცისკროვნებისას უეცრად შეიგნებ, რომ ცხოვრება მშვენიერია, რომ მთლიანად და უპირობოდ, უცილობლად გამართლებულია სწორედ ამნაშთას მხოლოდ შენი არსებობის უბრალო

ფაქტით, სხვა მომენტებში კი ბედნიერების თანაგანცდა გიხდება ვინმე სხვასთან. მე მგონი, ასეთი მომენტი გაცილებით მეტი იყო. თითქოს იმისთვის, რომ აღმოაჩინო სულ მცირე. უმნიშვნელო მოლეკულა ბედნიერებისა, ისეთი მიკროსკოპია საჭირო ამ გრძნობათა დასაჭერად, რომელშიც ფოკუსირდება ორი წყვილი თვალის სხივები. მაგრამ ახლა ჩემს მზერას საკმარისი ძალა არ გააჩნია, სხვათა დაუხმარებლად აღადგინოს ეს თვალისმომჭრელი სინათლე.

იულიუსი, სიცხისა რომ ეშინია, საქმიან დისკუსიებს სასტუმროების დიდებულ, კონდიციონერებით აღჭურვილ სალონებში მართავს. როცა იულიუსი, მადმუაზელ ბარო და მე ტრაპეზის დროს ვიკრიბებოდით, იულიუსი შემთხვევას არ უშვებდა ხელიდან, ჩემი რუჯი შეექო. თვითონ ძალიან ფერმკრთალი იყო და დაღლილი ჩანდა. უამრავ ნამალს ყლაპავდა – თეთრ, წითელ და ყვითელ აბებს, რომელთა მარაგიც ნიუ-იორკში შეივსო. დროდადრო მბრძანებლური ჟესტით მოითხოვდა რომელიმეს და საბრალო მადმუაზელ ბარო შეშფოთებული შესცქეროდა. მე პირადად ნამლები შიშის ზარს მცემს, მაგრამ ნართაულად, გადაკვრითაც კი ვერიდებოდი ამის თქმას ძველ-მოდური მორცხვობის გამო. ჩვენს დროში ხომ ყველას შეუძლია, გატაცებით და დანვრილებით აღწეროს საკუთარი ორგანიზმის თუნდაც სულ მცირე დარღვევები. მედიკამენტების ასეთი ჰიპერტროფიული მოთხოვნილება მაშფოთებდა და როცა, როგორც იქნა, გავბედე და კკითხე მადმუაზელ ბაროს, ტუჩებმოკუმულმა გამომინოდა მატონიზებული და საძილე პრეპარატებისა და ტრანკვილიზატორების გამოგნებელი სია. გოაცებული დავრჩი – იულიუსს, მოუნწყვლელსა და ყოვლისშემძლე საქმოსანს, დამამშვიდებელი მედიკამენტები სჭირდება?! დახმარება სჭირდება ჩემს მფარველს?! ქვეყნიერება ამოტრიალდა. მე ვიცოდი, რომ დედამინის მოსახლეობის ცხრა მეათედი ნამლებს მოიხმარს. ის, რომ იულიუსსაც სჭირდება ისინი გადაღლილობისა და მარტოობის გამო, სავსებით ლოგიკურია. მაგრამ მასში პირველად აღმოჩენილმა წონასწორობის დარღვევამ შემაშინა. უკვე დიდი ვიყავი და ვიცოდი, რომ ბეტონის ფენის ქვეშ ქვიშაა, ქვიშის ქვეშ – ბეტონი და რომ არსებობის სირთულეები ყველასთვის ერთნაირია. გავიფიქრე: ნეტავი როგორი იყო იულიუსის ბავშვობა, ადრინდელი ცხოვრება? ვცდილობდი, მის ბუნებას ჩავწვდომოდი. დროულიც იყო. უნდა მცოდნოდა, ამდენ სიკეთეს ჩემ მიმართ ვინ იჩენდა.

სინდისის ქენჯნის ამ ხანმოკლე მომენტს თუ არ ჩავთვლით, ისტერიული ამერიკელი ქალებითა და სისხლნაკლული საქმოსნებით გაჭედო კარიკატურულ ნასოში საშინელი მონყენილება სუფევდა. საბედნიეროდ, ურიცხვი აუზის წყალობით, ზვიგენებისა და მიკრობებისგან დაცვის გარანტიას რომ იძლეოდნენ, ზღვა ჩემს განკარგულებაში იყო. თუმცა პლაჟზე მუდმივი მარტოობა ხანდახან მიმძიმდა, ეს მიჩლუნგებდა გრძნობებს და საავადმყოფოს პალატაში ალანის ყვირილიც თანდათან სუსტდებოდა. ყოველგვარი

მოუთმენლობის გარეშე, მშვიდად ველოდი, როდის შეუნყობდა ჩემი ორგანიზმი ხმას ბუნებას ან როდის დავბრუნდებოდი პარიზში. სალამოები შესანიშნავი იყო. ზღვასთან სულ ახლოს დგამდნენ მაგიდებს და უხილავი პიანისტი ბანჯოს თანხლებით ასრულებდა ძველებურ მელოდიებს, ოდესღაც კოლ პორტერს დიდება რომ მოუტანა. ნავახშმევს სასტუმროს მცირერიცხოვანი ბინადარნი ჰამაკებში გადაინაცვლებდნენ და ტკბებოდნენ ზღვით, მთვარიითა და ტალღების უწყვეტი დუდუნით. ერთ-ერთ ასეთ სალამოს იულიუსს შტრაუსის ვალსის მოსმენის ახირებული სურვილი გაუჩნდა. პიანისტს ხის ესტრადაზე მივაგენი, წყალთან სულ ახლოს. თხოვნისას ხმა ჩამიწყდა, ისე არანორმალურად ლამაზი იყო. ისეთი შავთმიანი, ისეთი მოხდენილი, ისეთი უზრუნველი, ისეთი თავდაჯერებული მეჩვენა! ერთმანეთს გულწრფელად შევხედეთ, რაც ძალიან იშვიათად მემართება უცნობ მაშაკაცთან. ასეთი შეხედვა, გაგრძელება მოჰყვებოდა თუ არა, ურთიერთგაგების აშკარა ნიშანი მაინც იყო. პიანისტმა ვენური ვალსის დაკვრა დაიწყო, მე კი მაშინვე გამოვბრუნდი და თან ჩემს ჩადენილ თუ მომავალ თავქარიანობაზე მეცინებოდა. მერე პიანისტი გადამავიწყდა, მაგრამ ამ შემოხედვამ წამით ჩემში იმის შეგრძნება გამოაღვიძა, რომ ქალი ვარ, რომ საჩუქარი ვარ და ვცოცხლობ.

მეორე დღეს იულიუსს პლაჟზე გული წაუვიდა. ჩემს ჰამაკთან მოვიდა, რალაც წაიბუტბუტა სიცხის შესახებ და უცებ პირქვე დაეცა. ჩემს ფეხთით იწვა ჰალსტუხიანი, ზღვისფერ მოკლე ბლაიზერსა და ნაცრისფერ შარვალში გამონყობილი. კიდევ კარგი, სძულდა შორტი, რომელსაც სასტუმროს ზოგიერთი აქოშინებული მდგომარი ამოიცვამდა ხოლმე. თვალისმომჭრელ პლაჟზე გაშლართული ეს პატარა, მუქი სხეული თითქოს რომელიღაც სიურეალისტის ნახატიდან გადმოსულიყო. მივვარდი. კიდევ ვილაცამ მოირბინა და იულიუსი თავის ოთახში ავიყვანეთ. ექიმი გადალლაზე, დაძაბულობაზე ლაპარაკობდა... მადმუაზელ ბაროსთან ერთად თითქმის მთელი საათი ველოდე, სანამ ოდნავ მაინც მოვიდოდა გონს. როცა დამიძახა, შევედი და სანოლზე ფეხთით ჩამოვუჯექი, როგორც ავადმყოფ ბავშვს. საშინლად მებრალებოდა. ბაცი ნაცრისფერი პიჟამა ეცვა და იქ, სადაც ყელი იწყება, ბალანის ნასახი არ უჩანდა. უსათვალო ცისფერ თვალებს შეშინებული ახამსამებდა. ისეთი დაუცველი ჩანდა! პატარა მოხუცი ბიჭი... წამით თავი უხერხულადაც კი ვიგრძენი, რომ არც სათამაშო მოვუტანე და არც ნამცხვარი.

— ძალიან ვწუხვარ, ალბათ შეგაშინეთ.

— ძალიან შემიშინდა, — გამოვტყდი, — უნდა დაგესვენათ, იულიუს, სანაპიროზე გესეირნათ, ცოტა მაინც გებანავათ.

განითლდა.

— მთელი სიცოცხლე მეშინია წყლისა. მართალი გითხრათ, ცურვაც არ ვიცი.

ისეთი დამწუხრებული მიყურებდა, რომ გადავიხარხარე.

— ხვალ აუზში გასწავლით, — დავპირდი. — ყო-

ველ შემთხვევაში, დღეს არ იმუშავებთ. ჰამაკში მშვიდად იჯდებით ჩემ გვერდით და ზღვით დატკბებით. თქვენ ხომ ისიც კი არ იცით, რა ფერია ზღვა.

თავი სოცურუნველყოფის სამსახურის მუშაკი მეგონა. ის კი დუნედ, მძიმედ მიქნევდა თავს, აღფრთოვანებული იყო ალბათ, რომ ერთხელ მაინც ვილაც მის ნაცვლად იღებდა გადაწყვეტილებას.

დაქვემდებარება, დამოკიდებულება, ისევე როგორც მისი საპირისპირო მდგომარეობა, ეტყობა, ადამიანის ერთ-ერთი ძირითადი მოთხოვნილებაა. ექიმის ნებართვით, მადმუაზელ ბაროს დახმარებით საბანში შეფუთილი იულიუსი თოკის დიდ ჰამაკში ჩავანვივინეთ, სადაც თითქმის ჩაიძირა.

მის გვერდით მოვეწყვე და წიგნი გადავშალე. მეგონა, დალილი იყო და სიჩუმე სჭირდებოდა.

— კითხულობთ? — წუნუნით მკითხა.

— არა, — თვალთმაქცურად ვუპასუხე და წიგნი დავხურე.

ლაპარაკი იყო საჭირო. გონებაში უკვე მომზადებული მქონდა მოკლე ქადაგება წამლების ბოროტად გამოყენებით მიღებულ ზიანზე. მაგრამ იმავე წუნუნა ხმით შემანწყვეტინა. მხოლოდ მის თმას, საბანს და ხელებს ვხედავდი, მაგრად რომ ებლაუჭებოდა ჰამაკის ნაპირებს, თითქოს მოყანყალე კანოეთი მიცურავდა.

— მოგწყინდათ?

— არა, რატომ? აქ ისეთი სილამაზეა, თანაც, ვგიჟდები უსაქმურობაზე.

— გამუდმებით მეშინია, რომ მოიწყენთ. თუ შევამჩნიე, რომ ასეა, საშინელება იქნება.

— რატომ? — მხიარულად შევეხმინე.

— იმიტომ, რომ რაც გაგიცანით, მე მოწყენილი აღარ ვარ ხოლმე.

ცოტა გაუბედავად ჩავილაპარაკე, ძალიან სასიამოვნოა-მეთქი. ამ თემის გაგრძელებისა შემიშინდა.

— მას შემდეგ, რაც გაგიცანით, — იულიუსის ხმა — არ ვიცი, გაუბედაობის, რიდისა თუ საბნის გამო — ოდნავ ყრუ მეჩვენა, — მას შემდეგ, რაც გაგიცანით, მარტოობა აღარ მიგრძნია. მუდამ ძალიან ეული ვიყავი — რა თქმა უნდა, ჩემი ბრალი იყო. ხალხთან ლაპარაკი არ ვიცი. არ ვიცი, შიშს ვინ ვევი თუ ანტიპათიას. განსაკუთრებით — ქალებთან. მათ მიაჩნიათ, რომ რაც მათგან მინდა, ან მეტისმეტად მარტივია, ან მეტისმეტად უმნიშვნელო. ან იქნებ ქალებთან უმნიშვნელო ადამიანივით ვიქცევი, არ ვიცი.

ხმას არ ვიღებდი.

— ან იქნებ, — ჩაიცინა, — ქალები მხვდებოდნენ უმნიშვნელო. და მერე, სულ საქმეებით ვარ დაკავებული. ამ სფეროში, იცით, მშვიდად ცხოვრება შეუძლებელია. ხელი თუ შეუშვი, ყველაფერი დაილუპება. გამუდმებით უნდა იფხიზლო და დაუყოვნებლივ მიიღო გადაწყვეტილება, თუნდაც არ გაინტერესებდეს. აი, ასე, წლებზე ფეხს იდგამ და კაცმა არ იცის, რისთვის.

— თქვენზე იმდენი ხალხია დამოკიდებული. ბუნებრივია, ეს განუხებთ.

— რა თქმა უნდა, დამოკიდებულნი არიან. მაგ-

რამ მე ხომ არავისზე დამოკიდებული არ ვარ. ვინმესთვის არ ვმუშაობ. ხომ უკვე გითხარით, ღარიბი ვიყავი. მაგრამ არა მგონია, მაშინ უფრო ამბოკარად და უბედურად მეგრძნო თავი.

მეტისმეტად დიდი ჰამაკის სიღრმიდან ამო-
მავალმა ამ ნაღვლიანმა, სუსტმა ხმამ სინაზე და
სევდა მომგვარა. ვცადე, დავმშვიდებულიყავი,
გონებაში აღმედგინა ფინანსური ზვიგენის სა-
შიში სახე, როგორადაც პარიზში წარმომედგინა:
გამჭოლი მზერა, უხეში ხმა, – გონებაში კი მხო-
ლოდ ეს ზღვისფერპიჯაკიანი კაცუნა მიტრია-
ლებდა, მზეზე რომ დაემხო ახლახან.

– ცოლი მაინც რატომ არ შეირთეთ?
– ამის სურვილი მხოლოდ ერთხელ გამიჩნდა.
იმ ახალგაზრდა ინგლისელზე მინდოდა დაქორ-
წინება, გახსოვთ? მეტისმეტად ბევრი დრო გავი-
და, სანამ ასეთი სურვილი ისევ გამიჩნდებოდა,
მაგრამ იმ დროს ეს უკვე მეტისმეტად ადვილი
იყო. ხომ იცით, ძალიან გავმდიდრდი.

– ხომ იქნებოდნენ ისეთი ქალებიც, სხვა რამის
გამო რომ ჰყვარებოდით? – წავიბურტყუნე.

– არა მგონია. ან, შესაძლოა, მათ მიმართ უსა-
მართლობას ვიჩენ...

სიჩუმე ჩამოვარდა. გაცხარებული ცვდილობ-
დი, ისეთი სიტყვები მეპოვა, მეტისმეტად ზოგადი
რომ არ ყოფილიყო ან ბანალური გამხსენება არ
გამომსვლოდა, მაგრამ ამოდ.

– სწორედ ამიტომ, – კიდევ უფრო ჩუმად გა-
ნარძო იულიუსმა, – რაც გაგიცანით, გაცილებით
უფრო ბედნიერი ვარ. ვგრძნობ, რომ თქვენზე
ვზრუნავ, ბოლოს და ბოლოს, ვინმეთი ვარ და-
კავებული. ამის თქმა სისასტიკეა, მაგრამ ამას
წინათ „პიერში“ რომ დაბრუნდით თვალცრემ-
ლიანი და ნება მომეცით მენუგეშებინეთ... დიას,
ვიცი, ეს საშინელებაა, მაგრამ უკვე დიდი ხანია,
ასეთი ბედნიერი აღარ ვყოფილვარ.

არაფერი მიპასუხია, გაუნძრევლად ვიჯექი.
ოფლის წვეთი ჩამიგორდა ზურგზე. თვალები
დავხუჭე – თითქოს, თუ ვერ დავინახავდი, ეს მის
გაგონებაშიც შემიშლიდა ხელს. ამასთანავე, სა-
კუთარ თავს გესლიანი დაცინვით გამოვუტყედი,
რომ აღფერვნებთან პირველი შესვედრის შემდეგ,
იმ წუთიდან, რაც იულიუს ა. კრამის პირისპირ
აღმოვჩნდი, ამას ველოდი. ჩემს გულწრფელო-
ბას სინამდვილეში ფარისევლობა ერქვა. ჩემს
უზრუნველობას – სიბრმავე.

– მართლა, – ჩაილაპარაკა იულიუსმა, –
თქვენს დაკარგვას ვერ გადავიტან.

იმის თქმა ვერ გავბედე, რაც არ გაქვთ, რას
დაკარგავთ-მეთქი. მე ხომ მასთან ერთად ვმოგ-
ზაურობდი, თითქმის ყველა საღამოს მასთან
ვატარებდი. უსიამოვნება თუ შემემთხვეოდა,
მას ვუხმობდი საშველად, მისი იმედი მქონდა.
ფიზიკური ფლობის არარსებობა მისთვის არ
გამორიცხავდა მორალურ ძალაუფლებას, იქნებ
ამძაფრებდა კიდევ. უღმობლობა და სისულელეა
იმის უარყოფა, რომ შეიძლება, ძალიან მარტივად
გაიზიარო ვიღაცის ცხოვრება ისე, რომ სარე-
ცელი არ გაუყო და თუმცა ეს მოდური არ არის,
ღმერთმა ხომ იცის, რომ ასეა. და ვგრძნობდი,
რომ როცა უარს ვეუბნებოდი ამ საეჭვო საჩუ-

ქარზე, დროებით მაინც მიმეცა ეს უმნიშვნელო
წინდი – ჩემი სხეული, მის მიმართ გაცილებით
მეტ პასუხისმგებლობას ვგრძნობდი, ვიდრე იმ
უამრავი მამაკაცის წინაშე, ვისაც ასე ადვილად
ვნებდებოდი. უკანასკნელად ვცადე ქარაფშუტუ-
ლი ტონის შენარჩუნება:

– რატომ უნდა დამკარგოთ, იულიუს...
გამანყვეტინა:

– მინდა, რომ გაიგოთ: უდიდესი სურვილი
მაქვს, ცოლად შევირთოთ.

ჰამაკიდან წამოვდექი ამ სიტყვებით, ტონით,
აზრით შეშინებული. იმით შეშინებული, რომ ეს
ფრაზა გულისხმობდა პასუხს, რომ ეს პასუხი
მხოლოდ „არა“ შეიძლებოდა ყოფილიყო და რომ
არ მინდოდა, მისთვის გული მეტკინა და ისევ
კუთხეში მიმწყვდეული, დაფეთებული, შიშითა
და დანაშაულის გრძნობით გათანგული ნადი-
რით ვიგრძენი თავი შეუბრალებელი, ჩემ მიერ
გაუზიარებელი გრძნობების ქარცეცხლში.

– ნუ მიპასუხებთ, – საჩქაროდ დაუმატა იული-
უსმა და მისმა ხმამ მიმახვედრა, რომ ჩემზე არა-
ნაკლებ ეშინოდა.

– არაფერს გთხოვთ, მით უმეტეს, პასუხს. უბ-
რალოდ, მინდოდა გცოდნოდათ.

უხალისოდ ჩავეჯექი ჰამაკში, ამოვიღე სიგარე-
ტი და უცებ გავიაზრე, რომ პიანისტი უკვე დიდი
ხანია უკრავდა. სიმღერაც ვიცანი: „Mood indigo“
იყო, – და უნებურად სიტყვების გახსენება ვცადე.

– წავალ, დავწვები, ბოდიშს გიხდით, ცოტა
დავილაღე. სანოლში ვივასშმებ.


– ღამე მშვიდობისა, იულიუს.

და ის იღლიაში საბანამოჩრილი წავიდა. და-
მიტოვა ფეხთით პლაჟი, ზღვა და თავისი სიყვა-
რული, რამაც გული საშინლად დამიმძიმა.

ორი საათის შემდეგ ცარიელ ბარში შევედი
და ორი პუნში დავლიე. ათიოდე წუთში პიანისტი
მოვიდა და ნებართვა მთხოვა, კიდევ ერთ ჭიქა-
ზე დავეპატიყებინე. ნახევარი საათის შემდეგ
უკვე სახელით მივმართავდით ერთმანეთს, ერ-
თი საათის შემდეგ კი მის ბუნგალოში შიშველი
ვინექი მის გვერდით. ერთი საათით ყველაფერი
დამავიწყდა, მერე კი ფეხაკრეფით, მოლაღატე
ცოლივით დავბრუნდი. ოღონდ ეს სულაც არ მე-
ამაყებოდა, თავს არ ვიტყუებდი. სხეულის გაყუ-
ჩება ისეთივე ჭეშმარიტი იყო, როგორც გულის
კვილის გაუყუჩებლობა.

...

გაზაფხულის იმ პირველ საღამოს პარიზი
ბრწყინავდა. მისი ოქროსფერი და ცისფერი ქვები
ისეთივე უსხეულო და უხორცო იყო, როგორც
მისი ნათურები. ხიდები თითქოს ჰაერში იყო
გამოკიდებული, ძერები ცაში ლივლივებდნენ,
ფეხმავლებს კი თითქოს ფრთები გამოესხათ. ამ
ეიფორიას აყოლილი, ყვავილების მალაზიაში შე-
ვედი. იქიდან ყევით გამოვარდა ტაქსა. ეტყობა,
ამ არემარის ერთადერთი დიასახლისი იყო. რამ-
დენიმე წამი გავიდა. არავინ გამოჩენილა. ძალღს
კვითხე ტიტებისა და ვარდების ფასი. მალაზიაში
დავდიოდი და სხვადასხვა მცენარეს ვუჩვენებ-
დი. ისიც წკმუტუნით დამდეგდა, როგორც ჩანს,
ასეთი გართობა დიდად ახალისებდა. სწორედ



იმნუთას, როცა ქებას ვასხამდი ველურ ნარგისს, ვილაცხამ ვიტრინაზე დააკაკუნა. შევტრიალდი და მამაკაცი დავინახე. ტროტუარზე იდგა და ირო-ნიული ღიმილით საჩვენებელ თითს შუბლზე იკაკუნებდა. პანტომიმამ, მე და ძაღლს შორის ხუთი წუთი რომ მიმდინარეობდა, ეტყობა, გაამხიარულა და მეც ღიმილით ვუპასუხე. ერთმანეთს მზით განათებული უსარგებლო მინის აქეთ-იქიდან ვუყურებდით. ძაღლი უფრო ხმამაღლა აყევდა. ლუი დალემ კარს უბიძგა, ხელი ჩამკიდა და გაშვებას არც აპირებდა. უფრო მაღალი აღმოჩნდა, ვიდრე პირველად მომეჩვენა.

– არავინ იყო, – ვუთხარი, – სასაცილოა... მაღაზია ღიაა...

– ესე იგი სხვა არაფერი დაგვრჩენია, ნავიყვანოთ ძაღლი და ერთი ვარდი ავიღოთ, – გადწყვიტა მან.

ამოაძრო ერთი ვარდი და გამომინოდა, ძაღლმა კი, იმის ნაცვლად, რომ ქურდობა დაეძრახა, კუდი ააქიცინა. ის პოსტზე დავტოვეთ და მზეზე გავედით. ლუი დალეს ისევე ჩაკიდებული ჰქონდა ხელი და ეს სავსებით ბუნებრივი მეჩვენებოდა. მონპარნასის ბულვარზე გავედით.

– ვგიჟდები ამ კვარტალზე, – მითხრა მან. – ეს ერთ-ერთი ის იშვიათი ადგილია, სადაც ჯერ კიდევ შეიძლება ნახო, როგორ ყიდულობენ ქალები ყვავილებს ძაღლებისაგან.

– მეგონა, სოფელში იყავით. დიდიე მიყვებოდა, რომ ვეტრინარად მუშაობთ.

– ხანდახან ჩამოვდივარ პარიზში ძმის სანახავად. დავსდეთ?

პასუხისთვის არ დაუცდია, რომელიღაც კაფეს ტერასაზე დამსვა მაგიდასთან. ცალი ხელი ჩემს მუხლზე ედო. ჯიბიდან სიგარეტის პაკეტი ამოიღო. საშინლად მომწონდა მისი ბუნებრივი მოძრაობები.

– ჰო, მართლა, ახლახან ჩამოვედი და დიდიე ჯერ არ მინახავს. როგორ არის?

– მხოლოდ ტელეფონით ველაპარაკე. მეც ორი დღეა, რაც ჩამოვედი.

– სად იყავით?

– ნიუ-იორკში და მერე – ნასოში.

წამით შემეშინდა, რომ იულიუსზე ისევე მკვახედ დამინყებდა ლაპარაკს, როგორც ჩვენი პირველი შეხვედრისას. მაგრამ არა, უზრუნველი, ბედნიერი და მშვიდი ჩანდა. გაახალგაზრდავებულიც კი მეჩვენა.

– მართლა, როგორ გარუჯულხართ.

მომიბრუნდა და ამათვალიერ-ჩამათვალიერა. საოცრად ღია ფერის თვალები ჰქონდა.

– დიდხანს იმოგზაურეთ?

– ქმრის სანახავად ვიყავი. ავად არის...

ენა დამება. უცებ მომეჩვენა, რომ ნიუ-იორკის კლინიკაც, თვალისმომჭრელი თეთრი პლაჟიც, იულიუსის გულის წასვლაც, მეტისმეტად ღამაზი პიანისტის სახეც ძალიან ძველ, ფერად, დაზიანებულ, ფირგაცვეთილ ფილმში ვნახე. სინამდვილე კი იყო ჩემი მეზობლის სახე, ნაცრისფერი ტროტუარი და ქუჩის ბოლომდე უშფოთველად ამწვანებული ხეები.

რაც ჩამოვედი, პირველად ვიგრძენი, რომ ისევე

ჩემს ქალაქში ვიყავი. ბოლო ხანს ყველაფერი რალაცნაირად არარეალურივით იყო ჩემთვის. უსის სიტყვები თვითმფრინავში, მისი-თხოვნა, დამეცინეებინა მისი ნათქვამი პლაჟზე, გონების დაბნელებისას, ჩემი დირექტორის, რედაქტორ დიუკრეს, გასაკვირად აღფრთოვანებული შეხვედრა, ტელეფონში დიდიეს ხმაში შემჩნეული შვება, – ყველაფერს ბუნდოვანების, გაურკვევლობისა და ეჭვის ელფერი დაჰკრავდა, ჩემი ცხოვრების ძირითად ნიშნებად რომ ქცეულიყო. იულიუსის ჩაგონებით, კინალამ გადავწყვიტე, ამოვფარებოდი status quo-ს ჯავშანს, მაგრამ ამ კვირებმა ნალვლიანი გაუგებრობის შთაბეჭდილება დამიტოვეს – ზუსტად იმ წუთამდე, როცა ტაქსა და ლუი დალიე ერთად შემოვიდნენ ჩემს ცხოვრებაში.

– ძალიან მინდა ძაღლი.

– ვერსალში მეგობარი მყავს, – შემეხმინა ლუი დალე, – მისმა ძაღლმა სწორედ ახლახან დაყარა ლეკვები. სამი ღამაზი ლეკვი ჰყავს. ერთს მოგიყვანთ.

– რა ჯიშია?

– ნახევრად ნაგაზია, ნახევრად მონადირე. ხვალ თქვენ თვითონ ნახავთ. სამსახურში მოგიყვანთ.

სერიოზულად ავლელდი.

– მათ ხომ აცრები სჭირდებათ, სჭირდებათ...

– ჰო, ჰო, ცხადია. ნუ დაგავინწყდებათ, მე ხომ ვეტრინარი ვარ.

და პატარა იუმორისტული განცხადება გააკეთა იმის შესახებ, რა ფათერაკებია მოსალოდნელი ძაღლის ყოლის შემთხვევაში. ბევრი ვიცინე. დრო კატასტროფულად სწრაფად გადიოდა, შვიდს გადასცდა. მელოდა ვახშამი მაღამ დებუსთან, რაც ყოველთვის პათოლოგიური მოწყენილობით ავსებდა ჩემს სულს. სიამოვნებით გავატარებდი საღამოს ამ სკამზე ძაღლებზე, კატებსა და თხებზე საუბარში და დავტკებოდი იმის ყურებით, როგორ ეშვება ღამე ქალაქზე, მაგრამ იძულებული ვიყავი, შევერთებოდი ამ სიტყვამრავალ თავყრილობას, რომლის წევრებიც, ცხადია, ზომაზე იყვნენ ალგზნებულნი იმაზე ფიქრით, რომ იულიუსმა ჩემთან ერთად გაატარა თავლობის თვე მშვენიერ პატარა კუნძულ ნასოზე. ხელი ჩამოვართვი ჩემს ვეტრინარს და გულდანყვეტილი წავედი. ქუჩის კუთხეში შემოვბრუნდი და დავინახე: ლუი გაუნძრევლად იჯდა მაგიდასთან და, თავგადაგებული, ხეებს შეჰყურებდა.

სანამ სააბაზანოში ფაცხაფუცხით ვიცვამდი და ვიხატებოდი, იულიუსი ჩემს პატარა სასტუმრო ოთახში მელოდა. კარი საგულდაგულოდ დაგეკეტე. მის ნაცვლად სხვა ვინმე რომ ყოფილიყო, კარს სალაპარაკოდ გამოღებულს დავტოვებდი, მაგრამ იულიუსის იმდღევანდელმა განცხადებამ, მისმა წინადადებად დაქორწინებაზე მშიშარა უბინო ქალწულის რეფლექსი გამიღვიძა. არავითარი საფრთხე არ არსებობდა, მაგრამ სწორედ ეს ანიჭებდა ყველაფერს საშიშროების ელფერს. ყველაზე გამაღიზიანებელი კი ის იყო, რომ, თუმცაღა სულაც არ ვცდილობდი, მოვწო-

ნებოდი მამაკაცს, რომელიც მელოდა, სარკეში მე თვითონაც არ მომწონდა საკუთარი თავი. ასეთ ნაღვლიან-ირონიულ გუნებაზე შევედი ირენ დე-ბუს სასტუმრო ოთახში.

ჩვენთან მოსრილდა, აღფრთოვანდა, რა კარგად გამოიყურებოდა, შეანუხა იულიუსის სიფითრემ – როგორც ჩანს, სასიყვარულო ცელქობები შორეულ კუნძულებზე არ მოუხდაო. ეს ყველაფერი მისი მხრივ ინსინუაცია იყო, უფრო ზუსტად, ჩემი წარმოსახვის ნაყოფი, მაგრამ მაშინვე დაეკარგე წონასწორობა. თავი დავაღწიე უბადრუკი ნორჩი ხარჭის როლს და გადავწყვიტე, ვამპირი გამეთამაშა. შესაძლოა, ასეთი პერსონაჟი მეტ შთაბეჭდილებას ახდენდა, მაგრამ არც ის მომწონდა. მოვათვალიერე სასტუმრო ოთახი და მომეჩვენა, რომ მრავალ სახეზე ცნობისმოყვარეობა და დაცინვა აღბეჭდილიყო. აშკარად პარანოია მემართებოდა. ამასთან, ირენ დებუმ ჩემი მზერა დაიჭირა და მაშინვე მომახსენა: „ძალიან დასანანია, რომ საყვარელი დიდი ჩვენთან არ არის, დღეს საოჯახო ვახშამი აქვს“.

მაშინვე წარმოვიდგინე, როგორ დაეხეტებოდა ბიჭები, დიდი და ლუი, ერთმანეთის ნახვით ბედნიერები, პარიზში, მთელი საღამო მათ განკარგულებაშია და საშინლად შემშურდა. რა მაქვს საერთო ამ გაბოროტებულ ბებრებთან? აქ, ჩვენ შორის დარჩეს და, ცოტა გადავამეტე – მათი საშუალო ასაკი არც ისეთი დიდი იყო და გრძნობები – არცთუ მდაბალი. პირიქით, საყოველთაო კმაყოფილება დალივლივებდა საზოგადოების თავზე, რადგან თუ ირენ დებუს ვინმესთან სტუმრობა დიდი პატივი იყო, კიდეც უფრო დიდი დაფასება გახლდათ მის ოჯახში მიღება. ეს ხაზს უსვამდა ძალიან მკაფიო, ცნობილ ნიუანსს. დღეს ბევრ პარიზულ ოჯახში წყვილი და მძვინვარება მეფობდა. მანამდე კი მაღამ დებუს თვითრჯულობის კლასიკურ კანონებზე აგებულმა არჩევანმა აღტაცება მომგვარა. წრის ზოგიერთი უთუო წევრი თადარიგში გაეშვათ. ერთად დაეპატიჟებინათ ზოგიერთი მეტოქე. ზოგიერთი სახელგანთქმული პირი არად ჩაეგდოთ. სამაგიეროდ, ვილაც პროვინციელები მოენვიათ. მათდამი კეთილგანწყობით შემცბარი სტუმრები ორმაგ მღელვარებას შეეპყრო: შეუვალ მაღამ დებუს მტკიცედ ეპყრა თავისი ბოროტი ნების სკიპტრა და ამ სამეფო კვერთხით იმყარებდა ნამდვილ ხელმწიფობას. როგორც ჩანს, ეს გააზრებული ჰქონდა და უფრო მხიარული და ყბედი იყო, ვიდრე სხვა დროს. თითქოს გულს უჩუყებდა საკუთარი ავზნიანობის წარმატება. ერთ ახალგაზრდა ქალბატონს, დაუფიქრებლად რომ იკითხა, დღეს X-ების წყვილს თუ ვნახავთო, ირენ დებუმ უპასუხა: „არა, რას ამბობთ!“ ეს სიტყვები გილიოტინის ყველაზე ხმამაღალ დაცემასავით გაისმა და თუმცა ეს „რას ამბობთ“ მხოლოდ დემონსტრაცია იყო, ყოველკვირეული ილუსტრირებული ყურნალები მთელი სეზონი ამ წყვილის მახსარად აგდებით იქცევდნენ თავს.

ეს ყველაფერი სასხვათაშორისოდ შევნიშნე, ჩვეული აღფრთოვანების გარეშე. ათასწიარ ქათინაურს ვიღებდი ჩემი ნამზეურის გამო, ვუღიმო-

დი და თავი ბებერი მეგონა. გამახსენდა, როცა უფრო ახალგაზრდა ვიყავი, არდადეგებიდან დაბუნების შემდეგ როგორი სიცილით და სახუმარო შეურაცხყოფით ვადარებდით მე და ჩემი ტოლი გოგო-ბიჭები ერთმანეთს სახეებსა და ხელებს. იმხანად ხშირად ვიმარჯვებდი, რადგან ფანატიკურად ვეფიცებოდი მზეს. ახლა კი, უდავოდ გამარჯვებული, ვერავითარ ტრიუმფს ვერ ვგრძნობდი. არკაშონის ან ჰენდის ჩოგბურთის კორტებიდან და ფრენბურთის მოედნებიდან კი არ დავბრუნდი, არამედ ნასოს პალატიდან, სადაც მდიდარი თავყვანისმცემლის მიერ შემოთავაზებულ ჰამაკში ვეგდე. ნამზეურიც სტუნვის, ყვინთვისა და კუნთების დაძაბვის შედეგი კი არ იყო – მზე ზარმაც, დაღლილ, მოშვებულ სხეულს მოეკიდა.

მხოლოდ ერთხელ დამჭირდა ძალის დახარჯვა – სიბნელეში, ლამაზი პიანისტის გვერდით.

ჰო, ვბერდები. თუ ყველაფერი კარგად იქნება, რამდენიმე წლის შემდეგ ვიყიდი სამკურნალო ველოსიპედს – პედალოს, დავდგამ სააბაზოში და ყოველდღე ნახევარი ან ერთი საათი პედლების ტრიალით გავერთობი, წარმოსახვით გორაკებს გადავუვლი და ჩემ უკან, ერთ ადგილს უიმედოდ, შეუბრალებლად მიჭედებული ადამიანის უკან, წამოიშლებიან უაზროდ, სულელურად გაფლანგული ახალგაზრდობის მოგონებები. ისე ცოცხლად წარმოვიდგინე ჩემი თავი პედალოზე დახრილი და ისე სასაცილო მომეჩვენა, გადავიხარხარე. ოჰ, ეს კურთხეული, დალოცვილი ნიჭი სიცილისა... მთელი ეს ხალხი, დივნებზე ასე საფუძვლიანად მოკალათებული, რატომ არ დასცინის თავის თავს, ამ დივნებს, მასპინძელს და იმას, რომ ცხოვრობენ და მეც – ვცხოვრობ?

ჩემი თანამოსაუბრე, კარიბის კუნძულების მშვენიერებას რომ აღწერდა, გაჩუმდა და საყვედურით შემომხედა.

- რა გაცინებთ?
- თქვენ რატომ არ იცინით? – მკვახედ შევეპასუხე.
- განსაკუთრებით სასაცილო არაფერი მითქვამს.

მართალი იყო, მაგრამ არ შევიმჩნიე. დაუსჯელი ყოყჩობა და დიდგულობა ყოველთვის მალონებს. სასადილო ოთახის კარი გაიღო და სუფრას მივუსხედით. მე იულიუსის მარცხნივ აღმოვჩნდი, ის კი ირენ დებუს მარცხნივ.

- თქვენი დაშორება არ მინდოდა, – წარმოთქვა თავისი განთქმული მეცოთი, რომლის გაგონებაზე, როგორც ყოველთვის, ათი კაცი მაინც შეკრთა.

წამით ისე ძლიერ შემძულდა, რომ „გულახდილი“ მზერა მომარიდა, რაც არასოდეს დამართვია. მისი ღიმილი ჩემთვის იყო განკუთვნილი, მე ეს ვიცოდი და ნიშნავდა: „გეჯავრები – ძალიან კარგი, აღფრთოვანებული ვარ ორივეს მაგივრად“. როცა ისევ შემომხედა უბოროტოდ და დაბნეულად, პასუხად გავუღიმე და თავი დავხარე, თითქოს უსიტყვო სადღეგრძელო წარმოვთქვი, რომელსაც ვერ მიხვდა. მე კი მხოლოდ გავიფიქრე: „მშვიდობით, ველარ მნახავ, შენთან და შენს

ახლობლებთან ძალიან მოსაწყენია. მომეწყინა. მორჩა და გათავდა. ეს კი ჩემთვის სიძულვილზე უარესია“. სხვათა შორის, ამ დამშვიდობებამ ბუნდოვანი სიბრალული აღმიძრა, რადგან მისი მანიაკალური ძალა, წამებულობის განსახიერება, სისწრაფე, სიმარჯვე – მთელი ეს მომაკვდინებელი იარაღი, რომელსაც ასეთი უმნიშვნელო მიზნით იყენებდა, ერთსა და იმავე დროს სიბრალულსაც შთამაგონებდა და ცნობისმოყვარეობასაც.

ვასშიამი უსასრულო მეჩვენა. სასტუმრო ოთახში ფანჯარასთან მივედი და გარდაუვალი, ულმობელი მარტოობის მაუნყებელი, ცივი და მძაფრი ღამის ქარი ჩავისუნთქე. ქალაქში დაიბუდა და დაქრის მძინარეთა თავზე. უბიძგებს შეგვიანებულ ფეხმავლებს, ძილისგან ან ალკოჰოლისგან გაბრუნებულ თავებში სოფლის მოგონებებს აღძრავს. ამ დამძიმებულ, გარინდებულ სასტუმრო ოთახში, სადაც დრომოჭმული მანჭვა მეფობს, უკიდევანო გალაქტიკიდან მოფრენილი მძვინვარე, მარადისობის ქარი ჩემი ერთადერთი მეგობარი და ჩემი არსებობის ერთადერთი დადასტურებაა.

როცა ჩადგა და თმა ისევ შუბლზე ჩამომეშალა, მომეჩვენა, რომ ჩემი სულიც სწრაფად, მკვეთრად ვარდებოდა სადღაც და სადაცაა, მოვკვდებოდი. მოვკვდები? მერე რა? მე თანახმა ვიყავი სიცოცხლეზე, რადგან ოცდაათი წლის წინ ვილაც მამაკაცმა და ვილაც ქალმა შეიყვარეს ერთმანეთი. მაშ, რატომ არ უნდა დავთანხმდე სიკვდილზე, თუ ოცდაათი წლის შემდეგ სხვა ქალს, ანუ მე, არავინ უყვარს და ამიტომაც არ სურს, სიცოცხლე გადასცეს სხვას? პრიმიტიული მსჯელობა, ნაყოფი უნდილი ლოგიკისა, ხშირად ყველაზე ნაღია. საკმარისია გაარკვიო, სადამდე მივიდა რღვევა საზოგადოებისა, რომელიც იძირება ნახევრადმეცნიერებაში, ნახევრადმორალსა და ნახევრადგონიერებაში. თუ ჩაუსაფრდები, თუ მიაყურადებ, ამ ქარს მოაქვს განგაშით, მღელვარებით, შიშის ზარით, გამოუვალობით აღსავსე შორეული, ახლობელი, ცოცხალი, გამყინვარებული, უხმო (სიმრავლისა და მსგავსების გამო), აისბერგის ან რეფერენდუმის მსგავსი ხმა. აი, ასე შორს, შორს გამირბოდა აზრები. თუმცა ეს არაფერში მიშლიდა ხელს – დროულად ვიღიმებოდი, დროულად ვუბდიდი მადლობას, სიგარეტისთვის ასანთს რომ შემომამაგებებდნენ, ხანდახან სიტყვასაც ჩავფურთავდი საუბარში – უმნიშვნელოს, მაგრამ თავის ადგილას. ვგრძნობდი, რა შორს ვიყავი მათგან. მაგრამ, სამწუხაროდ, მათზე მაღლა – არა. და ეს განრიდებულობა, განკერძოებულება მაიძულებდა, საკუთარ გამჭრიახობაში უფრო დავეჭვებულყავი, ვიდრე ამ ხალხში. რისთვის, ვისთვის უნდა გამეკიცხა და დამეძრახა? იმ საღამოს დაუოკებელ სურვილს ვგრძნობდი, გავცლოდი, მიმეტოვებინა ეს ხალხი, მაგრამ ამის მიზეზის ახსნა არ შემეძლო. რალაცნაირი მორალური სულის ხუთვა იყო. მათი იერარქიის, მათი წარმატებებისა და მარცხის არსი არც მესმოდა და არც მინდოდა გაგება. თავი უნდა დამეღწია, ჩამოვშორებოდი, მომეგერიებინა. მორაგბეების ეს ტერმინი დროულად გამახსენდა. მთელი სიყ-

მანვილე პირველ ხაზზე ვთამაშობდი. აღანთან ერთად დაცვა მეკავა შუაგულ შეჭიდებაში. ახლა კი გულმა მიმტყუნა და თამაშზე უარს ვამბობ. ვტოვებ სიხასხასედაკარგულ ასპარეზს, სადაც არც მსაჯია და არც წესები. ეს ჩემი ასპარეზია. მარტო ვარ. არარად ქცეული.

ფიქრებიდან იულიუსმა გამომიყვანა. გვერდით მედგა. დაღვრემილი იყო.

– ვასშიამი მეტისმეტად ხანგრძლივი გეჩვენათ, არა? ჩაფიქრებული ხართ.

– ღამის ჰაერს ვსუნთქავდი. ძალიან მიყვარს.

– მაინტერესებს, რატომ?

ისეთი მტრულად განწყობილი მეჩვენა, რომ გამიკვირდა.

– ღამით მეჩვენება, რომ ქარი მინდვრებიდან მოფრინდა, რომ ცოცხალ მიწას, ჩრდილოეთის პლაჟებს შეეხო... ეს ძალას მმატებს...

– მან დედამიწას შემოუფრინა, ათასობით გვამს რომ იფარებს, ხეებს, რომლებიც ამით იკვებებიან, შეეხო ხრწნად პლანეტას, პლაჟებს, უსუფთაო, სიბინძურით სავსე ზღვებს... აბა, გემატებათ ძალა?

გაოგნებული შევყურებდი. მისთვის ლირიკისკენ გადახრა არ შემიმჩნევია. მაგრამ, რომ მიმეწერა ლირიზმი, ლირიკა საკმაოდ პირობითი იქნებოდა; მყინვარები, ედელვაისები, ბუნების სინმინდე. ავადმყოფურობისკენ მიდრეკილება ჩემს თვალში არ ეთავსებოდა საქმოსნის ენერგიულ ხასიათს. აშკარად მეტისმეტად სტერეოტიპული და პრიმიტიულია ჩემი აზროვნების სისტემა.

შემომხედა და გამიღიმა.

– პლანეტა ავად არის, გეუბნებით. ეს სასტუმრო ოთახი კი, რომელიც ასე გეზიზნებათ, საერთო დაშლის, გახსნის ფონზე მხოლოდ პანანინა ჩირქიანი მუწუკია. ერთ-ერთი სრულიად უმნიშვნელო, გარწმუნებთ.

– ხალისიან გუნებაზე ხართ, – ჩავილაპარაკე ცოტა გაკვირვებულმა.

– არა, არ ვხალისობ და არც არასოდეს მიხალისია, – და წავიდა. დამტოვა სოფაზე.

ვეყურებდი, როგორ გადაჭრა ოთახი, სათვალე უელავდა და მიარხევდა გაჭიმულ პატარა სხეულს. არაფრით ჰგავდა ნასოში, შუა პლაჟზე გაშლართულ იმ ზღვისფერპიჯაკიან იულიუსს. კრამს, ჰამაკის სიღრმიდან თავის მარტოსულობაზე რომ ლაპარაკობდა. არა, აქ, სასტუმრო ოთახში, ცივი, მკვეთრი, გამალბებული, უფრო გამჭირდავი, ვიდრე ოდესმე, შიშს მგვრიდა. ყველა, ვისაც კი ჩაუვლიდა, ოდნავ უკან იხევდა და ახლა მესმოდა, რატომაც.

მეორე დღეს, დაახლოებით ხუთ საათზე, გადმომცეს, რომ ვილაც მამაკაცი და ძალდი მელიოდებიან რედაქციის შესასვლელთან. მაშინვე გავქანდი. მართლაც ისინი იყვნენ, კაცი და ძალდი. ერთს მეორე ეჭირა ხელში და შუქისკენ, უფრო სწორად, მზისკენ ზურგშექცევით დიდ, მინის კართან იდგნენ. მივუახლოვდი და მოლივლივე ბენვი და ნკმუტუნი შემომეგება. წამით ჩავეხუტე ლუის და რომ შეგეხედათ, სადგურის ბაქანზე ოჯახური წყვილი გეგონებოდათ. შავ-ყვითელი,

სქელთათებიანი ძაღლი იყო. ისე მლოკავდა, თითქოს დაბადებიდან ორი თვე მხოლოდ ჩემთან შეხვედრას ელოდა. ლუი ილიმებოდა, მე კი ისეთი აღფრთოვანებული ვიყავი, ყველა სურვილი რომ შემისრულდა – გადავკოცნე. ძაღლმა გადარეული ყუფა ატეხა და რედაქციის თანამშრომლები გამოცვივდნენ მის სანახავად. როცა ეპითეტების ნაკადი ამოიწურა – რა მშვენიერია, რა სქელი თათები აქვს, უზარმაზარი გაიზრდებაო და ა.შ. – და ძაღლი გაოცებული დიუკრეს სკამის ქვეშ მოკალათდა, ლუიმ ბოლოს და ბოლოს მართვის სადავეები ხელში აიღო.

– საყელური და თასმა უნდა ვიყიდოთ. კიდეც – ჯამი და სანოლი. და კიდეც, სახელი უნდა შევურჩიოთ. ნავედით...

ეს საქმე უფრო გადაუდებელი მეჩვენა, ვიდრე ის სტატია, ვინ იცის, რაზე, შუადღის მერე რომ ვაცოდვილებდი, და ნავედით. ლუის ძაღლი ილიაში ამოეჩარა, მე კი ხელჩაკიდებული მივყავდი. მისი სიარული აშკარად მიანიშნებდა, რომ მას უნდა გავყოლოდი. ნაცრისფერი „პეჟო“ ჰყავდა, რომელშიც ჩავსხვდით. ძაღლი კალთაში ჩამისვა და სანამ მანქანას დაძრავდა, გამარჯვებულის იერით შემომხედა.

– თქვენ რა, გეგონათ აღარ მოვიდოდი? როცა დამინახეთ, ძალიან გაკვირვებული სახე გქონდათ.

მართლა გაკვირვებული ვიყავი, ოღონდ მისი დანახვით კი არა, იმ ბედნიერების შეგრძნებით, ამ მომენტში რომ დამეუფლა. ძაღლით ხელში რომ დავინახე ფანჯარასთან, უცნაური გრძნობა განვიცადე, თითქოს ჩემი ოჯახი ვიპოვე. ოღონდ ეს მისთვის არ მითქვამს.

– არა, დარწმუნებული ვიყავი, რომ მოხვიდოდით. თქვენ ის კაცი არ უნდა იყოთ, დაპირებას ქარს რომ ატანს.

– დაკვირვებული ფსიქოლოგი ყოფილხართ, – სიცილით შენიშნა.

იმ მაღაზიამდე მისასვლელად, მან რომ შეარჩია, ქალაქის დიდი ნაწილი გავიარეთ. პარიზი ცისფერი იყო. უშფოთველი და მოღულუნე. ძაღლის ბენვი ამეკრა. აღფრთოვანებული ვიყავი. ვაიძულეთ, ცოტა ხანს ინვალიდების მოედანზე ერბინა. დასდევდა მტრედებს, ათჯერ მაინც შემომახვია თასმა ფეხებზე, მოკლედ, დაგვიმტკიცა თავისი უზომო სიცოცხლისუნარიანობა. სიცილით ვკვდებოდი და თან ცოტა მეშინოდა. დღისით რა უნდა ვუყო? ლუი დამცინავად მიყურებდა, ჩემი პანიკური განწყობილება, ეტყობა, ძალიან ახალისებდა.

– ეგეც თქვენი ნამდვილი პასუხისმგებლობა. მის ნაცვლად თქვენ უნდა მიიღოთ გადაწყვეტილებები. ეს შეგცვლით? არა?

დაეჭვებით შევხედე. იულიუსზე გადამიკრა თუ ფრთის ქვეშ თავის დამალვის ჩვევაზე?

სახლში დავბრუნდით. ძაღლი კონსიერჟს ვაჩვენე. დიდი აღფრთოვანება არ გამოუხატავს. ჩემს სტუდიაში დავსხვდით და ძაღლმა ავეჯის გადასაკრავის ღრღნა დაიწყო.

– საღამოს რას აპირებდით? – შემეკითხა ლუი. ამ „ნამყო უსრულმა“ ცოტა შემაცბუნა. მე ხომ

იულიუსსა და დიდიესთან ერთად მართლა უნდა წავსულიყავი დახურულ გასინჯვაზე. ორი გამოცდა იყო: ძაღლი ან თან უნდა წამეყვანა, ან სახლში მარტო დამეტოვებინა. ლუიმ გამოიცნო ასეთი გადაწყვეტილების შესაძლებლობა.

– თუ შინ მარტო დატოვებთ, იყმუვლებს, – გამომიცხადა მან, – სხვათა შორის, მეც.

– რაო?

– ჰო, თუ ამ საღამოს მიგვატოვებთ, ის საშინლად იყუფებს, მე კი მისი დამშვიდების მაგივრად მასთან ერთად ვიღრიალებ.

– სხვა წინადადება გაქვთ?

– აბა რა! მე საყიდლებზე წავალ. გავაღებთ ფანჯარას, იმიტომ, რომ თბილა, და აქ მშვიდად ვივასშმებთ სამივე, რომ მე და ლეკვი შევეჩვიოთ თქვენს ახალ ცხოვრებას.

რა თქმა უნდა, ხუმრობდა, მაგრამ გამომეტყველება ძალიან მტკიცე ჰქონდა. ვცადე, წინააღმდეგობა გამეწია.

– უნდა დავრეკო. რასაც ვაპირებ, ჩემი მხრივ დიდი უზრდელობაა.

ამას კი ვამბობდი, მაგრამ მშვენივრად მესმოდა, რომ იმისგან განსხვავებული საღამო, როგორც ამინერა, ვერ წარმომედგინა.

ალბათ ძალიან დარცხვენილი და შემცბარი ვჩანდი, რადგან გადაიხარხარა და ადგა:

– ჰო, დარეკეთ, მე კი წავალ და ძაღლის კონსერვებს ვიყიდი სამივესთვის.

წავიდა. ერთ წამს დარეტიანებულივით ვიჯექი. მერე ცუგამ მოირბინა ჩემთან და მუხლებზე ამომიძვრა. ის პირით ჩემს თმას იჭერდა, მე კი შევცქეროდი და ალბათ ათი წუთი ვუხსნიდი, როგორც ცუდი აღმზრდელი, ბავშვს რომ აუზნეობებს, როგორი კარგია, ლამაზი, ჭკვიანი. ლუის მოსვლამდე უნდა დამერეკა. ყურმილში იულიუსის სუსტი, მშრალი ხმა გავიგონე და პირველი შემთხვევა იყო, რომ სიმშვიდის მაგივრად დაბნეულობა ვიგრძენი.

– იულიუს, ძალიან ვწუხვარ, მაგრამ ამ საღამოს ვერ წამოვალ.

– ავად ხართ?

– არა, ძაღლი მყავს.

სიჩუმე ერთ წამს გაგრძელდა.

– ძაღლი? ვინ მოგცათ ძაღლი?

გავოცდი. ბოლოს და ბოლოს მშვენივრად შემეძლო ძაღლი მეყიდა ან მეპოვა. როგორც ჩანს, ყოველგვარ ინიციატივას მოკლებულად მივაჩნევარ, მაგრამ ამ შემთხვევაში არ შემცდარა.

– დიდიეს ძმამ, ლუი დალემ მომიყვანა რედაქციაში.

– ლუი დალე? – ჩამეკითხა იულიუსი, – ვეტერინარი? თქვენ მას იცნობთ?

– ცოტა, – გაურკვევლად ვპასუხობ, – ყოველ შემთხვევაში, ახლა ძაღლი მყავს და საღამოს მისი დატოვება არ შემიძლია. იყმუვლებენ. იყმუვლებს, – გავასწორე.

– სასაცილო მიზეზია, – მითხრა იულიუსმა, – გნებავთ, მადმუაზელ ბაროს გამოგიგზავნით და მიხედავს?

– თქვენი მდივანი ჩემს ძაღლს ვერ მოუვლის. მერე კიდეც, ძაღლი უნდა შემეჩვიოს.

– მისმინეთ, – გამომიცხადა იულიუსმა, – ეგ ყველაფერი ცოტა გაუგებარია ჩემთვის. ერთ სა-
ათში შემოგივლით.

– ოჰ, არა, – ვპასუხობ, – არა...

გაფაციცებული ვეძებდი საბაბს თავის და-
საძვრენად. ქედუხრელი, ენერგიული იულიუსის
მოსვლაზე მეტად ვერაფერი ჩამაშხამებდა ამ
სალამოს. ძალღი ნეიში აღმოჩნდება, ლეკვების
თავშესაფარში, მე – კინოში იულიუსთან ერთად,
ლუი კი ნავა სოფელში და ველარასოდეს ვნახავ.
მივხვდი, რომ ეს აზრი ჩემთვის აუტანელი იყო.

– არა, – ვეუბნები იულიუსს, – ძალღი უნდა
გავასეირნო. რაღაცები მაქვს მისთვის საყიდელი.
გასვლას ვაპირებ.

სიჩუმე ჩამოვარდა.

– რა ძალღია? – განაგრძო იულიუსმა.

– არ ვიცი. ყვითელია და შავი. ჯიში გაურკ-
ვეველია.

– შეგეძლოთ, ჩემთვის გეთქვათ, ძალღი თუ
გინდოდათ, ყველაზე ჯიშიანი ძალღების მომწო-
დებლებს ვიცნობ.

მის ხმაში საყვედური ისმოდა. გავლიზიანდი.

– ასე მოხდა, იულიუს, უკაცრავად, ძალღი
მელოდება. ხვალ შევხვდებით.

კარგო, მითხრა და ყურმილი დაკიდა. შვებით
ამოვისუნთქე. საბაზანოში შევეარდი, ჩავიცვი
სვიტერი და შარვალი – ძალღისთვის, ცოტა
დავიხატე – მამაკაცისთვის. ფირფიტა დავდე.
ფანჯარა გავაღე, სანერ მაგიდაზე სამი თევში
დავდე, სიმღერ-სიმღერით, ცხოვრებით კმაყო-
ვილმა.

თავისუფალი ვარ. მყავს ძალღი-ბავშვი და
მომხიბვლელი, მომაჯადოებელი უცნობი, რო-
მელიც საკვების მოსაპოვებლად არის ნასული.

დიდი, ძალღიანი დიდი ხნის შემდეგ პირველად
მაქვს სალამოს პაემანი უცნობ მამაკაცთან, რო-
მელიც მომწონს და იმდენივე წლისაა, რამდენი-
საც მე.

მას შემდეგ, რაც ალანი გავიცანი, ჩემი იშ-
ვიათი თავგადასავლები მამაკაცებთან ნასოში
პიანისტის ისტორიას ჰგავდა, დიახ, გული –
პირველად ამ ხუთი წლის განმავლობაში – გა-
მალებით მიცემდა იმიტომ, რომ ვიღაცასთან
შეხვედრა მქონდა დანიშნული.

სალამოს ათზე ძალღი უკვე ეძინა, ლუი ნელ-
ნელა თავის თავზე ალაპარაკდა.

– ალბათ, პირველად რომ შევხვდით ერთმა-
ნეთს, უკმეხ ხეპრედ მოგეჩვენეთ. სინამდვილეში
მაშინვე მომეწონეთ და როცა მივხვდი, რომ თქვენ
ის ქალი ხართ, რომელზეც დიდი მელაპარაკა და
ეკუთვნით იმ საზოგადოებას, მე რომ ვერ ვიტან, ისე
გამიტყდა გული და ისე გამიცრუვდა იმედი, რომ
გავცეცხლდი და საზიზღარი მოგეჩვენეთ, –
გაჩუმდა და სწრაფად მობრუნდა ჩემსკენ, –
მართლა, ბარში რომ შემოხვდით და გაზეთი
მოგანოდეთ, მაშინვე გავიფიქრე, რომ ოდესმე
ჩემი გახდებოდით. სამი წუთის მერე კი, როცა
აღმოვაჩინე, რომ იულიუს ა. კრამს ეკუთვნით,
კინალამ გავგიჟდი ეჭვიანობისა და სასონარკ-
ვეთილებისაგან.

– რა უცებ...

– ჰო, ყველაფერს სწრაფად ვწყვეტიდი, მე-
ტისმეტადაც კი. ჩვენი მშობლები რომ გარდა-
იცვალენ, ავეჯის დიდი წარმოება დაგვიტოვეს.
გადავწყვიტე, დიდიესთვის მიმენდო რეკლამაც
და კომერციული მხარეც. მე ვეტიერინარიას
ვსწავლობდი და სოლოში გავიქეცი, იქ უკეთუ-
სად ვარ. დიდიე პარიზზე გიჟდება, მეზეუმებზე,
გამოფენებზე და იმ ხალხზე, მე რომ ვერ ვიტან.

– რას ერჩით?

– კონკრეტულად არაფერს. ისინი მკვდრები
არიან. ცოცხლობენ იმდენად, რამდენადაც ქონე-
ბა აქვთ, რაკი რაღაც როლს ასრულებენ. მე ისინი
საშიშად მიმაჩნია. ხშირად ადამიანს მათთან ურ-
თიერთობა ნაღვლიან ტყვედ აქცევს.

– მათი ტყვე შეიძლება გახდე, თუ დამოკიდე-
ბული ხარ მათზე, – შევეპასუხე.

– ყოველთვის დამოკიდებული ხარ ხალხზე,
ვისთანაც ცხოვრობ. იმიტომაც შევძრუნდი, რო-
ცა გავიგე, რომ იულიუს ა. კრამთან ხართ. ეს კაცი
ყინულივით ცივია და ამავე დროს – მძვინვარე...

– ჯერ ერთი, მე იულიუს ა. კრამთან არ ვარ,
– შევანწყვეტინე.

– ახლა ვფიქრობ, რომ ასეა.

– გარდა ამისა, – დავამატე, – ყოველთვის სა-
ნიმუშო და დაუძრავი იყო ჩემ მიმართ, ძალღიანი
თავაზიანი და უანგარო.

– ბოლოს და ბოლოს დავიჯერებ, რომ ჯერ
მხოლოდ თორმეტი წლის ხართ. სულ იმას ვფიქ-
რობ, რა ვიღონო, რომ მიხვდეთ, რა საფრთხე
გელით. ამას მივალწევ.

ხელი გამომინოდა და თავისკენ მიმიზიდა.
გული საშინლად მიცემდა. მომეხვია და წამით
გაყურდა, ლოყით ჩემს შუბლზე მოკრული. ვიგრ-
ძენი, როგორ თრთოდა. მერე მაკოცა. სურვილის
ათასი ფანჯარა ამღერდა, სისხლი ათასი ტამბა-
მის ძალით აჩქროლდა ჩვენს ძარღვებში, ათასმა
ვიოლინომ ტკბობის ვალსი დასცხო.

მოგვიანებით, გვერდიგვერდ წოლისას, ერ-
თმანეთს ვნებთან სიტყვებს ვეჩურჩულებოდით,
ვდარდობდით, როგორ არ შევხვდით თუნდაც
ათი წლით ადრე და ერთმანეთს ვეკითხებოდით,
აქამდე როგორ ვცხოვრობდით უერთმანეთოდ.
ძალღი კი, ისეთივე უმანკოსა და უბოროტოს, რო-
გორებიც ჩვენ ვიყავით ახლა, მაგიდის ქვეშ ეძინა.

...

მიყვარდა. არ ვიცი, რატომ ის, რატომ ასე
უეცრად, რატომ ასე ძლიერ – უბრალოდ, მიყ-
ვარდა. ერთი ღამე საკმარისი აღმოჩნდა, რომ
ჩემი ცხოვრება დამსგავსებოდა იმ ყბადაღებულ
ვაშლს, მრგვალს, წვნით საყვს, და როგორც კი
წავიდა, თავი მეგრძნო ამ ვაშლის ნახევრად, რო-
მელიც მხოლოდ იმის მიმართ იყო მგრძნობიარე,
რაც მისგან მოდიოდა. მარტოობის სამეფოდან
ერთი ნახტომით აღმოვჩნდი სიყვარულის სამე-
ფოში და მიკვირდა, უცნაური მეჩვენებოდა, რომ
იგივე სახე მქონდა, იგივე სახელი, იგივე ასაკი.
არასოდეს წესიერად არ ვიცოდი, ვინ ვიყავი, ახ-
ლა – მით უმეტეს. უბრალოდ ვიცოდი, რომ ლუი
შემიყვარდა და მიკვირდა, ხალხი ჩემს დანახვაზე
რატომ არ კრთებოდა და შეხედვისთანავე რო-

გორ ვერ გრძნობდა ამას. ჩემში ისევ გაცოცხლდა თბილი, სიცოცხლით სავსე და დამოუკიდებელი არსება – მე თვითონ. ჩემს ნაბიჯებს მიმართულა ჰქონდა, სიტყვებს – აზრი, და ისიც, რომ ვსუნთქავ, გამართლებული იყო. როცა მასზე ვფიქრობდი, – და ასე იყო გამუდმებით, – მისი სიყვარული მინდოდა, მის მოლოდინში ვკვებავდი და ვამზადებდი ჩემს სხეულს, რადგან მას მოსწონდა. დღეებმა და რიცხვებმა ისევ შეიძინა სახელები და თანამიმდევრობა, იმიტომ, რომ სამშაბათს წავიდა, ცხრამეტში, და დაბრუნდება შაბათს, ოცდასამში. ისიც მნიშვნელოვანი იყო, რომ დარი ყოფილიყო, გზები კი – მშრალი, რომ მანქანა არ მოსცურებოდა. კიდევ ძალიან მნიშვნელოვანი იყო, გზებზე საცობები არ დახვედროდა, რომ ჩემ ირგვლივ ყველგან ტელეფონები ყოფილიყო და ყოველი მათგანიდან მისი ხმა გამეგონა, მშვიდი, მომთხოვნი ან აღელვებული, ბედნიერი ან ნალვლიანი – მოკლედ, მისი ხმა. სხვა ყველაფერს არავითარი მნიშვნელობა არ ჰქონდა გარდა ძაღლისა, ჩემსავით ობოლი იყო, მაგრამ ამას ძალიან იოლად იტანდა.

ძაღლმა იუღიუს ა. კრამი ჩიხში მოაქცია. მისი წარმომავლობის დასადგენად, როგორც მან თქვა, კერძო მაძებარი და უგრძესი ანკეტა იქნებოდა საჭირო. მიუხედავად ამისა, როცა სიმპათიის ნიშნად მას შევიოტის შარვალი დაუხია, იუღიუსს გულიც კი აუჩუყდა. და რაკი ვახშმად მშვიდ რესტორანში მივდიოდით დიდიესა და რამდენიმე სტატისტიკით ერთად, ძაღლის დაპატიჟებაც გადამწყვიტა. ყოველ შემთხვევაში, მას ასე ეგონა, თუმცა გადამწყვეტილება მე მეკუთვნოდა. იუღიუსი დახვეწილი და ნატიფი მეჩვენა, სტატისტიკები – გონებაშეშლილები, საკვები – ჩინებული, გამორჩეული. რაც შეეხება დიდიესს, ის თავისი ძმის ძმა იყო და ამით ყველაფერი ითქვა. შინ თორმეტის ნახევრისთვის უნდა დავბრუნებულიყავი, რადგან თორმეტზე ლუის უნდა დაერეკა და მინდოდა, უკვე სანოლში ვყოფილიყავი – ამას „ჩემს ადგილზე“ დავარქვი – და მელაპარაკა სიბნელეში იმდენი, რამდენიც მოესურვებოდა.

– თქვენს ძმას უცნაური იდეა გაუჩნდა, – მიმართა იუღიუსმა დიდიესს და ძაღლზე მიანიშნა, – არ ვიცოდი, ის და ჟოზე ერთმანეთს თუ იცნობდნენ.

– ერთი თვის წინ თითო ჭიქა დავლიეთ ერთად, – უპასუხა დიდიემ.

შემცბარე ჩანდა.

– და მაშინვე ძაღლს დაგპირდათ?

იუღიუსი მიღიმოდა. მეც ღიმილით ვუპასუხე.

– არა, საქმე ის არის, რომ მეორედ შემთხვევით შემხვდა ყვავილების მაღაზიაში და რაკი იქ ძაღლს ველაპარაკებოდი ყვავილებზე, ლუიმ თქვა, ერთი ვარდი უნდა ავიღოთ და ძაღლი წავიყვანოთო და...

– მაშ, ეს ძაღლი ყვავილების მაღაზიიდან არის?

– არა, რა თქმა უნდა, არა, – ვუპასუხე გაღიზიანებულმა.

ორივე დაბნეული შემომყურებდა. ერთი შეხედვით, ჩემი მონაყოლი, საკმაოდ არეული

ჩანდა, ოღონდ არა ჩემთვის: მეჩვენებოდა, რომ ყველაფერი ძალიან ცხადი იყო. დავინახე ლუი, მაჩუქა ძაღლი და შემეყვარდა. სხვა დანარჩენი სიტყვების რახარუხია. მყავს შავთმიანი, წაბლისფერთვალა მამაკაცი და ყვითელ-წაბლისფერი შავთვალა ძაღლი.

მხრები ავიჩიჩე, მათ კი, ეტყობა, ამ პრობლემის გადაწყვეტაზე ხელი აიღეს.

– თქვენი ძმა ლუი ისევ სოფელში ცხოვრობს? – მიმართა იუღიუსმა დიდიესს. მერე მე მომიბრუნდა, – ცოტათი ვიცნობდი. კარგი ბიჭია. მაგრამ რა უცნაური ფანტაზიაა, მიატოვო პროფესია, ქალაქი... მისი პატარა ბარბარა რა იქნა?

– მე მგონი, აღარ ხვდებიან, – უპასუხა დიდიემ.

– ბარბარა კრიფტი, – ამისხნა იუღიუსმა, – კრიფტის, მრენველის ქალიშვილი. ჭკუას კარგავდა ლუისთვის და გადამწყვიტა, სოფელში გაჰყოლოდა. ვფიქრობ, ვეტერინართან სოფლად ცხოვრება ძალიან მალე საშინლად უნდა მოებზრებოდა.

თანაგრძნობით გავუღიმიე. ოღონდ იმაზე კი არა, რასაც ის ფიქრობდა. ჩემი გაგებით, ეს ბარბარა კაი შტერი უნდა ყოფილიყო, რაკი ლუი მიატოვა. აი, ახლა კი ძალიან მოწყენილი უნდა იყოს, ქალაქად არის თუ სხვაგან სადმე.

– ლუიმ მიატოვა, მან კი არა, – უმცროსი ძმის სიამაყით განაცხადა დიდიემ.

– ნამდვილად, ნამდვილად, – კვერი დაუკრა იუღიუსმა, – მთელმა პარიზმა იცის, რომ ქალები თქვენს ძმაზე ჭკუას კარგავენ.

სკეპტიკურად ჩაიცინა და მხიარულად, კეთილმოსურნედ შემომხედა.

– იმედი მაქვს, ძვირფასო ჟოზე, მათ შეცდომას არ გაიმეორებთ. თუმცა არა, ვერც კი წარმომიდგენიხართ სოფელში.

– იქ არც არასოდეს ვყოფილვარ, მე მხოლოდ ქალაქები და პლაჟები ვიცი.

ამას კი ვამბობდი, მაგრამ თვალწინ მეშლეოდა სახნავი მიწის, ტყეების, მინდვრებისა და ხორბლის ჰექტრები. ვხედავდი, როგორ მივდიოდით მე და ლუი ხეების ორ მწკრივს შორის და სახეზე შარშანდელი დამწვარი ფოთლების კვალმით გაჟღენთილი ნიავი გველამუნებოდა. ახლა მეჩვენებოდა, რომ სრულიად გაუაზრებლად ყოველთვის სოფელზე ვოცნებობდი.

– აი, – წარმოთქვა იუღიუსმა, – მალე გაიცნობთ კიდევ.

შევხტი.

– ხომ არ დაგავინწყდათ, ყველა ერთად რომ ვაპირებდით უიკენდის აპრენანებთან გატარებას? თქვენც, დიდიე.

უიკენდი... გაგიჟდა! სულ მთლად გადამაკინწყდა აპრენანების მიპატიჟება. ძალიან სასიამოვნო წყვილია. ირენ დებუს მეგობრები, პარიზიდან მოშორებით ცხოვრობენ, განდევილობის გამო კი არა, უფრო მოსაჩვენებლად. როცა დედაქალაქში ჩამოდიან, – წელიწადში ალბათ ასჯერ, – არ ბეზრდებთ განმარტოებული ცხოვრების ხიბლზე ლაპარაკი. მათი იქ ცხოვრება უიკენდებით შემოიფარგლება. მაგრამ შაბათს ლუი

ჩამოდის და ორ დღეს ერთად გავატარებთ. ეს შაბათი ხან ისე ახლოს მეჩვენებოდა, ხან კი – ისე შორს, რომ ხან სიხარულით ხტუნვა მინდოდა, ხან – მოთქმით ტირილი.

ვიცოდი, რომ ლუის ფართო მხარბეჭი ჰქონდა, წინამხარზე კი ნაიარვეი – ვირმა უკბინა, როცა სინჯავდა. ამაზე ალბათ ათი წუთი მაინც ვიცინეთ. ვიცოდი, რომ წვერის გაპარსვისას სახე ყოველთვის ეჭრებოდა, ფეხსაცმელებს კი ბოლომდე ცვეთდა. აი, სულ ეს ვიცოდი მასზე, თუ იმას არ ჩავთვლიდით, ცხადია, რომ მიყვარდა. იმ უამრავ რამეზე ვფიქრობდი, რაც ჯერ კიდევ აღმოსაჩენი მქონდა მის სხეულშიც, მის წარსულშიც, მის ხასიათშიც. ამის გამო ცნობისმოყვარეობას, სიხარბეს და თავბრუდამხვევ სინაზეს ვგრძნობდი. ჯერჯერობით კი ღირსეული, საკადრისი მიზეზი უნდა მომეფიქრებინა უიკენდზე წასვლაზე უარის სათქმელად. ყველაზე ადვილი ამის თქმა იყო: „იცით რა, ამ ორ დღეს მე ლუი დალესთან ერთად გავატარებ, რადგან ასე მინდა“, – მაგრამ სწორედ ეს იყო შეუძლებელი. ისევ დამნაშავედ ვგრძნობდი თავს და ამის გამო ჩემს თავზე ვბრაზობდი. ბოლოს და ბოლოს, იულიუსი თავის გრძნობებზე მხოლოდ მზის დაკვრის შემდეგ დამელაპარაკა. პასუხი არ მოუთხოვია და ბუნებრივი და პატიოსანი საქციელი იქნებოდა, სიმართლე მეთქვა. ობიექტურად – კი, მაგრამ მკაფიო, მშვიდობიანი სიტყვების უკან, ცხად ვითარებას რომ ასახავდა, დაფარული სიმართლის ჯოჯოხეთური აჩრდილი იმალებოდა. ისევ მალიზიანებდა იმის შეგნება, რომ „ობიექტურად“, „სიცხადე“, „დამოუკიდებლობა“, „მეგობრობა“ და სხვა ასეთი სიტყვების მიღმა არაფერი იდგა. გარდა ამისა, მეგონა, რომ თუ იულიუსს გამოვუტყუებოდი, – „გამოტყდომარა“ ვფიქრობდი და არა „თქმაზე“, – განვარისხებდი, გავამწარებდი, შურისძიების წყურვილს გავუღვიძებდი, ეს კი მაშინებდა. ამ ადამიანს მუდამ შავი შარავანდედი მოსავდა, ძლიერების და, ამასთანავე, ჰიპერტროფირებული მგრძნობიარობის შთაბეჭდილებას გიქმნიდათ. ესეც გაუნელებლად მაშინებდა. და მაინც, რას დამიშავებდა? სამსახური მქონდა, მასზე არ ვიყავი დამოკიდებული, მხოლოდ ტკივილს თუ მივყავნებდი. და თუ ეს გრძნობა საკმაოდ ძლიერი იყო, რომ გასასჭირში ჩავეგდე, ისეთი მაინც არ იქნებოდა, დუმილი ან სიმართლის ბოლომდე ართქმა ეიძულებინა ჩემთვის, როგორც ეს სამი დღეა ვიქცევი. ჩემი ცხოვრება უცებ ვნებით გასხივოსნებულ ფართო მაგისტრალად იქცა და ვერ ავიტანდი, ოდნავი ჩრდილი მაინც მისდგომოდა.

ყველა ეს სადარდებელი თვალის დახამამებაში გაქრა შუალამისას, როცა ლუის ხმა გავიგონე. მეკითხებოდა, მიყვარს თუ არა – ერთსა და იმავე დროს უნდობლად და მოზეიმე ინტონაციით. კითხულობდა: „გიყვარვარ?“ – ეს კი ნიშნავდა: „შეუძლებელია არ გიყვარდე. ვიცი, რომ გიყვარვარ! მიყვარხარ...“ მინდოდა მეკითხა, სად იყო. მინდოდა, თავისი ოთახი აეწერა – რა ჩანდა ფანჯრიდან, დღისით რას აკეთებდა. მაგრამ არაფერი გამოდიოდა. ცხადია, ამას ყველაფერს ვკითხავ მოგვიანებით, როცა მისი არსებობა სხვა

განზომილებას მიიღებს, უფრო ალალი და მშვიდი გახდება, ამ სიმკვეთრეს დაკარგავს, როცა მოგონებები დაგვიგროვდება. ჯერჯერობით კი ის ის მამაკაცია, რომელთანაც დამე გავატარე, ურთიერთობა უფრო სიბნელეში მქონდა, ვიდრე დღის შუქზე. ჩემთვის ეს იყო გავარვარებული სხეული, უკან გადაგდებული პროფილი, სილუეტი განთიადის ბინდუნდში. ის სითბო იყო, სიმძიმე, ორი-სამი შემოხედვა, რამდენიმე ფრაზა. უპირველეს ყოვლისა, საყვარელი იყო, მიჯნური. მაგრამ არ მახსოვდა, რა ფერი სვიტიერი ეცვა, რა ფერის მანქანა ჰქონდა, არ მახსოვდა მანქანის ტარების მანერა. არ მახსოვდა, როგორ აქრობდა სიგარეტს საფერფლეში, არ ვიცოდი, როგორ ეძინა – არ დაგვიძინია. სამაგიეროდ, ვიცოდი მისი სახე და ხმა ტკობისას. მაგრამ აქაც, ამ უზარმაზარ სამეფოში, – ნეტარების სამეფოში, – ვიცოდი, ერთად ათასი აღმოჩენა გველოდა, ერთად უნდა გადაგველახა ყამირის ათასი ჰექტარი, ჩაგვექრო ჩვენივე გაჩაღებული ათასი ხანძარი. ვიცოდი, რომ ისიც და მეც გაუმაძღარნი ვიქნებოდით, მაგრამ ვერ წარმომედგინა ის გარდაუვალი წამი, როცა ჩვენს შიმშილს ოდნავ მაინც დავიოკებდით. ის ამბობდა „შაბათს“ და მეც ვიმეორებდი „შაბათს“, როგორც გემის დალუპვისას გადარჩენილები იმეორებენ: „მინა!“ – ან ორი საცოდავი სიკვდილმისჯილი ცოდვილი ჯოჯოხეთს ნატრობს.

შაბათს ჩამოვიდა და ორშაბათს დილას წავიდა. და იყო სამოთხეც და ჯოჯოხეთიც. ორჯერ თუ სამჯერ რიგრიგობით გავედი თქნაში ძაღლის გამო. მხოლოდ მაშინ თუ ვხედავდით დღის სინათლეს. გავიგე, რომ ბეთჰოვენს ბახი ურჩევნია, რომ ბავშვობისას ველოსიპედიდან უთვალავჯერ ჩამოვარდნილა და პირქვე სძინავს. გავიგე, რომ ახირებულია, უცნაური და ხანდახან ნაღვლიანი. მისი სინაზეც შევიგრძენი. ტელეფონმა ერთი ათჯერ მაინც დარეკა დაჟინებით ამ ორ დღეში. ყურადღება არ მიმიქცევია. როცა ჩემგან მიდიოდა, ბედნიერებისა და დაღლილობისგან ვბარბაცებდი, კისერზე ჩამოვეკიდე, ვემუდარებოდი, ფრთხილად ევლო.

– გპირდები, – მითხრა, – ხომ იცი, ახლა სიკვდილი არ შემიძლია.

გულში მიკრავდა.

– მალე დიდ მანქანას ვიყიდი, ნელა და საიმედოდ ივლის, სატვირთოსავით. აი, მაგალითად, ისეთ ძველ „დაიმლერს“, შენს ფანჯარასთან რომ დგას.

მხნეობა მოვიკრიბე და პარასკევს იულიუსს სრულიად ბუნდოვანი დეპეშა გავუგზავნი. შინაარსი ასეთი იყო: „კვირის ბოლოს ჩამოსვლის საშუალება არ მაქვს. განმარტება – მოგვიანებით. ძალიან ვწუხვარ. ჟოზე“. ახლა ისლა დამრჩენოდა, ეს განმარტება მომეფიქრებინა. როცა ტელეგრამას ვაგზავნიდი, თავში არანაირი განმარტება არ მქონდა. ისე მალე უნდა ჩამოსულიყო ლუი, რომ ბედნიერებისაგან სრულიად დაკვარვე გონება. ახლა, როცა ეს ბედნიერება განმტკიცდა კიდევ და თანაც გაორმაგდა, სულ უფრო მიჩლუნგდებოდა აზროვნების უნარი. „დაიმლერის“ აქ დგო-



მა, თუ დავუშვებდით, რომ იულიუსს ეკუთვნოდა და აქ სათვალთვალოდ იყო, როგორც ოდესღაც ალანის ფანჯრებთან, უხერხულობას არ მაგრძნობინებდა. მძლოლს, – თუ დავუშვებდით, რომ მანქანაში მძლოლი იყო, – შეეძლო, მხოლოდ და მხოლოდ ის მოესხენებინა, რომ დამინახა, როგორ ვასეირნებდი შავ-ყვითელ ძაღლს, მერე კი იმავე ძაღლს მამაკაცი ასეირნებდა. გადავწყვიტე, იულიუსისთვის მეთქვა, რომ ძველი მეგობრების სანახავად ვიყავი პარიზთან ახლოს. ან დამიჯერებდა, ან მიხვდებოდა, რომ ვცრუობდი და მაშინ სრული უფლებით დაინწყებდა კონტრდაკითხვას, რომელიც ასე უხერხებოდა და რომლის საიდუმლოც მხოლოდ მან იცოდა. ეს სცენით ან საყვედურების კასკადით დასრულდებოდა, ანუ ახსნით, რაც ყველას მოჰგვრიდა შვებას და უპირველესად – მე. ასე რომ, ჩემს თავსაც არ ვუტყდებოდი, მაგრამ მერჩინა, ტყუილში დავეჭირე, ვიდრე უბრალოდ სიმართლე მეთქვა.

წასვლას ვაპირებდი, ტელეფონმა რომ დარეკა. ნიუ-იორკიდან რეკავდნენ.

დედამთილის მბრძანებლური, ნიღბილი ხმის გაგონებაზე მაშინვე გავიფიქრე, ნეტავი კიდეც რა მოიგონა-მეთქი ალანმა.

– ჟოზე, – მითხრა დედამთილმა, – განქორწინების საქმეზე ვრეკავ. ცხადია, ალანმა გადაწყვიტა, შესაძლებლის მაქსიმუმი გააკეთოს და მეც, რასაკვირველია. მაგრამ თქვენს ადვოკატს, თითქოს განგებ, უჯიათი ხასიათი აქვს. თქვენ რა, გაყრა არ გინდათ?

– მინდა, – გავშტერდი. – რა მოხდა?

– ეს ბატონი დიუპონ-კორმეი, ბატონი ა. კრამის ადვოკატი, ყველაფერზე თანახმაა, მათ შორის – ალიმენტის რაოდენობაზეც, მაგრამ აუცილებელი საბუთები ჯერ კიდეც არ გამოუგზავნია. ბოლოს და ბოლოს, ჟოზე, ფული ხომ გჭირდებათ! თუმცა, თუ არ გჭირდებათ, – სასწრაფოდ დაუმატა, – ძალიან სასიამოვნოა.

– სრულებით არ ვარ საქმის კურსში, – ვუპასუხე, – გავიგებ.

– თქვენი იმედი მაქვს, მაგრამ თუ უფრო გადაუდებელი საქმეები გაქვთ, გირჩევთ, ადვოკატი შეიცვალოთ. მე მგონი, თითქმის უხამსობად მიაჩნია, რომ რალაცნაირად თქვენი უზრუნველყოფა გვინდა. თვეში ათასი დოლარი არც ისე დიდი ფულია.

მე სრულიად სანინალმდეგოს ვფიქრობდი. უფერულად გადავუხადე მადლობა, დავპირდი, რომ ახლავე გავარკვევდი ყველაფერს და ყურმილი დავდე. ცნობისმოყვარეობა ამიფორიაქდა. განსაკუთრებით ის ფაქტი მაოცებდა, რომ იულიუსის ადვოკატი, რომელიც, ლოგიკის თანახმად, უსაშინლესი ზვიგენი უნდა ყოფილიყო, ჩემს არანაკლებ საშიშ დედამთილთან უწყინარი კრავივით იქცეოდა. მაგრამ ეს ყველაფერი წაშლილი გადამავიწყდა. მძლოლი დავგთანხმდა, მე და ძაღლი წავეყვანეთ, რამაც ძალიან გამახარა, რადგან არც ავტობუსში, არც მეტროში არ შეგვევლებოდა და რედაქციაში ან გულკეთილი ტაქსისტის დახმარებით, ან ფეხით უნდა წავსულიყავით, ეს კი ამ დილას უკანასკნელ ძალ-ღონეს გამომაკლიდა.

მეჩვენებოდა, რომ ერთი თასმით ჩემი ბომბორა და მოუქნელი ძაღლი მიმყავდა, მეორით კი – მოუქნელი ლუიზე და ამ ორ დღეზე. ლუიზე, დიდი მოდარაჯე ძაღლს რომ ჰგავდა, ვეებერთელას და თავნებას, ოღონდ ჩემი გადასარევი მეტისისგან განსხვავებულს.

დიუკრე მელოდა. უფრო სწორად, მისმა მდივანმა დამიჭირა გზაში და მთავარი რედაქტორის კაბინეტში გამაგზავნა. დიუკრე ძირითადად ნაცრისფერი იყო, კოსტიუმებიც, თვალებიც, თმაც, ერთნაირად რუხი ჰქონდა, მაგრამ დღეს აფორიაქებული და კმაყოფილი ჩანდა, რამაც გამახარა. მოკრძალებული, ძალიან თავაზიანი კაცი იყო, თავისი ჟურნალით საშინლად გატაცებული, რომელსაც უკვე რვა წელი იყო ხელმძღვანელობდა და რომელიც, როგორც ვიცოდი, დიდ ფინანსურ სირთულეებს უქმნიდა.

– ძვირფასო ჟოზე, თქვენთვის შესანიშნავი ახალი ამბავი მაქვს, თუ ვივარაუდებთ, რომ თქვენთვის ახალია. აი, რა: ჟურნალი სამოცდაოთხგვერდიანი გამოვა, ნაცვლად ოცდათორმეტისა, გარდავქმნით და გავამდიდრებთ. სხვა სიტყვებით რომ ვთქვათ, ვეცდებით, ახლებური ჟურნალი შევქმნათ, არამხოლოდ ვინრო წრი-სათვის.

– შესანიშნავია, – გულწრფელად ვუპასუხე. ჟურნალი მისი სერიოზული ტონს გამოც მომწონდა, დამოუკიდებლობის გამოც და იმიტომაც, რომ, ვგრძნობდი, მისმა თანამშრომლებმა ნელ-ნელა თავიანთ წრეში მიიღეს.

– თუ ეს ყველაფერი გამოგვივა, – განაგრძო დიუკრემ, – უფრო მნიშვნელოვან თანამდებობას შემოგთავაზებთ, რომელიც მეტ პასუხისმგებლობასაც დაგაკისრებთ, რადგან, ერთი მხრივ, დიდ პატივს გცემთ, მეორე მხრივ კი სწორედ თქვენი წყალობითაა, რომ შეეძლებ, ბოლოს და ბოლოს ჩემი ჟურნალი იმად ვაქციო, რაზეც ვოცნებობდი.

– სრულებით არაფერი მესმის.

ერთ წამს უნდობლად მიყურა, მერე გამიღიმა.

– მართლა ასეა. ორმაგად ბედნიერი უნდა იყოთ, რადგან თქვენმა შესანიშნავმა მეგობარმა იულიუს ა. კრამმა ჩვენი ჟურნალის დაფინანსება შემომთავაზა.

გაოგნებული გავშემდი. მერე წამოვხტი, მივვარდი დიუკრეს და შუბლზე ვაკოცე. მაშინვე ბოდიში მოვუხადე, მაგრამ ისიც სიამოვნებისგან იცინოდა.

– შესანიშნავია. რა ბედნიერი ვარ თქვენ მაგივრად, ყველას და ჩემ მაგივრადაც. ყველა როგორ გაიხარებს! იულიუსი სასწაულია. თუმცა, – დავუმატე ჩემთვის დამახასიათებელი ანგარიშიუცემლობით, – ბედნიერება მარტო არასოდეს მოდის.

დიუკრეს მზერა კითხვას გამოხატავდა, მე კი პასუხის ნაცვლად მხოლოდ ხელი ჩავიქინე.

– თქვენ ეს როდის გაიგეთ? – ვკითხე.

– ამ დილას. მე, რა თქმა უნდა, უკვე შევხვედრე იულიუს ა. კრამს, – მისი უესტი „რა თქმა უნდას“ განმარტებას გამორიცხავდა, – მაგრამ ამ დილას დამირეკა. ამისხნა, რომ ძალიან საინტერესოდ მიაჩნია, მონაწილეობა მიიღოს ისეთი

სერიოზული ჟურნალის არსებობაში, როგორც ჩვენია. თანაც ძალიან დელიკატურად მკითხა, შესაძლებლად მიმაჩნდა თუ არა თქვენი უფრო აქტიური მუშაობა ჟურნალში. მის თხოვნაში ოდნავი დაძალება რომ შემემჩნია, ან რომ არ ვიცოდე, რომ თქვენ ნამდვილად გიყვართ თქვენი საქმე, უარს ვეტყვი. საბედნიეროდ, აქ საქმე სხვაგვარადაა. ძვირფასო ჟოზე, მინდა მოგანდოთ ფერწერისა და სკულპტურის მთელი განყოფილება, თქვენ და მაქსი, დარწმუნებული ვარ, გატაცებით იმუშავეთ, რომ არაფერი ვთქვათ იმაზე, რომ თქვენი მატერიალური მდგომარეობაც გაუმჯობესდება.

– აღფრთოვანებული ვარ.

მართლაც აღფრთოვანებლი ვიყავი. ეს ამბავი მოწმობდა, რომ დილით დანახული „დაიძლერი“ არც კარგის და, მით უმეტეს, არც ცუდის ნიშანი არ იყო. მოწმობდა, რომ იულიუსს სერიოზულ ჟურნალისტად მივაჩნდი და, აქედან გამომდინარე, დამოუკიდებელ ქალაქად, მოწმობდა იმასაც, რომ დიუკრე, რომელიც, როგორც ჩემთვის ცნობილი იყო, პრინციპულობით გამოირჩეოდა, ჩემს მუშაობას აფასებდა. მარტო გული კი არ ამიძგერდა, თავიც უკეთ ამიმუშავდა.

– სანინალმდეგო ხომ არაფერი გაქვთ? – მკითხა დიუკრემ.

წარბები ავნიკებ.

– რა უნდა მქონდეს?

– უბრალოდ, დარწმუნება მინდოდა, – მიპასუხა, – საჭიროდ მიმაჩნია გითხრათ მხოლოდ ის, რომ თუ რაიმე მიზეზით, რაც მე არ მეხება, თანამდებობაზე უარის თქმა მოგიწევს, ეს ჩვენს ურთიერთობაში სრულად არაფერს შეცვლის.

ვერ მივხვდი, რის თქმა უნდოდა. როგორც ჩანს, იმ უბედური სულელების პლეადას მიეკუთვნებოდა, მე და იულიუსის საიდუმლო კავშირისა რომ სჯეროდათ, იმ ბრმა-ყრუ-მუნჯებს, ლუის არსებობა რომ არ იცოდნენ.

– არავითარი ასეთი სირთულე არ არსებობს, – ვუპასუხე სათნო სახით, – აჯობებდა, შამპანური დაგველია.

ათი წუთის შემდეგ რვა ინტელექტუალმა, – მეც მათ შორის, – ორმა მდივანმა და ძაღლმა მეზობელი კაფე დავიკავეთ და სამი ბოთლი შამპანური გამოვცალეთ იმ დიდებული ჟურნალის მომავლის სადღეგრძელოდ, ქვეყნიერებას რომ უნდა მოვლენოდა. დიუკრეს გულს უწყალებდნენ შეკითხვებით იდუმალ შეანახრებზე, ის კი ღიმილით ახსენებდა „ერთ მეგობარს“ და დროდადრო კითხვის გამოძახებულ მზერას მესროდა, მაგრამ ჩემი გულწრფელი სიხარულისა და შამპანურის წყალობით მზერა მალე მეგობრული და თბილი გაუხდა. დიდი და ვუბრძანე, ყველა საქმე მიეტოვებინა და სადილად „შარპანტიემი“ მოსულიყო, სადაც დაველოდებოდი.

...

– არა, – ამბობდა დიდი, – არა, შეუძლებელია! როგორ მიხარია!

ეს წუთია ვუთხარი, რომ ლუი მიყვარდა, რომ მასაც ვუყვარდი.

– ლუის უნდოდა, ერთად გვეთქვა თქვენთვის, – ვუყვებოდი, – მაგრამ მომეჩვენა რომ ერთი კვირის გატარება ისე, რომ მსხვერპლისთან მელაპარაკა, მეტისმეტად ბევრია და ბოლოს და ბოლოს ნება დამართო, თქვენთვის მეთქვა.

– გახსოვთ, – გაიხსენა დიდი, – გახსოვთ, რა გამაგებთ შემოგიტიათ პირველი შეხვედრისას და თქვენც რა დღე აყარეთ?

– იულიუსის საყვარელი ვეგონე, – მხიარულად ვუპასუხე, – ეს არ მოეწონა.

– მე ვარწმუნებდი, რომ ასე არ იყო, – განაგრძო დიდი, – მან კი შტერი მიწოდა. მართალი უნდა ითქვას, ძნელი დასაჯერებელი იყო, უფრო სწორად, დაუჯერებელი. იულიუსმა იცის?

– არა. ჯერ არა, მაგრამ ამ დღეებში ვეტყვი.

– აპრენანებთან არცთუ კმაყოფილი სახე ჰქონდა. გაცეცხლებულიც კი ჩანდა.

– არა, რას ამბობთ, – შევედავე დიდი, – ბრაზობს კი არა, დიუკრეს, ჩემს საყვარელ რედაქტორს დაურეკა სწორედ ამ დილას და ჟურნალის გადარჩენაში დახმარება შესთავაზა. უცებ სახალისოდ ეჩვენა ცოტაოდენი ფულის ზარალი. შესანიშნავია, არა? არ მეთანხმებით? საყვარელი იულიუსი...

გული საბოლოოდ ამიჩუყდა.

– საყვარელი იულიუსი, – ფიქრიანად ჩაილაპარაკა დიდი. – პირველად მესმის, რომ იულიუს ა. კრამი წარუმატებელი, გამგებიანი საქმიანობით დაინტერესებულიყო.

უცებ მოიღუშა და, ფიქრში წასული, თევზზე კარტოფილის ჭყლეტას მოჰყვა.

– ხომ არ გგონიათ, რომ ამით იულიუსი თქვენს დაკავებას ცდილობს?

– არა, ასეთი ჭკუამოკლე არ არის. ყოველ შემთხვევაში, დიუკრემ მაგრძნობინა, რომ, ამის გაუთვალისწინებლად, ჩემს მუშაობას აფასებს. დიდი, ჩემო საყვარელო მაზლო, ხვდებით თუ არა? ლუი მიყვარს და პროფესია მაქვს.

თავი ასწია, შემომხედა, მერე ლაღად და უდარდელად ასწია ჭიქა და მომიჭახუნა.

– თქვენი სადღეგრძელო იყოს, ჟოზე, თქვენი სიყვარულისა და სამსახურის.

მერე მთავარ თემას ანუ ლუის დავუბრუნდით. გავიგე, რომ სანიმუშო ძმაა, თანაგრძნობისა და დახმარებისთვის მუდამ მზად არის, რომ ნამდვილი მეგობარია, რომელსაც თვალდახუჭული შეიძლება ენდო, რომ ყოველთვის ისეთი ქალები ხვდებოდნენ, რომლებიც, დიდი აზრით, მის ფრჩხილად არ ღირდნენ და რომ – ეს უკვე ვიცოდი – ეჭვი არ არის, ერთმანეთისთვის ვიყავით გაჩენილნი.

– კი მაგრამ, როგორ მოახერხებთ, – დაუმატა დიდი, – პარიზში მუშაობას და სოფელში ცხოვრებას?

– ვნახოთ, კომპრომისული გადაწყვეტილება ყოველთვის მოიძებნება.

– ლუის კომპრომისები არ უყვარს, თავიდანვე გაითვალისწინეთ.

ვიცოდი ეს და ამიტომ თავს უფრო ბედნიერად გგრძნობდი.

– ცხადია, ვიპოვით, ცხადია ვიპოვით, – მხიარულად ვიმეორებდი.

მშვენიერი დარი იდგა, როგორც არასოდეს ყოფილა. კისერზე ლუის ნაკბილარები ისევ მენვოდა. უზმოზე დალეული შამპანურისგან ყველაფერი ბუნდოვანი მეჩვენებოდა და ლივლივებდა. ბედნიერების მწვერვალზე ვიყავი. ხუთი დღის შემდეგ, პარასკევ საღამოს, ჩავჯდები მატარებელში, სოლონში, ლუისთან რომ წამიყვანს. აღმოვაჩენ მის ცხოვრებას, მის სახლს, მის ცხოველებს. იქ ყველაფრისგან განრიდებული ვიქნები.

იმავე საღამოს მე და დიდი იულიუსთან ერთად ვვახშობდით. ჩემზე არანაკლებ აღფრთოვანებული იყო თავისი გადანყვეტილებით და დავირდი, რომ ჟურნალის წყალობით ორმაგად მილიარდერად ვაქცევდი. გამოგვიტყდა, დიდი ხანია ვოცნებობდი, ბირჟის გარდა სხვა საქმეც მქონოდაო. ისიც კი გვთხვავა, დავხმარებოდით ხელოვნების დარგში ცოდვის გაღრმავებაში. მოკლედ, მეცენატის როლი ელეგანტურად ჩაანაცვლა მაღლიერი უვიცის როლით. გვაგრძობინა, რომ მოწყენილია. ფერწერა აინტერესებს და ჩვენს თამაშში ჩართვით ერთსა და იმავე დროს გართობაც უნდა და განათლებაც. ორ-სამჯერ სასხვათაშორისოდ მკითხა, როგორ გავატარე კვირის ბოლო. მხოლოდ ის ვუთხარი, სხვანაირად მოქცევა არ შემეძლო-მეთქი და ისიც, ჩემდა გასაკვირად, არ ჩამძიებია. მოგვიანებით დიდიმაც აღნიშნა, იქნებ იულიუსის შეფასებაში შევცდი და შენი წყალობით თავისებური უანგარობა გამოიჩინა, რაც მანამდე მისთვის არ შემიმჩნევიაო. კვირა ძალიან მალე გავიდა.

ლუი მელაპარაკებოდა ხოლმე ტელეფონით. მეც ვურეკავდი. ჩვენი ჟურნალის სულ ახალ-ახალ პროექტებს ვადგენდით. დიდი ყველგან დამყვებოდა. საღამოობით მას და იულიუსს ვუყვებოდი ახალ ამბებს. ხუთშაბათს ოთხივემ ვივასშმეთ დიუკრესთან ერთად. ისიც, ეტყობოდა, მოხიბლული იყო იულიუს ა. კრამის კეთილშობილებითა და სიმშვიდით და იმითაც, რომ არავითარი პრეტენზია არ ჰქონდა, ინტელექტუალის შთაბეჭდილება დაეტოვებინა. გადავწყვიტე, იმავე საღამოს მეთქვა იულიუსისთვის, რომ ხვალ სოფელში მივდიოდი ლუი დალესთან, მაგრამ ვახშამმა ისე მხიარულიად ჩაიარა, ერთმანეთით ისე ვიყავით აღფრთოვანებულნი, რომ მანქანაში საჩოთირო განმარტების მიცემა აღარ მომინდა. ისლა ვუთხარი, დიდიესთან ერთად სოფელში მივდივარ-მეთქი, რაც მართალი იყო, რადგან დიდი უნდა გამოყოლოდა. მხოლოდ ეს მიპასუხა: „არ დაგავიწყდეთ, ორშაბათს ირენ დებუსთან ვვახშობთ“. ნამცეცი გულდანყვეტილობა არ შემიმჩნევია. ვუყურებდი, მისი მოტყვეპილი კეფა, მანქანის სავარძლის საზურგის იქით ოდნავ რომ ჩანდა, როგორ უჩინარდებოდა ღამის სიბნელეში და გამახსენდა, იმ საღამოს ორლიში ჩემთვის მხარში ამოდგომისა და ნუგუშისცემის სიმბოლოდ რომ იქცა. წამით გული მომენურა, რადგან ახლა მხოლოდ მარტოობის სიმბოლოდ ქცეულიყო.

მატარებელი გიჟივით, სტვენით მიქროდა,

თანაბრად, ერთნაირად გვარყევდა, მე კი მეგონა, ადგილზე ვიდექით, თავდახრილი რკინიგზელები კი განგებ მირბოდნენ ვაგონის გასწვრივ პატარა ალმებით ხელში, რომ მოვეტყუებინეთ და სიჩქარის ილუზია შეექმნა ჩვენთვის. გადავსხედით მეორე მატარებელში და მე, ვისაც აქამდე ასე გულაჩუყებით მიყვარდა ძველი საგარეუბნო მატარებლები, ვინანე, რომ ზეჩქარულ, ელვასავით სწრაფექსპრესს არ შეეძლო გავექროლებინე ჩემს ნავსაყუდლამდე – ლუიმდე. დიდი ერთხანს ეცადა, გავერთე კროსვორდით, ჯინით, პოლიტიკის ახალი ამბებით, მერე, როგორც იქნა, ფარ-ხმალი დაყარა, შეეგუა, რომ მისი თანამგზავრი აჩრდილია, მოჩვენება და დეტექტიური რომანის ფურცლა დაიწყო. დროდადრო ჩაიცინებდა, შემომხედავდა და „ვარდისფერ ცხოვრებას“ ნაილილინებდა ხოლმე. საღამოს შვიდი საათი შესრულდა. ჩრდილები დაგრძელდა. სოფლის პეიზაჟი მშვენიერი იყო.

ბოლოს ჩვენი ვაგონი ლუის ფეხებთან გაჩერდა და წამში მის მკლავებში მოვექეცი. დიდიმ ბარგი გამოიტანა, ძალი გამოიყვანა და გადახდილ „პეჟოში“ ჩავსხედით. სანამ მანქანას დაძრავდა, ლუი მოგვიბრუნდა და სამივე ღიმილით შევაცქერდით ერთმანეთს. ვიგრძენი, ეს წუთი არასოდეს დამავიწყდებოდა. დაისის შუქით განათებული პატარა ცარიელი სადგური, ჩემკენ მოტრიალებული მათი ასეთი მსგავსი და ასეთი განსხვავებული სახეები, სოფლის სუნი, მატარებლის ხმაურის შემდეგ – სიჩუმე და ბედნიერების შეგრძნება, ჯადოსნური ხმალივით რომ მიმაჯაჭვა მანქანის სავარძელს, წამით ყველაფერი გაშეშდა და სამუდამოდ ჩამებეჭდა მესხიერებაში. მერე ლუის ხელი შეეხო საჭეს და ცხოვრება განახლდა.

შარაგზა, სოფელი, ბილიკი და აი, როგორც იქნა, სახლი: კვადრატული, დაბალი, მზის ყვითელი სხივებით დაბრმავებული ფანჯრები, მთვლემარე ბებერი ხე, ორი ძალი. ჩემი ძალი ღრმა, ბავშვური ძილისგან გამოფხიზლდა და ყფით გაექანა მათკენ. ენით აუნერგელმა აღფრთოვანებამ შემიპყრო. კაცებმა კი მხრები აიჩიჩეს. კარები მოაჯახუნეს და ჩემოდნებით ხელში ავიდნენ პატარა კართანაზე. ორივეს ერთნაირი, ძლიერი და ლალი სოფლის ბიჭურის მოძრაობები ჰქონდა. სასტუმრო ოთახში იდგა პლუშის დიდი დივანი, პიანინო, ყველგან გაზეთები ეწყო, იყო უამრავი ბროლი და კიდევ – უზარმაზარი ბუხარი. ეს ყველაფერი მაშინვე მომენონა, მაგრამ ზუსტად ასევე მომენონებოდა გოთური სავარძლები ან აბსტრაქტული სტილის ავეჯი. აივნის კართან მივედი, მღვდლის ბაღში რომ გადიოდა, იმის იქით კი იონჯის უსაზღვრო მიწდორი გადაშლილიყო.

– რა მშვიდი ადგილია, – თქვი შემობრუნებისას.

ლუიმ მთელი ოთახი გადმოკვეთა და მხარზე დამადო ხელი.

– მოგწონს?

შევხედე. აქამდე მისთვის სახეში შეხედვას ვერ ვებედავდი. ვკრთებოდი, მეშინოდა მისი, ჩემი თავის, ყველაფრის, რაც გარს გვეხვია მას შემდეგ, რაც ერთად აღმოვჩნდით. ეს თანაზიარი არსე-

ბობა ლამის ხელშესახები იყო. მისი ხელი ოდნავ შემეხო მხარზე. გაუბედავად, შემკრთალმა დამადო. სახე ოდნავ შეეშალა, მისი ნაწყვეტ-ნაწყვეტი სუნთქვა მესმოდა. ერთმანეთს ვუყურებდით, ოღონდ ვერ ვხედავდით. ვგრძნობდი, რომ სახე მეც ისევე მქონდა გაშიშვლებული, როგორც მას და ორივე უძრავი სახე ყვიროდა: „ეს შენ ხარ!“ „ეს შენ ხარ!“ სიყვარულით ნატანჯი ორი სახე – ორი გაქვავებული, ფერფლით დაფარული პლანეტა, უტყვი ზღვებით – ერთმანეთისკენ მიპყრობილი თვალებით – და მოკუმული ბაგეების უფსკრულით. საფეთქლებზე ცისფერი ვენების ფეთქვა უგვანო ანაქრონიზმი იყო, იმ დროის ჯიუტი მოგონება, როცა გვეგონა, რომ ვარსებობდით, გვიყვარდა, გვეძინა, ერთმანეთს კი ჯერ არ ვიცნობდით. მის გაცნობამდე გავიგე, რომ მზე ცხელია. აბრეშუმი – რბილი, ზღვა – მლაშე. ისე დიდხანს მეძინა, რომ მეგონა დავბერდი, მაგრამ თურმე არც კი დავბადებულვარ. „მშია, მშია“, – სადღაც კილომეტრების იქით ამბობდა დიდიე. ბოლოს მისმა ხმამ ჩვენამდე მოაღწია და გამოეფხიზლდი. უცებ აღმოვაჩინე, რომ ლუის კანს მოჰკიდებოდა მზე, თვალებქვეშ კი რუჯი თეთრი ვინრო ზოლით იყო გადახაზული.

– ალბათ მზეზე კითხულობდი.

იმანაც, როგორც იქნა, გაიღიმა, თავი დამიქნია, ხელი ოდნავ მომიჭირა მხარზე და ერთი ნაბიჯით უკან დაიხია. აქამდე დაახლოებით ერთი მეტრით დაშორებული ჩვენი სხეულები შეუკავებელი, საერთო სურვილის გეოტროპიზმის წინააღმდეგობას დაეჭიმა. იდგნენ მსხვერპლისგან მოშორებით, როგორც კარგად განვრთნილი მონადირე ძაღლები. ლუის ერთი ნაბიჯი და – აიწყვიტეს. ბუნებრივად მოვსხლტით ერთმანეთისკენ და, მაგრად გადახვეულები, დიდიესკენ მივბრუნდით. ილიმებოდა.

– თქვენი წყენინება არ მინდა, მაგრამ ისეთი მოუქნელები, ულაზათოები და მოწყენილები ჩანდით! რამე უნდა დავლიოთ, თორემ ესპანელი ნეფე-დედოფლის დუენიასავით ვარ.

მე კი, რაკი ვიცოდი, რომ უხერხულობა და უგერგილობა დღისით ღამეული ჰარმონიის ანარეკლია, რომ განგებ შენარჩუნებული დისტანცია ფარულ ურცხვობას ამხელს, სიამაყით და მაღლიერებით აღვივსე ამ ძლიერი სხეულების გამო, მე და ლუის რომ გვეკუთვნოდა, ასე იოლად რომ თვინიერდებოდა მესამის შემოხედვაზე. დიას, ჩვენს სიყვარულს წინასწარ დასახული გზით ორი კარგი ცხენი, წმინდა სისხლის ორი მფრთხალი, ერთგული, ქარისა და წყვდიადის მოყვარული ბედაური წაიყვანს.

დივანზე წამოვწექი. ლუიმ ვისკი გამოიღო. დიდიემ ფირსაკრავზე შუბერტის კვინტეტის ფირფიტა დადო და პირველი სირჩა მალევე დავლიეთ. აღმოჩნდა, რომ წყურვილისა და დაღლილობისგან ვკვდებოდი. მოსალამოვდა. საუკუნე იყო, ვიჯექი ამ ბუხართან და შემეძლო, ზეპირად მემღერა უცნობი კვინტეტი. თუნდაც ასჯერ მოვკვდე, თანახმა ვარ, ცხოვრების ამ წამებისთვის ასჯერ მომიხაჯონ საუკუნო ტანჯვა.

სოფლის პატარა რესტორანი სახლიდან სა-

მასიოდე მეტრზე იყო და ფეხით წავედი. როცა ვბრუნდებოდით, სულ მთლად ბნელოდა და თურგზას ფეხქვეშ მკრთალად ვხედავდით. დიდიესლოთა ხი ხალვათი და მყუდრო იყო. ორივე ფანჯარა ღია გვქონდა და ერთ ფანჯარაში შემოფრენილი ღამის ნიაკი სანამ მეორეში გავიდოდა, ხანდახან ჩვენც გველამუნებოდა, აგრილებდა და აშრობდა ჩვენს სხეულებს. ყურადღებიანი, ფხიზელი, მსუბუქი ნიაკი, როგორც მონა, რომელიც ორ თანამოძმეს, ოღონდ სხვა, უფრო უღმობელი ბატონის მონებს დარაჯობს.

ორი დღის მერე, ანუ კვირას, იმ არემარეზე, მახლობლად, ძროხამ ხბო მოიგო. ლუიმ გაყოლა შემოგვთავაზა. მე და დიდიე შევყოყმანდით.

– ნავედით, – შეგვაგულიანა ლუიმ, – აი, უკვე ორი დღეა, ორივე გაუჩერებლად ლაპარაკობთ რა ლამაზია, რა მშვენიერია სოფელი. ფლორის შემდეგ – ფაუნა. გავუდექით გზას!

თხუთმეტი კილომეტრი ზღვრული სიჩქარით ვიარეთ. ვცდილობდი გამეხსენებინა ეპიზოდი ვაიანის ძალიან კარგი რომანიდან, სადაც პერსონაჟი, ნაზი, მაგრამ ძლიერი ქალი, ხბოს ამქვეყნად მოვლინებაში ეხმარება. ბოლოს და ბოლოს თუ ჩემმა ცხოვრებამ იმპრესიონიზმსა და ბაროკოზე დახვეწილ დისკუსიებსა და ბუნების უფრო სასტიკ კაპრიზებში უნდა გაიაროს, მასალა კარგად უნდა შევისწავლო.

ბოსელში ბნელოდა, ქალი, ორი მამაკაცი და ბავშვი შეგაუფებელიყვნენ ტიხართან, რომლის უკნიდანაც გულშემზარავი ბლავილი ისმოდა. უცნაური, მტკნარი და ძლიერი სუნი ნეხვის სუნს ერეოდა. უცებ მივხვდი, რომ სისხლის სუნი იყო. ლუიმ ქურთუკი გაიხადა, სახელოები დაიკაპინა და დანინაურდა. კაცებმა გზა დაუთმეს და რალაც ნაცრისფერი, ვარდისფერი და ლოპრიანი დავინახე. სისხლის გაგრძელებასავით. ფურმა უფრო დაიბლავლა და ის რალაც თითქოს გაიზარდა. მივხვდი, ხბო იყო და გარეთ გავვარდი, კინალამ გული ამერია. დიდიე ვითომ ჩემს დასახმარებლად გამოვიდა, მაგრამ თვითონაც თავიდან ფეხებამდე თრთოდა. საცოდავად შევხედეთ ერთმანეთს და სიცილი წაგვსკდა. ნამდვილად, მადამ დებუს სასტუმრო ოთახიდან ამ ბაგამდე გადასვლას თანდათანობა აკლდა.

ძროხამ საშინლად დაიბლავლა. გული გასკდომაზე მქონდა. დიდიემ სიგარეტი გამომიწოდა

– რა საშინელებაა, – წარმოთქვა მან, – ჩემს საბრალო ძმას ასე ხომ არ უნდა, მამობაზე ფიქრს შემაგოს? მე აქ დავიცდი, გარეთ.

ცოტა ხნის შემდეგ ხბოს სანახავად წავედით. მერე ლუიმ სისხლიანი ხელები დაიბანა. ფერმერმა სასმელი შემოგვთავაზა და მანქანაში დავბრუნდით. ლუი იცინოდა.

– ცდა მაინცდამაინც დამაჯერებელი არ იყო.

– ჩემთვის – ნამდვილად, – განაცხადა დიდიემ. – არასოდეს მქონია ამის ხილვის ბედნიერება. საინტერესოა, როგორ ახერხებ?

– მართალი გითხრა, ამ უბედურ ფურს მე არ ვჭირდებოდი, მაშინ გამოვადგებოდი, საქმე ცუდად რომ წასვლოდა. ხანდახან ნაკერების დადება ხოლმე საქირო.

– ოჰ, გაჩუმდი, შეგვიბრალე, – შეეხვეწა დიდი. ლუიმ კი წმინდა სადიზმის გამო ერთიმეორეზე საშინელი შემთხვევების დანვრილებით, ვრცლად მოყოლა დაიწყო. იძულებული გავხდით, ყურები დაგვეცო. ტყეში, ტბორთან შევჩერდით. ძმებმა კენჭების წყალზე გასრიალება დაიწყეს.

– ჟოზემ იულიუს ა. კრამის უკანასკნელ ახირებაზე გითხრა? – შეეკითხა დიდი.

– არა, არც კი გამხსენებია, – მე ვუპასუხე.

ლუი დაიხარა კენჭით ხელში, თავი მოატრიალა და შემომხედა

– რა ახირებაზე?

– იულიუსმა იმ ჟურნალის დაფინანსება გადაწყვიტა, ჟოზე რომ მუშაობს, – განაცხადა დიდი, – და აი, ეს ქალი, ახლახან თვალს რომ ადევნებდა ხბოს მოგებას, ამიერიდან თანამედროვე ფერწერისა და ქანდაკების ბედს გადაწყვეტს.

– კარგი ერთი, – თქვა ლუიმ, მერე ხელი მოიქნია. კენჭი ხუთჯერ თუ ექსჯერ გადახტა წყლის გლუვ ზედაპირზე და ჩაიძირა.

– არა უშავს რა გამომივიდა, – კმაყოფილმა ჩაილაპარაკა, – ეგ დიდი პასუხისმგებლობაა, არა?

მიყურებდა და ჩემი ახალი მოვალეობით მოგვრილი მათრობელა სიხარული გამინელდა. უცებ გავიაზრე მთელი ამაოება და საფრთხე, რომელიც მელოდა. რა უფლებით დავთანხმდი, განაჩენი გამოვუტანო სხვების ქმნილებებს, თუკი ამ გადაწყვეტილების სამართლიანობის თავდებობა არ შემიძლია? გავვიჟიდი? ეს ლუის შემოხედვამ გამაგებინა

– დიდი ფაქტებს ამახინჯებს, – ვუთხარი, – მე კი არ უნდა გავაკრიტიკო, ამ სიტყვის სრული მნიშვნელობით. მხოლოდ იმით შემოვიფარგლები, რომ დავწერ, რამ აღმაფრთოვანა, რა მომწონს

– ამიტომ კი არ გადარეულხარ, – შემეხმიანა ლუი, – შეგნებული თუ გაქვს, რომ შენი სიტყვებისა და შენი სიჩუმისთვის გადაგიხდიან? და გადაგიხდის იულიუს ა. კრამი.

– დიუკრეს მეშვეობით, – შევუსწორე.

– დიუკრეს ხელით, – ამყვა ლუი, – ამაზე თანახმა ვერ იქნები.

ვუყურებდი მას, ვუყურებდი თვალდახრილ დიდივს, რომელიც, ჩანდა, უხერხულად გრძნობდა თავს, ამ თემას რომ შეეხო და ავლელდი, როგორც მაშინ, „პონ-რუაიალში“, ლუი მტრად, მოსამართლედ, პურიტანულად რომ მომეველინა. მასში ჩემს ძვირფას მიჯნურს ველარ ვხედავდი.

– უკვე სამი თვეა ამას ვაკეთებ, – ვუპასუხე, – შესაძლოა, გამოცდილება მაკლდეს, მაგრამ თავს ამით ვირჩენ და, რაც მთავარია, ეს საქმიანობა მომწონს. ჩემთვის მნიშვნელობა არა აქვს, ვინ მიხდის – დიუკრე თუ იულიუსი.

– ჩემთვის აქვს, – გამომიცხადა ლუიმ.

ახალი კენჭი აიღო. სახე გაუმკაცრდა. უცებ სულელური შიში ვიგრძენი, რომ ამ კენჭს სახეში მესროდა.

– ყველას ჰგონია, რომ მე იულიუსის საყვარელი ვარ, – ვთქვი, – ყოველ შემთხვევაში, ყველას ჰგონია, რომ ის მარჩენს.

– ესეც უნდა შეიცვალოს, – შემანყვეტინა ლუიმ, – და ძალიან მალე.

ბოლოს და ბოლოს, რის შეცვლა უნდა? პარიზი ბინძური ქალაქია. იქ მხოლოდ ხრიკებით, ცბიერებით, მოსაჩვენებლად და თვალის ასახვევად ცხოვრობენ. მაგრამ მე ლუის ვეკუთვნი, მხოლოდ მას, და მან ეს იცის. უნდა, სხვა არავინ მხიბლავდეს და აღმაფრთოვანებდეს. და უნდა, უარი ვთქვა მუზეუმებში, გამოფენებზე, ქუჩებში მარტო სიარულზე? მას არ ესმის, რომ რაღაც ცისფერი ტონები ტილოზე, რაღაც ფორმები უფრო მიჩქროლებენ და მიჩუყებენ გულს, ვიდრე ახალშობილი ბოჩოლა. სწორედ ისევე, როგორც მისი შემოხედვისას ვგრძნობდი მეტ სიცოცხლეს და მეტ ჭეშმარიტებას, უფრო ხასხასა და მთელი სისავსით წარმომიდგებოდა მხატვრის თვალით დანახული ბუნება. რა, მერე, გადაგვარებული ვარ, ლურჯი წინდა და განსაკუთრებული პრეტენზიები მაქვს? ყოველ შემთხვევაში, მეყო, საკმარისია, თვრამეტი წლისა აღარ ვარ და პიგმალიონს არ დავეძებ, თუნდაც ვეტერინარის სახით.

ეს უსიამო აზრები მანვალებდა. გზას ვუყურებდი, მაგრამ ვერ ვხედავდი, როცა ლუიმ ხელზე ხელი დამადო.

– ნუ ნერვიულობ, ყველაფერს თავისი დრო აქვს.

მერე გამიღიმა, მეც გავუღიმე და იმ წუთას დავიფიცე, რომ სამუდამოდ მასთან დავრჩებოდი და მხოლოდ მსხვილ რქოსან პირუტყვზე ზრუნვას შევნირაავდი თავს. ეტყობა, შეხედულებების გადაფასება სახეზე დამეწერა, რადგან დიდიმ, აქამდე პირი რომ არ გაუღია, უცებ ამოიხარა და ისევ „ვარდისფერი ცხოვრების“ სტვენა დაიწყო. სალამოს, ღამით, თუ დრო დავგრჩება, თუ ნეტარებაზე ზრუნვასა და განშორების შიშს აყოლილი ჩვენი სხეულები გვაცლიან, ამ ყველაფერზე ვიმსჯელებთ. მაგრამ ავხორცულად, ვერაგულად, დაუნდობლად უკვე ვიცოდი, რომ არც ერთი ჩვენგანი არაფერს მისცემდა ჩვენ შორის შემოძვრომის ნებას და ერთადერთი, რასაც ერთმანეთს ვეტყოდით, სიყვარულის სიტყვები იქნებოდა.

...

– ლონდონში წამოსვლა არ შემიძლია, – ვეუბნებოდი, – ხვალ წამოსვლა არ შემიძლია.

– მისმინეთ, – შემეკამათა იულიუსი, – პარასკევს, შაბათს და ორშაბათს სოთბის აუქციონია. და რაკი დიუკრე დაჟინებით მოითხოვს თქვენს ნასვლას...

„აღექსანდრესთან“ რესტორნის ტერასაზე ვისხედით. ის წუთი იყო, ირენ დებუ შემოგვიერთდა.

– ლონდონი არ გიყვართ? შესანიშნავი ქალაქია! სოთბის აუქციონები კი ყოველთვის გრანდიოზულია. თუ გეშინიათ, რომ მოგენყინებათ, დიდიე ნაიყვანეთ.

მე ჯიუტად, დაჟინებით ვიმეორებდი: ხვალ ლუი ჩამოდის და არა მგონია გაუხარდეს, რომ ვუთხრა, ლონდონში მივდივარ-მეთქი. აი, უკვე ხუთი საღამოა ზედიზედ ვლაპარაკობთ ტელე-

ფონით ბურგონის ქუჩაზე ჩვენი ბინის შესახებ – როგორ დავცემთ ორდლიან ბანაკს და სიბნელეში მუსიკას მოვუსმენთ. ლუის არ უნდოდა არც თვითმფრინავები, არც სასტუმროები, არც სურათები. მარტო მე ვუნდოდი.

– თქვენი არ მესმის, – უკვირდა ირენ დებუს.

– სწორედაც, – საჩქაროდ ვუპასუხე.

შევაძინე. ბრაზისგან როგორ განითლდა. ბოლო ხანს გაცილებით იშვიათად ვხვდებოდი მასაც და მის ახლობლებსაც. გვიანობამდე შემოვრჩებოდი ხოლმე სხვებთან ერთად რედაქციაში, – სიხარულით აღსავსე აღტყინებას ჯერ არ გაეწლო, – მერე პირდაპირ შინ მივდიოდი. მე და ჩემი ძაღლი ვვახშობდით, მერე, როგორც კი ლუისთან ტელეფონით საუბარს ვამთავრებდი, მკვდარივით მეძინებოდა. იულიუსი სადილად ხშირად დადიოდა რედაქციის გვერდით, პატარა რესტორანში. ისიც თითქოს ჩვენსავით გატაცებული იყო ჩვენი პროექტებით. სანიმუშო მოსწავლესავით სულ მანქანით დაჰქონდა, დიუკრემ რომ ურჩია, ის ალბომები და წიგნები ხელოვნების შესახებ. აიხირა, რომ თავისი კანტორის მცირე ლიტრაჟიან ავტომობილს დამითმობდა, რათა მე და ძაღლს ადვილად გვემოძრავა. მაგრამ იმ დღეს მახეში გავები. ამ ლონდონის პროექტზე მტკიცე უარი უნდა მეთქვა და მიზეზიც ამეხსნა. მაღამ დებუს თანდასწრებით უხერხულობას კი არ ვგრძნობდი, პირიქით, ეს საქმეს აადვილებდა: ჩემს სასიყვარულო ისტორიას ანეკდოტად აქცევს, უმნიშვნელო ინტრიგამდე დაიყვანს. ეს გულსატკენი იქნება – მუხანათობა ხომ მისი პროფესიაა. თავქარიანობის დაბრალებით აღსარებას გამიადვილებს.

– დიდი დაღეც ვერ წამოვა, ჩემი არ იყოს, რადგან მის ძმას, ლუის ველოდებით. პარიზში ორი დღით ჩამოდის.

იულიუსს წარბი არ შეუხრია, აი, ირენ დებუს კი დავთრები აერია. ჯერ მე შემომხედა სახეში, მერე იულიუსს მიაშტერდა.

– ლუი დაღე? – გაიმეორა. – იულიუს, რა ხდება? თქვენ საქმის კურსში ხართ?

სიჩუმე ჩამოვარდა, რომლის დარღვევასაც იულიუსი თითქოს არ ჩქარობდა. ხელებს ითვალეობდა დიდის ყურადღებით.

– იულიუსი სულაც არ არის საქმის კურსში, – თავს ძალა დავატანე, – ლუი დაღეს ცოტა ხანია ვიცნობ. ძაღლი სწორედ მან მაჩუქა – ეს იცით. მოკლედ, შაბათ-კვირას ჩამოდის პარიზში და ლონდონში წამოსვლა არ შემიძლია.

ირენ დებუს ვერაგულად ჩაიცინა.

– ეს უაზრობაა, – იმეორებდა, – უაზრობაა.

– ძვირფასო ირენ, – დაიწყო იულიუსმა, – თუ არ გენყინებათ, ამაზე მე და ჟოზე მოგვიანებით ვიმსჯელებთ. ცოტა უხერხული მეჩვენება...

– მეც, – განაცხადა მან, – შეგიძლიათ, ახლავე ილაპარაკოთ, თუ გნებავთ, მე მივდივარ.

წამოდგა და ისე სწრაფად გავიდა, რომ იულიუსმა ადგომა ძლივს მოასწრო.

– რა დაემართა?

– ის, – მიპასუხა იულიუსმა, – რომ მასაც, როგორც მე, სხვათა შორის, ეგონა, რომ თქვენი სამუშაო გაინტერესებდათ და დასაყრდენიც მას-

ში პოვეთ, და, ცოტა არ იყოს, იმედი გაუცრუვდა, რომ ასე მალე გაგიჩნდათ აგდებული დამრცხველი ბულება ოდნავ ნაცნობი მამაკაცის გამოცხადება და ბოლოს, ირენს, მიუხედავად მისი მრავალი ნაკლისა, ძალიან უყვარხართ და არ იცის, რა უცებ შეგიძლიათ გატაცება.

– ვისზე მელაპარაკებთ?

– ისევე იმ ლუი დაღეზე, – მშვიდად მიპასუხა იულიუსმა – მასზე ან პიანისტზე ნასოდან.

გავნითლდი. ვგრძნობდი, როგორ მომეძალა სინითლე.

– საიდან იცით? – წარმოვთქვი, – და თუ იცით, როგორ ბედავთ ამაზე ჩემთან ლაპარაკს. თქვენ რა, მითვალთვალეთ?

– მე უკვე გითხარით, რომ მაინტერესებთ.

თვალეები მოეჭუტა და არ მიყურებდა. საშინელი შიში ვიგრძენი მის მიმართ, საკუთარი თავის მიმართაც. ისე სწრაფად ავდექი, რომ ძაღლიც წამოხტა და გადარეული ყეფა მორთო.

– მივდივარ, – წამოვიძახე, – ჩემთვის აუტანელია, რომ... რომ თქვენ... – მრისხანებისგან, შეცბუნებისგან ენა მეზმოდა.

იულიუსმა გულკეთილად ასწია ხელი.

– დამშვიდდით, ეგ ყველაფერი შემთხვევის ამბავია. საღამოს შეიძლება გამოგივლით, როგორც შევთანხმდით.

უკვე გარეთ ვიყავი. ფართო ნაბიჯებით გადავჭერი პროსპექტი, ძაღლიანად შევძვერი მანქანაში. როცა გასაღები გადავატრიალე, მაშინლა გამახსენდა, რომ „მისი“ მანქანა იყო, მაგრამ ჩემთვის ყველაფერი სულერთი გახდა. შეიძლებოდა, დამემსხვრია მისი ძვირფასი მანქანა, მაგრამ მაქსიმალური სიჩქარით გავიარე ავენიუ, გადავედი ხიდზე და შინ დავბრუნდი, საწოლზე დავჯექი. საფეთქლები მიბაგუნებდა. ძაღლმა კეთილგანწყობით დამადო თავი მუხლებზე. არ ვიცოდი, რა მექნა.

ათი წუთის შემდეგ იულიუსმა კარზე დარეკა. წინ ჩამომიჯდა. ფანჯარაში გაიხედა. მართალი რომ ითქვას, ერთმანეთისთვის სახეში არასოდეს შეგვიხედავს. როცა მისი სახის წარმოდგენას ვცდილობდი, ყოველთვის მხოლოდ პროფილს ვხედავდი. ამ ადამიანს არც ჟესტები ჰქონდა, არც გამოხედვა, მაგრამ სწორედ ამ კაცმა დამინახა ალანის ტყვეობაში, დამინახა თვალცრემლიანი ნიუ-იოკის სასტუმროში, დამინახა პლაჟის პიანისტით გატაცებული. ამ ადამიანს რამდენადმე მკაფიო წარმოდგენა ჰქონდა ჩემზე, მელოდრამატულიც კი, მე კი მასზე არაფერი ან თითქმის არაფერი ვიცოდი. თავის გრძნობებზე ერთადერთხელ დამელაპარაკა ჰამაკის სიღრმიდან, საიდანაც მხოლოდ მის თმას ვხედავდი.

ძაღლები ძალიან უთანაბრო გვქონდა.

– ვიცი, რომ ახლა მარტო ყოფნა გირჩევნიათ, – თქვა იულიუსმა, – მაგრამ ძალიან მინდა, რაღაც ავიხსნათ.

არაფერი ვუპასუხე. ვუყურებდი და მართლა ძალიან მინდოდა, ნასულიყო. მასში მტერს პირველად ვხედავდი. ყველაზე სასაცილო კი ის იყო, რომ ერთადერთი, რაც მაფიქრებდა – ნეტავ ლუის თუ უამბობს პიანისტზე-მეთქი. მესმოდა,

რომ ეს იყო ბავშვური რეაქცია, რომელსაც ამ სიტუაციასთან არაფერი ჰქონდა საერთო, მაგრამ თავს ვერ ვერეოდი, ამაზე არ მიფიქრია.

რასაკვირველია, ის შემთხვევითი ამბავი გახლდათ, მაგრამ მეშინოდა, ლუის არ ეფიქრა, რომ თავადაც შემთხვევითი თავგადასავალი იყო. ვიცოდი მისი გაუნონანსორებელი ხასიათის ამბავი.

– საქმე ის არის, რომ ჩემზე იმ პიანისტის გამო ბრაზობთ, მაგრამ მე იმ საღამოს არ მიანახიხართ, მადმუაზელ ბარომ გნახათ. თუმცა, ასეა თუ ისე, თავისუფალი ხართ.

– თქვენ ამას თავისუფლებას ეძახით?

– მე ამას ყოველთვის გეუბნებოდით, ჟოზე, და თქვენ ყოველთვის იმას აკეთებდით, რაც გინდოდათ. ის ფაქტი, რომ თქვენ მაინტერესებთ, თქვენი ცხოვრება მაინტერესებს, იმ გრძნობებთან არ არის დაკავშირებული, რომლებიც შეიძლება თქვენს მიმართ მქონდეს. თქვენ გგონიათ, რომ გიყვართ ლუი, ჰოდა, გიყვარდეთ, – დამასწრო, სანამ რამეს ვიტყოდი, – სავსებით ნორმალურად მიმაჩნია. მაგრამ ვერ ამიკრძალავთ, ვიფიქრო და ასე თუ ისე ვიზრუნო თქვენზე. ეს ნებისმიერი მეგობრის ვალია და უფლება.

მშვიდად, თავდაჯერებულად ლაპარაკობდა და მართლაც, რა შეიძლებოდა მისთვის მესაყვედურა?

– ბოლოს და ბოლოს, როცა გაგიცანით, ცუდად იყავით და მას მერე მე მგონი ყოველთვის მხოლოდ დახმარებას ვცდილობდი. შესაძლოა, არასწორად მოვიქეცი, როცა ნასოში ჩემს გრძნობებზე დავინყე ლაპარაკი, მაგრამ მაშინ ძალიან დაღლილი ვიყავი, ძალიან მარტოსული და ამიტომაც მეორე დღეს ბოდიში მოგიხადეთ.

მართლაც, ეს პატარა, ძლევაძნობილი ადამიანი სრულიად ეული იყო, მე კი ახლახან მოპოვებული ბედნიერებით თავი მომქონდა და მეტიჩარას სისასტიკით პრეტენზიულად ვიქცეოდი. მე მას არ ვენდობოდი, უნდობლობა კი ყოველთვის სამარცხვინო გრძნობად მიმაჩნდა. მიყურებდა, მაგრამ გამჭოლად, სადღაც ჩემს მიღმა იყო მიმართული მისი მზერა. რაღაც იმპულსს აყოლილი წამოვდექი და ხელი სახელოზე დავადე. ხომ მაინც ვუყვაროდი, იტანჯებოდა და ამას ვერაფერს უხერხებდა.

– იულიუს, პატიებას გთხოვთ, გულწრფელად გიხდით ბოდიშს. მაღლიერი ვარ ყველაფრისთვის, რაც ჩემთვის გააკეთეთ. უბრალოდ მომეჩვენა, რომ მითვალთვალებდნენ, რომ ხაფანგში ვიყავი და... მერე „დაიმლერი“? – უცებ ვკითხე.

– „დაიმლერი“? – კითხვა შემომიბრუნა იულიუსმა.

– „დაიმლერი“ ჩემს ფანჯრებთან?

მიყურებდა საგონებელში ჩავარდნილი და ვერაფერი გაეგო. პარიზში ხომ ალბათ სხვა „დაიმლერებიც“ არსებობს, მე კი ისიც არ ვიცოდი, რა ფერი იყო მანქანა, ლუიმ რომ დაინახა, თანაც წვრილმანები ყოველთვის მეჯავრებოდა. ვამჯობინე, მეგობრობა შემენარჩუნებინა, სიყვარული და ერთგულება, ვიდრე პარიზის სამძებროს საიდუმლოებას გამოვკვიდებოდი. და ისევ, ჩაღრმავებულ ჩიჩქანს ვამჯობინე, ფორმაზე მეზრუნა.

– ამაზე ნულარ ვილაპარაკებთ. რამეს ხომ არ დალევთ?

იულიუსმა გამიღიმა.

– დიას და ამჯერად რამე მაგარს.

ჯიბიდან პატარა კოლოფი ამოიღო, იქიდან – ორი აბი.

– ისევ სვამთ ყველა წამალს?

– ქალაქის მცხოვრებთა უმრავლესობა ამასვე აკეთებს.

– ტრანკვილიზატორია? ახსნაც კი არ შემიძლია, ეს ჩვევა როგორ მაშინებს.

მართალი იყო. არ მესმოდა, როგორ შეიძლებოდა, ასე ჯიუტად, დაჟინებით ნდომებოდათ ნებისმიერი ცხოვრებისეული დარტყმის ამ გზით შერბილება. ჩემთვის ეს იყო რაღაც დაუსრულებელი მარცხი – თითქოს ფარდით ემიჯნები უბედურებას, უგუნებობას, დარდს და ეს ფარდა უბრძოლველი კაპიტულაციის სიმბოლოს, თეთრ დროშას ჰგავს.

– ჩემი ხნისა რომ იქნებით, – ღიმილით წარმოთქვა იულიუსმა, – თქვენც აუტანლად მოგეჩვენებათ პოზიციის დათმობა, სამადლოდ დანებება...

სიტყვებს ეძებდა.

– საკუთარი თავის სანყალობლად, შესაბრალებლად, – ცოტა ირონიულად ვუთხარი.

თვალები დახუჭა და თავის დაქნევით დამეთანხმა. ღიმილის სურვილი დამეკარგა. ალბათ ოდესმე დადგება ის დღე, როცა მეც მომიხდება, ჩემი სურვილების მშვიერ გუნდებს, ჩემი შიშისა და სინანულის მოყრანტალე ფრინველებს, მტკიცედ, გაბედულად ჩავანყვეტინო სმა, ჩავაჩუმო. შესაძლოა, ერთ მშვენიერ დღეს მეც შევძლო ჩემი უფერული, ბლაგვკუთხა არსებობის, როგორც შავ-თეთრი ასლის, ატანა. ჰო, ჰო, აბაზანიდან გამოუსვლელად ვიქროლებ ველოსიპედით, გრძნობების მისაყუჩებლად აბების ყლაპვასაც დავინყებ. დაკუნთული ფეხები და დაუძღურებული გული, უდრტვინველი სახე და ჩამკვდარი სული. გონებით ვხედავდი ამ ყველაფერს და არ მჯეროდა, რადგან მე და ამ კოშმარს შორის იულიუსიც იყო. მაინც დავლიე მასთან ერთად ვისკი და სიცილით გავიხსენეთ შეურაცხყოფილი მადამ დებუს გაქცევა.

– ბოლოს და ბოლოს იმით დამთავრდება, რომ ყელში მწვდება, – მხიარულად ვუთხარი იულიუსს, – ვერავის მისცემს ნებას, ყოყორობა, ქედმაღლობა მოაშლევინოს.

წარმოდგენაც არ მქონდა, რომ ჭეშმარიტებასთან სულ ახლოს ვიყავი.

...

ზაფხული ახლოვდებდა. კიდევ რამდენიმე დღე და ივნისი დადგებოდა. ლუქსემბურგის ბალი ალერსიანი ჩანდა, სავსე იყო ჭყვიანა ბავშვებით, ბურთულებით მოთამაშე ტრაბახა მამაკაცებით და თბილი ამინდების წყალობით გამოცოცხლებული მოხუცი ქალებით. მე და ლუი მერხზე ვისხედით, სერიოზულად უნდა გვესაუბრა. საკმარისი იყო, მარტო დავრჩენილიყავით, რომ მისი ან ჩემი ხელი უნებურად მიინევდა მეორის თმისკენ ან

სახისკენ, აუხსნელი ნეტარება გვეუფლებოდა, ლამის კრუტუნს ვინყვებით და სხვა ყველაფერი, რასაც სინაზესთან არ ჰქონდა კავშირი, სამომავლოდ იყო გადადებული. ბედნიერებით აღსავსე მდუმარების საათებს ვატარებდით. ფრაზა შუა სიტყვაზე გვიწყდებოდა. ნამდვილ დიალოგს ჩვენი სხეულები განაგრძობდნენ. მაგრამ იმ დღეს ლუიმ მაინც გადანყვიტა, ყველაფრისთვის ადგილი მიეჩინა.

– ვიფიქრე, – დაიწყო მან, – უპირველესად, რალაცაში უნდა გამოგიტყდე. გარდა საზოგადოების კეთილშობილური უგულვებლყოფისა, პარიზიდან წასვლის მიზეზი ისიც იყო, რომ ვთამაშობდი. თავდაგაკლული მოთამაშე ვარ.

– შესანიშნავია. ბანქოს მეც ვთამაშობ.

– ეს ვერაფერი ნუგეშია. სანამ მე და დიდის ვემკვიდრეობას გავანიავებდი, გავიქეცი. ვეტერინარი იმიტომ გავხდი, რომ ცხოველები მიყვარს, თანაც ყოველთვის სასიამოვნოა დაეხმარო იმას, ვინც ვერ შემოგჩივლებს. არ მინდა, სოფელში გადმოსახლება გაიძულო, მაგრამ უშენოდ სიცოცხლე არ მსურს.

– თუ დაბეჯითებით მთხოვ, წამოვალ სოფელში.

– ვიცი. მაგრამ ისიც ვიცი, რომ შენი ჟურნალი გიყვარს. მე თავისუფლად შემიძლია პარიზის მახლობლად მუშაობა. რამდენიმე ცხენსაშენის მეპატრონეს ვიცნობ. შემიძლია, ცხენებს მივხედო და დაშორებაც აღარ მოგვიხდება.

გულზე მომეშვა. ლუისთვის არ მითქვამს, რომ ჩემი საქმიანობა, ყოველ შემთხვევაში, ამაზე ფიქრი სულ უფრო მეტად მიღვიძებდა სურვილს, რომელიც არასოდეს განმეცადა – რამეში მაინც მევარგა. იმის აღმოჩენა, რომ ლუი მოთამაშეა, მახალისებდა – ამ სიმშვიდის, წონასწორობის განსახიერებას, ამ ლოდს, ფუჭი ქანიც ჰქონია. რა თქმა უნდა, ღამით ნათქვამ სიტყვებში, შეყვარებულის ქცევაში წარმოსახვა და ფრთებს შლიდა უკიდევანო სინაზე და ნდობით მავსებდა. ღამე, ალკოჰოლისა არ იყოს, ვიცი, რომ უდიდესი მამხილებელია, მაგრამ ის, რომ თვითონ გამანდო თავისი რთული ხასიათიც და მასთან ერთად – სისუსტეც, ნიშნავდა, რომ ჩემდამი ნდობა გაუჩნდა, ნიღაბხდილი, გულახდილად მელაპარაკა, რომ უდიდეს გამარჯვებას მივალწიეთ, რაც მხოლოდ ბედნიერი შეყვარებულთა ხვედრია და აიძულებს, იარაღი დაყარონ.

– პარიზის ახლოს დავსახლდებით, – მითხრა ლუიმ, – მერე კი, თუ მოგვინდება, ბავშვიც გვეყოლება, ერთი ან ორი.

ჩემი შემთხვევითობებით აღსავსე ცხოვრების განმავლობაში ასეთი შესაძლებლობა პირველად მეჩვენა სასურველი. ლუისთან, ძალსა და ბავშვთან ერთად ერთ ჭერქვეშ ვიცხოვრებ. გავხდები პარიზში საუკეთესო ხელოვნებათმცოდნე, ეზოში კი წმინდა სისხლის ცხენებს მოვაშენებ. ასეთი იქნება ქარიზხლებით, დევნითა და თავდალწევით აღსავსე ჩემი ცხოვრების ჰეპი ენდი. ბოლოს და ბოლოს, როლს შევიცვლი: აღარ ვიქნები გარეული ფრინველი და ნადირი, გადარეული მონადირე რომ მისდევს ფეხდაფეხ; ვიქნები უღრანი ტყე,

რომელშიც თავს შეაფარებენ, დანაყრდებიან და დარწყულდებიან ჩემი საყვარელი და მორჩილი ბინადრები – ჩემი თანამგზავრი, ჩემი შვილი და ჩემი ცხოველები. აღარ ვიცხოვრებ ქურდობიდან ქურდობამდე, სულიერი ტანჯვიდან სულიერ ტანჯვამდე; მზიან მდელივ, ნაკადულად ვიქცევი, სადაც მოვლენ ჩემი ახლობლები, რათა უხვად შესვან ადამიანური სინაზე. ეს უკანასკნელი თავგადასავალი ყველაზე საშიში მეჩვენებოდა, რადგან ამჯერად მისი დასასრულის წარმოდგენაც კი არ შემიძლო.

– საშინელებაა, – ვუთხარი, – მაგრამ მეჩვენება, რომ შენ გარდა ვერასოდეს ვერავისზე შევძლებ ფიქრს.

– მეც. ამიტომაც ძალიან ფრთხილად უნდა ვიყოთ. განსაკუთრებით – შენ.

– ისევ იულიუსი?

– ჰო, – ლიმილის გარეშე მომიგო, – ამ კაცის გატაცება ფლობაა, დაპატრონება, პყრობა. უანგარო პოზა, შენ მიმართ რომ უჭირავს, მაშინებს. პრეტენზიას რომ აცხადებდეს შენზე, ასე არ ვილელვებდი. მაგრამ ამაზე არ მინდა შენთან ლაპარაკი. ვერ გადამარწმუნებ. უბრალოდ, მინდა, იმ დღეს, როცა ეს მოხდება, ჩემთან მოხვიდე.

– საჩივლელად?

– არა, ნუგეშის მისაღებად. მხილებას არასოდეს მოაქვს სინარული. შენ აუცილებლად ჩაიდებ გულში ბოლმას იმის მიმართ, ვინც ამისკენ გიბიძგებს და არ მინდა, ეს კაცი მე ვიყო.

ეს ყველაფერი მეტისმეტად ბუნდოვანი და ნაკლებრეალური მეჩვენა. ეიფორიაში მყოფს იულიუსი კეთილ ძიად უფრო წარმომედგინა, ვიდრე ტირანად. დაბნეულად გავუღიმიე და წამოვდექი. ექვს საათზე დიუკრეს უნდა შევხვედროდი ყდის მოდელზე დასალაპარაკებლად. ლუიმ გამაცვლია და წავიდა. დიდიესთან ერთად ვასშობოდა.

ოდნავ დამაგვიანდა და ფეხის წვერებზე შევიპარე. მეზობელ კაბინეტში დიუკრე ტელეფონზე ლაპარაკობდა. ხელის შეშლა არ მინდოდა. კარი ღია იყო. ჩემს მაგიდას მივუჯექი. რალაც დრო გავიდა, სანამ მივხვდი, რომ ჩემზე ლაპარაკობდნენ.

– ძალიან ცუდ დღეში ვარ, – ამბობდა დიუკრე, – როცა მისი მიღება მთხოვეთ, უარის თქმის არავითარი საფუძველი არ მქონდა. ბოლოს და ბოლოს ადამიანს სამსახური სჭირდება, მე კი ფინანსური გაჭირვების გამო თანამშრომლები მაკლდა. და რაკი შემომთავაზეთ მისთვის ხელფასის გადახდა... არა, არაფერი შეცვლილა, ოღონდ მეგონა, საქმის კურსში იყო. ორი თვეა, რაც მისთვის ჩემი ჟურნალის გაფართოება გადანყვიტეთ, ყურადღებით ვადევნებ თვალს. არაფერი იცის... ჩემთვის თქვენი გეგმები უცნობია... გასაგებია, ჩემი საქმე არ არის, მაგრამ ერთხელაც, ყველაფერი რომ გაიგოს, უპრინციპოს როლში აღმოვჩნდები, მე კი ასეთი არ ვარ. ეს ყველაფერი ხაფანგს ჰგავს...

მან ლაპარაკი შეწყვიტა, რადგან ზღურბლზე ვიდექი და გაოგნებული შევყურებდი. უჩუმრად დადო ყურმილი და თავის პირისპირ სავარძელზე

მიმითითა. მე ავტომატურად ჩამოვჯექი. ერთმანეთს თვალს არ ვაცილებდით.

– მე ვფიქრობ, დასამატებელი აღარაფერია, – მითხრა.

უფრო გავითრებული და ნაცრისფერი იყო, ვიდრე ყოველთვის.

– არა, – ვუპასუხე, – მგონი, ყველაფერი გავიგე.

– მესიე კრამის განზრახვა კეთილი მეჩვენა და მართლა მეგონა, საქმის კურსში იყავით. სირთულეები ორი თვის უკან დაიწყო, როცა მთხოვა, მტად დამეტვირთეთ, მოგზაურობა დამევალებინა... მოკლედ, ვერაფერს მივხვდი, სანამ ლუი დალეს გამაცნობდით.

სუნთქვა მეკვროდა. შემრცხვა ჩემი თავის, მის გამოც მრცხვენოდა, იულიუსისაც, მაგრამ განსაკუთრებული გულისტკივილითა და სასოწარკვეთით ვფიქრობდი ახალგაზრდა, ჭკვიან, გულისხმიერ და განათლებულ ქალზე, როგორადაც წარმომედგინა საკუთარი თავი ამ მტკრიან კედლებში.

– არა უშავს, – ჩავილაპარაკე, – ლამაზია, ვერაფერს იტყვი.

– იცით, – დაიწყო დიუკრემ, – ეს არაფერს ცვლის, ახლავე დაფურეკავ მესიე კრამს და ვეტყვი, რომ უარს ვამბობ ახალ ჟურნალზე და თქვენ ისევ ჩვენთან დარჩებით.

გავუღიმე, უფრო სწორად, გაღიმება ვცადე, მაგრამ აუტანელი იყო.

– დიდი სისულელე იქნება, – ვუპასუხე, – ჩემი წასვლა აუცილებელია, მაგრამ არა მგონია, იულიუსი ისე დაწვრილმანდეს, ჯავრი თქვენზე იყაროს.

წამით სიჩუმე ჩამოვარდა. ერთგვარი სინაზითაც კი შევცქეროდით ერთმანეთს.

– ჩემი წინადადება ძალაში რჩება და თუ ოდესმე მეგობარი დაგჭირდებათ... მაპატიეთ, ჟოზე, თქვენ ისე გიყურებდით, როგორც კაპრიზს, ახირებას...

– ასეც არის, – მშვიდად მივუგე, – ყოველ შემთხვევაში, იყო. დაგირეკავთ.

სწრაფად გავედი, იმიტომ რომ თვალები მწვრივოდა, ცრემლი მომადგა. მიმოვიხედე – კაბინეტში თითქოს ყველაფერს დაღლილობის დაღი ესვა: ქალაღდებს, რეპროდუქციებს, საბეჭდ მანქანებს – ილუზიის ნდობისაღმძვრელ დეკორაციას, – და გარეთ გავვარდი. პირველ კაფესთან კი არ შევჩერდი, სადაც ჩვენი მეგობრული კომპანია იყრიდა ხოლმე თავს, არამედ მომდევნოსთან. რაღაც გასწორდა, გაიმართა ჩემში და აღარაფერი შემრჩა, გარდა სურვილისა, გამეგო, მემხილებინა, გამომეაშკარავებინა რაღაც – არც კი ვიცოდი, რა. იულიუსს ვერ მივმართავდი, რადგან ამ ლალატს, ჩემს ყიდვას კეთილშობილი ადამიანის უბრალო თავაზიანობად, გზაბნეული ახალგაზრდა ქალისთვის განკუთვნილ საჩუქრად წარმომიდგენდა. მხოლოდ ერთ ადამიანს ვიცნობდი, საკმაოდ რომ ვძულდი, რათა გულახდილი ყოფილიყო – სისხლმწყურვალე მადამ დებუს. დავურეკე. სასწაული მოხდა – შინ იყო.

– გელოდებით, – მითხრა.

არ უთქვამს, ფეხს არ მოვიცვლიო, მაგრამ ტაქსიში, მისკენ მიმავალმა, წარმოვიდგინე, როგორ ივარცხნიდა ახლა, როგორ ემზადებოდა განსაკუთრებულად მოზეიმე განწყობით.

...

მის სასტუმრო ოთახში ვიჯექი. მშვენიერი დარი იდგა, მშვიდად ვიყავი.

– იმას ხომ ვერ მეტყვით, რომ თქვენ ამ ყველაფერზე წარმოდგენა არ გქონდათ?

– არაფერსაც არ გეტყვით, – ვუპასუხე, – რადგან მაინც არ დამიჯერებთ.

– ცხადია. აბა, არ იცოდით, რომ ბურგონის ქუჩაზე ბინის დაქირავება თვეში ძველი კურსით ორმოცდახუთი ათასად შეუძლებელია? არ იცოდით, რომ მკერავები, კერძოდ, ჩემი მკერავი, უცნობ ახალგაზრდა ქალებს უფასოდ არ მოსავენ? არ იცოდით, რომ მაგ ადგილზე რედაქციაში თქვენზე გაცილებით განათლებულ ორმოცდაათ ახალგაზრდა ქალს მაინც ჰქონდა პრეტენზია?

– უნდა მცოდნოდა, მართალია.

– იულიუსი ძალიან მომთმენია, ეს საყვარელი თამაში, თქვენი თავგუნებობისა და ახირების მიუხედავად, შეიძლებოდა დიდხანს გაგრძელებულიყო. იულიუსი უარს არასოდეს არაფერზე ამბობს. მაგრამ, გულახდილად გეტყვით, მისი მეგობრებისთვის, განსაკუთრებით კი ჩემთვის, აუტანელი იყო, ისეთი ქალის ნება-სურვილზე რომ დადიოდა, როგორიც...

– როგორიც?

– ვთქვათ, თქვენს ჭკუაზე.

– მშვენიერია.

გავიცინე და ამან, ცოტა არ იყოს, წონასწორობა დააკარგვინა. სიძულვილით, ზიზლით, უნდობლობით ისე იყო გაჟღენთილი, რომ თითქმის სასაცილოდ გამოიყურებოდა.

– და, თქვენი აზრით, იულიუსს რა უნდოდა?

– გინდოდათ გეთქვათ, რა უნდა? სულ თავიდან მითხრა, რომ უნდოდა, საინტერესო, სასიამოვნო ცხოვრება შემოეთავაზებინა თქვენთვის და სისულელეებისთვისაც გიტოვებდათ ცოტაოდენ დროს, სისულელეებისთვის, რომლებიც საბოლოოდ მაინც მასთან მიგიყვანდათ. არ გეგონოთ, თავს ასე ადვილად დაიძვრენთ. თქვენ ჯერ ჩვენთან ნაცნობობა არ გაგინყვებიან, ჩემო ძვირფასო ჟოზე.

– ვფიქრობ, გავწყვიტე, – ვუპასუხე, – იცით, გადაწყვიტე, ლუი დალესთან ვიცხოვრო და მომავალ კვირას სოფელში მივდივარ.

– როცა მისგან დაიღლებით, დაბრუნდებით. იულიუსი აქ იქნება და თქვენც გაიხარებთ მისი ხელახლა ნახვით. თქვენი კომედიები ახალისებს, თქვენი მოჩვენებითი სიძულვილი სიცილად არ ჰყოფნის, მაგრამ ბოროტად ნუ გამოიყენებთ!

– თუ სწორად გავიგე, მასაც ვძაგვარ.

– არა, რას ამბობთ, ამბობს, რომ გულის სიღრმეში პატიოსანი ხართ და ბოლოს და ბოლოს დანებდებით.

ავდექი. ამჯერად ძალდაუტანებლად ვიღიებოდი.

– არა მგონია. იცით, თქვენ ზიზღით ხართ დაბრმავებული: არის რალაც, რაზეც თქვენ წარმოდგენაც არ გაქვთ: საქმე ისაა, რომ თქვენ საშინლად მოსაწყენი ხართ ჩემთვის. თქვენც და თქვენი ხრიკებიც. იულიუსის ეშმაკობა შეურაცხმყოფს, რადგან ის ძალიან მიყვარს, მაგრამ, აი, თქვენ კი... მიზანში მოვარტყი. სიტყვა „მონყენილობა“ მისთვის სრულიად აუტანელი იყო, ჩემი აღუშფოთებლობა კი ალბათ მეტად აშინებდა, ვიდრე მოულოდნელი მრისხანება შეაშინებდა.

– მე ნელ-ნელა გადავუხდი იულიუსსაც და მკერავსაც, – ვუთხარი მადამ დებუს, – მე თვითონ დაველაპარაკები ჩემს ყოფილ დედამთილს და რაც შეიძლება სწრაფად მოვაგვარებ ალიმენტთან დაკავშირებულ ამ ისტორიას იულიუსის დაუხმარებლად.

კართან მისული შემაჩერა. ეტყობოდა, რალაც ან უხებდა.

– იულიუსს რას ეტყვი?

– არაფერს, მე მას ველარ ვნახავ.

მხიარულად, ღიღინით მივაბიჯებდი ქუჩაში. რალაცნაირი ხალისიანი ბრაზი ჩამისახლდა. ბოლო მოკულე სიცრუეს, თვალთმაქცობას, შემოვლით გზებს. ამ კაცუნების გასართობად საიდუმლოდ მაცხოვრებდნენ. ალბათ როგორ ახალისებდა მათ ჩემი დამოუკიდებელი იერი, ჩემი თავგადასავლები! მაგრამ გამაცურეს! ჰო, სასონარკვეთილი ვიყავი, მაგრამ შევბასაც ვგრძნობდი. ახლა უკვე ვიცოდი, როგორი არჩევანი უნდა გამეკეთებინა. ლამაზი ოქროს საყელური შემაბუს, მაგრამ თასმა მომძვრა. ახლა ყველაფერი რიგზეა. ჩემოდანს რომ ვალაგებდი, – სიტყვამ მოიტანა და თითქმის ცარიელს, რადგან სულ რამდენიმე კაბა მქონდა ჩასადები, ალანის დატოვებული, – საკუთარ თავს დავცინოდი, რომ თავდაჯერება ჩემი ხვედრი არ იყო. ჩემმა სიბრმავემ და ოპტიმიზმმა იულიუსს საშუალება მისცა, ქვეყნის სასაცილო გავახადე მისი მეგობრების და ალბათ მის თვალშიც. ამიტომ ვბრაზობდი მასზე, რადგან, თუ მაინც ვუყვარდი, მიუხედავად სიძულვილისა, არ უნდა აეტანა, რომ სხვებს გავეკიცხე. მადლიერი მზერა მოვაველე ჩემს სტუდიას, სადაც ნელ-ნელა განვიკურნე ალანისგან, სადაც გავიცანი ლუი – ჩემი მოჩვენებითი, მაგრამ თბილი თავშესაფარი. ძაღლის თასმაც ავიღე და მშვიდად ჩავედით კიბეზე. სახლის პატრონმა, იულიუს ა. კრამის მოჩენილმა კიდევ ერთმა ადამიანმა, ამჯობინა არ გამოჩენილიყო. პატარა სასტუმროში გავჩერდი. სანოლზე ვინეტი, ფეხთით ძაღლი მენვა, იატაკზე ჩემოდანი იდგა. ნახევარი წლის ცხოვრებასა და დამარხულ მეგობრობაზე საღამო ეშვებოდა.

...

ლაღმა, ტკბილმა, ნეტარმა ზაფხულმა გაიარა ლუის სახლში. ჩემი ნაამბობისთვის კომენტარი არ გაუკეთებია. უბრალოდ, ჩვეულებრივზე უფრო ნაზი და ყურადღებიანი გახდა. ერთად ვეძებდით სახლს პარიზის ახლომახლო და ბოლოს ვერსალში ვიპოვეთ. ბედნიერები ვიყავით და ის მორალური ბზარი, გულჩანყვეტილობა, დაღლილობა და სევდა, ჩემს გამოქცევას რომ ახლდა,

თვის ბოლოსთვის გაიფანტა. იულიუსს არ ვწერდი, მის წერილებს არ ვპასუხობდი. თუმცა არც ვკითხულობდი. მისი წრიდან არავინ შემიხედვია. ვხვდებოდით ლუის მეგობრებს, ჩემს ძველ მეგობრებს. ვგრძნობდი, რომ გადავრჩი. გადავრჩი იმ საფრთხეს, სახელი და ხილული სახე რომ არ გააჩნდა და ამიტომ ათასჯერ უფრო დიდი ჩანდა, ვიდრე ნებისმიერი სხვა საშიშროება, რაც შეიძლებოდა დამმუქრებოდა; კინალამ მართლა დავიჯერე, რომ იმ ხალხს ვეკუთნოდი, რომელიც არ მიყვარდა, კინალამ სიცოცხლე შევწირე იმ დარდსა და მონყენილობას, სულ სხვა სახელი რომ დავარქვი. სიცოცხლე მიბრუნდებოდა, ორმაგდებოდა ჩემში, რადგან აგვისტოში ვიგრძენი, რომ ლუისგან ბავშვს ველოდი. გადავწყვიტეთ, ბავშვი და ძაღლი ერთდროულად მოგვენათლა, რადგან ძაღლს დღემდე არაფერი ერქვა.

ცოტა ხნის გადმოსულები ვიყავით, ერთ წვიმიან დღეს პარიზში, ავენიუ დელა გრანდ არმეზე გადასვლისას, იულიუსს რომ გადავეყარე. „დაიშლერი“ გვერდიდან გამოვარდა. მაშინვე ვიცანი და შევჩერდი. იულიუსი მანქანიდან გადმოვიდა და მომიახლოვდა. გამხდარიყო.

– ჟოზე! – წამოიძახა, – როგორც იქნა! დარწმუნებული ვიყავი, დაბრუნდებოდით.

ვუყურებდი ამ პატარა, ჯიუტ კაცუნას. მომეჩვენა, რომ პირველად გავუსწორე თვალი. იგივე ცისფერი თვალები სათვალის მინებს უკან, იგივე ზღვისფერი კოსტიუმი, იგივე უსიცოცხლო ხელები. დიდი ძალისხმევა დაძვინდა იმის გასახსენებლად, რომ ეს ადამიანი ასე დიდხანს იყო ჩემთვის მხარში დგომის სიმბოლო. ახლა ერთსა და იმავე დროს მანიაკივით უცხო, უხერხულობის მომგვრელი და ახლობელი მეჩვენებოდა.

– ისევ გაბრაზებული ხართ? ეს ხომ დამთავრდა, არა?

– დიახ, იულიუს, დამთავრდა.

– იმედია, მისვდით, რომ ეს ყველაფერი თქვენს სასიკეთოდ იყო? შესაძლოა, ცოტა მოუქნელად მოვიქეცი...

ისე იღიმებოდა, თითქოს თავის საქციელით ძალიან კმაყოფილი იყო. ისეთივე შთაბეჭდილება შემექმნა, რაც პირველად „სალინაში“ – თითქოს გვერდით უცნობი, აბსოლუტურად უცხო მექანიზმი მედგა. არ შემეძლო არც ერთი, თუნდაც სულ მცირე დიალოგის გახსენება, მხოლოდ ერთი მონოლოგი მაგონდებოდა პლაჟზე – ერთადერთი შემთხვევა, როცა გამოაჩინა ცოტად თუ ბევრად გასაგები სახე. მხოლოდ ამ მოგონებამ მაიძულა, გაუბედავად ვმდგარიყავი მის წინ და არ გავქცეულიყავი.

– მთელი ზაფხული მესმოდა თქვენი ამბები, – დაუმატა მან, – სოლონს თქვენსავით კარგად ვიცნობ.

– ისევ თქვენი კერძო მაძებრები...

გაიღიმა.

– ხომ არ გეგონათ, რომ თქვენზე ზრუნვას შევწყვეტიდი?

უცებ მრისხანების ცეცხლი შემომმართო და სიტყვები უფრო ადრე გავიგონე, ვიდრე მათ თქმას გადავწყვეტიდი:

– თქვენმა აგენტებმა მოგახსენეს, რომ ბავშვს ველოდები?

წამით გაირინდა გაოგნებული, მერე უცებ გონს მოეგო:

– შესანიშნავი სიახლეა, ჟოზე, ერთად შესანიშნავად გავზრდით ამ ბავშვს.

– ეს ლუის ბავშვია, – შევეხმიანე, – მომავალ თვეში ექორწინდებით.

და უცებ, ჩემდა გასაოცრად, ტროტუარზე ფეხების ტყაპუნი და ხელების ქნევა დაიწყო.

– ტყუილია, – ღრიალებდა, – ტყუილია, შეუძლებელია!

გაოგნებული ვუყურებდი. უცებ მის ზურგს უკან მისი მძლოლი ამოიზარდა და სწორედ იმ დროს ჩააფრინდა მხრებში, დარტყმას რომ მიპირებდა. ჩვენ გარშემო ხალხმა დაიწყო მოგროვება.

– ეგ ბავშვი ჩემია, – ღმუოდა იულიუსი, – ბავშვიც და თქვენც!

– მესიე კრამ, – იმეორებდა შოფერი და უკან უკან მიათრევდა, – მესიე კრამ...

– გამიშვით! – ყვიროდა იულიუსი, – ხელი გამიშვით! ეს შეუძლებელია! გეუბნებით ეგ ბავშვი ჩემია!

მძლოლმა გაათრია. მე უცებ გონს მოვედი, გაშეშებამ გამიარა, მოვკურცხლე და რომელიღაც კაფეში შევიმალე. კბილს კბილზე ვაცემინებდი. დიდხანს ვიჯექი და ვცდილობდი, თავს მოვრეოდი. გარეთ გასვლას ვერ ვბედავდი. მეგონა,

მაშინვე იულიუსს წავანყდებოდი, იმავე ადგილას ბრაზისგან რომ იხრჩობოდა და ფეხებს აბაკუნებდა, თვალზე კი იმედგაცრუების – და იქნებ სიყვარულისასაც – ცრემლს დავუნახავდი. დიდიეს დავურეკე. მოვიდა და სახლში წამიყვანა.

...

ორი თვის შემდეგ იულიუს ა. კრამის სიკვდილის ამბავი გავიგე. როგორც ჩანს, გულის შეტევით გარდაცვლილიყო. ანტიდეპრესანტების, ტრანკვილიზატორებისა და სხვა პრეპარატების ბოროტად გამოყენებისგან, რომელთა დახმარებითაც ცდილობდა სინამდვილეს გაქცეოდა. ერთმანეთის ცხოვრებას შევეხეთ, მაგრამ ყოველთვის პარალელურად მივდიოდით, ყოველთვის უცხონი ვიყავით ერთმანეთისთვის. ერთმანეთისას მხოლოდ პროფილს ვხედავდით, ერთმანეთი არასოდეს გვეყვარებია. ის ჩემს ფლობაზე ოცნებობდა, მე – მისგან თავის დახსნაზე. ეს იყო და ეს. თუ ჩავუფიქრდებით, ძალიან გულსაკლავი ისტორიაა. და მაინც, ვიცი, როცა დრო, როგორც სჩვევია, ჩემს სუსტ მესხიერებაში წესრიგს დაამყარებს, შემომჩევა მხოლოდ ჰამაკიდან ამოჩრილი მისი ქერა თმის ბლუჯა და ხმა, გაუბედავი და დაღლილი: „მას შემდეგ, რაც გაგიცანი, მჭმუნვარე და უნუგეშო აღარ ვარ“.

ფრანგულიდან თარგმნა
ლია დარაშვილმა





მაკუდაცურა

დასასრული. დასაწყისი იხ.
„ლიტერატურული პალიტრა“, №1-3, 2014 წ.

31 თავი

გროვერსს დავურეკე. შინ იყო.

– როგორ მიდის საქმეები, გროვერს?

– მშვიდად, – მიპასუხა მან, – გართულებების გარეშე.

– ჯინი ნიტროს ამბავი მოგვარებულია. აღარ შეგანუხებთ. რაც შეეხება ბოლო დროს განუთხარჯებს, ჩეკს გამოგიგზავნით.

– ბოლო დროს განუთხარჯებს? თქვენ რა, დამცინით?

– გროვერსს, ეს უცხოპლანეტელი ხომ მოგაშორეთ, ჰოდა გადაიხადეთ ახლა.

– კარგი, კარგი... მაგრამ როგორ მოახერხეთ?

– პროფესიული საიდუმლოა, პატარავ.

– კარგი, მე ალბათ მადლობელი უნდა ვიყო, არა?

– არავითარი ალბათ, უნდა იყოთ. და ფულიც უნდა გადაიხადოთ, თუ არ გინდათ, უცებ ფიჭვის კუბოში აღმოჩნდეთ. ან იქნებ კაკლისა გირჩევიან?

– მოდით, ვნახოთ... – წამოიწყო იმან.

მე ამოვიხირო და ყურმილი დავუკიდე.

ფეხები მაგიდაზე შემოვანწყე. საქმე წინ მიდიოდა. სინდი ბასის საქმელა მქონდა დარჩენილი და კიდევ – წითელი ბელურას. ცხადია, ჯინი ნიტროს ჩემი თავსატეხი გამხდარიყო, მაგრამ ამ შემთხვევაში საკუთარი თავის კლიენტი უკვე თავად გახლდით.

სელინი და გროვერსი კი თავის გზას ეწინენ. გულში ვფიქრობდი, ვახ, რა მარჯვედ ვუძღვები საქმეს-მეთქი.

მაგრამ მოდუნება დავაპირე თუ არა, ქალბატონი სიკვდილზე ფიქრი შემომიჩნდა.

დარეკა ტელეფონმა. მე ყურმილი ავიღე. ქალბატონი სიკვდილი იყო.

– აქ ვარ, ბილენ.

– რო დაისვენოთ, საყვარელო, ცოტა, არა?


– ვერა. ვგიჟდები ჩემს საქმეზე.

– მომისმინეთ, შეიძლება რაღაც გკითხოთ?

– რა თქმა უნდა.

– მხოლოდ დედამინაზე მუშაობთ?

– რას გულისხმობ?



ჩარლზ ბუკოვსკი

– იმის თქმა მინდა, ჰმ... უცხოპლანეტელებზე თუ ვრცელდება თქვენი ძალაუფლება-მეთქი?

– ცხადია. უცხოპლანეტელებზეც, მატლებზეც, ძაღლებზეც, ბუზებზეც, ლომებზეც, ობობებზეც, ყველაზე, მოკლედ.

– მიხარია ამის გაგონება.

– რისი გაგონება?

– უცხოპლანეტელებზეც რომ ვრცელდება თქვენი ძალაუფლება.

– თავი მომაბეზრეთ, ბილენ.

– მაგას რა ჯობია, საყვარელო.

– მომისმინეთ, ახლა პატარა საქმე მაქვს...

– ერთი კითხვა კიდევ...

– კარგი. მკითხეთ.

– უცხოპლანეტელებს როგორ კლავთ ხოლმე?

– რა პრობლემაა?

– ტყვიით ხომ ვერ მოკლავთ. იარაღი მაინც ტერესებს.

– პროფესიული საიდუმლოა, ბილენ.

– მითხარი, საყვარელო, და კრინტს არ დაეძრავ არასად.

– პუტკუნ, – მომაცხა, სანამ ტელეფონს გათიშავდა, – შეიძლება დაგეხმარო კიდევ მაგ ამბავში.

დავკიდე ყურმილი და ფეხები ისევ მაგიდაზე შემოვანწყე. ღმერთო, ექვსი უცხოპლანეტელია შემოპარული დედამინაზე და გინდა თუ არა, ჩვენკენ გადმოდიო. ხელისუფლებას უნდა შევატყობინო სასწრაფოდ. ჰო, რა თქმა უნდა, გადაამყვებინა თან. თვითონ უნდა მოვაგვარო ყველაფერი. ძნელი საქმე ჩანს არადა. ხომ არ მომეკიდა ისე ხელი? არყის ბოთლს თავი მოვხსენი და ცოტა მოვსვი. ეს წითელი ბელურა და სინდი ბასიც ჩემი მისახედი არ იყო? მონეტა ავიღე და ავაგდე: მეთქი არიოლი – წითელი ბელურა, რეშკა – სინდი ბასი. რეშკაზე დაჯდა. გამელიმა, სკამზე

გადავწევი და სინდზე დავიწყე ფიქრი, სინდი ბასზე. მეთქი დაგენძრა.

32 თავი

მოკლედ, ჩემი ლოს ანჯელესის, ალბათ, სა-
უკეთესო გამომძიებლად გადაქცევა ხომ უნდა
აღმენიშნა, ამიტომ გამოვკეტე ოფისის კარი,
ლიფტით დავეშვი დაბლა და ქუჩაში გამოვედი.
სამხრეთისკენ ვცადე წასვლა, ჰოდა, გამომივიდა.
დავეყვი სანსეტ ბულვარს და მივდიე და მივდიე.
ერთი ნაკლი აქვს სანსეტს – ჩემს უბანში ბა-
რებს მაინცდამაინც ვერ გადაეყრება კაცი, ამი-
ტომ ცოტა მუხლის გაშლამ მომიწია. ბოლოს,
როგორც იქნა, ვნახე ერთი, დიდი ვერაფერიშ-
ვილი ადგილი. ხის სკამზე ჯდომა არ მსიბლავდა
დიდად, ამიტომ მაგიდა ავიღე. მოვიდა ოფიცი-
ანტი. ორმეტრიანი ქუსლები, მოკლე კაბა, გამ-
ჭვირვალე ზედატანის მიღმა პარალონის ლიფი
ილანდებოდა. თითქოს ყველაფერი პატარა ჰქონ-
და – ტანსაცმელიც, ტვინიც და თავისი სამყაროც.
სახე – ფოლადივით; რო გაიღიმა, ეტკინა თით-
ქოს. იმასაც ეტკინა და მეც. არადა ილიმებოდა.
ისეთი ყალბი ლიმილი იყო, თმა ყალყზე დამიდგა.
თვალი მოვარიდე.

– გამარჯობა, ძვირფასო, რას დალევ?

სახეზე აღარ შემიხედავს, მუცელზე დავაშ-
ტერდი. შიშველი ჰქონდა. ჭიპთან ქალაღდის
პატარა ნითელი ვარდი მიეკრო. ჰოდა, ამ ვარდს
ვუთხარი:

– არაყი ტონიკით და ლიმონით.

– კარგი, ძვირფასო.

და მანჭვა-გრეხით გამშორდა, სცადა, ვნე-
ბისალმძკრელად გაექნია უკანალი, მაგრამ არ
გამოუვიდა.

ეგრევე დარდი შემომანვა.

მეთქი, არ გინდა, ბილენი, არ გინდა რა.

არ გაჭრა. ყველა მაგარი ნასვამი იყო ირგე-
ლივ, ნაღდი გამარჯვებულები კიდე არ ჩანდნენ,
ვილაცები ჩამოჰგავდნენ მხოლოდ. დავდევეთ ამ
ჩვენს მოჩვენებებს. დღეები კიდე დღეებს მისდე-
ვენ გაუთავებლად. არადა, ალბათ ერთადერთი
რამ გვჭირდება – გადავრჩეთ როგორმე. მაგრამ
მარტო გადარჩენა ვერ გყოფნის კაცს, როცა ქალ-
ბატონი სიკვდილი გიცდის გვერდით. ჭკუიდან
გადავყავდი ამ აზრს.

არ იფიქრო რა ამაზე, ბილენი, – ვთხოვე სა-
კუთარ თავს. არ გაჭრა.

ოფიციანტმა სასმელი მომიტანა, მე ფული
მაგიდაზე დავუდე, იმან აიღო.

– მადლობა, ძვირფასო.

– მოიცა, ხურდა მომიტანე.

– რა ხურდა?

– მაშინ ფეხის ქირად ჩაითვალე.

დააჭყიტა გამოცარიელებული თვალები.

– შენც წყეული კოვბოი ხარ?

– რა კოვბოი?

– წყეული კოვბოი არ გაგიგონია?

– არა.

– მაგათ უფასოდ უყვართ გაგულავენა.

– სახელი შენით დაარქვი?

– არა, გოგოებმა დაარქვეს.

– ვინ გოგოებმა? მწყემსებმა?

– პროქს რატო ათამაშებ, მისტერ, ბალდინჯო
შეგიძვრა თუ კიდე სხვა რამე?

– უფრო „სხვა რამე“.

– მერი ლუ, – გავიგონე უცებ ბოხი ხმა, – თავს
ხო არ გაბეზრებს ეგ პროქი?

ბარმენი იძებსდა, პატარა, წარბეზა ტიპი.

– არაფერია, ენდი, მე თვითონ მოვუვლი ამ
პროქს.

– ჰე, ჰე, მერი ლუ, – მე ვუთხარი, – ვატყობ,
პროქების ამბავში მაგრად დაოსტატებულხარ.

– შე მწოველა, შენა! – მიყვირა.

უცებ წარბა არ გადმოველო ბარს, მისი სიგ-
რძე კაცისთვის კაი ნახტომი გამოუვიდა. მეც გა-
დავკარი სასმელი და დავიძარი მისკენ. ავიცდინე
მოქნეული მარჯვენა და მივეცი მუხლი ყვერებში.
დავარდა და დაიწყო გორაობა ძირს. ამოვარტყი
პანჩური და გამოვედი გარეთ სანსეტ ბულვარზე.

აი, ამ ბოლო დროს საერთოდ აღარ მიმართ-
ლებს ბარებში რა.

33 თავი

მოკლედ, წავედი ჩემთან და ვსვი. ის დღე ხო
ვსვი და მთელი ღამეც გადავაბი. გავიღვიძე ნაშუ-
ადღევს. დავიცალე მუცელი, კბილები გავიხეხე,
გავიპარსე და ჩავფიქრდი. მაინცდამაინც ცუდად
არ ვგრძნობდი თავს. საერთოდ, ძალიან ცოტა რა-
მეს ვგრძნობდი. ჩავიცვი. კვერცხი მოსახარშად
შემოვადგი. პამიდვრის წვენი ლუდს შევურიე და
გადავკარი. კვერცხს გადავავლე ცივი წყალი,
გავფტქვენი, შევჭამე და სრულ საბრძოლო მზად-
ყოფნაშიც მოვედი. ავიღე ტელეფონი და ჯექ ბასს
დავურეკე სამსახურში. მეთქი ესა და ესა ვარ.
სხვათა შორის, დიდი სიხარული ვერ შევატყვე.

– ჯექ, – მე ვუთხარი, – გახსოვს, ერთ ფრანგზე
რომ გელაპარაკე?

– ჰა? მერე?

– მოგაშორე ის ტიპი.

– როგორ?

– მკვდარია.

– ძალიან კარგი. ვინც გვჭირდებოდა, ის იყო?

– კავშირი ჰქონდა შენ ცოლთან.

– კავშირი? რა ოხრობას გულისხმობ?

– არ მინდა, გული გატკინო.

– მაინც გეცადა, ბილენი.

– მისმინე, სინდის დაუნძრეო, მაგიტო არ
დამიქირავე? ხო მართალი ვარ?

– წარმოდგენა არა მაქ, რატო დაგიქირავე.
მაგრად შევცდი, მგონი.

– ჯექ, ის ფრანგი ტიპი მოშორებულა-მეთქი.
მკვდარია რა.

– მერე, რალა დარჩა?

– ჰოდა ველარ გაჟიმავს სინდის.

– ჟიმავდა რო?

– ჯექ...

– შენ ჟიმავდი? რა თქმაა ეს, სინდის უნდა
დაენძრეს! რა არი, ოღრაში ტიპი ხარ?

– მისმინე, კვალში ვუდგავარ-მეთქი, გეუბ-
ნები. უბრალოდ აშკარა საბუთები გვჭირდება.

– ისევ თავიდან იწყებ.





- მიზანთან ახლოს ვართ, ჯექ. სულ ცოტაც მოითმინე რა. მენდე.
- გამოდის, იმ ფრანგის გარდა სხვაც იყო?
- კი, ასე მგონია.
- ასე მგონია? ცოტას გიხდის, მაგის დედა ვატირე, რას ქვია „გგონია“? ამდენი კვირა გავიდა, მოდიხარ და მეუბნები, ის ფრანგი ტიპი მკვდარია და კიდევ რაღაცეები მგონიაო? მე მგონი, უბრალოდ დრო გაგყავს. გაინძერი რა! საბუთები მჭირდება! სიცხადე!
- შვიდი დღე მომეცო, ჯექ.
- ექვსს გაძლევ.
- კარგი, ექვსი იყოს.
- გავჩუმდით ცოტა ხანს, მერე ისევ იმან ამოილო ხმა.
- რაც იყო, იყო. ერთ საათში აეროპორტში მივდივარ. აღმოსავლეთში მაქვს საქმეები. ექვს დღეში დავბრუნდები.
- ყველაფერს დამთავრებულს დაგახვედრებ, პატარავ.
- პატარას ნუ მეძახი. რა დაძახებაა ეს, რა „პატარა“, ვერ გავიგე.
- ჩვევა მაქვს, უბრალოდ...
- მოკლედ, გაარკვიე ყველაფერი, რაც აურდაურიე, თორე ჯოჯოხეთი არ აცდებდა, შე ნაბიჭვარო.
- მე მეუბნები ამას, ჯექ?
- კაცი არ გამოშვასუხებია. დაკიდა იმან ყურმილი. კუტუ. მოკლედ, საქმისთვის უნდა მიმეხედა რა.

34 თავი

ჰოდა, წავედი და ისევ ბასის სახლთან დავაყენე მაქანა, ცოტა ქვემოთ, ორ ნაბიჯზე. საღამო იყო, პრინციპში, რაღა საღამო, ღამე ერქვა უკვე, რვა საათი ხდებოდა. სინდის წითელი „მერსედესი“ გარეთ ეყენა. ვგრძნობდი, მეთქი, აი, ზედა ვარ რა. რაღაც უეჭველი უნდა მომხდარიყო. ჰაერშიც კი რაღაცნაირი სუნი ტრიალებდა. ჩავაქრე სიგარა, ავიღე ტელეფონი და ტოტალიზატორში დავრეკე, მეცხრე გარბენის შედეგები მაინტერესებდა. კიდევ წავაგე. ვიჯექი ძალაგამოცლილი, დათრგუნული, გამოცარიელებული. ფეხისგულეები მტკიოდა.

სინდი ალბათ სახლში იყო და რაღაც სისულელეს უყურებდა ტელევიზორში, ფეხი ფეხზე ქონდა გადადებული და უაზრობებზე იცინოდა. მერე ჯინი ნიტროსა და იმ თავის ხუთ კოსმიურ სხეულზე გავაგრძელე ფიქრი. ჩემი გადაბირება უნდოდათ. არა, მე არ ვიყიდები. ერთი უნდა მივახურო მაგათი ბანდა. გამოსავალი უნდა არსებობდეს. ხო შეიძლება, ვთქვათ, წითელი ბელურა ვიპოვო და ის დამეხმაროს? შევიშალე ნეტა? მართლა ხდება თუ მეჩვენება ეს ყველაფერი? ავიღე ტელეფონი და ჯონ ბარტონს დავურეკე. მიპასუხა.

- მისმინე, ჯონ, ბილენი ვარ. ვერაფერი ვერ მოვუხერხე ამ წითელ ბელურას და ხო არ ჯობია, სხვას ჩააბარო ვინმეს ეს საქმე?
- არა, ბილენ, გენდობი, გააგრძელე, ყველაფერი გამოგივა

- მართლა მასე ფიქრობ?
- ეჭვიც არ მეპარება.
- კარგი, გავაგრძელებ საქმეს მაშინ, როცა შენ იქნები.
- მიდი.
- დაგიკავშირდები, თუ ვიპოვე რამე.
- დამიკავშირდი. ღამე მშვიდობია. და დაკიდა ყურმილი. რა კაი ვინმეა. ის-ის იყო სიგარისთვის უნდა მომეკიდებინა, რომ სინდი გამოვიდა სახლიდან. მივიდა მაქანასთან. ჩაჯდა.

მიდი, პატარავ, მიდი, გამიძეხი. დაქოქა, ჩართო ფარები და უკუსვლით წავიდა. დაატრიალა მერე და ჩრდილოეთისკენ ქნა პირი. ცოტა წინ გავუშვი და გავყვი უკან. მთავარი ბულვარისკენ გადაუხვია. უფრო ზუსტად თუ ვიტყვი, წყნარი ოკეანის სანაპიროს გაუყვა. ამჯერად სამხრეთისკენ მიდიოდა. სადღაც სამი მანქანით ჩამოვრჩებოდი. გაიარა გზაჯვარედინი, მე კიდევ წითელი ამენთო. გავრისკე და გავძვერი. ბენვზე გადავრჩი ავარიას. მისიგნალეს და მისიგნალეს, ვილაცამ, შე პროჟოო, მომძახხა. რა ორიგინალურები არიან ხოლმე ადამიანები.

ისევ სამი მანქანით უკან მივეყვებოდი. მარჯვენა რიგში იდგა. მერე დააგდო სიჩქარე და სასტუმროსკენ გადაუხვია. „ტკბილი დიუნები“ ერქვა სასტუმროს. შეაყენა მანქანა და მეცხრე ხაზში გაჩერდა. მე მეშვიდეში შევაყენე და იქ გავჩერდი, ჩავაქრე ფარები და ლოდინი დავუნყე. ქალი გადმოვიდა, გაუყვა ბილიკს, მივიდა კართან და დააკაკუნა. კარი გაიღო, ვილაც ტიპი იდგა ზღურბლთან. ეჰ, სინდი, სინდი! შუქი ეცემოდა იმ კაცს და კარგად შევათვალიერე. გარეგნობით არ დაინუნებოდა. მე რა, სინდისგან არ დაინუნებოდა, თორე. ახალგაზრდა იყო. გულგრილი, მშვიდი სახე ჰქონდა, თხელი წარბები, გრუზა თმა. პატარა ნაწნავიც ალბათ. ხო იცნობთ ეგეთებს, თმაჩანსულეებს. სუფთა ვირისთავეებს. კარშივე გადაეხვივნენ ერთმანეთს. აკოცესსავით კიდევ. მერე სინდის სიცილიც გავიგონე, სახლში შევიდნენ და მოიკეტეს კარი.

ვტაცე ხელი ვიდეოკამერას და პირდაპირ ადმინისტრატორისკენ დავადე თავი. შევედი. არავინ არ დამხვდა. პატარა მაგიდა იყო მხოლოდ, ზარიც. დავრეკე – არაფერი, მერე უკვე ექვსჯერ დავრეკე. გავიგონე, მოდიოდა ვილაც. ადმინისტრატორი ბებერი, მსუქანი კაცი გამოდგა. ფეხშიშველა, გრძელი საღამურით და ჩაჩით.

- აჰა, – მე ვუთხარი, – საძილედ ემზადებოდით, ხომ?
- ან ვემზადებოდი, ან არა. რა შენი საქმეა?
- არ მიწყინოთ, სერ. ოთახი მინდა, თუ გაქვთ ცარიელი.
- სუტენიორი ხარ?
- არა, როგორ გეკადრებათ, სერ.
- ბარიგა?
- არა, სერ.
- ნეტა ყოფილიყავი. კოკაინი მჭირდება ცოტა.
- მე ბიბლიას ვყიდი, სერ.
- რა საზიზღრობაა.
- მხოლოდ წმინდა წერილს ვავრცელებ, სერ.

– აქ ნურაფერს ნუ გამივრცელებ.
 – როგორც მეტყვიით.
 – გააჯვი რა.
 – მოკლედ, ოთახი მინდა, სერ.
 – ორი გვაქ, მერვე და მესამე.
 – მერვე?
 – ჰო, მერვე და მესამე-მეთქი. შენ რა, ყურში არ გესმის?
 – მერვეს ავიღებ.
 – 35 დოლარი. ნაღდი ფული.
 გადავუთვალე. სტაცა ხელი და მომიგდო გასაღები.
 – ქვითარი არ მეკუთვნის, ხო?
 – რა?
 – ქვითარი.
 – დამიმარცვლე აბა.
 – ვერ დავმარცვლავ.
 – ჰოდა, ქვითარსაც ვერ მიიღებ.
 ავიღე გასაღები და გამოვედი გარეთ. მივაღეი მერვე ოთახს. გავაღე, მშვენიერი ადგილი ჩანდა. მით უმეტეს, სახლი თუ არ გაქ კაცს, გამოგადგება. სამზარეულოში ჭიქას მივაგენი. წამოვიღე და მივაღე მეცხრე ოთახის კედელს. ბედი არ გინდა! მესმოდა, რას ლაპარაკობდნენ.
 – ბილი, – სინდი ბასის ხმა იყო, – ნუ ვიჩქარებთ რა, ჯერ ცოტა გელაპარაკო მინდა.
 – ლაპარაკს მერვე მოვასწრებთ. ამ ზუმბას ხო ხედავ, რამე უნდა მოვუხერხო. შენი სხეული მინდა, რა დროს სიტყვებია.
 – ჯერ წყალი უნდა გადავივლო, ბილი.
 – წყალი უნდა გადავივლო? რას აკეთებდი კი მაგრამ, ბალში მუშაობდი?
 – აჰ, ბილი, როგორ იტყვი ხოლმე.
 – კარგი, გადავივლე. მე იქამდე ყინულს დავადებ ამ ჩემს კობრას.
 – ჰა, ჰა, ჰა, ჰა, ბილი.
 ამდენი კვირის მერე პირველად გავიღიმე. მეთქი დაგენძრა.

35 თავი

ჭიქა ისევე კედელზე მქონდა მიდებული და ყურს ვუგდებდი. მესმოდა, როგორ მოჩხრიალბდა წყალი აბაზანაში. სანყალი ბასი, მართალი გამოდგა. საერთოდაც ხო ეგრეა, ზოგი მართალია, ზოგი – მტყუანი, თუ როგორც არი. ჰო, მაგრამ რა მნიშვნელობა აქვს, ვინ ვის გაჟიმავს? ბოლოს მაინც არაფერი არ გრჩება და... ფუ რა, შევეცი რა, შევეცი რა ამ ყველაფერს. მაგრამ ხალხი მაინც რო არ ისვენებს, არ ეშვება. ჭიპლარს გადაუჭრი თუ არა, ეგრევე სხვა რამეს ჩაავლებს, სულერთია, რა იქნება, სანახაობა, მუსიკა, სექსი, ქორწინება, დედა, მასტურბაცია, მკვლევლობა, ორშაბათის დილის პახმელია.
 დავდგი ჭიქა, გადავწვდი პიჯაკს, ნახევარი პინტი ჯინი ვიპოვე, მოვსვი ცოტა. ისე მიწმენდს ხოლმე გონებას, მეტი არ შეიძლება.
 დავფიქრდი, ხელობა ხომ არ გამომეცვალა-მეთქი. ნუთი ნუთზე უნდა შევევარდნილიყავი გვერდით ნომერში და ჟიმაობის პატარა სცენა გადამელო, მაგრამ ოდნავადაც არ მსიამოვნებდა ეს ამბავი. სამუშაო იყო უბრალოდ, რითაც ბინის

და სასმელის ფულს იხდი კაცი და ელოდები იმ უკანასკნელ დღესა თუ ღამეს. დრო გაგყავს. ფუ, რა საცოდაობაა. რა ფილოსოფოსი გამოვიდოდა ჩემგან! ვეტყვოდი ადამიანებს: ამაზე მეტი სისულელე იქნება? ვდგავართ და ხან ჩავისუნთქავთ ჰაერს, ხან ამოვისუნთქავთ.
 ჯანდაბა. დარდი შემომანვა, მე მგონი. მოვსვი კიდე ჯინი და ისევე მივაღე ჭიქა კედელს. სინდი უნდა გამოსულიყო აბაზანიდან უკვე.
 – ღმერთო ჩემო, – გავიგონე კაცის ხმა, – ათ ცალ აგურით ნაშენებ ტუალეტს გავხარ.
 – ჰოო, ბილი, მართლა ასე ფიქრობ?
 – ჰო გითხარი, არა?
 – რა კარგ რამეებს მეუბნები ხოლმე, ბილი.
 – არა, შეხედე, რამხელა ძუძუები გაქ! სულ პირჩაღმა უნდა ეგდო, წესით, ეტყობა ეგ დიდი ტრაკი გშველის, გქაჩავს უკან.
 – სულაც არ მაქვს დიდი უკანალი, ბილი.
 – რა უკანალი, პატარავ, უკანალი კი არა, ბალჩა, ყელეიანი, მურაბიანი, ფუნთუშებიანი ბალჩა.
 – ჰო, მაგრამ ჩემზე რას იტყვი, ბილი? ჩემს შინაგან სამყაროზე.
 – საყვარელო, ამას ხო ხედავ, როგორ ფეთქავს და ქანაობს აქეთ-იქით? ჰოდა, ძალიან მაღე მივხედავთ შენს შინაგან სამყაროსაც.
 – ბილი, მგონი, გადავიფიქრე...
 – რა დროს გადავიფიქრებაა, პატარავ! მოდი, მოაჯექი ამ ჩემს კოშკს.
 მოვაშორე ჭიქა კედელს, შევამოწმე კამერა, გამოვსხლტი გარეთ და მივაღეი მეცხრე ნომერს. კარის გაღება არ გამჭირვებია, ჩემი საკრედიტო ბარათითაც მოვახერხე. სანოლ ოთახში მაგრად ჭრიალებდა ზამბარები. ჩავრთე კამერა და შევვარდი შიგნით. არის. ათი კურდღელი ვერ იზამდა ერთად, ისეთს უქაქუნებდა ბილი. როგორღაც შემამჩნია, შეეშვა ქალს და გადმოხტა იატაკზე. პირი ღია დარჩა. ჯერ მაგრად გაუკვირდა, მერე გაბრაზდა. ცხადია, გაბრაზდებოდა.
 დგას, მიყურებს.
 – ჯანდაბა, რა არი ეს, რა ხდება, რა ამბავია? სინდი ლოგინში წამოჯდა.
 – გამომძიებელია, ბილი. გიჟია. მე და ჯექსაც შემოგვივარდა და გადაღება დაგვინყო. სულელია, გეუბნები, ბილი.
 მე გადავხედე.
 – მოკეტე რა, სინდი! ხო ჩაგავლე, ხო გითხარი, აღრე თუ გვიან დაგენძრევა-მეთქი.
 ბილი წამოვიდა ჩემკენ.
 – ჰეი, ძმაო, შენ გგონია, ცოცხალს გაგიშვებ აქედან?
 – კი, მგონია, ბილი, ბიჭუნია, ისე გავალ, როგორც დაგიბარებია.
 – ვითომ როგორ?
 – მეგობარმა, გახვალო.
 და ჩემი 32-კალიბრიანი დავაძრე ბუდიდან
 – ეგ ნაგავი ვერ შემაჩერებს.
 – ცადე და ნახავ, თუ ვერ შეგაჩერებს, მნძრეველა შენ.
 ის ნელ-ნელა მიახლოვდებოდა.
 – ბილი, პატარავ, სამჯერ უკვე მყავს კაცი მოკლული, მეოთხედაც არ გამიჭირდება.

– ტყუილი, ტყუილი, – თან ილიმებოდა და მოინევდა ჩემკენ, – დედაშენი საფლავში ტრი-ალეხს, ალბათ.

– კიდევ ერთი ნაბიჯიც, შე სირო, და მოვათა-ვებთ საქმეს.

გამოინია. გავისროლე. არ ნაქცეულა, იდგა. შეიყო ჭიპში ხელი, გამოიღო ტყვია და მოისრო-ლა. სისხლი არ გამოსვლია კი არა, ჩალურჯებუ-ლიც არ ეტყობოდა არსად.

– ტყვიები არაფერს არ ნიშნავს ჩემთვის, – მითხრა, – არც შენ, სხვათა შორის.

ნამართვა რევოლვერი და კუთხეში მიაგდო.

– აგერ მე და აგერ შენ.

– მომისმინე, მეგობარო, მოვილაპარაკოთ. ნაილე კამერა, მაინც უნდა შევეშვა ამ საქმეს, თვალთ ველარ მნახავ ვერასდროს.

– ვიცი, რო ვერ გნახავ, მოგკლავ და მაგიტომ.

– ჰო, მიდი, მოკალი ეგ მურტალი.

გავხედე.

– შენ ნუ ერევი, სინდი, ეს ჩვენი საქმეა, კა-ცების.

– მართლა, ბილი?

– მართლა.

მერე მეცა და მომიფრიალა ოთახში. კედელს შევასკდი და ჩავცურდი დაბლა.

– ბილი, – მე ვუთხარი, – ნახევარ ქალაქს ყავს ნახმარი, ამ სქელტრაკას გულისთვის ჩვენ რატო ვჩხუბობთ?

ბილიმ გაიცინა და ისევ გამოინია ჩემკენ.

36 თავი

უცებ გონება გამინათდა. ეს ტიპი უეჭველი უცხოპლანეტელი იყო. იმიტომ ვერ დააკლო ვერაფერი ტყვიამ. ავდექი და ზურგით მივეყუდე კედელს.

– ვიცი, ვინცა ხარ, ბილი, – ვიყვირე მე.

გაჩერდა.

– უცხოპლანეტელი ხარ.

სინდი მოკვდა სიცილით.

– ხო გითხარი, გიყია-მეთქი.

გავხედე.

– ეს ერთი ცალთვალა, ბანჯგვლიანი, გველის-ტანიანი ტიპია. ადამიანის სხეულში კი იმალება, მაგრამ მოჩვენებაა ეგ ყველაფერი.

ბილი იდგა გახევებული და თვალს არ მაცი-ლებდა.

– სად იპოვე, ეს ტიპი, სინდი? – ვკითხე მე.

– ბარში. მაგრამ არ მჯერა შენი სისულელე-ების. არავითარი უცხოპლანეტელი არ არის ეს.

– კითხე.

სინდიმ ისევ გაიცინა.

– კარგი, ბილი, უცხოპლანეტელი ხარ?

– ჰა?

– ხო ხედავ, არა? – შევაგულიანე მე.

ბილიმ ქალს გახედა.

– ამ გიჟს აპირებ დაუჯერო?

– რა თქმა უნდა, არა, ბილი. მიდი, მოუღე ბოლო.

– კარგი, პატარავ...

ბილი ჩემკენ წამოვიდა. უცებ ალისფრად გა-ნათდა ოთახში და ჯინი ნიტროც გაჩნდა.

– ჯინი, – წამოიწყო ბილიმ, – მე...

– მოკეტე, შე ნაბიჭვარო, – უთხრა ჯინიმ.

– რა ჯანდაბა ხდება აქ? – იკითხა სინდიმ და ჩაცმა დაიწყო. ბილი ისევ დედიშობილა იდგა.

– შე ნაბიჭვარო, – გააგრძელა ჯინიმ, – ხო გითხარი ადამიანებთან დაძმობილება არ გამო-ვა-მეთქი.

– რა ვქნა, საყვარელო, ვერ მოვითმინე. ერთ ღამეს ვიჯექი ჩემთვის ბარში და ეს შემოვიდა.

– ხო გიბრძანეს, დედამინელებთან სექსი არ გქონდესო!

– ჯინი, ხომ იცი, შენ ერთადერთი ხარ ჩემ-თვის. უბრალოდ სულ დაკავებული ხარ და...

– გაიჩალიჩე, ბილი, – უთხრა ქალმა და მარ-ჯვენა ხელი მისკენ გაიშვირა.

– არა, ჯინი, არა.

განათდა ალისფრად, ბილი ისევ ბანჯგვ-ლიან, ცალთვალა გველად იქცა და იატაკზე დაიწყო სხმარტალი. ჯინიმ ისევ გაიშვირა მარჯვენა ხელი, ისევ განათდა ალისფრად, გაისმა ბლავილი და უცხოპლანეტელი ბილიც უკვალოდ გაქრა.

– თვალეხს ვერ ვუჯერებ, – სინდი გაოგნე-ბული იყო.

– ჰო, – მე ვუთხარი, – ვიცი.

ჯინი მე მომიბრუნდა.

– გახსოვდეს, ბილინ, რომ შენ ჩვენი საქმის-თვის შეგარჩიეს, ზაროსის საქმისთვის.

– კი, – ვუთხარი, – რა დამავინწყებს.

მერე მესამედაც განათდა ოთახში და ჯინიც გაქრა.

სინდის ჩაეცვა უკვე, მაგრამ გონს ჯერ კიდევ ვერ მოსულიყო.

– თვალეხს ვერ ვუჯერებ.

– პატარავ, ჯეკმა შენზე, გამირკვიე მაგის ამბებში და მეც გავრკვიე.

– უნდა ნავიდე აქედან.

– ნადი. მაგრამ არ დაგავინწყდეს, რა მაქ აქ ჩანერილი. ჭკუით მოიქეცი, თორე ჯეკს ვანახებ ყველაფერს.

– კარგი, – ამოიოხრა სინდიმ, – შენ გაიმარ-ჯვე.

– მე ლოს ანჯელესის საუკეთესო დეტექტივი ვარ. ანი გეცოდინება.

– მისმინე, ბილინ, რამე რომ მოვახერხოთ მაგ ფირის სანაცვლოდ?

– ჰა?

– იცი, რასაც ვგულისხმობ.

– არა, არავითარ შემთხვევაში, სინდი, ვერ მომისყიდი. ისე, კარგი მცდელობა იყო.

– ჰოდა, ჯანდაბამდე გზა გქონია, პუტკუნ, – მითხრა, მიტრიალდა და კარისკენ წავიდა. თვა-ლი ვერ მოვნწყვიტე მის ჯადოსნურ თეძოებს. როგორ მიათამაშებდა!

– სინდი, მოიცა ერთ წუთს.

მობრუნდა, გაილიმა.

– გისმენ.

– გაატარე. არაფერი, ნადი...

გავიდა. აბაზანაში შევაჭერი და მოვითქვი სული, არა, ნანლავებთან დაკავშირებულ ამბებს არ ვგულისხმობ. რაც გინდათ, თქვით და ნამდ-

ვილი პროფესიონალივით კი მოვიქცევი. საქმე გახსნილი იყო.

37 თავი

მეორე დღეს სამსახურში დავურეკე ჯექ ბასს.

– სინდისთან გაშორება ისევ გინდა, ჯექ?

– მინდა. გაარკვიე რამე?

– მოდი, ასე ვთქვათ – ორივე ჯენტლმენი, ვისთანაც მას კავშირი ჰქონდა, მკვდარია.

– კავშირი, ესე იგი. რა ჯანდაბას გულისხმობ ამ „კავშირში“, ერთი ვიცოდე.

– მომისმინე, ჯექ, გთხოვ, ეს ტიპები მკვდრები არიან უკვე, ის ფრანგიც და უცხოპლანეტელიც.

– უცხოპლანეტელი? რას მასულებებ?

– არ გასულელებ, ჯექ. რამდენიმე უცხოპლანეტელი შემოიჭრა ზაროსიდან. სინდი ბარში შეხვდა ერთ-ერთს. ახალგაზრდა იყო, კაი გვარიანი ინსტრუმენტიც ეკიდა.

– მკვდარია?

– კი, ეგეც და ფრანგიც, ხომ გითხარი.

– შენ ხოცავ ხალხს?

– ჯექ, აღარ არიან ეს ტიპები, სინდიც აღარ ივლის გარე-გარე. შეგიძლია, მშვიდად იყო.

– რა ვიცი, რომ აღარ ივლის?

– ნუ ლელავ. ისეთი რამე მიჭირავს ხელში, მოიშლის-მეთქი.

– რალაც გადაიღე და სინდის არ უნდა, რომ მე მაჩვენო, ხომ მართალი ვარ?

– შეიძლება, მართალიც ხარ, შეიძლება, არც ხარ. მოდი, ასე ვთქვათ, ისეთი რამე მიჭირავს, გაიგულავებს თუ არა, ეგრევე დაენძრება.

– ჰო, მაგრამ მე მინდა, სინდი ჩემთან სიყვარულის გამო დარჩეს და არა შანტაჟის.

– შანტაჟი-მანტაჟი არ ვიცი, ჯექ, გეუბნები, გარე-გარე მეტს აღარ ივლის-მეთქი. ჩავუშალე ყველა კავშირი და აწი ამონეული შარვლით ივლის. მეტი რა გინდა? შეუყვარდე კიდეც იქნება, მიეცი გამოსწორების საშუალება. ახალგაზრდაა, გაერთო ცოტა, რა დაგემართა.

– უცხოპლანეტელთან?

– მადლობელი იყავი, რო უცხოპლანეტელი იყო. ვერავინ ვერასდროს ვერ გაიგებს მაგის ამბავს. თითქოს არც მომხდარა არაფერი.

– ჰო, მაგრამ მოხდა. როგორ თქვი, გვარიანი ინსტრუმენტი ეკიდაო? მაინც რამხელა ჰქონდა?

– ძნელი სათქმელია. ისე მუშაობდა...

– უყურებდი?

– შევანყვეტიხე.

– ფრანგზე რალას იტყვი? იმასაც ეგრე ეკიდა?

– ჯექ, ორივე ტიპი მკვდარია. დაივიწყე რა. ამ დღეებში გამოგიგზავნი ანგარიშს ფოსტით.

– რალაც არ მომწონს ამ ამბავში.

– გეუბნები, გარე-გარე სიარულს მოიშლის-მეთქი, ჯექ.

– მაგრამ დავუშვათ და არ მოიშალა?

– მოიშლის-მეთქი, იცის, რომ დავუნძრევ და მოიშლის.

– ისევ იგივეს ამბობ. შენც ხომ არ გაგიჟი-მავს, ჰა?

– ჯექ, ჯექ, ჯექ, ძალიან გთხოვ, მე ჩემი საქმის პროფესიონალი ვარ.

– და ის ტიპები მართლა მკვდრები არიან? რატო უნდა დაგიჯერო?

– ჯექ, მისი ქცევის მიხედვით მიხედები ყველაფერს. ნუ ლელავ. სხვა რამე ხო არ გაქვს კიდე გასარკვევი? იცოდე, ლოს ანჯელესში საუკეთესო დეტექტივი მე ვარ.

– არაფერი არ მაქვს ახლა.

– კარგი, ჯექ, ბედნიერად მაშინ.

– რა თქმა უნდა, რა თქმა უნდა...

დავუკიდე ყურმილი. გამოვნიე მაგიდის უჯრა, არაყი ამოვიღე და გადავკარი. საქმე წინ მიდიოდა. ერთადერთი წითელი ბელურალა მყავდა მოსანახი. და თავი უნდა დამღწია როგორმე ამ უცხოპლანეტელებისგან. ქალბატონი სიკვდილისგანაც. კიდე მოვსვი არაყი და საკუთარ თავს მოდუნების უფლება მივეცი, თუმცა ცოტა ხნით.

38 თავი

ჯონ ბარტონს დავურეკე. ჩრდილოეთში თავისი გამომცემლობა ჰქონდა.

– ბილენი ვარ, ჯონ...

– გამიხარდა თქვენი ხმის გაგონება, ნიკ. როგორ მიდის საქმეები?

– ნელა-ნელა, ჯონ. ცოტა მეტი ინფორმაცია მჭირდება ამ წითელი ბელურას შესახებ.

– მოკლედ, ჩვენ გვინდა, ეს წითელი ბელურა ჩვენს ლოგოდ ვაქციოთ. მართლა ცნობილი გაგხადოთ. მაგრამ გავიგე, კიდე ერთი წითელი ბელურა გამოჩნდა სადღაცო და უნდა მოვძებნოთ.

– მეტს არაფერს აპირებთ?

– ჰო, რა ვიცი, კიდე წინათგრძნობა მაქვს...

– გინახავთ ოდესმე ეს წითელი ბელურა?

– გავიგე, უნახავთ.

– გაიგეთ? სადან გაიგეთ?

– საიდუმლო გზებით. ყველაფერს ვერ გაგიმხელთ.

– დავუშვათ, ვიპოვე ეს ჩიტი. რა ვუქნა? გალიაში ჩავსვა?

– არა, მხოლოდ უტყუარი საბუთები მჭირდება, რომ არსებობს, ჩემი ცნობისმოყვარეობის დასაკმაყოფილებლად.

– და თუ ვერ მივაგენი?

– თუ არსებობს, მიაგნებთ, მე მჯერა თქვენი.

– მისმინეთ, ამაზე უცნაური საქმე არც მქონია არასდროს.

– ყველას ყოველთვის იმას ვეუბნებოდი, რომ თქვენ დიდებული დეტექტივი ხართ. თქვენ მოახერხებთ ამას ჩემთვის. იპოვით წითელ ბელურას.

– კარგი, ჯონ. მივხედავ ამ საქმეს. მაგრამ პატარა ბავშვი აღარ ვარ. ძალიან დავიღალე. ძველებური ენერჯია აღარ შემომრჩა.

– საუკეთესო ფორმაში ხართ. თქვენ შეძლებთ ამას.

– კარგი, ჯონ, შევეცდები...

– მშვენიერია.

დავკიდე ყურმილი. ყველაფერი კარგი, მაგრამ ძებნა საიდან უნდა დამენყო?

მოვიფიქრე, მეთქი უახლოესი ბარიდან.

დღის სამი საათი იყო, ვიპოვე სკამი და დავჯექი ზედ. ბარმენიც მოვიდა. რალაცნაირი მარტოსული კაცის სახე ჰქონდა. უჭუთუთოებო.

ფრჩხილებზე პატარა მწვანე ჯვრები ეხატა. სულელს ჰგავდა. მოკლედ, ვერ დავალწიე რა ამ გიჟებს თავი. კაცობრიობის უდიდესი ნაწილი გადარეულია, მგონი. და გადარეული ვინც არის, ის გაბრაზებულია. ვინც არც გადარეულია და არც გაბრაზებული, დებილია უბრალოდ. მოკლედ, შანსი არ მქონდა. არც არჩევანი. უნდა მოიკრიბო კაცმა ძალა და ელოდო აღსასრულს. ძნელი საქმეა, ამაზე ძნელი საქმის წარმოდგენაც კი შეუძლებელია. თავს ძალა დავატანე და ბარმენს შევხედე.

– წყალგარეული სკოჩი მომიტანეთ, – ვუთხარი.

არ განძრეულა.

– წყალგარეული სკოჩი, – გაუუმეორე ისევ.

– ოჰ, – მითხრა და წათოხარიკდა.

თვალის კუთხიდან დავინახე, როგორ შემოვიდა ბარში. რას თქმაა „თვალის კუთხე“, სად აქვს თვალს კუთხე. მოკლედ, როგორც იყო, დავინახე, შემოვიდა. ჩემი ძველი მეგობარი. მომიჯდა მარჯვნიდან.

– გამარჯობა, ლანირაკო, – გამომელაპარაკა, – გამიმასპინძლდები?

– რა თქმა უნდა, პატარავ.

ქალბატონი სიკვდილი იყო.

– ჰეი, ძმაო, – გავძახე ბარმენს, – ორი მოიტანე.

– ჰა?

– ორი ჭიქა წყალგარეული სკოჩი გაგვიკეთე-მეთქი.

– აჰ, კარგი.

– რას აკეთებ, პუტკუნ?

– საქმეებს ვხსნი, როგორც ყოველთვის.

– გაიხსნებიან მაინც როდისმე?

– არა, ცდები, პატარავ, მე ლოს ანჯელესის საუკეთესო დეტექტივი ვარ.

– ეგ არც ისე რთულია.

– ცაცხასგან კარაქის მოდღვებაზე რთული მაინცაა.

– ნუ თავხედობ, პუტკუნ, თორე ამოგაძრობ სულს.

– მაპატიე, საყვარელო, ნერვები მაქ დაგლეჯაზე. იქნება სასმელმა მიშველოს.

და ზუსტად ბარმენმაც მოგვიტანა ჭიქები.

– ქუთუთუებზე რა დაგემართა? – ჰკითხა ქალბატონმა სიკვდილმა.

– გაზის გამათბობელი ამიფეთქდა დღეს დილით...

– ძილს როგორ აპირებ ამაღამ?

– პირსახოცს შემოვიხვევ თავზე.

– ახლავე რომ ქნა ეგ, არა? – ვკითხე მე.

– რატომ უნდა ვქნა?

– დაიკიდე... – ვუთხარი და ფული მივეცი.

მე ჩემი ჭიქა ავნიე, ქალბატონმა სიკვდილმა – თავისი.

– სიცოცხლეს გაუმარჯოს, – თქვა იმან.

– მართალია, გაუმარჯოს, – დავეთანხმე მეც. მივაჭახუნეთ ჭიქები და დავლიეთ. შევუკვეთე მეორედ...

მომდევნო მუშტარი მხოლოდ 30 წუთის შემდეგ შემოვიდა. ჩვენ ისევ იქ ვისხედით. ისიც ქალი

იყო. შემოგვიარა და ამჯერად ის მარცხნიდან მომიჯდა. ორი ქალი ორჯერ მეტ თავსატეხს წიშნავს. ჰოდა, ამჯერად ორივე მხრიდან მიტევიდნენ. მე ვიჯექი შუაში. მეთქი დამერხა.

ის მეორე ქალი ჯინი ნიტრო იყო. ბარმენს დავუძახე და ისევ წყლით გაზავებული სკოჩი შევუკვეთე.

– ნიკი, – მიჩურჩულა ნიტრომ, – სალაპარაკო მაქვს შენთან. ეს ძუკნა ვინ არის, გვერდით რომ გიზის?

– ვერ მიხვდები ვერაფრით, – მე ვუთხარი.

სასმელი მოიტანეს და ნიტრომაც დალია.

– მოკლედ, მგონი დროა, ერთმანეთი გაგაცნოთ... – წამოვიწყე და ქალბატონ სიკვდილს მივუტრიალდი.

– ქალბატონო, ეს ჯინი ნიტროა...

მერე ჯინის მივუბრუნდი.

– ჯინი, ეს ქალბატონი... ქალბატონი...

– ცეცხლი, – მიკარნახა ქალბატონმა სიკვდილმა.

ქალებმა თვალი თვალში გაუყარეს ერთმანეთს.

ოჰო, ძალიან საინტერესოდ შეიძლება წავიდეს საქმე, – გავივლე გულში და ბარმენს ვანიშნე, სასმელი კიდე დაგვისხი-მეთქი.

39 თავი

მოკლედ, კაცმა რომ თქვას, სიკვდილსა და კოსმოსს შორის ვიჯექი. ოღონდ ქალის სახე მოერგო ორივეს. მქონდა კი საერთოდ შანსი? გარდა ამისა, წითელი ბელურას პოვნა მქონდა დავალებული, რომელიც, შესაძლოა, საერთოდ არ არსებობდა, ყველაფერმა ერთბაშად მომაბეზრა თავი. რას წარმოვიდგენდი, თავგზა ასე თუ ამერეოდა. თან რა დავაშავე, ვერც იმას ვხვდებოდი. რა მექნა?

თავს შემოუძახე და ცოტა მოისულელე, – გავივლე გუნებაში. გადანყდა. მოიტანეს სასმელი.

– თქვენ გაგიმარჯოთ, ქალბატონებო.

მივუჭახუნეთ ჭიქები ერთმანეთს და გადავკარით. რატომ არ ვარ ვილაც სხვა ტიპი და რატომ არ ვუყურებ ახლა ბეისბოლის თამაშს? თან შედეგზე ვინერვიულებდი. ან მზარეული მაინც ვიყო, შეენვა ვიდე კვერცხს და თავს ისე დავიჭერდი, თითქოს მეტი არც არაფერი მეხებოდა სამყაროში. ბუზად მაინც გავჩენილიყავი, დავაჯდებოდი ვინმეს მაჯაზე და მოვყვებოდი ცოცვას, თან გული შიშისაგან გახეთქვაზე მექნებოდა; ან მამალი ვიყო, საქათმეში მარცვალს ავკენკავდი. რატომ არ ვარ.

ჯინიმ იდაყვი გამკრა: „ბილინ, საქმე მაქვს...“

მე დახლზე ფული დავდე და ქალბატონ სიკვდილს მივუბრუნდი:

– იმედი მაქვს, არ გენყინებათ...

– ვიცი, პუტკუნ, ამ ქალბატონს მარტო გინდა დაელაპარაკო. რატომ უნდა მენყინოს? შენი შეყვარებული კი არ ვარ.

– ჰო, მაგრამ თქვენ თითქოს სულ ჩემ გვერდით წრილებთ, ქალბატონო.

– მე ყველას ირგვლივ მასე ვტრიალებ, ნიკ. უბრალოდ, შენ სხვებზე ხშირად მამჩნევ ხოლმე.

– ჰო, ალბათ.

– მაგრამ შენ მე სელინის საქმეში დამეხმარე...
 – დიას, სელინის...
 – ამიტომ ცოტა ხანს დაგტოვებ მარტო შენს ქალბატონთან. თუმცა მხოლოდ ცოტა ხანს. მე და შენ რალაც-რალაც საქმეები გვაქვს დასამთავრებელი, ჰოდა, გინახულე.
 – ქალბატონო სიმხურვალე, ეჭვიც არ მეპარება...
 სასმელი ბოლომდე დალია, ადგა, შეტრიალდა და კარისკენ წავიდა. ისეთი ლამაზი იყო, ცუდი არაფერი მოხდეს-მეთქი გავიფიქრე. როგორც იქნა, გავიდა გარეთ. ბარმენი ფულის ასაღებად მოვიდა.
 – ვინ იყო? – მკითხა, – გვერდით რომ ჩამიარა, ცოტა თავბრუ დამეხვა.
 – მადლობა თქვი, მარტო თავბრუ რომ დაგეხვა, – მე ვუთხარი.
 – რას გულისხმობ?
 – რომც გითხრა, მაინც არ დამიჯერებ.
 – ცაღე.
 – არა, არ ვაპირებ. მისმინე, გაიწიე რა გვერდზე ოდნავ, მე და ამ ქალბატონს სალაპარაკო გვაქვს.
 – კარგი. მაგრამ ჯერ ერთი რამ მითხარი.
 – მიდი.
 – შენნაირი მსუქანი და შეუხედავი კაცი ამდენს როგორ ახერხებ?
 – თაფლი მისვია ერთ ადგილას. მოშორდი ეხლა აქედან.
 – რატო თავხედობ, ძმაო.
 – მკითხე და.
 – უხამსობების ლაპარაკი რა საჭიროა.
 – თუ გგონია, რომ უხამსობები ვილაპარაკე, გაჩერდი კიდე ორ წუთს და ნახავ, რაც არი ნამდვილი უხამსობა.
 – გააჯვი რა.
 – მშვენიერია, ჰოდა, მოშორდი ახლა, სანამ მთელი ხარ.
 ისიც ნელი ნაბიჯით გავიდა დახლის მეორე ბოლოში, შეჩერდა წუთით და ტრაკი მოიფხანა. მე ჯინის მივუტრიალდი.
 – მაპატიე, პატარავ, ლამის ყველა ბარმენტან მომდის ასეთი უსიამოვნო ლაპარაკი.
 – არა უშავს, ბილენ.
 ნალვლიანი ჩანდა.
 – ბილენ, მე უნდა წავიდე.
 – კარგი, რას ვიზამთ, მაშინ გამომშვიდობებისა დავლიოთ.
 – არა, იმის თქმა მინდა, საერთოდ უნდა წავიდე-მეთქი. ჩემები მიდიან დედამიწიდან და... არ ვიცი რატომ, მაგრამ ძალიან მოგეჩვიე.
 – მესმის, – გამეცინა მე, – მაგრამ შენები რატომ მიდიან?
 – ვიფიქრეთ, ვიფიქრეთ და საშინელებაა აქაურობა. აღარ გვინდა ამ თქვენი დედამიწის დაპყრობა.
 – რა არ მოგეწონათ, ჯინი?
 – მთლიანად დედამიწა. ნისლი, მკვლელები, მონამლული ჰაერი, მონამლული წყალი, მონამლული საკვები, სულ სიძულვილი, უიმედობა, ყველაფერი ერთად. მარტო ცხოველები მოგვეწონა

და იმათაც ხოცავენ, მალე შინაური კატებისა და დოღის ცხენების გარდა არც დარჩება ალბათ აღარც ერთი. ძალიან სამწუხარო ამბავია, დარწმუნებული ვარ, შენც ამიტომ სვამ ამდენს.
 – მართალი ხარ, ჯინი. ატომური იარაღი დაგავიწყდა.
 – ჰო, ისეთი შთაბეჭდილება მრჩება, ძალით ილუპავთ თავს.
 – სწორია, შეიძლება ორ დღეში მოგვეღოს ბოლო და შეიძლება მთელი ათასი წელიც გაგძლოთ. რა იქნება, თავადაც არ ვიცი, ადამიანთა უმრავლესობამ ამიტომაც ჩაიქნია ყველაფერზე ხელი.
 – მომენატრები, ბილენ, ეს ცხოველები კიდე...
 – წასვლის გამო არ გადანაშაულე, ჯინი...
 თვალები ცრემლით ჰქონდა სავსე.
 – არ იტირო, ჯინი, ჭირსაც წაულია ყველაფერი...
 დასწვდა ჭიქას, გადაკრა, შემომხედა, ასეთი თვალები არც იქამდე მინახავს და ვერც ვერასდროს ვნახავ ალბათ.
 – კარგად, პუტკუნ, – მითხრა და გამიღიმა. წავიდა მერე.

40 თავი

მეორე დღეს ჩემს კაბინეტში ვიჯექი. ერთადერთი საქმე მქონდა გადასაწყვეტი: წითელი ბელურა უნდა მეპოვნა. კაციშვილი არ მიკაკუნებდა კარზე, არიქა, ახალი დავალება გვაქვს შენთვისო. ამას რა ჯობდა. გადავწყვიტე, წესრიგში მომეყვანა ყველაფერი, საკუთარი თავისთვის ჩამებარებინა ანგარიში. კაცმა რომ თქვას, რაც ჩემი გასაკეთებელი იყო ცხოვრებაში, იქიდან ბევრი რამე გავაკეთე. ლამლამობით ქუჩაში არ მეძინა. რასაკვირველია, ქუჩაშიც ბევრ წესიერ ადამიანს ძინავს. ასეთები სულელები არიანო, ვერც იტყვი, უბრალოდ, ეპოქის მთავარ მექანიზმს ვერ გაუგეს ვერაფერი. არადა ეს მექანიზმიც გამუდმებით იცვლება. საძაგელი ამბავია, მოკლედ, თუ კაცს საკუთარ სანოლში გძინავს, ეს უკვე დიდი გამარჯვებაა. მართალია, დროდადრო მიმართლებდა კიდეც, მაგრამ, ამასთან, საქციელსაც ხშირად ვატანდი ჭკუას. თუმცა, ვინც რაც გინდა თქვას, სამყარო მაინც საშინელი რამაა და მეც ხშირად შემცოდებიან ადამიანები. ჯანდაბამდე გზაც ჰქონია ყველაფერს. არაყი დავისხი და გადავკარი. ხშირად სიცოცხლის საუკეთესო წუთები მაშინ გიდგას, როცა არაფერს აკეთებ, ფიქრობ უბრალოდ, იცოხნები რა. იმის თქმა მინდა, ვთქვათ, გადაწყვიტე კაცმა, ცხოვრება უაზრობააო, მაშინ მთლად უზრობა აღარ გამოდის, შენმიერი შეცნობა უაზრობისა ლამის თავად აძლევს აზრს ყველაფერს. ხვდებით, რასაც ვამბობ? ეს არის ოპტიმისტური პესიმიზმი.

წითელი ბელურა. მაგის ძებნა წმინდა გრაალის ძებნას ჰგავს. იქნებ მე ვერ გავქაჩე უბრალოდ. ვერ შევძელი. კიდე გადავკარი არაყი. კარზე კაკუნი გაისმა. ჩამოვიღე ფეხები მაგიდიდან.
 – შემობრძანდით.
 კარი გაიღო და შემოვიდა ეს ტიპი, შესაბრალისი სანახავი, ჩაჯმულივით ეცვა. სუნიც უდიოდა, ნავთის მგონი, მთლად დარწმუნებული

არ ვარ. თვალები ჰქონდა წერტილებით. გვერდულად წამოვიდა ჩემკენ. გაჩერდა ზედ მაგიდასთან, მოიხარა წელში და როგორღაც შეუტოვდა მახინჯი თავი.

– ბილენი ხარ? – მკითხა.
– შესაძლოა.
– ამბავი მოგიტანე.
– ძალიან კარგი, ჰოდა, როგორც მოიტანე, ისე წაიღე უკან.

– დამშვიდდი, ბილენ. მე სიტყვა ვიცი.
– ჰა? რა სიტყვა?
– წითელი ბელურა.
– გააგრძელე.
– ჩვენ ვიცით, რომ ეძებ.
– „ჩვენ“? ვინ „ჩვენ“?
– ვერ გეტყვი.

ავდექი, შემოვუარე მაგიდას და გასაცოდავე-ბული პერანგის გულისპირში ვტაცე ხელი.

– დაუშვით და გათქმევიანე? აი, დაუშვით და ძალით გათქმევიანე?

– ვერ გეტყვი, არ ვიცი და იმიტომ.
დავუჯერე რატომღაც. დავანებე თავი. კინალამ იატაკზე გაიშლართა. მოვბრუნდი უკან და ისევ მაგიდას მივუჯექი.

– ამოსი მქვია, – წამოიწყო მოსულმა, – ამოს რედსდეილი. შემიძლია, ბელურას კვალზე დაგაყენო. გინდა?

– ეს რა არის?
– მისამართი. ამ ქალმა იცის ბელურას ამბავი.
– რამდენი გინდა?
– 75 დოლარი.

– გააჯვი რა, ამოს.
– კარგი, არ გინდა, ნუ გინდა. წავალ მე. სტარტს უნდა მივუსწრო. დღევანდელი ორმაგის ამბავი ვიცი.

– 50 დოლარი.
– 60.
– კარგი, მოიტა მისამართი.

ამოვიღე სამი ოციანი და იმან გაკეცილი ქალადლი გამომიწოდა. გავხსენი, დავხედე. ეწერა: „დეჟა ფაუნტენი, მე-9 კვარტ. რადსონ დრაივის 3234. დას. ლოს ანჯელესი“.

– მისმინე, ამოს, აქ, რასაც გინდა, იმას დანერ. საიდან გავიგო, მართალს მეუბნები თუ არა.

– უბრალოდ, წადი და შეამოწმე, ბილენ. სწორი მისამართია.

– არ იქნება და შენ თავს დააბრალებ, რაც დაგემართოს.

– სტარტს უნდა მივუსწრო, – მითხრა, მიტრიალდა კარისკენ და გავიდა გარეთ. მე კიდე ვიჯექი და სამოც დოლარად მიღებული ქალადლის ნაგლეჯი მეჭირა ხელში.

41 თავი

მოსალამოვდა თუ არა, წავედი და დავდექი სახლთან. მშვენიერი უბანი იყო. ჰო, რას ნიშნავს მშვენიერი უბანი: ნიშნავს ადგილს, სადაც ფული არ გეყოფა, რომ იცხოვრო. არაფი მოვსვი, გადმოვედი მანქანიდან, ჩავკეტე კარი და სადარბაზოსკენ წავედი. კარზე სია ჩავათვალიერე, ვნახე დეჟა ფაუნტენი და მივაჭირე ღილაკს თი-

თი. სასიამოვნო, მაგრამ ოდნავ აღელვებულმა ხმამ მიპასუხა:

– რა გნებავთ?
– დეჟა ფაუნტენს ვეძებ. წითელ ბელურასთან დაკავშირებით. ამოს რედსდეილმა მომასწავლა. ნიკი მქვია, ბილენი.

– სერ, წარმოდგენა არ მაქვს, რა ჯანდაბას ლაპარაკობ.

– ჯანდაბა.
– რაო?
– არაფერი. მითხრეს...
– გაგეზუმრეთ, ნიკი. გთხოვთ, შემობრძანდით. გაისმა ზუზუნი. მივანექი შესასვლელ კარს.

გაიღო. მეცხრე ბინამდე მისასვლელად ჯერ ხავერდის ნოხი გავიარე. და მეცხრე ნომერი რომ იყო ბინა? კარგს არაფერს მიაინიშნებდა ეს ამბავი. რიცხვები მაშინებენ საერთოდ, 3, 7 და 8 მიყვარს მარტო, ან მათი კომბინაციები. მივაჭირე ზარს. კარი გაიღო. ლამაზი ქალი იყო, წითელი კაბა. მწვანე თვალები. გრძელი, მუქი ყავისფერი თმა. პიტნის სუნის ასდიოდა და ილიმებოდა.

– მისტერ ბილენ, გთხოვთ, მობრძანდით. შეეყვი. ზურგში უცებ რალაც მიიმე საგანი მომედო.

– არ გაინძრე, შე დედამოტყნულო! ხელი მანახე! ანეე მალლა! აბა ცადე, ჭერს თუ მიწვდები, შენი!

– ზანგი ხარ? – ვკითხე.
– ჰა?
– მარტო ზანგები ამბობენ: „შე დედამოტყნულო“.

გამჩხრიკა, მიპოვა იარაღი და წაიღო.
– საკმარისია, ახლა მობრუნდი, მისტერ ბილენ.

მივბრუნდი, მაგრამ რას ვხედავ. მოსული ტიპი კია, მაგრამ თეთრი.

– ე, თეთრი ხარ!
– შენც.
– კაი, ვიქნები დედამოტყნული.

– შენი საქმისა შენ იცი. რევოლვერს წასვლი-სას დაგებრუნებ.

დეჟას მეორე ოთახში გავყვი. სკამი შემომთავაზა. დიდი ოთახი იყო, ცივი, საფრთხე იგრძნობოდა. თვითონ დეჟა ტახტზე მოკალათდა, ამოიღო პატარა სიგარა, შემოაცალა სახვევი, დაასველა ოდნავ, მოაჭრა ბოლო, მოუკიდა და ცისფერი კვამლი მაცდუნებლად გამოუშვა. თან მწვანე თვალებს არ მაშორებდა.

– როგორც მივხვდი, წითელ ბელურას ეძებთ.
– დიახ, შემიკვეთეს და.
– ვინ შეგიკვეთათ?
– საიდუმლოა.

– ისეთი გრძნობა მაქვს, რომ ჩვენ შეგვიძლია, კარგ მეგობრებად ვიქცეთ, მისტერ ბილენ, ძალიან კარგ მეგობრებად.

– მართლა? ვა!
– თქვენ თავისებურად საინტერესო კაცი ხართ, შეუძლებელია, არ იცოდეთ ეს. კარგად შენახული ადამიანის გამომეტყველება გაქვთ. გიხდებათ თან. მამაკაცების უმრავლესობა პირიქითაა, იოლად ცვდება.

- რა ამბობთ?
 - შეგიძლიათ, დეჟა დამიძახოთ.
 - დეჟა.
 - მმმ... უფრო ახლოს ხომ არ მოხვალთ? გვერდით მომიჯექით.
 გადავჯექი და მივუჯექი ტახტზე. ქალმა გაილიმა.
 - დალევთ რამეს?
 - რა თქმა უნდა. სკოჩი და სოდა გაქვთ?
 - ბერნი, - დაუძახა ვილაცას, - ერთი სოდიანი სკოჩი, თუ შეიძლება.
 ორიოდ წუთის მერე ოთახში ის დედამოციწული შემოვიდა, რევოლვერი ვინც ამართვა, და სასმელი წინ, ყავის მაგიდაზე დამიდო.
 - გამადლობთ, ბერნი.
 ბერნი მიბრუნდა და გაუჩინარდა. მოვსვი სკოჩი. ცუდი არ იყო. სულაც არ იყო ცუდი.
 - მისტერ ბილენ, - განაგრძო დეჟამ, - მინდა გითხრა, რომ ყველაფერი უნდა დაივიწყოთ, რაც წითელ ბელურაზე იცით.
 - არ მჩვევია საქმის შუა გზაზე მიტოვება, თუ თავად კლიენტი არ მოისურვებს.
 - ამას მიატოვებთ, მისტერ ბილენ.
 - ჰმ.
 - სიგარის კვამლი ხომ არ განუხებთ?
 - ჰმ.
 - წამალი ხომ არ გინდათ გასინჯოთ?
 - ჰმ.
 დეჟამ სიგარა გამომიწოდა. მაგრად მოვქაჩე, ჯერ ჩავისუნთქე, მერე ამოვისუნთქე და უკანვე დავუბრუნე. თავიდან ოთახში სიმშვიდე იყო, მერე კედლებმა ოდნავ გადაინაცვლეს, ხალიჩამ აინია იატაკიდან და ისევ უკან დაეცა. ლურჯად ინათა თვალწინ. მერე ტუჩები ტუჩებზე დამადო, მაკოცა, გასწორდა და გაიცინა.
 - ბოლოს ქალი როდის გყავდა, ბილენ?
 - არ მახსოვს...
 დეჟამ ისევ გაიცინა და ისევ მაკოცა, ამჯერად - ხანგრძლივად. მისი ენა გველის ენასავით დამისრიალებდა პირში. ტანიც გველს მიუგავდა. მერე ფეხის ხმა გავიგონე და სიტყვები:
 - მორჩით.
 ბერნი იყო. თავზე გვედგა, ხელში ორი რევოლვერი ეჭირა. ერთი ჩემად შევიცანი.
 - კარგი, ბერნი, დამშვიდდი, - მე ვუთხარი.
 ბერნი ისე მძიმედ სუნთქავდა, თითქოს ჰაერი არ ჰყოფნიდა. მისჩერებოდა დეჟას და თვალები დაბინდვოდა.
 - დეჟა, ხომ იცი, როგორ მიყვარხარ! მოვკლავ ამას! მოვკლავ და თავსაც მოვიკლავ!
 საუკეთესო პოზიცია მეკავა, ამიტომ გავიქნიე წიხლი და ფეხებს შუა ვხეთქე. ბერნი მოიკუნტა, დაეცა და ხელები ყვერებზე იტაცა. ეგრევე ავაცალე რევოლვერები, ჩემი ბუდეში ჩავიდე, მეორე მარჯვენა ხელში დავიჭირე. ბერნი წამოვაცენე და სავარძელში ჩავსვი, თმაზე ისე დავქაჩე, პირი დაალო. ჰოდა, ლულაც ეგრევე ტუჩებში მივეცი.
 - წოვე ცოტა ხანს, სანამ მოვიფიქრებ, რა გიქნა.
 ბერნიმ ამოიბუჟბუჟა რალაცა.

- არ მოკლა, - მთხოვა დეჟამ, - ძალან გთხოვ, არ მოკლა!
 - რა იცი წითელ ბელურაზე, შე დედამოციწული? - ვკითხე ბერნის.
 ხმა არ ამოუღია, ამიტომ ლულა უფრო ღრმად ჩავჩარე პირში. უცებ არ გააკუა?! თან ხმამაღლა. საშინელი სიმყრალე დააყენა. ამოვადრე რევოლვერი და მოვისროლე ეს ტიპი იატაკზე.
 - რა საზიზღრობაა! არ გაბედო მეორედ ეგეთი რამე!
 მერე დეჟას მივუტრიალდი.
 - ამას თავისი ოთახი აქ?
 - კი.
 დავხედე ბერნის.
 - გახვალ ახლავე შენს ოთახში და სანამ მე არ გეტყვი, ცხვირს არ გამოყოფ იქიდან.
 ბერნიმ თავი დამიქნია.
 - ადე, გადი.
 ტიპი ძლივს წამოდგა და ლასლასით გავიდა, მიეფარა კუთხეს. მალე კარის ჯახუნიც გავიგონე. დეჟამ ჩააქრო სიგარა. უკვე აღარ ილიმებოდა.
 - კარგი, პატარავ, მოდი რა, გავაგრძელოთ, სადაც გავჩერდით.
 - აღარ მინდა.
 - რაო? რატომ? რავი, გლანდებამდე კი ჩამიყავი წელან ენა და...
 - მეშინია შენი, მოძალადე ხარ.
 - ჰო, მაგრამ თვითონ მოკვლას მიპირებდა. ვერ გაიგონე, რა თქვა?
 - იქნებ სხვა რამეს გულისხმობდა.
 - არავითარი „იქნებ“ არ ინდობა, როცა რევოლვერთან და სიყვარულთან ერთად გაქვს საქმე.
 დეჟამ ამოიოხრა.
 - ბერნიზე ვლელავ. სულ მარტო ზის თავის ოთახში.
 - ტელევიზორი არა აქ? ან კროსვორდი? ან ანეკდოტების წიგნი რამე?
 - გთხოვთ, მისტერ ბილენ, გამოუშვით, ძალიან გთხოვთ.
 - საყვარელო, მე ძირისძირობამდე უნდა ჩავნვდე ამ წითელი ბელურას ამბავს.
 - ამაღამ ნუ რა... ოლონდ ამაღამ ნუ რა.
 - აბა როდის?
 - ხვალ ღამით. ამავე დროს.
 - მაშინ ბერნი კინოში მაინც გაუშვით.
 - შევთანხმდით.
 დავწვდი ჩემს ჭიქას და ბოლომდე გადავკარი სასმელი. დეჟა ისევ ისე მისავათებული დავტოვე ტახტზე, ხალიჩას ვერ აშორებდა თვალს. კარი გამოვიკეტე, ჩამოვყვივი ჰოლს, გამოვედი გარეთ, მივალწიე მანქანას, ჩავჯექი შიგნით და დავქოქე. დაველოდე გახურებას. თბილი მთვარიანი ღამე იყო. მე კიდე ვიჯექი მანქანაში და ამდგარი მქონდა.

42 თავი

ბლინკისთან წავედი, მაგ ბარში ჯერაც არ შემხვედრია შარი. ერთი შეხედვით, კარგი ადგილია - ტყავის სავარძლები, ბევრი დებილი, სიბნელე, კვამლი. სასიამოვნო, წინასასიკვდი-

ლო განწყობით იყო სავსე იქაურობა. მოვიდა ოფიცინტი, რალაცნაირად სულელურად ეცვა – ვარდისფერი შორტი და ზედა. ძუძუებში ბამბა ჰქონდა ჩაფენილი ასაბზეკად. ილიმებოდა საშინლად და ლიმილისას ერთი ოქროს კბილი უჩანდა. თვალელებში – სრული სიცარიელე.

- რას დალევ, ძვირფასო? – მკითხა.
- ორი ბოთლი ლუდი. ჭიქები არ მოიტანო.
- ორი ბოთლი, ძვირფასო?
- კი.
- რომელი ლუდი გინდა?
- ჩინური რომელიმე.
- ჩინური?
- ორი ბოთლი ჩინური ლუდი მოიტანე. ჭიქები – არა.
- რალაც რომ გკითხო, შეიძლება?
- ცხადია.
- ორივე ბოთლის დალევას მარტო აპირებ?
- იმედი მაქვს, ყოველ შემთხვევაში.
- მერე ცალ-ცალკე შეუკვეთე, არ ჯობია? სანამ ერთს დალევ, მეორე არ გათბება.
- უბრალოდ ასე მინდა და მორჩა. სხვა რა მიზეზი უნდა იყოს.
- მიზეზს როცა გაიგებ, აუცილებლად მითხარი, ძვირფასო...
- რატო უნდა გითხრა? იქნებ საიდუმლოდ მინდა შევიჩინო.
- სერ, ხომ იცით, ჩვენ საერთოდ არ ვართ ვალდებული, მოგემსახუროთ. შეგვიძლია ნებისმიერს ვუთხრათ უარი.
- რისი თქმა გინდა, ორ ბოთლ ჩინურ ლუდს რომ ვუკვეთავ და მიზეზს არ გეუბნები, იმიტომ მემსახურები?
- არ მითქვამს, არ მოგემსახურებით-მეთქი. უბრალოდ, შეგვიძლია არ მოგემსახუროთ.
- მისმინე, თავდაცვის ინსტინქტია მიზეზი, ქვეცნობიერი სურვილი. საშინელი ბავშვობა მქონდა. ხო უნდა შევავსო სულიერი სიცარიელი რამით, ჰოდა, ზუსტად ეს ორი ბოთლი მივსება. ალბათ ესაა მიზეზი, დარწმუნებული არ ვარ.
- რალაც მინდა გითხრა, ძვირფასო. ერთი კარგი ფსიქიატრი გჭირდება.
- მართალი ხარ, მაგრამ სანამ ექიმთან წავალ, ორ ბოთლ ჩინურ ლუდს არ მომიტან, რამე რომ იყოს?

დაგვადგა ვილაც მოხეული ტიპი, ჭუჭყიანი წინსაფრით.

- მშვიდობაა, ბეტი?
- ორი ბოთლი ჩინური ლუდი მინდა, ჭიქები – არაო.
- ბეტი, იქნებ მეგობარს ელოდება?
- მეგობრები არ ყავს, ბლინკი.
- ბლინკიმ შემომხედა. დიდი მსუქანი ტიპი იყო, ოლონდ ჩვეულებრივი არა. აი, ორი დიდი მსუქანი ტიპისხელა.
- მეგობრები არ გყავს? – მკითხა უკვე მე.
- არა.
- აბა, ეს ორი ბოთლი ჩინური ლუდი რად გინდა?
- დასალეკად.

- სათითაოდ რატო არ უკვეთავ, ჯერ ერთს დალევ, მერე – მეორეს.

- ასე მირჩევნია.
- არასდროს არაფერი არ გამიგონია ამისთანა.
- და რატო არ შეიძლება, როგორც მინდა, ისე გავაკეთო? რა, კანონს ვარღვევ ამით რამეს?
- არა, უბრალოდ უცნაური საქციელია, მეტი არაფერი.
- ვუთხარი, ფსიქიატრს გაესინჯე-მეთქი. იდგნენ ორივენი და დამჩერებოდნენ. სიგარა ამოვიღე და მოვუკიდე.
- ეს რალაც ყარს, – მითხრა ბლინკიმ.
- შენი ექსკრემენტებიც.
- რაო?
- სამი ბოთლი ჩინური ლუდი მომიტანეთ, ჭიქები არ მინდა.
- დებილია, – დამისვა დიაგნოზი ბლინკიმ. მე ავხედე და სიცილი ამიტყდა, მერე ვუთხარი: – ხმა აღარ გამცე. შემეშვი, შემეშვი, ნერვები არ მომიშალო, თორე აგიზილავ მაგ სიფათს, გაიგე, ძმაო?!
- ბლინკი გაშეშდა. აი ნაწლავებისთვის შვეების მიცემა რომ მოუნდება კაცს და თავს იკავებს, ეგეთი სახით მიყურებდა. ბეტი ედგა გვერდზე. ერთი წუთის მერე ბეტიმ იკითხა:
 - როგორ მოვიქცე, ბლინკი?
 - მიუტანე სამი ბოთლი ლუდი უჭიქებოდ.
 - ბეტი წავიდა ლუდის მოსატანად.
 - მოდი, ახლა, – ვუთხარი ბლინკის, – დამიჯექი წინ, უნდა გაყურებინო, როგორ დავლევ სამივე ბოთლს.
 - რასაკვირველია.
 - და რალაცნაირად ჩაესვენა ჩემ წინ სავარძელში. დაასხა ოფლმა. აუკანკალდა ნიკაპი.
 - ბლინკი, – მე ვუთხარი, – წითელი ბელურა არ გინახავს?
 - წითელი ბელურა?
 - ჰო, წითელი ბელურა.
 - არა, არ მინახავს.
 - ამ დროს ბეტიც მოვიდა და ჩინური ლუდები მოიტანა. ველირსე, როგორც იქნა.

43 თავი

ჰოდა, მომდევნო ღამეს ისევ დეჟას სახლთან ვიდექი. ფეხსაცმელები – გაპრიალებული, სულ რალაც სამი-ოთხი ბოთლი ლუდი გადაკრული. უსიამოვნოდ ცრიდა. „ღმერთი ფისებს შვრება“-მეთქი, გავიფიქრე. ბავშვობაში ვამბობდით ხოლმე ასე. წვიმა რომ დაიწყებოდა. დალილობას ვგრძნობდი, სხეულიც დალილი მქონდა, გონებაც. საქმიდან გასვლა მინდოდა. დატყდომა, ვთქვათ, სადმე ვეგასისმაგვარ ადგილას. სათამაშო მაგიდებს შორის ყიალი ბრძნული გამომეტყველებით. სიამოვნებით ვუყურებდი, როგორ ატანენ სულელები მთელ ქონებას ქარს. აი, ასე წარმომედგინა ბედნიერება. ნეონის ნათურების შუქზე დაიკიდო ყველაფერი, როცა სამარეს პირი დაუღია უკვე საშენოდ. მაგრამ რად გინდა, ჯერ ერთი, ფული არ მქონდა და მეორეც, წითელი ბელურა მყავდა მოსაძებნი.

მეცხრე ბინის ღილაკს მივაჭირე თითი და და-
ვინყე ლოდინი. კიდე დავაჭირე. ისევ არაფერი.
აუ ჩემი, აუ, აუ, აუ. გაფიქრებაც არ მინდოდა.
დატყდნენ ნეტა? დეჟაც და ის დედამოტყნუ-
ლიც? წუხელისვე უნდა მომეყომარებინა ამბავი
რა. გამექცნენ, დავიჯერო? ცალ ხელში ანთე-
ბული სიგარა დავიჭირე, მეორეში – საღები და
დავეჩალიჩე. გაიღო იოლად, შევედი პოლში.
მივადექი მეცხრე ბინას და მივადე ყური კარს.
ჩამი-ჩუმი არ ისმოდა. თავგსაც კი არ გაურბენია.
აუ, ჩემი. ჯანდაბა რა. დავეჩალიჩე ისევ კარს, გა-
ვალე და შევედი. პირდაპირ სანოლი ოთახისკენ
დავალირე თავი, გამოვხსენი კარადა – სადღა
იყო ტანსაცმელი, ცარიელი დამხვდა. საკიდები
კონწიალობდნენ მარტო. ფუ, რას გავდა რა. ჩე-
მი ჯაჭვის პირველი რგოლი, რომელსაც წითელ
ბელურამდე უნდა მივეყვანე, ოცდათორმეტ თა-
ვისუფალ საკიდად იქცა და კვალიც დავკარგე.
აუ, მეთქი, რა დებილი გამომძიებელი ვარ. თავის
მოკვლა დავაპირე, მაგრამ გადავიფიქრე ეგრევე,
ჩავიყავი პიჯაკის ჯიბეში ხელი, ვიპოვე პატარა
ბოთლი, დავკარი არაყი და გავუკიდე სიგარას.

მივტრიალდი, წამოვედი, გამოვყევი დერე-
ფანს და როგორც იქნა, ვიპოვე, რასაც ვეძებდი.
ერთ-ბინას ეწერა: „მმართველი მისტერ ტოპი-
ლი“.

დავაკაკუნე.

– დიას, – გაისმა პასუხად, ხმაზე, მეთქი ვილაც
მოხეული ტიპია კიდე.

– ყვავილები, მისტერ ტოპილი, ყვავილები მო-
ვუტანე მისტერ ტოპილს.

– როგორ შემოხვედი?

– მთავარი კარი ღია იყო, მისტერ ტოპილი.

– შეუძლებელია.

– მისტერ ტოპილი, ვილაც ქალბატონი გამოდი-
ოდა და მე შემოვედი ზუსტად მაგ დროს.

– არ უნდა გექნათ ეგ.

– არ ვიცოდი, სამწუხაროდ. აბა რა უნდა
მექნა?

– უნდა დაგერეკათ გარედან და გეთქვათ, ვინ
ხართ და რა გნებავთ.

– კარგი, მისტერ ტოპილი, გავალ გარეთ, დავ-
რეკავ ზარს და გეტყვით, რომ ყვავილები მოგი-
ტანეთ. ასე აჯობებს?

– არა უშავს, შვილო, მოდი...

კარი გაიღო თუ არა, შევსტი შიგნით, მივაჯა-
ხუნე კარი და ვტაცე ქამარში ხელი. ჩასავლები,
იცოცხლეთ, ჰქონდა. მართლა დიდი ტიპი იყო.
სადღაც ასათკილოიანი, გაუპარსავი, თან გო-
გირდის სუნი უდიოდა.

– რას აკეთებ? აკი ყვავილებიო? გაუშვი ამ
წყეულ ქამარს ხელი!

– დამშვიდდი, ტოპილი, – ვუთხარი და დავსვი
დაბლა, – კერძო დეტექტივი ვარ, ლიცენზიაც მაქ.
დეჟა ფაუნტინის ადგილსამყოფელის დადგენა
მინდა, მეცხრე ბინაში რომ ცხოვრობს, იმის.

– ტრაკზე მაკოცე და დაახვიე აქედან, ვინა
ხარ, ე.

დავიხიე უკან.

– დამშვიდდით, მისტერ ტოპილი, ცნობები
მაინტერესებს მხოლოდ, მითხარით და წავალ.

– ეგ პირადი ცნობებია, შენ კიდე უმაგისოდ
წახვალ. ახლავე მიგაბრძანებ აქედან.

– შავი ქამარი მაქვს, ტოპილი. ვერ გადამიჩე-
ბი. ნუ მაიძულებთ, ვიმოქმედო.

გადაიხარხარა და გამოინია ჩემკენ.

– არ გაინძრე, – ვუყვირე მე. გაჩერდა.

– ტოპილი, წითელ ბელურას ვეძებ და დეჟა
ფაუნტინმა უნდა გამიყვანოს მაგაზე. აუცილებ-
ლად უნდა გავიგო, სად წავიდნენ დეჟაც და იმის
ტიპიც.

– მისამართი არ დაუტოვებიათ, – მითხრა,
– ეხლა მოშორდი აქედან, სანამ გაფეთე ცხვირ-
პირში.

ამოვიღე ჩემი 32-მილიმეტრიანი და მივაშვი-
რე მუცელზე.

– სად არი დეჟა ფაუნტინი!

– გააჯვი, შენი! – და გამოიქაჩა ჩემკენ.

– არ გაინძრე!

არ გამიგონა, სუფთა სულელი იყო. შემეშინ-
და და გამოვკარი ჩახმახს. არ გავარდა. მტაცა
ტოპილმა ყელში ღორის ბარკლისხელა ხელე-
ბი, თითებიც უშველებელი ჰქონდა, ღონიერი,
შეუბრალებელი. სუნთქვა შემეკრა. თვალეში
გამინათდა და მივცხე მუხლი ყვერებში. ვითომც
არაფერი. ე, მეთქი რა ხდება. სექსუალური ორ-
განოები სხვაგან ჰქონდა აშკარად, იქნება ილღი-
აშიც, რა ვიცი მე. ყველა იმედი წამერთვა. მეთქი
ვკვდები, ოღონდ თვალწინ განვლილ ცხოვრებას
არ ჩაუქროლია, უბრალოდ, ხმა ჩამესმა: „უკანა
მარჯვენა საბურავი უნდა გამოცვალო...“ სისუ-
ლელე რა, სრული სისულელე. წასული იყო ჩემი
საქმე, მორჩენილი, დამთავრებული. მერე უცებ
ვიგრძენი, როგორ გამიშვეს ხელი. მივანყდი
უკან და პირდაპირ სტრატოსფეროდან და ყვე-
ლა დანარჩენი სფეროდან ერთად შევისრუტე
ჰაერი. გავხედე ტოპილს. არ ედო კარგი ფერი,
ვერ გამოიყურებოდა მაინცდამაინც ვაჟკაცუ-
რად. თან მე მიყურებდა და თან არც მიყურებდა
თითქოს. დავინახე, როგორ იტაცა ხელი მარცხენა
მკლავზე და საშინელმა ტკივილმა დაუმიანჭა სა-
ხე. ჩაიბურტყუნა რალაც, ამოიხედა და გაგორდა
იატაკზე. მივედი, დავიხარე მისკენ, გავუსინჯე
პულსი. ფა-ფუ. მკვდარი იყო.

კარგად!

მოვცილდი გვამს, დავჯექი სკამზე და უცებ
ვის ვხედავ! ტახტზე ჩემ პირდაპირ – ქალბატონი
სიკვდილი. ასეთი ლამაზი მართლა არადროს მი-
ნახავს. რა ქალი იყო. როგორი ერთგული, სუფთა
ბაჯალლო ოქრო. გამიღიმა.

– როგორა ხარ, ბილენ?

– სანუნუნო რა მაქვს, ქალბატონო.

თავიდან ფეხებამდე შავები ეცვა. უხდებოდა
შავი ფერი. წითელიც.

– ნონას მიხედე, ჯობია, ბილენ, ბევრს ჭამ,
თან სულ შემწვარ კარტოფილს, პიურეს, დესერ-
ტებს... ლუდის ბოთლს არ აშორებ ტუჩს.

– კი, რაც მართალია, მართალია...

ისევ გამიღიმა და უნაკლო, ღონიერი კბილები
გამოუჩნდა. რკინას გაკვნეტდა თავისუფლად.

– მოკლედ, წავედი, – მითხრა, – პატარა საქ-
მეები მაქვს კიდე მოსაგვარებელი.

- ვიცნობ რომელიმეს?
- ჰარი დობსს იცნობ?
- არა მგონია.
- თუ იცნობ, დაივინყე.

და გაქრა. თითქოს არც ყოფილა.

მივადექი ტოპილს, საფულე გავუჩხრიკე, ერთი ორმოცდაათიანი ვუპოვე, ორი ოციანი, ერთი ხუთიანი და ერთიც ერთდოლარიანი. ჩავიდე ყველაფერი შარვლის ჯიბეში. მივედი კართან, გავალე, მერე გამოვიკეტე და დავეყვი ჰოლს. კაცის ჭაჭანება არ იყო. გავალე მთავარი კარიც და გავალე გარეთ. კიდე ცრიდა, მესიამოვნა წვეთები სახეზე. ღრმად ჩავისუნთქე, ამოვისუნთქე და გავნე მანქანისკენ. ადგილზე დამხვდა. შემოვუარე უკნიდან და მარჯვენა საბურავი შევამოწმე. მართლა გაცვეთილიყო. ახალი რეზინა უნდა მეშოვა.

44 თავი

მოკვლე, ისევ შემომანვა დარდი. გავედი ოფისში, მივედი და სკოჩი გავხსენი. ისევ დავუბრუნდი ჩემს ძველ მეგობარს, ნყალგარეულ სკოჩს. სკოჩი ის სასმელი არაა, პირველ ჯერზე მოგეწონოს, მაგრამ ცოტას მიეჩვევი თუ არა, თავის ჯადოსნურ ძალას შენზეც გამოსცდის. მასში ის სათბო ვიპოვე, რაც ჩვეულებრივი ვისკისგან არასდროს მიგრძნია. ჰოდა, ვიჯექი ნალვლიანი სკამზე, გვერდით კიდე ჩემი 0.7-იანი ბოთლი მედგა. ტელევიზორი არ ჩამირთავს, დაკვირვებული ვარ, ამ ნაბიჭვარმა კარგად იცის, როგორ გაგიფუჭოს ისედაც ჩაოხრებული ხასიათი. ერთი უსახური ენაცვლება მეორეს და ასე გაუთავებლად. იდიოტების უსასრულო აღლუმი და მეტი არაფერი, ზოგი უცნობია ოღონდ იქიდან და ზოგი ცნობილი. კომიკოსები ვერასდროს ვერ ხუმრობენ მანდი, დრამა ყოველთვის მეორეხარისხოვანია. დიდი არჩევანი არ მქონია და ისევ სკოჩთან დარჩენა გადავწყვიტე.

თავიდან თუ ჟინჯლავდა მხოლოდ, მერე მართლა განვიმდა, მეც ვიჯექი და ყურს ვუგდებდი, როგორ ხმაურობდა წვეთები სახურავზე.

ვჯავრობდი, რანაირად გამეპარნენ ეს სირები-მეთქი. ვიცოდი, ველარ მივაგნებდი იმ ჩემს პირველ ინფორმატორს. ყველაფერი თავიდან მქონდა დასაწყები. წითელი ბელურა როგორ გამიფრინდა მე სულელს ხელიდან. 55 წლის კაცი ისევ სიბნელეში ვაფათურებდი ხელებს. რამდენ ხანს გავქაჩავ კიდე? არ ვიყავი ერთი კაი პანჩურის ღირსი? ვიყავი. ჩემმა მოხუცმა მითხრა ერთხელ: „თუ გამოჩნდა კაცი, წინასწარ რომ გადაგიხდის ფულს და იმედი აქვს, მომავალში დაუბრუნებ, ყველაფერი იკისრე. ეგ ამბავი საბანკო და სადაზღვეო საქმეს ჰგავს. აილე ნალდი და ქალაღდის ნაგლეჯი დაუტოვე სანაცვლოდ. გამოიყენე იმათი ფული და მაყუთი არ მოგაკლდება. ორი რამ ამოძრავებს მაგათ: სიხარბე და შიში. შენ ერთს დაუდექი მსახურად – მარჯვე მომენტსო“. არ უნდა იყოს ცუდი რჩევა, მაგრამ რატომღაც მამაჩემი მაინც სილარიბეში მოკვდა.

ისევ დავისხი სკოჩი. ჯანდაბა. ქალებთანაც

ვერ გავქაჩე ვერც ერთხელ. სამი ცოლი მყავდა. სამივეჯერ თითქოს ისეთი არაფერი, თუმცა უაზრო აყალმაყალმა, კინკლაობამ და არაფრის თუ ყველაფრის გულისთვის განეე-გამონ ევამ ბოლო მოუღო სამივეს.

ყოველდღე, წლიდან წლამდე, სულ გალიზიანებული დავდიოდით, ხელის შეწყობის მაგივრად ვკებნდით, ვულრენდით ერთმანეთს. შარს ვდებდით. გამუდმებით ვდებდით ერთმანეთს შარს. სულ მცირე მიზეზიც კი საკმარისი იყო საამისოდ. ბოლოს ერთ დღესაც იღვიძებ და ხვდები, რომ ჩვევაში გადაგსვლია ეს ყველაფერი და ვერც იშორებ. აღარც გინდა თითქოს გადაეჩვიო. მერე კი შორდები. სამუდამოდ.

ჰოდა, აი ესა ვარ, რაცა ვარ-მეთქი, გავიფიქრე. ვზივარ და ვუსმენ წვიმას. ახლა რომ მოვკვდე, დედამინის ზურგზე წვეთი ცრემლი არ ჩამოუვარდება არავის. სულაც არ მიწოდდა, ასე გამოსულიყო, უცნაური კია. მაინც სად გადის ჩემისთანა სირის მარტოობის ზღვარი? ქვეყანა საცხა ჩემისთანა ბებერი ვირებით, რო სხედან, წვიმას უსმენენ და ფიქრობენ, ნეტა საით მიდის ყველაფერიო. სიბერე რო მოგიკაკუნებს კაცს, ჯდები და იწყებ ფიქრს, საით მიდისო.

არადა, არსადაც არ მიდის. ჩემი სამი მეოთხედი მკვდარია ისედაც.

ტელევიზორი ჩავრთე. რეკლამა გადიოდა:

„მარტო ხართ? მოიწყინეთ? გამხიარულდით. დარეკეთ ჩვენს მშვენიერ ქალბატონებთან. ისინი თქვენ გელიან, საუბარი სურთ თქვენთან. გადახდა შესაძლებელია მხოლოდ საკრედიტო მასტერ ან ვიზა ბარათებით. ესაუბრეთ კიტის, ფრენსის, ბიანკას. დარეკეთ 800-435-8745“.

გოგოებსაც აჩვენებდნენ. კიტი ყველას ჯობდა. გადაკვარი სკოჩი და ნომერი ავკრიფე.

- გისმენთ, - მამაკაცის ხმა იყო, საშინელი თან.

- კიტი მინდოდა, თუ შეიძლება.

- 21 წელი შეგისრულდათ უკვე?

- შემისრულდა.

- რომელი ბარათით გაიხდით, მასტერით თუ ვიზათი?

- ვიზა.

- ნომერი და მოქმედების ვადა მითხარით. მისამართიც, ტელეფონის, დაზღვევის და მართვის მოწმობის ნომრებიც.

- ე, მე საიდან უნდა ვიცოდე, რომ სათქვენოდ არ გამოიყენებთ ამ ინფორმაციას? და თავს არ მომაბეზრებთ? ან სარგებელს არ ნახავთ ჩემ ხარჯზე?

- ე, ძმაო, კიტისთან ლაპარაკი გინდა?

- მგონი...

- ჩვენ ტელევიზიით ვავრცელებთ განცხადებას, ორი წელია, ამ საქმეში ვართ.

- კარგი, ჩავიხედები საფულეში.

- ძმაო, თუ შენ არ გინდევართ, ჩვენ - მით უმეტეს.

- კიტი რაზე უნდა მელაპარაკოს?

- რაზეც გენდომება.

- როგორ გგონია, რაზე მენდომება.

- ე, ძმაო...

- კარგი, კარგი, მოიცა ერთი წუთი...

ჩავანერინე, რაც უნდოდა. ორი წუთით სიჩუმე ჩამოვარდა, ჩემს საკრედიტო ბარათს ამონიშებდნენ. მერე ქალის ხმა გაისმა:

- გამარჯობა, საყვარელო, მე კიტი ვარ.
- გაგიმარჯოს, კიტი, მე ნიკი მქვია.
- აუუუ, რა სექსუალური ხმა გაქვს! ავიგზენი ცოტა, ხო იცი.

- არა, არ მაქ სექსუალური ხმა.
- ვაიმე, რა თავმდაბალი ხარ!
- არა, კიტი, რა თავმდაბალი...
- იცი, რალაცნაირად ძალიან დიდ სიახლოვეს ვგრძნობ შენთან! აი, იცი, როგორ, წარმოიდგინე, თითქოს მუხლებზე გიზივარ და თვალებში ჩაგცქერი. მე დიდი ცისფერი თვალები მაქვს. შენ გადმოიხრები ჩემკენ, მაკოცო, გინდა!

- რას სულელობ, კიტი, მარტო ვზივარ სავარძელში, სკოჩს ვსვამ და წვიმის ხმაურს ვუგდებ ყურს

- მისმინე, ნიკი, წარმოსახვა უნდა აამუშაო. მიდი, ცადე და შენ თვითონ გაგიკვირდება, ისეთ რამეებს ჩავიდნთ ერთად. მოგნონს ჩემი ხმა? ჰო... სექსუალური ხმა მაქვს... ჰა?

- კი გაქვს, ოღონდ ისე რა. თითქოს გაციებულ ხარ. ხარ მართლა გაციებული?

- ნიკ, ნიკ, ჩემო ბიჭუნა, ვხურვარ სულ, რა გაციება?

- რაო?

- ვხურვარ-მეთქი, რა დროს გაციებაა.

- მოკლედ, არ ვიცი, გაციებულს კი გიგავს ხმა და. ბევრს ეწევი შეიძლება.

- მე მარტო ერთ რამეს ვეწევი, ნიკ.
- მაინც რას, კიტი?
- ვერ ხვდები?
- ვერა.
- დაბლა დაიხედე, ნიკ.
- დავიხედე.
- რას ხედავ?
- სასმელს. ტელეფონს...
- კიდე, ნიკი?
- ფეხსაცმელებს.
- ნიკ, და ეგ დიდი რალაც რა არის, მანდ რომ ჩანს?

- ა, ეს? ღიპი.

- მიდი, მელაპარაკე, ნიკ. უსმინე ჩემს ხმას. წარმოიდგინე, ვითომ მუხლებზე გიზივარ, კაბა ოდნავ აწეული მაქვს, მუხლებიც მიჩანს, ბაყვებიც. ქერა თმა მხრებზე მაყრია. იფიქრე ამაზე, ნიკ, წარმოიდგინე..

- კარგი...
- მიდი, აბა, ეხლა რას ხედავ?
- ზუსტად იგივეს: ტელეფონს, ფეხსაცმელებს, სასმელს, ღიპს...

- ცუდი ბიჭი ხარ, ნიკ. მინდა, მოვიდე მანდ და გაგროზგო! შენც ხო არ გამროზგავ, ნიკ?

- რაო?
- გამროზგავ, გამროზგავ.
- კიტი...
- ჰო.

- ერთ წუთს ვერ დამიცდი? სააბაზანოში უნდა გავიდე.

- ო, ნიკ, ვიცი, რატომაც მიდიხარ! ნუ გახვალ,

რა საჭიროა, მანდვე ქენი, ტელეფონთან, თან მელაპარაკე.

- არა, კიტი, ვერ ვიზამ მაგას. მეფსია.
- ნიკ, ჩათვალე, ჩვენი საუბარი დამთავრებულია, - და დამიკიდა ყურმილი.

შევედი სააბაზანოში და მოვშარდე. მოვათავე და გავაგრძელე წვიმისთვის ყურის გდება. მაგარი ბანძი დიალოგი გამოგვივდა, მაგრამ ცოტა ხნით ხომ მაინც მოვწყდი წითელ ბელურასაც და სხვა საფიქრალსაც. ჩავრეცხე, დავიბანე ხელები, სარკეში ჩავიხედე, ჩავუკარი თვალი საკუთარ თავს და ისევ სკოჩს დავუბრუნდი.

45 თავი

მოკლედ, მეორე დღეს ვიჯექი ოფისში, უკმაყოფილო ვიყავი საკუთარი თავით და, სიმართლე ითქვას, გული მქონდა აცრუებული ყველაფერზე. დიდი წარმატებით მაინცდამაინც ვერ დავიკვებნიდი, ვერც მე და ვერც დანარჩენი კაცობრიობა. ჩვენ ხომ უბრალოდ სიკვდილის მოლოდინში დავყიალობთ აქეთ-იქით და პატარ-პატარა საქმეების კეთებით გაგვყავს დრო. ზოგიერთი ამ პატარ-პატარა საქმეებსაც არ ვაკეთებთ. ნამდვილი ბოსტნეულები ვართ. მეც მათ შორის. ისე, საინტერესოა, რომელი ბოსტნეული ვარ. მგონი, თალგამი უფრო. სიგარას მოვუკიდე, მოვჭაჩე და თავი ისე დავიჭირე, თითქოს ვიცოდი რალაც-რალაცები.

დარეკა ტელეფონმა. ავიღე.

- გისმენთ.

- მისტერ ბილენი, თქვენ ჩვენი ერთ-ერთი გამარჯვებული ხართ. თქვენ შეგიძლიათ მოიგოთ ტელევიზორი, სომალიში მოგზაურობა, 5 000 დოლარი ან დასაკეცი ქოლგა. თქვენთვის მზად იქნება ოთახი და საუზმე, ცხადია, უფასოდ. ამისთვის უნდა დაესწროთ ჩვენს ერთ-ერთ სემინარს, სადაც შემოგთავაზებთ უძრავი ქონების უსაზღვრო არჩევანს.

- ოე, ძმა.
- დიას, სერ.
- წადი, ჩამოკარი რა.

და დავუკიდე. თვალი ველარ მოვაშორე ტელეფონს. რა წყეული რამეა რა. მაგრამ 911-ში უმაგისოდ როგორ დარეკავ. კაცმა არ იცის, როდის დაგჭირდება. მეთქი, შევბუღება მჭირდება აუცილებლად. კიდე - 5 ქალი. ყურებიდან გოგირდის გამონიშნდა. ზეთის შეცვლა მანქანაში. საშემოსავლო უწყისი მაქ შესავსები, სათვალეზე ცალი ყური მოტეხილი. ოთახში ჭიანჭველები მყვანან. კბილები - გამოსახეხი, ფეხსაცმლის ქუსლები - შემოცვეთილი. უძილობა მტანჯავს. ჩემი მანქანის დაზღვევას ვადა გაუვიდა, ყველა გაპარსვაზე სახეს ვიჭრი. მე-6 წელი მიდის, არ გამიცინია. სულ ისეთ რამეებზე ვლელავ, რაც სულ არ არი ასაღელვებელი. როცა ასაღელვებელი შემხვდება რამე, ეგრევე სმას ვიწყებ.

- ტელეფონმა დარეკა ისევ. ავიღე.
- ბილენი ხართ?
- შესაძლოა.
- შესაძლოა არა, ჩემი ყლე, ხარ ბილენი თუ არ ხარ?

– კარგი, ბილენი ვარ.
 – მოკლედ, ბილენ, გავიგეთ, წითელ ბელურას ეძებ თურმე.
 – ჰოო? საიდან გავიგეთ?
 – საიდუმლო წყაროდან.
 – საიდუმლო ადგილები ტანზეც ხომ გაქვთ, მაგრამ ხო აჩენთ ხოლმე?
 – თავს შევიკავებთ ამჯერად.
 – კარგი, – მე ვუთხარი, – რამდენი გინდათ?
 – 10 000 დოლარი და ხელიდან ხელში ჩაგაბარებთ წითელ ბელურას.
 – მაგდენი არ მაქვს.
 – გაგიყვანთ ტიპზე, რომელიც გასესხებს.
 – მართლა?
 – მართლა, ბილენ. მხოლოდ 15%-ად თვეში.
 – ჰო, მაგრამ საგარანტიოდ არაფერი მაქვს.
 – დარწმუნებული ვარ, გაქ.
 – რას გულისხმობ?
 – სიცოცხლეს.
 – მეტს არაფერს? აი, ასეთი ლაპარაკი უკვე მომწონს.
 – მშვენიერია, ბილენ, 10 წუთში შენთან ვიქნებით.
 – როგორ მივხვდეთ, რომ თქვენ ხართ?
 – მიგახვედრებთ.
 ყურმილი დაავიდე. ათი წუთის მერე მართლა დააკაკუნეს კარზე. ღონივრად თან. შეზანზარდა კარი. გადავამოწმე, მეთქი უჯრაში ხო მიდევს ლუგერი. მედო. რა ჯობდა მისი შიშველი სხეულის ნახვას.
 – ღიაა, შემოდით, ღვთის გულისათვის.
 შემოგლიჯეს კარი, უზარმაზარი სხეული ჩამოეფარა შუქს. ნამდვილი გორილა, ოღონდ ვარდიფერ კოსტიუმში გამოწყობილი და სიგარინიანი. ორი მასავით, ოღონდ უფრო პატარა, მაიმუნი ახლდა თან.
 სკამი შევთავაზე. დაჯდა, მაგრამ რა დაჯდა. სკამის ფეხებმა სანწყლად დაიჭრიალეს. პატარა მაიმუნები აქეთ-იქიდან ამოუდგნენ. ამ დიდმა ერთი დააბოყინა და გადმოიწია ჩემსკენ.
 – მე სანდერსონი ვარ, – მითხრა, – ჰარი სანდერსონი, ესენი, – და თანხმლებზე მანიშნა, – ჩემი ბიჭები არიან.
 – შვილები?
 – ბიჭები.
 – ჰო.
 – ვიცი, გჭირდებით.
 – ჰო.
 – წითელი ბელურა.
 – იმ ქალთან და მის ქოფაკთან ხომ არ გაქვთ რამე კავშირი, წუხელ რომ დატყდნენ ბინიდან?
 – არნაირი კავშირი არ მაქვს ქალებთან ერთის გარდა.
 – მაინც?
 – კიჩოს ვანმენდინებ ხოლმე.
 ორივე მაიმუნმა ერთდროულად ჩაიხითხითა. მაგარი ხუმრობა ეგონათ.
 – ასე მგონია, იუმორი გლალატობთ, – ვუთხარი მე.
 – საერთოდ არ გვანტიერესებს, შენ რა გგონია.

– ჭკვიანურია. მოდი, წითელ ბელურაზე გადავიდეთ.

– 10 000 დოლარი.
 – როგორც უკვე გითხარით, მაგდენი ფული არ მაქვს.

– მეც გითხარი უკვე, რომ ვიშოვით მევახშეს და იაფად მოგცემს-მეთქი ვალს, თვეში 15 პროცენტად.

– კარგი, მიშოვეთ.
 – ჩვენა ვართ მევახშეები.
 – თქვენ?

– ჰო, ბილენ. ჩვენ მოგცემთ ფულს და მერე დაგვიბრუნებ და ყოველ თვე 15 პროცენტს გადაგიხდით, სანამ ვალი არ დაიფარება. მოანერე ამ ფურცელზე ხელი და თავისუფალი ხარ. ნაღდი ფული არც გვჭირდება ახლა. ნაღდი საიმედოდ გვაქ შენახული, რო არ ვაფრიალოთ აქეთ-იქით.

– და სანაცვლო...
 – ხელში ჩაგაბარებთ წითელ ბელურას.
 – საიდან მეცოდინება, რომ არ მომატყუებთ?
 – რას მოგატყუებთ?
 – ანუ ნამდვილ წითელ ბელურას რომ ჩამაბარებთ.

– უნდა გვენდო.
 – ასეც ვიცოდი, მაგას მეტყოდით

– ჰა, კი თუ არა?
 – რა კი თუ არა?
 – გვენდობი თუ არა.
 – ცხადია, მაგრამ მირჩევნია, თქვენ მენდოთ.
 – ეგ როგორ?

– ჯერ წითელი ბელურა მომიყვანოთ და ფული – მერე.

– რაო? შენ რა, ჩერჩეტები გგონივართ?
 – ჰჰჰ, კი...

– ნუ ატრავებ, ბილენ, – მითხრა და ვარდისფერკოსტიუმისანი გორილა ფეხზე წამოდგა, – კარგად დაფიქრდი და პასუხი გაგვაგებინე. 24 საათი გაქ, იცოდე, მერე მორჩა, მეორე შანსი აღარ გექნება აღარასდროს.

– კარგი, – დავეთანხმე მეც.

გორილა შეტრიალდა და წავიდა, პატარა მაიმუნმა გადაასწრო და გაულო კარი. მეორე იდგა და მიყურებდა. ბოლოს მოშორდნენ სამივენი. მე კიდევ ვიჯექი და აზრის ნასახი არ მომდიოდა. გამიჩინეს რა თავსატეხი. საათის ისრები კი მიქროდნენ. ფუ რა. ჩავყავი უჯრაში ხელი, არაყი მინდოდა. სადილობის დრო იყო უკვე.

46 თავი

მეთქი, რას აპირებ, ჩემო თავო? ისე ვღელავდი, მაგიდასთან ჩამეძინა. რო გავიღვიძე, დაღამებული იყო უკვე. ავდექი, მოვიცვი ჩემი ქურთუკი, ქუდი დავიხურე, გარეთ გამოვედი. ჩავჯექი მანქანაში და 5 მილი გავიარე დასავლეთისკენ, ისე, უმიზნოდ. მერე გავაჩერე მანქანა და მივიხედ-მოვიხედე. ბარის წინ გავჩერებულვარ თურმე. „ჰადესი“ – ციმციმებდნენ ნეონის ნათურები. გადმოვედი მანქანიდან და შევედი შიგნით. ხუთი კაცი დამხვდა სულ შიგნით. ხუთი მილი, ხუთი კაცი. ყველაფერი ხუთ-ხუთი. ბარმენი იყო, ერთი გოგო და სამი გამხდარი, კოჭლი,

მოსულელო ტიპი. ეტყობოდათ, თმაზე ფეხსაცმლის კრემი წაესვათ. ბიჭები გრძელ სიგარეტებს ეწეოდნენ და დაცივნით მიცქერდნენ მეც და მთელ კაცობრიობასაც. გოგო ბარის ერთ კუთხეში იჯდა, ბიჭები – მეორეში. ბარმენი – შუაში. დავავლე ხელი საფერფლეს და ორჯერ დავარახუნე დახლზე, როგორც იქნა, ბარმენმა მომაქცია ყურადღება. მოჭუტა თვალები და წამოვიდა ჩემკენ. თავით ბაყაყას გავდა, ხტომა-ხტომით არ მოსულა ოღონდ, ძლივს მოფორხილდა და დამიდგა ცხვირწინ.

- სკოჩი და წყალი, - შევუკვეთე მე.
- წყალი სკოჩში ჩაგისხათ?
- სკოჩი და წყალი-მეთქი.
- ჰა?
- სკოჩი და წყალი, ცალ-ცალკე ოღონდ, თუ შეიძლება.
- ბიჭები მომჩერებოდნენ. ბოლოს, შუაში რომელიც იდგა, იმან ამოიღო ხმა.
- ჰეი, მოხუცო, ცოტას გატკენტ, რა იქნება? გავხედე, გამელიმა.
- უფასოდ ვიზამთ, - გააგრძელა ისევ შუანამ. იცინოდნენ სამივენი, მასხრად მიგდებდნენ.
- მოვიდა ბარმენიც, ჩემი სკოჩი და წყალი მომიტანა.
- მოვალ ახლა და დაგილევ მაგ სასმელს, - მომაძახა შუანამ.
- გაეკარები ჭიქას და გამხმარი მძღნერივით გაგწყვიტავ შუაზე.
- ოჰ, ოჰ, ოჰ, ოჰ, ოჰ.
- ოჰ, - გაეპასუხა მეორე.
- ოჰ, - ეს უკვე შესამის ხმა იყო.
- გადავკარი ვისკი, წყლისთვის ხელი არ მიხვლია.
- ჩვენს ბებერს მაგარი ტიპი გონია თავი.
- მოდი, ვნახოთ, მართლა მაგარი ვინმეა თუ არა.
- ვნახოთ.
- ღმერთო, რა მომაბეზრეს თავი. მარტო მაგათ კი არა, ყველამ. არაფერი ახალი, აღარაფერი სიცოცხლით სავსე. მკვდარი ყველაფერი, მოსწორებული. კინოებში როა ხოლმე, ისე.
- გაიმეორე, - ვუთხარი ბარმენს.
- რა დალია, სკოჩი და წყალი?
- ჰო.
- ეს მოხუცი მთლად კარგად ვერ გამოიყურები, - დამისვა დიაგნოზი შუანამ.
- ვერა, - გავეპასუხე მე.
- რა ვერა.
- კარგად ვერ გამოიყურება-მეთქი.
- გვეთანხმები?
- გისწორებთ. და იმედი მაქვს, ამის მეტად შენიშვნის მოცემა დღეს აღარ დამჭირდება.
- ბარმენმა ისევ მომიტანა შეკვეთა და წავიდა.
- შენ ტრაკს მიხედე რა, - მითხრა, ყველაზე მეტს ვინც ლაპარაკობდა, იმან.
- ყურადღება არ მივაქციე.
- და ცოტა ძვალი და რბილი რო გაგიერთიანოთ, არა?
- წყეული, მოსაწყენი ადამიანები. სავსეა დედამიწა ასეთებით. თან სულ თავისნაირებს ამრავლებენ.

- მოდი, სტაფილო მოვანოვოთ.
- და სამი სტაფილო რო ერთად მოვანოვოთ? ხმა არ გამიცია. გადავკარი სკოჩი, წყალიც მივაყოლე, ავდექი და თავი დავუკარი ბარის კედელს.
- ჰე, შეხედე, გარეთ გამოდითო.
- ოჰო, მგონი დაგვხვდეს უნდა.
- წამო, გავყვეთ.
- ბარის სიღრმისკენ დავადე თავი. ნაბიჯების ხმა გავიგონე, მომდევდნენ, დანის გახსნის ხმაც. მოვტრიალდი უცებ, ერთი დარტყმით გავაგდებინე დანა ხელიდან და ყურის ძირში მოვდე. წაიქცა, შევადექი. ის ორი ეგრევე შებრუნდა და გაიქცა. გაირბინეს მთელი ბარი და გაცვივდნენ გარეთ. გავუშვი. მივბრუნდი დარჩენილთან. ძირს ინვა ისევ. ავაყენე, შევუდექი მხარში, გამოვათრიე გარეთ და ავტობუსის გაჩერებაზე სკამზე დავსვი. მერე გავხადე ფეხსაცმელები და სანიაღვრე ჭაში გადავუყარე. საფულეც მასე. ბარში დავბრუნდი, ავიღე დანა, ჩავიდე ჯიბეში, დავჯექი ისევ ჩემს ადგილას და სასმელიც თავიდან შევუკვეთე. გოგოს ხველა აუტყდა, სიგარეტს ეწეოდა და ალბათ იმიტომ.
- მისტერ, - მითხრა, - მომწონა, რაც ქენით. მომწონს ნამდვილი მამაკაცები.
- ყურადღება არ მიმიქცევია.
- ტრაქეა მქვია, - გამეცნო გოგო.
- მოვიდა ხელი თავის სასმელს, მოვიდა და მომიჯდა გვერდით. ზალიან ბევრი სუნამო დაესხა და პომადაც იმდენი ესვა, მთელი კვირა ეყოფოდა სხვას.
- შეგვეძლო, გაგვეცნო ერთმანეთი, - სცადა ლაპარაკის აწყობა.
- აზრი არა აქვს, სისულელე გამოვა მაინც.
- რა გაძლევთ ამის თქმის საფუძველს?
- გამოცდილება.
- იქნებ მხოლოდ ცუდ ქალებს შეხვედრიხართ ცხოვრებაში?
- იქნებ მივეჩვიე კიდეც უკვე ამას.
- შეიძლება, მე უკეთესი ვიყო.
- რა თქმა უნდა.
- სასმელზე დამაპატიყეთ.
- ჩემი მოიტანეს ზუსტად იმ წამს.
- ტრაქეასთვისაც გვინდა ერთი, - ვუთხარი ბარმენს.
- ჯინ-ტონიკი, ბობი...
- ბობი ნაფრატუნდა.
- სახელი არ გითქვამთ, - ატიკტიკდა გოგო.
- დევიდი.
- ო, როგორ მომწონს. ოდესღაც ვიცნობდი ერთ დევიდს.
- რა დაემართა?
- არ მახსოვს.
- და ტრაქეამ მხარი მხარზე მომადო, ალბათ, ჩვეულებრივზე თორმეტი კილოთი მეტს იწონიდა.
- მაგარი კაცი ხართ, - მითხრა.
- რა შემატყვევთ?
- შეგატყვევთ, - მერე გაჩუმდა და ისევ განაგრძო, - მოგწონვართ?
- არც ისე.

– მოგეწონებით, კარგი გოგო ვარ.
 – რაში? ჭრა-კერვაში?
 – არა, მოკლე რაღაცეების დაგრძელება მე-
 ხერხება.
 – მაგალითად?
 – მშვენივრად იცით, რასაც ვგულისხმობ.
 – არა, არ ვიცი.
 – გამოიცანით.
 – ბუშტებს ბერავთ.
 – რა ენამახვილი ხართ.
 – კი, უთქვამთ სხვებსაც.
 მოუტანეს სასმელი. მოსვა ოდნავ. რაც უფ-
 რო მეტს ვუყურებდი მას, მით უფრო ნაკლებად
 მომწონდა.
 – ჯანდაბა, ჩემი სანთებელა, – შეიცხადა
 ქალმა.
 გახსნა საფულე და დაიწყო რაღაცეების ამო-
 ლაგება. ლუდის ბოთლის გასახსნელი, სამფერა
 პომადო. კევი. სასტვენო. და...
 – ვიპოვე! – შესძახა, ხელში სანთებელა ეჭირა,
 დააკაკუნა სიგარეტი და გაუკიდა.
 – ის რა არის?
 – რა?
 – აი, ის, დახლზე, წითელი როა, – ვანიშნე.
 – ოჰ, ეს ჩემი ბელურაა.
 – ცოცხალია? ცოცხალი იყო კი საერთოდ?
 ოდესმე მაინც?
 – არა, სულელო, ფიტულია. ზომალაზიაში
 ვიყიდე, ჩემი ფისოსთვის. კატების სათამაშოა.
 ფისო გიჟდება ამათზე.
 – ო, ჯანდაბა, მოაშორე რა.
 – დევიდ, ერთი წუთის წინ ისეთი აღფრთოვა-
 ნებული იყავი, ჩიტები გიყვარს?
 – მხოლოდ წითელი ბელურა.
 – გინდა გაჩუქოთ?
 – არა, არა, ყველაფერი რიგზეა.
 – სახლში კიდე მაქვს ასეთი ფიტულები სათა-
 მაშოდ. თან ჩემს ფისოსაც გაიცნობდით.
 – არა, იყოს, ტრაქეა. უნდა წავიდე.
 – კარგი, დევიდ, მაგრამ წარმოდგენაც არ
 გაქვთ, რას კარგავთ.
 ავდექი, გავდიე დახლს, რამდენიმე დოლარი
 დავეუგდე ბარმენს და გამოვედი გარეთ. ის პანკი
 ბიჭი გაჩერებაზე აღარ ჩანდა. ჩავჯექი მანქანაში,
 დავძარი და გადატენილ ქუჩაზე ამოვყავი თავი.
 ლამის ათი საათი ხდებოდა, მთვარე უკვე ამოსუ-
 ლიყო ცაზე, ჩემი ცხოვრება კი კვლავაც ნელა და
 უგზო-უკვლოდ მიედინებოდა.

47 თავი

მეორე დღეს ოფისში ვიჯექი, როცა ლამის
 წიხლით შემოაღეს კარი. ჰარი სანდერსონი იყო
 თავის მაიმუნებთან ერთად. ამჯერად ღია წითე-
 ლი კოსტიუმი ეცვა. ფერებში ნალადად უცნაუ-
 რი გემოვნება ჰქონდა. ერთ გოგოს ვიცნობდი
 ოდესლაც, ისიც ეგეთ ახირებულ ტანსაცმელს
 იცვამდა ხოლმე, აი, თითქოს, რესტორანში რო
 მივდიოდით საქმელად, ყველა უნდა მოტრიალე-
 ბულიყო და მისთვის ეცქირათ. მაგრამ, სამწუხა-
 როდ, გარეგნობით ვერ დაიკვეხნიდა. სამი დღის
 გაუპარსავი წვერი რომ მქონოდა და თან „პახ-

მელიაზე“ ცყოფილიყავი, მაინც იმაზე ლამაზი
 მეთქმოდა. თუმცა, დაეუბრუნდეთ სანდერსონს
 – ოე, პანკი, გავიდა შენი 24 საათი.
 ტუს იფხან თუ მოიფიქრე რამე?
 – ჯერ ვიფხან.
 – გინდა ეს წითელი ბელურა, ბოლო-ბოლო,
 თუ არა.
 – მინდა, მაგრამ შენი ბიჭები ბიცოლაჩემის
 ილინოისელ მუშებს მაგონებენ.
 – ბიცოლაშენის? ბიცოლაშენი რაღა შუაშია?
 – სახურავს გასდიოდა მისას.
 – მართლა?
 – ჰო. მოვიდნენ ეს ტიპები და უთხრეს, სა-
 ხურავს შეგიკეთებთ, ახალი ჰერმეტიზატორი
 გვაქო. მოაწერინეს ხელი ქალაქის ნაგლეჯზე,
 ჩეკი გამომართვეს და აძვრნენ მალა.
 – სად მალლა?
 – სახურავზე. აძვრნენ და მოასხეს ყველგან
 მანქანის ზეთი და ჰაიდა. მეორედ რო განვიმდა,
 მთელი ზეთი ჩამოვიდა სახლში და ყველაფერი
 გააოხრა.
 – შაყრობ, ბილენ? აი, გული მომიკალი პირ-
 დაპირა! მოდი, ვიმსჯელოთ! რა გინდა, ბელურა
 გინდა, თუ ჩვენ რო მოვშორდეთ აქაურობას, ის?
 – თქვენ გინდათ, მასესხოთ 10 ათასი, ჰო?
 რომელსაც ვერც მივიღებ და რომლისთვისაც
 ყოველ თვე 15% უნდა გიხადოთ, ეგრეა? რამე
 უკეთესს არ შემომთავაზებთ? იმის თქმა მინდა,
 თქვენ რო ჩემ ადგილზე იყოთ, მოკიდებდით ამ
 საქმეს ხელს-მეთქი?
 – ბილენ, – გამიღიმა სანდერსონმა, – ბედს
 დიდად არ ვემაღლიერები, მაგრამ იმას კი ვუფა-
 სებ, რომ შენ ადგილზე არ ვარ.
 ორივე მაიმუნმა ერთდროულად გაიღიმა.
 – შენ რა, გძინავს ამ ბიჭებთან?
 – ძინავს? რას ნიშნავს „გძინავს“?
 – ძილს. არსებობს ეგეთი რამე, თვალებს ხუ-
 ქავენ მაგ დროს ადამიანები, ხელისგულს ლოყის
 ქვეშ ამოიდევენ და ა.შ.
 – აუ რა სიამოვნებით გაგგლეჯდი, ბილენ,
 ბუნტყლს არ დავტოვებდი შენგან!
 მაიმუნებმა ამჯერადაც ერთად ჩაიცინეს. ღრ-
 მად ჩავისუნთქე და ამოვისუნთქე. მეთქი ჭკუიდან
 გადავდივარ.
 აქამდეც ხშირად მიგრძნია ეს.
 – მოკლედ, სანდერსონ, შენ თქვი, ბელურას
 ხელში ჩაგაბარებო.
 – ყოველ მიზეზგარეშე.
 – გააჯვით რა...
 – რაო?
 – გააჯვით-მეთქი.
 – რა გჭირს, ბილენ? გააფრინე?
 – კი, კი, გავაფრინე, როგორ არა.
 – დაიცა ერთ წუთს...
 სანდერსონმა თავისთან დაუძახა მაიმუნებს.
 მესმოდა, როგორ ზუზუნებდნენ და განიხილა-
 დნენ რაღაცას. მერე დაიშალნენ.
 სანდერსონი პირდაპირ ანათებდა სიხარუ-
 ლისგან.
 – ბოლო შანსი გაქ, იცოდე.
 – რაო? რისი შანსი?

– ვიფიქრეთ და გადავწყვიტეთ, რომ 5 ათა-სამდე შეგვიძლია დაგიკლოთ.

- სამამდე.
- ოთხი და გავათათო.
- აბა, სად არი დედამოციხული ფურცლები.
- აი, აგერ მაქვს...

ჯიბიდან რალაც ფურცლები ამოიღო და მაგი-დაზე მოისროლა. ნაკითხვა ვცადე. ძირითადად იურიდიული ტერმინები შემხვდა. მოვუნერე სესხზე ხელი, „უმაღლესი აღმასრულებლები“ იყვნენ. თვეში 15 პროცენტი უნდა გადამეხადა. ეს გავიგე, მაგრამ კიდევ იყო რალაც.

- აქ მგონი ისევ 10 წერია.
- ო, მისტერ ბილინ, მაგას უცებ მოვაგა-რებთ.

სტაცა ხელი ფურცლებს, გადაშალა 10-იანი და 4-იანი ჩანერა ყველგან, მოანერა ხელი და მაგიდაზე მომიბნია.

- მოანერე შენც...
- მივაგენი კალამს და როგორ იქნა, მოვანერე ხელი ამ წყეულ ქალაქებს. სანდერსონმა სას-წრაფოდ მოხიკა ისინი და ქურთუკის ჯიბეში ჩაიტენა.

– დიდი მადლობა, მისტერ ბილინ, ბედნიერად.

- და სამივენი გასასვლელად წამოიშარტენ.
- წითელი ბელურა სად არი?
- ანდერსონი გაჩერდა. მოტრიალდა.
- ოჰ.
- კი, ოჰ.

– ხვალ ორ საათზე დიდ ცენტრალურ ბაზრო-ბასთან გელოდებით.

- მაინც სად, ეგ ხო უზარმაზარი ადგილია?
- საყასბოსთან. მიუღეჩი ღორის თავებს გვერ-დით და მოგაგნებთ.
- ღორის თავების გვერდით?
- მართალი ხარ. გიპოვით რა.

მერე შეტრიალდნენ სამივენი და გამშორ-დნენ. მე კიდე ვიჯექი და კედლებს თვალს ვერ ვაშორებდი. გულში გამკრა ბუნდოვნად, მგონი, გადამაგდეს-მეთქი.

48 თავი

ორ საათზე უკვე დიდ ცენტრალურ ბაზარში ვიყავი. ვიპოვე საყასბო და დავდექი ღორის თავებთან. თავის ქალები თვალეზამოცარიელებული ფოსოებით მომჩერებოდნენ. ავარიდე მზერა და სიგარა გავაბოლე. რამდენი რამე გვერის ქვეყანა-ზე კაცს სევდას. ეჰ, ეს საბრალო სასუბედ გამზა-დებული ჩონჩხები. ვიფიქრე, მომატყუეს-მეთქი. ხომ შეიძლებოდა, სულაც არ მოსულიყვნენ ეს ტიპები. ვილაც მათხოვარი მომიახლოვდა. ძონ-ძები ეცვა. გამოველაპარაკე.

- ჰეი, მეგობარო, ზედმეტი დოლარი ხო არ გაქ? ლუდი მინდა, გამიშრა პირი.

იმ საბრალომ ზურგი მაქცია და გზა გააგრძე-ლა. არადა, ხანდახან განვიკითხავ ხოლმე. გააჩ-ნია, ალბათ, როგორ ფეხზე ავდგები დილით. ვინ იცის? ფული არ ყოფნის ყველას, რაც არასდროს ყოფნიდა და აზრზე არ ვარ, რით ვუშველო ამ ამბავს. მერე ისინი დავინახე. სანდერსონი თავის

მაიმუნებთან ერთად. დამადგნენ. სანდერსონი ილიმბოდა და ნაჭერში გახვეული რალაც ეჭირა ხელში. გალია ეგონებოდა კაცს. მართლა გალია ხო არ იყო?

ამესვეტნენ წინ. სანდერსონმა ღორის თავებს გადახედა.

- ბილინ, მადლობელი იყავი, რომ ღორის თავი არ ხარ.
- რატომ ვითომ?
- რატომ? ღორის თავი ვერ ჟიმაობს, ვერც კამფეტს ჭამს, ვერც ტელევიზორს უყურებს.
- მაგ ძონძებში რა გაგხვევია, სანდერსონ?
- შენ მოგიტანე, პატარავ, ვიცი, მოგეწონება.
- ნამდვილად მოეწონება, – გაეპასუხა მეორე.
- აჰა, – დაუდასტურა მესამემაც.
- სანდერსონ, ეს ტიპები ყოველთვის ყველა-ფერში გეთანხმებიან?
- თავი კი არ მოსძულებიათ.
- არ მოგვძულებია, სიცოცხლე გვიყვარს, – დაეთანხმა ერთი.
- დავბერდეთ გვინდა, – დაუმატა მეორემ.
- სანდერსონ, კითხვაზე მიპასუხე, გალიაში რა გყავს?

- ა, ეს შენი არ არი, ცარიელი გალიაა.
- ცარიელი გალია გინდა მომცე?
- ეს სატყუარაა მხოლოდ, ბილინ.
- სატყუარა რალათ გინდათ?
- რო გავერთოთ ცოტა. გვიყვარს გართობა.
- მაგარია. კარგი და ნამდვილი გალია სა-დღაა?
- შენი მანქანის წინა სავარძელზე დევს.
- ჩემი მანქანის? როგორ...
- ჩვენ ჩვენი საქმე ვიცი, ბილინ.
- აბა, რალას მითხარი, მოგეწონებაო.
- რა მოგეწონებაო?
- ეგ გალია, ხელში რაც გიჭირავს. მითხარი, მოგეწონებაო, შენი მონები კიდე დაგეთანხმნენ.
- გავერთეთ ცოტა. ხომ გითხარი, გართობა გვიყვარს-მეთქი. ენა მოვიქავეთ ოდნავ.
- ენა მოვიქავეთ? როდის მორჩებით მაიმუნო-ბას? საქმეზე გადასვლას როდის აპირებთ?
- შენი მანქანის წინა სავარძელი შეამონმე, ბილინ. ნავედით ჩვენ, აბა, ერთი თვის თავზე შევხვდებით.

და ჰაიდა, დამტოვეს მარტო ღორის თავებ-თან. გამოვალწიე, როგორც იქნა და მანქანების სადგომისკენ გავემართე. გზაში კედელთან მიმ-ჯდარ თავჩაქინდრულ ღორს მოვკარი თვალი. ბუზები დასეოდა. გავჩერდი და დოლარი ჩავუ-კუჭე ჯიბეში.

მივადექი სადგომს, მოვნახე ჩემი მანქანა, ჩავჯექი. იქაც ჩიტის გალია დამხვდა, თავზე ნა-ჭერგადაფარებული. შევამონმე, ყველა ფანჯარა დაკეტილია თუ არა-მეთქი. მერე ჩავისუნთქე ღრმად და გალიას ძონძი შემოვხსენი.

ჩიტი იჯდა შიგნით. წითელი ჩიტი. დავაცქერ-დი ახლოდან. რა ბელურა, რის ბელურა, წითლად გადაღებილი იადონი იყო. ოჰ, ოჰ, უჰ, აჰ. ხო შეეძ-ლოთ, ბელურა დაეჭირათ და ის გაეფერადებინათ წითლად. არა, მაინცდამაინც ამ კეთილმოციხულ იადონს ეცნენ. მე კიდე გაშვებაც არ შემიძლია,

და ჰაიდა, დამტოვეს მარტო ღორის თავებ-თან. გამოვალწიე, როგორც იქნა და მანქანების სადგომისკენ გავემართე. გზაში კედელთან მიმ-ჯდარ თავჩაქინდრულ ღორს მოვკარი თვალი. ბუზები დასეოდა. გავჩერდი და დოლარი ჩავუ-კუჭე ჯიბეში.

შიმშილით მოკვდება გარეთ. მოვუვლი, სხვა რა გზა მაქ. მოკლედ, მაგარ შარში გავები.

მანქანა დავძარი და გამოვეცალე იქაურობას, დავიკიდე შუქნიშნები და როგორც იქნა, გზატკეცილზე გამოვალნიე. ამ საჭის ტრიალში რომ ვიყავი, უცებ ხმა მომესმა. გალიის კარი გაღებულ იყო და ჩიტი გამომფრენოდა. დაიწყო მანქანაში შიგნით გადარეულივით ფრენა. თან წითელი იაღონია. გვერდზე მომავალი მანქანიდან ტიპმა დაამინახა და აუტყდა სიცილი. შუა თითი ვაჩვენე. სახე მოელრუბლა, დავინახე, როგორ გადანვდა რალაცას, ჩამონია ფანჯარა და არ მომიშვირა რევოლვერი? მესროლა, ამაცილა, ბანძი მსროლელი იყო, ეტყობა. მაგრამ მე ტყვიამ ისე ახლოს გამიარა, ჰაერის ნაკადი ვიგრძენი ცხვირზე. ჩიტი ისევ გადარეულივით დაფრინავდა კაბინაში, მეც გაზს დავანექი. ორივე ფანჯარაში ტყვიის ნახვრეტი იყო, ერთი – შემომავალი, მეორე – გამავალი. უკან არ მომიხედავს, რო დავადგი გაზს ფეხი, ჩემს ჩასახვევამდე არ ამიშვია. მერეღა მოვიხედე უკან. ჩემი მეგობარი არ ჩანდა არსად. უცებ ჩიტი გამახსენდა. თავზე მაჯდა პირდაპირ, უფრო ვიგრძენი, ვიდრე დავინახე. უცებ მოსკინტვლა მოუნდა და დამასკლინტა კიდეც, როგორც იციან ჩიტებმა, ისე. არ იყო ის ჩემი დღე, ჯანდაბა რა, არ იყო, არა.

49 თავი

ოფისში ვიჯექი, მგონი ოთხშაბათი იდგა. ახალი საქმე არ მქონდა არაფერი. ისევ წითელი ბელურას საქმეს ვუკირკიტებდი, ვფიქრობდი, ვცდილობდი სამოქმედო გეგმების დაწყობას. მაგრამ ერთი აზრის მეტი არაფერი მომიდოდა თავში – მეთქი სანამ 25 დღე გავა, უნდა გავიქცე ქალაქიდან.

არა, არავითარ შემთხვევაში. ვერ გამაქცევენ ჰოლივუდიდან. მე თვითონა ვარ ჰოლივუდი, რაც მისგან დარჩა, ისა ვარ.

ამ დროს ძალიან თავაზიანდ დააკაკუნეს კარზე.

– დიახ, – გავძახე მე, – შემოდით.

კარი გაიღო და პატარა ბიჭი დავინახე, სულ შავები ეცვა, ფეხსაცმელიც, პიჯაკიც, პერანგიც, მარტო ჰალსტუხი ეკეთა მწვანე, მკუხე ლიმონით მწვანე. ბიჭის უკან გორილას მოვკარი თვალი. ოღონდ ამას მეტი ჭკუა აღმოაჩნდა

– მე ჯიმი ტემპლი ვარ, – მითხრა მან, – ეს კიდეც ჩემი ასისტენტი, ლუკი.

– ლუკი, ხომ? რას აკეთებს ხოლმე მაინც ლუკი?

– რასაც ვუბრძანებ.

– ახლა არ გინდათ, რომ უბრძანოთ, წავიდეს?

– რა იყო, ბილენ, ლუკი არ მოგეწონა?

– უნდა მომწონებოდა?

ლუკმა ერთი ნაბიჯი გადმოდგა წინ. სახე მოელრიცა, თითქოს ტირილს აპირებდო.

– არ მოგწონვარ, ბილენ? – მკითხა ლუკმა.

– ლუკ, ყურადღებას ნუ მიაქცევ, – ეს უკვე ტემპლის ხმა იყო.

– ლუკ, ნუ მომაქცევ ყურადღებას.

– გიყვარვარ, ჯონი? – ჰკითხა ლუკმა.

– რა თქმა, უნდა, რასაკვირველია. ახლა, ლუკ, წადი, კართან დადექი და არც შეუშვა არავინ და არც გამოუშვა.

– არც თქვენ?

– რას გულისხმობ, ლუკ?

– თქვენც არ გაგიშვათ-მეთქი?

– არა, ლუკ, მე არა, მე კიდეც გამიშვი და კიდეც შემომიშვი. სხვა არავინ, სანამ მე არ გეტყვით.

– კარგით.

ლუკი გავიდა და კართან დადგა. ტემპლმა გამონია სკამი და დაჯდა ზედ.

– „უმაღლესი აღმასრულებელი“ ბიუროდან ვარ. გაგამხნევო მინდა, ჩვენი კომივოიაჟერი ჰაროლდ სანდერსონი...

– კომივოიაჟერი? კომივოიაჟერს ეძახით მაგ ტიპს.?

– ერთ-ერთი საუკეთესოა ჩვენ შორის.

– დარწმუნებული ვარ, მასეც იქნება, შეხედეთ.

და ოთახის კუთხეში დაკიდებულ გალიაზე მივუთითე, შიგნით წითელი იაღონი იჯდა.

– ეს მაგან მომყიდა.

– ჰარი მკვდარს გააძრობს ტყავს და იმას გაყიდის.

– უქნია კიდეც, ალბათ, უკვე.

– არ გვინდა ეს უსაგნო ლაპარაკი, ჩვენ აქ შენს დასახმარებლად ვართ.

– მიდით მერე.

– არ არის სასაცილო, ბილენ, ჩვენ 4 ათასი დოლარი გასესხეთ თვეში 15 პროცენტად, რაც 600 დოლარი გამოდიოდა. გვინდა დავრწმუნდეთ, რომ ხვდები, რაზეა ლაპარაკი, სანამ ფულის გამოსართმევად მოვალთ.

– დავუშვათ, არ მაქვს?

– მაინც გამოგართმევთ, მისტერ ბილენ, ან ამ გზით, ან იმ გზით, მთავარია, რომ გამოგართმევთ.

– ფეხებს ამტვრევთ ხოლმე ხალხს?

– სხვადასხვა მეთოდით ვმუშაობთ.

– დავუშვათ, ვერც ერთი ამ მეთოდით ვერ მიაღწიეთ საწადელს. გყავთ ისეთი ვინმე, 4 დოლარად ან უბრალოდ ინტერესის გულისთვის კაცის მოკვლა რომ შეუძლია?

ტემპლმა სიგარეტის კოლოფი ამოიღო, ერთი ლერი ამოაცოცა, დააკაკუნა და მოუკიდა. ღრმად მოქაჩა მერე, ჩაისუნთქა, ამოისუნთქა.

– თავი მომაბეზრე რა, ბილენ.

მერე დაიძახა: „ლუკ“.

– დიახ, ჯონი.

– ხედავ, ის ლამაზი, წითელი ჩიტი გალიაში როგორ ზის?

– ვნახე, ჯონი.

– ლუკ, მინდა, მიხვიდე, გამოიყვანო ჩიტი გალიიდან და ცოცხლად შეჭამო.

– დიახ, ჯონი.

და ლუკი გალიისკენ წავიდა.

– ღმერთო ჩემო, ტემპლ, შეაჩერე! შეაჩერე-მეთქი! შეაჩერე! – ავყვირდი მე.

– ლუკ, – გასძახა ტემპლმა მშვიდად, – გადავიფიქრე, ნულარ შეჭამ მაგ ჩიტს ცოცხლად.

– ჯერ შევწვა, ჯონი?
 – არა, არა, დაანებე თავი. დაბრუნდი შენს ადგილას და კართან დადექი.
 – მესმის, ჯონი.
 ტემპლმა მე შემომხედა.
 – ხომ ხედავ, ბილინ, ყოველთვის არსებობს ვალის ამოღების სხვადასხვა ხერხი. თუ ერთი არ იმუშავებს, მეორეს ავამოქმედებთ. ჩვენ გვინდა ამ ბიზნესში ყოფნა. ჩვენ ცნობილი ხალხი ვართ მთელ ქალაქში. ისეთი სახელი გვაქვს, ყველა გვიცნობს. არავის და არაფრის გულისთვის არ შეიძლება ჩირქი მოეცხოს რეპუტაციას. მინდა, კარგად ჩანვდე ამას.
 – მგონი, მივხვდი, ტემპლ.
 – მშვენიერია. შენთვის გადახდის პირველი ვადა 25 დღეში მოდის. გაფრთხილებით, გაფრთხილებული ხარ უკვე.
 ტემპლი ადგა, ილიმებოდა.
 – ნახვამდის, – მითხრა და შემაქცია ზურგი.
 – ლუკ, გამილე კარი, მივდივართ.
 ლუკმა გააღო კარი, ტემპლმა უკანასკნელად მოიხედა, უკვე აღარ ილიმოდა. ორივენი წავიდნენ. დავადექი გალიას და ჩემი წითელი იადონი შევათვალერე. ალაგ-ალაგ გადასცლოდა საღებავი და ბუნებრივ, ყვითელ ბუმბულს წამოეყო თავი. ლამაზი ჩიტი იყო. ის მე მიყურებდა, მე მას არ ვაშორებდი თვალს. მერე ბარტყებმა როგორც იციან, ზუსტად ისეთი ხმა გამოსცა: „ნიპ, ნიპ“. და როგორღაც უცებ კარგ ხასიათზე დავდექი. ჩემს გახარებას რა უნდა, თქვენ დანარჩენი კაცობრიობისა თქვით თორე.

50 თავი

გადავწყვიტე, ჩემთან წავალ და ცოტას დავლევ-მეთქი. ყველაფერი კარგად უნდა ამეწონა-დამეწონა. წითელი ბელურას ძებნაცა და ჩემი ცხოვრებაც, ორივე, ჩიხში იყო შესული. მივედი, დავაყენე მანქანა, გადმოვძვერი. უნდა გადავიდე ამ ბინიდან, ხუთი წელია უკვე აქ ვცხოვრობ. თითქოს მთელი ეს ხანი ბუდეს ვიშენებდი, უკაროს, მაგრამ არაფერი გამოვიდა, მეტისმეტად ბევრმა იცოდა ჩემი მისამართი. მივედი კართან, გავაღე, მივანექი, ვახ, რაღაც უშლის ხელს, მეთქი გდია რაღაც. და უცებ – სხეული, გოგოს სხეული. აი, გასაბერი გოგოები რო არიან, კაცებს რომ მოსწონთ, ისეთი გოგო იყო. მე არ მიზიდავენ ეგეთები. სხეული შეშუპებოდა. შევუდექი და ტახტამდე მივიყვანე, ყელთან საინტერესო წარწერას წავაწყდი: „ბილინ, შეეშვი წითელ ბელურას, თორე ამ ძუკნაზე უარესი დღე დაგადგება“.

მშვენიერი ცნობაა, რას ერჩი. გამოდის, სტუმარი მყოლია. ვილაც, ვისაც არ უნდა, რომ ამ საქმეზე ვიმუშაო. მაგრამ ამ ამბავმა იმედიც გამიჩინა. წითელი ბელურა ეტყობა მართლა არსებობს, თორე ასე არავინ მოიქცეოდა. კვალი უნდა ვიპოვო და აუსცილებლად გამოჩნდება რამე, მეტისმეტად ბევრი მინიშნება დაგროვდა ირგვლივ. შეიძლება, მართლა დიდ რამეზე გავედი, ვინ იცის, საერთაშორისოზეც კი. პარალელური სამყაროდან ხომ არაფერი მომხდარა? წითელი

ბელურა. სულ უფრო და უფრო საინტერესო ამბები ხდება. სასმელი მოვიმზადე და გადავკარი, რომ ტელეფონმა დარეკა. ავიღე.
 – გისმენთ.
 – ტაკუნია, როგორა ხარ?
 ჭიანჭველებმა დამირბინეს ტანში. ჩემი ერთ-ერთი ყოფილი ცოლი მელაპარაკებოდა, პენი. უკანასკნელად მისი ამბავი მგონი ხუთიოდე წლის წინ გავიგე, ჩვენი გაყრის მერე, ვილაც ტიპს გაყვა სადღაც, ვეგასში მაგიდებზე მუშაობდა ის ტიპი, სემი ერქვა.
 – უკაცრავად, ნომერი შეგეშალათ, ქალბატონო.
 – ხმაზე გცნობ, ტაკუნია. რას საქმინაობ? რატო შემარქვა ეს მეტსახელი, არ ვიცი რა. მოუფრიტინა და.
 – ვზარმაცობ.
 – მეგობარი გჭირდება გვერდით.
 – უჰ.
 – როდის იყო, შენით ხვდებოდი რა გჭირდებოდა, პუტკუნ.
 – შეიძლება, რა მჭირდებოდა, მაგას – ვერა, მაგრამ რაც მეზედმეტება, ახლავე გეტყვი.
 – მოვდივარ.
 – უჰ.
 – დაბლა ვარ. ჰოლში რომ ტელეფონია, იქიდან გირეკავ.
 – სემი სად არი?
 – ვინ?
 – სემი.
 – ოჰ, ეგ... მისმინე, ამოვდივარ....
 და დაკიდა ყურმილი. საშინლად ვგრძნობდი თავს, თითქოს თავიდან ფეხებამდე განავალი წამისვესო. გადავკარი ერთი ჭიქა და დავისხი მეორე. კაკუნიც გაისმა. კარი გავაღე, ზღურბლთან პენი იდგა, ხუთ წელიწად და თხუთმეტ კილო მომატებული. მომაგება თავისი საშინელი ღიმილი.
 – გაგიხარდა ჩემი ნახვა? – მკითხა.
 – შემოდი, – ვუთხარი და ოთახში შემოვუძეხი.
 – სასმელი მეც დამისხი რა, ტაკუნია.
 – კარგი.
 – ე, ეს რა არი?
 – რა?
 – ეს რეზინის რაღაცა. ქალი.
 – გასაბერი ქალია.
 – შენია?
 – არა ჯერ.
 – აბა აქ რა უნდა?
 – არ ვიცი. გამომართვი სასმელი. პენიმ იატაკზე ჩამოაგდო თოჯინა და თვითონ დაჯდა ტახტზე. მოსვა.
 – მენატრებოდი, ტაკუნია.
 – რა გენატრებოდა მაინც?
 – აი, სულ პატარ-პატარა რაღაცეები.
 – მაინც?
 – ვერ ვიხსენებ ახლა.
 გადაკრა სასმელი, შემომხედა და გამიღიმა.
 – ფული მჭირდება, ტაკუნია, სემიმ ყველაფერი წაიღო და დატყდა.
 – მეც ვალებში ვარ, პენი, ვილაც ტიპები მაგრად დამირხვევენ, თუ ფული არ გადავუხადე.

გავედი, კიდე ორი ჭიქა სასმელი გავაკეთე და შემოვბრუნდი.

- სულ ცოტა მაინც რა, ტაკუნია.
- არა მაქ, გაიგე, ღმერთი არ გნამს?
- მოგიწოვ, გახსოვს, რა კარგად ვწოვდი?
- მისმინე, აჰა 20 დოლარი, გამომართვი... ამოვიღე ჯიბიდან ფული და პირდაპირ ხელში ჩავუჭუჭე.

- მაღლობა...

და პენიმ ფული ეგრევე საფულეში ჩაიდო. ვისხედით ერთხანს, სასმელს ვწრუპავდით

- კარგი დროც ხო გაგვიტარებია ერთად, - წამოიწყო მან.

- ადრე.
- არ მახსოვს კარგად, დეპრესიაში ვიყავი.
- მისმინე, გაყრითაც ხო იმიტო გავიყარეთ, რო ერთად ცხოვრება ვერ მოვახერხეთ?
- ჰო, - დამეთანხმა, - ამ რალაცას ხო არ უიმავე?
- არა, ვილაცამ დატოვა ეტყობა.
- ვინ?
- არ ვიცი. ვილაცა მეთამაშება.
- მოგიწოვო გინდა?
- არა.

- ცოტა ხანს რომ დავრჩე და დავლიო, შეიძლება?

- რამდენ ხანს მაინც?

- ორ საათს.

- კარგი.

- მაღლობა, ტაკუნია.

ნასვლისას უკვე გვარიანად ნასვამი იყო და კიდე ერთი ოცდოლარიანი მივეცი ტაქსით გასავლელად.

ასე მითხრა, შორს არ მივდივარო. პენის მერე ავიღე ის გასაბერი ქალი და ტახტზე მოვისვი გვრდით. არაყიც მქონდა, ტონიკიც. მშვენიერი საღამო იდგა. მშვენიერი საღამო ჯოჯოხეთში. ჭიებისაგან დახრული, დაფუტუროებული მორივით იწვოდა დედამინა.

51 თავი

წარმოდგენა არ გაქვთ, რა სწრაფად გადის 25 დღე, განსაკუთრებით მაშინ, როცა სულაც არ გინდა, რომ გავიდეს. ჩემთან ოფისში ვიჯექი, კარი რომ შემომიღეს. ჯონი ტემპლი იყო. ორი ახალი მაიმუნი ახლდა თან.

- „უმაღლესი აღმასრულებლები“ მოვედით, - გამომიცხადა, - ფული გვინდა.

- არ მაქვს, ჯონი.

- 600 დოლარი არ გაქვს?

- 60-ც არ მაქვს.

ჯონიმ ამოიხსრა.

- სამაგალითოდ უნდა დაგსაჯოთ.

- ეგ როგორ, რალაც საცოდავი 600 დოლარის გულისთვის მცემთ?

- რა შუაშია ცემა, ბილენ, გაგაქრობთ უბრალოდ.

- არ მჯერა.

- არავითარი მნიშვნელობა არ აქვს, შენ გჯერა თუ არა, - ამოიღო ხმა ერთმა მაიმუნმა.

- მართალია, არა აქვს, - დაუდასტურა მეორემ.

- ერთ წუთს დაიცა, ჯონი, შენ მეუბნები, 4 ათასი რომ გაქვს ვალი და 600 დოლარს, პროცენტს არ იხდი, ამიტომ უნდა გაგაქროს, ხო? რომ 4 ათასისთვის, რომელიც თვალთაც არ მინახავს. თან წითელი ბელურაც არ მოგიყვანიათ. მართლა დიდი ვალი ვისაც აქვს თქვენი, იმათ როგორ ექცევი, საინტერესოა? იმათაც აქრობთ? თუ არა, აბა, მე რა დავაშავე?

- ყური მიგდე, ბილენ, ჩვენ შენ გროშებისთვის აგაორთქლებთ. ქალაქში ხმა დაირხევა, ასე და და ასე ქნესო და ვისაც დიდი აქვალი, მართლა შეეშინდებათ. იფიქრებენ, ორიოდ დოლარისთვის გააქრეს და ჩვენ რას გვიზამენო. მიხვდი?

- მიხვდი და გეთანხმებით, მაგრამ ახლა ჩემს სიცოცხლეზე ვლამპარაკობთ, ისე, ეგ ამბავი თქვენ დიდად ვერ გალევებთ, ხო?

- მართალია, არ მალელებს, ჩვენ ბიზნესს ვაკეთებთ. ბიზნესს კიდე შემოსავლის გარდა სხვა მიზანი არ აქვს.

- არ მჯერა, რომ ეს ჩემს თავს ხდება, - ვთქვი და უჯრა გამოვწიე ოდნავ.

- დახურე, - მითხრა ერთმა მაიმუნმა, გამოინია და ლულა პირდაპირ ყურის ძირში დამადო, - ამ რკინის ნაჭერს მე წავიღებ!

და ჩემი 32-მილიმეტრიანი ამაცალა.

- შენისთანა მსუქანი სირისთვის ძაან სწრაფად მოძრაობ.

- ჰოო, - გაუხარდა იმას.

- კარგი, ბილენ, - წამოიწყო ისევ ჯონიმ, - გავისეირნოთ ცოტა.

- ჰო, მაგრამ დღისით-მზისით?

- უკეთესად შეგათვალეერებენ. ადე, წამო.

წამოვდექი, ორმა მაიმუნმა ჩამიყენა შუაში.

ტემპლი უკან მოგვედგა. დავტოვეთ ოფისი და გავემართეთ ლიფტისკენ. ყველას მივასწარი და თითიც მე მივაჭირე ლილაცს.

- მაღლობა, პანკ.

მოვიდა ლიფტიც, გაიღო კარი. შიგნით - სიცარიელე. მკრეს ხელი, შემაგდეს. დავეშვით პირველზე, მერე - ფოიე და ბოლოს - ქუჩა. უამრავი ხალხი ირეოდა ირგვლივ, ვიფიქრე, ვიყვირებ, ეს ტიპები მოკვლას მიპირებენ-მეთქი, მაგრამ მეშინოდა, ვიყვირო და ვაიდა, რასაც დამპირდნენ, მართლა შემისრულონ, მერე? მივაბიჯებდი მათ მხარდამხარ. გადასარევი ამინდი იდგა. მივალწიეთ, როგორც იქნა, მანქანას. მაიმუნები უკანა სავარძელზე დასხდნენ ჩემთან ერთად, მე შუაში ჩამაკვებეს, ჯონი ტემპლი კი საჭეს მიუჯდა. გამოვედით ქუჩაში.

- ერთ უაზრო სიზმარს გავს ყველაფერი, - ვთქვი მე.

- ეს სიზმარი არ არის, ბილენ.

- სად მიგყავართ?

- გრიფინის პარკში, ბილენ, პატარა პიკნიკს მოგიწოვებო. შორეულ ბილიკებზე მოვანყობთ პატარა პიკნიკს. განცალკევებით, ინტიმურ გარემოში.

- აუ, როგორ ხართ ეგრე სირულად გულქვები რა? - ამოვიღე ხმა.

- მშვენივრად, - მომიბრუნდა ჯონი, - ეგეთები დავიბადეთ.

- მართალია, - გაუხარდათ მაიმუნებს.

მივდიოდით და მივდიოდით. მე ჯერ კიდევ ვერ ვიჯერებდი, ეს ამბავი სინამდვილეში თუ ხდებოდა. იქნებ არც ხდებოდა, ვინ იცის. იქნებ სწორედ უკანასკნელ წუთს ეთქვათ, გეხუმრეთ, ჭკუა გვინდოდა გვესწავლებინა, მეორედ რომ ველარ გაგებოდაო და რამე ეგეთები.

მივალწინეთ პარკს, როგორც იქნა. ჯონიმ გააჩერა მანქანა.

– გადმოიყვანეთ, ბიჭებო, ფეხით გავიაროთ ცოტა.

ეგრევე ერთმა მიბიძგა და გადმომაგდო მანქანიდან, მერე ორივემ აქეთ-იქიდან მკლავებში ჩამავლო ხელები. წავედით. ჯონი ისევ უკან მოგვყვებოდა. მალე ცხენების გაუქმებულ ბილიკზე გავედით, ბურქნარს და ტოტებს დაეფარა იქაურობა, მზეც არ აღწევდა კარგად.

– მისმინეთ, ბიჭებო, კმარა, – აღვშფოთდი მე, – თქვით, რომ ხუმრობაა ეს ყველაფერი და წავიდეთ სადმე დასალევად.

– ჩვენ არ ვხუმრობთ, ბილენ, აგაორთქლებთ უბარლოდ, – გამეპასუხა ჯონი.

– 600 დოლარის გულისთვის, არ მჯერა, არ მჯერა, რომ სამყაროში ეგეთი რამე შეიძლება მოხდეს.

– მოგიწევს. ჩვენ ხო გაგაცანით ჩვენი პოზიცია, ჰოდა გამოადგი ეხლა ფეხი.

ვიარეთ კიდევ ცოტა ხანს და გავჩერდით. ჯონიმ თქვა:

– კარგი ადგილი ჩანს, შეტრიალდი, ბილენ. შეეტრიალდი და თვალი მოვკარი რევოლვერის ლულას. ჯონიმ მესროლა. ოთხჯერ ზედიზედ, ოთხივეჯერ – მუცელში. პირქვე დავეცი, მაგრამ როგორღაც გადმოტრიალება მაინც მოვახერხე.

– დიდი მადლობა, ტემპლ, – ამის თქმალა შევქელი.

ისინი წავიდნენ.

არ ვიცი, მგონი, ერთხანს გული წამივიდა. მერე ისევ მოვფხიზლდი. ვგრძნობდი, დიდი დღე აღარ მენერა. ბევრი სისხლი დაკარგე, ძალიან ბევრი. ჯერ მუსიკა ჩამესმა თითქოს, იქამდე გაუგონარი მუსიკა. მერე კი დაიწყო, რაც დაიწყო. ბუნდოვანმა მოხაზულობამ გარკვეული ფორმები შეიძინა და წინ გამომესახა. ის იყო წითელი, უწითლესი და მუსიკას გავდა. ამისწინათ არსად არასდროს არაფერი მინახავს. იგი წითელი ბელურა იყო.

ვებერთელა, მხურვალე, ულამაზესი. ამხელა, ასეთი ნამდვილი, ასეთი ჯადოსნური ბელურა

სხვა არც არსებობდა ალბათ. წინ გამიჩერდა. და უცებ ქალბატონი სიკვდილი არ დავინახე?! გვერდით ამოუდგა ბელურას. არც ის ყოფილა არასოდეს ასე მშვენიერი

– ბილენ, – მითხრა, – ნაღდად ცუდ ამბავში გაეხვიე.

– ბევრს ვერ ვილაპარაკებ, მიჭირს, ქალბატონო... ამისხენით, რა ხდება ჩემს თავს.

– შენი ჯონ ბარტონი დიდი დაკვირვებულ კაცია, როგორღაც მიხვდა, წითელი ბელურა ნამდვილად არსებობსო, იმას მიხვდა, შენ უნდა გეპოვა. ჰოდა, იპოვე კიდევ. სხვები, უმრავლესობა მაინც, – დეჟა ფაუნტენი, სანდერსონი, ჯონი ტემპლი, – აფერისტები იყვნენ, უნდოდათ მოეტყუებინე, ფული დაეცინცლათ. რადგანაც შენ და მუსო უკანასკნელი მოპიკანები ხართ ძველი, დიდებული ჰოლივუდის, ნამდვილი ჰოლივუდის, იფიქრეს, ბევრი ფული ექნებაო.

გამელიმა.

– გასაბერ ქალზე რაღას იტყვი, ქალბატონო, რა უნდოდა ჩემს ოთახში?

– ა, ეგა? ეგ ფოსტალიონმა ქნა. გაიგო, წითელი ბელურას საქებნელადაა წასულიო და უნდოდა, კიდევ ერთხელ გადაეხადა სამაგიერო გალახვისთვის. შემოგიმტვრია კარი და თოჯინა მოგიგდო.

– ან რაღა მოხდება, ქალბატონო?

– წითელ ბელურასთან გტოვებ. საიმედო ხელში იქნები. კარგად, ბილენ, მიხარია, რომ გაგიცანი.

– ჰო.

და დავრჩი ასე უზარმაზარ მოელვარე ჩიტთან პირისპირ. იდგა, არ ინძრეოდა. მეთქი, გამორიცხულია ეს სინამდვილე იყოს. ასეთი რამე არ ემართებათ ხოლმე ადამიანებს. ასეთი რამე შეუძლებელია დაემართოთ.

მერე ბელურამ, ისე, რომ ჩემთვის თვალი არ მოუშორებია, ნელა გააღო ნისკარტი. უშველებელი სიცარიელე გამოჩნდა. შიგნით კი თვალუნვდენელი, მზეზე მეტად დაუდგრომელი, დაუჯერებელი, ყვითელი მორევი ამოიზარდა.

მეთქი არ არსებობს, ასე არ ხდება.

ბელურამ ნისკარტი ბოლომდე გააღო, გადმოიხარა ჩემკენ, გადმოიხარა და ისე ახლოს მოვიდა, რომ აღმოედებულმა მგრგვინავმა მორევემა მეც გამიტაცა და ჩამიხვია.

ინგლისურიდან თარგმნა
ზაალ ჩხეიძე





ჯეცერბურგი

დასასრული. დასაწყისი იხ.
„ლიტერატურული პალიტრა“, №№1-3, 2014
წ.

გაგაბა

შეუგდოს სასარდინე; ამოუდოს ბალიშქვეშ,
ან არადა – ლეიბქვეშ და – ...

– ღამე მშვიდობისა, მამილო!

და პასუხი:

– ღამე მშვიდობისა, კოლენკა!

მერე გაემართება თავის ოთახში.

რომ სწრაფად გაიხადოს; კარი გასაღებით
ჩაკეტოს; საბანში ჩაეფლოს.

ბუმბულის ლოგინში გულის ძგერით იძაგდა-
გოს; იდარდოს და უსმინოს: იქ როდის... დაიგ-
რგვინებს... და გაგლეჯს რა სიჩუმეს, რა თქმა
უნდა, გაგლეჯს ლოგინს, მაგიდას და კედელსაც;
გაგლეჯს აგრეთვე... იქნებ კიდეც...

გაიგონოს ფეხსაცმელების ნაცნობი ფლატუ-
ნი იმ შეუდარებელი ადგილისაკენ.

ფრანგული ნიგნის კითხვის შემდეგ გადაი-
ხაროს ბამბისკენ, რომ ყურებში ჩაიჩაროს და
თავი ბალიშის ქვეშ შერგოს; დარწმუნდეს, რომ
არაფერი ეშველება. და თავი უძირო შიშს შე-
უშვიროს.

ელოდოს, ელოდოს.

ნახევარ საათს: აისის მომწვანო გამონათე-
ბას; გალურჯებას, განაცრისფერებას, სანთლის
ნათების ამაოებას; თხუთმეტი წუთის შემდეგ
სანთლის ჩაქრობისას გაიფიქრებს, თუ როგორ
მდორედ მიედინება არა წუთები, არამედ მარა-
დისობა; გაჰკრავს ასანთს და თურმე ხუთი წუთი
გასულა... დაამშვიდებს საკუთარ თავს, რომ ჯერ
ადრეა; საათის მდორე შემობრუნების შემდეგ კი
თავს მოიტყუებს:


რომ განუმეორებელი, ერთადერთი, სანუკვა-
რი ბგერა მაინც.

– დაიგრგვინებს!..

აი, მაშინ:

შიშველ ფეხებს კალსონებში (რის კალსონებ-
ში!) იქნებ შიდა პერანგშიც ჩასჩრის და დაღმე-
ჭილი თეთრი სიფათით –

– დიახ, დიახ!



ანდრეი ბელი

გადმოსტება გამთბარი ლოგინიდან; შიშ-
ველი ფეხით გატოპავს ჩაშავებული დერეფნი-
საკენ; გაქანდება განუმეორებელი ხმებისკენ,
შეისუნთქავს განსაკუთრებულ სუნს გაზისა და
ნატისუსაღისა და კიდეც რალაცისას, გაზისა და
ნატისუსაღზე უარესისას და...

თუმცა სუნი ალბათ არ იქნება.

შემოვარდება ძლიერი ხველით სუნთქვაშეკ-
რული, რათა კედელში იმ ბგერებისგან წარმოქ-
მნილ შავ ხვრელში გაჰყოს თავი.

იქ კი – ხვრელს მიღმა...

დანგრეული საძინებლის ადგილიდან მკაცრი
ალი გაანათებს ნივთებს, ბოლქვებად რომ დას-
დინდება ბოლი.

და მაინც...

იმ საფარს მიღმიდან გამოიკვეთება კედლის
წითელი მხარე; და გამოიღვრება, დასველდე-
ბა კედლები; და ყოველივე იქნება ნებოვანი,
ნებოვანი. ეს პირველი და უკანასკნელი შთა-
ბეჭდილება გახლავთ; გონებაში კი აღიბეჭდება:
ბათქაში, დამტვრეულ პარკეტო ნამსხვრევები
და ძონძადქეული დამწვარი ხალიჩები; და და-
იფერფლება, დაიფერფლება; წვივის ძვალი?

როგორ გადარჩა? – სხვა ნაწილები?

ზურგს უკან, დერეფანში კი – გახშიანდება
იდიოტური გუგუნე; ჭურჭლის მრეცხავის ქვი-
თინი; და ტელეფონის ტკაცატკუცი (პოლიციაში
რეკავენ).

მერე გაუვარდება შანდალი... ჩაიშხლეს და
ღამის პერანგს დაუნყებს წინკნას, სანამ გულჩ-
ვილი ლაქია –

– რომელსაც ყოველთვის იოლად გადააბრა-
ლებ, –

მეზობელ ოთახში არ გაათრევს და პირში ცივ
წყალს არ ჩაასხამს...


ხვრელიდან წამოსული გრგვინვის შემდეგ

იატაკიდან წამომდგარი დაინახავს იმ მწეზარე სითხეს, აქეთ რომ გადმოიღვარა: და კიდეც ახეული ტყავის ნაფლეთებს (ოღონდ რომელი ადგილიდან ახეულს?), კედელს რომ მიჰკვრიან. და გრძნობას დაჰკარგავს. ბოლომდე გაითამაშებს. დღე-ღამის შემდეგ აკაფისტი სანთლით ხელში დაადგება თავს. ორიოდ დღის შემდეგ კი ნიკოლაევიკის ბენჯში თავჩარგული ანგელოზისებრი გამომეტყველებით კატაფალკას გაჰყვება ქუჩაში; და მაღალჩინოსანი ამაღის გარემოცვაში თეთრი ტყავის ხელთათმანიანი თითებით ქუდს დაუწყებს წვალებას; ოქრომკედლიანი და თეთრშარვლიანი მოხუცები იმ გროვას კიბეზე ჩამოაკონწიანებენ. რვა მელოტი მოხუცი! დიახ, დიახ, მერე! გამოძიებას ისეთ ხალხზე მისცემს ჩვენებას, რომელნიც... რა თქმა უნდა, წინასწარ განზრახვით კი არა... მაგრამ მაინც ჩრდილს მიაყენებს. ცეკვავს ბიჭი კოლენკა, სულელი და გულღია, ცხენს აგელვებს, აჭენებს, ხელთ აღვირი უპყრია. როცა ნიკოლაი აპოლონოვიჩი იდეის გამო თავის თავს სასჯელის აღსრულებისათვის სწირავდა; ნაცრისფერი პროსპექტი კი არა, რომელზეც ის ვიღოდა, არამედ ის წამი გახლდათ ამ გეგმის შემდგენი; დიახ, იდეისთვის ქმედება თვალთმაქცობასთან იყო გადაჯაჭვული და იქნებ უდანაშაულო პირებზე (კამერდინერზე) გადაბრალებასთანაც. მამის მკვლელობას ტყუილიც წაება; და რაც მთავარია, არამზადობაც. აზნი, აღნაგი, უფერო, ვარაყად სელის თმანია, უმწეო, აზრით უებრო – ვინ არს – „ნარი“ და „ანია“? ის არამზადაა... ყველაფერი გარდასული უკვე ფაქტად ქცეულიყო: ფაქტი კი შემზარავი იყო, ურჩხულისებრი! დიახ, ნიკოლაი აპოლონოვიჩს ეძინა, ჭამდა, სვამდა და სოფია პეტროვნასაც ეთაყვანებოდა. მაგრამ, მაგრამ!.. ის არც ისე ჭამდა, როგორც ყველა, არც ისე უყვარდა, როგორც ყველას; სიზმრებიც უაზრო ჰქონდა; და საკვებიც უგემური ეჩვენებოდა; რაღაც იყო, რაც ამძიმებდა, უკან სდევდა; და განსაკუთრებულ ნათელს ჰფენდა მის ფუნქციათა მიმართულებას. მაგრამ საით? პარტიისთვის მიცემული სიტყვისკენ? თუმცა პირობა არ მიუცია; მაგრამ ზოგი ასე ფიქრობდა (მაგალითად, ლიპპანჩენკო). და ამ პირობაში, რომელიც იქ, ხიდთან, ნევისპირა გამჭოლ ქარში მაშინ მისცა, როცა ზურგს უკან ცილინდრი, ხელჯოხი და უღვაშები შენიშნა (პეტერბურგის მკვიდრნი ხომ გარკვეული თავისებურებებით გამოირჩევიან!..) დიახ, ხიდთან დგომა შედეგი გახლავთ; მას ხომ ჟინი სდევდა; როგორღაც სხვაგვარად შე-

იგრძნობდა ვნებათაღელვას. როცა კოლენკას მამის ჭეშმარიტ ნაშვირს უწოდებდნენ, რცხვენოდა; „ნაშვირობა“ მან ცხოველთა ცხოვრებაზე დაკვირვებით ახსნა; და მერე ტიროდა ხოლმე; თავისი ნაშვირობის სირცხვილი მამაზე გადაიტანა. და მიხვდა, რომ ყოველივე, რაც არსებობს, ვილაცის „ნაშვირია“, ადამიანები კი არსად არიან; ისინი გახლავან „ნაყოფნი“; აპოლონ აპოლონოვიჩიც „ნაყოფია“, სისხლის და კანის არასასიამოვნო ჯამია: ხორცი კი იოფლება და ზეზეურად ყროლდება. სული არ არსებობს. სხეულს ვერ იტანდა; თუმცა სხვისი სხეულის მიმართ ჟინი კი ჰქონდა; ასე გამოატარა ბავშვობაში ურჩხულობის ნამცეცები; და როცა ისინი მომწიფდნენ, ოცდაოთხ საათში გამოძვრნენ საფარიდან! ეს ძველთაძველი მიწიერი არსება უნდა აფეთქებულიყო და აფეთქდა კიდეც.

დანესებულება

დანესებულება... თხისფხვას ტორსის კარიატიდა... ორ ცხენს გამობმული ეტლი წინკართან მიფრინდა; სამკუთხა ქუდიანმა ლაქიამ გააჩნაკუნა და გვირგვინებით დამშვენებული ღერბიანი (რაინდის მგმირავი მარტორქა) ეტლის კარი გაიღო; მისალმების ნიშნად თავი დაიქნია და ტყავის ხელთათმანიანი ხელი ცილინდრის კიდეს შეახო. აღსდგნენ პარაგრაფები. პარაგრაფის მოხაზულობა მაოცებს: ორი გადაბმული კაუჭი ერთმანეთს ეცემა; დიახ, პარაგრაფი ჭეშმარიტად ქალაღდის მჭამელი ფილოქსერა გახლავთ! მასში რაღაც არის მისტიკური: ის ზოდიაქოს მეცამეტე ნიშანია. რუსეთის თავზე პარაგრაფები მრავლდებოდა: დარბაზებსა და წითელმანდიან კიბეზე იწყებოდა პარაგრაფთა ცირკულაცია, რომელსაც აპოლონ აპოლონოვიჩი ხელმძღვანელობდა. რუსეთში უპოპულარულესი ჩინოვნიკი, რა თქმა უნდა, კონშინს (რომლის ავტოგრაფებსაც თქვენ საკრედიტო ნივთებზე ატარებთ) თუ არ ჩავთვლით, აპოლონ აპოლონოვიჩია. დანესებულებაში კი აპოლონ აპოლონოვიჩი გახლავთ, უფრო სწორად, გახლდათ, რადგან ის მოკვდა: – ცოტა ხნის წინ საფლავზე ვიყავი: შავი მარმარილოს ლოდზე ჯვარი აღმართულა; ჯვრის ქვეშ გორელიეფია – თავი, რომელიც მზერით გბურლავთ: დემონური, მეფისტოფელური ბაგეები! ქვემოთ კი: აპოლონ აპოლონოვიჩ აბლუუსოვი – სენატორი... დაბადების და გარდაცვალების წლები... მიყრუებული საფლავია!.. დანესებულებაში კაბინეტებია... არის უბრალო ოთახებიც; ყველა დარბაზში მაგიდებია მწერლებითურთ; ყოველი მათგანის წინ კი – კალამი და სამელნე; და ქალაღდების საპატიო შეკვრა; ყველა კალამს აწრიპინებს,



აბრუნებს ფურცლებს, ფათურობს (მე კი მგონია, რომ ავის მომასწავებელი მცენარე ფათალა ფათურისაგან წარმოიშვა);

არყის ხეთა ასეთი შარიშური იყო საფლავზეც; მათი საყურეები ძირს, შავი მარმარილოს ჯვარზე ცვიოდა;

ლმერთმა დაუმკვიდროს სასუფეველი! –

აბლუხოვი ყოველდღე, კისერზე ძარღვდაჭიმული, ფეხიფეხზეგადადებული და სერთუკის საყელოში ხელამოდებული, იჯდა თავის კაბინეტში; სამოცდარვა წლის მოხუცი თითქოს ერთმანეთზე გადაბმული კაუჭებით, ანუ ჯაჭვით, სუნთქავდა; და

ეს სუნთქვა რუსეთის მთელ სივრცეს ედებოდა; დიახ, დიახ, ბრწყინვალე აზრით გაბრწყინებულმა აპოლონ აპოლონოვიჩმა ფეხი ფეხზე გადაიდო და ლოყები ბუშტივით დაბერა; და შეუბერა (ჩვევა ჰქონდა ასეთი); და სუსხმა უკვე გასართობ დარბაზებშიც შეაღწია; და ქარი ამოვარდა; გარეუბნებში კი ქარიშხალმა დაჰქროლა.

აპოლონ აპოლონოვიჩი უბერავდა!

დიახ, დიახ, აპოლონ აპოლონოვიჩი, ქალაქელი, კეთილად აღზრდილი ბატონი ზის თავის კაბინეტში; მისი აზრდილი კი გამვლელებს ეცემა: სამარის, სარატოვის სივრცეებში – ღრანტეებზე, ქვიშრობებზე, ნარშავებსა და ეკალბარდებზე დანავარდობს, ქვიშოვან სიმელოტეს აშიშვლებს, სახლის კალოზე ცეცხლს აღვივებს.

ხუშარები კი ამბობენ: ეს აპოლონ აპოლონოვიჩი კი არა, აკვილონ აპოლონოვიჩიაო.

მან წარაგონა შეწყვიტა

აპოლონ აპოლონოვიჩი მარტოსულია.

ციოკულარის ისარი ვერ ასწრებს, ვერ ესობა მაზრებში; ტყდება; ზოგან – ივანჩევსკები და კოზლორადოვები თუ ჩამოფრინდებიან თანამდებობიდან; აპოლონ აპოლონოვიჩი სანკტ-პეტერბურგიდან დაახლის ხოლმე ქალაქის კონონადას; – და (ბოლო წამს) სეირს უჩვენებს მათ.

ისრის მტყორცნელი ჭეშმარიტ ელვად იქცა; შეიცვალა ისტორია; ძველი მითების აღარ სწამთ; და აპოლონ აპოლონოვიჩიც ღმერთი აპოლონი როდია, ის მხოლოდ ჩინოვნიკია.

ქალაქდა ორომტრიალი, ცოტა არ იყოს, მინელდა; და ტიპოგრაფიული შრიფტით აქოთებული ბოროტი ფურცლები უკვე ძირს უთხრიდა დაწესებულებას თავისი თხოვნებით, წარდგინებებით, მუქართა და ჩივილით.

მერე როგორი საზიზღარი ქცევა გამეფდა უფროსობასთან დამოკიდებულებაში? ობიექტელთა შორის საპროკლამაციო კილო იკრებდა ძალას.

რას ნიშნავს ეს?

ბევრ რამეს; მიუწვდომელი კოზლორადოვი – ასესორი – გათავხედდა; და პროვინციიდან ივანჩი-ივანჩევსკისკენ დაიძრა.

აპოლონ აპოლონოვიჩისგან პროექტები, რჩევები და ბრძანებები წამოვიდა; კაბინეტში იჯდა და საფეთქელზე ძარღვი ამოზურცვოდა;

პროვინციულ წყვდიადში ბრძანებას ბრძანებაზე აგზავნიდა.

პეტერბურგში, ნევის პროსპექტზეც გამოჩნდა წყვდიადი მანჯურიული ქუდის სახით; მრავალმილიან ქარხანათა რკალიდან შეწყდა კვამლის ფრქვევა.

მექანიზმის საჭე-ბორბალი აპოლონ აპოლონოვიჩს ეპყრა ხელთ; და ხუთი წლის განმავლობაში მხოლოდ აგორებდა მას.

ის თავის თავს იმ ჩონჩხად შეიგრძნობდა, რუსეთი რომ ჩამოსცილებოდა.

დიახ, მრავალათეული კატასტროფის ფლეგენტონისეული ქალაქის ტალღები იმ ვეება მანქანის ბორბალს ეხეთქებოდა, რომელსაც სენატორი მართავდა, დაწესებულებას რღვეული გაუჩნდა. –

ატყდა სკანდალი: ბრილიანტის ნიშნის მატარებელი სხეულიდან გენია აორთქლდა (ის შეიშალა) და სამსახურებრივი კარიერის საფეხურიდან დაეშვა.

მრავალთა თვალშიც დაეცა.

ცუკატოვებთან საღამოზე ის სახელმწიფოებრივი მნიშვნელობის პიროვნების მედიდურობით მიბრძანდა; მაგრამ როცა გაირკვა, რომ მისი ვაჟი გაიქცა, სენატორის ნაკლოვანებებიც გამჟღავნდა: და ეს უკვე უეჭველი გახლდათ.

აპოლონ აპოლონოვიჩ აბლუხოვი განსაკუთრებული პოსტის კანდიდატთა სიიდან ამოიშალა.

და დაიწყო მისი დაისი.

ნახშირის კვირები

დილის მომწვანო გამონათება... სემიონიჩი თავის ბუდრუგანაში ოხრავდა, გვერდს იცვლიდა, ბორგავდა; მისძალეობდა მთქნარება, ქავილი და ცვმინება.

და ისევ ამთქნარებდა.

ტეტურიჩი (ტეტურიჩის ფაბრიკის საყვირი) ახმიანდა; დაიკვივლეს გემებმა; ელექტროდენი – ფუკ; და გაქრა!.. სემიონიჩმა წამოიწია.

აჩურჩულდა.

თქვენო კეთილშობილებაო, ბატონო, – ასე და ისეო...

– არავითარი ყურადღება...

– პატარა ბატონი რალაც... მეუფეო, მომიტევე ჩემი ცოდვანი!

– ბატონი კი არა – ხამლეტია...

– ბატონი კი არა, ხიმიკსია...

დერეფნის კარმა გაიჭრიალა: ვაჭარი ავდიევი გაძარცვეს; ვაჭარი ანგიევი გაქურდეს.

მოლდოველ ხახუს კლავდნენ.

წამოსწია თავი, ფეხები კალსონებში გაჰყო და გამთბარი ლოგინიდან ღეჭვა-ღეჭვით გადმოხტა; შიშველი ფეხით გატოპა ჩაშავებული დერეფნისაკენ.

ვატერკლოზეტთან რაზამ გაიჩხაკუნა: ეს მისი მაღალკეთილშობილება, ბატონი აპოლონ აპოლონოვიჩი გახლდათ!

– ვაჭარი ავდიევი გაძარცვეს!.. ვაჭარი ანგიევი გაქურდეს!.. პროვიზორი ხახუ მოჰკვლეს!..

დალიანდაგებულ ნახევრად გახეხილ თაგვის-
ფერ ხალათში გახვეული აპოლონ აპოლონოვიჩი
ჟოლოსფერ ფუნჯებში ტომარასავით გაიხლარ-
თა და ჟოლოსფერივე საყელოდან გაუპარსავი,
ხაოიანი ნიკაპი გამოჩარა (ჯერ კიდევ გუშინ
გლუვი რომ იყო), ნიკაპი ნემსისებრი თეთრი
წვერით იყო დაჩვრეტილი და გეგონებოდათ,
თრთვილი დასდებიაო.

პირდაღებული იჯდა, თმიანი მკერდით ჰაერს
ისუნთქავდა და მაჯას ისინჯავდა.

მოუთავებელი სლოკინით იტანჯებოდა.

არც დეპეშების სერიაზე ფიქრობდა, არც
იმაზე, თუ სამუდამოდ როგორ ეცლებოდა ხე-
ლიდან პასუხსაგები თანამდებობა, არც ანა
პეტროვნაზე. მისი აზრი დასტრიალებდა იმას,
რაზედაც ფიქრობენ ხოლმე მოშავო კვერებით
სავსე ყუთთან.

ფიქრობდა – სლოკინი, ბიძგები, წყვეტილო-
ბები სუნთქვაში, ჭვალსა და ხელისგულების ღი-
ტინს რომ იწვევს, გულის გამო კი არა, გაზების
წარმოქმნის გამო ხდებო.

– ეს უბრალოდ კუჭის ბრაღია!

ერთხელ კამერგერი საპოჟკოვი, რომელიც
გულის ანგინით გარდაიცვალა, ცდილობდა აეხ-
სნა მისთვის:

– იცით, გაზები კუჭს ხეთქავს; გულმკერდის
ძგიდე იკუმშება და ამიტომ წარმოიქმნება ბიძ-
გები და სლოკინი... წარმოიქმნება გაზებისგან...

ცოტა ხნის წინ სენატში აპოლონ აპოლონოვი-
ჩი, რომელიც მოხსენებას იხილავდა, გაღურჯდა,
ახროტინდა; და იქიდან გამოიყვანეს:

– იცით, ეს გაზების ბრაღია...

ხანდახან კვერი შველოდა, რა თქმა უნდა,
გაზების შთანთქმის გზით.

დიახ, გაზების – და დაიძრა ის კ...-სკენ: ცხრის
ნახევარზე.

სწორედ ეს ხმა შემოესმა სემიონიჩს.

აპოლონ აპოლონოვიჩმა პლედი მოიხადა,
იქით გაემართა, გამოალო კარი, რომ მას შეს-
ჯახებოდა:

– თქვენ? – დიახ, მე გახლავართ...

– აა: დიახ, დიახ...

– ?

– ხმა იყო რაღაც...

– მერე რა?

– რაღაც დაჯახუნდა...

საქმე ის გახლდათ, რომ ათი წუთით ადრე
სემიონიჩმა გაკვირვებით შენიშნა, თუ როგორ
გამოძვრა ახალგაზრდა ბატონის ოთახიდან სე-
ლისფერი თავი: მიმოიხედა და შეიმალა.

ახალგაზრდა ბატონი ცქმუტასავით გასხლ-
ტა.

იდგა, სუნთქავდა, თავს აქიცინებდა, შემობ-
რუნდა და ამ დროს შენიშნა სემიონიჩი, რომე-
ლიც დერეფნის ჩრდილოვან კუთხეში მიყუყუ-
ლიყო; ნიკოლაი აპოლონოვიჩი კი ბატონისთვის
შეუფერებლად ერთ ადგილს მისწვდებოდა, კარს
ვერ სცილდებოდა!

მოთვალთვალე?

ის ხომ ვიღაც ლაქია კი არა, გენერლის ფრან-
გულ ყაიდაზე აღზრდილი ვაჟი გახლდათ:

– ოჰ, ღმერთო, ეს ვიღაც ხამლეტები... ჭუჭ-
რუტანიდანაც რომ უთვალთვალეს!

– ?

– ნიკოლაი აპოლონოვიჩმა...

– ა?

– წასვლისას კარი გაიჯახუნა.

აპოლონ აპოლონოვიჩი თან პირს აცმაცუნებ-
და, თან სემიონიჩისთვის უნდოდა ეკითხა:

– მართლა ნახა მოხუცმა, თუ არა ანა პეტ-
როვნა...

– შეიცვალა, თუ არა; გაჭალარავდა: ნაოჭები
გაუჩნდა. ნეტა შევკითხებოდი?

სამოცდარვა წლის ბატონს სახე არაბუნებ-
რივად დაიღმიჭა, ცხვირი კი ნაოჭებში ჩაიმალა.

და სამოცი წლისა ვიღაც ათასწლოვნად
იქცა; ჭალარა ნანგრევი კალამბურის წარმო-
ქმას შეეცადა, მაგრამ ხმა დაძაბულ ყვირილში
გადაეზარდა:

– ო, მე-მე-მე... ფეხშიშველი... ხართ?

– თქვენო მაღალკეთილშობილ...

– არა, არა... ეს კი არა –

კალამბური ვერ აანყო:

– ჰო... მითხარით...

– ?

– თქვენ, ალბათ, ყვითელი ქუსლები გაქვთ?
სემიონიჩს ეწყინა:

– ყვითელი ქუსლები, ბატონო, მე კი არა, ჩი-
ნელებს აქვთ...

– ხი-ხი... იქნებ... ვარდისფერებია?

– ჩვეულებრივია, ბატონო...

– არა, ყვითელია!

აპოლონ აპოლონოვიჩმა ფეხი დააბაკუნა.

– რა ქუსლები, რის ქუსლები? ... ქუსლებში
ხომ არაა საქმე? ... ბებერი მეღა ღამით... აქვეა
ახლოს... თითქოს ელოდებო რაღაცას... ვაჟი
ხამლეტისტია... ეს კი ქუსლებიო... დახეთ, ყვითე-
ლიაო... თვითონ აქვს ყვითელი ქუსლები...

როგორც ყოველთვის, აპოლონ აპოლონოვიჩი
კალამბურში ჟინიანობას იჩენდა: დაუდგრომე-
ლი, გამომჯავრებელი, გამკენწლავი ხდებოდა
და იმ ბუზს წააგავდა, თვალში რომ გიძვრება
ჩახუთულ ამინდში, წვიმის წინ, როცა ნაცრისფე-
რი ღრუბელი ცაცხვებს ვნებით ჩამოეფხატება;
ასეთ ბუზებს ხოცავენ ხოლმე.

– ქალბატონს კი – ხი-ხი...

– რა სჭირს ქალბატონს?

– სჭირს...

– რა?

– ვარდისფერი ... ქუსლი აქვს...

– არ ვიცი...


– ჰოდა, შეხედეთ...

და ფრაზა არ დაუმთავრებია, ნამდვილი
საიდუმლო მრჩეველი, პროფესორი აპოლონ
აპოლონოვიჩი ისე წაფრატუნდა თავის ოთახში
დასაძინებლად.

და უმწეოდ შეჩერდა... ეჰ, როგორ დაჩიავდა!
ეჰ, მხრებშიც მოიხარა! თითქოს

მხრებიც არათანაბარი გაუხდა.

საგანგაშო ცნობები პროვინციებიდან... და
იცით, ვაჟი, ვაჟი! იცით, საზარელი ვითარება
შეიქმნა...



არაფერია!.. არაფერია! როგორმე!..
გაფიცვა რუსეთის დაღუპვა... აი, უკვე იკრიბებიან: ბედავენ... ვილაც აბიტურიენტიც კი...
მერე – გაზები!..

და კვერი გადაყლაპა...
გირებით გადატვირთულმა ზამბარამ დრეკადობა დაჰკარგა; სიბერეში ადამიანის ტვინი წუნწუნს ემსგავსება.

ბავშვობაში აპოლონ აპოლონოვიჩი ითოშებოდა ხოლმე: ბრწყინვალე ბიუსტი კი უფრო მაგარი და მყიფე ხდებოდა; და ჩრდილოეთის ღამეში მნათობივით ანათებდა იმ ნოტიო ნიავის ამოვარდნამდე, მისი მეგობარი რომ იმსხვერპლა.

ეულად და ამაყად იდგა ქარიშხლის პირას გაყინული და მტკიცე; მაგრამ პლატინაც ხომ ღლვება.

აპოლონ აპოლონოვიჩი ერთ ღამეში მოიხარა; ერთ ღამეში დაიშალა, დაყვინთა.

აალებული რუსეთის იმპერიის ცეცხლოვან ფონზე ოქროსმუნდირიანი ძლიერი ვაჟკაცის ნაცვლად, ილაოთი ილაჯგანყვეტილი, გაუპარსავი, დაუვარცხნელი, გაოფლილი მოხუცი იდგა ფუნჯებიანი ხალათით!

გინახავთ ბავშვობას მიცემულნი, თუმცა ჯერ კიდევ ცნობილი ვაჟკაცი, ნახევარი საუკუნის განმავლობაში დარტყმებს თავიდან რომ იცილებდნენ?

მე მინახავს.

კრებებზე, კონგრესებზე... ყბაჩამოვარდნილნი, უკბილონი, ფრაკებში გამონყობილნი თუ როგორ ძვრებოდნენ კათედრებზე –

მე მინახავს

– ჩვეულებისამებრ, ისინი მკერდს უშვერდნენ დარტყმებს!

მე ისინი სახლშიც მინახავს.

გონებასუსტის ფუსფუსით ავადმყოფურ, უაზრო ხუმრობებს რომ აბნევენ, კაბინეტისკენ ფეხებს მიათრევენ და დორბლმორეულნი ტრაბახობდნენ ტარსიკონისყდიანი კრებულეებით სავსე თაროთი.

მე ვიცი, რასაც ვიქმ

აპოლონ აპოლონოვიჩი ზუსტად ათ საათზე სვამდა ყავას.

სასადილოში გაყინული, მკაცრი, გაპარსული სახით შემორბოდა და ირგვლივ ოდეკოლონის სურნელს აფრქვევდა; დღეს კი სუნამოს გარეშე, გაუპარსავი, ხალათითა და ფეხსაცმლის წვერით იატაკის ჩხაპნით გამოფრატუნდა ყავის დასალევად.

კორესპონდენციისთვის არც შეუხედავს, არც მოსამსახურეთა საღამუე უპასუხია:

- მეძახის ჩემი სათნო დელვიგი, –
- მხიარულ სიყრმის მეგობარი,
- მეგობარი სევდიან სიყრმის... –
- მომაცილეთ ეს ძაღლი...

თერთმეტის ნახევარზე აპოლონ აპოლონოვიჩის თითქოს რაღაც გაახსენდაო, ნაცრისფერი თავივით აწრიალდა; და რადგან თავისი კალთა-

გახსნილი ხალათიდან კალსონები შენიშნა, ჩამდივული მოკლე ნაბიჯებით ოთახისკენ გაქანდა.

იქ მიაკითხა ლაქიამაც, რათა შეეხსენებინა, ცხენები მზად გახლავანო.

და გაკვირვებით მიაჩერდა, თაროდან თაროსკენ როგორ მიაჩოჩებდა აპოლონ აპოლონოვიჩი პანია კიბეს ხავერდით მოფენილ იატაკზე; ზემოთ აფორთხებული თითით როგორ სინჯავდა მტკერს ტომებზე.

მერე ტილო მოითხოვა.

ლაქიებმა სტეარინის სანთლები მოიმარჯვეს და კიბეს აქეთ-იქიდან ამოუდგნენ.

– ასწიეთ სინათლე...არა, ასე არა... არც ასე... ეჰ, უფრო ზემოთ, ზემოთ!

მტკერის ღრუბლიდან თავისფერი ხალათის კალთები და ჟოლოსფერი ფუნჯები ფართხუნობდა.

– თავს რატომ იწუხებთ...

ნამდვილი საიდუმლო მრჩეველი – აპოლონ აპოლონოვიჩი აბლესხოვი – მტკერის ღრუბლიდან – საკვირველი!.. ყველაფერი დავინყებოდა, ტილოთი წიგნის ძგიდეებს წმენდდა და აცემინებდა:

- მტკერი, მტკერი...
- უყურე, ერთი უყურე!..
- აბა... ტილოთი, აი, ასე!
- კარგია!

საგანგაშოდ რეკავდა ტელეფონი: დანესებულებიდან რეკავდნენ; ყვითელი სახლიდან უპასუხეს:

– დიახ, ყავას მიირთმევს... მოვასხენებთ... დიახ... ცხენები მზად გახლავთ...

კვლავ აჟღერიალდა ტელეფონი; მეორედ დარეკვისას უპასუხეს:

- დიახ, უკვე მოვასხენეთ... დიახ... ვეტიყვით... მესამედ კი უპასუხეს:
- წიგნებს არჩევს...
- აი, ამასაც გავწმენდ!..
- ოჰ, ოჰ, ოჰ!.. ერთი დამიხედეთ...

აჟღერიალდნენ ზარები, რაღაც გარდასულზე ალაპარაკდა სიჩუმეც.

მან თავი მოაბრუნა:

– გესმით?... ყური მიუგდეთ...

ეს შეიძლება ყოფილიყო: არამზადა ნიკოლაი აპოლონოვიჩი; ან გერმან გერმანოვიჩის მოეტანა საბუთები; მობრძანებულიყვნენ: კოტოში-კოტოშინსკი; გრაფი ნილდენი, ან – ან – ანა პეტროვნა... – როგორ არ გვესმის, თქვენო მაღალკეთილშობილებავ: გააღებენ ალბათ...

ზარის ჟღერიალს გაეპასუხნენ ლაქიები:

- გავბედავ შევნიშნო, რომ რეკავენ!..
- სანთლები ორივემ ზემოთ მიმართა; ზედ ჭერთან, მტკერის ფთილებიდან უცებ თავი გამოჩნდა.
- დიახ, დიახ...

– იცით...

– ზარი... რეკავს...

თითქოს რაღაც უჩვეულო შეიგრძნესო, შეხტნენ: იჩქარეთ, გაიქეცით – იჩქარეთ!..

– ეს ქალბატონია...

– ანა პეტროვნა!

თითქოს თავის ხროვააო, აპოლონ აპოლონოვიჩმა თვალეები აათამაშა; და კიბის ხარისხზე

ბანჯგვლიანმკერდმცერდნობით ნელ-ნელა იწყო ჩამოხობება; ჩამოძვრა და ხელში მტვრის ტილოთი მეორე სართულის კიბის მიმართულებით წაფრატუნდა, თან ქშინავდა და მაჯას ისინჯავდა.

კიბეზე უკვე ამოდიოდა ბაკენბარდიანი, ტანზე შემოტკეცილვიცმუნდირიანი, თეთრმან-ჟეტებიანი და მკერდვარსკვლავიანი ბატონი, რომელსაც სემიონიჩი მოაცილებდა.

აპოლონ აპოლონოვიჩმა ხალათის კალთები შემოიკეცა და ნიობეას ქანდაკის მხრიდან გახედა მოსულს.

და შვავილივიტი იძნაზი

პეტერბურგში თუ ყოფილხართ, მუხის ხისკარიანი და სარკისებრმინებიანი სადარბაზოც გეცოდინებათ.

ჰოდა, იმ მინებში გოგუთი აციაგდა.

გამვლელებს ეზმანებათ დაქანებული მხრები ოთხმოცი წლის მამაკაცისა, რომლისთვისაც ყველაფერი სიზმარია; მოხუცის მხრებზე სამკუთხა ქუდი ჩამოცურებულა; შვეიცარი ისევ ისე აელვარებს ვერცხლისფერ სირმებს და დამკრძალავი სააგენტოს მოხელეს ჩამოჰგავს.

გოგუთი მშვიდობიანად მისვენებია მხარს; ბირჟის მოხელის თავზე წლებსაც დასძინებიათ; და კარს თუ ჩაუვლი დილით, შუადღისას ან საღამოს, შეამჩნევ; სირმებს, გოგუთსა და სამკუთხას.

და შეჩერდები ამის ხილვისას. უკვე გავიდა ხუთი წელიწადი: მღელვარებენ მოვლენები; დაეცა პორტ-არტური; ყვითელ სიფათებიანი მოედვენ მთელ მხარეს; გამოახიზლეს თქმულებანი ჩინგიზ-ხანის მხედრებზე.

აქ კი წლებია, რაც სახილველი უცვლელია: მხარი, სამკუთხა ქუდი, სირმები, წვერი.

და თუკი შეირხევა თეთრფაფუკი წვერი, გადაქანდება გოგუთი და გაიბრწყინებენ სირმები, შესილილივით აბორიალდები პეტერბურგის პროსპექტებზე.

მოუსმინე, მიაყურადე – ურალის სტეპებიდან ბრავუნის ისმის.

ეს მხედრებია.

მრავალსვეტიანი შენობის სადარბაზოს თავზე გაყინულან საუკუნენი, გადმოხრილა კოლოსი.

ძველთუძველესი ქვის წვეროსანი!

მრავალი წელია ორნამენტული, ნაძერწი ხვეულებით დაჰლიმის ქუჩის ხმაურს, ზაფხულებს, ზამთრებსა და გაზაფხულებს!

და უდროობიდან, ვითარც დროის მიღმიდან, გადმოხრილა და მის წვერზე ყვავიც მოკალათებულა; სველ პროსპექტს ბრწყინვა მოსდებია; და უნდოდად განათებული ფილაქანი გამვლელთა მომწვანო სახეებს ირეკლავს.

ო, რა დღეა!

თითქოს აჭრიჭინ-აჩურჩულდნენ წვიმის წვეთები; ნისლოვანი ნაბადი წამოიფაფრა: მიმოდიოდნენ მწერლები და შვეიცარი კარს უღებდა მათ; ისინი საკიდზე ჰკიდებდნენ შლაპებს და

თეთრი მარმარილოს ვესტიბიულის გავლით წითელ კიბეზე არბოდნენ; გაუთბობელ დარბაზებში გაყინულ მაგიდებთან მიდიოდნენ; სანერი კვარაფერი ჰქონდათ; დირექტორის კაბინეტიდან ფურცლები არავის მოჰქონდა; იქ არავინ იყო.

აპოლონ აპოლონოვიჩს არ ჩაუვლია.

მოლოდინი მობეზრდათ; მიმოქროდა გაცეების ჩურჩული; არეულ-დარეულობა ელანდებოდათ; ჟღრიალებდა ტელეფონი:

– ნეტა გამოემგზავრა? .. შეუძლებელია?..

– მოახსენეს?.. მაგიდასთან ზის?..

ხავერდის კიბეზე ვიცე-დირექტორი ჩამობრძანდა თავისი მაღალი ცილინდრით.

ოცი წუთის შემდეგ კი ყვითელი სახლის საფეხურებს მიუყვებოდა; და სწორედ მან დაინახა ხალათის კალთაშემოტკეცილი უფროსი – აპოლონ აპოლონოვიჩ აბლეუხოვი – თუ როგორ იმზირებოდა ქანდაკის მიღმიდან:

– აპოლონ აპოლონოვიჩ, აი, სად ყოფილხართ? ჩვენ კი თქვენ... თქვენთან; გირეკავდით, გელოდით...

– ჰო-ჰო, მე... – ტუჩები ააცმაცუნა მან, – ჩემს ბიბლიოთეკას ვალაგებ, – აი, ასე შინაურულად ვარ გამოწყობილი.

და ხელით შელახულ ხალათზე მიუთითა.

– ოჰ, ოჰ, – თქვენ თვითონ შემუშუბულხართ!.. სენატორს მტვრის ტილო პარკეტზე დაუვარდა.

– მოგილოცავთ: საყოველთაო გაფიცვა...

– საიდან მოიტანეთ?.. მე, ჰო-ჰო... – და უკმაყოფილო მოხუცის სახე ნაოჭებად დაიღარა.

– მტვერი?

– მე მას ტილოთი მოვუვლი.

და ვიცე-დირექტორმა ქედი მოუხარა დაფეხვილ მოხუცს; და შეეცადა...

მაგრამ აპოლონ აპოლონოვიჩმა კვლავ შეანყვეტინა:

– იცით, მტვერი ავადმყოფობათა მიკროორგანიზმებს შეიცავს.

მერე ამპირის სავარძელში ჩამჯდარი ბებრუხანა შესტა და სახელურზე ხელდაყრდნობით ჩაყვინთა ქალაღებში:

– რა?

– მე თქვენ მოგახსენეთ...

– არა, მომიტევეთ... – და გამალებით ჩააჩერდა საბუთს.

– დაამზადეთ!.. ხომ არ შეიშალენ?

– აპოლონ აპოლონოვიჩ...

– როგორ იფიქრეს? ერთია ადმინისტრაციული უფლებები და მეორე – კანონიერი განაწესის უხეში დარღვევა.

– კი მაგრამ – აპოლონ აპოლონოვიჩ!

ყბააკანკალებულმა აპოლონ აპოლონოვიჩმა ხალათის ფიჩები გაინასკვა და ფანქარი ხელში შეათამაშა.

– მე პლევეს სკოლის წარმომადგენელი გახლავართ... და ვიცი, რასაც ვიქმ!

– ჰო-ო-ჰო... ჰო-ო...

და ლოყები ბუშტივით დაბერა...

სენატორ აბლეუხოვის წლობით ნაგები კარიერა იფერფლებოდა. დაწესებულების ვი-



ცე-დირექტორის წასვლის შემდეგ აპოლონ აპოლონოვიჩი ამპირის სავარძლებს შორის დაბორილებდა; მალე ის ოთახიდან გავიდა და ისევ დაბრუნდა: მძიმე წონის საქალაქდეს სადაფის პატარა მაგიდისკენ მოათრევდა.

ნოტაბენებიდან, კითხვის ნიშნებიდან, პარაგრაფებიდან, ტირილებიდან მიცვალებულის თავი წამომართულიყო.

— არა უშავს რა...

სიცილით გაღმეჭილი პირით ბუხრისკენ თავდახრილმა წარმოიდგინა, თუ როგორ მიფრინავდა წუნწახისკენ კარიერისტი, რომელმაც მას, აბლუხოს, გარიგება შესთავაზა.

— მე, ბატონებო, პლევეს სკოლის წარმომადგენელი გახლავართ!..

წვერწამახული ფანქარი კითხვის ნიშნების ვეება გუნდად დაეცა ქალაქს — მის უკანასკნელ საქმეს.

არ შერხეულა კარიატიდა — ქვის ძველთუძველესი წვეროსანი!

ათას რვაას თორმეტმა წელმა გაათავისუფლა ის ხარაჩოებისაგან; ოცდაოთხმა წელმა აღმაშფოთებელი დეკემბრის დღეებით გადიგრილა მის თავზე; გადაიბობოქრა ცხრაას ხუთის იანვრის დღეებმაც!

ო, ქვის წვეროსანი!

რაც უნახავს — ვერასდროს მოგვითხრობს.

უეცრად შეჩერდება მეეტლე და შეძახილით „ვაშა“ სამკუთხაქუდიანი გენერალი გადმობტება ეტილიდან.

წვეროსანმა მისი სახელიც მიჩქმალა.

წვეროსანი მასაც იცნობს და ახსოვს; მაგრამ მოყოლით ვერაფერს გვიყვება!

ახლა კი დროა! შვებას გვთხოვს გული, დღეს დღე მისდევს და ცხოვრება მიაქვს, მერე კი წავალთ, გავქრებით სრულად, განზე დაგვრჩება ეს რია-რია.

„ბირჟაზე“ ჩაძინებულმა გოგუთიანმა შვეიცარმა კი კარგად იცოდა, რომ დაწესებულებაში ჯერ კიდევ ახსოვთ ვიჩხესლავ კონსტანტინოვიჩი, ხოლო იმპერატორ ნიკოლაზის ნეტარი ხსოვნა აღარ დარჩენილა!

ბედნიერება არ არის ქვეყნად,

მხოლოდ სიმშვიდე და ნება სუფევს:

მსურს შევეფარო სავანეს შრომის,

გაკვეცე მონის მომქანცველ უღელს.

მელოტი თავს აღერებს, მკრთალი ბაგით უღიმის ფეთქებად ნათებას; ანთებულან ქვადქცეული ლურჯი თვალები მწვანე ჯურღმულეებში. ეს ცხოვრება — მხოლოდ ჯადოქრობაა:

— მე, ბატონებო, პლევეს სკოლის წარმომადგენელი გახლავართ... მე, ჩემო ბატონებო...

დაწესებულებაში გაცოცხლებული ჩურჩული მიმოქროდა; უცებ კარი გაიღო:

— აპოლონ აპოლონოვიჩი... გადადგა...

მაგიდის უფროსი ლეგონინი აცრემლდა; ვიცე-დირექტორის ოთახიდან დამაჯერებელი ხმა გაისმა; და ტელეფონის ზრიალიც; ვიცე-დირექტორს ყბა აუთრთოლდა; აპოლონ აპოლონოვიჩი დაწესებულების ხელმძღვანელი აღარ გახლდათ.

იმ ადგილს აგვირგვინებდა დიდებულმა ქალმა სახლე; ზემოთ კოშკით მონითალო-ვარდისფერი ქვის საოცარ ციხე-დარბაზს რომ მოგაგონებდათ! მაგრამ ეს უკვე იყო და ჯილოსანი აღარ არსებობდა.

ვარდისფერ-წითელი სასახლე თავისი ქონგურებით უფოთლო ტოტებიდან გამოჩრილიყო; ზეცისკენ მიმართული ეს უფოთლო ტოტები ნაწყვეტ-ნაწყვეტად ირხეოდნენ და გაქცეულ ღრუბლებს ეტანებოდნენ; ჩხავილ-ჩხავილით ცისკენ აიჭრა ყვავი; აფრინდა და თავზე მოექცა ღრუბლის ფთილებს; შემდეგ კვლავ თავქვე გამოქანდა.

ეტლმა სწორედ ეს ადგილი გადაკვეთა.

ცხენოსანი ქანდაკი მოედანზე გაურკვეველად გამოკრთა; პეტერბურგის სტუმრები ამ დიდებულ ქანდაკს დიდ ყურადღებას არ აქცევდნენ!

თვითმპყრობელმა თავის პაპის პაპას აღუმართა ეს ქანდაკი; ის ვარდისფერქვიან სასახლეში ცხოვრობდა; და არცთუ ისე დიდხანს.

ალბათ არაერთხელ გამოჩენილა ფანჯრის ამბრაზურაში ცხვირპაჭუა თეთრი თავი. ის ცხვირპაჭუა დალალებიანი თავი სარკმლებს მიღმა სივრცეს გაჰყურებდა ხოლმე; თვალები ან ზეცის ვარდისფერ გამკრთალებას, ან მთვარის ათინათების ხშირფოთლიან ხეებში მღელვარე ვერცხლისფერ თამაშს უმზერდნენ; სადარბაზოსთან სამკუთხაქუდიანი გუშაგი აღმართულიყო და ოქრომკედიანი, ანდრეევსკის ბაფთიანი გენერლის აკვარელით აჭრელებული ეტილის გავლისას იჯგიმებოდა; წითლად ელვარე მეეტლეც ღირსების შეგრძნებით იცქირებოდა კოფოდან; ხოლო უკანა სატერფულზე სქელტუჩიანი ზანგები გაყუჩებულიყვნენ.

და ყველაფერ ამას თვალს შეავლებდა რა პაველ პეტროვიჩი, კოსტაპარუნა ფრეილენასთან სენტიმენტალურ საუბარს უბრუნდებოდა; ფრეილენაც ილიმებოდა; და სახეზე ნაჩხვლეტები და ხალი აღებეჭდებოდა.

იმ ღამეს მთვარის შუქის ვერცხლი ძალუმად იღვრებოდა, იმპერატორის საძინებლის ავეჯს ედებოდა და ცბიერ ამურს ოქროსფრად აელვარებდა; ბალიშზე მწოლიარის პროფილი იკვეთებოდა; სადღაც კურანტები რეკდნენ; ნაბიჯთა ხმა ახლოვდებოდა... სამ წამსაც არ გაევილო — ლოგინი დასრესილი ჩანდა, ხოლო ზენრებს ჯერ კიდევ შერჩენოდა სითბო; მწოლიარე აღარ იყო; თეთრხუჭუჭა ოფიცრების ჯგუფმა თავი მოიშიშვლა და დაცარიელებული საწოლისკენ დახარა; გვერდით კარს აწვებოდნენ; ქალი მოსთქვამდა; ვარდისფერბაგისანი ოფიცრის ხელმა სარკმელზე ფარად წამოსწია; ჩამოფარებულ მაქმანთა მიღმა ვილაცის ლანდი გაკრთა ვერცხლისფერში.

სადღაც კურანტები რეკდნენ; იქ, შორს კი — ნაბიჯების ხმა ისმოდა.

ნიკოლაი აპოლონოვიჩი უაზროდ შესცქეროდა ამ პირქუშ ადგილს და ვერ ამჩნევდა, რომ პოდპორუჩიკის გაპარსული ფიზიონომია

წარამარა მისკენ ბრუნდებოდა; მზერა, რომლი-
თაც პოდპორუჩიკი ლიხუტინი თავის მსხვერპლს
ათვალყურებდა, ცნობისმოყვარეობად შეიძლე-
ბოდა მოგჩვენებოდათ; ხანდახან გვერდულადაც
უბიძგებდა ხოლმე.

ამ დროს ქარმა აბლესოვის მოსტაცა ფარფ-
ლებიანი იტალიური შლაპა, რომელიც ლიხუტი-
ნის მუხლებთან დაიჭირა; წამიერად პოდპორუ-
ჩიკის თითებს შეეხო; ამ უკანასკნელს თითები ში-
შისაგან ამაზრზენად შეუთრთოლდა: ლიხუტინი
იმ აუხსნელის შეხებას განიცდიდა, რომელსაც...
ადგილზე... ანადგურებენ...

და აბლესოვი ჩამოჭკნა.
– სერგეი სერგეევიჩ, გირჩევთ, საყელო წამო-
ინიოთ: თქვენ ხომ ყელი... ამ ამინდში კი იოლია...

– რა, რა ბრძანეთ?
– ანგინით დაავადება.
– თქვენ გამო, – უცებ წაიბურტყუნა ლიხუ-
ტინმა.
– ?

– ყელის შესახებ კი არ მოგახსენებთ... მე სამ-
სახური მივატოვე თქვენ გამო; როგორც თქვენ
გგონიათ ისე კი არა, თქვენ გამო მივატოვე.

– ნართაული ნათქვამია, – კინალამ არ შეჰ-
ყვირა ნიკოლაი აპოლონოვიჩმა და კვლავ მის
მზერას წააწყდა.

ამ მზერაში რაღაც სიბილწე იყო: მცოცავი
ასპიტი რისხვას როდი იწვევს – მას ადგილზე
ანადგურებენ იმით, რაც ხელში მოხვდება...

ასეც მოხდება – ...ნიკოლაი აპოლონოვიჩი
არცთუ სასუმაროდ შეშინდა; ადგილზე ცქმუ-
ტავდა და ათი აკანკალებული, გაყინული თითით
პოდპორუჩიკის სახელოს ჩაფრენოდა.

– ა?... რა მოხდა?... რა შეგიჯდათ?
აქ როკოკოს ხვეულებით შემკულმა კისელის-
ფერმა სახლმა გაიეღვა.

– სერგეი სერგეევიჩ... უნდა ვაღიარო... ვწუხ-
ვარ... სამწუხაროა ჩემი საქციელიც... სერგეი
სერგეევიჩიც... საზიზღრად... ვწუხვარ... ვიქცე-
ოდი, მაგრამ გამართლებაც მაქვს, მაქვს! ვილაც
ვიგინდარა ხომ არ ხართ, სერგეი სერგეევიჩ,
თქვენ შესძლებთ ჩემს გაგებას... ამ ღამეს არ
მძინებია... უძილობით ვიტანჯები... ექიმებმა
დამიდგინეს... – სიცრუეც იკისრა, – ტვინის გა-
დაღლა ფსევდოჰალუცინაციებით.

მაგრამ სერგეი სერგეევიჩს ხმა არ ამოუღია,
ალუშფოთებლად შესვდა; მცურავები რისხვას კი
არ იწვევენ... მათ... ადგილზე... სრესენ...

– ფსევდოჰალუცინაციები... – ვედრებით ალა-
პარაკდა შეშინებული, დაჩიავებული, მოუხეშავი
აბლესოვი და თვალი თვალში გაუყარა.

– მე... მე... მე...
– ჩამოდით: მოვედით...

პოდპორუჩიკი ლიხუტინი ეტლის წინ დამ-
დგარიყო და სენატორის ვაჟს ელოდა; ის კი
ზოზინობდა.

– სერგეი სერგეევიჩ, ჯოხი მეკავა... ნეტა,
გამივარდა?“ ნიკოლაი აპოლონოვიჩი დაუხამ-
ხამებლად კალისებრი თვალებით ნისლს გასც-
ქეროდა და ადგილიდან არ იძვროდა!

სერგეი სერგეევიჩი ბრაზით, მოუთმენლობის

ნიშნად, ქშინავდა; მერე აბლესოვის სახელოს
ჩაავლო ხელი; და მისი, როგორც ნივთებით სავსე
ტომრის, ეტლიდან ჩამოსმას შეეცადა.

ეტლიდან ჩამოსმული ნიკოლაი აპოლონოვი-
ჩიც, თავის მხრივ, ლიხუტინის ხელს ჩააფრინდა;
მაგრამ ხელსაც ხომ შეეძლო მიეღო უხამსი პოზა
და სხეულის მოძრაობა დაეთრგუნა; მაშინ აბლე-
სოვის გვარს თავი მოეჭრებოდა.

პოდპორუჩიკმა ლიხუტინმა (აი, ცოფიანიც
ამას ჰქვია!) თავისუფალი ხელი მისი მოსასხამის
საყელოს ჩაავლო.

– სერგეი სერგეევიჩ, მე წავალ, წავალ...
მაგრამ ინსტინქტურად სადარბაზოს წინა
საფეხურის კიდეს დააბიჯა ქუსლი, თუმცა წამ-
სვე გონს მოეგო.
სადარბაზოს კარი გაჯახუნდა.

უპუნათი

– მე... აი, აქ ვიდექი... აი, აქ... ჩემთვის ვიდე-
ქი, იცით...

– ასე, ნიკოლაი აპოლონოვიჩ? ასე, არა?..

– ჭეშმარიტად, ნერვული შეტევისას ასო-
ციაციურ წარმოდგენებს ვემორჩილებოდი... –
ასოციაციებს?

– ექიმმა მითხრა... ო, რას მექაჩებით: სიარუ-
ლი ჯერ კიდევ შემიძლია...

– თქვენ რაღას მეკიდებით ხელზე? ... ნუ მე-
ჭიდებით, თუ შეიძლება!

– ექიმმა მითხრა... ექიმმა მითხრა, რომ რაღაც
იშვიათი აშლილობაა: დომინო და სხვა მსგავს-
ნი... ტვინის აშლილობის ბრალიაო... – ზემოდან
ნიკვინებდა რაღაც.

უფრო ზემოთ კი დაგუდული ხმა გაისმა:

– გამარჯობა!

– ვინ არის აქ? – იკითხა ნიკოლაი აპოლონო-
ვიჩმა და შვებით ამოისუნთქა; იგრძნო, როგორ
შეეშვა მის სახელოს ჩაფრენილი ხელი.

– ვდგავარ ჩემთვის... ვრეკავ, ვრეკავ და კარს
არ მიღებენ... აი, ესეც: ნაცნობი ხმები...

როდესაც ასანთს გაჰკრა, მშვენიერ ქრიზან-
თემათა თაიგული გამოჩნდა; მათ მიღმა კი –
ვერგეფდენის ფიგურა.

– სერგეი სერგეევიჩ?

– გაიპარსეთ?..

– როგორ!.. სამოქალაქო ტანსაცმლით ბრძან-
დებით...

– ნიკოლაი აპოლონოვიჩიც აქ არის?... როგორ
ბრძანდებით?

– მართალი გითხრათ, გუშინდელი საღამოს
შემდეგ... კარგად ვერ იყავით?

ვერგეფდენი აჩქარდა.

– ხელს ხომ არ გიშლით?... მე მხოლოდ ერთი
ნუთით... არ მცალია...ყელამდე საქმე მაქვს...
მამათქვენი, აპოლონ აპოლონოვიჩი მელის... სა-
ყოველთაო გაფიცვაა მოსალოდნელი.

კარში მეტისმეტად გახამებული პეპელა გა-
მოჩნდა.

– მობრძანდით, ქალბატონი შინ არი...

– არა, მავრუშკა... ეს ყვავილები გადაეცით



ოზივატალი

ქალბატონს... ვალად მედო, – გაუღიმა სერგეი სერგეევინს და მხრები აიჩეჩა, როგორც ქალის ხსენებისას იჩეჩენ ხოლმე მხრებს მამაკაცები.

– სოფია პეტროვნას ვალი მაქვს რალაც სისულელისთვის...

მერე უცებ გონს მოეგო:

– მშვიდობით, მეგობარო, ნიკოლაი აპოლონოვიჩი, გადაღლილი და დაძაბული სახე გაქვთ...

და ქვემოთ ნაბიჯების რაკარუკი გაისმა; და მერე იქიდან ისევ ამოსძახა:

– სულ წიგნებთან ხომ არ უნდა იჯდეთ...

ნიკოლაი აპოლონოვიჩმა კინალამ დაიყვირა:

“გერმან გერმანოვიჩი, მეც თქვენთან... დროა, მეც წამოვიდე... ერთი გზა ხომ არა გვაქვს?”

მაგრამ ბაც; და კარი დაჯახუნდა.

ნიკოლაი აპოლონოვიჩმა თავისი თავი პატიმრად იგრძნო: და თან მავრუშკას თვალწინ... სახეზე შიში აღებუქდა; პოდპორუჩიკის ბაგეზე კი ჭეშმარიტად სატანისებურმა ღიმილმა გაიელვა; ოფლით დაცვარულმა უბიდან ცხვირსახოცი ამოიღო და სტუდენტს ხელით კედლისკენ უბიძგა.

ის კი გველხოკერასავით მოქნილი აღმოჩნდა და კარიდან გასხლტომას ლამობდა; გრძნობდა რა ბიძგს, თვითონაც უბიძგებდა, ხელიდან უძვრებოდა.

ნიკოლაი აპოლონოვიჩი მაინც შეჩურთეს კარში, მაგრამ ის ჯერ კიდევ ცდილობდა თავისი დამოუკიდებლობის უკანასკნელი ნამცეცები დაეცვა და შენიშნა:

– მე... ცოტა ხნით... გეახელით...

და სერგეი სერგეევინმა ყოველგვარი თავაზიანობის გარეშე ფართოფარფლებიანი ქუდი ფუძი-იამებით სავეს ოთახში შეაგდო; და აღარც დავამატებთ, რომ შლაპასა და ლაბადასთან ერთად მათი მფლობელიც შეფრინდა იქ.

ნიკოლაი აპოლონოვიჩი ისე გასრიალდა ფუძი-იამებიან ოთახში, ზოლებიან ხალიჩაზე ბათქაშის კვალიც კი არსად შეუმჩნევია (ის ალბათ ფეხით დაისრისა ზედ, თუმცა ხალიჩა უკვე გაენმინდათ).

აქ კარი უცებ გაიღო და ნიკოლაი აპოლონოვიჩმა თმათა ნაკადში ორი თვალი შენიშნა.

შეძახილიც გაისმა:

– ოი!

– ტრრრ, – ხალიჩაზე ქუსლებმა გაიჭრიალეს.

ნიკოლაი აპოლონოვიჩმა თავი შეაბრუნა, დაინახა სოფია პეტროვნა და შესძახა:

– დაგვტოვეთ, სოფია პეტროვნა: ასეთი რამ ხდება ხოლმე მამაკაცებს შორის, – ლაბადა ჩამოუცურდა და ტახტზე ორფრთიანი არსებასავით გაიშალა.

– ტრრ, – ხალიჩაზე ქუსლებმა გაიჭრიალეს.

სივრცეში ძლიერი რყევა შეიგრძნო, ფეხები ჰაერში გაასავსავა... თავიდან ფართოფარფლიანი ქუდი ჩამოუფრინდა და მსუბუქად დაეცა. თვითონ კი ასავსავებული ფეხებით ჰაერში რკალი მოხაზა და კაბინეტის კარს დაეტაკა; კარი გაიღო და ისიც გაურკვევლობაში გაუჩინარდა.

აპოლონ აპოლონოვიჩი წამოდგა, თავი ანება გვერდით დაწყობილ საქმეებს, კითხვითსა და ძახილის ნიშნებს; სადაფის მაგიდას დაჰკანკალებდა ფანქრიანი ხელი.

მიხვდა.

რომ ღერბიანი ხელი აღარ მიფრინდებოდა კარიატიდასთან; მის შესახვედრად აღარ შეირხეოდა ოთხმოცი წლის მოხუცის მხარი, სამკუთხა ქუდი და კვერთხი: პორტ-არტურს ვერ დააბრუნებ; აღსდგება მღელვარე ჩინეთი; და ჩინგიზ-ხანის მხედრობა.

აპოლონ აპოლონოვიჩმა ყური მიუგდო შორეულ ბრაგუნს; ბრაგუნს კი არა – სემოინიჩმა თუ გაიარა; ის შედის და გადის ხოლმე.

აპოლონ აპოლონოვიჩს არ უყვარდა ნევის პერსპექტივა – მომწვანო ნაყარივით მქროლავი ღრუბლები, ზღვის ნაპირთან მიახლოებისას შედედებულ კვამლად რომ იქცეოდნენ; იქ ნევის სიღრმე ფოლადივით ეხეთქებოდა გრანიტს; მომწვანო ნისლში მიჰქროდა შპიცი... აპოლონ აპოლონოვიჩმა შეშფოთებით მიმოიხედა: აი, კედლები – ოჯახური კერა; დასრულდა მისი მოღვაწეობა.

მერე რა?

კედლები კი არა, თოვლი! ცოტათი ცივი... მერე რა მოხდა? ოჯახური ყოფა – დაე, იყოს ოჯახური ყოფა; ნიკოლაი აპოლონოვიჩი, ასე ვთქვათ, საშინელებაა; და – ანა პეტროვნაც, სიბერის ჟამს რომ...

– მე-მე...

ტვინის თამაში!

ცნობიერების ზღვარს რომ სცილდებოდა; და აგონდებოდა: პანია ნიკოლაი აპოლონოვიჩი გამომცდეელი მზერით, ტვინარეული (სიმართლე უნდა ითქვას), მრავალფეროვანი გონებრივი ინტერესით.

გაახსენდა ქალიშვილიც (ოცდაათი წლის წინათ); თაყვანისმცემლებით გარშემორტყმული; და მისი მოტრფიალე შედარებით უფროსი კაცი – სახელმწიფო მრჩეველი.

და პირველი ღამე: მორჩილი ღიმილით დაფარული ზიზღი; იმ ღამით აპოლონ აპოლონოვიჩმა, სახელმწიფო მრჩეველმა, საზიზღარი, თუმც ფორმალურად გამართლებული აქტი განახორციელა – ქალიშვილი გააუპატიურა; ეს ძალადობა წლების განმავლობაში გრძელდებოდა. ავხორცობასა და მორჩილების ღიმილთა შორის ჩაისახა ნიკოლაი აპოლონოვიჩი; და განა გასაკვირია, რომ ის სიძულვილის, შიშისა და ავხორცობის ერთობლიობად იქცა? საჭირო გახდა მათ მიერ წარმოშობილი საშინელების აღზრდა – საშინელების გაადამიანება.

მათ კი გააღვივეს...

ბოლომდე გააღვივეს რა საშინელება, აქეთ-იქით დაიფანტნენ; აპოლონ აპოლონოვიჩი დეპარტამენტს ხელმძღვანელობდა; ანა პეტროვნა მონტალინისთან (მსახიობთან) სქესობრივ მოთხოვნილებას იკმაყოფილებდა; ნიკოლაი აპოლონოვიჩი კი – ფილოსოფიას, კრებებსა და

ულვაშიანებს მიეკედლა. მათი კერა სისაძაგლის მორევად იქცა.

სწორედ ამ სისაძაგლეს უბრუნდებოდა ახლა; მაგრამ ანა პეტროვნას ნაცვლად ის მხოლოდ დაკეტილ კარს შეეჯახა; კარს, რომელსაც ქალის აპარტამენტებისკენ მიჰყავდა; გასაღები კი მას ჰქონდა (სახლის იმ მხარეს მხოლოდ ორჯერ გავლო და იქ სურდოც აიკიდა).

ვაჟის ნაცვლად კი მხოლოდ მოხამხამე თვალს ხედავდა, გასხლტომას რომ ლამობდა; არ ვიცი, ქურდულად, თუ არ ვიცი, შიშისგან; ეს საშინელება უთუოდ დაიმალება.

და ასე შემდეგ, და ასე შემდეგ...

სახელმწიფო სამსახურის მიტოვების შემდეგ სადარბაზო ოთახები დაიგმანება, დარჩება მხოლოდ დერეფანი, პანია ოთახები მისთვის და მისი ვაჟისთვის; და ცხოვრება დერეფნით შემოსაზღვრება და იფრატუნებს და იფრატუნებს; და იქნება: გაზეთების კითხვა, ორგანულ ფუნქციათა მიმოქცევა, საჭიროების ადგილი და კარი, რომელიც შვილის ოთახებისკენ მიემართება.

ჭუჭრუტანიდან შეჭყეტა და განზე გახტომა; ანდა უკეთეს შემთხვევაში, სადგისით ნახვრეტის გაბურღვა; ვაჟის კედლის მიღმა ცხოვრება საათის მექანიზმის სიზუსტით გადაიშლება მის თვალწინ; იმ საობსერვაციო პუნქტიდან ახალ ინტერესებს შეეგებება:

– მამილო!

– დილა მშვიდობისა, კოლენკა!

და თავიანთ ოთახებში წავლენ.

და მერე: გასაღებით გადაკეტავს კარს, ნახვრეტს მიაცივდება, რათა დაინახოს და აღმოჩენილი საიდუმლოსგან იკანკალოს; ყური მიუგდოს, თუ როგორ გულახდილობენ ერთმანეთთან ნიკოლაი

აპოლონოვიჩი და ის უცნობი; ღამით კი საბანგადახდილი წამოსწევს გაოფლილ თავს, რათა იმსჯელოს გაგონილზე და გულის ფრიალით შელონებულმა აქეთ-იქით ირბინოს... ფეხსაცმელების ფრატუნით საჭიროების ადგილისაკენ.

ობივატელის ცხოვრება!

მოძალებულმა სწრაფვამ ვაჟის ოთახისკენ წაიყვანა; კარმა გაიჭრიალა; და აი, მისაღები ოთახიც; პარმალზე შედგა; ჩია და მოხუცი; ხალათის ფოლოსფერ ფუნჯებს აწვალბდა და იქაურ არეულ-დარეულობას უმზერდა; უმზერდა მწვანე თუთიყუშებიან გალიას, ბრინჯაოსა და სპილოს ძვლისაგან დამზადებულ არაბულ ტაბურეტს; ხედავდა სრულ უაზრობას: ტაბურეტიდან კომპლექსიანი ლეოპარდის თავისკენ გადმოდინებულ დომინოს, თითქოს ამ დაღმეჭილი დრუნჩიდან რომ იღვრებოდა; ის კი იდგა, ტუჩებს აცმაცუნებდა და შევერცხლილ ნიკაპს იფხანდა; შემდეგ ზიზლით გადააპურჭყა (დომინოს შესახებ კარგად გახლდათ გათვითცნობიერებული); მასხარის უთავო დომინო უხელებო სახელოებითა და ატლასის კალთებით განრთხმულიყო; ჟანგიან სუდანურ ისარზე კი ნილაბი კონწიალებდა.

აპოლონ აპოლონოვიჩს მოეჩვენა, რომ ჰაერი შესუთულიყო; ატმოსფეროში ჰაერის ნაცვლად ტყვია დაღვრილიყო; თითქოს აქ საშინელი,

აუტანელი აზრები მოიაზრებოდა... არასასიამოვნო ოთახია!.. და მძიმე ატმოსფერო!

აი, ტანჯვით გაღიმებული ბაგები, აი – ლილილოსფერი თვალები, აი – სინათლეჩამდგარი თმა: ტანწვრილი, მუნდირში გამოწყობილი, წვერგაპარსული (იქნებ სუნამოშესხურებულიც) და შინიანი ნიკოლაი აპოლონოვიჩი, ხელში თათმანი რომ ჩაებღუჯა, ჩარჩოში მარტვილობდა; აპოლონ აპოლონოვიჩი ყურადღებით დააკვირდა პორტრეტს, გასულ გაზაფხულზე რომ დაეხატათ და მეზობელ ოთახში გავიდა.

კარგამოღებულმა სანერმა მაგიდამ აპოლონ აპოლონოვიჩის ყურადღება მიიპყრო; უჯრაც გამოწეული იყო; და ინსტინქტური ცნობისმოყვარეობა დაეუფლა; მიიბრინა მაგიდასთან და ზემოდან შერჩენილ პორტრეტს დაავლო ხელი, ღრმად ჩაფიქრებულმა შეატრიალ-შემოატრიალა (დაბნეულობამ უჯრის შიგთავსის აღქმაში ხელი შეუშალა); პორტრეტზე ვილაც შავგვრემანი ქალი იყო გამოსახული...

დაიბნა ერთი უცნობი მატერიის დანახვისას, რომელიც აზრობრივ ნიაღში განივრცო და, რომელსაც სენატორი მიჰყვამ; მერე უნებურად დახარა თვალები და შენიშნა, რომ მისი ხელი უკვე პორტრეტს კი არა, რაღაც მძიმე საგანს ატრიალებდა; ხოლო მისი აზრი იმ სახელმწიფო მოღვაწის ტიპს მოიაზრებდა, უბრალო ხალხი კარიერისტებს რომ უწოდებს.

სენატორმა საკუთარი ხელით გამოიღო ეს საგანი; უნებურად წაეტანა საკაბინეტო პორტრეტსაც, ხოლო როცა გამოერკვა, მრავალწახნაგანი ვით უკვე ხელთ ეპყრა: იქ რაღაცამ გაინკარუნა; ამ დროს ყველაზე ნაკლებ იმაზე ფიქრობდა სენატორი, თუ როგორ მივირთმევთ ხშირად ნაღებიან ყავას უფსკრულის პირას მდგარნი; უდიდესი ყურადღებით დაჰყურებდა მრავალწახნაგანი ვითს და ისმენდა საათის, უფრო სწორად, საათის მექანიზმის ნიკნიკს! სასარდინეში კი?..

ნივთი არ მოეწონა...

და დეტალური განჩხრეკისათვის სასტუმრო ოთახში გაიტანა; დახარა თავი, თავის კონტლს რომ წააგავდა; და ისევ იმ ტიპის მოღვაწეებზე ფიქრობდა; ასეთი ტიპის ადამიანები თავს ყოველთვის იმ ფრაზებით იცავენ, როგორიცაა:

„როგორც ცნობილია“. როცა არაფერი არ არის ცნობილი, ანდა: „მეცნიერება გვასწავლის“, როცა მეცნიერება არაფერს არ ასწავლის.

აპოლონ აპოლონოვიჩი სასტუმრო ოთახში იქითკენ გაიქცა, სადაც ლომის თათებზე გრძელკანჭება ბრინჯაო წამომართულიყო; მძიმე ნივთი ჩინურ ლანგარზე მოათავსა, დახარა მელოტი თავი, რომლის ზემოთაც იასამინისფრად და მსუბუქად მოხატული ლამპის აბაჟური ფართოვდებოდა.

მინა დროს ჩაემუქებინა და მსუბუქ მოხატულობასაც ჟამი ამუქებდა.

აპოლონ ვერ ახსნა

ლიხუტინის კაბინეტში შევარდნილი ნიკოლაი აპოლონოვიჩი გაქანებული დაასკდა ქუს-

ლებით იატაკს; ნჯღრევა კეფას გადაეცა და უნებურად მუხლებზე დაემხო.

დაემხო და... –

– წამოხტა ქოშინითა და კოჭლობით; შეშინებული მუხის იმ სავარძელს მიეჭრა, რომელიც ხახადაღებულ ტომარას უფრო წააგავდა; ათროლოებული ხელებით ინსტინქტურად სავარძელს ჩაეჭიდა, რათა თავდასხმის შემთხვევაში, მის გარშემო ერბინა – აქედან იქით გადაფრენილიყო ასევე აქეთ-იქით მარბენალი დაუნდობელი მონინაალმდეგისაგან.

ანდა სავარძელი გადაებრუნებინა და ფანჯრისკენ გავარდნილიყო (მ... მასთან პირისპირ დარჩენას სჯობდა ქუჩის ფილაქანს დასკდომოდა)...

ამიტომ გაფრინდა სავარძლისკენ.

მაგრამ სანამ იქამდე მიაღწევდა, ცეცხლოვან-მა სუნთქვამ კისერი დაუდღულრა: შურისმაძიებლის დაძარღვული, აელვარებული სახისა და იმ ხუთთითა ხელის დანახვალა მოასწრო, მას რომ უნდა შეხებოდა. ეს ხუთთითა ხელი მის მხარს დასწვდებოდა, სავარძელს დროზე რომ არ გადავლებოდა თავს.

და თათი სავარძელს დაეცა.

სავარძელმა ჯახანი გაიღო; რალაც განუმეორებელი, არაადამიანური ხმა გახმინდა:

– იმიტომ, რომ... მე... ჩავერიე... გესმით კი?... ამ საქმეში საქმეში... გესმით?... მე რა... მესაქმება... თუცა როგორ არ არის ჩემი საქმე... თქვენ გესმით?..

და მოკრუნჩხულ სხეულზე, რომელსაც სილის განვნის მოლოდინში სახეზე ხელები აეფარებინა, პოდპორუჩიკი აღმართულიყო; გაღმეჭილ-პირიანი სხეული იკუზებოდა, თავს ხრიდა და ლოყას ხელებით იფარავდა:

– მე მესმის, მესმის... სერგეი სერგეევიჩი, წყნარად, გახვენებით; მშვიდად – გემუდარებით...

უკვე თვალზე ხელის აფარებას, ყურების დაცობას აპირებდა, რომ არც ეს სახე დაენახა და არც ეს მამლისებრი ამოძახილი გაეგონა:

– საქმე... სადაც ყოველი წესიერი კაცი... ჰო, რა ვთქვი? წესიერი-მეთქი.

მუშტი აბლუუხოვის თავს ზემოთ კედელს მოხვდა.

ნიკოლაი აპოლონოვიჩი მხოლოდ ორ ფეხს ხედავდა (გაფარჩხულ ფეხებს; ის ხომ მუხლებზე იდგა); მერე აზრმა გაუელვა და შედეგების გაუთვლისწინებლად ფეხებს შორის გაუძვრა თავდამსხმელს; წამოხტა და უაზროდ გავარდა კარისკენ; მაგრამ... ხუთთითა თათმა, მისდა სამარცხვინოდ, სერთუკის კალთას ჩაავლო: ძვირფასმა ქსოვილმა გაიპრინინა.

ჩამოხეული კალთის ნაჭერი სადღაც გვერდით გაფრინდა:

– მოიცადეთ... მოიცადეთ... მე... არ მოგკლავთ...

ნიკოლაი აპოლონოვიჩი გვერდით მოისროლა; ის კი კუთხეს დაეჯახა; და ამ სისაძაგლისაგან თითქმის ტიროდა; ჩვეულებრივ, მუქი ლილილოსფერი თვალელები ძლიერი შიშისაგან ჩაშავებოდა;

მიხვდა, რომ მას ლიხუტინი – შურისძიების სიგით სუნთქვა შეკრული მტერი – კი არ ანგალებდა, არამედ... ბორგენეული შეშლილი კუნთების კოლოსალურ ძალას რომ ფლობდა.

ბორგენეული შეშლილი შებრუნდა, მშვიდად მივიდა კართან; რაზამ გაიჩხაკუნა; კარს მიღმა რალაც ხმები – ტირილი, ფეხსაცმელების ფლატუნი – გაისმა; და ყველაფერი მიწყნარდა.

ქალი ჭუჭრუტანას მიეპარა და დაინახა: ორი წყვილი ფეხი დამპანტალონის კიდეები; ფეხებმა კუთხისკენ გაიბრაგუნეს და აღარსაით ჩანდნენ; ქშენით აღმოხდა ხრიალი და აბუყბუყდა ყელი; და გაისმა დაკეტილი კარის მეტალის ჩქამი.

სოფია პეტროვნა ატირდა, კარს მოსცილდა; დაინახა მტირალი მავრუშკა:

– ეს რა ხდება, ჩემო ქალბატონო?..

– ჰო, რა ხდება ეს?.. რას სჩადიან, მავრუშკა? ნახევრად შეშლილი დიაგონალზე ბოლთას სცემდა, კედელს აკრული ნიკოლაი აპოლონოვიჩი კი კუთხიდან ზვერავდა მის მოძრაობას.

ნახევრად შეშლილი აღარ ანუხებდა, იდაყვებით მუხლებს დაყრდნობოდა და ოხრავდა; ფიქრებში ჩაფლულიყო.

უცებ აღმოხდა:

– ღმერთო ჩემო!

ამოიკვნესა:

– მიხსენ და მომიტევე!

ნიკოლაი აპოლონოვიჩმა სიმშვიდით ისარგებლა.

სიგიჟის პაროქსიზმამ გადაიარა; ახლა თანდათან ნელდებოდა; და ნიკოლაი აპოლონოვიჩი მეტად სასაცილო მუნდირიანი სხეულით – ჩამოხეული კალთით, კალოშებითა და მოუშორებელი კაშნეთი – კოჭლობით გახანხალდა კუთხიდან.

მაგიდასთან შედგა, გულისცემას მიუგდო ყური და ფრთხილი მოძრაობით პრესპაპიეს დაავლო ხელი.

მაგრამ გაისმა მოღალატური ჩქამი; ქალადები მიმოიბნა; მინავლული პაროქსიზმა კვლავ აფეთქდა; თავი მობრუნდა და დაინახა, პრესპაპიეთი უკან გადახტა.

სერგეი სერგეევიჩმა კი კვლავინდებურად განაგრძო:

– ოღონდ ნუ შეშინდებით... რას კანკალებთ?... მგონი, გაშინებთ? მე... მე... მე... კალთა შემოგახიეთ, მაგრამ... ეს უნებურად მოხდა.

– გჯერათ, რომ დომინოს ამბის ახსნა მხოლოდ ნერვული დაძაბულობით შეიძლება; და ეს ლალატი სულაც არ გახლავთ: ჩემი ნებით როდი ვიდექი სადარბაზოში...

– კალთის გამო მაპატიეთ, – კვლავ შეაწყვეტინა პოდპორუჩიკმა, – კალთას მიგიკერებენ; მე თვითონაც შემძლია; ნემსიც მაქვს და ძაფიც...

– სერგეი სერგეევიჩი, ეს ხომ... სისულელეა...

– დიახ, დიახ – სისულელე...

– სისულელეა – ეს რალაც სადარბაზოში დგომა...

– რა შუაშია სადარბაზოში დგომა! – წყენით აიქნია ხელი პოდპორუჩიკმა და კვლავ ბოლთის ცემას მოჰყვა.

– აბა, სოფია პეტროვნა?

– აბა, სხვა რა?
– საქმე ისაა, რომ, – და პოდპორუჩიკმა თავისი ჩასისხლიანებული თვალები ახლოს მიუტანა... – საქმე ისაა, როგორც ხედავთ, თქვენ ჩაკეტილი მყავხართ...

– გაგიჟდა: ყველაფერი დაავინყდა; მისი ტვინი მხოლოდ ასოციაციებს ემორჩილება და ისევე აპირებს... – მაგრამ სერგეი სერგეევიჩმა სწრაფად დაამატა:

– თქვენ აქ უსაფრთხოდ ხართ... აი, თქვენი კალთის ნახევია...

– დამცინის, – გაიფიქრა ნიკოლაი აპოლონოვიჩმა.

– თქვენ აქედან ვერ გახვალთ, გესმით... მე კი აქედან გავალ თქვენ მიერ ხელმოწერილი ჩემი ნაკარნახევი წერილით... მივალ თქვენთან, თქვენს ოთახში... ყველაფერს გადავებრუნებ; და თუ ჩემი ძიება უნაყოფოდ დასრულდება, მამათქვენს გავაფრთხილებ... მიტომ, რომ... – შუბლი მოისრისა, – ძალა მამათქვენში კი არა, თქვენშია; დიახ, დიახ, მხოლოდ და მხოლოდ თქვენში.

გახევებული თითი მკერდს მიაყრდნო და ასე – ცალწარბანეული შედგა.

– ეს არასოდეს არ მოხდება!

ანთლებულ სიფათზე წერვი აუთამაშდა:

– ?

– !

– ?!

გადარეული!

უცნაური ის გახლდათ, რომ ნიკოლაი აპოლონოვიჩმა ამ ბოღვას ყური მიუგდო; მასში რალაც შეიძრა, – ბოღვას კია? მისი საუბარი უფრო ნაწყვეტ-ნაწყვეტ, მაგრამ ნართაულად ნათქვამს ნააგავს – მაინც რისი თქმა უნდა?

– სერგეი სერგეევიჩ, რაზე მელაპარაკებით? – როგორ თუ რაზე?.. ბომბზე...

აქ მას პრესპაპიე ხელიდან გაუვარდა: საშინელება ზღვარს გასცდა: პენტალიონთა სიმძიმე გაზეზად იქცა.

სიმძიმეს ცეცხლი მოედო; რიყის ქვებით დატენილი სხეულიც გაზეზად იქცა და ყველა პორიდან იფეთქა, კვლავ იხვეოდა მოვლენათა სპირალი, ოღონდ სანინალმდეგო მიმართულებით; სხეულიც სპირალეზად ჩაეხვია; შეგრძნებები ნულს გაუტოლდა; გამოიკვეთნენ, აზრი შეისხეს ზედაპირულმა კონტურებმა, ახალგაზრდა კაცში სამოცი წლის მოსუცს რომ ამჟღავნებდნენ.

– სერგეი სერგეევიჩ, მიკვირს თქვენი... როგორ ირწმუნეთ, რომ მე... რომ მე... ამ საძაგლობაზე დავთანხმდებოდი... თაღლითი როდი ვარ... მე, სერგეი სერგეევიჩ, არც ასე უიმედო გაიძვერა გახლავართ...

და ნიკოლაი აპოლონოვიჩმა აზრი ველარ დაასრულა,

ჩრდილოვანი კუთხიდან, ერთი შეხედვით, აღნაგი, მაგრამ სინამდვილეში, მხრებში მოხრილი სხეული იკვეთებოდა – ტანჯულად გაღმეჭილი პირითა და ღიღილოსფერი თვალებით, ხოლო თეთრი სელისფერი თმა მის ბრწყინვალე, მაღალ შუბლს შარავანდედად ადგა; ის ზემოთ აღმართული ხელისგულებით, შეურაცხყოფილი,

სასონარკვეთილი, მენამული შპალერის ფონზე წამომართულიყო.

პოდპორუჩიკმა ლიხუტინმა მთელი თავისი ჯანსაღი (ეგონა, რომ ჯანმრთელი იყო) ძალმოსილებითა და კეთილშობილებით მხოლოდ უსაშველო წყვდიადი შეიგრძნო და შესამჩნევად დაიხია უკან:

– მე თქვენი მჯერა, – დაბნეულად აასავსავა ხელები.

– იცით, – უხერხულად იგრძნო თავი, – არ მეეჭვებოდა... მართალი გითხრათ, ცოლმა გამანდო... წერილი მას მიუგდეს. მან კი შეცდომით გახსნა და წაიკითხა, – იცრუა და განითლდა, თვალი გაუშტერდა.

– რაკი წერილი გახსნა, – სიტყვას ბოროტად გამოედევნა სენატორის ვაჟი, – მაშინ... – მხრები აიჩინა, – სოფია პეტროვნას ქმრისთვის უნდა გაენდო კიდეც მისი შინაარსი, – გამოცრა მან და თავდასხმა განაგრძო.

– მე... მე... ზედმეტად ავფორიაქდი, – თავს იცავდა ლიხუტინი: მზერა კვლავ ავბედით მოხეულ კალთაზე გადაიტანა და მას გამოედევნა.

– ნუ ილეღვებთ, კალთას მე მიგვიკერებთ...

მაგრამ ნიკოლაი აპოლონოვიჩი ხელისგულს ჰაერში საყვედურით ასავსავებდა:

– არ იცოდით, რას სჩადიოდით.

და მის მუქ ლურჯ თვალებში მშვენიერი სევდა აისახა:

– დამასმინეთ: არ მენდეთ!..

და შებრუნდა... ნიკოლაი აპოლონოვიჩი გულამოსკვნით ტიროდა; უხეში შიშისგან გათავისუფლებული, უშიშრად გადაიქცა; ტანჯვა მოსურვებოდა; გრძნობები კი ისე დაფლეთოდა, როგორც მისი „მე“; დაფლეთილი „მესგან“ ის ბრწყინვალე ნათლის ფრქვევას მოელოდა; მოელოდა, რომ იქიდან მშობლიური ხმა გამოსახებდა, რომ როგორც ყოველთვის, მასში მისივე „მე“ მის გასაგონადვე დაიძახებდა:

– შენ ჩემ მაგიერ იტანჯებოდი: მე კი შენ გძლიე.

მაგრამ ხმა არსად იყო. არც ნათელი ჩანდა, იყო მხოლოდ წყვდიადი. რატომ არ ისმოდა შემთანხმებლური კილო: „შენ ჩემ მაგიერ იტანჯებოდი?“ იმიტომ, რომ ის არავის მაგიერ არ იტანჯებოდა, მას საკუთარი სტანჯავდა მხოლოდ...

ასე ვთქვათ, ის საზარელი მოვლენების სახით თავისსავე დათესილს იმკიდა. ამიტომაც არ ისმოდა მისი ხმა. ხოლო უწინდელი „მეს“ ნაცვლად წყვდიადი გამეფებულიყო.

მან მოსაუბრეს ზურგი აქცია და ატირდა.

– გეყოთ, – გაისმა ზურგს უკან წყნარად და თავშეკავებით, – შევცდი, ვერ გავიგე...

– თქვენ ისარგებლეთ თქვენი უპირატესობით და ქალის თანდასწრებით მიმართევდით, როგორც...

ხელგამონვდილმა სერგეი სერგეევიჩმა გადაჭრა კაბინეტი; მაგრამ ნიკოლაი აპოლონოვიჩმა, მისი გაცოფებით დათრგუნულმა და თავმოყვარეობაშელახულმა, რამაც გვიან იჩინა თავი, ნაწყვეტ-ნაწყვეტ გამოსცრა:

– როგორც... როგორც... ტიკინას...

და მას ახლა ხელი რომ გაეწოდებინა სერგეი სერგევიჩისთვის, ის თავს ბედნიერად იგრძნობდა; სახეზე სრული ნეტარება დაეფინებოდა; მაგრამ კეთილშობილ სწრაფვასაც, ისევე როგორც სიგიჟეს, მალე მოეკუპრა პირი.

– სერგეი სერგევიჩი, თქვენ გინდოდათ დარწმუნებულიყავით?... რომ მე მამის მკვლეელი არა ვარ?... არა, სერგეი სერგევიჩი, არა! თქვენ კი, როგორც ტიკინას, ისე მომექვით, კალთაც შემომამხიეთ.

– კალთის მიკერება შეიძლება!

და სანამ აბლესხოვი გონს მოგებოდა, სერგეი სერგევიჩი კარს მივარდა:

– მავრუშკა! შავი ძაფი! ნემსი!

კარის გაღებისას კინალამ არ დაეჯახა სოფია პეტროვნას, რომელიც კარს მიყურადებოდა.

– ა?... სონეჩკა!..

– სოფია პეტროვნა!..

– შემოდი... აი, ნიკოლაი აპოლონოვიჩს... იცი, კალთა ჩამოეხა... უნდა...

– ნუ შენ უხდებით, სერგეი სერგევიჩი, სოფია პეტროვნა...

და სულელური მდგომარეობისაგან პირგალმეჭილი ნიკოლაი აპოლონოვიჩი წამწამებს სახელოთი იმშრალებდა; მერე კი კოჭლობ-კოჭლობით ფუძი-იამებით სავსე ოთახში აღმოჩნდა... ჩამოჩაჩული სერთუკითა და ჩამოკონწიალებული კალთის ნახევით... თავი ასწია და დაღადრული ჭერის დანახვისას გაღმეჭილი პირი ლიხუტინისკენ მიმართა...

– ნიკოლაი აპოლონოვიჩი, ეს... ჭერს ვაკეთებდი და...

ნიკოლაი აპოლონოვიჩი კი მდუმარედ, კოჭლობით ჰკვეთდა დარბაზს; და მხრებიდან ჩამოცურებულ ფანტასტურ ლაბადას მიაფრილლებდა...

მცირე პასიანსი

ეტაჟერიდან სარკისებრი კრიალი გაჰქონდა პანია სამოვარს; ხოლო მაგიდაზე მდულარი – არცკი გაეწმინდათ; ახალს სტუმრების მოსვლისას დგამდნენ; უსტუმრებოდ კი დაჭეჭყილი სიმახინჯე შემოჰქონდათ; იქვე თეთრი პურის ნასმურტლები ეყარა; სუფრა ლაქებით მოფენილიყო; ბოლომდე შეუსმელი ამჟავებული (ლიმონისაგან) ჩაის ჭიქის ქვეშ სისველის ლაქა მოჩანდა; იდგა ნასმურვეით სავსე თევში.

სადღა იყო მშვენიერი თბა? მხოლოდ წნულილა უჩანდა.

ზოია ზახაროვნა სტუმრებთან, რა თქმა უნდა, პარიკს ატარებდა; როგორც ჩანს, მოურიდებლად ცილებოდა (ჩვენ გვახსოვს მშვენიერთმიანი, შავგვრემანი ქალი ემალივით გლუვი კანით; ახლა კი ჩვენ წინაშე მხოლოდ შეოფლილცხვირიანი მოხუცი იდგა); მას ჭუჭყიანი (როგორც ჩანს, საღამური) კოფთა ეცვა.

ლიპპანჩენკოს მაგიდაზე მდგარი ჭუჭყიანი სამოვრისთვის ოთხკუთხა ზურგი შეექცია და ასე, ოდნავ მოხრილიყო დამჯდარიყო. ვახშმის

შემდეგ მის წინ განწყობილი მცირე პასიანსი გვაფიქრებინებდა, რომ ეს ჩვეული გასართობი, გახლდათ მისთვის; ის შეანუხეს, ბანქოს მოსწევიტეს; ისეთი საუბარი გაუბეს, რომ პასიანსიცა და სხვა დანარჩენიც დაავინყეს.

ამგვარი საუბრის შემდეგ ლიპპანჩენკომ ზურგი აქცია ლაქლაქს.

პიჯაკი გაეხადა; შეეხსნა ქამარი, ლიპს რომ ებჯინებოდა, რის გამოც ყილეტსა და ჩაჩაჩულ შარვალს შორის მოღალატურად ენასავით გამოჩრილიყო პერანგის კალთა.

ლიპპანჩენკო დაფიქრებით მისჩერებოდა, თუ როგორი შარიშურით მოცოცავდა ტარაკანი – უზარმაზარი შავი ლაქა; ისინი აქ მრავლად იყვნენ.

– მერე?... რა მოხდა?... რატომ მოხდა?

– რა?

– ნუთუ ერთგულ ცოლს, ორმოცი წლის ქალს, ისეთისას, მე რომ ვარ...

იდაყვი გამოხეოდა და იქიდან მომჩვარული კანი მოუჩანდა, მასზე კი – ალბათ, რწყილის ნაკბენი.

– რას ბუტბუტებ, გეთაყვა: გარკვევით მითხარი...

– ნუთუ არ მაქვს უფლება, გკითხოთ?

ლიპპანჩენკო სავარძელზე შემოტრიალდა.

როგორც ჩანს, ამ სიტყვებმა გაჰკენწლა; ნუთიერად მის სახეზე დამთრგუნველი სინდისის ქენჯნა აისახა და პანია თვალები აახამხამა; როგორც ჩანს, გულის ნადების ამოთქმა სურდა; და თქმისა კი ეშინოდა: მდორედ აზროვნებდა.

მაგრამ მართლის თქმის სურვილი უცებ მოეკვეცა.

– ჰმ: დიას, დიას... ექვსიანს ხუთიანი... დამა სადღა?... აი, ქალიც... ვალეტიც აქვეა...

უცებ მან ზოია ზახაროვნას გამომცდელი მზერა ესროლა, და ოქროსფერი ღინღლით დაფარული მოკლე თითებით ბანქოს ქალაღდის ერთი წყება მეორეს დაადო.

– აი, ესეც ჩახლართული პასიანსი...

– რაღა აქ გასაბრაზებელი?

და ქალმა ქუსლების ფლარტუნით იწყო ოთახში სიარული (ტარაკანის უღვაში ხვრელში შეიმაღა).

და კორსეტიტ შეუზღუდავი გადრექილი მუცელი სიარულისას ჩამოფოფხილი ლაბაბივით ქანაობდა:

– უმჯობესია, ის მკითხოთ, რატომ გეკითხებით?... იმიტომ, რომ ყველა მეკითხება... მხრებს იჩეჩენ... ჰოდა, მეც ვფიქრობ, – და მუცლითა და მკერდით მისი სავარძლის საზურგეს დაწყდა. – უმჯობესია, ვიცოდე...

მაგრამ ტუჩებმოკვნიტილი ლიპპანჩენკო ბანქოს ქალაღდის მწკრივს მწკრივზე აწყობდა.

მას კარგად ახსოვდა, რომ მალე ხვალინდელი დღე დადგებოდა და თუ ის თავს დამტყდარი დოკუმენტების დამთრგუნველ ტვირთს ვერ ჩამოიცილებდა, შამათი და ქიში ელოდა:

– ჰმ!.. თავისუფალი ადგილი... თავისუფალ

ადგილას მეფე გადავსვათ...

– მიპასუხეთ, გეკითხებით და...

– აბა, თქვენ რას ფიქრობდით?..
 ლიპპანჩენკო ბანქოს ქალაღი დაყარა.
 – არ გამოდის: წყვილები წაენყო...
 ლიპპანჩენკოს საწოლ ითახში რალაცამ გაინ-
 კრიალა, თითქოს სარკმელი გამოაღესო: ნეტავ,
 ვინ უნდა იყოს?
 ალბათ ტომია – სენბერნარი.
 – გამიგეთ, რომ თქვენი შეკითხვები, – ოხვ-
 რით წამოდგა ლიპპანჩენკო, – არღვევს პარტი-
 ულ... – აშმორებული ჩაი გადაყლურწა, – როგორ
 ვთქვა, დისციპლინას...
 ზმორვა-ზმორვით გავიდა ღია კარში –
 წყვდიადისკენ...

– ჩემთან რა დისციპლინა მოგინდა, კოლენ-
 კა, – ზოია ზახაროვნამ თავი დახარა და უკვე
 ცარიელ სავარძელს დააცქერდა... – წარმოგიდ-
 გენიათ...
 შემდეგ დადუმდა; სავარძელი დაცარიელე-
 ბულიყო; ლიპპანჩენკო საწოლი ოთახისკენ მი-
 ალაჯუნებდა.

– ადრე ერთმანეთს არაფერს ვუმალავდით...
 – ჩაილაპარაკა ქალმა.
 მაშინვე კარისკენ მიაბრუნა თავი და გასძახა:
 – ბოლოს და ბოლოს, თქვენ ხომ არ გაგიფრ-
 თხილებივართ (ლიპპანჩენკო კარში გამოჩნდა),
 რომ რალაც საიდუმლოს ფარავთ.

– ესეც ასე; საწოლ ოთახში არავინ არი, –
 გაანწყვტინა მან.
 პირი მოწყენილად მთქნარებით გაეპო; და
 ჟილეტის გახსნისას ცხვირში უკმაყოფილოდ
 ჩაილაპარაკა:

– რა საჭიროა ეს სცენები?
 – ასეთი რა გავაკეთე, კოლენკა?.. განა არ
 მიყვარხართ?.. განა არ მეშინია?..
 და კისერზე მკლავები შემოაჭდო.
 და თავის სახესთან ქალის პორებიანი ცხვი-
 რი დაინახა; პორებს ოფლი გადასდიოდა; მომ-
 ჩვარულიყო კანი! თვალები უფართოვდებოდა,
 მომაბეზრებლად ეკარკლებოდა, შავი და უსი-
 ცოცხლო ჩანდა.

– კარგი... კარგი... ზოია ზახაროვნა... თავი
 დამანებეთ... ნუ დამახრჩობთ... ,,
 ხელი დაავლო მის მკლავებს და კისრიდან
 მოიცილა:
 – ხომ იცით, რა სენტიმენტალური ვარ, რა
 სუსტი ნერვები მაქვს... მე...

ორივე დადუმდა.
 დიდი ხნის არასასიამოვნო საუბრის შემდეგ,
 მძიმე საჩუმეში, როცა ყველაფერი ნათქვამია,
 ქალი ჭიქებს, ფინჯნებსა და ჩაის კოვზებს
 რეცხავდა.

მამაკაცს კი კვადრატული ზურგი ზოია ზახა-
 როვნასა და სამოვრისათვის მიეშვირა.
 აღელვებულმა მზერამ აღელვებით გადაუა-
 რა სუფრას და მსუქან მკერდს დააცოცდა; როცა
 მამაკაცი მობრუნდა, მის ახამხამებულ თვალებს
 მაშინ შეეფეთა ეს ყველაფერი; დრომ თავისი
 გაიტანა?

ღია ყავისფერი პანია თვალები, ოცდახუ-
 თი წლის ასაკში იუმორითა და ცბიერი მხია-
 რულებით რომ უციმციმებდა, ახლა გახუნდა,

ჩალრმავდა, შემაშფოთებელი საბურველით
 დაიფარა; ატმოსფერო მუქ-ყვითელი და მოყ-
 ვითალო-შაფრანისფერი კვამლით დაიბურა;
 ოცდახუთი წელი მცირე დრო როდია, მაგრამ
 ასეთი გაუფერულება, ასეთი მოკუნტვა! ოცდა-
 ხუთწლელმა თვალთა უბეები შეუშუპა; სახის
 ფერი ჩაუყვითლა, კანი დაუხეთიანა, დააჭკნო
 – გვამისათვის დამახასიათებელი სიფერმკრ-
 თალით თავზარდამცემი გახადა; შუბლი თმით
 დაეფარა; ყურები გაეზარდა; ხომ გინახავთ სან-
 დომიანი მოხუცებიც? მაგრამ ის ჯერ ხომ არ
 იყო მოხუცი?

ქერთამიანი ოცი წლის პარიზელი სტუდენტი
 – სტუდენტი ლიპანსკი – უაზროდ გასივდა; და
 ოცი წლის შემდეგ ორმოცდახუთი წლის ლიპიან
 ლიპპანჩენკოდ გარდაისახა.

აუნერელი აზრები

ქვიშრობზე მლაშენწყლიანი ტბა ნაოჭდებო-
 და.

ყურიდან მისკენ თეთრფაფრიანი ზოლები
 მოჰქროდა; მთვარე ანათებდა; და შორს ზოლზე
 ზოლი დულდა და გუგუნებდა; მერე დაძენძილ
 ქავად ეშვებოდა ნაპირთან; და ეფინებოდა
 გლუვ სანაპიროს, ლოკავდა ქვიშას; იტაცებდა,
 პირს ულესავდა; წამახულ საჭრეთლად უვლიდა
 ქვიშიანს და მიაჭყუმპალავებდა მლაშენწყლიან
 ტბამდე; და მასაც მლაშე ნაზავით აზავებდა.

შემდეგ კი უკან მიხტოდა.
 ზღვიდან მოშორებით ბუჩქთა გამხმარი
 მკლავები ტოტებად განფენილიყო; და სივრცეში
 მსტვენავ ნაკადად მალღდებოდა; უქუდო და მო-
 შავო ჩია სხეული მათ შორის იკვლევდა გზას; ამ
 ადგილიდან ღრჭიალი და კვნესა მიემართებოდა
 ზემოთ; კორძიანი ხეები ნისლიდან და ნესტიდან
 მოიზღაძნებოდნენ; იქიდან

მატყლისებური ლატანგამოსხმული დაკორ-
 ძილი ხელიც გამოიჩარა.

მუქი ნესტის ტყვეობაში მყოფი სხეულიც
 ფულუროსკენ დაიხარა.

– შენ, სულო ჩემო, განვედ ჩემგან... ცოდვა
 ვარ მეტად...

და გულმაც ამოიძახა:
 – მომიგონებდე მე, საცოდავს...

ზღვის ჰორიზონტთან ნათელი წერტილი
 ციმციმებდა; სავაჭრო ნავი პეტერბურგს უახ-
 ლოვდებოდა; და იქიდან სავსე თავთავივით გა-
 მოკრთოდა ნათლით აღვსილი დისკო.

აი, ის ფართო ზოლად იქცა და უკან, ნავის
 ბნელი საბარგული გაანათა; მასზე კი – ბადეთა
 ტყეც.

მთვარის ქვეშ ხის დაფარჩხულტოტებიანი
 ხელები აფრინდნენ; ბუჩქების შავ პანია ტოტთა
 აბლაბუდიანი თავი სივრცისკენ გადაიზნიქა;
 მთვარეც ბადეში გაიბლანდა; და უფრო თვა-
 ლისმომჭრელად აციმციმდა: როკებს შორის
 დარჩენილი ჰაერიც ფოსფორული ნათებით ამო-
 ივსო; ყოველივე ამისგან უზარმაზარი სხეული
 წარმოიქმნა, ნისლიან კვამლში



ფოსფორის აჯასპისფერი მანტიით რომ ფრიალებდა და ინვოდა; უფლებამოსილი ხელი, მომავლისკენ რომ მიუთითებდა, იმ სააგარაკო ბალის მოკიაფე სინათლეებისკენ მიმართულიყო, სადაც ბუჩქთა მკვრივი როკები ღობეს სცემდნენ.

ჩია სხეული შეჩერდა და ვედრებით გადაიხარა იქით, სადაც როკებს შორის დარჩენილი ფოსფორული ნათებით ამოვსებული ჰაერი ვეება სხეულს წარმოქმნიდა:

– მხოლოდ ეჭვით, განმარტებათა გარეშე ხომ არ შეიძლება.

ხელი კვლავ განათებული სარკმლისკენ მიმართულიყო.

ჩია სხეული სივრცეში გაქანდა და მკერდით ღობეს შეასკდა, გადაძვრა და უხმაუროდ დაცურდა ნაცრისფერი აგარაკისკენ, თან დანამულ მცენარეებს ედებოდა.

ტერასას მიეპარა და ორიოდ ნახტომით კართან აღმოჩნდა; სარკმელს აეკრა; ნათელი უფრო და უფრო ფართოვდებოდა.

იქ ისხდნენ...

ლიპპანჩენკო მაგიდას იდაყვით დაყრდნობოდა; მეორე ხელი მოეხარა და ხელისგული გაეშალა; ფრჩხილები შეღებილი, დუდკოიანი, თითები კი განსაცვიფრებლად მოკლე ჰქონდა, თითქოს ნაჯახით ჩამოუკვეთიათო... –

ჩია სხეული კარს მოსცილდა და ბუჩქებშიღა მოვიდა გონს; შეცოდების გრძნობამ დარია ხელი.

– ასე უბრალოდ ხომ არ შეიძლება...

გედის სიმღერა

უცებ მთელი კორპუსით შემობრუნებულმა ლიპპანჩენკომ, წარმოიდგინეთ, ხელი გაიშვირა კედლისკენ, რომელზეც ვიოლინო ეკიდა:

– ბრუნდები შინ, რომ დაისვენო, აქ კი – დახეთ...

მან კანიფოლი ამოიღო; ხარბად დააცხრა მას; და დამნაშავის გრიმასით, პარტიაში მის მდგომარეობას რომ შეეფერებოდა, კანიფოლის ხემზე წასმას შეუდგა.

– ცრემლით მხვდებიან...

ვიოლინო ფაშეს მიაბჯინა და ისე დაიხარა, რომ ფართო ბოლოთი მუხლებს დააყრდნო; ვინრო კი – ღაბაბში ჩაეფლო; ცალი ხელით სიმებს ჭიმავდა, მეორეთი – ხმას ამონებდა:

– დონ!

თავი დააღერა და გვერდით გადაიხარა; აბუჩად ამგდები კითხვისა, თუ სიბრაღის გამომხატველი გამომეტყველებით ზოია ზახაროვნას მიაჩერდა, თითქოს ეკითხებოდა:

– გესმით?

ქალი გულის ამაჩუყებელი სახით სკამზე მოკალათდა; ლიპპანჩენკოს თითს შეხედა; თითი სიმებს სინჯავდა; სიმები წინინებდნენ.

– აი, ასე ჯობს!

ერთმანეთს თავი დაუქნიეს; მამაკაცმა – ახალგაზრდული ხალისით; ქალმა კი – მორიდებით.

– ოჰ, რა უცნაური ხართ...

– ძინ-ძინ...

– გამოუსწორებელი ბავშვი!

მიუხედავად იმისა, რომ ლიპპანჩენკომ ვიოლინო მოძრაობით ამოატრიალა; და ქვედა ნაწილი მხარსა და დახრილ თავს შორის შეაცურა; ინსტრუმენტის ვინრო მხარე კი ათამაშებულ თითებს შერჩა:

– აბა!

ხემიანი ხელი ვიოლინოს მიაფრინდა და გაყუჩდა; შემდეგ ნაზი მოძრაობით შეეხო სიმს; ამოდრავდა ხემი; ხემს ხელიც მოჰყვა; ხელს – თავი და სქელი სხეულიც; და ყოველივე გვერდით გადაქანდა:

– ო, ნუ მაცდუნებ... – მღეროდა ლაპპანჩენკო.

– ნუ მაცდუნებ, ნუუ-უუ... – აჰყვენ ვიოლინოს სიმებიც.

– უსასწაულოდ... – როგორღაც გვერდულად მღეროდა ლიპპანჩენკო.

ახალგაზრდობაში ხშირად ასრულებდა ხოლმე ამ ძველებურ რომანსს.

– ჩუ-ჩუ!

– ყური დაუგდე!

– ფანჯარა?..

– უნდა ვნახოთ.

ღრუბლებზე მთვარე წამოიმართა; ის, რაც მკრთალად გაყუჩებულიყო – გამუღავნდა; ბუჩქთა ჩონჩხები ამოშავდა; მათი ჩრდილები ბუნუნების ბლუჯად დაეცა მიწას; ჰაეროვანი ლაქებით შეკონინდა სხეული, ფოსფორის ნათებით რომ ინვოდა და ხელს ფანჯრისკენ იშვერდა; ჩია კაცი სარკმელს მიაწყდა;

სარკმელი დაკეტილი არ აღმოჩნდა; გაღები-სას ოდნავ გაიჭრიალა.

სარკმლებს მიღმა ჩრდილები ამოდრავდნენ; ფარდებს მიღმა ვილაც ანთებული სანთლით დაიარებოდა; გადაინია ფარდაც;

სქელი სხეული იდგა და უყურებდა: გეგონებოდათ ლაბებით იმზირებაო (თვალეები არ უჩანდა); ორი ორბიტა დაბინდულიყო; უნარბოდ ამობურცული საწარბე რკალი მთვარის შუქზე გაკრთა. ფარდა კვლავ გასწიეს; ვილაც მსხვილმა კვლავ გაიარა ფარდაჩამოფარებულ სარკმლებს მიღმა; მალე სიმშვიდემ დაისადგურა. ვიოლინოს თრთოლა და ხმები მოისმოდა აგარაკიდან.

ჩია კაცი დაფულუროებულ ხეს მოსწყდა; და ხელმეორედ მიუახლოვდა სარკმელს.

– განსიბლუ...ულს ძნელად თუ...უ...აგონდებოდა გარდასულ დღეთა მშვე... ნიე...რება, და აღარ სჯერა უუკვე ნა...ათქვამი...

– აღარ მწამს უუკვე სიყვარულიო...

თვითონ იცოდა კია რას მღეროდა? არა, შუბლის ძვალს ეს არ ესმოდა: შუბლი ვინრო ჰქონდა გარდიგარდმონაოჭიანი, გაგონებოდათ, ტირისო.

ასე იმღერა ლიპპანჩენკომ გედის სიმღერა. დაბოლოს, აიღო სანთელი, საძინებლისკენ გაემართა, მაგრამ ზღურბლზე გაუბედავად შემობრუნდა, ამოიოხრა და რალაცაზე დაფიქ

რდა; ლიპპანჩენკოს სხეული აუხსნელ სევდას გამოხატავდა.

სანთელი ოთახში შეიჭრა; წყვილი შეინგრა; ელვარებით ათრთოლებული ცენტრის პერიფერიებში სიბნელის ნაფლეთები დაბორილდნენ; ხოლო მუქ ზოლებს, საგანთა გამუდმებულ აჩრდილებს მიღმა – ლანდი, ასევე ზორბა და სქელი, ლიპპანჩენკოს ფეხქვეშიდან რომ გამოძვრა და ფორიაქა წრეებზე მოჰყვა სირბილს.

კედელსა და მაგიდას შორის უშნო, უჩუმარი სქელი კაცი დაენარცხა, მრუდედ გადატყდა და დაიფშვნა.

ამგვარად: გამოუსადეგარ ბალასტივით გადაგებულ საკუთარ სხეულს ხშირად ქარიშხლისებრ აფორიაქებული სული აიტაცებს ხოლმე; და დანავარდობს სულიერ სივრცეებში; და სხეული – პანია ნავი – სულთა ოკეანეში რომელიღაც მატერიისკენ მიცურავს.

ამგვარად... –

წარმოიდგინეთ: წელზე შემოგახვევენ თოკს და მერე აუნერელი სისწრაფით აატოკებენ; და თქვენც წრიულად თავდაყირა დაიწყებთ ქროლას; გადაფრინდებით სამყაროს უსაზღვრობაში და სივრცის დაძლევის სივრცედ იქცევით თვითონაც.

თქვენ ამგვარი ქარიშხლით იქნებით შეპყრობილი, როცა სხეული ამოიტყორცნება, როგორც გამოუსადეგარი ბალასტი.

წარმოიდგინეთ: სხეული განიცდის უსაზღვროდ განვრცობის სწრაფვას (რათა განივ კვეთში სატურნის ორბიტის დარი ადგილი დაიკავოს); წარმოიდგინეთ, რომ თქვენ გონებით შეიგრძნობთ არა მხოლოდ ერთ პუნქტს, არამედ ყველა პუნქტს ერთად; თითქოს ისინი გაფართოვდნენ და გაზისებურად გაიშვიათდნენ; ცენტრისკენ სწრაფვის შეგრძნება დაჰკარგეს; და ჩვენ ნაწილ-ნაწილ დავიფლითეთ; სრული და მთლიანი მხოლოდ დაფლეთილ შეგრძნებათა შემეცნებალა შეგვრჩა.

რას შევიგრძნობდით ასეთ დროს?

შევიგრძნობდით, რომ ჩვენივე გადახსნილი ორგანოები ერთმანეთს მილიარდი საშინელი ვერსით დაშორდნენ; მაგრამ ცნობიერებას შეუძლია შეაკავშიროს ეს სისაძაგლე ერთ უმიზნო დროში; ხერხემალში სატურნის მასის დულილს აღვიქვამთ; ტინის – თანავარსკვლავედთა ვარსკვლავები ესობა; ხოლო მდულარე გულის ცენტრში მთელი მზიანეთის მტკივნეულ ბიძგებს შევიგრძნობთ; მზისგან მომდინარე ცეცხლის მზიური ნაკადები ჩვენი გულის კიდეს ვერ მიაღწევდნენ, მზე რომ გადანეულიყო იმ ცეცხლოვან, უაზროდ მფეთქავ ცენტრში.

რომ შეგვეძლოს ამის წარმოდგენა, თვალწინ ლიპპანჩენკოს წანათგრძობათა საწყისი სტადიები დაგვიდგებოდა; იმ ლიპპანჩენკოსი, ორი ოთახის ზღურბლზე რომ შემდგარიყო.

ტარაკნები

ლიპპანჩენკოს ხელში სანთელი ეჭირა, შეჩერდა: ჩრდილთა მრუდები მასთან ერთად შედგნენ;

უზარმაზარი სქელ-სქელი ჩრდილი (ლიპპანჩენკოს სული) თავით ჭერზე ეკიდა; თუმცა ის არავითარ ინტერესს არ ავლენდა თავისი აჩრდილის მიმართ; მას უფრო, არცთუ გამოუცნობი, შარი-შური აინტერესებდა. ეზიზღებოდა ტარაკნები; და აი, ახლაც სანთლის შუქზე კუთხეებისკენ ტკრციალით გაცვივდნენ ისინი.

ბრაზობდა ლიპპანჩენკო:

და იატაკის საწმენდი ჯაგრისისკენ მიფრატუნებდა.

მერე სანთელი იატაკზე დადგა; იატაკის საწმენდით სკამზე აფორთხდა და მძიმე სხეული ზემოთ მოექცა; ძალისხმევისაგან სისხლძარღვები უსკდებოდა, თმებიც აეჯაგრა; მოფუთფუთე ტარაკნებს იატაკის საწმენდის ხაოიანი ბოლო მიაღვენა; ერთი, ორი, სამი! ტკაცუნებდნენ ჯოხქვეშ: ჭერზე და კედლებზე.

– რვა... ათი... თერთმეტი... – და მოტკრციალელაქები ძირს ცვიოდა.

ძილის წინ ტარაკნებს ჟლეტდა ხოლმე. ბლომად რომ დაჟლეტდა, დასაძინებლად მიემართებოდა.

აი, შევარდა ის პანია საძინებელში, კარი გასაღებით გამოიკეტა, საწოლს დახედა (გარკვეული დროიდან ასე დასჩემდა); წინ ჩამომდნარი სანთელი დაიდგა.

გაიხადა.

ახლა ის შიშველი, ბალნიანი და ფეხებგაფარჩხული იჯდა საწოლზე; ბანჯგელიან მკერდზე მომრგვალებული ქალური ფორმები მოუჩანდა.

ლიპპანჩენკოს შიშველს ეძინა ხოლმე.

სარკმლის სიგლუვესა და კარადას შორის, ბნელ ჩრდილოვან ნიშში ნიფხვის უცნაურ მოხაზულობას სანთლის ნათება გეზად არხედა; ლიპპანჩენკომ არაერთხელ შეუცვალა ნიფხავს ადგილი; მაგრამ მუდამ ისე გამოდიოდა, თითქოს ერთი და იმავე კუთხიდან შესცქეროდა.

და როცა სანთელი ჩააქრო, შარვლის კონტურები შეირხა და უფრო გამკვეთრდა; ლიპპანჩენკომ ხელი ფარდისკენ გასწია; გამოქანებული კოლენკორი გაფაჩუნდა და ოთახი ბრინჯაოს ნათებით აბრჭყვიალდა: ღრუბელთა კალისებრი თეთრი დისკო შემოიჭრა და... მომწვანო, აჯპისფერი კედლის ფონზე გამოჩნდა პალტოიანი ჩია ფიგურა; თეთრი ტუჩებით მასხარასავით იღმიჭებოდა. მკერდ და ფაშვგადმოგდებული ლიპპანჩენკო გაქანებული მიანწყდა კარს (დაავიწყდა, კარი რომ ჩაკეტა); შიშველ ზურგზე – ფრთისძირიდან უკანალამდე – მდულარე ნაკადმა დაუარა; დაცემისას მიხვდა, რომ ზურგი გაუჭრეს (ასე იჭრება ხოლმე პირშუშხამისატანებელი გოჭის ცივი კანი); და როგორც კი ამას მიხვდა, მდულარე ნაკადი ახლა ჭიპთან იგრძნო.

იქიდანაც რალაც შიშინებდა; უნდოდა ეფიქრა – ეს გაზების ბრალიაო (მაგრამ მუცელი ჰქონდა გადაბალთული); მოფუთფუთე ფაშვისკენ თავი დახარა და ჩაჯდა, თან ხელით ისინჯავდა მუცელზე და ზეწარზე მომდინარე ნებოვან მასას.

ეს ყოველდღიური ყოფის უკანასკნელი გაცნობიერებული შთაბეჭდილება გახლდათ; ცნო-

ბიერება ფართოვდებოდა; მისი საზარელი პერიფერია თავის თავში პლანეტებს ისრუტავდა; და ერთმანეთისგან განცალკევებული ორგანოებით შეიგრძნობდა მათ, გაფართოებულ გულში მზე და ცურავდა; და ხერხემალიც სატურნის მასის შეხებით იმდღურებოდა; მუცელში ვულკანმა იფეთქა.

სხეული კი იჯდა უაზროდ თავჩაქინდრული და გაფატრულ მუცელს დასცქეროდა; უცებ მუცლით ზენარს დაემხო; ხელი ჩამოუვარდა სისხლიანი ხალიჩისკენ, მთვარის შუქზე უღალი ბენვით რომ ელვარებდა; ჩამოვარდნილყბიანი თავი კი კარის მიმართულებით გადაქანდა; უძრავი თვალის კაკალი კარს მიაჩერდა; თეთრქათათა ზენარზე ხუთი სისხლიანი თითის კვალი აღიბეჭდა; და კოტიტა ქუსლიც გამოიჩარა.

დილით შემოვიდნენ: მაგრამ ლიპპანჩენკო უკვე აღარ იყო; სისხლის გუბე იდგა; იდო ცხედარი; იყო გაღმეჭილი თეთრსახიანი ჩია სხეულიც; დამშვენებული პანია უღვაშებით, ზემოთ რომ აპრეხოდა; უცნაურია, მაგრამ ეს კაცი მიცვალებულს ცხენივით გადასჯდომოდა; და ხელში მაკრატელი ჩაებლუჯა; მერე მკლავები გაშალა, ხოლო მის სახეზე – ცხვირთან, ტუჩებზე – ტარაკნის ლაქები მიხობავდა.

თავი მერვე

და უპანასკნელი

წარსული თვალნი გამირბენს აშრად...
დიდხანს თუ რბოდა, ასე რომ დაშვრა
და მღელვარებდა. ვითარცა ზღვები?
ახლა დადუმდა, დამშვიდდა, დაცხრა,
ან ვინღა მახსოვს და რაღა დამრჩა,
არამცთუ სიტყვა, ხილვაც კი დაშრა...

ა. პუშკინი

თუმც უპირველესად...

– ეს ოცდაოთხი საათი! –

– ამ ოცდაოთხი საათის განმავლობაში თბრობა გაფართოვდა და სულიერ სივრცეებში განიბნა:

სულიერ სივრცეებში გაიხლართა ავტორის ხედვაც.

ტვინის ტყვიისებრი თამაშობანი დახშული თვალთახედვის არეში იმ წრეზე მიზოზინებდა, ჩვენ თვითონ გულდაგულ რომ მოვხაზეთ, –

ამ ოცდაოთხი საათის განმავლობაში!..

ცნობა ანა პეტროვნას შესახებ საიდანლაც შემოფრთხილდა. და სულ მაგვავინყდა, რომ ის დაბრუნდა.

ეს ოცდაოთხი საათი!

ესე იგი, დღე-ღამე – შედარებითი ცნება, სადაც წამი – თუ რაც არის, სულიერ მოვლენათა სისავსით განისაზღვრება; და საათს უდრის, ან თუნდაც ნულს, რომლის დროსაც განცდები იზრდება, ანდა არც არსებობს...

ანა პეტროვნას დაბრუნება ფაქტია; და ამასთან – უდიდესი;

ჩვენ, ავტორმა დავივინყეთ მისი არსებობა; ჩვენ შემდეგ ანა პეტროვნას არსებობის შესახებ ნანარმოების გამირებმაც დავივინყეს, და მაინც... –

ანა პეტროვნა დაბრუნდა, მაგრამ ამ მოვლენათა შესახებ არაფერი იცოდა და ერთი რამ აღელვებდა მხოლოდ: რომ არავის მოუტანია მასთან ბარათი; მომხდარისათვის ყურადღება არც ნიკოლაი აპოლონოვიჩს და არც აპოლონ აპოლონოვიჩს მიუქცევია.

დიდებული სახელის მქონე სასტუმროს პატარა ნომრის პატიმარი გახლდათ; ანა პეტროვნა საათობით იჯდა სკამზე და შეჰყურებდა შპალერის წინკლებს, თვალში რომ ესობოდა; მერე მზერა სარკმელზე გადაჰქონდა; სარკმელი კი ზეთისხილისფერ ჩრდილებს გაჰყურებდა, ხოლო ცის ნაცვლად კვამლი მოჩანდა; სარკმლის რაფაზე კი გაურეცხავი ჯამ-ჭურჭელი ახონხილიყო გეზად.

შემდეგ ზარს რეკავდა და ვილაც ქერქეტა შემოპრიადებოდა ხოლმე.

ანა პეტროვნა მოიკითხავდა:

– თქვე ცომპლეტ!1

გამოჩნდებოდა გახამებული, მბრწყინავ ჰალსტუხიანი, შავფრაკიანი ლაქია. მხარზე მიყრდნობილ უზარმაზარ ლანგარს ხელისგულზე ჩამოინაცვლებდა, მოიცვილებდა იქვე დაყრილ თუნუქის ნომერს, უგერგილოდ ნაკერ კაბას, ორკაციან სანოლზე გადაშლილ ფანციფუნცს, გაცვეთილ ჩემოდანს, ჩამოდგამდა უზარმაზარ ლანგარს და თქვე ცომპლეტს აწყობდა. შემდეგ მიდიოდა.

და მეტი არავინ, არაფერი: გარდა ხარხარისა და ფაციფუნცისა მეზობელ ნომერში; ორი მოახლის საუბრისა დერეფანში; მზერა სარკმელზე გადაჰქონდა; სარკმელი კი ზეთისხილისფერ ჩრდილებს გადაჰყურებდა, ხოლო ცის ნაცვლად კვამლი მოჩანდა –

(უცებ კარზე კაკუნნი გაისმა; და ანა პეტროვნას დაბნეულობისაგან ლანგარზე დაფენილ ხელსახოცზე ჩაი გადაეხსა) –

– რაფაზე გაურეცხავი ჯამ-ჭურჭლის გროვა ახონხილიყო გეზად.

მოახლემ მას სავიზიტო ბარათი მიანოდა; მაგიდასთან მჯდარი ანა პეტროვნა წამოდგა; ხელის ჩვეული მოძრაობით თმა გადაისწორა:

– სად ბრძანდებიან?

– დერეფანში.

– სთხოვეთ.

მეზობელი ოთახიდან ფაციფუნცი, ხოლო დერეფანში ორი მოახლის საუბარი და როიალის ხმა ისმოდა; შემდეგ კართან სწრაფი ნაბიჯებიც გახმინდა; აპოლონ აპოლონოვიჩი აბლუხოვი ცდილობდა რაღაც გაერჩია ბინდბუნდში; პირველი, რაც მან დაინახა, ზეთისხილისფერ ჩრდილთა კედელი, ხოლო ცის ნაცვლად კვამლი გახლდათ; რაფაზე კი გაურეცხავი ჯამ-ჭურჭელი ახონხილიყო გეზად.

უპირველესი, რაც მას თვალში ეცა, პატარა ნომრის ღარიბული მოწყობილობა გახლდათ;

¹ The complet - ჩაი, შაქარი და ნალები (ფრანგ.)

ასეთი პანია ნომერი პირველხარისხოვან ოტელში?

მერე რა? რა არის აქ გასაკვირი; ასეთი პანია ნომრები ყველა პირველხარისხოვან სასტუმროში, ყველა საუკეთესო ქვეყნის ყველა დედაქალაქში გვხვდება. დიახ, დიახ: Premier ordre – depuis 3 francs¹ – ღმერთმა დაგიფაროთ ასეთი ცხოვრებისგან!

სანოლი, მაგიდა და სკამი; სანოლზე – რედიკიული, ქამრები, მაქმანიანი შავი მარაო, ვენეციური თლილი ლარნაკი, წარმოიდგინეთ, წინდისებრ ამობრუნებული (წმიდა აბრეშუმის) ლიმონისფერ ქსოვილთა ფუთა; ეს ყოველივე გრენადული, ტოლედოური სუვენირები გახლდათ; – გრენადაში სულ ახლახან გაგზავნილი ვერცხლის სამი ათასი მანეთი, ალბათ, ჯერ არ ჰქონდა მიღებული – თორემ მისი მდგომარეობის ქალბატონს არ შეეფერებოდა ამგვარი ძონძების ტარება.

გული შეეკუმშა; სკამზე მჯდარი სილუეტი შენიშნა.

– არა, სკამზე მჯდარი კი არა! – მოშვებული, ჩასუქებული, შეჭალარავებული ანა პეტროვნა;

პირველი, რასაც ის მიხვდა, ფაქტი გახლდათ: ქალს ლაბაბი გამოჩროდა, მუცელი მომრგვალებოდა

და ორი ლაჟვარდისფერი თვალი ოდესღაც მშვენიერ პირისახეზე ძველებურად უბრწყინავდა.

აპოლონ აპოლონოვიჩი ხელში შლაპას აცოდვილებდა, თვალს ავლებდა ოთახს, სადაც უნესრიგოდ ეყარა: ქამრები, მაქმანიანი შავი მარაო, ესპანური ლიმონისფერი ძონძების ფუთა.

მამაკაცი ორნელინადნახევრის განმავლობაში შეცვლილიყო;

ქალს თვალწინ ედგა (უკანასკნელი საუბრისას) თითქოს ქვისგან გამოთლილი სადაფის მაგიდაზე დახრილი მისი სახე; ახლა კი სახეზე ნაკვთებიც არ აღენიშნებოდა.

ორ-ნახევარი წლის წინ აპოლონ აპოლონოვიჩი მოხუცი იყო, მაგრამ...წლები არ ეტყობოდა; ვაჟკაცურად გამოიყურებოდა; ახლა კი? სადღა იყო მისი რკინისებრი ნებისყოფა, ან ქვადქვეული მზერა? არა, მოხუცი ყველაფერს სწონიდა; დამთრგუნველი გახლდათ მისი სიგამხდრეც; აოცებდა მხრებში მოხრილი სხეული, ყბისა და თითების კანკალი; და პალტოს ფერიც: მასთან ყოფნისას ამ ფერის პალტო არასდროს დაუკვეთავს.

ბოლოს და ბოლოს, აპოლონ აპოლონოვიჩმა თავი ასწია და ბორძიკით წარმოსთქვა:

– ანა პეტროვნა!

სახე გაუნათდა; მასში ყველაფერი ქმრის შესახვედრად დაიძრა, მაგრამ მაინც არ განძრეულა.

აპოლონ აპოლონოვიჩი კი – პალტოთი და შლაპით ხელში – მისკენ გაქანდა; ვეება, მუხლივით შიშველმა თავის ქალამ და განზე გადგ-

მულმა ყურებმა რაღაც მოაგონა; ტუჩები ქალის ხელს შეეხო.

როცა წელში გასწორდა, მისი ჩია სხეული პანია შარვლით, პალტოთი და ნაოჭებით ცოლის წინ უცნაურად გამოიყურებოდა;

ორი გადმოკარკლული თვალიც გაქვავებული აღარ ჩანდა.

აპოლონ აპოლონოვიჩი სიტყვებს ვერ პოულობდა.

– მე თქვენთან... – დაფიქრდა და განაგრძო: – იცით...

– ?

– მოვედი, რომ პატივისცემა გამოგიცხადოთ...

აქ ანა პეტროვნამ მისი დაბნეული, რბილი, თანაგრძობის გამომხატველი, ღილილოსფერი გამოსხედა დაიჭირა.

– ჩვენთან...

– გაფიცვა იწყება...

დასწრებოდა საბანთა ბროვას...

აქ კარი გაიღო.

ნიკოლაი აპოლონოვიჩი იმ წინკარში აღმოჩნდა, საიდანაც სულ ცოტა ხნის წინ ასე სასწრაფოდ გაუჩინარდა; კედლებზე ძველებურ იარაღთა ორნამენტები ბრწყინავდა, იჟანგებოდა ხმლები; აფთებიც დაშვებულყო; ნიკოლაი აპოლონოვიჩი თავის თავს არ ჰგავდა; ხელის მკვეთრი მოძრაობით თავიდან ფარფლებიანი იტალიური შლაპა მოიგლიჯა; და როცა ნუთიერად ჩაფიქრდა, მზერა მიაპყრო იქით, სადაც მუზარადიანი ლიტვური ქუდი ბრწყინავდა, მკვეთრად გამოჩნდა თეთრყირმიზი სახის ნაკვეთები, ხატწერის მანერით შესრულებულს რომ მოგაგონებდათ.

და აი, აფეთქდა; დასრესილი მოსასხამითა და კოჭლობით შეფრინდა მოფარდაგულ კიბეზე; ქოშინებდა; ციებ-ცხელებისგან კანკალებდა: ის ხომ წვიმაში იდგა; ცნობისმოყვარეობას ისიც ინვევდა, რომ მუხლთან, ფეხზე, რომლითაც კოჭლობდა, მაუდი ამოჰგლეჯოდა; ნახევი აქეთ-იქით ირხეოდა; მთელ და ამოგლეჯილ ნახევს შორის ზონარი გამოჩრილიყო; ამრიგად, ნიკოლაი აპოლონოვიჩი კოჭლს, კუზიანს და კუდიანს წააგავდა, როცა მთელი ძალით შეხტა რბილ კიბეზე, სელისფერ თმათა ფრიალით ჩაუფრინა კედლებს, სადაც დიდი პისტოლი ეკიდა.

შევარდა თავის ჭრელაჭრულა ოთახში: გალიაში თავგანწირვით დასძახეს და ფრთები ააფათქუნეს მწვანე თუთიყუშებმა; ჭყვივლმა მისი რბოლა შეაჩერა. ხახადაფრენილი, ფეხქვეშ გადებული ჭრელი ლეოპარდი შენიშნა; ჯიბეები მოიქექა (სანური მაგიდის გასაღებს ეძებდა).

– ?

– ეშმაკმა დალახვროს...

– დაკვარგე?

ოთახში უილაჯოდ დაიწყო ბოლოთის ცემა, თან გასაღებს ეძებდა, ნივთებს აქეთ-იქით ალაგებდა; ხელი სამიფეხა სათამბაქოეს წამოავლო და

¹ Premier ordre – depuis 3 francs – პირველი ხარისხი – 3 ფრანკზე მეტი ღირებულების (ფრანგ.)

ბუტბუტი დაიწყო: აპოლონ აპოლონოვიჩივით ისიც თავის თავს ელაპარაკებოდა.

მეორე ოთახში საწერი მაგიდისკენ გავარდა, არაბულ ტაბურეტს წამოედო და იატაკზე გაიშლართა; გაუკვირდა, მაგიდა დაკეტილი რომ არ დახვდა; მოლალატურად იკვეთებოდა ის უჯრაც; სანახევროდ გამოწეული; გულმა რეჩხი უყო, როგორ დარჩა დაუკეტავი? გამოსწია ის... და – და... არა, წარმოუდგენელია!

უჯრაში უწესრიგოდ ეყარა ნივთები, საკაბინეტო ზომის პორტრეტები; სასარდინე არსად ჩანდა; უჯრის ზემოთ აღბეჭდილიყო ვილაცის გუგუბის სიფართოვისაგან ჩაშავებული თვალეზი; და იდგა ის საძინებელსა და ბიუსტს შორის; ბიუსტი, რა თქმა უნდა, კანტისა გახლდათ.

მერე კვლავ გამოსწია უჯრა; იქ ეწყო წერილებისა და სხვა ქაღალდთა შეკვრები; ყველაფერი ამოალაგა; მაგრამ... სასარდინე არ ჩანდა... ფეხიდან მოიცილა; იტალიური მოსასხამითა და კალოშებით მუხლებზე დაემხო და თავი გაოფლილ ხელებში ჩამალა; ერთხანს ასე გაყუჩდა: ბინდბუნდში უცნაურად მკვდრისფრად მოჩანდა თმათა ჩაჩი.

უცებ წამოხტა! კარადისკენ გაქანდა! გამოალო კარი და ხალიჩაზე ათასგვარი ნივთი გადმოცვივდა; სასარდინე კი არ იყო; ქარიშხალივით აბორგდა ოთახში; ვაჟის მიზანსწრაფული მოძრაობა მისი უდიდებულესობის – მამამისისას – მოგაგონებდათ. ბედი აბუჩად იგდებდა; საწოლიდან (იქ ბალიშებქვეშ იქეძებოდა) ბუხრისკენ წაბორიალდა; ხელები დაისვარა; მტევნებს წიგნებს შორის ყოფდა ქვედა თაროებზე; ტომები შარიშურით გადმოცვივდა.

სასარდინე კი არ ჩანდა.

მურითა და მტვრით დათხუპნილი ცხვირპირი უშედეგოდ დასჩერებოდა მთად დამდგარ საგანთა გროვას და ობობასებრი გრძელი თითებით, ხელის მტევნებიდან აქეთ-იქით რომ გარბი-გამორბოდნენ, იქეძებოდა; იტალიური მოსასხამიდან გამოჩრილი ხელები ცქმუტავდნენ; ოფლიანი და მთრთოლვარე უთუოდ ბუზების შთანთქმელ გაბერილ ობობას მოგაგონებდათ; ამგვარად, მოთვალთვალე გაჰკვეთს ხოლმე ნაზ ქსელს და აღმოაჩენს სახილველს: შენუხებული ვეება მწერი კანკალით ეშვება ჭერიდან იატაკისკენ და იქ დაიწყებს ხოხიალს.

ამ დროს მოულოდნელად წაადგნენ თავს:

– ნიკოლაი აპოლონოვიჩი!..

ჩაჩოქილი ნიკოლაი აპოლონოვიჩი შემობრუნდა; დაინახა რა სემიონიჩი, იატაკზე გაშანშლულ ნივთებს მოსასხამი გადააფარა და ამით კვერცხებზე მჯდარ კრუსს დაემგვანა:

– მინდა მოგახსენოთ...

– როგორც ხედავთ, დაკავებული ვარ!

ყურებამდე გაღმეჭილი პირით იატაკზე დაფენილ კბილებდაკრეჭილ ლეოპარდს წააგავდა:

– წიგნებს ვალაგებ.

და ნიკოლაი აპოლონოვიჩი უნებურად წამოდგა: სახე გამურულ-გამჭვარტლული ჰქონდა; ელვისებურმა სინითლემ გადაურბინა; სტუდენ-

ტური სერთუკის ნახევრად ჩამოხეული კალთისა და ზონარის გამო სასაცილოდ გამოიყურებოდა.

– დედა? ანა პეტროვნა?

– იქ არი... სასტუმრო ოთახში აპოლონ აპოლონოვიჩთან ერთად... ეს წუთია მობრძანდნენ...

ამ ოთახში სულ ცოტა ხნის წინ ის კიდევ იზრდებოდა თავის თავს მინდობილ ცენტრად – ცენტრიდან გამომდინარე ლოგიკურ წინაპირობად, ყველაფერს რომ განსაზღვრავს: სულაც, აზრსაც და თუნდაც – ამ სავარძელს; სულ ცოტა ხნის წინ ის სამყაროს ერთადერთ ცენტრად წარმოგვიდგებოდა; მაგრამ გავიდა ათი დღე; და მისი თვითშემეცნება სამარცხვინოდ ჩაეფლო ჩამოყრილ საგანთა ხუხულაში; ასე თეფშის კიდზე თავის ექვს თათზე მორბენალი ბუზი თათებითა და ფრთებით მოუხელთებლად გაეშვება ხოლმე ნებოვან თაფლში.

– ჩჩ! სემიონიჩ, მისმინეთ, – ნიკოლაი აპოლონოვიჩი სემიონიჩის დასანევადად უცებ კარიდან გამოხტა, გადაახტა ნაქცეულ ტაბურეტს და მოხუცის სახელოს ჩააფრინდა (ო, ეს მარწუხივით თითები!).

– საქმე ისაა... ხომ არ გინახავთ აქ... – დაიბნა, ჩაიკუზა და მოხუცის დარეფნიდან კარისკენ დაქაჩვას ლამობდა, – დამავინყდა... აქ ასეთი რამ ხომ არ გინახავთ? აქ, კაბინეტში... საგანი – სათამაშო...

– სათამაშო?

– ბავშვის სათამაშო... სასარდინე...

– სასარდინე?

– ჰო, სათამაშო (სასარდინისმაგვარი) – მძიმე და დასაქოქი, საათივით რომ წიკნიკებს... აქ დავდე...

სემიონიჩი ნელა შებრუნდა, სახელო მისი თითებისგან გაითავისუფლა, წამიერად კედელს შეავლო თვალი (კედელზე მარტორქის ტყავის ზანგური ფარი ეკიდა); დაფიქრდა და ყოველგვარი პატივისცემის გარეშე მოუჭრა:

– არა!

– მე კი მეგონა...

დამიხედეთ: ოჯახში სიკეთეა, სიხარული; თვით ბატონი მინისტრიც კი გაცისკროვნებულია ასეთი შემთხვევის გამო... ეს კი... სასარდინეო... მძიმეო... დასაქოქიო... სათამაშოო; კალთაც ჩამოშვევია!..

– ხომ არ მოვახსენო?

– ახლავე, ახლავე...

და კარი დაიხურა; ნიკოლაი აპოლონოვიჩი გახევდა, ვერ გაარკვია – სად იყო – მუყყავისფერ დაყირავებულ ტაბურეტთან, ნარგილეს მოწყობილობასთან; მის წინ კედელზე მარტორქის მონაცრისფრო-მოშავო ტყავისგან გაკეთებული ზანგური ფარი ეკიდა, გვერდით კი სუდანური ჟანგიანი ისარი მიეჭედებინათ.

არ იცოდა, რას სჩადიოდა; დასვრილი სერთუკის ახალთახლით გამოცვლას დაეჩქარა; მანამდე კი ხელებიდან და სახიდან ჭვარტლი მოიცილა; პირის ბანისას და ჩაცმისას იმეორებდა:

– ეს რა მოხდა, როგორ მოხდა... მართლაც და, სად გადავმალე...

ნიკოლაი აპოლონოვიჩის ბოლომდე ვერ გა-

ეცნობიერებინა თავს დამტყდარი საშინელება, სასარდინეს მოულოდნელი დაკარგვით რომ იყო გამოწვეული; კიდეც კარგი, მას ჯერ თავშიც არ მოსდიოდა, რომ მისი არყოფნისას ვილაც შემოვიდა, საშინელი შიგთავსის მქონე სასარდინე გახსნა და წინასწარი განზრახვით გაარიდა.

ლამიებს გაუპირდათ

სახლები ისევ ისე მალღებოდა, ისევ ისე დიდოდა ხალხის ნაცრისფერი ნაკადი, ისევ ისეთი მომწვანო-მოყვითალო ნისლი ჩამომდგარიყო; გაფაციცებული სახეები მიმოქროდა; ქვის ბუმბერაზთა – ჩამწკრივებულ სახლთა – ფერხითი ჩურჩულებდნენ და შარიშურობდნენ გამვლელები; მათ შესახვედრად კი პროსპექტს პროსპექტი მისდევდა; სფერული პლანეტის ზედაპირი თითქოს უხსენებელთა სალტეებით – მოშავო-მონაცრისფრო კვამლის ფთილებით – იყო შემოსაზღვრული; და პარალელურ პროსპექტთა ბადე მსოფლიო უსაზღვრობაში ფართოვდებოდა კვადრატებისა და კუბების ზედაპირით: თითო კვადრატი – თითო ობივატელს.

მაგრამ აპოლონ აპოლონოვიჩი თავის საყვარელ ფიგურა კვადრატს არ უმზერდა; ქვის პარალელეპიპედებისა და კუბების უაზრო თამაშს არ ეძლეოდა; დაქირავებული ეტლის რბილ ბალიშებზე მოქანავე მღელვარებით გადახედავდა ხოლმე ანა პეტროვნას, რომელიც თვითონვე მიჰყავდა თავის გალაქულ სახლში; მათი საუბარი ნომერში ჩაის სმისას სამუდამო საიდუმლოდ დარჩა სხვათათვის; ამ საუბრის შემდეგ მათ გადაწყვიტეს: ანა პეტროვნა ხვალ სანაპიროზე გადაბარგდებოდა; დღეს კი აპოლონ აპოლონოვიჩს ქალი შეილთან შესახვედრად მიჰყავდა.

და ანა პეტროვნა თავს უხერხულად გრძნობდა.

ეტლში ისინი არ ლაპარაკობდნენ; ქალბატონი სარკმლიდან თვალს ადევნებდა ნაცრისფერ პროსპექტებს, ორწელიწად-ნახევარი რომ არ ენახა: იქ სარკმელს მიღმა სახლების ნუმერაცია მოჩანდა; და ყოველივე წრეში ბრუნავდა; იქ – იქიდან, შორიდან შორს უღრუბლო დღეს თვალისმომჭრელად ბზინავდნენ: ოქროს შილი, ღრუბლები, მენამული დაისის სხივი; იქიდან – იქ ნისლისას – არავინ, არაფერი.

აპოლონ აპოლონოვიჩი, კუბში ყოფნით უსაზღვროდ კმაყოფილი, მიყრდნობოდა ეტლის კედელს: თვალებს აქეთ-იქით აცეცებდა; ანა პეტროვნა მხოლოდ ხანდახან თუ იჭერდა მის დაბნეულ, შეცბუნებულ, და თქვენ წარმოიდგინეთ, რბილ, სილურჯეში ჩაძირულ, გულუბრყვილო, გაუცნობიერებელ მზერას (ბავშვობას ხომ არ უბრუნდება?)

– აპოლონ აპოლონოვიჩ, ყური მოვკარი, მინისტრად გადაჰყავხართ.

მაგრამ აპოლონ აპოლონოვიჩმა შეაწყვეტინა:

– ანა პეტროვნა, ახლა საიდან ჩამობრძანდით?

– მე... გრენადიდან...

– დიახ, დიახ, დიახ... – ცხვირი მოიხოცა და დაამატა... – გეცოდინებათ ალბათ, სამსახურებრივი საქმეები, უსიამოვნებები.

და რა მოხდა? ხელზე თბილი ხელი შეეხო: მას ხელზე ხელი გადაუსვეს...ჰმ-ჰმ-ჰმ: აპოლონ აპოლონოვიჩი დაიბნა; თავი უხერხულად იგრძნო და თითქოს შეშინდა კიდეც; არც ესიამოვნაჰმ ჰმ-ჰმ: თხუთმეტი წელი მაინც იქნებოდა, ასე არავინ მოქცევია.

ხელიც გადაუსვა... უნდა ვაღიაროთ, რომ ასეთ საქციელს ამ პიროვნებისაგან არ მოელოდა... ჰმ-ჰმ...(გასული ორწელიწად-ნახევრის განმავლობაში აპოლონ აპოლონოვიჩი ამ ქალბატონს მსუბუქი ყოფაცქევის... ქალად... თვლიდა!)

– აი, უნდა გადავდგე კიდეც...

მერე: მთრთოლვარე ეტლთა ფრენა-გრუხუნები! საავტომობილო რუღადის მელოდიური ხმები! და – პოლიციელთა განაწესი!..

იქ, სადაც მქრქალი ნაცრისფერი სინოტივე გაკიდულიყო, ჯერ სადაფისფრად გამოჩნდა, ხოლო შემდეგ სრულიად გამოიკვეთა ჭუჭყისფერი, მოშავო-მონაცრისფრო ისაკის ტაძარი... მერე კვლავ ნისლში ჩაიძირა. და გადაიხსნა სივრცე: სიღრმე, მომწვანო მორვევი, საითაც ბინდისფერი ხიდი მიიჩქაროდა, სადაც ნისლს დაეფარა მრავალმილიანი შორეთი და, საიდანაც ღრუბელთა ტალღა მოჰქროდა.

და მართლაც, ლაქიებს მეტად გაუკვირდათ!

მერე წინკარში მორიგე ბიჭი – გრიშკა ყველას მოუთხრობდა:

– ვზივარ და ვითვლი დღეებს ყოვლადწმიდა ღვთისმშობლის საფარველის დღიდან ღვთისმშობლის შობამდე... ესე იგი, გამოდის, რომ... ღვთისმშობლის შობიდან – წმიდა ნიკოლოზობამდე.

– ეი, ღვთისმშობლის შობავ, მოგვიყვი!

– კარგი; ვითვლი და მობრძანდნენ; კარს მივვარდი, გავალე და ოი, ღმერთო! იქ თვითონ ბატონი ბრძანდება დაქირავებული ეტლით; და ასაკოვანი ქალბატონი ვატერპრუფით.

– რა ვატერპრუფი, სულელო, ვატერპრუფს ვინ ატარებს.

– ერთი სიტყვით – კაბით... ბატონი ჩამოხტა და ქალბატონს ხელი მიანოდა: კავალერისებურად დაეხმარა.

– უყურე შენ...

– ერთი შენც...

– მგონი, ორი წელია, ერთმანეთი არ უნახავთ,

– გაისმა ხმები აქეთ-იქიდან.

– რა თქმა უნდა, ქალბატონი ეტლიდან გადმობრძანდა; მაგრამ თავის თავს არ ჰგავდა; ხელით ნიკაპს შეეხო; ხელთათმანი დაუკემსავი ეცვა; იქნებ, ესპანეთში არც კემსავდნენ მათ.

– კარგი!..

– ჩვენმა ბატონმა, აპოლონ აპოლონოვიჩმა, კი მედიდურობა ჩამოიცილა: ეტლთან, წუმპეში, წვიმაში იდგა; – ღმერთო ჩემო! ქალბატონი ისე ჩამოემხო მის ხელს, რომ ბატონმა თითქმის ჩაიჩოქა; სად შეუძლია ამგვარი სიმძიმის შეკავება-მეთქი, გავიფიქრე!

– ნუ ბუუტურობ!



– მე ეს დავინახე და... თუმცა სათქმელიც არაფერია... აი, მიტრი სემიონიჩიც მოგიყვებათ!

– მერე რა მოხდა?

– დაბერდა... პირველად ვერც კი ვიცანი; მერე კი მივხვდი, ვინც იყო, რადგან ჯერ ისევე მახსოვს, ძღვენს რომ მიგზავნიდა.

მართლაც და!

ანა პეტროვნა და აპოლონ აპოლონოვიჩი ერთმანეთთან საუბრით აღელვებულნი ჩანდნენ; და გალაქულ სახლში ფეხის შედგმისას გრძობები არ გადმოუფრქვევიათ; აპოლონ აპოლონოვიჩმა ცხვირი მოიხოცა და ჟანგიანი აფთის ქვეშ ქილაშებში აფრუტუნდა. ანა პეტროვნა თავის დაკვრაზე პასუხობდა ლაქიებს; სემიონიჩს კი გადაეხვია და კინაღამ აზლუქუნდა, მაგრამ... მაგრამ ცხვირსახოცი ვერ მონახა.

აპოლონ აპოლონოვიჩს გულგრილად ეჭირა თავი: მერე რა მოხდა! ძალიანაც კარგი!

თუმცა აქ იყო ერთი ლაქია, რომელსაც ახსოვდა, თუ როგორ გაემგზავრა ქალბატონი საზღვარგარეთ – მას ხელში საკვოიაჟი ეჭირა; წინა ლამეს კი მან ბატონს კარი ჩაუკეტა: მაშინ სწორედ ის უღვაშიანი გახლდათ მასთან; რა ერქვა? მინდალინი „ტრა-ლა-ლას“ რომ მღეროდა... და ხურდასაც რომ არ იმეტებდა.

აი, ისინი დარბაზში ბრძანდებიან; აქ იშვიათად ათბობდნენ; აპოლონ აპოლონოვიჩი უფრო ხშირად თავის კაბინეტში იჯდა; ახლა კი გაიფიქრა, რომ მარტო აღარ არის და აქ... გალაქულ კვადრატებზე ანა პეტროვნასთან ერთად უნდა იაროს.

ნიკოლენკასთან ერთად ამ კვადრატებზე იშვიათად დადიოდა, უფრო სწორად, არც უვლია. ხელის რკალისებური მოძრაობით ქალი დარბაზში გაატარა; მერე ანა პეტროვნამ შეაჩერა და მქრქალ ფერწერაზე მიუთითა:

– აპოლონ აპოლონოვიჩ, გახსოვთ ეს ფრესკა?

– რა თქმა უნდა!..

– სად?

ოცდაათი წლის წინანდელმა მოგონებამ ნისლოვან ლაგუნაზე, შორიდან მკვნესარმა არიამ ერთიანად შეიპყრო. ქალსაც გაახსენდა; ყველაფერთან ერთად – ის ოცდაათი წლის წინანდელი გაორებაც; და – კოლენკა...

– კოლენკა...

ამ დროს სასტუმრო ოთახში შეაბიჯეს; და თვალში ეცათ ფაიფურის ნაკეთობები, სადაფისა და ბრინჯაოს ინკრუსტაციები.

– კოლენკას არა უშავს რა... არა უშავს... ცხოვრობს... – თქვა და გვერდით გადაგა.

– მაშ, რატომ არ მოვიდა ჩემთან?

– ანა პეტროვნა, ის... მე-ემე... თავის მხრივ, ძალიან, ძალიან, – სენატორს ენა უცნაურად დაეხა, ცხვირსახოცი ამოიღო და დიდხანს იმენდდა ცხვირს.

– მოხარული გახლდათ.

სიჩუმე ჩამოვარდა, და გრძელფეხება ბრინჯაოს ქანდაკების ძირას მელოტი თავი ათრთოლდა. ზარის ხმაზე სემიონიჩი გამოჩნდა:

– ნიკოლაი აპოლონოვიჩი შინ არის?

– დიას...

– მისმინეთ... გადაეცით, რომ ანა პეტროვნა ჩვენთანაა!

– იქნებ ჩვენ მივიდეთ მასთან, – ანა პეტროვნა, მაგრამ აპოლონ აპოლონოვიჩი სემიონიჩს კენ შებრუნდა და ანა პეტროვნას გაანყვებინა:

– მე-ემე... სემიონიჩ მინდა გათხრათ... – დიას, გისმენთ!..

– ქალდეველის შვილი – მგონი – იქნება?..

– ქალდეველი...

– არა, ქალდუნა!..

– ჰე-ჰე-ჰე...

– ნუ ღელავთ, კოლენკა ცოცხა უცნაურად... – ხომ გითხარით, ნუ ღელავთ-მეთქი – იქცევა... – ?

ოქროსფერი ტრიუმოები თავისი სარკისებრი ზედაპირით იაქთალებიდან მთელ სასტუმრო ოთახს ნთქავდნენ.

– კოლენკა გულჩათხრობილი გახდა... თხ-თხე, – აპოლონ აპოლონოვიჩმა ჩაახველა, თითები მაგიდაზე აათამაშა, რალაც გაახსენდა, წარბები შეჰყარა და ცხვირი მოისრისა; თუმცა უცებ მოეგო გონს და გადაჭარბებული ხალისით ამოიძახა:

– თუმცა – არა, არაფერია ისეთი...

სრული უაზრობა გახლდათ

ნიკოლაი აპოლონოვიჩი ძლივს ერეოდა ძლიერ ტკივილს მუხლის სახსარში (ისე დაეზიანებინა), კოჭლობით მირბოდა დერეფანში.

აზრთა და მოსაზრებათა გრიგალმა დაბინდა; უფრო სწორად, აზრთა კი არა – უაზრობათა გრიგალმა; აბლუჟსოვის თავში თუნდაც წამით რომ შეეჩერებინათ ატეხილი ქარიშხალი, იქნებ უაზრობა აზრად გადაქცეულიყო.

აი, ასიც:

აზრი მისი მდგომარეობის შესახებ; ახლა (სასარდინეს დაკარგვის გამო) უფრო საშიში მდგომარეობა შეიქმნა; სასარდინე, ესე იგი, ბომბი დაიკარგა; შეიძლება დავასკვნათ, რომ ვილაცამ გაიტანა; და მას დააპატიმრებენ; თუმცა ეს როდია მთავარი; ბომბი თვითონ აპოლონ აპოლონოვიჩმა წაიღო; და წაიღო მაშინ, როცა ბომბის საქმე უკვე მოთავებული იყო; და მან ყველაფერი იცის.

რას ნიშნავს ყველაფერი? არც არაფერი ყოფილა. არც მკვლელობის გეგმა ყოფილა; ნიკოლაი აპოლონოვიჩი ყოველივეს უარყოფს: ის გეგმა ცილისწამებაა.

რჩება ფაქტი – ბომბი.

რადგან მამა უხმობს და დედაც იქ არის – არა, მან არ შეიძლება იცოდეს ეს. – ბომბი მას არ გაუტანია ოთახიდან. არც ლაქიებს წაუღიათ... ლაქიები დიდი ხნის წინ გააცხადებდნენ ამას. არავინ არაფერი იცის. ბომბის შესახებ არაფერი იციან. აბა, მაშ, რა იქნა? ნამდვილად უჯრაში შეტენა, თუ უნებურად, მექანიკურად, სადმე ხალიჩის ქვეშ ამოდო:

ასეთი რამ არასოდეს დამართნია.

ერთი კვირის შემდეგ ბომბი თვითონ გამოჩნდება... თუმცა არა: დღესვე საშინელი გრგვინით

დაადასტურებს თავის არსებობას (გრგვინვას კი აბლესობები ვერ იტანდნენ).

იქნებ ხალხის ან ბალიშის ქვეშ, ანდა თაროზე დაიგრგვინებს და გასკდება; ბომბის პოვნაა საჭირო; მის მოსაძებნად დრო აღარ რჩება – ანა პეტროვნაა აქ.

ოჰ, ყველაფერი აიხლართა: არაადამიანური სისწრაფით ქარბორბალასავით ტრიალებდნენ აზრები და თან ყურები ისე წიოდა, თითქოს ეს აზრები არც არსებობდა.

თავში უაზრობა თუხთუხებდა და ნიკოლაი აპოლონოვიჩი მირბოდა, თან კოჭლობდა – მარჯვენა მუხლის სახსარი სტკიოდა.

დედა

პირველი, რაც მან შენიშნა, იყო... იყო... არ ვიცი, როგორ ვთქვა და – დედის სახე; სახე მობერებული, ხელები (ახლახანს სარკმლებს მიღმა დანთებული ფარნების ოქროსფერ მაქმანებში) აკანკალებული.

– კოლენკა, ჩემო ძვირფასო, ჩემო საყვარელო! ვერ მოითმინა და მისკენ გაქანდა:

– ეს შენ ხარ, ჩემო ბიჭუნა...
ვერ მოითმინა, მის წინ ჩაიჩოქა და ხელები შემოხვია; მუხლებთან მიეკრა; და კრუნჩხვის მაგვარი ქვითინი აღმოხდა; არავინ იცოდა, რატომ ტიროდა; მხრები უთრთოდა (ბოლო წლების განმავლობაში მას ალერსი არ უგრძენია).

– დედიკო...
და ტიროდა.

აპოლონ აპოლონოვიჩიც იქვე იდგა ნიშის ბინდბუნდში; ხელით ჩინელს – ფაიფურის თოჯინას – ეხებოდა, ის კი თავს აქიცინებდა; ამ დროს აპოლონ აპოლონოვიჩი ბინდბუნდიდან გამოვიდა; ჩუმად აკიკინდა; პანია ნაბიჯებით მათკენ გაემართა; და უცებ აგუგუნდა:

– დამშვიდდით, მეგობრებო!
მართალი გითხრათ, გრძნობათა ასეთ ფრქვევას გულჩათხრობილი ვაჟისგან არ მოელოდა; ორი წლის განმავლობაში მხოლოდ მის მანჭვას უყურებდა; ყურებამდე გახეულ პირსა და დახრილ თვალებს; და აპოლონ აპოლონოვიჩი დაქიჩმაჩებული გაიქცა რალაცის მოსატანად.

– დედიკო...
– ჩემო ბიჭუნა, საყვარელო.
ხელზე თითების შეხებამ გონს მოიყვანა:

– აი, კოლენკა, წყალი მოსვი.
და როცა მან დედის მუხლებს ნამტირალევი სახე მოაცილა, სამოცდარვა წლის მოხუცის ბავშვურ მხერას ნააწყდა – პანიაპიჯაკიანი აპოლონ აპოლონოვიჩი იდგა და ხელში წყლიანი ჭიქა ეჭირა; თითები უცეკვავდა; ცდილობდა ხელი მოეთათუნებინა ბეჭებზე, ლოყებზე; უცებ თეთრ-სელისფერ თმაზეც გადაუსვა ხელი. ანა პეტროვნა იცინოდა; და საყელოს უაზროდ აწვალებდა.

ნიკოლაი აპოლონოვიჩი წამოიმართა:
– მაპატიე, დედილო: ეს ისე. რა...
– მე ახლავე მოვალ...

წყალი მოსვა.
აპოლონ აპოლონოვიჩმა სადაფის პატარა მაგიდაზე ჩამოდგა ჭიქა; უცებ ბებრულად გადაიხარხარა; ასე პატარა ბიჭები იცინიან ხოლმე ხუმარა ბიძის მასხრობისას:

– ასე...
– ასე...

ნიკოლაი აპოლონოვიჩი იდგა ტრიუმოსთან, რომელსაც ოქროს ლოყება ამური თავისი ფრთებით აგვირგვინებდა; ამურის ქვეშ კი დაფნასა და ვარდებს ჩირალდნების მძიმე ალი ასხივოსნებდა; სსოვნაში მაინც წამოტივტივდა: სასარდინე! ალფროთოვანება გადატყდა მასში:

– მე – ახლავე... მოვალ...
– რა დაგემართა, ჩემო ძვირფასო?
– თავი დაანებეთ, ანნა პეტროვნა... კოლენკა, გირჩევ განმარტოვდე... ხუთი წუთით... მერე კი... მერე მოდი...

და ცოტა ხნის წინანდელი აღმაფრენის სიმულაციის მიზნით, ნიკოლაი აპოლონოვიჩი გადაქანდა და როგორღაც თეატრალურად ჩარგო სახე თავის თითებში; თმის ჩაჩი უცნაურად გადამკვდრისფერდა.

და ბარბაცით გავიდა ოთახიდან.
– დიახ, დიახ... მართალი გითხრათ, ვერც კი ვიცანი... ეს... ასე ვთქვათ, გრძნობები... – სარკესთან მდგარმა აპოლონ აპოლონოვიჩმა ფანჯრის რაფისკენ გადაინაცვლა... – ეს... ეს აღმაფრენა, – და ქილვაშები ხელით აიშალა.

– ეს მიგვითითებს, – მკვეთრად შებრუნდა, ცერებზე აინია და მთელი სხეულით დაეშვა ქუსლებზე, – მიგვითითებს, – ხელები ზურგზე დაიწყო (უფრო სწორად, პიჯაკის ქვეშ ამოიწყო) და აათამაშა (რის გამოც პანია პიჯაკმა რხევა დაიწყო); გეგონებოდათ, აპოლონ აპოლონოვიჩი სასტუმრო ოთახში კუდის ქიცინით დარბისო:

– მიგვითითებს გრძნობათა ბუნებრიობასა და, ასე ვთქვათ, – აქ მან მხრები აიჩეჩა, – მისი ბუნების კეთილ თვისებებზე...
– არაფრით არ ველოდი...

უეცრად ქმრის ყურადღება მაგიდაზე დადებული სათუთუნემ მიიპყრო, და მოესურვა რა შეეცვალა მისი მდებარეობა, გადაენია ლანგრისკენ, მივიდა იმ მაგიდასთან; ხელი დაავლო... ლანგარზე დაგდებულ სავიზიტო ბარათს და თითებში შეათამაშა; ამ დროს მიეძალა ფიქრი, რომელიც უცხო აღმოჩენათა ლაბირინთში გაიშალა. სავარძელზე ჩამომჯდარმა ანა პეტროვნამ კი შენიშნა:

– მე მუდამ ვამბობდი...
– დიახ, და იცი...

აპოლონ აპოლონოვიჩი წამოდგა და მაგიდიდან სარკისკენ გავარდა:

– იცი...
სარკიდან – კუთხისკენ:
– მართალი გითხრათ, კოლენკამ გამაკვირვა: და ვალიარებ, დამამშვიდა კიდეც, – შუბლი შეჭმუნა, – ყველაფერი შედარებითია... შედარებითი, – ხელები ზურგიდან ჩამოიღო და მაგიდაზე აათამაშა:
– მდა!..



შეაწყვეტინა:
- არა უშავს, რა.
და შეფიქრებინა.

და გუგუნება რულადა

ნიკოლაი აპოლონოვიჩი თავის ოთახში შევიდა; არაბულ ტაბურეტს შეაჩერდა - ძვლისა და სადაფის ინკრუსტაციას აკვირდებოდა; ნელა მიუახლოვდა სივრცისკენ მიმართულ სარკმელს: იქ მდინარე მიედინებოდა; ნავი ქანაობდა და წყლის ჭავლი ირხეოდა; სადღაც შორიდან - სასტუმრო ოთახიდან - სწრაფმა რულადამ აახშიანა სიჩუმე; ასე უკრავდნენ წინათაც; ხშირად ამ ბგერათა მოსმენისას ჩასძინებია.

ნიკოლაი აპოლონოვიჩი საგანთა გროვას თავს დასდგომოდა, ძლივს აზროვნებდა.

- სად არის... რა მოხდა... მართლა და მართლა, სად უნდა წასულიყო?

ვერ გაეხსენებინა.

და ჩრდილები, ჩრდილები: ბინდბუნდში სავარძლები მწვანედ ხასხასებდა; იქ ბიუსტიც გამოკრთა, რა თქმა უნდა, კანტისა.

ამ დროს მან ოთხად გაკეცილი ფურცელი შეინიშნა; პატრონის იქ არყოფნისას მომსვლელები მაგიდაზე ფურცლებს ტოვებენ ხოლმე; მექანიკურად დაავლო ხელი ქალაღდს; და დაინახა ნაცნობი, ლიხუტინისეული ხელწერა. ჰო, სულ გადაავინწყდა, რომ მისი არყოფნისას აქ ლიხუტინი ბრძანდებოდა, იჩხრიკებოდა და იქექებოდა.

ოთახს ჩხრეკდა.

შვების ოხვრა აღმოხდა. ყველაფერი გაირკვა - ლიხუტინი! რა თქმა უნდა, რა თქმა უნდა, აქ იქექებოდა; ექებდა და იპოვა; იპოვა და თან წაიღო; დასაკეტი უჯრა დაინახა და მერე შიგაც ჩაიხედა; სასარდინემ ალაშფოთა თავისი შესახედაობით, წონითა და საათის მექანიზმით; ჰოდა, სასარდინე პოდპორუჩიკმა წაიღო. ეჭვი აღარ რჩებოდა.

სავარძელზე შვებით დაეშვა; სიჩუმე სწრაფმა რულადამ გაჰკვეთა; ადრეც ასე იყო - ასე, ცხრა წლის წინ - იქიდან რულადა მოჰქროდა; დიას, ცხრა წლის წინ ანა პეტროვნა ასევე უკრავდა შოპენს (და არა შუმანს). და მოეჩვენა, რომ არც არაფერი მომხდარა: უცებ გაირკვა ყველაფერი - სასარდინე პოდპორუჩიკმა ლიხუტინმა წაიღო (აბა, მაშ ვინ; სხვა რალა უნდა ვიფიქროთ, ან... რატომ უნდა ვიფიქროთ!); დანარჩენს ალექსანდრ ივანოვიჩი მოაგვარებს (ჩვენ გვახსოვს, თუ აგარაკზე ამ დროს რა საუბარი გაიმართა ალექსანდრ ივანოვიჩ დუდკინსა და ანგარდაცვლილ ლიპპანჩენკოს შორის); დიას, არაფერი მომხდარა.

სარკმლებს მიღმა კი ელვარე პეტერბურგი თავისი მტირალი სივრცით თან სდევდა ტვინის თამაშს; ცივი, ნესტიანი ქარი უტევდა იქიდან; ხიდქვეშ ნისლში იძირებოდა ვეება ბრილიანტთა ბუდეები.

მიედინებოდა მდინარე; წყლის ჭავლი ირხეოდა; და ნავი ქანაობდა და გუგუნებდა რულადა.

ორნელინად-ნახევრის შემდეგ ერთად სადღეობდნენ.

გუგული გუგულებდა; ლაქიამ ორთქლიანი სანვნე შემოიტანა; ანა პეტროვნა კმაყოფილებით ბრწყინავდა; აპოლონ აპოლონოვიჩი კი... უნდა ითქვას, ჯერ კიდევ დილით მომჩვარულ მოხუცს რომ წააგავდა, წლები ჩამოეცილებინა; ვერ იცნობდით - გაძლიერებულიყო, გაჯგამიშულიყო; და ზამბარისებრი მოძრაობით ხელსახოცს იღებდა; ისინი წვნიანს შეექცეოდნენ; ამ დროს გვერდითა კარმა გაიჭრიალა: ოდნავ პუდრშეფრქვეული, გაპარსული, სუფთად გამონყობილი ნიკოლაი აპოლონოვიჩი შემოცანცალდა და თავისი ვეება საყელოიანი (ალექსანდრეს დროინდელ - ძველებურ საყელოს რომ მოგაგონებდათ) სერთუკით ოჯახს შეუერთდა.

- Mon cher, - ანა პეტროვნამ ცხვირზე პენსნე აინია და აფექტაციურად წამოიძახა, - რატომ კოჭლობ?

- ა?... - აპოლონ აპოლონოვიჩმა მზერა კოლენკაზე გადაიტანა და ხელი საპილპილეს დაავლო. - მართლაც... - და წვნიანზე პილპილის დაყრას მოჰყვა.

- ოჰ, მამან; ნავიფორხილე და... მუხლი მტეხს...

- ტყვიის საფენი ხომ არ გჭირდება?

- ა, კოლენკა, - აპოლონ აპოლონოვიჩმა წვნიანით სავსე კოვზი პირთან მიიტანა და შუბლის ქვეშიდან გახედა, - მუხლქვეშა სახსრის დაზიანებას ნუ ეხუმრები; გამიზეზება იცის...

და ერთი კოვზი წვნიანი გადაყლაპა.

- დედობრივი გრძნობა, - ანა პეტროვნამ თავისი ბავშვური, დიდი თვალები გადმოკარკლა და თავი კისერს ჩამოაყრდნო, - ისე კი გასაკვირია, ბიჭი გაიზარდა, მაგრამ მე მაინც ვწუხვარ მის გამო...

რა თქმა უნდა, უკვე დავინწყებოდა, რომ ორ ნელინად-ნახევრის განმავლობაში კოლენკაზე არ უფიქრია; კოლენკა გრძელულვაშა, ქლიავივით შავთვალეა ადამიანმა დაჩრდილა, უცხო მამაკაცმა, რომელსაც იქ, ესპანეთში, ყოველდღიურად ყელზე აბრეშუმის იასამნისფერ ჰალსტუხს უფსკვნიდა, და გუნიადი-იანოს სასაქმებელს ასმევდა.

- დედობრივი გრძნობა... გახსოვს, დეზინტერიის დროს...

- სწორედ, სწორედ...

- დიზენტერიის შედეგები, - თეფშიდან თავაუღებლად ჩაიდუდუნა აპოლონ აპოლონოვიჩმა, - როგორც ჩანს, ახლაც არ გასვენებს?

- და მსურს მოგახსენოთ, რომ... ხილი... დღემდე სწყენს, - გაისმა სემიონიჩის ხმა; ის კარიდან უმზერდა მათ.

- ხილი! - აბუბუნდა აპოლონ აპოლონოვიჩი და მოულოდნელად მთელი კორპუსით სემიონიჩისკენ შებრუნდა:

- ხილი! - ტუჩები ააცმაცუნა მან.

ლაქიამ, რომელიც ემსახურებოდა (და არა სემიონიჩმა) მიხვედრილივით გაუღიმა, თითქოს რალაცის გამხელა სურდა:

– ახლა – ეს მითხარით!
– მიბრძანეთ ერთი, სემიონიჩ: საზამთრო ხილია? –
– საზამთრო, თქვენო მაღალკეთილშობილევ, ხილი კი არა, ბოსტნეულია.

მაგრამ მთელი კორპუსით შებრუნებულმა აპოლონ აპოლონოვიჩმა – აი, აი, აი! – თავისი ექსპრომტი ამოთქვა:

სემიონიჩ, ჩემო ძველო,
გამხმარი ხარ ნაზუჭი
და მელოტი თავის სფერო
გახლავთ ამის თამასუჭი.

სადილის შემდეგ, ჩვეულებისამებრ, ოდნავ განათებული დარბაზის კიბეზე სცემდა ხოლმე ბოლთას; ისიც მთვართა და ფარნის მაქმანით ოდნავ, სულ ოდნავ, იყო განათებული; აპოლონ აპოლონოვიჩი დღესაც ასე დაიარებოდა იატაკის კვადრატებზე; მასთან ერთად კი ნიკოლაი აპოლონოვიჩიც დასეირნობდა; ისინი ჯერ ჩრდილიდან მაქმანისებრი ნათებისკენ, შემდეგ კი ფარნის მაქმანისებრი ნათებიდან ჩრდილისკენ მიაბიჯებდნენ. მძიმედ დახრილი თავითა და უჩვეულოდ მიმდობი სილბოთი ეუბნებოდა აპოლონ აპოლონოვიჩი – არ ვიცი – შვილს, არ ვიცი – საკუთარ თავს:

– იცი... იცი, რა ძნელია სახელმწიფოებრივი ჩინის ტარება.

მერე ერთად შემოტრიალდნენ.

– ყველას ვაფრთხილებდი, ამერიკული ძნასაკონი მანქანების შემოტანის ხელშეწყობა არც ისე მარტივი ამბავია-მეთქი; ამაში უფრო მეტ ჰუმანურობას ვხედავდი, ვიდრე გაუთავებელ ლაყობაში... სახელმწიფო სამართალი გვასწავლის, რომ...

ისინი პარკეტის კვადრატთა მობუბუნე იატაკზე უკან ბრუნდებოდნენ; ჩრდილიდან მთვარის ათინათისკენ მიაბიჯებდნენ.

– ჰუმანური საწყისები ჩვენ მაინც გვჭირდება; და საერთოდ, ჰუმანიზმი დიდებული რამაა, თან ისეთ დიდმოღვაწეთა გონებაში გამოტანჯული, როგორიც ბრუნო, ან...

კიდევ დიდხანს დაბორიალებდნენ ასე.

აპოლონ აპოლონოვიჩი მეტად გაბზარული ხმით საუბრობდა; ხანდახან ორი თითით ებლაუჭებოდა ვაჟის სერთუკის ღილს და ტუჩებით მისი ყურისკენ მიიწვედა.

– კოლენკა, ისინი მხოლოდ ლაქლაქებენ: ჰუმანურობა, ჰუმანურობაა!.. ძნასაკონი მანქანები უფრო მეტი ჰუმანიზმია, ძნასაკონი მანქანები უფრო საჭიროა!..

თავისუფალი ხელი შვილის თხელ წელს შემოხვია და სარკმლისკენ, კუთხეში გაიზიდა; ბურტყუნებდა და თავს აქნევდა; ისინი მას ანგარიშს არ უწევენ, უბრალოდ, არ სჭირდებათ:

– იცი, გადამაბიჯეს!

ნიკოლაი აპოლონოვიჩს არ სჯეროდა; კი მაგრამ, როგორ – ახსნა-განმარტებების, ქარიშხლისა და აღსარების გარეშე; – ეს ჩურჩული კუთხეში, ეს ალერსი.

ამდენი წლის განმავლობაში რატომ...

– აი, ასე, კოლენკა, ჩემო მეგობარო, გულახდილნი ვიყოთ ერთმანეთთან...

– რა? არ მესმის...

სარკმლებს მიღმა პატარა გემის გიჟურმა სტვენამ გაინავარდა; გემბანის აელვებული ფარანი გეზად მიჰქროდა ნისლში; ძონისფერი რკალები ფართოვდებოდა. მძიმედ დახრილი თავითა და უჩვეულოდ მიმდობი სილბოთი ესაუბრებოდა აპოლონ აპოლონოვიჩი – არ ვიცი – შვილს, არ ვიცი – საკუთარ თავს. ისინი ჯერ ჩრდილიდან ფარნის მაქმანისებრი ნათებისაკენ, შემდეგ კი ფარნის მაქმანისებრი ნათებიდან ჩრდილისკენ მიაბიჯებდნენ.

ჩია მელოტმა, მოხუცმა აპოლონ აპოლონოვიჩმა, ოდნავ რომ ანათებდა ჩამწვარი ქვანახშირის მფეთქავი ნათება, სადაფის მაგიდაზე პასიანსის გაშლა დაიწყო. ორწელიწად-ნახევარია, რაც მას პასიანსი არ გაეშალა; ანა პეტროვნას ის ასეთად აღბეჭდოდა მესხიერებაში; ყოველივე ეს ორ წელიწად-ნახევრის წინ მოხდა, იმ ავბედით საუბრამდე; მელოტი, ჩია სხეული ამავე მაგიდასთან იჯდა და პასიანსს შლიდა.

– ათიანი...

– არა, ჩემო კარგო, უკვე გადავდე... ანა პეტროვნა, გაზაფხულზე პროლიოტნოეში ხომ არ გავმგზავრებულებიყავით (პროლიოტნოე აბლუეხოვების მამული გახლდათ. ოცი წელი იქნებოდა, რაც აპოლონ აპოლონოვიჩი იქ არ ყოფილა).

ორმოცდაათი წლის წინათ ტყის დაკბილულ თხემზე, თოვლისა და ყინვის ჟამს ვილაცის ციგმა თითებმა მკერდზე მიუაღერსა; ხელი თავისკენ იხმობდა; მის უკან უსაზღვრობაში მიჰქროდნენ საუკუნენი; წინ – ყინულის მარჯვენა ფარდას ხდიდა უსასრულობას; მერე უსაზღვრობანი ერთმანეთის შესახვედრად დაიძრნენ; დიას, მათთან ერთად ყინულის ხელიც!

და აი, მან დნობა იწყო.

აპოლონ აპოლონოვიჩმა სამსახურის მიტოვების შემდეგლა გაიხსენა მაზრის დაობლებული სივრცეები, სოფლების კვამლი; და – ჭილყავი; და მიეძალა სურვილი, მოენახულებინა ეს სოფლის კვამლიც... და – ჭილყავიც.

– წავიდეთ პროლიოტნოეში: იქ ბევრი ყვავილია.

ანა პეტროვნა კი კვლავ გაიტაცა ალგამბრის სასახლეთა მშვენიერებაზე თხრობამ; მაგრამ თხრობის დროს, აღფრთოვანებისას თავს კარგავდა და „მეს“ ნაცვლად „ჩვენს“ ხმარობდა; „ჩვენ“ ესე იგი „მე“ და მინდალინი (ან უფრო სწორად, მანტალინი).

– დილით, სახედრებშებმული მშვენიერი ეტლით ჩავედით; ეტლს, კოლენკა, აი, ასეთი პომპონები ჰქონდა ჩამოკონწიალებული; და იცით, აპოლონ აპოლონოვიჩ, ბოლოს მივეჩვიეთ კიდევც...

აპოლონ აპოლონოვიჩი უსმენდა და თან ბანქოს ქალაღდს აწყობდა; შემდეგ მიატოვა – პასიანსი არც კი დაუსრულებია; ღია წითელი მუგუზალით განათებული, მოიკუზა; რამდენჯერმე ხელით შეეხო ამპირის სავარძლის სახელურებს, წამოხტომას აპირებდა, მაგრამ დროზე ხვდებოდა, რომ უტაქტოდ იქცეოდა – სიტყვათა ნაკადს აბრკოლებდა, სავარძელზე ეცემოდა და ამთქნარებდა.

ბოლოს ალერსიანად შენიშნა:

– უნდა ვალიარო, რომ დავილაღე...

და სავარძლიდან სარწვევლაზე გადაჯდა.

ნიკოლაი აპოლონოვიჩმა დედის სასტუმრომდე გაცილება მოისურვა; ოთახიდან გასვლისას მთელი კორპუსით მამისკენ შებრუნდა; და სარწვევლაზე ქანაობისას შენიშნა (ან იქნებ მოეჩვენა) მისკენ მიპყრობილი სევდიანი მზერა; აპოლონ აპოლონოვიჩი თავის ქიცინითა და ფეხის მოძრაობით აქეთ-იქით ქანაობდა; ეს მისი უკანასკნელი გაცნობიერებული აღქმა გახლდათ; მართალი გითხრათ, მამა აღარც უნახავს; ეს გამოსხედა თან სდევდა ზღვაზე, მთაში, ქალაქებში, ევროპის მნიშვნელოვან მუზეუმთა თვალისმომჭრელ დარბაზებში; და ეჩვენებოდა, რომ აპოლონ აპოლონოვიჩი განზრახ ემშვიდობებოდა ასე – თავის ქიცინითა და ფეხის მოძრაობით; ელანდებოდა: მოხუცის სახე და სარწვევლას უჩუქმარი ჭრიალი; და – გამოსხედა, გამოსხედა!

საათი

დედა სასტუმრომდე მიაცილა; მერე მოიკაზე გადაუხვია; სახლის სარკმლებში წყვდიადი ჩამონოლილიყო: ლიხუტინები შინ არ იყვნენ; რალა დარჩენოდა, სახლისაკენ გასწია.

ძლივს მილასლასდა საწოლ ოთახამდე; კარგა ხანს ბინდში იდგა; ირეოდნენ ლანდები, ლანდები და ფარნის ნათელი მაქმანები; ჩვეულებისამებრ, მოისხნა მაჯიდან საათი და დახედა – სამი იყო.

ყველა ფიქრი აეშალა.

მიხვდა, რომ შიში ვერ დაეძლია; ამ საღამოს დაუფლებული რწმენაც სადღაც გამქრალიყო; ყოველივე მყიფე შეიქნა; ბრომის მიღება სურდა, მაგრამ აღარ აღმოაჩნდა; „გამოცხადების“ ნაკითხვა უნდოდა, აღარც „გამოცხადება“ იყო სადმე; ამ დროს ყურთასმენას შემაშფოთებელი ხმა მისწვდა: ტიკი-ტაკ, ტიკ-ტაკ – მოისმოდა ყრუდ: სასარდინე!

აზრი თანდათან განმტკიცდა.

მაგრამ ეს როდი ტანჯავდა; ტანჯავდა სხვარამ – ძველი და მთელი დღის განმავლობაში მივიწყებული; ღამით კი კვლავ აღმოცენებული: – პეპკ პეპკოვიჩ... პეპკი...

მეოთხე განზომილებიდან თუ გამოჩნდა უზარმაზარ სიდიდემდე დაჟიებული ყვითელი სახლი; ის კი დაბორილებდა ოთახებში, სული ეკვროდა; და სულიც უზარმაზარ სწრაფად მზარდ სატურნის ორბიტად გარდაქმნილ ბუშტის ზედაპირად იქცეოდა... – ოჰ-ოჰ-ოჰ: ნიკოლაი აპოლონოვიჩი იყინებოდა; შუბლში ქარი სცემდა; სკდებოდა ყოველივე.

ყმანვილი თავისი გამანამებელი ბგერები-საკენ იხრებოდა: ეძებდა, საიდან მოისმოდა ეს ხმა; ჩექმების ჭრიალით მაგიდისკენ მიიპარებოდა; მიიპარებოდა იქით, სადაც მომაბეზრებელი ჩქამი უფრო ცხადი ხდებოდა; მაგიდასთან კი – სულაც იკარგებოდა.

საათი ნიკნიკებდა.

– ნიკ-ნიკ, – ხმადაბლა გამოვარდა ჩრდილო-

ვანი კუთხიდან; შემდეგ უკან გაიპარა: მაგიდიდან კუთხისკენ; ყველგან – ჩრდილი და ჩრდილი და სამარისებური სიჩუმე სუფევდა... ზიზღილიყო...

წინ მიმართული სანთლით ხელში, ჩრდილთა თარეშში მობორილად ნიკოლაი აპოლონოვიჩი ქოშინებდა; მისდევდა მოფარფატე ბგერას (ბავშვები ასე ყვითელ ფარვანებს დასდევენ ხოლმე).

აი, ზუსტ მიმართულებას მიაგნო; გაიხსნა უცნაური ბგერა; და მკვეთრად გაისმა ნიკნიკი: წამიც და წამოენევა (ვერ გაუფრინდება ფარვანა).
სად, სად, სად?

და როცა შეუპოვრად შეუდგა ბგერის გავრცელების წყაროს ძიებას, მაშინვე იპოვა: ის მისივე მუცელში მდებარეობდა; და მართლაც, საშინელი ძალით ქაჩავდა კუჭს.

შენიშნა, რომ ღამის მაგიდასთან იდგა; ხოლო მაგიდის ზედაპირზე მუცლის გასწვრივ ნიკნიკებდა... მისივე მაჯიდან მოხსნილი საათი; დაბნეულად დახედა – ოთხი იყო.

მერე თავის თავს დაუბრუნდა (ღიას, ღიას – პოდპორუჩიკმა ლიხუტინმა წაიღო დაწყველილი ბომბი); გაიძრო ფეხსაცმელები; შეისხნა გახამებული საყელო და პერანგი; ჩაიძრო კალსონები ფეხიდან, მუხლთან რომ შეშუპებოდა; და კიდურებით ქათქათა ზენარში ჩაეფლო; თუმცა ხელზე დაყრდნობისას – ჩაფიქრდა.

სანთელი ჩაქრა.

საათი ნიკნიკებდა; სულს ბინდი შემოგზნებოდა; სიბნელეში ისე აფარფატდა ნიკნიკი, როგორც ყვავილს მოწყვეტილი პეპელა; ხან აქ, ხან იქ ნიკნიკებდა; ანთებით შეპყრობილი სხეულის სხვადასხვა ადგილას პულსირებდნენ აზრები: კისერზე, ხელში, თავში; მზის ნწულშიც კი.

ჩამორჩნენ რა სხეულს, ისინი უსხეულოდ დარჩნენ; სხეულიდან ნახევარი არშინის მანძილზე ცნობიერების კონტური წარმოქმნეს; და მიხვდა, რომ თვითონ არ აზროვნებდა; უფრო სწორად, აზროვნებდა ცნობიერების ის კონტური, ტვინის გარეშე რომ წარმოიქმნა; კონტურში კი ფეთქვა, ფეთქვათა პროექცია – ყველაფერი – თვითმოაზრებულ აზრად იქცა; ღიას, ღიას, თვალის კაკალში მშფოთვარე ცხოვრება მიმდინარეობდა; აქ ჩვეულებრივმა წერტილებმა ნაპერწკლებად იფეთქეს; ორბიტიდან სივრცეში გადახტნენ; და გარშემო აცეკვდნენ – მომაბეზრებელ ფერხულში ჩაებნენ და ნახევარი არშინის მანძილზე სინათლის მოფუთფუთე პარკუჭები შექმნეს. სწორედ ეს გახლდათ პულსაცია; და მან იფეთქა.

– ხომ ნიკნიკებს, ნიკნიკებს...

ახლა მეორემ გაინავარდა...

იმ მდგომარეობის დადასტურებას მოიაზრებდა, რასაც ტვინი უარყოფდა და, რასაც ასე შეუპოვრად ებრძოდა – სასარდინე აქ არის; ღიას, სასარდინე აქ ნიკნიკებს; მასზე პანია ისარი მირბი-მორბის; ისარიც დაილაღა: და აი, მიიბრუნს საბედისწერო პუნქტამდე (ის პუნქტი უკვე ახლოსაა)... სინათლის მოფარფატე ბიძგები გიჟურად დაიფანტება, თითქოს კოცონს კეტს მაგრად ურტყამენო... – და გაშიშვლდება მასში რალაც ცისფერი უსაგნობა; მბრწყინავი ცენტრი

ნამში გაარღვევს მწოლიარე ადამიანის გაოფ-
ლილ თავს თავისი ნემსისებრი და მთრთოლვარე
სინათლეებით, სხვა სამყაროდან გადმოსულსა
და ტვინში არეკლილ გიგანტურ ობობას რომ
ნააგავს: –

– და გახმიანდება აუნერელი გრგვინვა,
რომლის გაგონება შეიძლება ვერც კი მოასწრო,
რადგან სანამ ყურის ძვიდეს მიეხლება, მანამდე
ყურის ძვიდე (და კიდეც რალაც-რალაცები) აღარ
იარსებებს –

– ცისფერი უსაგნობა გაქრა; და მასთან ერ-
თად სინათლის ფერხულიანი მბრწყინავი რალა-
ცაც... წამოფრინდა სანოლიდან:

ფეთქვა გრძელდებოდა საფეთქლებთან, ყელ-
თან, კისერთან, ხელებში... და არა მის ორგანოთა
მიღმა.

შიშველი ფეხით გაშლაპუნდა; და კუთხეში
აღმოჩნდა.

თენდებოდა.

ამოიცვა კალსონები და ჩაბნელებულ დერე-
ფანში გაფრატუნდა; რატომ, რატომ? საკუთარი
სიცოცხლის გამო ცხოველური გრძნობა დაეუფ-
ლა... დიახ, უბრალოდ, შეშინდა; დერეფნიდან
მობრუნება არ უნდოდა. ძალა არ შესწევდა
თავის ოთახებში შეეხედა; ბომბის ძიების თავი
აღარ ჰქონდა; ყველაფერი აერია; აღარც წუთი
ახსოვდა და აღარც საათი; ყოველი წამი, შეიძ-
ლება, საბედისწერო ყოფილიყო.

კუთხეში განაპირდა და ჩაიჩოქა.

წამები მასში მდორედ მიედინებოდნენ; წუთე-
ბი საათებად ეჩვენებოდა; დერეფანში ლურჯმა
ფერმა იმძლავრა: თეთრად თენდებოდა.

ნიკოლაი აპოლონოვიჩი თანდათან რწმუნ-
დებოდა თვითმოაზრებულ აზრთა უაზრობაში;
ტვინი დაჰყვა; და როცა გადაწყვიტა, რომ დრო
უკვე გავიდა, – ვერსია პოდპორუჩიკის მიერ
სასარდინეს წაღების შესახებ, ნეტარ ხატებად
წარმოჩნდა; დერეფანში ჩამუხლულმა ნიკოლაი
აპოლონოვიჩმა, უსაფრთხოება შეიგრძნო; და
ის-ის იყო ჩათვლიმა.

შუბლზე რალაც გლუვის შეხებისაგან გამო-
ერკვა; თვალი რომ გაახილა, ბულდოგის ნერ-
წყვიანი სიფათი დაინახა; – ის ქსუტუნებდა და
კუდს აქიცინებდა; ძალი ხელით გასწია, უნდო-
და, ძველ საფიქრალს დაბრუნებოდა და ისევ ისე
გაეგრძელებინა; სურდა, მოშვებული ჭანჭიკები
მოეჭირა, აღმოსაჩენი რომ აღმოეჩინა. და უცებ
მიხვდა: რატომ ვარ იატაკზე?

რატომ ვარ დერეფანში?

ფეხათრევიტ გაემართა თავისი ოთახისაკენ:
სანოლს რომ მიუახლოვდა, ძიღმა თავის მორევ-
ში ჩაითრია...

– დაიგრგვინა: ყველაფერს მიხვდა.

ზამთრის ხანგრძლივზე ხანგრძლივ სალა-
მოობით ნიკოლაი აპოლონოვიჩი არაერთხელ
უბრუნდებოდა ამ საშინელ გრგვინვას; – ეს
გახლდათ რალაც განსხვავებული, შეუდარებე-
ლი გრგვინვა;

ყრუ და გამაყრუებელი; მეტალის ბანისებრი
ჭარბხმოვანებით; და მერე ყველაფერი მიყუჩდა.

მაღე შიშველი ფეხების შლაპუნნი და ბულ-

დოგის ყმული გაისმა; ტელეფონმა დარეკა: მან
კარი გამოაღო; ცივი ქარის ნაკადი შემოიჭრა;
მოყვითალო-ლიმონისფერმა კვამლმა ოთახი
აავსო; ქარის ნაკადში მოულოდნელად წამო-
ედო რალაცის ნამტვრევს – გახეთქილი კარის
ნაფოტს.

აი, ცივი აგურის გროვა; აი, კვამლში მირბი-
მორბიან ლანდები; ხოლო დამწვარი ხალიჩების
ნაგლეჯები – აქსაიდან გაჩნდა? ერთმა აჩრდილ-
თაგანმა უხეშად შეჰყვირა:

– ეი, რას დამდგარხარ, ვერ ხედავ, სახლში
უბედურებაა!

მოისმოდა:

– ოჰ, იმ ნაძირალეს!

– ეს – მე, – შეეცადა ის.

მაგრამ შეანყვეტიწეს:

– ბომბი...

– ოჰ!

– ის... აფეთქდა...

– ?

– აპოლონ აპოლონოვიჩთან... კაბინეტში...

– ?

– მადლობა ღმერთს!

მკითხველს შევახსენებთ, რომ აპოლონ აპო-
ლონოვიჩმა დაბნეულობისაგან კაბინეტში თვი-
თონ შეიტანა სასარდინე; მერე გადაავიწყდა
მისი არსებობა; რა თქმა უნდა, მან არ იცოდა,
თუ რა იყო მასში.

ნიკოლაი აპოლონოვიჩი იქითკენ გაიქცა, სა-
დაც სულ ცოტა ხნის წინ კარი იყო; კარი აღარ
არსებობდა და ვეებერთელა ნაპრალიდან ბოლ-
ქვებად სცემდა კვამლი; ქუჩაში რომ გაგეხედათ,
მოჯარულ ხალხს დაინახავდით; პოლიციელი მათ
ტროტუარისაგან ერეკებოდა; დოყლაპიები კი თა-
ვანეულნი შეჰყურებდნენ, გაპობილი შენობიდან
როგორ ფეთქავდა ავბედითი მოყვითალო-ლიმო-
ნისფერი კვამლი ბოლქვებად.

ნიკოლაი აპოლონოვიჩი, თვითონაც არ იცო-
და რატომ, უკან გავარდა და აღმოჩნდა იქ, თვი-
თონაც არ იცოდა, სად... – [] – სანოლზე (უფრო
ბალიშზე) აპოლონ აპოლონოვიჩი ჩამომჯდარი-
ყო და მოყვითალო შიშველი ფეხები მკერდთან
აეზიდა; საცვალი ეცვა; მუხლებზე ხელები შემო-
ეხვია და ბლაოდა; საერთო გრუხუნში ის ყველას
დაავიწყდა; მისი დამამშვიდებელი არავინ ჩანდა;
ეულად იჯდა და ხმის ჩახლქამდე ბლაოდა...

– ნიკოლაი აპოლონოვიჩი დაუძღურებული
სხეულისკენ გაქანდა: ასე მისთვის მინდობილ
ნაქცეულ სამი წლის პატარას მივარდება ხოლ-
მე დედა; მაგრამ დაუძღურებული ჩია სხეული
მისი დანახვისას ბალიშიდან წამოხტა, აუნერე-
ლი შიშითა და არაბავშვური სიანცით დაიწყო
ხელების ქნევა.

მერე უცებ დერეფნის გავლით ოთახიდან
გაქანდა!

ნიკოლაი აპოლონოვიჩი კი ყვირილით „და-
იჩით!“ დაედევნა სხეულს; ორივენი დერეფნის
სიღრმეში შეცვივდნენ (იქ რალაცას აქრობდნენ);
საშინელი იყო ამ ორი მსრბოლი და მყვირალი
ადამიანის დანახვა; სირბილისას მოხუცს პე-
რანგი უფრიალებდა; და ტყაპუნობდა ქუსლე-



ბი; ნიკოლაი აპოლონოვიჩი ხტუნვა-ხტუნვით – მარჯვენა ფეხზე კოჭლობით – მისდევდა მას; ცალი ხელით ჩასრიალებულ კალსონს ეჭიდებოდა, მეორეთი კი – მამის მოფრიალე პერანგის ჩაბლუჯვას ლამობდა.

მირბოდა და ყვიროდა:

- შეიცადეთ...
- სად მირბიხართ?
- შეჩერდით.

აპოლონ აპოლონოვიჩმა მიიჩინა რა კართან, რომელსაც შეუდარებელ ადგილამდე მიჰყავდა, აუნერელი ეშმაკობით ჩააფრინდა მას; შეაღწია და გაუჩინარდა.

ნიკოლაი აპოლონოვიჩი წამიერად მოსცილდა კარს; მერე გამლვალ ქვასავით შეასკდა: მობრუნებული თავით, გაოფლილი შუბლით, ტუჩებით, ბაკებით, თვალებით; კარი დაჯახუნდა; ყველაფერი დაიღუპა; მან შეაღწია და გაუჩინარდა.

მერე ნიკოლაი აპოლონოვიჩი თავგანწირვით უბრაახუნებდა; და მთელი ძალით, ხმის ჩახლეჩამდე სთხოვდა:

– შემომიშვით...

და –

– ააა... ააა... ააა...

და კარის წინ დაეცა.

თავი ხელებში ჩარგო და გონი დაჰკარგა: ფეხთა ტყაპატყუპით მისცვივდნენ ლაქიები. შემდეგ ოთახში შეათრია.

და ჩვენც აქ დავსვით ნერტილი.

აღარ აღვწერთ, თუ როგორ აქრობდნენ ხანძარს, სენატორმა ძლიერი გულყრისას რა ახსნა-განმარტება მისცა პოლიციას; ამას ექიმთა კონსილიუმი მოჰყვა; ექიმებმა მას აორტის გაგანიერება აღმოუჩინეს. უძღური და გამხდარი აპოლონ აპოლონოვიჩი მთელი საგაფიცვო დროის განმავლობაში მაინც დაიარებოდა კანცელარიაში, სხვადასხვა კაბინეტებსა და მინისტრთა ბინებზე;

დამაჯერებლად ხმიანებდა ყრუ, და დაძაბული მისი ბანი; ამავე კანცელარიებში, კაბინეტებსა და მინისტრთა ბინებზე. ვიტყვით იმასაც, რომ მან რალაც-რალაცების დამტკიცება მოახერხა, ვილაც-ვილაცები დააპატიმრეს, მაგრამ მალევე გაათავისუფლეს; ამოქმედდა მეგობარ-ნათესავთა წრე და საქმე გააუქმეს, ხელი არავის ახლეს. ამ დღეთა განმავლობაში მისი ვაჟი ლოგინად ჩავარდნილიყო – ნერვული ცხელების შეტევას შეეპყრო – და გონი არ უბრუნდებოდა; როცა გონს მოეგო, დაინახა, რომ მის გვერდით დედა იყო; გალაქულ სახლში სხვა არავინ ჩანდა. აპოლონ აპოლონოვიჩი სოფელში გადაბარგებულიყო; და აელო რა უვადო შვებულება – მთელი ზამთარი – თოვლსა და ყინვაში – იქ, განმარტოებით გაატარა; შვებულების შემდეგ კი თანამდებობიდან გადადგა; ვაჟს საზღვარგარეთის პასპორტი და ფული გაუმზადა. ანა პეტროვნა აბლეუხოვა შვილთან ერთად გაემგზავრა. მხოლოდ ერთხელ ზაფხულში ჩამოვიდა ის; ნიკოლაი აპოლონოვიჩი კი მშობლის გარდაცვალებამდე არ დაბრუნებულა რუსეთში.

თებერვლის მზე გადანურულიყო. ლიანი კაქტუსები აქეთ-იქით გაფარჩხულიყვნენ. მალე, სულ მალე ყურეში აფრები მოფრინდებოდნენ; მოფრინდნენ კიდეც და აფარფატდნენ; კაქტუსები თაღებად შეიკრნენ.

ნიკოლაი აპოლონოვიჩი ცისფერი ჰონდურითა და ლაჟღაჟა ნითელი არაბული ჩეჩით მუხლმოყრილი გარინდულიყო; უგრძესი ფუნჯი დასთრევდა ჩეჩიას და გლუვი სახურავიდან მშვენივრად იკვეთებოდა მისი სილუეტი; გვერდით სოფლის მოედანი გადაშლილიყო და „ტამტამის“ ხმები ყრუდ და მძიმედ მოისმოდა.

ირგვლივ სახლთა თეთრი კუბები დაყუდებულიყო; ბერბერები ყვირილით მიერეკებოდნენ სახედრებს; ტოტთა ზვინი ვერცხლისფრად ელვარებდა მათზე; თვითონ ბერბერებსაც ზეთისხილის ტოტები აესხათ.

ნიკოლაი აპოლონოვიჩი არც ტამტამის ხმებს უსმენდა და არც ბერბერს ხედავდა; მას თვალწინ აპოლონ აპოლონოვიჩი ედგა – მელოტი, ჩია, მოხუცი, სარწველაში ჩამჯდარი, თავის ქიცინითა და ფეხის ქნევით რომ ატოკებდა მას.

შორს ვარდისფრად ღუოდა ნუში; ზემოდან კი დაკბილული ღია ლილისფერ-ქარვისფერი ცა დაჰყურებდა; ეს ზახუნის ცა გახლდათ; ყურე კი – კართაგენისა. ნიკოლაი აპოლონოვიჩმა ტუნისის მახლობელი სოფლის სანაპიროზე ვილაც არაბის სახლი იქირავა.

თოვლით დამძიმებული ნაძვის ბანჯგვლიანი ტოტები მოხრილიყო; წინ ხის ხუთსვეტიანი შენობა აღმართულიყო; მოაჯირს მიღმა ტერასები გორაკებად გადანამქრულიყო; მასზე კი თებერვლის ალიონის პირისფერი ათინათი ლიცლიცებდა.

მხრებში მოხრილმა ჯოხზე დაყრდნობილმა და საყელონამონეულმა ჩია სხეულმა თექურებითა და თათმანებით სახლის წინ გაიარა; ქუდი ყურებამდე ჩამოეფხატა; განმენდილ ბილიკზე მიიკვლევდა გზას; მიჰყავდათ ხელკავით; მიმოხედა ხელში თბილი პლედი ეჭირა.

სოფელში აპოლონ აპოლონოვიჩმა უზარმაზარი სათვალის ხმარება დაიწყო; ყინვაში მისი მინები იორთქლებოდა და იქიდან არც ტყის მონაცრისფრო დაკბილული შორეთი, არც სოფლის კვამლი, არც ჭკები აღარ ჩანდა; მხოლოდ მათში გარდატეხილ მთვარის მბრწყინავ ზოლებსა და პარკეტის კვადრატებს ხედავდა ხოლმე, ნაზი, ყურადღებიანი, გულისხმიერი თავდახრილი ნიკოლაი აპოლონოვიჩი რომ მიაბიჯებდა ჩრდილიდან ფარნის სხივთა მაქმანებისკენ; და შემდეგ – სინათლის მაქმანებიდან – ჩრდილისკენ.

სალამოს მოხუცი თავის მაგიდასთან მრგვალ ჩარჩოთა გარემოცვაში იჯდა; ამ მრგვალი ჩარჩოებიდან მელოტი ოფიცრისა და თავდახრილი მოხუცი ქალის პორტრეტები იმზირებოდა; ოფიცერი მამამისი გახლდათ, ხოლო თავდახრილი ქალი – ან გარდაცვლილი დედილო, წარმოშობით სვარგინის ქალი. აპოლონ აპოლონოვიჩი

მემუარებს აშანშალებდა, რომ მისი სიკვდილის შემდეგ გამოექვეყნებინათ.

და – გამოქვეყნდა კიდეც.

ამ გონებაშეხვედრებზე მემუარებს კარგად იცნობს რუსეთი.

მზის ალი მიზანსწრაფულია – თვალბში ელვარებს; ხოლო შებრუნდები და კეფას გისუსხავს; უდაბნო ამიტომ გეჩვენება მომწვანოდ და სიკვდილისფრად; თუმცა აქ თვითონ ცხოვრებაა მკვდარი; კარგი იქნებოდა სამუდამოდ აქ დარჩენა!

ქვიშის გროვაზე კორპის სქელი ჩაფხუტითა და პირბადით ნიკოლაი აპოლონოვიჩი იჯდა; მის წინ ვეება თავი ათასწლოვან ქვიშრობად ჩამოშვავებულიყო; ნიკოლაი აპოლონოვიჩი სფინქსის პირდაპირ იმყოფებოდა.

ორი წელი იყო, რაც აქ ცხოვრობდა, ბულაკის მუზეუმში მეცადინეობდა. დიახ, დიახ, „მიცვალეულთა წიგნსა“ და მანეფონის ჩანაწერებს დამახინჯებულად განმარტავენ; ჰოდა, ნიკოლაი აპოლონოვიჩი ეგვიპტეში ჩაინთქა; მეოცე ათასწლეულში ის ეგვიპტეს ჭვრეტდა; კულტურა თავცარიელია, მასში ყველაფერი მკვდარია; მოსალოდნელია აფეთქება და ყოველივე დაინთქება.

ოჰ, რა კარგია, რომ ის დაკავებულია: ხანდახან, როცა სქემებს თავს ანებებს, საკუთარ თავს უღრმავდება; და ეჩვენება, რომ ჯერ ყველაფერი არ დამთავრებულა; შემოესმება რაღაც ხმები; ქაიროში გრუხუნებენ; განსაკუთრებული გრუხუნია; იმ ხმას აგონებს: გამაყრუებელსა და ყრუს, მეტალისებრი ბანის ჭარბი ელფერი; და ნიკოლაი აპოლონოვიჩი მუმიებისკენ ისწრაფვის; ის მუმიებთან „შემთხვევამ“ მიიყვანა. კანტი? კანტი დავინწყებულისა.

მოსალამოვდა: ბინდუნდში გიზეტის კლდეები გოროზად განფენილიყო; დიახ, დიახ, ამ დროს ყველაფერი ფართოვდებოდა; მუქი ყავისფერი სინათლეები ინთებოდა მტკრით გაჯერებულ ჰაერში და სული ეხუთებოდა.

ის დაფიქრებით მიყრდნობოდა პირამიდის მკვდარ ნახნაგს; და თვითონ გახლდათ პირამიდა, კულტურის მწვერვალი, რომელიც უცილობლად ჩამოიქცევა.

რბილ სავარძელზე მზის გულზე გაუნძრევლად იჯდა ჩია მოხუცი; ძალიან დიდი ლილილოსფერი თვალბებით შეჰყურებდა ასევე მოხუც ქალს; ფეხები (რომლებიც წართმეოდა)

პლედით დაეტილა; მის კალთაზე იასამნის სურნელოვანი მტევნები დაეყარა ვილაცას; ჩია მოხუცი კი ქალისკენ მთელი კორპუსით იწვედა, ლამის სავარძლიდან გადმოვარდნილიყო.

– ამბობთ, რომ დაამთავრა?.. ჩამოვა?

– საბუთებს აწესრიგებს...

ნიკოლაი აპოლონოვიჩს სადღაც ეგვიპტეში დაესრულებინა მონოგრაფია:

– რა ჰქვია?

მოხუცს სახე გაუბრწყინდა:

– მონოგრაფიას... მე-ემე... დაუფსექრუთის წერილთა გამო, – აპოლონ აპოლონოვიჩს თითქმის ყველაფერი ავიწყდებოდა, ჩვეულებრივ საგანთა სახელებიც კი; მაგრამ სიტყვა „დაუფსექრუთი“ მტკიცედ ახსოვდა; კოლენკა ხომ „დაუფსექრუთის“ შესახებ წერდა. თავს ასწევდა და გადამწვანებულ ფოთოლთა ოქრო შრიალებს იქ; და კიდეც ლაჟვარდი და ცხვრებია; და გზაზეც ბოლოქანქარა მირბის...

– ამბობ, ნაზარეთშიო?

ოჰ, მაჩიტების მოზღვავებაა! მაჩიტები ლილისფრად ამთქნარებენ; და ამ ზღვაში დგას მძიმე გადასატანი სავარძელი; დანაოჭებული, გაუპარსავი აპოლონ აპოლონოვიჩი, წვერი ლოყებს რომ უვერცხლისფერებს, ზის სავარძელზე „ქერელის“ ტილოს ქოლგის ქვეშ.

1913 წელს ნიკოლაი აპოლონოვიჩი ჯერ კიდევ დადიოდა მინდორ-ველად, ტყეებში მძიმედ, ზანტად უმზერდა მინდვრად მომუშავეებს; ეცვა კარტუზი, აქლემისფერ ხიფთანს ატარებდა და ჩექმებს აჭრიალებდა; ოქროსფერმა, ბარივით მომრგვალებულმა წვერმა ის მეტად შეცვალა, ხოლო თმის ჩაჩი ვერცხლისფერი ბლუჯით ელავდა; ეს ბლუჯა მოულოდნელად გაუჩნდა; ეგვიპტეში თვალბები ასტკივდა და ლურჯი სათვალის ტარება დაიწყო. ხმა დაუბობდა და სახე გაერუჯა; სისხარტე დაკარგა; ცხოვრობდა მარტოდმარტო; არავის არ იწვევდა და არც თვითონ დადიოდა ვინმესთან; მხოლოდ ეკლესიაში თუ ხედავდნენ; ბოლო ხანს ის სკოვოროდას ფილოსოფიით იყო გატაცებული.

მშობლები კი დაეხოცნენ.

დასასრული

თარგმნა
ნინო ქუთათელაძემ



რომანილას „ქალაქის მერი“

„...ზოგი კაცი უჩუმრად დაატარებს დანაშაულს...“
(პოეტს შეეძლო, ეს უფრო ემოციურად ეთქვა)

კინოთეატრის მეშვიდე სართულზე, ანძას მიტმასნილ მრგვალ აივანზე ძილი სიმაღლეებისადმი ჩემი განსაკუთრებული ლტოლვის გამო მიყვარდა. ძილის წინ, როგორც წესი, აივანზე გამოვდიოდი, ბაქოს ხედებს, გაშლილ ფერდობებს და ჩახლართულ ქუჩებს თვალს გადავავლებდი, ერთი ღრმად ჩავისუნთქავდი და სანოლს მივაშურებდი ხოლმე. იმ ღამეს ჩემი ბოლო მორიგეობა და, შესაბამისად, შუშაბანდიან აივანზე ბოლო ძილი იყო. ის, რაც მას შემდეგ ჩემს ცხოვრებაში მოხდა, არეულ სიზმარს ჰგავს...

განრიდება

1986 წლის აპრილის იდუმალი დილა თენდებოდა. გარიჟრაჟზე შიდა ტელეფონის ზარმა დაიწკრიალა:

დაუყოვნებლივ ჩამოდი ქვემოთ! – კინოთეატრის კარისკაცი მირეკავდა. აუჩქარებლად ჩავიცვი, თმა დავივარცხნე, სიგარეტს მოვუკიდე; მერე მეშვიდე სართულიდან მეხუთე სართულზე ჩავედი, ღილაკზე თითი მივაჭირე და ასე დაველოდე ლიფტის ამოსვლას. ღილაკზე, ჩვეულებისამებრ, სიგარეტთან ხელის თითი მქონდა მიბჯენილი. ლიფტი ზანტად დაიძრა და ზემოთ წამოვიდა.

კარისკაცი ადგილზე არ დამხვდა. ამიტომაც შენობის ძვირადღირებული ხისგან დამზადებული ორფრთიანი კარის ერთი ფრთა მთელი ძალით მოვზიდე ჩემკენ. კარი ბულბულის პროსპექტზე გადიოდა. როგორც ყოველთვის, ჩემ წინაშე მაღალი ხეები აშოლტილიყვნენ. ნელი სიო ფიჭვის წინვებს განთიადის სხივებში ათამაშებდა. ჩიტების ჭიკჭიკი შიგადაშიგ მანქანების სიგნალსა და ძრავის ხმაში იკარგებოდა, თუმცა დილის საათებში ეს პროსპექტი მანქანების სიჭარბით არასოდეს გამოირჩეოდა.



ქალაქის მერი

მაგსად ნური

კიბეების ბოლოს, ტროტუარის პირას შავი ავტომობილი იდგა, რომელსაც უკანა კარი ნახევრად ღია ჰქონდა. ჩვენი კარისკაცი ნახევრად მანქანაში იყო შემძვრალი და ასე იდგა. უცებ კარისკაცმა თავი გამოყო, გასწორდა, გამოიხედა და ჩემკენ გამოიქცა. გამოღებულ კარში მანქანის უკანა, ზურმუხტისფერი სავარძლის ნაწილი, მამაკაცის შავი პრიალა ფეხსაცმელების ცხვირები და საგულდაგულოდ დაუთოებულ შარვლის ქვედა ტოტები გამოჩნდა. კარისკაცმა თვალეზით მანიშნა, მიდით. მეც უნებურად მანქანისაკენ გავემართე და თავი ანგარიშმიუცემლად შევყავი ღია კარში.

პირში სიმჟავეს ვგრძნობდი. არაფერი მეჭამა. ჩაის დალევაც კი ვერ მოვასწარი. სიგარეტის სიმწარეს ნაწლავებამდე ჩაელწია. იმ ადამიანთან სიახლოვეს, რომლის პირისპირაც აღმოვჩნდი, ყოველთვის ვერიდებოდი, მაგრამ ახლა უნებლიეთ გამოუვალ მდგომარეობაში აღმოვჩნდი.

– დაჯექი! - სიღრმიდან ცივი და დამთრგუნველი ხმა გაისმა.

ცალი ფეხი მანქანის სალონში შევყავი და მაშინვე უკან გამოხედა მომინდა. უკან თეატრის კარისკაცი ატუზულიყო. იგი უცნაურად გაღიმებული იდგა თეატრის კიბეებთან და მგონი ჩვენ, მანქანაში მყოფთ ხელს გვიქნევდა. კი, აღელვებულ კარისკაცს მარცხენა ხელი აენია, მარჯვენა კი მორჩილად მიედო მკერდზე და თავი ვანისცემის ნიშნად შიგადაშიგ წინ იხრებოდა. კაცს ეგონებოდა, ან მე მემშვიდობებდა ერთხელ და სამუდამოდ, ანდა სიამაყის გრძობით ივსებაო იმის გამო, რომ მე პატივი დამდეს და ამ მანქანაში შემეპატიყეს.

...როგორც კი მეორე ფეხიც შეედეგი სალონში, კარი გარედან შემოიხურა. მძლოლი იყო. ჩაკეტილ სივრცეში მოვხვდი თუ არა, იქაურობას თვალი მოვაველე. მზერით ვიგრძენი, რომ ყველაფერი ცისფერში იყო გახვეული. ჩემ გვერდით მჯდომ კაცს, მარჯვენა ხელი სახელურზე, მარცხენა ხელის იდაყვი კი სავარძლის ჩვენ შორის გადაბულკიდეზე ჩამოედო და ოდნავ შესამჩნევი ღიმილით მომჩერებოდა.

თავი დამიკრა. მართალია, ხელი არ ჩამოურთმევია, მაგრამ უცებ მე წავიღე მისკენ ხელი, თუმცა მაშინვე მივხვდი, რომ შეუფერებლად მოვიქეცი და იქვე გავქვავდი. მან წინ გაიხედა. სწორედ ამ დროს გარეთ გახედვა მომინდა და მე მომეჩვენა, რომ კამკამა ტბის ძირას ზურმუხტის ქვაზე ვზივარ. ფანჯრის მიღმა ცხოვრება მსუბუქ ცისფერში გახვეულიყო. მერელა მივხვდი, შუშები მზის სხივისაგან დასაცავად ლურჯად დაეფერათ. შიგნით კი საოცარი სიმყუდროვის ატმოსფეროს ქმნიდა ზურმუხტისფერი ტყავი და მასზე გადაჭიმული ბაცი ზოლები. ისეთი განცდა მქონდა, თითქოს გამჭვირვალე ტბის ფსკერზე ზურმუხტისფერ ქვაზე მოკალათებული ირგვლივ მიმობნეულ ქვებსაც ვჭვრეტდი. გული შემინუხა ავტომობილის ფანჯრის მიღმა ცისფერში გახვეულმა სამყარომ, ამიტომაც ხელის ოდნავ შესამჩნევი ფათურით შუშის დამწვევს დავუნყე ძებნა. თითისწვერით ვიგრძენი ღილაკი და დავაჭირე. ფანჯრის შუშამ ოდნავ დაინია და გაჩერდა. და განახევრებულ სივრცეში ცხოვრებამ თავისი ბუნებრივი ფერი დაიბრუნა.

როგორც კი სავარძელზე მოვკალათდი, გვერდზე გავიხედე. ტანმალალტ ტანადობა მჯდომარეთაც ემჩნევათ. აი, ასეთი, შუახნის, ჩასკვნილი კაცი მეჯდა გვერდით. დიდ მომწვანო თვალებში მკაცრი გამომეტყველება ჩაჰბუდებოდა.

ეს ის გახლდათ – ქალაქის მერი !

ჩემდაუნებურად პირი დავალე, ყელი გამიშრა და ფეხები ამიკანკალდა. იგი არც ცდილა ჩემს დამშვიდებას. ღიმილიც კი არ შემიმჩნევია მის სახეზე, რომ შიში გამქრალიყო. პირიქით, პირი იბრუნა და მანქანის ფანჯრიდან გარემო შეათვალიერა. გვერდულად გავხედე. მერის სახეზე ალბეჭდილმა მკაცრმა გამომეტყველებამ კიდევ უფრო მეტად დამთრგუნა. ინსტიქტურად შევეცადე, დავუფლებოდი საკუთარ სხეულს და გამეკონტროლებინა სიტუაცია, რომელშიც აღმოვჩნდი; თან ჩემი ადგილ-სამყოფლის გარკვევაც მსურდა.

– სადაა ეს ქალი?.. ფანჯრისაკენ პირშებრუნებულმა იკითხა და ამ შეკითხვას თვითონვე გასცა პასუხი – პროსტიტუტკამ დრო გამონახა ესენდუკში წასასვლელად?!

თითქოს, დიდი ხანია მიცნობს და ეს ნათქვამიც ჩვეულებრივი ამბავია, უფრო ახლობლური ნათქვამი და სჯა-ბაასია. მე მხრები ავიჩიჩე და გავჩერდი. მართალია, ის ჩემკენ არ იყურებოდა, თუმცა მოუხედავადაც ამჩნევდა, რომ მხრებაჩეჩილი ვიყავი.

– შენ არ იცი, მან არ იცის – აბა, ვინ იცის?!
– თავისთვის ჩაილაპარაკა.

ავტომობილი დაიძრა. სიჩქარის მომატებას-

თან ერთად ირგვლივ სივრცეებშიც იმატა: მანქანები და ადამიანთა ჩრდილები თვალსა და ხელს შუა ქრებიან, მეჩხერდებიან. თითქოს ყველა და ყველაფერი შორდება ამ ავტომობილს და შეგნებულად გზას უთმობს მას. შიგადაშიგ პოლიციის ციმციმები და ჩვენი თანმხლები შავი მანქანები გამორჩეულად და შემდეგ ისევ მიიკარგებოდა ხოლმე. ჩვენი მანქანა შუქნიშნების ფერს არაფრად დაგიდევდათ, დაუბრკოლებლად მიჰქროდა, მოსახვევებშიც სწრაფად უხვევდა. დროგამოშვებით ვხედავდი პოლიციელებს, რომლებიც მორიგი შუქნიშნის სიახლოვეს გაჯგიმულნი იდგნენ და მხედრულად ესალმებოდნენ მერის ავტომობილს. ქუჩაში მიმავალ ადამიანთა ჩრდილებიც წუთიერად შედგებოდნენ და თავიანთი პატრონების მიბაძვით ცნობისმოყვარედ შესცქეროდნენ მერის ავტოს. მათი სახეები ძველ ტაბლოებზე ასახულ ფერმკრთალ, ფერარეულ სურათებს წააგავდა...

ქალაქის მერმა ოდნავ დანია მის მხარეს მოქცეული ფანჯრის შუშა. მარცხნივ მზე ამონურულიყო. წუთით მომეჩვენა, რომ მზეც მისთვის ამოსულიყო და იგი თავის თავში მალავდა უნარს, რომლითაც მზის მართვაც კი შეეძლო. ალბათ, ამის გამო იყო, რომ შიგნით შემოჭრილი მზის ცელქი სხივები ლურჯი მინების წინაშე მორჩილად იდრიკებოდნენ და ჩვენამდე ვეღარ აღწევდნენ. იგი დარწმუნებული იყო, რომ მზის ენერჯის უსასრულობა მასზე იყო დამოკიდებული.

მან ოდნავ ჩამოწეული მინა ბოლომდე აწია. მზის სხივები, რომლებიც გარეთ აშოლტილი ხეების ფოთლებს ეთამაშებოდნენ და ლურჯად დაგმანული ფანჯრებიდან შიგნით ვეღარ აღწევდნენ, მის თავდაჯერებულ სახეს მორჩილად გამოემშვიდობნენ...მერე კი უმწეო მნათობი მალალსართულიან სახლებს უკან მიიმალა. მეც უნებურად მოვარიდე მზერა მის ცივ და ფიქრიან სახეს. ვიჯექი ასე გაყურსული და თავჩაქინდრული, თანაც აქამდე ჩემთვის უცნობ მუცლის ტკივილს და კუნთების შეკუმშვას განვიცდიდი. ხელ-ფეხის თითებშიც ტკივილი და ჩხვლეტა ვიგრძენი. მორჩილად თავჩაქინდრული ჩემდაუნებურად თანდათან მთელი ტანით წინ წავიხარე. ქალაქის მერის ფეხსაცმლებისაკენ წავხოხდი, რომლებიც მოჩრდილულშიც კი ასე პრიალებდნენ. მათთვის კუდის ქიციანი, მათი ალოკვა მომინდა და ენა გამოვყავი...

– ჯეირნად ქცეული ძაღლის ლეკვი გინახავს? – მიუხედავად იმისა, რომ ქალაქის მერის ოდნავ შეძრწუნებულმა და ცოტა გაოცებულმა ხმამ გამომავფხიზლა, მისი პრიალა და წვეტიანი ფეხსაცმელები ჩემი თვალთახედვის არეში ჯერაც ირეკლებოდა.

– მე სულს არ ვიშურებ, რათა უყურადღებოდ მიყრილი კინო-ფირები წესრიგში მოვიყვანო; იქ თქვენი ... დაძაბული მოღვაწეობის ამსახველი წინა წლების ფირებია. ვცდილობ, ის კინოფირები დავიცვა ნესტგაუმტარ კარადებში, რომლებიც ჩემივე სახლში პირადი სახსრებით მოვანყე. ბოლოს და ბოლოს, სახელმწიფოს ფული აქვს დახარჯული ამ კადრების გადაღებისათვის... კინოთეატრის არქივში ნესტი ჭამს მათ... ცუდი პირობებია...

როცა ამ სიტყვებს ვამბობდი, მოხრილი ვიდექი

და ვცდილობდი, ხელები და პირი მისი საგულ-დაგულოდ გაპრიალებული ფეხსაცმლებისაკენ გამეშვირა. როცა თითებს ვამოძრავებდი, ვხე-დავდი, როგორ მეზრდებოდა ბრჭყალები და ამ პროცესის პარალელურად ტკივილის მომატებას ვგრძნობდი.

გვერდულად ვამჩნევდი, რომ იგი მე არ მი-ყურებდა, კვლავ ქუჩისაკენ იმზირებოდა. უცებ დედაჩემის სახელი ახსენა და მოიკითხა:

– ...როგორ არის?

თავბრუ მეხვევა და გული მერევა. მინდა, წამოვიწიო, თუმცა რა მდგომარეობაშიც ვარ, იმავე მდგომარეობაში ვრჩები, ძალა არ მყოფ-ნის, წელში გავიმართო. არ ვიცი, რა მოვიმოქ-მედო, ვის მივმართო, ვის შევევედრო, რომ ბრჭყალების შეკვეცაში, თავბრუხვევისა და გულისრევის შეჩერებაში, ან თუნდაც პირში ჩამდგარი მწარე გემოს გაქრობაში დამეხმა-როს. უცებ მივხვდი, რომ ქალაქის მერის მხა-რეს ფანჯრის მინამ მოულოდნელად დაინია და ფანჯარაში დაღებულ პირის ღრუსოდენა სიცარიელე გაჩნდა. შიგნით შემოპარული მზე დავინახე, წელში გავიმართე, ბრჭყალები უკ-ვალოდ გაქრა, ჩემს უწინდელ მდგომარეობას დაეუბრუნდი და ტყავის ზურმუხტისფერი სავარძლის საზურგეზე შეძლებისდაგვარად უზრუნველად გადაწოლა ვცადე.

– დედაჩემი? კარგად გახლავთ... მუშაობს.

ის, რომ დედა მუშაობს, ჩემთვის აუცილებე-ლი პირობაა: თუ მუშაობს, ესე იგი განწყობაც გვარიანი აქვს.

ორჭოფობა

როცა დედაჩემი რაიონიდან ქალაქში გადმო-ვიდა საცხოვრებლად, ჯერ კიდევ პატარა ვიყა-ვი. მხოლოდ ეს ვიცოდი, რომ გულჩათხრობილი მეცნიერი იყო, ქიმიკოსი. დღის უმეტეს ნაწილს ინსტიტუტის ლაბორატორიაში ატარებდა, სალა-მოსხანს შინ მობრუნებული კი მიმოწმებდა გაკვე-თილებსა და ყოფაქცევის ჩვენთვის ორივესთვის წინასწარ ცნობილ წესებს. მას შემდეგაც კი, რაც საოჯახო საქმეებს მოათავებდა, დროს, ძირითა-დად, წიგნის კითხვაში ატარებდა...

ჩვენ გაგარინის ქუჩაზე ორსართულიანი სახ-ლის მეორე სართულზე ვცხოვრობდით. სახლი ზღვას გადასცქეროდა, მაგრამ მასა და ზღვას შორის რალაც გაურკვეველი სანარმოები და ხუთსართულიანი სახლები აეშენებინათ. მე ჩვენი სახლის სიახლოვეს მდებარე საშუალო სკოლის რუსულ განყოფილებაში ვსწავლობდი. ყოველ დღით სანამ სკოლაში წავიდოდი, ფანჯარასთან საგანგებოდ მიდგმულ ტაბურეტზე შევდგებოდი და ნობელის პროსპექტზე მიმავალ მანქანებს გაცქეროდი. ასე ვიდექი და ველოდებოდი შავი ფერის „ვოლგის“ გამოჩენას, შუქნიშანთან მოახ-ლოებული რომ შეჩერდებოდა და მწვანე შუქის ანთებას ელოდებოდა. ამ დროს მანქანის სალონში მე ვხედავდი პატარა ბიჭუნას, რომელსაც, უკანა სავარძელზე მუხლებზე მდგარს, ნიკაპი ფუნთუ-შა ხელებზე ჩამოეყრდნო და უკან იყურებოდა. იგი ისეთი თავდაჯერებული და განებივრებული მზე-

რით იცქირებოდა, რომ მე მშურდა კიდევ მისი. ბიჭუნას გვერდით მამაკაცი ეჯდა, ჩემი ფანჯრა-დან მისი შავი პიჯაკის მარცხენა მხარე კვლავი-შარვლის მარცხენა ტოტი და სათვალის მარცხე-ნა ნახევარი მოსჩანდა (მე არ ვიცოდი, იგი ბავშვის მამა იყო, თუ პაპა). როგორც წესი, იქიდან დილის გაზეთის მარცხენა ნაწილიც მოჩანდა ხოლმე, საიდანაც ვასკვნიდი, რომ მაშინ, როცა ბიჭუნა უკან იყურებოდა, მამაკაცი გაზეთს კითხულობ-და. მაშინ ვფიქრობდი, მიუხედავად იმისა, რომ ეს ადამიანები ერთ მანქანაში სხედან, თითოეულ მათგანს თავისი სამყარო აქვს-მეთქი. როგორც ჩანს, ამ ბიჭუნასთვის საინტერესო იყო ნაცნობი სურათების ყოველ დილით ხელახლა ხილვა. მეც ასე ვიყავი. არც ჩემთვის იყო დამლელი ყოველ დილა—სალამოს ერთი და იმავე სურათების ნახ-ვა და როცა დედასთან ერთად სასეირნოდ სადმე წავიდოდი, ან თუ კინოთეატრს ვწვდოდი ახა-ლი ფილმის სანახავად, სადღაც გულში პატარა სიხარულთან ერთად გაურკვეველ შრუოლასა და უცნაურ ძრწოლას განვიცდიდი. მერე ეს ძრწოლა გამივილიდა ხოლმე. ვფიქრობდი, რომ ჩემი სახ-ლისა და სკოლის მიღმა მრავალი საინტერესო რამ არსებობდა და მათი რიცხვი იმდენად დიდი იყო, ვხვდებოდი, ყველაფრის ნახვას ვერასდროს მოვასწრებდი. როგორც კი ამ აზრს მივადგებო-დი, უწინდელი ძრწოლა მეუფლებოდა და მერჩია, შინ გავქცეულიყავი და ფანჯარასთან მიყუ-ყულს ყველასათვის შეუმჩნეველად მედევნებინა თვალყური ამქვეყნიური ორომტრიალისთვის. ამ დროს, სადაც უნდა ვყოფილიყავი, ძლიერ მენატ-რებოდა ჩემი ფანჯარა, ნაცნობი სურათები და ჩვეული ხმები. ფანჯარასთან ჩემი თბილი ბუდე მეგულებოდა. საითაც უნდა გავფრენილიყავი, ბოლოს იქ ვბრუნდებოდი, იქ ვპოულობდი სუ-ლის სიმშვიდეს...

მე არც ის ვიცოდი, ვინ იყო მამაჩემი, არც სანათესაოს ვიცნობდი. ისინი დედასა და ჩემს ცხოვრებაში უბრალოდ არ არსებობდნენ. დედა მარიგებდა, ამგვარ ხალხთან, განსაკუთრებით, რაიონიდან ჩამოსულ ნებისმიერ ადამიანთან ურთიერთობას მოკრიდებოდი და თუ ვინმე ჩემ-თან დაახლოებას შეეცდებოდა, უთუოდ უნდა შემეტყობინებინა მისთვის. თუმცა ამ წლების განმავლობაში, მიუხედავად იმისა, რომ ნათე-სავთაგან ვინმეს გამოჩენას მართლაც ველოდი, არავინ გამოჩენილა და, საერთოდ, ჩემით არა-ვინ დაინტერესებულა. როცა ცოტათი წამოვი-ზარდე, მივხვდი, რომ დედაჩემი წელიწადში ერ-თხელ – ნოვრუზ ბაირამობაზე – მატარებელში ჯდებოდა და სადღაც რაიონში მიემგზავრებო-და. წასვლიდან ორიოდე დღის შემდეგ კი ხელ-ცარიელი ბრუნდებოდა შინ. მგზავრობისას მას მხარზე ქოლგიანი ხელჩანთა ჰქონდა ხოლმე გა-დაკიდებული. იმ დღეების განმავლობაში, როცა დედა შინ არ იყო, მე დედა ანიასთან ვრჩებოდი. ანია რუსი იყო და ჩვენს მეზობლად ცხოვრობდა. სწორედ ის იყო დედას ერთადერთი დაქალი და ჩვენი ბინის ერთადერთი სტუმარი. მიუხედავად იმისა, რომ არავინ არაფერს მეუბნებოდა, მას არასოდეს ვეკითხებოდი, დედა სად და რატომ წავიდა. ამის თაობაზე არც ის მეუბნებოდა რა-მეს. ამ რუსი ქალისთვის დედის მგზავრობის

შესახებ რომ მეკითხა, იქნებ, მიმელო კიდევ პასუხი, მაგრამ, ვაითუ, ისეთი სიმართლე გამეგო, რაც გულში ჩამრჩებოდა და ანისადამი მიცემულ შეკითხვას სანანებელს გამიხდიდა. თუმცა ვგრძნობდი და დანამდვილებით ვიცოდი, რომც მეკითხა, ეს ქალი არაფერს მეტყოდა, უკეთეს შემთხვევაში მიჩვენებდა, უფროსების საქმეში არ ჩავრეულიყავი. ეს ქალი ხომ ის ადამიანი იყო, ვისაც დედაჩემი ენდობოდა. და მე, მიუხედავად იმისა, რომ ჯერ კიდევ ბავშვი ვიყავი, მჯეროდა, რომ სადაც უნდა ვიყო და ვისთან ერთადაც უნდა ვიყო, დედაჩემის მიერ დადგენილ წესებს ვერც მე და ვერც სხვა ვერ დაარღვევს, თუნდაც ეს სხვა მისი ახლობელი ან დაქალი იყოს. მე დეიდა ანისას ხანგამოშვებით გაკვეთილებთან დაკავშირებით თუ ვკითხავდი რამეს, ზოგჯერ კი დივანზე მოკალათებული თავს მუხლებზე ჩამოკუდებდი და ტკბილად ჩამეძინებოდა ხოლმე.

რაც თავი მახსოვს, დედას საძინებელ ოთახში (მე სასტუმრო ოთახში გასაშლელ დივანზე მეძინა, დედიკო თუ არ დამიძახებდა, მის საძინებელ ოთახში შესვლის უფლება არ მქონდა) სანოლის წინ, კედელზე მოხუცებული ქალისა და კაცის პორტრეტი ეკიდა, ქალს თავზე თეთრი თავსაფარი ებურა, კაცს კი დიდი მრგვალი ფაფახი დაეხურებინა. ერთხელ, მაშინ პირველ კლასში ვსწავლობდი, დედამ თავის ოთახში მიმიხმო, იმ სურათზე მიმითითა და რუსულად მითხრა: „ესენი შენი პაპა და ბებია არიან“. მე სურათს მივაჩერდი. მართალია, „პაპა-ბების“ მნიშვნელობა ბოლომდე ვერ გავიაზრე, მაგრამ მივხვდი, რომ სურათზე გამოსახული მოხუცები დედას მშობლები იყვნენ. ყოველთვის, როცა დედა მატარებლით მიემგზავრებოდა, გუმანით ვგრძნობდი, რომ იგი მოხუცებთან მიდიოდა და იმ ადგილს რაიონი ეწოდებოდა. მეჩვენებოდა, რომ დედას მოხუცები უღრანი ტყის პირას, რკინის მაღალი გისოსებით შემოღობილ საფლავებში იწვნენ და დედაც წელიწადში ერთი-ორჯერ იქ ჩადიოდა, მდუმარედ შესცქეროდა მათს ნეშტზე აღმართულ ბორცვებს და ასევე მდუმარედ ბრუნდებოდა შინ. გულის სიღრმეში უცნაური შეკითხვა მიჩნდებოდა: რატომ სჩადიოდა დედა ამას? ჩემთვის გაუგებარი იყო, რას ნიშნავდა ამხელა გზაზე ჩასვლა, საფლავის ქვებთან შეხება და მდუმარედ დგომა მარტო-მარტო, მერე კი კვლავ შინ დაბრუნება... მართლაც, რას ნიშნავდა ყოველივე ეს? წელიწადში ორჯერ, ერთსა და იმავე დროს, დედას იქ გამგზავრება ჩემთვის აუხსნელი რჩებოდა. იმ დროს უკვე ყველა შეკითხვას ვუძებნიდი პასუხს, მაგრამ ამ შეკითხვის პასუხი ჯერ კიდევ არ მქონდა.

უკვე მათეკლასელი ვიყავი, 1978 წლის ნოემრუზობაზე დედამ დილაადრიან მომიკაკუნა და ჩემი ოთახის კარი შემოაღო. იგი ჩემს სანოლთან მოვიდა და ხელი გადამისვა თმაზე (არ მახსოვდა, უკანასკნელად როდის მომეფერა), მითხრა, ადექი, ჩაიცვი, ახალ ბაზარს ვენვიოთო. ხელში

დიდი კალათა მეჭირა, რომელიც დედამ ბაზარში შესვლისთანავე მომაჩენა. თვითონ წინ მიმიძლოდა, ნაყიდ-ნავაჭრს აუჩქარებლად ანყობდა კალათაში. თითქოსდა დედას გადაენწყვიტა ჩემი მკლავის ძალის გამოცდა, ხელში რაც მოხვდებოდა, კალათაში ყრიდა, სასეირნოდ გამოსული უფლისწულივით იქცეოდა, რომელიც თვალსაც არ შეავლებს სანოვავით დატვირთულ მოსამსახურეს. დედა ლამაზად მორთულიყო და საკმაოდ ახალგაზრდულად გამოიყურებოდა. ახლა მე შემეძლო, მასთან ერთად რამდენიც უნდოდა, იმდენ ხანს მევლო და ქვეყნიერების ყველაზე მძიმე ტვირთი მეზიდა... ხილის ჩირით, თევზულობით, ახალი ხორციით, კარაჩით, ყველით, ფერადი სანთლებითა და კიდევ ათასი წვრილმანით დატვირთული კალათა საკმაოდ მჩატე მეჩვენებოდა. მგონი, დედაჩემს აღარც ხსოვდა, რომ მეც ვახლდი. მომეჩვენა, თითქოს ხალხის წინაშე კეკლუცობდა, მათ მოხიბლულ თვალებში ჯერაც ნამშეუმშრალ თმას ისწორებდა, ინაშეუმშრალ თითებს სახეზე, დალაღებზე ისვამდა. ისე იქცეოდა, თითქოს ბაზარში კი არა, სარკის წინ იყო და ლალი ლილინ-ლილინით სადღაც წასასვლელად ემზადებოდა...

უცბად ჩვენ ირგვლივ სიცარიელე გაჩნდა. მე და დედა ტანმაღალი, შავსამოსიანი მამაკაცების გარემოცვაში აღმოვჩნდით. ამ დროს მაღალი, სიმპათიური მამაკაცი მოგვიახლოვდა, მიესალმა დედაჩემს და გადაეხვია, დედამ მკლავები შემოაჭდო მას. ერთხანს ასე იდგნენ, შემდეგ შემოჭდობილი ხელები დაუშვეს, ახლა ხელიხელჩაკიდებულნი იდგნენ და ერთმანეთს მისჩერებოდნენ. მერე კაცმა დედაჩემს ხელკავი გამოსდო, ეს ისე გააკეთა, რომ დედას ხელი, თითქოს დამალვას ცდილობდაო, მუჭაში მოიქცია. შემაჟრჟოლა, მერე სიმხურვალე ვიგრძენი, სწორედ ამ დროს დედაჩემი შემოტრიალდა და ჩემი თავი წარუდგინა. მაგრამ არც ერთმა - არც დედამ და არც მან - თავისთან არ მიმიხმო. მე, ჩემი მხრივ, კალათი ძირს დავდე და შევეცადე, გვერდზე გამეხედა... ამ კაცს თითქმის ყოველდღე ტელევიზორში ვხედავდი და სახეზე ვიცნობდი. იგი ჩვენი სახელოვანი, დიდების შარავანდედით მოსილი, საოცრად გავლენიანი ქალაქის მერი გახლდათ... ის იყო ამ ქალაქის ბატონ-პატრონი. ამ ქალაქის ბინადარნი სხვა არავის ისე არ ერიდებოდნენ და არავისი ისე არ ეშინოდათ, როგორც ქალაქის მერის. მაგრამ ყველამ იცოდა, რომ მისი ყოველი ქმედება არა საკუთარი ინტერესებისათვის, არამედ ქალაქისა და ქალაქის მცხოვრებთა საკეთილდღეოდ იყო წარმართული. სწორედ ამიტომ ყველაფერი, რაც ამ ქალაქს ეხებოდა, ქალაქის მერს ჰქონდა მინდობილი.

თვალის დახამხამებაში დამთავრდა ეს მოულოდნელი შეხვედრა. შემდეგ კვლავ ხალხს შევერიეთ. მე, კალათამომარჯვებული, კვლავ დედას გვერდით მივაბიჯებდი, შიგადაშიგ მოხიბლული შევავლებდი თვალს და კალათას მონდომებით ვამატებდი სადღესასწაულო სანოვავებს. როცა კალათი პირამდე აივსო, სახლში დავბრუნდით. დედამ მითხრა, რომ ის კაცი მისი თანაკლასელი იყო და ჩვენ მეტად აღარ შევხებივართ ამ თემას...

მაგსად ნურის რომანი „ქალაქის მერი“ მოცულობით თანამედროვე ფრანგულ რომანს მიესადაგება და არა მხოლოდ მოცულობით, არამედ ფორმალისტურადაც. რომანი დაყოფილია ცალკე თავებად, საერთო კონტექსტს რომ ქმნის, ამავდროს იგრძნობა ქვეთავების თავისებური ავტონომიურობა, რაც ტოვებს შესრულების მოზაიკურობის შთაბეჭდილებას და ქმნის ნა-საკითხი ტექსტის დროდადრო განახლების თუ გადახალისების მოულოდნელობის ეფექტს. ის, ვინც პირველ პირში გვიამბობს ტექსტს, ავტორი კი არა, პერსონაჟია ან უბრალოდ, ავტორის ალტერ ეგოა, რომელიც გაორებულია და არსებული რეალობის მსხვერპლია, რასაც არამხოლოდ მისი უნებისყოფობა აყალიბებს, არამედ ქალაქის მერზე დამოკიდებული ცხოვრება ასაზრდოებს და ვერ წარმოუდგენია მისი ავტორიტეტის გარეშე, მისი თანადგომის გარეშე ნორმალური არსებობა. თუმცა, მიუხედავად იმ სარფისა, კონფორმისტული კეთილდღეობისა, მას ამავე დროს სძულს ქალაქის მერი და სიძულვილის მიზეზი გახლავთ მთავარი პერსონაჟის, ახალგაზრდა კაცის ეჭვი თუ დადასტურებული ფაქტი, რომ დედამისი ახალგაზრდა ლამაზი ქალბატონი ქალაქის მერის ხარჭაა და ეს გარემოება განსაზღვრავს ახალგაზრდა კაცის და დედამისის კეთილდღეობას. ამ ქალბატონის შვილი შეპყრობილია მძლავრი რესენტიმენტით, რომლის გაუქმება არ შეუძლია და მისი სუსტი ნებისყოფა მაინც მერის მონობას ირჩევს, თუმცა ფარულად გამუდმებით იტანჯება.

რომანში ნამოტივტივდება ჩერნობილის ტრაგედია, როგორც მინიშნება იმ რეალობაზე, რომანში მიმდინარე პროცესები რომ იკვეთება, ჩნდება საბჭოთა „ვოლგა“, აგრეთვე საბჭოურობის გარკვეული რეკვიზიტები და ამით ავტორი მიგვანიშნებს საბჭოთა და პოსტსაბჭოთა პერიოდებზე, სადაც ეს პერსონაჟები ცხოვრობენ ან უბრალოდ დრო გაჰყავთ, ან პირიქით საიდანაც ისინი დროს გაჰყავს.

ქალაქის მერის მანქანა, საიდანაც უცნაური ხილვები ჩნდება, მთავარ პერსონაჟს რომ ეზმანება თუ ელანდება, ერთგვარი სიმბოლოა იმ მოქალაქეული წრისა, საიდანაც მხოლოდ მაშინ აღწევს თავს სუბიექტი, როდესაც მერის მანქანას ტოვებს, საიდანაც ხედავს ცხოველებად ქცეულ ადამიანებს, მტაცებელი ცხოველების თავებიან არსებებს, ნახევრად ადამიანებს და ეს ხილვები უკავშირდება მერის მანქანის ჯადოსნურობას, მაგრამ სინამდვილეში გაორებული, მუდამ ორჭოფული პერსონაჟის, საგრძნობლად გადახრილი ბუნების და ამ გადახრის გამომწვევი მიზეზების ჩვენებაა. თავისთვის განაბული ტრაგედია ღრმად ფსიქიკაში ჩასახლებულა და ცნობიერების ნაკადი გამორიყავს რომანის ტექსტში და ჩვენ განვაგრძობთ კითხვას და ვხედავთ

ეთიკურად და ზოგადადამიანურად დაცემულ და მლიქვნელობით გაჯერებულ სინამდვილეს, რომელიც ქმნის თავის მსგავს ადამიანებს, ვინც სონაჟებად რომ მწერლის ნიჭმა აქცია და მკითხველის ყურადღება სწორედ იმაზე გაამახვილა, რასაც ჰქვია ზნეობრივი დევალვაცია ან იქნებ სულიერი დეფორმაცია.

პატარა „ბიჭუნა დამუშტული ხელებით სავარძელს დაყრდნობია და უკან იყურება. ჩემს ბავშვობას ვიხსენებ. მაგონდება ბავშვი, რომელიც ყოველ დილით ასევე უკანა სავარძელზე შესკუპებული ჩვენი სახლის წინ ჩაივლიდა ხოლმე. და ეს ბიჭუნაც იმ ბიჭს მაგონებს. მინდა დავენიო... არ გავრბივარ, მაგრამ ადგილზე ვბორგავ“. მესსიერებაში პატარა ბიჭუნას ამოტივტივება რომანის ფინალში, ღიად მიანიშნებს, რომ სინამდვილე, სიმართლე, უშუალობა და ბუნებრიობა გაქრა ბავშვობასთან ერთად.

და იქვე, ისევ დეფორმირებული სინამდვილე, მოურჩენელი რესენტიმენტის ბოლო ილუსტრაცია: – ფინია ძაღლი... რქიანი ფინია ძაღლი... – ქხხხ! იგი ყელგამოჭრილივით მანიშნებს, –კისერზე ხელით... – ამის თქმას ახერხებს და თვალებს ხუჭავს.

მაგსად ნურის რომანზე „ქალაქის მერი“ მინდა გავიხსენო პროფესორ ჯავანშირ იუსიფლის სიტყვები, რაც ჩემი აზრით ზუსტად მიესადაგება რომანის მთლიანობას და მის ავტორს. „ქალაქის მერის“ კითხვისას მე ვიხსენებდი ერთ პასაჟს ოლივიე როლინის რომანიდან „პორტ-სუდანია“: „ამ სტრიქონებს მე ვწერდი, რათა ცოცხალი გადავრჩენილიყავ. წარმოდგინეთ, საიმისოდ, რომ მენერა, სხვა საბაბი არ მქონდა.“ ტიპურად მაგსადის აზროვნება იმდაგვარია, რომ იგი წარმოიშობა არა ანტიუტოპიიდან, არამედ რეალურის განვითარებიდან უტოპიისა და ირეალური ვიზუალობისკენ – დინამიკის დამუხრუჭებად, რათა ამის შემდეგ მდუმარედ გაგვიმხილოს სათქმელი“ (პროფესორი ჯავანშირ იუსიფლი).

დარწმუნებული ვარ, მკითხველი დიდი ინტერესით წაიკითხავს მაგსად ნურის ფრიად საყურადღებო და უაღრესად მნიშვნელოვან რომანს „ქალაქის მერი“.

ამ წიგნის მთავარი პერსონაჟი ჩვენს მერს ჩამოჰგავს არაერთი თვისებით და მე ვრწმუნდები, რომ მერის თანამდებობა ქმნის მსგავს ბუტაფორიულ ტიპებს და მათი ქალაქში გამოჩენა, კარნავალური მსვლელობა თანმხლებ პირებთან ერთად, ისეთივე ხელოვნურია, როგორც გაზეპირებული მოძრაობები, ნასწავლი ღიმილი და ყალბი რვეურანსები – იმ რიგით ადამიანთა წინაშე, რომელთა ბედიც არასოდეს ახსენდებათ, რადგან მათთვის თავს მხოლოდ მაშინ იწუნებენ, როცა პუბლიკისთვის ამის ჩვენება აუცილებელია.

თარგმნა
გივი ალხაზიშვილი



ბოლო სადღეგრძელო

ეს სადღეგრძელოა დაქცეული სახლის
და კიდეც – ბედის ავის,
და მარტოობის ორთა
და შენი სადღეგრძელოც მოვა.
ეს გაუმარჯოს ბაგეებს გამყიდველთ
და თვალებს, მკვდარი სიცივიტ რომ გამყინეს
და სოფელს მუხთალს და მწარეს
და ღმერთს, რომელიც არ შემინყალებს!

სიკდილი

I
ვიდექი კიდეზე რაღაცის,
რომელსაც არა აქვს სახელი არაფრის...
არის შემპარავი თვლემა
და საკუთარი თავიდან წრეტა...

II
ახლა კი ვდგევარ უკვე ფერხით რაღაცის
ყველას რომ ერგება,
ოლონდ ფასად სხვადასხვის...
იმ გემზე ჩემთვისაც ყოფილა სადგომი,
აფრაში ქარი და საზარი ჟამი გამყოფის
– მშობლიურ მხარესთან
ნათქვამით – ნახვამდის.

* * *

მე შევწყვიტე გაღიმება,
ზამთრის ქარი ბაგეს ყინავს,
ერთით იკლეს იმედებმა
მოიმატეს სიმღერებმა.
ეს სიმღერაც უნებურად,
გამინირავს დასაცინად,
იმიტომ რომ
სულში მტკივა გაუძლისად
სიყვარულის გარინდება.

* * *

დამშვიდობება არ ვიციტ
უკვე დაეშვა მზეც
დავბორიალობთ მხარდამხარ
ღუმხარ და ვჩუმდები მეც.



ანა
აბაშიძე

წესის აგებას, ნათლობას, ქორწილს,
– საყდარში შევალთ და ვჭვრეტთ,
თვალს ვერ ვუსწორებთ ერთმანეთს
ყველაფერი სხვაგვარად გვაქვს ჩვენ.

ამოვისუნთქავთ შვებით,
თოვლიან საფლავთან ვსხდებით
და შენი ჯოხიანი ხელით
დაიხატება სასახლე ჩვენთვის.

განშორება

მიმწუხრი და დამრეცი
ჩემ წინაა გზა,
გუშინ კიდეც მიჯნური
მადევენბდი ხმას:
გვედრი, არ დამივიწყო,
მანაცვალო სხვას.
ახლა მარტო ქარების
და მწყემსთემოჯარების
ისმის მიმოთქმა.
ხე კი შენაზარები
სუფთა წყლებთან დგას.

თარგმნა ეკა ჯიქიაშ



მენაცროები


ჩემი სიცოცხლე სტამბოლის გულცივ, წვიმიან ღამეს ჰგავდა... და ღამეული წვიმა ყოველთვის შიშს მგვრიდა. ფანჯრებს თითქოს წვიმა კი არა, მარტოობა, უშენობით სავსე წლები ასველებდა წვეთ-წვეთად... ერთი მხარე ყოველთვის ნაკლული მქონდა შენ გამო, ცხოვრებაში ერთადერთი ახლობელი ადამიანისგან შორს ყოფნა უკვე უთვისტომობა, უპატრონობა იყო. შეხვედრის სასწაულის მოლოდინში გახარჯული სიცოცხლის დასასრულის მოულოდნელ აღმოჩენას, წუთისოფლიდან ამ სასწაულის უნახავად წასვლას და მარტოობაში სიკვდილს ნიშნავდა ჩემთვის წვიმა...

ისევ წვიმს, ისევ ღამეა... ისევ სტამბოლი... შენ ჩემი მკლავებიდან თავს იხსნი და საწოლიდან დგები.

– სად მიდიხარ, ჩემო სიყვარულო?

მხოლოდ შენთან ჩახუტებულს შემეძლო სუნთქვა. როდესაც, შენს მკლავებში მოქცეული, ვაკვირდებოდი მაგ უმანკო გამომეტყველებას, მხარზე გეკვროდი და შენს სუნს გულამდე ვისუნთქავდი, ძილი სამოთხე იყო ჩემთვის. იმიტომ რომ ჩემთვის სამოთხე იქ იყო, სადაც მხოლოდ ჩვენ ორნი ვიყავით. სხვა არავინ და არაფერი – არც შენზე შეყვარებული ქალები, არც შენთვის ძვირფასი ადამიანები, არც წარსული, არც მომავალი... ძილში მხოლოდ ჩვენ ორნი ვიყავით. ამ დროს არ ვეძებდი სიტყვებს, რომლებიც მაინც არ იყო საკმარისი ჩემი სიყვარულის გამოსახატავად. მაშინ სიყვარულის ახსნა, სასიყვარულო სიტყვები უკვე აღარ მჭირდებოდა. ჩვენი სიყვარულის სურნელი გვიყვებოდა ჩემზე, შენზე... სინამდვილის ცივი, ადიდებული ტალღებიდან გასაქცევი ერთადერთი გზა იყო შენთან ერთად ძილი. სხვა დროს ხომ ცხოვრება მაშორებდა შენს თავს, შორს მიყავადი შენგან.

ჯერ მკლავს გამომაცლიდი თავს ქვემოდან, მერე ზურგს მაქცევდი. ზურგიდან გეხვეოდი წყნარად, წლების განმავლობაში – შენთან ერთად თუ უშენოდ – დაგროვილი მონატრებით... მერე ნელ-ნელა მისხლტებოდი მკლავებიდან... სხეულიდან გამოსული მხურვალეობა და დროის მიერ გაუნელებელი მონატრება, რომლის ტარებითაც წლობით არ ვიღლებოდი, მძიმედ განვებოდა...



ჯეზმი
ერსოზი

– ველარ ვიძინებ... ველარ ვსუნთქავ, გთხოვ, ნუ მეხვევი, – მეუბნებოდი. საწოლის ერთ კუთხეში მიყუჟული სხეულიდან გაძევება შენი ცხოვრებიდან გაძევების ტოლფასი იყო ჩემთვის. იმ სამოთხიდან გაგდებას ნიშნავდა, სად შეხიზნულსაც შემეძლო მხოლოდ სუნთქვა. ძილის დროს ჩემი მიტოვება რეალურ ცხოვრებაში მიტოვებაზე უფრო მემძიმებოდა. თავიდან ბოლომდე შენით გაჯერებულ ჩემს ნესტიან სახლში უშენობა დავინყებაზე უფრო ძნელი ასატანი ხდებოდა.

დაკარგვის შიში უჯრედებში ისე მქონდა გამჯდარი, საწოლში შენი წამოჯდომისთანავე უნებურად ვახელიდი თვალებს. მაშინვე ქვეცნობიერად ვინყებდი აზროვნებას... აზრად არ მივიდიოდა, რომ შესაძლო იყო, წყლის დასალევად ან ტუალეტში გასასვლელად ამდგარიყავი. მეგონა, ჩემგან მიდიოდი...

განა სად უნდა წასულიყავი იმ დროს შინიდან, მაგრამ ამაზე არ ვფიქრობდი, მხოლოდ იმისა მეშინოდა, უსასრულო არარაობაში, ყველაზე უმანკო სიზმრის დროს, ჩვენს სამოთხეში ყოფნისას არ მიგეტოვებინე და არ გადაკარგულიყავი. სწორედ ეს საუკუნოვანი შიში მაიძულებდა, სულ მუდამ ერთი და იგივე კითხვა დამესვა შენთვის:

– სად მიდიხარ, ჩემო სიყვარულო?

თურმე შინაგანი ანგარიშსწორების ხანძარი იყო შენი უძილობის მიზეზი. დაღამებისას საყვარლები, სახეები, სხეულები, მოგონებები ქრებოდნენ; მხოლოდ ჩვენ ორნი ვრჩებოდით. და შენ ძილში ჩემს სიყვარულს უსწორებდი ანგარიშს. სამოთხეში ჯოჯოხეთს აცოცხლებდი.

უკან რომ ვიხედები, თითქოს წლებს კი არა, ასეულობით წელს ჩაუვლია ჩვენ შორის... განშორება, ლალატი, გადაკარგვა, მიტოვება, ხელახლა პოვნა, შიში, მარტოობა, ხეტიალი... –

თურმე რამდენი სახეცვლილება განუცდია ამ ურთიერთობას...

გზების, ქალაქების მანძილიდან მიყვარდი. სიტყვებით, ლექსებით მიყვარდი, თითქოს ამქვეყნად მხოლოდ ჩემი სიყვარულისთვის აულოთ კალამი ხელში. იმ შენი გამოგზავნილი წერილებით მიყვარდი. უიმედოდ, ყოველგვარი მოლოდინის გარეშე, შორიდან მიყვარდი ოცნებებში. ყველაფერი ისე მივიღე, როგორც იყო, შენს ქალაქში ჩამოვედი, მიყვარდი, თუმცა შენს გულში ვერ შემოვალნიე. დაფიქრებულხარ კი, ვინ ვიყავით ერთმანეთისთვის იმ წლებში? ვინ ვიყავით – შეყვარებულები?

ჩამოვედი. სიყვარული, რომელიც ხელს გამომართავდა და ზურგს გამიმარებდა, ვერ ვპოვე. ტყუილი, რომ ახალ ცხოვრებას ვინყებდი, ჯერ საკუთარ თავს, მერე კი ყველას, მათ შორის შენც გითხარი. თუმცა ერთადერთი, რაც მინდოდა, შენთან ერთად სიცოცხლე იყო. მე გაუბედავი ვიყავი, შენ კი ისეთი თამამი და პირში მთქმელი, რომ მხოლოდ უიდეო ხიზნობას მივალნიე მთელი სიცოცხლე. ვინ ვარ? შენს ცხოვრებაში თავშესაფარის მაძიებელი, გულის ხიზანი? სიყვარულისგან შეშლილი მხოლოდ...

ჩემო სიყვარულო, სიმაღლე ზოგჯერ ტყუილზე მტკიცენული ყოფილა... სინამდვილის ყინულოვან მხარეში ეულად დარჩენილ გულს გადარჩენისთვის ზოგჯერ სიცრუეც მონატრებია... იმ წლებში, როდესაც ჯიუტად მიმტკიცებდი საწინააღმდეგოს, ყინულოვან მხარეში ოდნავ მაინც რომ გავმთბარიყავი, ჩემდამი შენი სიყვარულის ტყუილში ვარწმუნებდი საკუთარ თავს...

ჩემი სიყვარულით ჩარაზული კარის ზღურბლზე მიტოვებულ დაჭრილ ჩიტს ვვკავდი. ერთადერთი, რისიც მწამდა, შენდამი სიყვარული იყო და მე მისი მონა ვიყავი. მორჩილება მსურდა ცალმხრივი, უმწეო, უხმაურო ტრფობის... როგორ მეუხეშებოდი... მართლა არ გყავდი გულში? მითხარი, ვინ ვიყავით ერთმანეთისთვის? სიყვარულო, იმ წლებში ვინ ვიყავი შენთვის? ცხოვრების თანამგზავრი? უბრალო თანამგზავრი? მეგობარი? საყვარელი?

მერე, ერთ დღესაც, დამივიწყე. ყველა ეს კითხვა სათითაოდ დანასავით ჩამერჭო გულში და იქვე პოვა კიდევ პასუხი. დავიწყება აღმოჩნდა ყველაზე მწარე პასუხი. მერე – უძირო უკუნეთი, უსასოო გადარევა.

შენი სიყვარული ფარი იყო ჩემთვის, ერთადერთი თავშესაფარი ცხოვრებისგან თავის დასაცავად. თავდაცვის ეს ერთადერთი საშუალება გამიქრა და ცხოვრებას მივკენდე. მოვიდა და გამიტაცა სხვა სხეულებისკენ, უაზრო თავგადასავლებისკენ, რომელთა ნაწილიც ვერ გავხდი...

ჩემმა გულგატეხილობამ სახე იცვალა და გადაჩვევად იქცა. დავიწყების ყველაზე დიდი სიმწარე ჯერ კიდევ სსოვნაში მყოფის დავიწყებაში განმაცდევინა. შენმა სამუდამოდ დაკარგვამ მაიძულა, დამევიწყებინე, მაგრამ როდესაც ამ სიცრუეში თავის დაჯერებას ვცდილობდი, ცხო-

ვრებამ ყველაზე მწარე სილა გამანა... მერე – უსასრულო სიბნელე... გახსენებაც რომ მიჭირს, ოცნებათა ისეთი მსხვერვა... მღვრიე, ბნელი და ნესტიანი ჭა... უზარმაზარი სიცარიელე... ბოლოს კი ისეთი ღრმა მარტოობა, სიტყვა „მარტოობაც“ რომ ვერ დაიტევს...

არ მახსოვს, რამდენი ხნის შემდეგ – ერთი დღეც დადგა და ისევ გამიხსენე. ჩემს არყოფნაში მოწყობილმა ცხოვრებამ აკრძალულ კავშირად მაქცია ამჯერად... და ამ ჩვენმა ურთიერთობამ კიდევ ერთხელ განიცადა სახეცვლილება. ვისწავლე როგორ მეცქირა შორიდან სხვასთან მოწყობილი შენი ცხოვრებისთვის, როგორ ჩამებარებინა გული დაწყვეტილი ეჭვიანობისთვის, როგორ შეგხვედროდი განსაზღვრულ დროს, მესწავლა მიჩქმალული და დაუკმაყოფილებელი სიყვარული... მაშინ, როცა შენი მონატრებით სუნთქვა მიცახცახებდა, მარტო დაძინებაც ვისწავლე. წვიმიან სტამბოლურ ღამეებში, თავიდან ბოლომდე შენით გაჟღენთილ სახლში, შეუბრალებელ ბედთან შეგუებაც ვისწავლე, სიყვარულო...

იმ უდროო დავიწყების შემდეგ თავიდან გახსენების სიხარული შენი სხვასთან გაყოფის, მუდამ იდუმალების ჩრდილში ყოფნის სიმწარემ გადაფარა. იმ მრავალ უძილო ღამეს, როდესაც კარგად ვიცოდი, შენი სუნთქვა სხვის სუნთქვას უერთდებოდა, ჩემი სიამაყე ნაფლეთებად დაეშალე და ჩვენს სიყვარულს მსხვერპლად შევნივე. ენით აუნერგელი ტკივილის გასაყურებლად იძულებული გავხდი, უარი მეთქვა სულიერებაზე, მეობაზე, ქალურ თავმოყვარეობაზე. ყველაფრის გათვალისწინებით, წინააღმდეგობის გასაწევად საკუთარ თავზე ვთქვი უარი. ამრიგად, ბოლომდე ჩავირაზე უკან დასაბრუნებელი კარი. სულიდან საკუთარი თავი გამოვაძევე და ყველა უჯრედი შენი სიყვარულით გავაჯერე. სწორედ იმ წამიდან უშენობა უჩემობად მექცა, ჩემო სიყვარულო...

როგორი აფორიაქებულები, სუნთქვაგახშირებულები ვიყავით იმ მოპარულ წუთებში... ჩვენი სიყვარულის ყველაზე ბნელი, ყველაზე ნამდვილი, თანაც ყველაზე დატვირთული მოგონებები... უშენოდ გატარებული ღამეების დროს გულში დაგროვილი ეჭვიანობა, ბრაზი, გულგატეხილობა და მონატრების ციებიანი უკუნეთი შენთან შეხვედრის წამებიდან სიხარულისგან ჭკუიდან გადასვლის ენით აუნერგელი ნეტარებით იცვლებოდა. აღმოდეული სიყვარულით ვეფერებოდით ერთმანეთს... შენი ხელახალი შეხება ღრუბლებთან ამბორის ტოლფასი იყო... სიმშვიდე და მღელვარება, მონატრება და შეხვედრა, სიყვარული და ბრაზი, შებრალება და შეუბრალებლობა, გულგატეხილობა და პატიება – ყველა ეს გრძობა ჩვენი სიყვარულის ადიდებულ ტალღებში ერთმანეთში ირეოდა. ორი გულისთვის მთელი სიცოცხლე სამყოფ გრძნობებს იმ ხანმოკლე წუთებში სუნთქვაშეგუბებულები განვიცდიდით...

შემდეგ ცხოვრება შეიცვალე. გათავისუფლდი, და ჩვენმა ურთიერთობამ ერთხელ კიდევ

იცვალა სახე. წლების განმავლობაში აქეთ-იქით გაბნეულმა გრძნობამ, როგორც იქნა, წყნარი, უზრუნველი და სანდო ნავთსაყუდელი პოვა. რაკი იმ ქარტყილებს გაუძლო, ახლა ვეღარაფერი წააქცევდა ამ გრძნობას. ლალატს, დავინყებას, ცხოვრების კიდევ მრავალ გამოცდას გაუძლო ჩვენმა სიყვარულმა. უკვე ვიჯერებდი, რომ არა-ბუნებრივად, სულ სხვა, ჯერ ხელშეუხებელ განზომილებაში გვიყვარდა ერთმანეთი, როცა ის დაწყვეტილი წინადადება მოსწყდა შენს ტუჩებს. თავიდან გაიღვიძა შიშმა, წარსული გარდასულს მონყვიტა და ისევ ჩვენ შორის ჩააყენა:

– შენი არსებობა უკვე აღარ მაყენებს ტკივილს...

ოჰ, ჩემო სიყვარულო! განა კარგა ხნის წინ არ ჩაგვიარა განშორების მატარებელმა?! დაკარგვისა და ხელახლა პოვნის თამაშობანი კარგა ხნის წინ არ მოვიბეზრეთ განა?! ამქვეყნიური სასიყვარულო ურთიერთობები, ეჭვიანობები, საიდუმლო შეხვედრები ხომ უკვე უკან მოვიტოვეთ? ერთმანეთი ხომ გამოვცადეთ ყველაზე მწარე ლალატის გამოცდებით? აქამდე ვერ მიხვდი, რომ შენთვის ტკივილის მოსატანად არ ვარსებობ... მე ვარსებობ მხოლოდ შენი სიყვარულისთვის!

შენ გამო განა ურთიერთობის ყველა ნაირსახეობა არ მოვირგე? ჯერ უსიყვარულოდ, გულის სიცარიელის ამომგვები ცხოვრების თანამგზავრი ვიყავი შენთვის... როდესაც გულის კარი სულ სხვას გაუღე, ცხოვრებიდან გამრიყე და მიმატოვე, ვცადე, სხვა ადამიანებით, სხვა ურთიერთობებით დამევიწყებინე, მაგრამ გაგიჟებას აღარაფერი მაკლდა, როდესაც აღმოვაჩინე, რომ ყველა მათგანში შენ გეძებდი... როდესაც შენს გულში ჩემი დაბრუნება მოინდომე, სიამაყის იალქნები გადაგწვი და შენი საყვარელი გავხდი... ხან სინდისი ვიყავი შენი... ხან – შეწყალება... ხან – სინანული... ზოგჯერ – სიამოვნების ყველაზე უჩვეულო ნაირსახეობათა გამზიარებელი მეძავი... ვიყავი შენი ამხანაგი... და შეყვარებული... მითხარი, რამდენჯერ იცვალა სახე ამ ურთიერთობამ? რამდენჯერ შევიცვალე მდგომარეობა შენი სიყვარულის გამო?

აქამდე ვერ მიხვდი, რომ ტკივილის მოსაყენებლად კი არა, მხოლოდ შენი სიყვარულისთვის ვიცოცხლე... ახლაც შენთან ერთად გასატარებელი წუთების ფორიაქში ვცდილობ გავაქრო უშენოდ გატარებული დღეები. წლები მიდის, ჩემი გული კი ისევ შენი ნახვის მოლოდინში იწყებს ღელვას, მხოლოდ შენთვის ვიცვამ ყველაზე ლამაზ სამოსს. შენ რომ მოგეწონო, ვტრიალებ სარკის წინ.

შენთან გატარებული დრო განუმეორებელ მუსიკალურ იმპროვიზაციადაა ჩემთვის. თითქოსდა ბედის ჩვენთვის განსაზღვრულ დროს წუთებს ვპარავ. სრულიად უმიზეზოდ შენი ყურება, შენთვის სადილის მომზადება, შენთან საუბარი, შენი მეგობრების გამასპინძლება, შენთან ერთად დაძინება, ანუ ყველაფერი, რის გაკეთებაც მხოლოდ შენ გამო შეიძლება, იმ ლექსის სტროფებივითაა, ხელმო-

რედ რომ ველარ წავიკითხავ და გულმოდგინედ, სულმოუთქმელად, მძაფრად უნდა განვიცადო... ისე ვარ გაჯერებული შენით, რომ შეუძლებელია დამეხარჯო და გამიუბრალოვდე. რაც უფრო შეგიგრძნობ, მით უფრო ბევრდები...

ახლა ჩემი არსებობა ყოველ წუთს უფრო და უფრო მჭიდრო რკალად გერტყმის გარს. ყოველ ახალ დღეს ცოტა უფრო მეტად მიბეზრებ და მშორდები. შენი ტკივილიანი წარსული თავს არ განებებს და შიშის კედლად აღმართულა ჩვენ შორის. როდესაც შენს ცხოვრებას მთელი გულით ვიკრავ მკერდში, ვხედავ, როგორ გადაგივლის სახეზე ნაცნობი შფოთვა და მიჰყავხარ ჩემგან ძალიან შორს, ღრმა და უსასრულო მარტოობის ლაბირინთებში. ახალ სახელებთან, ახალ-ახალ სასიყვარულო ისტორიებთან, ახალ სახეებთან, ახალ სხეულებთან გაქცევის გეგმებს აწყობ შენთვის... განა ეგ ფიქრები არ არიან, ღამით უეცრად რომ გაღვიძებენ, მკლავს რომ გარიდებინებენ ჩემ თავქვეშიდან, საწოლის კუთხეში რომ გკუნჭავენ, ძილს რომ გიფრთხობენ და საწოლიდან გაყენებენ და მთავარი – მუდამ ერთსა და იმავე კითხვას მასმევიწებენ შენთვის:

– სად მიდიხარ, ჩემო სიყვარულო?

სიყვარულო, სად მიდიხარ? რა არის იქ? რა არის მეობამომწყვედებულ კედლებს იქით ცივი და უსასრულო მარტოობის მეტი? რატომ გარბიხარ? ამ სიყვარულს რატომ ვერ აღიქვამ უსასრულობისკენ, თავისუფლებისკენ, ჯერ განუცდელი საზღვრებისკენ გამავალ კარად? მე ხომ შენგან წასვლა არასოდეს დამიშვია? ჩემი სიყვარული შენი ტანჯვისთვის კი არა, ბედნიერებისთვის არსებობს... ჩემი სიყვარული იმისთვის არსებობდა, რომ დაგეჯერებინა... დაგვეჯერებინა – დედამინაზე ცხოვრება ჯერ კიდევ შესაძლებელია... გულის სიღრმეში ჩამალული ორი უმანკო ბავშვის არსებობისთვის, მათი სუნთქვის საჭიროებისთვის არსებული ცის კაბადონი იყო ჩემი სიყვარული... მე ხომ შენთვის არასოდეს მომიპარავს ფრთები...

იმდენჯერ უარმყავი და დამივიწყე, რომ უშენოდ დარჩენა ერთადერთი შიშია, რომელიც გულს მიკლავს. იმდენად, რომ ჩემი სიცოცხლე ახლა მხოლოდ ეს შიშია... როგორც კი ეს შიში ამიცხადდება, მე ველარ შევძლებ სიცოცხლის გაგრძელებას. მე უკვე ყველაფერი ვცადე. ხელი ვკარი ყველაფერს, რითაც კი შეიძლებოდა, ამ ცხოვრებას მოვჭიდებოდი – ხელი ვკარი, რათა მყვარებოდი... მთელი ჩემი მოთმინების უნარი, საკუთარი თავისა თუ სხვა ადამიანების რწმენა, რწმენა იმისა, რომ სიყვარული ამ ცხოვრებაში ერთადერთი ფასეული რამ არის... უკვე აღარ შემწევს სხვისი შეყვარების ძალა, ცხოვრებასთან ბრძოლისთვის საჭირო მეობა დაეკარგე...

ახლა მეუბნები, რომ ჩემი არსებობა ტკივილს აღარ მაყენებს. გინდა, წავიდე შენგან, მერე ხელახლა მოვიდე... და მერე ისევ წავიდე... ჯერ უშენობის უკიდევანო უფსკრულში მაგდებ, მერე ხელახლა ამოგყავარ მზის სინათლეზე. გსურს, მაშინ იპოვო ჩემი სიყვარული თუ უჩემობა, როცა მოგესურვება. იქნებ ეს ერთგვარი

თამაშია, გამონვეული შიშით, რასაც შენდამი ჩემი სიყვარულის მიმართ გრძნობ, შიშობ, რომ ეს სიყვარული ხელში ჩაიგდებს შენს მეობას და სიცოცხლეს. იქნებ ეს ყველაფერი ამ უსაფუძვლო შიშის დასამარცხებლადაა მოგონილი; მაშინ როდესაც ჩემთვის შენთან გატარებული დრო განუმეორებელ პოემას ჰგავს, შენთვის ის მონოტონური და მოსაბეზრებელია და ამ გაბეზრებული გამომეტყველების გასაქრობადაა მოგონილი ეს თამაში: ჯერ სიგიჟის ზღვრამდე მიყვანა და მერე ისევ გულთან მოხმობა.

განა არ იცი, რომ შიშის მოლოდინი თავად შიშზე შემადრწუნებელია? სწორედ ამიტომ უშენობის უკუნ უფსკრულში საკუთარი ნებით ვაგდებ ჩემს ბედს. მე მხოლოდ შიშის მოლოდინზე ვამბობ უარს და არავითარ შემთხვევაში – შენს სიყვარულზე, ჩემო ერთადერთო... სწორედ ამის გამოა, შენთან გამოუმშვიდობებლად რომ გავქრი.

რაკი ჩემი არსებობა ტკივილს აღარ გაყენებს, რაკი მხოლოდ ჩემი არყოფნისას გრძნობ ჩემდამი სიყვარულს, მაშინ უჩემოდ დარჩი, ჩემო სიყვარულო... რაკი ჩემს არყოფნაში უფრო ბედნიერი ხარ, დაე, ჩემი არარსებობა ამ სიყვარულის გამო მორგებულ უკანასკნელ მდგომარეობად დარჩეს.

ნლობა

თითქოს მხოლოდ ჩემთან ჩახუტებულს შეეძლო სუნთქვა... ძილი მორჩილება... მძინარეს ყველა დანაშაული ეპატიება... ძილი უმანკოება... ჩემს მორჩილებას და უმანკოებას თითქოს მხოლოდ ძილის დროს გრძნობდა და ამიტომაც მძაფრ მონატრებას მხოლოდ ამგვარად იკმაყოფილებდა... წლების განმავლობაში ისე მეხუტებოდა, კარგა ხანს უწყლოდ დარჩენილი რომ მივარდებოდა წყალს დასარწყვლებლად... უნდოდა, მალე დავრჩენილიყავით მარტონი, დაღამებულიყო, დაგვეძინა და მხოლოდ ძილის დროს არსებული იმ უსაზღვრო სიახლოვის სურნელი ეყნოსა... მთლიანად შეეგრძნო ჩემი არსებობა...

რადგან სხვაგვარად ცხოვრება არ აძლევდა უფლებას აეხსნა, რას გრძნობდა, როგორ ძლიერ სიყვარულს განიცდიდა... სიყვარულისგან ყველაზე მეტ სიამოვნებას, ჩემთან ჩახუტებული, ძილის დროს იღებდა... ამიტომაც იყო, რომ სხვა ქალებთან სასიყვარულო ურთიერთობებზე მეტად მათთან ერთად ძილზე ეჭვიანობდა.

ვგრძნობდი, ყოველ ჩახუტებაზე როგორ ისრუტავდა ჩემს არსებას და მწვავდა, თითქოს საკუთარ ბედისწერას მალვრიდა სხეულში... ჩვენი სიზმრები ერთმანეთში ირეოდა... მესმოდა: წლობით უპატრონოდ დარჩენილი სიყვარულისთვის ჩემში, თავის თავში, დაცულ და ნდობით სავსე ადგილს ექებდა...

ზოგჯერ ჩემივე სულის შემადრწუნებელი ყვირილი მალვციებდა... როგორც კი თვალებს გავახელდი, ისიც იღვციებდა... რადგან ჩემი სულის თითოეულ მოძრაობას უსასრულო ყურადღებით აკვირდებოდა. ნაღვლიანი მუქი თვალებით და თითქოს ჭის ფსკერიდან ამომავალი ხმით მკითხავდა:

– რა მოხდა, სად მიდიხარ ჩემო სიყვარულო? სკოლიდან გაპარული და გამოჭერილი ბავშვივით, დაფარული შიშით ვპასუხობდი:

– არსად, დანქი, ერთ სიგარეტს მოვწევ და მოვალ...

სასტუმრო ოთახში გავიდოდი, ფანჯარასთან მდგომ სავარძელში ჩაჯდებოდი, სიგარეტს მოვუკიდებდი და ღამის სიჩუმეში მის თითქმის ავადმყოფურ სიყვარულზე ვფიქრობდი...

ბოლო ხანს მუდამ დაღლილს მეღვციებოდა... ალყაში მოქცეულივით ვგრძნობდი თავს... მთელი სიცოცხლე რომ მისთვის შემენირა, მეშინოდა, მის სიყვარულს არ გავეთელე... მთელი ჩემი არსება მისი უსაზღვრო შიშით, მოლოდინით და მზარდი მონატრებით იყო სავსე... მასთან ვიყავი, მაგრამ მაინც ვენატრებდი... თითქოს თავის თავს ეჯიბრებოდა ჩემს სიყვარულში... რისიც ყველაზე მეტად მეშინოდა და რასაც საკუთარ თავსაც ვერ ვუმხელდი, ჩემი მეობის მის მეობაში არევის შიში იყო... ამის ალბათობა კი უსასრულო პატიმრობისა და უზარმაზარი დანაკარგის ტოლფასი იქნებოდა ჩემთვის... თითქოს ამიერიდან ვედარავის შევიყვარებდი, ჩემს გულს აღარ ააფორიაქებდა სხვა... წლების განმავლობაში სხვადასხვანაირი იყო ჩვენი ურთიერთობა. როდესაც ის გამირბოდა, მე ვეძებდი; როდესაც მე გავრბოდი, ის მომდევდა... ორივეს ბევრ სხვასთანაც გვექონდა ურთიერთობა... ერთხანს სულ მივატოვე... რომ დავევიწყებინე, შეუფერებელ კავშირებს ამყარებდა... ბევრჯერ განიცადა ოცნებათა მსხვრევა... ბევრჯერ შევრიგდით და ისევ დავცილდით... ერთმანეთზე არანორმალურად ვეჭვიანობდით...

ერთხანს ჩვენ შორის არავინ ჩამდგარა და ერთად ვიყავით... იმხანად მის ხელახლა მოსაპოვებლად თითქოს არაფერი იყო საჭირო... იმისთვის, რომ ვყვარებოდი, ჩემი არსებობაც ჰყოფნიდა... დაძაბულობა, მისი დაკარგვის და ხელახალი პოვნის შიში, ჩემთვის უცნაურმა სინყნარემ და ერთფეროვნებამ შეეცვალა. იქნებ უფრო ამიტომ იყო, რომ მასთან დაკავშირებული ამბავი დასრულებულად მეჩვენებოდა... თითქოს რაც უფრო ვუახლოვდებოდი, მით უფრო ვშორდებოდი... მისი სიყვარულის მონატრება უკვე სინდისის ქენჯნით გაჯერებულ მადლიერებას შეეცვალა... მაშინ, როდესაც ჩემგან შორს მყოფი სიგიჟემდე მენატრებოდა და ეს მონატრება ტკივილიან სიხარულს მგვრიდა... ეს ტკივილი დროის შეუბრალებელი და შხამიანი ნარმავლობისგან მიცავდა... მაგრამ კარგა ხანია, მისი არსებობა ტკივილს აღარ მაყენებდა... და თავიდან დავიწყე იმის შეგრძნება, როგორ ანანევრებდა დრო ჩემს სხეულსა და სულს...

ის უფრო ნამდვილი ცხოვრება იყო, როდესაც

მენატრებოდა... მისი გადარეული და მშფოთვარე თვალების სინამდვილე... ახლა ისევ თავიდან დავინწყე მისი მობეზრება და კიდევ ერთხელ გავირიყე ყალბ რეალობაში... ისევ დავინწყველე გაჩენის დღე და კვლავ გამიჭირდა საკუთარი თავის ატანა... თითქოს ძალა დაეკარგა ჯადოსნობას... სიტყვების პირველად მნიშვნელობებს დავუბრუნდი... და ამ დაბრუნებას, უკან დაბრუნებას, წინააღმდეგობას ვერ ვუნევდი... თითქოს ჩემში, ჩემგან დამოუკიდებლად, განსხვავებული ფიქრი და ჭკუა არსებობდა... ჩემთვის უცნობ საზღვრებში... ეს საზღვრები მაშფოთებდა, მაგრამ თავს ვერაფრით ვშველოდი...

ადრე შეუსვენებლად და მონდომებით ვუყვებოდი საკუთარ თავზე... ახლა ხშირად ვჩუმდებოდი... თანდათან ჩემი თავის, ლექსების, ზმანებების, ჩემში დაგროვილი სასიყვარულო სიტყვების ჯერ კიდევ უცნობი სიყვარულისთვის გადანახვა დავინწყე...

ყოველი ჩემი გაჩუმება, ყოველი ჩემი საკუთარ თავში ჩაკეტვა მისთვის სიკვდილზე უარეს მუქარას წარმოადგენდა... ზოგჯერ, ღამით, ძილის დროს, მცირე ხანს საკუთარ თავთან დასარჩენად და მძლავრად შემოჭდობილი მისი მკლავებიდან თუნდაც ცოტა ხნით თავის დასაღწევად სანოლის კუთხეში მიკუნჭვა, დარწმუნებული ვიყავი, განშორების ტკივილზე უარესი იყო მისთვის... ურთიერთობისას ყველაზე ხშირად სიტყვა „დაშორებას“ ვხმარობდით... მაგრამ კარგა ხანი იყო, ამ სიტყვასაც დაეკარგა მნიშვნელობა ჩვენთვის... რადგან სიტყვათა მნიშვნელობებზე უფრო ძლიერად ვყვარობდით ერთმანეთს და სიტყვათა მნიშვნელობებზე მეტჯერ მივატოვეთ ერთმანეთი... ხშირად ამბობდა, რომ ყოველგვარი შეტყობინების, დაშორებაზე ლაპარაკის გარეშე, უცაბედად მიმატოვებდა და აღარასოდეს მომძებნიდა. რატომღაც არ მჯეროდა...

დროს მივანდე ყველაფერი, ერთ დროს ფრიად საძულველ დროს... წინათ დრო ჩემთვის შემანუხებელ, მოშურნე და ამონურვის შეგრძნებას წარმოადგენდა... ახლა კი შინაგანმა უკმარისობამ, წესიერად სახელიც რომ ვერ დამერქმია, იმგვარმა, უსაზღვრო ძიების სურვილით ისევ დროის კალათაში გადამისროლა... უკვე კარგა ხანი იყო, მისგან ახალ ტკივილს, ახალი ჭრილობის გახსნას ველოდებოდი...

მის ისტორიას ჩემსას ვაგლეჯდი და საკუთარ მეს ვუბრუნდებოდი, ის კი ამ რეალობის შუაგულში რჩებოდა, კიდევ უფრო მარტოსული, სუნთქვაშეკრული, და ამ მდგომარეობაში კიდევ უფრო დიდი ტკივილით მეჯაჭვებოდა...

ეს ტანჯვა ხშირად კონტროლს აკარგვინებდა... ტელემოპასუხის შეტყობინებებს მიმონებდა, ჩემს არყოფნაში ელექტრონული ფოსტით მოსულ წერილებს კითხულობდა, ავტორი ქალეზის მისამართებს იზებირებდა, აინტერესებდა, ვის რას ვუბნებოდი... უსაფუძვლო სასიყვარულო ისტორიებს მიგონებდა და თვითონვე იჯერებდა – ისეთი უსაზღვრო შიში იპყრობდა, თითქოს უკვე სხვისი გულისთვის ვტოვებდი...

თუმცა მე არ შემეძლო სხვისი გულისთვის

მისი მიტოვება... სხვა ვინმე კი არა, ჩემი ხასიათი, ავადობა, არსება მაცილებდა მას ნელ-ნელა... ეს ყველაფერი კი ჩვენს სიყვარულს შორის უსაშველო უფსკრულად წვებოდა...

იქნებ ეგოისტი და დაუკმაყოფილებელი ტიპი ვარ-მეთქი, – ვეკითხებოდი საკუთარ თავს... ან იქნებ პიროვნულად ვიყავი სხვებისთვის მუდამ დახურული... თუ ასე არ არის, მაშ, როდის და რატომ ჩავიკეტე ჩემს არსებაში?.. ან გასაღები ვისთან დამრჩა?.. თუ მხოლოდ რამის დანერის იმედით ვვხვეოდი ათეულობით ურთიერთობაში? იქნებ მხოლოდ ჩემს წარმოსახვაში არსებულ წრეზე ვტრიალებდი...

არაერთხელ მიკითხავს ეს საკუთარი თავისთვის... და არასასურველი პასუხების გამო კიდევ უფრო მძულდა თავი. მძულდა იმიტომ, რომ გრძნობებთან დაკავშირებით ვერაფრით ვიჩენდი თავმდაბლობას... სიღრმისეულად მინდოდა ყველაფრის განცდა, მჯეროდა კიდევ, რომ ამას ვალწევდი, მაგრამ საბოლოოდ სათითაოდ ვკარგავდი საკუთარ ლაბირინთებში ნაპოვნ სიღრმეებს.

მან კი, ჩემი ანუ საკუთარი არსებობის მთავარი მიზეზის შენარჩუნების მიზნით, თავისი მთავარი თვისება – სიამაყე დაივიწყა უპირველესად...

ცდილობდა, ჩემთვის განსაკუთრებული და შეუცვლელი ყოფილიყო, მაგრამ მცირე წარუმატებლობას იგრძნობდა თუ არა, მაშინვე უსაშველო შიში იპყრობდა და ამ შიშის გამო სიამაყეს ფეხით თელავდა...

ყველაზე მეტად ჩემს თვალში გაუბრალოების ეშინოდა და ამის გამო გამუდმებით თავს იმცირებდა, ჩემი სამუდამო მოპოვებისთვის, ცხოვრებისთვის საჭირო ძალას, მოჭიდების უნარს, არსებობისთვის საჭირო ყველა დაფარულ თუ გამოსაჩენ თვისებას ჩუმ-ჩუმად კარგავდა...

კარგა ხანი იყო, რაც ჩემი თავი კი არა, მისი ეს შიში და ნუხილი მაფიქრებდა.

ქვეყნიერების ჭიპად ვექეცი. ხშირად სამსახურსაც კი აცდენდა, რათა უფრო მეტი დრო გაეტარებინა ჩემთან ერთად. არავისთან არ უნდოდა ურთიერთობა, თუ იქ მე არ ვიყავი, არანაირი საზოგადოება არ აინტერესებდა, უჩემოდ გატარებულ ყოველ წამს არარეალურად და ფუჭად აღიქვამდა.

ასეთი მდგომარეობა ამქვეყნად ყველაზე მძიმე ტვირთი იყო ჩემთვის... რამდენჯერაც უჩემოდ ვტოვებდი, სინამდვილეში იმდენჯერ ვიმეტებდი სიკვდილისთვის...

– შენთან ერთად წამოვიდეო? – მკითხავდა.

– არა, ამ საღამოს მარტო დარჩენა მინდა, ნუ წამოხვალ-მეთქი, – ვუპასუხებდი, თუმცა კარგად ვიცოდი – ასეთი პასუხით უკიბოდ, მარტოს ვუშვებდი ბნელ ჭაში...

როცა კი საკუთარ თავთან დარჩენას მოვინდომებდი, ის ამას უსასრულო განშორებად აღიქვამდა და ერთხელ კიდევ მარცხდებოდა იმ დიდ სიყვარულთან, რომელსაც მთლიანად მოეცვა მისი გული...

უჩემო ყოველ წუთს ჩემთან ხელახალი

შეხვედრის მოლოდინში ატარებდა და ყველაზე მეტად საკუთარ თავს, საკუთარ სიცოცხლეს ხარჯავდა. ამიტომ იყო, რომ ჩემთან შეხვედრის იმ წმინდა წუთებისთვის მზადებაში თავის ცხოვრებას უსასრულო მოლოდინისთვის იმეტებდა...

მისი სიამაყიდან ამოჩქევებული უპატრონო სისხლი სიცარიელეში მიედინებოდა... განუწყვეტლივ კარგავდა მას და, ამის საპირისპიროდ, უფრო და უფრო უძლიერდებოდა სიყვარულის გრძნობა. ცხოვრებასთან კავშირს თანდათან წყვეტდა, ხოლო სიყვარული არნახულად უბევრდებოდა... უჩემოდ დარჩენის უიმედობა მას კიდევ უფრო გაუგონარი ბრძოლის ინსტინქტებისკენ ექაჩებოდა... ამიტომაც იყო, რომ ჩვენი ურთიერთობის ბოლო პერიოდში სიბერის და მომხიბვლელობის დაკარგვის შიშები დასჩემდა... იმდენად, რომ ადამიანს, რომელსაც შეეძლო, ჩემთან ერთად სიკვდილისთვისაც კი თამამად ჩაეხედა თვალებში, ჰქონდა წუთები, როდესაც მარტოობაში გარდაცვალების სხვებისგან განსხვავებული, უფრო მძაფრი შიშით ეშინოდა... როდესაც ეს შიში სუნთქვას უკრავდა, გადამეტებულ მაკიაჟს იკეთებდა, გამომწვევად იცვამდა და ქუჩაში გადიოდა, რათა სხვებს მოსწონებოდათ და მოსურვებოდათ... ან ინტერნეტში შედიოდა და უცნობ ადამიანებს საკუთარ ფოტოებს უჩვენებდა, ეფლორტავებოდა. რეალობაში დამარცხებული სულის განებივრებას ცდილობდა ამგვარად...

თუმცა რაც არ უნდა გაეკეთებინა, ყოველჯერზე კიდევ უფრო განადგურებული, კიდევ უფრო გამოუვალ მდგომარეობაში მყოფი, იძულებით უბრუნდებოდა საკუთარი თავიდან გაღწევის სურვილით მიტოვებულ სახლს... რადგან სახლი მისთვის უსაზღვრო წარუმატებლობისა და მარცხის ბუდეც წარმოადგენდა... რადგან იქ თავიდან ბოლომდე მე ვიყავი მხოლოდ...

ერთად ვიყავით, მაგრამ მარტონი და ეს მარტოობა თავისთავად, უიმედოდ მრავლდებოდა სიცარიელეში, რომელიც ჩვენ არ გვეკუთვნოდა... მრავალი ქმედება, მრავალი ზმანება, მრავალი ოცნება თავისთავად მიშტერებოდა უპატრონო უფსკრულს და იქვე უფრო მეტად მრავლდებოდა... მე ჩემს სასიათს ვემტერებოდი, რომელმაც მის სიყვარულს დამაშორა... ის ჩემზე უიმედოდ შეყვარებულ გულს გადამტერებოდა... გადამტერებოდა სიყვარულს, სიცოცხლეს, მე. სიყვარულს, რომელსაც ხშირად საკუთარ თავსაც კი ვერ უმტკიცებდა... მე კი, მეობას, ჩაკეტილი რომ მეგონა... თითქოსდა ორივენი უნოდ დავრჩენილიყავით...

რას არ გააკეთებინებს ადამიანს უიმედობა... ჩვენ შორის არსებული უფსკრულის ამოვსება ერთხანს ვნებიანი კავშირებით და უკუღმართობებით ვცადეთ.

ჩემი დაკარგვის შიშით და განსაკუთრებულობის შესანარჩუნებლად ჩემს ამ სურვილებსაც მოუხარა ქედი... უცხო ქალები და უცხო

კაცები ჩავრთეთ სექსუალურ ურთიერთობებში... ჩვენ შორის არსებულ უფსკრულში ვნებით შეპყრობილ უსახო ქალებსა და კაცებს ვითრევდით, მათთან ერთად ვეძლეოდით განცხრომის მორევს და ვცდილობდით, ამით გამოგვეცადა ერთმანეთის სიყვარული...

ჩემი მოპოვებისკენ მიმავალ ამ გზაზე თავისი უარყოფითი მხარეების აღმოჩენისას მასში არსებულ უიმედო სიყვარულს კიდევ უფრო უიმედო მოქმედებებით დაუწყო გამოცდა... მე კი კარგად ვხედავდი – ყოველი მცდელობა, ჩვენ შორის არსებული უფსკრული ამოგვევსო, უფრო მეტად გვაშორებდა ერთმანეთსაც და საკუთარ თავსაც. თუმცა ამას ხელსაც არ ვუშლიდი, კუთხეში მიყუჟული ვუტყერდი ჩვენს თრევას...

ჩვენი უცოდველობა ამ გამოგონილი გამოცდიდან კიდევ უფრო შებლაღული გამოდიოდა... შიში იმ ფრიად სანდო ღირსებაზე უფრო ძლიერი აღმოჩნდებოდა და იმარჯვებდა...

და ერთ დღესაც მოულოდნელად გაქრა... ტელეფონები გათიშული ჰქონდა... სამსახურში დავრეკე, სადაც მიპასუხეს, რომ რამდენიმე დღის წინ მიეტოვებინა საქმე... ბინაზე მივედი. კარი ვილაც უცნობმა გაძლიო... უკვე სხვა გამოსულიყო მდგმურად... საითათოდ ჩამოვურეკე მის მეგობრებს... არავინ არაფერი იცოდა მის შესახებ... ველოდი, რომ დამირეკავდა... არ დაურეკავს... როგორც დამპირდა, ისეც მოიქცა, ყოველგვარი გაფრთხილებისა და კვალის დატოვების გარეშე გაუჩინარდა...

უსაზღვროდ გაუკაცრიელდა ჩემთვის სამყარო... ნასულიყო და თან გაეყოლებინა ადამიანები, იმედები, წელიწადის დროები, ოცნებები, ტკივილებიც კი... თითქოს მხოლოდ ის მიცნობდა... ჩემი რაობაც წაეღო...

მივხვდი, ჩემი გულის ყველაზე მიუვალ ადგილებშიც კი მხოლოდ მის ხელს შეეღწია... რაც კი დამალული და შენახული მქონდა, ყველაფერი თან წაეღო...

ახლა, რასაც არ უნდა შევხებოდი, მეობა მტკიოდა, ამ ტკივილის გასაყურებლად კი ჩემი მეობის სხვა მეობაში შერევა მენადა...

მაგრამ ნასვლისას ჩემი მეობაც თან წაეღო...

ისე სციოდა ჩემს გულს, რომ ამ სიცივის გასაყურებლად მსურდა, ისეთივე უიმედო სიყვარულით შემეყვარებინა ვინმე, როგორც მას ვუყვარდი...

ზოგჯერ ღამით უეცრად მეღვიძება... ისევ მუქი სევდისფრად მიყურებენ მისი თვალები... საწოლიდან წელა ვდგები – მინდა, მკითხოხო: „სად მიდიხარ, ჩემო სიყვარულო?“ მაგრამ არაფერს ამბობს... თითქოს სიცარიელეს შესცქერისო, ისე მიყურებს...

გვიან მივხვდი – თურმე მხოლოდ მასთან ერთად მიცხოვრია...

ნასვლისას ჩემი სამყაროც თან წაუღია...

თურქულიდან თარგმნა
ლანა მანველმა



ავსტრიელი მწერალი ილზე აიხინგერი 1921 წლის 1 ნოემბერს ებრაელი ექიმის ოჯახში დაიბადა. აიხინგერი ომის შემდგომი გერმანულენოვანი ლიტერატურის მნიშვნელოვანი წარმომადგენელია. 1988 წლიდან დღემდე ცხოვრობს ვენაში.

მოთხრობა „სარკის ამბავი“ 1949 წელს დაიწერა. მოთხრობელი ვინმე მესამე პირია, რომელსაც მკითხველთა ერთი ნაწილი – ღვთის, ხოლო მეორე – თვით ადამიანის შინაგან ხმად აღიქვამს. ავტორი ნოველაში ქალის ცხოვრების ისტორიას აღწერს. თხრობის სტილი განსაკუთრებულია. ტექსტი იწყება და მთავრდება ქალის გარდაცვალებით. ადამიანის ცხოვრების თითოეული ეტაპი უკუმიმართულებითაა მოცემული.

მწერალმა 1952 წელს „სარკის ამბისთვის“ ლიტერატურული პრემია „ჯგუფი №47“ მიიღო.



ილზე
აიხინგერი

სარკის ამბავი

თუ შენი საწოლი ოთახიდან გააქვთ, თუ ხედავ, რომ ცა მწვანდება და თუ გინდა, რომ მღვდელს პარაკლისი შეუმოკლო, მაშინ დროა, ადგე. უჩუმრად, ისე როგორც ბავშვები აეპარებიან ხოლმე უფროს დას, როდესაც დილის სინათლე მაღაზიებზე აკიაფდება და, აბა, სწრაფად!

მაგრამ, აი, უკვე დაიწყო. სწორედ რომ მღვდლის ხმა ჩაგესმის. ახალგაზრდული, მონდომებული, უწყვეტი ხმის ტემბრი. აცადე, ჩაამთავროს, აცადე, მისი კეთილი სიტყვები ბგერებად დაიღვაროს ბრმა წვიმაში. შენი საფლავი გათხრილია. ფიქრობს, ვილაც წაეშველება, აცადე, ეს იმედიც გაუცრუვდეს. თუ მოიცდი, მალე თავსა და ბოლოს ველარ გაიგებს, ისე დაიბნევა. აი, კუბოს ამწევებს უკვე ნიშანს აძლევს. ესენიც შენს კუბოს მაშინვე სწვევენ უკან, გვირგვინს ხსნიან და იმ ახალგაზრდა კაცს აძლევენ, თავი რომ დაუხრია და იქვე, საფლავთან ჩამომდგარა. ესეც გამოართმევს და, ჩაფიქრებული, იწყებს ყვავილებზე ლენტის სრესას. სულ ერთი წუთით სწევს თავს მაღლა და წვიმაც რამდენიმე წვეთს ცრემლებად ადენს ლოყებზე. შემდეგ პროცესია გალავნის გასწვრივ ისევ უკან ბრუნდება. სანთლებს კიდევ ერთხელ ანთებენ პატარა, მოუნესრიგებელ სამლოცველოში და მღვდელიც კიდევ ერთხელ კითხულობს მიცვალებულთა სულის მოსახსენიებელ ლოცვას, იმისთვის, რომ შენ სიცოცხლეს დაუბრუნდე. ბოლოს მაგრად ართმევს იმ ახალგაზრდა კაცს ხელს და, ცოტა შეფიქრია-

ნებული, საუკეთესო სურვილებით ემშვიდობება. ამ მღვდლისთვის ეს პირველი პარაკლისია და ყელამდე განითლებულა. რამდენიმე სიტყვის თქმა კიდევ დააპირა, მაგრამ რომ მოიხედა, ის ახალგაზრდა აღარ დაუხვდა. გამქრალა. რალა დარჩენია? მიცვალებული უკანვე, შინ უნდა დააბრუნოს.

მანქანა შენივე კუბოთი უკან აუყვა გრძელ ქუჩას. მარჯვნივ და მარცხნივ მაღალი სახლები დგას და ყველა ფანჯარაში ყვითელი ნარცისებია, აი, ისეთები, როგორებსაც ყველა გვირგვინში ნახავ. პო, ზუსტად ისეთები და ვერც ვერაფერს შეცვლის კაცი ამ მხრივ. ბავშვები სახით ფანჯრებს აჰკვრიან. წვიმს. ერთ-ერთი მოულოდნელად გარეთ გამორბის და კატაფალკას უკან ეკიდება. მერე თავს ველარ იმაგრებს და მალევე ეცემა ძირს. ორივე ხელი თვალელებთან მიაქვს, მოიჩრდილავს და უკმაყოფილო სახით გამოგცქერით. სადღა იპოვის ასეთ გასართობს, ის ხომ სასაფლაოს ქუჩაზე ცხოვრობს.

კატაფალკა გზაჯვარედინზე მწვანე შუქს ელოდება. სუსტად წვიმს. წვეთები წკაპუნებენ მანქანის სახურავზე. შორიდან თივის სუნი მოდის. ქუჩები სველია და ცა, აგერ, სახურავებამდე ჩამოსულა. კატაფალკამ უბრალო, თითქოს მონინების გამომხატველი მანევრით ფრთხილად აუარა კუნძს. ქუჩის განაპირას ჩამომჯდარი ორი ბიჭი სანაძლეოს დებდა. აი, ის, კუნძზე რომ ზის, წააგებს, შენ იცი, რომ წააგებს. შეგეძლო გაგეფ-

რთხილებინდა, მაგრამ ამ მიზეზით ჯერ არავინ წამომდგარა კუბოდან.

მოითმინე, ადრეული ზაფხულია. დილა იმდენად გრძელია, ღამეშიც კი გაუდგამს ფესვები. ყველაფერი გამოვია. ღამდება. ქუჩიდან ყველა ბავშვი გაიკრიფა. მანქანა ჰოსპიტლის ეზოში უხვევს. მთვარის შუქი ეცემა ბალდახინს და ვილაც კაცებიც მაშინვე გამორბიან, შენს კუბოს მანქანიდან იღებენ და კატაფალკაც თითქოს ბედნიერი მიქრის სახლისკენ.

შენი კუბო ეზოს გავლით მეორე შესავლელიდან შეაქვთ მორგში. იქ ცარიელი, შავი, ცალმხარეს ოდნავ დახრილი, მაღალი ქვის მაგიდა გელის. კუბოს ზედ დებენ და ხუფს ხდიან. აგერ, ვილაც ბუზღუნებს კიდეც, ღრმად დაუჭედებიათ ლურსმნებიო. ოჰ, ეს წყეული რუდუნება.

ის ახალგაზრდა კაციც მოდის და გვირგვინიც მოაქვს. სწორედ რომ დროულია. ლენტა შეუსწორეს და წინ დადეს. არ იდარდო, გვირგვინი კარგად დევს. შემჭკნარი ყვავილები დილამდე მოცოცხლდებიან. მთელ ღამეს ასე მარტო იქნები. ხელებში ჯვარი ჩაგიბლუჯავს. არც მომდევნო დღეს შეგანუხებს ვინმე. დაეშურე, თორემ მერე სადღა გელირსება ასეთი სიმშვიდე.

მეორე დღეს ის ახალგაზრდა კაცი ისევ მოდის და რაკი წვიმამ წვეთები ცრემლებად ველარ მიასველა, დგას ასე ჩუმად, სიცარიელეში თვალი გაშტერებია და თითებს შუა ქუდს ატრიალებს. მხოლოდ მაშინ აიფარა სახეზე ხელები, როდესაც კუბო წამოსწიეს. ცრემლები. დიდხანს არ მოგინევს მორგში დარჩენა. რა ატირებს? კუბოს ხუფი იქვე დევს. კარგად ინათლა. ტოროლები მხიარულად გალობენ. აბა, რა იციან, რომ მკვდრის გაღვიძება არ შეიძლება. ახალგაზრდა კაცმა ფეხის წვერებზე ჩაუარა შენს კუბოს, თითქოს შუშაზე შემდგარა. ცივი ქარი უბერავს, მოუსვენარი ბავშვივით ხტის.

სახლში აგიტანეს და, აი, კუბოდანაც ამოგასვენეს. სანოლი ეს-ესაა გაუსწორებიათ. ფანჯარაში რალაცას მიშტერებია ის ახალგაზრდა. ეზოში ორი მტრედი დამჯდარა და ლულუნებს. რალაც უკმაყოფილო სახით შემობრუნდა.

სანოლში დაგანვინეს. პირი ისევ ნაჭრით აგიკრეს. შენს თავს სულ აღარ ჰგავხარ. ის ახალგაზრდა ყვირილით ემხობა. მაშინვე გაჰყავთ. „სიმშვიდე!“ – წერია ყველა კედელზე. საავადმყოფოში ადგილები არ არის. მიცვალებულებმა დროზე ადრე არ უნდა გაიღვიძონ.

პორტიდან გემების ყვირილი ისმის. ნეტავი გადიან თუ შემოდინან? ვინ იცის? ჩუმად! სიმშვიდე! დროზე ადრე ნუ გააღვიძებთ. მიცვალებულებს ფრთხილი ძილი აქვთ. არა, გემები მაინც გაჰკვივან. იმ ნაჭერს გხსნიან, გბანენ და პერანგსაც გიცვლიან. მკერდზეც გადებენ ყურს, მოგისმენენ, ოღონდ რაც შეიძლება სწრაფად, სანამ მკვდარი ხარ. ბევრი დრო აღარ დარჩა და ეს სულ გემების ბრალია. დილას ბინდი შეერია. თვალები გაგიხსნეს. უსიცოცხლო, თეთრი თვალის ცილა. „მშვიდობაა, მშვიდობა, მადლობა ღმერთს“, – ჩაილულულეს. აცადე! უკვე წავიდ-წამოვიდნენ კიდეც. არავინ არ უნდა დაესწროს გამოღვიძებას, თორემ ამისთვის კოცონზე წვავენ დღესაც.

მარტო დაგტოვეს. ასე მიტოვებული თვალს ახელ და მწვანე ცას ხედავ. ასე მიტოვებული სუნთქვას იწყებ, მძიმედ, ღრმად. ისე ხრიალებ, როგორც ჯაჭვი ღუზის ამონვევისას. წამოიწიე და გაჰყვირი დედას. როგორი მწვანეა ცა.

„აღარ ბოდავს, სიკვდილთან ბრძოლა იწყება“, – ჩაილაპარაკა ვილაცამ შენს უკან.

„ეჰ, ამათ რა იციან“.

ჰე, წადი ახლა, დროა! სანამ დაბრუნებულან, ჩაუყვივი კიბეს, ჩაუარე მეეზოვეს, ჩქარა, სანამ დაღამებულა. ჩიტები ისე ჭიკჭიკებენ ამ ბინდუნდში, თითქოს შენს ტკივილს ზეიმობენ. წადი სახლში და შენს ლოგინში დაწექი! მერე რა, რომ არეულ-დარეულია და თან ჭრიალებს. ის გერჩინოს. იქმალე გამოკეთდები. სამი დღეა, თავს უძალიანდები და არ ჭამ იმ წვნიანს, მეზობელი რომ განვდის. აი, მეოთხე დღეს კი ნებდები. მეშვიდე, უქმე დღეს მიდიხარ, ტკივილებმა აღარ მოგასვენეს. გზას კი გაიგნებ. აი, ასე, ჯერ – მარცხნივ, მერე – მარჯვნივ, მერე – ისევ მარცხნივ. სადგურის ქუჩას კვეთ. ისეთი გაჭირვებაა, ამ ქუჩებს ზღვის იქით გზა არც დარჩენიათ. ის ახალგაზრდა კაცი ახლა შენთან რომ იყოს... მაგრამ, აბა... კუბოში უფრო ღამაში იყავი. შენი სახე ტკივილს დაუღარავს. შუბლზე ოფილი წამოგივიდა. ტკივილი კი დაგიაშა. არა, კუბოში უფრო ღამაში იყავი.

გზაზე ბავშვები ბურთულებით თამაშობენ. მათში გაერიე. თითქოსდა ზურგით მიდიხარ წინ. არც ერთი ბავშვი არ არის შენი. რა დროს შვილია, როდესაც შენ თვითონ მოხუცთან მიდიხარ. აი, იმასთან, სასადილოში რომ ცხოვრობს. მთელმა პორტმა იცის, რით შოულობს მოხუცი არყის ფულს.

ღია კარში ჩამდგარა და თავის ჭუჭყიან ხელს გინვდის. გარშემო ყველაფერი ჭუჭყს მიაქვს. ბუხარზე ყვითელი ყვავილები აწყვია. ეს ის ყვავილებია, გვირგვინში რომ აწნავენ ხოლმე. დიას, სწორედ ის. მოხუცი რალაც უფრო თავაზიანი ჩანს. კიბეები აქაც ჭრიალებენ. გემები გაჰკვივან. სადაც არ უნდა წახვიდე, ამ ხმას ვერსად დაემალები. ტკივილმა ისევ შემოგიტია, მაგრამ არ იყვირო. გემებმა იკვილონ, რამდენიც უნდათ, შენ ხმა არ გაიღო. მიეცი ახლა არყის ფული. როგორც კი გადაუხდი, მოხუცი მაშინვე აგაფარებს პირზე ხელებს. მეტისმეტი სმისგან მთლად უკანკალებს ორივე ხელი. ახალშობილების აქ მოსვლაზე ვერც კი იოცნებებს. ვერც ცოდვილებს ან უცოდველებს ნახავთ აქ. შენ აქ ხარ!

„გამაცოცხლე!“

ვერც ერთი ვერ გაუბედავდა მოხუცს ამის თქმას. აი, შენ კი ბედავ. სარკე გაძლევს ამის ძალას. დაბურული სარკე, მიჭყლეტილი ბუზების ლაქებით რომ გავსებულია, გაბედვინებს მოითხოვო ის, რაც აქამდე არავის მოუთხოვია.

„გამაცოცხლე, თორემ ეს შენი ყვავილები ვერ გიშველიან, თვალებსაც ამოგთხრი, ფანჯრებსაც დავლენავ და მთელ პორტს გავაგებინებ იმას, რაც ისედაც ყველამ იცის...“

შეშინებული მოხუციც დაბურულ სარკეში აღასრულებს შენს თხოვნას. არც კი იცის, რას

აკეთებს, მაგრამ ამ დაბურულ სარკეში ყველაფერი გამოდის. შიში თავისას შვრება. ტკივილები ისევ განგიახლდა. რაც უფრო ხმამაღლა ყვირი, მით უფრო გახსენდება იავნანა: „დაიძინე, გენაცვალე, შენ, პანანინაო“. და რაც უფრო ხმამაღლა ყვირი, მით უფრო გიადვილებს სარკე საქმეს. ჩაბნელებული კიბისკენ გზას გიხსნის და შენც გარბიხარ, რაც ძალი და ღონე გაქვს. ასე სწრაფად არ გინდა, არ ვარგა.

ქვემოთ, მოედანზე, ვილაც ახალგაზრდას მიშტერებხარ, ფიცრებს შორის რომ ჩამდგარა და თითებს შუა ქუდას ატრიალებს. გენიშნა. აქ დგას, თითქოს არსად წასულაო, და იმ ფიცრებს მიყრდნობია. ხელებში უვარდები. ცრემლები დაშრობია, შენი ცრემლები მიაშველე. წასვლისას გამოემშვიდობე! შენ ხომ მაინც კარგად იცი: თავიდანვე უნდა გამოემშვიდობო, თუ გინდა, რომ მერე ისევ ნახო. ახლა, აი, აქ, ამ ფიცრებს შორის, ამ მოედანზე უნდა გამოემშვიდობო.

გზას მიუყვებით. სულ ერთი გზა მიდის ნახშირის სანყოფისკენ და მერე ზედ ზღვასთან გადის. სიჩუმე. ელოდები, როდის იტყვის პირველ სიტყვას, ბოლო შენ რომ არ დაგრჩეს სათქმელი. ნეტავი რას იტყვის? ნეტავი მალე თქვას, სანამ ნაპირთან მიხვალთ, თორემ ზღვა, ხომ იცი, რა წინდაუხედავს ხდის კაცს. ნეტავი რა იქნება პირველი სიტყვა? ნუთუ ასეთი რთულია, რომ ყოყმანობს და კრინტს ვერ ძრავს? რა აიძულებს ასე თავდახრილმა იაროს და ერთი არ შემოგხედოს? იქნებ ამ ნახშირის მთების ბრალიცაა, ასე რომ აღმართულან და სიშავით თვალს ჭრიან. პირველი სიტყვა ქუჩის სახელი იყო, იმ ქუჩისა, მოხუცი რომ ცხოვრობს. წარმოუდგენელია. სანამ გაიგებდეს, რომ ბავშვს ელოდები, იმ მოხუცს ახსენებს; სანამ გეტყოდეს, როგორ უყვარხარ, იმ მოხუცს ახსენებს. მშვიდად! არ იცის, რომ იმ მოხუცთან იყავი. აბა, საიდან ეცოდინება იმ სარკის ამბავი. ნათქვამი არ ჰქონდა, უკვე დაავიწყდა, რასაც ამბობდა. დააპირე, გეთქვა, ბავშვს ველოდებიო – ისევ გაჩუმდი. სარკე ირეკლავს ყველაფერს. ზღვაც და თეთრი ნავებიც იმ კითხვის ნიშნებს წააგვანან, თქვენს მზერაში რომ მოჩანს. ჩუმად! ზღვა მაინც შთანთქავს ყველა თქმულსა თუ არ-თქმულ სიტყვას.

ამ სანაპიროზე კიდეც ბევრჯერ გამოხვალთ და აუყვებით გზას, თითქოს უკან მოდხართ, სახლში მიდხართ, თითქოს შინიდან გარბიხართ და შინიდან გარბიხართ, თითქოს ისევ უკან, შინ, ბრუნდებით.

ერთ დღესაც ცა ისე გაფერმკრთალდება, ისე, რომ მისი სითეთრე თვალსაც კი მოგჭრის. გინახავს უფრო დიდი სიკაშკაშე, ვიდრე ეს არის?

სწორედ ამ დღეს დაბურული სარკე ერთ დაწყვეტილ სახლს აირეკლავს. ადამიანებს თუ ჰკითხავ, ყველა გაპარტახებული სახლი დაწყვეტილია. უბრალოდ, ასე ეძახიან, მეტი ვერაფერი მოიფიქრეს და იმიტომ, არ შეშინდე! და როგორც ცა, ისე ეს გაპარტახებული სახლი ელის ვინმე სულიერს. ბევრი სიცილისგან ცრემლი მოგდის. საკმარისად იტირე. აჰა, აიღე შენი გვირგვინი. ნანწავებს იშლი. ყველაფერი აქაა, სარკეში, და

იმ ყველაფრის უკან, რასაც თქვენ აკეთებთ, ის ზღვა დგას, სახლიდან გამოსვლისთანავე გეგება. როგორც კი ამ ჩამოქცეული ფანჯრიდან გადახვალთ, ყველაფერს დაივიწყებთ. ცდილობთ, იქაურობას მოშორდეთ. რაღაც ისევ უკან, სახლში გაბრუნებთ. არ მობრუნდეთ! დაწყვეტილი სახლი უკან მოიტოვებთ. მდინარეს აუყევით. რაღაც განვებათ, უკან გაბრუნებთ. მალევე მოგეშვებათ. გრძნობ, ველარ გაუძლებ კიდეც ერთ შემოტევას. მიტყევია. მდინარეები იწვევენ ამ დროს და ხეები ითავისუფლებენ კენწერობებს. თეთრკრამიტის სახურავებს ჩასძინებით კენწერობებს შორის.

ახლა მომავალზე იწყებს ლაპარაკს. ბევრ შვილსა და ხანგრძლივ სიცოცხლეზე. სიმორცხვისგან ლოყებიც კი აუწითლდა და მისი სინითლე შენც გადმოგედო. მალე კამათსაც იწყებთ: შენ გოგო გირჩევნია, იმას – ბიჭი; იმას – კრამიტით გადახურული სახლი, შენ... მდინარეს კარგა მანძილზე აჰყოლილხართ... შიშმა შეგიპყროთ. კრამიტის სახლები სადღაც გამქრალა და გარშემო გადახრუკული მინდვრებია. მომავალმა უკვე ჩაიარა. მომავალი, აი, ის გზაა, მდინარეს რომ მიუყვება და მინდორზე რომ გადის. ბრუნდებით. შემდეგ? სამი დღის შემდეგ იმასაც ველარ ბედავს, ხელი მხარზე დაგადოს. კიდეც სამი დღის შემდეგ გეკითხება, რა გქვიაო და შენც იმავს ჰკითხავ. ასეა. მალე შეკითხვებსაც აღარ დაუსვამთ ერთმანეთს. გაუცხოვდით?

უსმოდ მიდხართ გვერდიგვერდ. თუ მოხდა და რამე გკითხა, ალბათ მხოლოდ იმას, იწვიმებს თუ არა. მომავალზე კარგა ხანია აღარ ლაპარაკობთ. იშვიათადღა ხედავთ ერთმანეთს. მოითმინეთ, ერთ დღესაც ყველაფერი დამთავრდება. ერთ დღესაც ისეთი უცხო გახდება შენთვის, რომ მოჰკრავს თუ არა ქუჩაში თვალს, იმწამსვე შეგიყვარდება. ყველაფერს თავისი დრო აქვს და აი, სწორედ ახლა დგება ეს დრო.

„დიდხანს ველარ გაატანს“, – ამბობენ, – „ეს აღსასრულია“. ამათ რა იციან, ახლალა იწყება ყველაფერი.

დადგება ის დღე, როცა შენ მას პირველად ნახავ და ის შენ პირველად დაგინახავს. „პირველად ნახავ“ ნიშნავს იმას, რომ პირველად და უკანასკნელად ნახავ. ეს ნუ შეგაშინებს! ერთმანეთსაც ნუ გამოემშვიდობებით. დიდი ხნის წინ გამოეთხოვეთ თქვენ ერთმანეთს. კარგია, რომ ეს უკვე გააკეთეთ.

ეს შემოდგომის ერთ დღეს მოხდება. იმედი ჩაგახავია, რომ ხეხილი ისევ აყვავდება. რა ლამაზია შემოდგომა, ამ თავისი სურნელებით და ჩრდილებით, ნამსხვრევებით რომ გართხმულან შენს ნაბიჯებს შორის. რაღაც შეუცნობლის მოლოდინში ეცემი ამ ჩრდილებზე. ვილაც ახალგაზრდა კაცი შეგეშველა, პიჯაკი შეუსნია, ილიმის, ქუდას ხელში ატრიალებს და სიტყვას არ ძრავს. აი, ამ ბოლო გაელვებისას ხართ ძალიან ბედნიერები. მადლობის ნიშნად თავს ოდნავ უკრავ და ამ დროს ნანწავებიც ჩამოგეშლება. „აჰ“, – ამბობს, – „სკოლაში ჯერ არ დადიხარ?“ მიბრუნდება და სიმღერ-სიმღერით მიუყვება ქუჩას. აი, ასე

შორდებით ერთმანეთს. უმტკივნეულოდ და ისე, წარმოდგენაც არ გაქვთ, რომ ეს განშორებაა, ერთმანეთს დაშორდით.

ძმებთან თამაშობ. მდინარესთან გადიხართ, მურყნის კენწეროების უკან თეთრკრამიტიანი სახურავები მოჩანს, რა მოგიტანა მომავალმა? შვილები – ნამდვილად არა... ძმები, ძმები მოგიტანა. კიდეც – ნანსავები, რომ იცეკვო, ბურთები, რომ ითამაშო. ნუ გაუნყრები, ეს საუკეთესოა, რაც შეეძლო მოეცა.

სკოლის დროც მოვიდა.

ის დროა, დიდ შესვენებაზე სკოლის ეზოში იარო, განითლდე, მაცდურად იჩურჩულო და პირზე ხელაფარებულმა იცინო. ერთი წელიც და ლახტით თამაშის დროც მოვა. იმ ტოტებითაც გაერთობი, აგერ, გალავანზე რომ გადმოკიდებულა. უცხო ენები რა ხანია ისწავლე. მშობლიური ენის ათვისება გიჭირს. წერა-კითხვის სწავლა უფრო რთული იქნება, მაგრამ ყველაზე რთული მაინც ყველაფრის დავინყებაა. თუ პირველ გამოცდაზე ყველაფერი უნდა გცოდნოდა, ბოლოზე აღარაფერი უნდა იცოდე. აიტან ამდენს? გეყოფა გამძლეობა? თუ იმარჯვებს შიში შენში და პირს არ გააღებ, ყველაფერი კარგად იქნება.

ლურჯ ქუდს იხდი, რომელსაც ყველა მოსწავლე ატარებს და საკიდზე კიდებ. სკოლაც დაამთავრე. ისევ შემოდგომაა. ყვავილები კვირტებად ქცეულან, კვირტები – არაფრად და არაფრისგან ისევ ხილი გამოსულა. ბავშვებმა გამოცდები ჩააბარეს და სახლებში მიდიან. არაფერი იცით. მამაშენი გელოდება, პატარა ძმები ხმამაღლა გაჰყვირიან და მთელი ძალით თმაში გაფრინდებიან. მათაც ამშვიდებ და მამაშენსაც.

მალე ზაფხულიც მოდის თავისი გრძელ-გრძელი დღეებით. დედა გიკვდება. შენ და მამაშენს მოგაქვთ სასაფლაოდან მიცვალებული. სამი დღე წევს ასე მოციმციმე სანთლებში, როგორც მაშინ – შენ. ჩააქრეთ ყველა სანთელი! ცვილის სუნი მაინც თავისას შვრება, დედაშენი ნამოჯდა და ხმადაბლა დაინუნუნა, სად ვიყავი ამდენ ხანსო. ნამოდგა და ტანსაცმელი გამოიცვალა.

კიდეც კარგი, დედაშენი მოკვდა, თორემ შენს პატარა ძმებს დიდხანს ვერ გაუძლებდი. ახლა დედაშენი აქაა. ახლა ის იზრუნებს ყველაფერზე და თამაშსაც უფრო კარგად გასწავლის. თამაში მთლად ადვილი ხელოვნება როდია, ბოლომდე ვერც ვერასოდეს ისწავლის კაცი.

ყველაზე რთული ლაპარაკისა და სიარულის დავინყებაა. უმწეოდ ლულულუღებ რალაცას და იატაკზე ფორთხავ. სახვევებშიც გახვევენ. ნაზად, ფრთხილად გექცევიან. ძნელი ასატანი და საყურებელია ეს ყველაფერი. მოთმინება იქონიე! მალე ყველაფერი დამთავრდება. მხოლოდ ღმერთმა იცის ის დღე, როდესაც საბოლოოდ დაუძღურდება. ეს შენი დაბადების დღეა. შენ მოველინე ამ ქვეყანას. ახელ თვალს და სინათლე ისე გჭრის, მალევე ხუჭავ. სინათლე სახსრებს გითბობს. მზეს ეფიცხები. შენ აქხარ, შენ ცოცხალი ხარ. მამაშენი შენზე დაემხო.

„ეს აღსასრულია“, – გაისმა უკნიდან, – „მოკვდა“.

ჩუმად! აცალე, ილაპარაკონ!

გერმანულიდან თარგმნა
ლინდა ციცილაშვილი






მარიო ვარგას ლიოსას ინტერვიუ ჟურნალ „BOCAS“-თან

პერუელმა მწერალმა მარიო ვარგას ლიოსამ 2013 წლის 15 სექტემბერს ინტერვიუ მისცა ჟურნალისტ სერხიო ვილიელას.

მას არ მოსწონს დროის უქმედ კარგვა, უწესრიგობა, უძილო, მშფოთვარე ღამეები, საქმის შეწყვეტა. არც უხარისხო ლიტერატურა მოსწონს და საერთოდ არაფერი, რაც ხელს უშლის მას მუშაობაში. ლიოსას მოსაწყენად მიაჩნია არასერიოზული, ზედაპირული საქმიანობა. არ მოსწონს „Kindle“ და თითქმის არ სარგებლოს ინტერნეტი. არ იყენებს ელექტრონულ ფოსტას, არც ერთ მწერალთან არა აქვს მიმოწერა და თითქმის არ უყურებს ტელევიზორს. ამას დროის უქმად კარგვად მიიჩნევს. დაჯილდოების ცერემონიალებს არასოდეს ესწრება, მკითხველების წერილებს არ პასუხობს, საკუთარ წიგნებს წინასიტყვაობებს არ ურთავს და არ წარუდგენს მათ არც მეგობრებს და არც კრიტიკოსებს. მისი სახლის კარზე ბევრჯერ დაუკაკუნებიათ კრიტიკოსებს თხოვნით, გასაუბრებოდნენ მას, მაგრამ ამოდ. თუმცა ამ ერთი შეხედვით სერიოზულ კაცს საოცრად გადამდები სიცილი აქვს. ლიოსას სხვისი მოსმენაც უყვარს და ლაპარაკიც. მეგობრების წრეში საკუთარი თავგადასავლების მოყოლის დროს შეუძლია აუდიტორია სიცილით დახოცოს. ერთხელ გუადალახარაში, ვახშობისას იგი საკუთარი ბედის ირონიაზე მოჰყვა ამბავს, თუ სამუდამოდ როგორ დაემშვიდობა კინორეჟისორობას. როგორც აღმოჩნდა, „პარამაუნტ კორპორეიშენს“, ლიოსასთვის შეუთავაზებია, მისივე ნაწარმოების „პანტალუონი და დამხმარე რაზმის“ მიხედვით თავად გადაეღო სასინჯი კადრები, მაგრამ კომპანია მას მხოლოდ წინა დღეს გაუგზავნა სცენარი, ამიტომ ლიოსამ ვერაფრის გადაღება ვერ მოასწრო. სუფრაზე კარგი თანამეინახეა, მაგრამ ცუდი მსმელი. ცნობისმოყვარეობით გამოირჩევა, რაც მის ნიჭს უფრო სრულყოფილს ხდის. დაინტერესებულია გაფიცვებით, სტუდენტების მდგომარეობით და მინისტრების საქმიანობით, ამასთან დასმულ შეკითხვებზეც დაუყოვნებლივ პასუხობს. კარგი მესხიერება და სმენა აქვს. მისალმებას თავს არიდებს ხოლმე, რაც უფრო მისი თავმდაბლობით აისხნება. დიდ მოთმინებას იჩენს, როცა მკითხველები წიგნებზე წარწერის გაკეთებას სთხოვენ, რაც ყველგან შეიძლება მოხდეს, ვარჯიშის დროსაც კი. ლიოსა 1936 წელს პერუში, ქალაქ არეკიპა-



ინტერვიუ
პერიდი

მარიო ვარგას ლიოსა

ში დაიბადა. ზოდიაქოს ნიშნით ვერძია, თუმცა პრაგმატიკოსობა ახასიათებს. ათი წლის ასაკში შემთხვევით შეიტყო, რომ მამამისი ცოცხალი ყოფილა. ამ ფაქტმა ის ჭრილობა გაუხსნა, რომლის მოშუშებასაც იგი მოგვიანებით თავის შემოქმედებაში ცდილობდა, თუმცა მამა მას არასოდეს ჰყოლია წარმოდგენილი რაღაც აბსტრაქტულ ადამიანად. ის მისთვის ყოველთვის რეალური და საკმაოდ მკაცრი პიროვნება იყო. ლიოსა სწორედ მისი დაჟინებული მოთხოვნით ლეონსიო პრადოს სახელობის სამხედრო სასწავლებელში შეიყვანეს. მას იქ ცხოვრებას სასიყვარულო წერილების და ეროტიკული მოთხოვნების წერა უადვილებდა, რომლებსაც იგი თავის სამხედრო ნაწილის მეგობრებს სიგარებში უცვლიდა ხოლმე. აქ მას პოეტს ეძახდნენ. ლიოსა სწორედ სასწავლებელში ყოფნამ გამოაწრო და ბიძგი მისცა, დაეწერა თავისი პირველი რომანი „ქალაქი და ძაღლები“. ცხრამეტი წლის ასაკში ცოლად შეირთო თავისი დეიდაშვილი ხულია, ათი წლის შემდეგ კი ბიძაშვილ პატრისიაზე იქორწინა. მათ სამი შვილი შეეძინათ: ალვარო, გონსალო და მორგანა.

ლიოსას 18 რომანი 12.000 მეტ გვერდს ითვლის. გამოაქვეყნა ესეების 19 ტომი, 9 თეატრალური პიესა და მემუარები. გაზეთში აქვს საკუთარი სვეტი „სასინჯი ქვა“, რომელსაც იგი ორმოცი წელია უძღვევს. „ქალაქი და ძაღლების“ გარდა, ლიოსამ კიდევ სამი რომანი დაწერა. ესენია: „საუბარი ტაძარში“, „თხის ზეიმი“ და „ომი, რომელიც სამყაროს დასასრულს მოასწავებს“-ეს უკანასკნელი მის საყვარელ ნაწარმოებს წარმოადგენს. ახლა კი იმედი აქვს, რომ მისი ახალი რომანი „თავმდაბალი გმირი“ დიდ ხანს დააინტერესებს მკითხველს, ამასთან აღნიშნავს, რომ კიდევ ძალიან ბევრი გეგმის განხორციელებას აპირებს. 1966 წელს ლიოსა რომულო გალიეგოს პრემიით დააჯილდოვეს, 1986 წელს ასტურიელი პრინცის,

1994 წელს სერვანტესის პრემია მიიღო, ხოლო 2010 წელს ნობელიანტი გახდა. ლიოსა 1990 წლის პერუს საპრეზიდენტო არჩევნებში მონაწილეობდა და თავის მეტოქე ფეხიმორთან დამარცხდა. მას სძულს დიქტატორები, რადგან თავად ლიბერალი და დემოკრატია. ამასთან საკმაოდ ოპტიმისტი ადამიანია, თუმცა თავისებური კრიტიკული თვალთახედვა გააჩნია. ფიქრობს, რომ მის იდეებს შეუძლიათ სამყარო შეცვალონ და იმავდროულად არ სჩვევია დინების საწინააღმდეგოდ სვლა.

ძილის დიდი მოყვარული არ არის, ამიტომ მას ცოტა დროს უთმობს. დილაობით სეირნობს, ვარჯიშობს და თან დღიურ სამუშაოს გეგმავს. სისტემატიურად კითხულობს პრესას, არ ლოცულობს, რადგან კათოლიკე არ არის. საუზმის შემდეგ, შხაპს იღებს და დილაობით მთელი დატვირთვით წერს. ამბობს, რომ როგორც ყველა ადამიანი, ისიც ხშირად განიცდის იმედგაცრუებას. დღის მეორე ნახევარში ნამუშევარს ასწორებს, ხელახლა კითხულობს და ისევ ასწორებს. მოგვიანებით წიგნებს მიუჯდება, რათა გონება დაასვენოს. საღამოს მეუღლესთან და მეგობრებთან ერთად ვახშობს, დადის კინოში, თეატრში, ოპერაში. შინ დაბრუნების შემდეგ, დაძინებამდე ისევ კითხულობს.

ყველა ჯიშის და ფერის ჰიპოპოტამის კოლექციას აგროვებს. საკუთარ წიგნებს კომენტარებს ურთავს. ნაწარმოების პირველ ვარიანტს ავტოკალმით წერს და მხოლოდ მერე შეაქვს ტექსტი კომპიუტერში. ხელნაწერებს საკუთარ ბიბლიოთეკაში ინახავს. ხელნაწერებში ჩასწორება დიდად არ უყვარს, და, ისეთი შთაბეჭდილება გრჩება, თითქოს წერის დროს მას ტექსტს ვიღაც კარნახობდა. სწორედ ასეთია ხორხე პედრო მარიო ვარგას ლიოსა. თითქმის სამი წელი გავიდა მას შემდეგ, რაც მას ზამთარში, ნობელის პრემიის მინიჭების მეორე დღეს სტოკჰოლმში შევხვდი. თუმცა ამ ახალ სტატუსს მისთვის ხელი არ შეუშლია, საზეიმო ვახშამი შეეწყვიტა და რადიოს პირდაპირ ეთერში ჟურნალისტის შეკითხვებზე ეპასუხა. დაღლილი ჩანდა და აღნიშნა, სტოკჰოლმში წასვლამდე უკვე ორი კვირით ადრე ძალიან ვლეღავდიო. ხმა ჩახლჩოდა და მარცხენა ფეხი ჩალურჯებული ჰქონდა, რადგან ვიდრე აკადემიაში სიტყვით გამოვიდოდა, ცოტა ხნით ადრე სკამიდან გადმოვარდნილიყო. სიტყვით გამოსვლის დროს, მეუღლის პატრისია ლიოსას ხსენებაზე თვალები ცრემლით ავსებია და ეს ჩვენც ვიხილეთ მისი ფოტოგრაფის წყალობით.

და აი, დღეს ვარგას ლიოსა მადრიდში საკუთარი ბინის ლიფტის კარს გამოცდილი სპორტსმენის სიმკვირცხლით გამოაღებს. ესპანეთში ახლა საღამოს ექვსი საათია და თერმომეტრი პლუს ოცდაათ გრადუსს აჩვენებს, რაც იმას ნიშნავს, რომ საცაა აგრილდება. ლიოსა ფოტოგრაფის თანხლებით მოდის, რომელმაც ინტერვიუს აღებამდე მას სურათები უნდა გადაუღოს, თუმცა ფოტოგრაფი პირველ სართულზე დატოვებული რეფლექტორების ამოსატანად ისევ უკან ბრუნდება. ვარგას ლიოსას ცისფერი პერანგი და უზადოდ გაუთოვებული შარვალი აცვია. დაღლილი ჩანს, რადგან მთელი საღამო მუშაობდა.

იგი ჩვეული ხალისითა და შეუპოვრობით შეიჭრება სასტუმრო ოთახში. სწორედ ეს შეუპოვ-

რობა ეხმარება მას წერაში და მისი წყალობით დადის ხშირად სამოგზაუროდ. ვარგას ლიოსას ბინა მადრიდის დასავლეთით, „სამეფო თეატრის“ შორიხლოს მდებარეობს. დღის ამ მონაკვეთში მზე სასტუმრო ოთახს ყველა მხრიდან ადგება და ეს გემოვნებით მოწყობილი ოთახიც მზის სხივებითაა განათებული. აქვე დგას მისი სამუშაო მაგიდა, კითხვისთვის განკუთვნილი სავარძელი, თაროებზე უამრავი წიგნი მოჩანს, ირგვლივ წესრიგი და სისუფთავეა. ასეთივე ბიბლიოთეკა აქვს მას ლიმაშიც, სადაც უფრო ძველი წიგნები ინახება და ლიოსა ძალიან უფრთხილდება მათ.

ლიოსა მიყვება, რომ რამდენიმე კვირის წინ, მისმა ერთმა კოლუმბიელმა გამომცემელმა გამოუგზავნა წიგნად დაბეჭდილი სცენარი სერიალისა „ესკობარი-ბოროტების მოციქული“. წიგნი შესანიშნავად იყო გაფორმებული; თხრობის განსაკუთრებულმა მანერამ კი ჩემზე დიდი შთაბეჭდილება მოახდინა. მასში დამაჯერებლად იყო აღწერილი ლათინოამერიკელი ნარკობარონის -ესკობარის სასტიკი, ქარიზმატული ხასიათი. ლიოსა ამბობს, რომ სცენარში აღწერილი თითქმის დაუჯერებელი ამბავი სრული რეალობაა, და რომ ეს ყველაფერი სინამდვილეში მოხდა. ლიოსა კმაყოფილია, როცა ამაში ვეთანხმები. მერე აღნიშნავს, რომ ზუსტად იგივე განცდა დაეუფლა, როცა სერიალის „ჯეკ ბაუერი-24“-ის გმირი აღმოაჩინა. ლიოსა ამბობს, რომ ნაწარმოების შესაქმნელად ესკობარის ტიპაჟი არაჩვეულებრივ მასალას იძლევა, ამიტომ მისი უგულებელყოფა არ შეიძლება და კითხვას რომ დაამთავრებ, მას ტელევიზორშიც უნდა უყურო. მერე ლიოსა მამცნობს, რომ რამდენიმე კვირის წინ დაამთავრა მუშაობა რომანზე „თავმდაბალი გმირი“, სადაც მთავარ გმირებად ფელისიტო იანაკე და ისმაელ კარერა გამოჰყავს. ისინი იმპრესარიოები არიან, მაგრამ ორივეს განსხვავებული ხასიათი აქვს, თუმცა ორივე გარესამყაროს უპირისპირდება. მოქმედება კვლავ პერუში ხდება და ლიოსას ამ რომანშიც თითქმის ყველა ის პერსონაჟი გამოჰყავს, რომლებსაც იგი თავის ნაწარმოებში „დონ რიგობერტოს რვეულებში“ აღწერდა. ესენი არიან რიგობერტო, ლუკრესია, ფონჩიტო და ცნობილი სერჟანტი ლიტუმაკ კი.

ამ თემაზე საუბარს ვასრულებთ, და, ვარგას ლიოსა თანახმაა ახლა სიცოცხლეზე, სიკვდილზე, რწმენაზე, სამყაროს აღქმაზე ვისაუბროთ. ის გამოთქვამს ასევე საკუთარ აზრს წარსულზე, მომავალზე, კოლუმბიაში მშვიდობის დამყარებაზე, შვილებზე, შვილიშვილებზე, საკუთარ შიშებზე და ჭირვეულ ხასიათზე.

— ძნელაა, იყო მამა?

— მოგახსენებ. მამაჩემთან ყოველთვის საკმაოდ დაძაბული ურთიერთობა მქონდა ყოველთვის და არასოდეს მყვარებია იგი. ამიტომ მიზნად დავისახე, ჩემი შვილებისთვის სხვაგვარი მამობა გამეჩნია. თუმცა, რატომღაც მგონია, მათთვის ამ მხრივ დიდ ავტორიტეტს არ წარმოვადგენ. ავტორიტეტით ოჯახში ჩემი მეუღლე, პატრისია სარგებლობს. ჩემს შვილებთან ამ ავტორიტეტის გარეშეც არაჩვეულებრივი ურთიერთობა მაქვს.

— რა არის თქვენთვის ყველაზე ღირებული და ყველაზე მეტად რას აფასებთ შვილებთან ურთიერთობაში?

– ყოველთვის ვცდილობდი, მათთვის შთამენერგა, რომ ცხოვრებაში საკუთარ გულის ძახილს მიჰყოლოდნენ. იმაზე დიდი ბედნიერება არ არსებობს, როცა შეგიძლია საკუთარი თავი მთლიანად საყვარელ საქმეს მიუძღვნა. არსებობენ ნაკლებად ილბიანი, ან საერთოდ უილბლო ადამიანები და ბევრ მათგანს პირადადაც ვიცნობ. ეს კი სწორედ იმის გამო ხდება, რომ ისინი იმ საქმით არ არიან დაკავებული, რაც მათ ნამდვილ სიამოვნებას მიაჩნებდა. ეს თრგუნავს, იმედგაცრუებას იწვევს და ცხოვრებაზე გულდანყვეტილებს, თავი ხელმოცარულ ადამიანებად მიაჩნიათ. ისეთ ადამიანებსაც ვიცნობ, საკუთარ ცხოვრებას იმ საქმეს რომ უძღვნიან, რომელიც უყვართ, სიამოვნებით და ცხოვრების ხალისს მატებთ. ასეთმა ადამიანებმა უკეთ იციან სიცოცხლის ფასი. ეს ნამდვილად პრობლემური და დამაფიქრებელი საკითხია. რაც შეეხებათ ჩემს შვილებს, ძალიან მინდა, იმ საქმეს მოკიდონ ხელი, რასაც გულს დაუდებენ, და, რაც მომავალში მათი მოწოდება გახდება.

– იმაზე თუ გიფიქრიათ, როგორ აღიქვამენ ისინი თქვენეულ ხედვას, რამდენად შესწევთ ამ სამყაროში წვდომის უნარი?

– უფრო მნიშვნელოვნად მიმაჩნია, რომ ისინი კარგი მკითხველები იყვნენ და ჩემსავით სიამოვნებდეთ წიგნების კითხვა. ამას ჩემთვის ყოველთვის დიდი მნიშვნელობა ჰქონდა და ამიტომ ვცდილობდი ისინი კითხვას ბავშვობიდან მიჩვეოდნენ, რადგან კითხვა ჩემს ცხოვრებას საოცრად ამდიდრებდა. ეს საკითხი უპირველეს ყოვლისა მალეღვებს როგორც მამას, და, რადგან თანამედროვე ახალგაზრდობას ჩემი თაობის ადამიანის გაგება უჭირს, და ეს ბუნებრივია, თუ გავითვალისწინებთ, რომ სხვადასხვა გამოცდილებიდან გამომდინარე, ჩვენს შორის უზარმაზარი უფსკრულია განოლილი.

– თქვენი აზრით, როგორია თანამედროვე სამყარო?

– ვერასოდეს ვერ წარმოვიდგენდი, რომ სამყარო ასე რადიკალურად შეიცვლებოდა. დღესდღეობით სამუშაო თუ გაქვს, ეს უკვე დიდი მიღწევაა. ჩემს ახალგაზრდობაში სამუშაოთი ყველა უზრუნველყოფილი იყო და ამის პრობლემა არ არსებობდა. ამას გარდა, დღეს სულ სხვა ფასეულობებს, უნარ-ჩვევებს და წარმოდგენებს ენიჭება მნიშვნელობა. ერთის მხრივ ძნელია შვილს სრული თავისუფლება მისცე, მეორეს მხრივ, ისიც ძნელია მას საკუთარი ცხოვრებისეული გამოცდილება მოახვიო თავს, რომელსაც უკვე ყავლი გაუვიდა და მას აღარაფერში წაადგება. ამასთან ძნელია ადამიანს აზრები შეაცვლევინო, რადგან მას საკუთარ გამოცდილებას ვერ გადასცემ. თუმცა არსებობს საკითხები, რომელთა გამოც მამებსა და შვილებს შორის დაპირისპირება გარდაუვალა.

– ასეთი თავდაუზოგავი და დაუცხრომელი რომ ხართ თქვენს მოწოდებაში, ხომ არ ფიქრობთ, რომ საქმისადმი ასეთი გულმხურვალე დამოკიდებულება თქვენდამი შვილების გაუცხოებას გამოიწვევს? ამასთან დაკავშირებით ხომ არ გამოუთქვამთ მათ თავიანთი უკმაყოფილება?

– რა თქმა უნდა, გამოუთქვამთ. საკუთარი საქმიანობით იმდენად ვიყავი გატაცებული, რომ ოჯახს სათანადო ყურადღებას ვერ ვაქცევდი,

მაგარამ საბედნიეროდ ამ ხარვეზს ჩემი ხალხმრავალი ოჯახი ავსებდა; ჩემი სიდედრის ბიძებიცა და ბიძაშვილების წყალობით ოჯახში ვყოფილიყავი. სუფევდა, მაგრამ მე მასში ნაკლებად ვმონანილები და მთელი ცხოვრება მხოლოდ ჩემი საქმით ვიყავი დაკავებული. ახალგაზრდობის წლებში თავი როგორმე უნდა მერჩინა და ამიტომ ვმუშაობდი, მოგვიანებით კი მთელი ჩემი დრო ლიტერატურულმა საქმიანობამ შთანთქა.

– თქვენს შვილიშვილებზე რას იტყვით? როგორი ურთიერთობა გაქვთ მათთან? რა აზრისანი არიან ისინი ნობელიანტ ბაბუაზე?

– უნდა გითხრათ, რომ დიდად აღფრთოვანებული არ არიან. ისინი ჩემში უბრალოდ პიუჟამაში და საშინაო ჩუსტებში გამოწყობილ ბაბუას ხედავენ. ამიტომაც მათგან ნობელიანტი ბაბუას მიმართ ვერანაირი პატივისცემას ვერ ვგრძობ. ალბათ უბრალოდ სიამოვნებთ, რომ მათი ბაბუა ცნობილი ადამიანია. ამასთან ისინი ხომ სწორედ იმ თაობას მიეკუთვნებიან, რომელსაც მიაჩნია, რომ მწერალისა უნდა ეშინოდეთ. შვილიშვილებთან ჯანსაღი და სასიამოვნო ურთიერთობა მაქვს. თუ მბრძანებლის როლს არ ასრულებ, და მორჩილებას არ მოითხოვ, მაშინ ეს ურთიერთობა შენის მხრიდან მამობრივ მზრუნველობაში გადადის.

– თქვენზე ამბობენ ძალიან ცნობისმოყვარეაო. ყველაზე მეტად რა გაცვებთ თქვენი შვილიშვილების ცხოვრებაში?

– ყველაზე მეტად ის მარტივი დამოკიდებულება მოცვებს, რომლითაც დღევანდელი ბავშვები აუდიო-ვიდეო ტექნიკის მიმართ იჩენენ, ამასთან ისინი უზარმაზარ ფსიქოლოგიურ ტრანსფორმაციებსაც განიცდიან. როცა ჩემი ქალიშვილი მორგანას ხუთი-ექვსი წლის ქალიშვილებს უყურებ, რა ოსტატურად უღებენ ალღოს თანამედროვე ტექნიკას, ეს ჩემზე დიდ შთაბეჭდილებას ახდენს, მაგრამ ამ დროს გარკვეული შიშიც მიპყრობს. ვშიშობ, რომ დროთა განმავლობაში, ეს ყველაფერი წიგნს ან საერთოდ გააქრობს, ან უსარგებლო ნივთად აქცევს. ვიმედოვნებ, რომ ეს არა მხოლოდ ჩემი შვილიშვილების შემთხვევაში, არამედ საერთოდ არ მოხდება, რადგან ეს კაცობრიობისთვის უდიდესი დანაკარგი იქნებოდა.

– რაიმე ზომებს თუ მიმართავთ იმისათვის, რომ თქვენმა შვილიშვილებმა იცოდნენ წიგნის ფასი და მის მიმართ ინტერესი სათამაშო აპარატებმა არ ჩაანაცვლოს?

– არა. ეს მათი მშობლების პრობლემაა. მაგალითად გამართლებულად არ მიმაჩნია, როცა ბავშვს ტელევიზორის ყურებას უკრძალავენ, მიუხედავად იმისა, რომ იგი მის ფსიქიკაზე ნარკოტიკზე საშიშ ზემოქმედებას ახდენს. ამგვარი აკრძალვა ბავშვს ასოციალურ და მარგინალურ ადამიანად აქცევს. ამ შემთხვევაში მხოლოდ ტელევიზორის ყურების ხანგრძლივობა შეგიძლია შევზღუდოთ, მეტს ვერაფერს გავაწყობთ.

– თქვენ აგნოსტიკოსი ბრძანდებით და შესაბამისად, ობიექტური სამყაროს შემეცნებას უარყოფთ. რას ფიქრობთ რელიგიისა და რწმენის საკითხებზე საკუთარ ოჯახთან მიმართებაში?

– მე და პატრისიამ გადავწყვიტეთ, მანამდე არ მოგვენათლა შვილები, ვიდრე ისინი თავად არ მივიდოდნენ ამ შეგნებამდე და არ მოინდომებდნენ

მორწმუნეები გამხდარიყვნენ. მაგრამ ბუნებრივია, ჩვენ კათოლიკურ ოჯახში ეს არ გასჭრიდა, რადგან დედამ და დეიდებმა მაინც ვერ მოისვენეს და ბავშვები ჩვენგან მალულად მოანათლინეს.

ჩემი ერთ-ერთი შვილი მორწმუნეა, თუმცა ვერ ვიტყვოდი დიდად ეკლესიურია-მეთქი; მეორე შვილი, ბავშვობაში კოლეჯში სწავლის დროს ძალიან რელიგიური იყო და საკმაოდ გამაოცა იმან, რომ მოგვიანებით იგი დეიზმის მიმდევარი გახდა. მესამე შვილი კი აგნოსტიკოსია. აი, ასეთი განსხვავებული რწმენის მიმდევრები არიან ჩემი შვილები.

– ბევრი ცნობილი ადამიანის ცხოვრებაში ყოფილა შემთხვევები, როცა მათი სახელი და რეპუტაცია საკუთარ შვილებს შეუღალავთ. როგორ ფიქრობთ, თქვენც ხომ არ გელით ასეთი საშიშროება?

– ცნობილი ადამიანის შეურაცხყოფა და განადგურება ძალიან ადვილი საქმეა; ამიტომ მათ შვილებს მხრებზე უფრო დიდი და მძიმე პასუხისმგებლობა აწევთ. სწორედ ეს იყო ერთ-ერთი მიზეზი იმისა, რომ მე და ჩემმა მეუღლემ გადავწყვიტეთ ჩვენი შვილები საზღვარგარეთ გაგვეგზავნა სასწავლებლად, სადაც მათ მამას არავინ იცნობდა და ამიტომ იქ იგი არანაირ ავტორიტეტს არ წარმოადგენდა. ინგლისსა, თუ ესპანეთში მათ საკუთარი ღირსეული ცხოვრებით უნდა ეცხოვრათ, თავად მიეღწიათ დასახული მიზნისთვის და მამის სახელს არ ამოფარებოდნენ. იმედი მაქვს, რომ ჩემი არსებობით მეც არ მივაყენებ ჩემი შვილების ცხოვრებას რაიმე უსიამოვნო ჩრდელს. ისე კი უნდა ვაღიარო, რომ ჩემი შვილებით ძალიან ვამაყობ, რადგან ისინი საკუთარი მოწოდების ერთგულები დარჩნენ და ასე მოიწყეს ცხოვრება. ბევრი ცნობილი ადამიანის შვილებს ვიცნობ, რომლებსაც მშობლების პოპულარობის გამო ცხოვრება დაეცა. საბედნიეროდ, ჩემს ოჯახში ასეთი რამე არ მომხდარა და იმედიც არც არასოდეს მოხდება.

ერთხელ თურმე ლიოსასთვის მომავლის გეგმების და პროექტების შესახებ ჰკითხეს, მას კი პასუხად ასეთი რამ უთქვამს: „დიდი იმედი მაქვს, რომ სიკვდილი წერის დროს მომაკითხავს“.

– ნამდვილად ასეა, იმედი მაქვს, რომ სიცოცხლის ბოლომდე შემომრჩება სალი გონება, რომ ვწერო და ვიკითხო. ეს არის ის, რაც ყველაზე მეტად მიყვარს და ჩემი ცხოვრების განუყოფელ ნაწილს შეადგენს. ყოველთვის აღფრთოვანებაში მოვეყვარ ამ ადამიანებს, რომლებმაც სიცოცხლის ბოლომდე შეინარჩუნეს სალი გონება. ორი ან სამი წლის წინ პარიზში, პატარა მალაზიაში ვიყიდე წიგნი, რომელშიც კლოდ ლევი-სტროსის ტექსტი იყო გამოქვეყნებული. ეს შესანიშნავი ტექსტი მან ასი წლის ასაკში დანერა, და, როდესაც ის წავიკითხე, საკუთარ თავს უთხარი: „მართლაც რომ შესაშური და არაჩვეულებრივია, როდესაც ადამიანი სიცოცხლის ბოლომდე ასეთ საღ აზროვნებას ინარჩუნებს-მეთქი“. ტექსტი ლევი-სტროსის ახალგაზრდობის წლებს ეხება. იგი იხსენებს, როგორ ჩააბარა უნივერსიტეტში, მერე ლიტერატურიდან ანტროპოლოგიაზე იმ დროს გადაერთო, როცა ჯერ კიდევ არ არსებობდა ჰუმანიტარული მეცნიერებები. ეს დახვეწილი დისკურსი სალი აზროვნების მართლაც რომ უჩვეულო და საოცარ ნიმუშს წარმოადგენს. მახსოვს ისიც გავიფიქრე:

რა საოცარია, რომ საყოველთაო დეკადანსმა ამ ბრწყინვალე გონებას ვერაფერი დააკლო და ამ ადამიანმა შესძლო, იგი ბოლომდე შემოენახა-მეთქი. ამ დისკურსის გამოქვეყნების შემდეგ, ლევი-სტროსმა ორი წელი კიდევ იცოცხლა. იგი 102 წლის ასაკში გარდაიცვალა.

ამბობენ, რომ ნობელის პრემიის საზეიმო ცერემონიალის შემდეგ, ნობელიანტს სამადლობელო სიტყვით გამოსვლისას, ისეთი გრძნობა ეუფლება, თითქოს მან ეს ჯილდო სიკვდილის შემდეგ მიიღო. ალბათ ასეთი შეგრძნება იმ ლაურეატებს აქვთ, რომლებიც ფიქრობენ, რომ ამ ჯილდოს მიღებით, მათი კარიერა დასრულდა. ეს ადამიანები მართლაც არასოდეს მიუბრუნდებიან წერას, მათ უკვე თავი დაისამარეს და საკუთარ ძეგლებად გადაიქცნენ. მახსოვს პრემიის გადმოცემის დროს სწორედ ეს სიტყვები წარმოვთქვი: „ძეგლად არ გადავიქცევი“-მეთქი. ჰოდა ვფიქრობ, ამით საკუთარი თავი ღირსეულად წარმოვაჩინე.

– თქვენ აგნოსტიკოსი ბრძანდებით, ამიტომ საინტერესოა, რას ნიშნავს თქვენთვის სიკვდილი?

– სიკვდილისა არასოდეს მშინებია, ყოველთვის უფრო ავადმყოფობა მაშინებდა.

– ახალგაზრდობაშიც არ გქონიათ სიკვდილის შიში?

– არა. მახსოვს კოლეჯში სწავლისას ჩემს ერთ მეგობარს სიკვდილის ხსენებაზე ენითაუწერელი შიში შეიპყრობდა ხოლმე და სიცოცხლეს უსწამლავდა. მართალი გითხრათ, სიკვდილზე არ ვფიქრობ და ამაში გარკვეულწილად ჩემი სამუშაო მეხმარება. საქმეში მთლიანად ვეფლობი და ეს ამ ფიქრებისგან მიცავს. იმედი მაქვს, არ მომიწევს იმ მტანჯველი დეკადენტური გზის გავლა, რომელიც გონებრივად და ფიზიკურად გამცრობს; აი მაშინ სიკვდილი მოულოდნელად და უმტკივნეულოდ მოვა.

– არსებობს კიდევ რაიმე, რაც განუხებთ...

– მოდი ასე ვთქვათ. უკვე 78 წლისა ვარ და უბრალოდ შეუძლებელია, რომ ამაზე არ ვიფიქრო, რადგან ვიცი, რომ სიკვდილი ნელ-ნელა ახლოვდება. მე აგნოსტიკოსი ვარ, და არა ათეისტი. ამიტომ ნამდვილად არ შემიძლია იმის თქმა, არსებობს თუ არა იმქვეყნიური ცხოვრება, თუ როგორია ის სხვა ცხოვრება, ამის წარმოდგენის საშუალებას არც ჩემი განათლება მაძლევს და არც ამასთან დაკავშირებული დამაჯერებელი ახსნა-განმარტებები. თუმცა არც ათეისტების თვალსაზრისებს ვიზიარებ, რომლებიც ამტკიცებენ, რომ არავითარი იმქვეყნიური ცხოვრება არ არსებობს და ჩვენი ცხოვრება მხოლოდ აქ, მიწიერ სამყაროში მიედინება. დიახ, ჩემი განათლება იმის უფლებასაც კი არ მაძლევს, ათეისტური კატეგორიული ფანატიზმით ვამტკიცო ეს. მოკლედ, რაცა ვარ, ესა ვარ, და მუდმივ ეჭვებს ვერ დავაღწიე თავი.

– რა ეჭვებს გულისხმობთ?

– აგნოსტიკოსს ებადება კითხვა, თუ საით მიჰყავს სიკვდილს ადამიანი. აი, სწორედ აქ წამოიჭრება უამრავი კითხვა, რაც ჩემთვის სრულიად გაუგებარი და ძნელად მისაღებია. ამ დროს ხედავ, რომ არსებობს რაღაც ისეთი, რაც ნორმალურ პირობებში ისევე აგრძელებს არსებობას; მაგრამ იმავდროულად ჩვენს ცნობიერებას არ ემორჩილება რაღაც, რაც მის ბოლომდე გაგე-

ბას შესაძლებელს ხდის და მხოლოდ რწმენაზეა დამოკიდებული. ჰოდა, რაკი ეს რწმენა არ გამაჩნია, ამიტომ ვერც ვერაფრის მტკიცებას და ვერც უარყოფას ვერ ვახერხებ. მაგრამ თუ შევძლებ და ვაღიარებ რწმენას, როგორც ვარაუდს და ჰიპოთეზას, ალბათ მივალ მასთან. ეს, რა თქმა უნდა, ჩემი პირადი მოსაზრებაა. საზოგადოებრივი და პოლიტიკური თვალსაზრისით კი, ვფიქრობ, შეუძლებელია, რელიგიას გვერდი აუარო, რადგან ამით ისტორიულად არსებულ ყველა ქმედებას ხაზი უნდა გადაუსვას. ადამიანების უმრავლესობას სჭირდება რწმენა იმისა, რომ სხვა ცხოვრებაც არსებობს და ყველაფერი ამქვეყნიური ყოფით არ მთავრდება. ამ აუცილებელი რწმენის შთაგონება იმ რელიგიებს ევალებათ, რომლებიც ადამიანს მცირეოდენ შვებას აგრძნობინებენ და საზოგადოებას ქმედებისკენ უბიძგებენ. რწმენის გარეშე ირგვლივ საშინელი ქაოსი, ამნეზიური აფაზია და პესიმიზმი დაისადგურებდა. სოციალური და პოლიტიკური თვალსაზრისით რელიგია ძალიან მნიშვნელოვან როლს თამაშობს იმ შემთხვევაში, თუ სახელმწიფოში არ არსებობს დემოკრატია და სამართლიანობა. მე-19 საუკუნის მსოფლმხედველობიდან გამომდინაე, თითქოსდა პროგრესი და მეცნიერება ბოლოს მოუღებდა რელიგიას, აბსოლუტურად უსუსური აღმოჩნდა, რადგან ცხოვრებამ დაამტკიცა, რომ ეს ასე არ არის.

— ოდესმე ყოფილხართ ისეთ სიტუაციაში, როდესაც თქვენი ჩვეული პრაგმატიზმის წყალობით რაიმე გამოცდილება მიგიღიათ?

— ვფიქრობ, რაციონალურ აზროვნებას არ ძალუძს იმის შეცნობა თუ რა არის ადამიანური გამოცდილება. არსებობს სფეროები, გარემოებები, როცა რაციონალურ აზროვნებას ზუსტად და დამაჯერებლად ვერ მივყავართ ამა თუ იმ ფაქტის შეცნობამდე, მერე კი აღმოაჩენ, რომ ცხოვრებაში უამრავი მოულოდნელი წუთი არსებობს, რომელთა წყალობითაც იგი ჩვენს წიაღში უფრო მომაჯადოებელი, ღირებული და საოცარი სახით წარმოჩინდება. თუ ცოდნას ყოველი მხრიდან წვენს გამოადენ, ალბათ სიცოცხლე მოსაწყენი გახდებოდა. სიცოცხლე სტატიკა არ არის, იგი მუდმივად განახლებადია და ჩვენს გონებაში ავანსად არსებული საშუალებებით, ყოველთვის ვახერხებთ ამა თუ იმ მოვლენის ახლებურად შეცნობას. ეს კუპერისთვის იყო „ძიება დასასრულის გარეშე“. მეც მიმაჩნია, რომ ცხოვრება მართლაც ძიებაა, რომელსაც დასასრული არა აქვს.

— არსებობს ისეთი რამ, რის გამოც ახალგაზრდები თქვენს კრიტიკას ან გაკიცხვას იმსახურებენ?

— ახალგაზრდობა ხომ იმას ნიშნავს, რომ ყველა კარი ღიაა შენთვის. მას ყოველთვის ახლავს თავდაჯერებულობა იმისა, რომ მსოფლიოს ბატონ-პატრონია. არაფერს ვნანობ, რადგან მთელი ჩემი ცხოვრება ჩემს საყვარელ საქმეს მივუძღვენი, ეს კი ამ ქვეყნად ყველაზე კარგი რამ არის. თუმცა ახლა ნოსტალგიას განვიცდი, რადგან საუკეთესო წლები, სიცოცხლის ხალისი და ენერჯია უკან მოვიტოვე.

— მიუხედავად ამისა, მაინც სიცოცხლით სავსე, ხალისიანი და დაუცხრომელი ხართ...

— გეთანხმებით, ასეთი ვარ და იმედი მაქვს

ბოლომდე ასეთად დავრჩები, მაგრამ თან იმასაც ვხვდები, რომ ბევრ რამეში ჩემი შესაძლებლობები უკვე შეზღუდულია. არსებობს რალაცენტრისი კეთებაც უკვე ჩემს ძალ-ღონეს აღემატება, მაგრამ შევეცდები, სიცოცხლის ბოლომდე ყველა ჩემი ჩანაფიქრი სისრულეში მოვიყვანო და ბოლომდე ქმედით ადამიანად დავრჩე.

— ახლა კი, თქვენს ახალ რომანზე „თავმდაბალ გმირზე“ ვისაუბროთ. ეს ამბავი ორ იმპრესარიოს ენება. ერთი მათგანი პერუდან ჩამოსული პროვინციელია, მეორე კი ღიბას მაღალი საზოგადოების წარმომადგენელი. ისინი არსებულ ყოფას და იმ სამყაროს უპირისპირდებიან, რომელშიც მათ ცხოვრება უხდებათ. მაინც რა გახდა ამ ისტორიის შექმნის მოტივი?

— როდესაც პერუში დავბრუნდი, ქვეყანა, და, მათ შორის ქალაქი პიურა, სრულიად შეცვლილი და განახლებული დამხვდა. (ამ ქალაქში ლიოსამ თავისი ცხოვრების დიდი ნაწილი გაატარა) მოგონებად დარჩა ერთ დროს დანგრეული და განადგურებულ პიურა, რომელიც ახლა თანამედროვე ქალაქად ქცეულიყო. ეს გახდა ამ რომანის შექმნის მიზეზი და ბიძგი მომცა, რათა ამ ახალი ქალაქის ცხოვრება ამეწერა. ამ დროს უეცრად, ძველმა გამოცდილებამ მიშველა, ახალი ფანტაზიები წარმოშვა და მთელი ეს რომანიც ასე დაიბადა. ნაწარმოებში აღწერილი ამბავი სინამდვილეში ქალაქ-ტრუხილიოში მოხდა. ვიცოდი, რომ იქ არსებობდა მაფია, რომელიც აშანტაჟებდა და წილებს სთხოვდა ახალ იმპრესარიოებს. ასევე გაგონილი მქონდა, რომ მაფია ცდილობდა ერთი პატარა სატრანსპორტო ფირმის იმპრესარიოსთვის ფული გამოეძალა; მან კი გაზეთში გამოაქვეყნა პასუხი და მაფიას აცნობა, რომ არავითარი ფულის გადახდას მათთვის არ აპირებდა. ამის შემდეგ მათ შორის სამკვდრო-საციცოცხლო ბრძოლა დაიწყო. ვიფიქრე, ამ ისტორიას განვავრცობ და საკუთარი ფანტაზიით გავამდიდრებ-მეთქი. მალე თავში აზრად მომივიდა, შემექმნა პერსონაჟი, რომელიც ძალიან, თვინიერი და უბრალო ადამიანი იქნებოდა; ის ხედავს, რომ ქვეყანა განვითარების გზაზე დგას, ამიტომ დროულად გადაწყვეტს, რაიმე სარფიანი საქმე წამოიწყოს და საკუთარ ფირმას აარსებს, მაგრამ მოულოდნელად წინააღმდეგობას აწყდება, რომელსაც იგი საკმაოდ მამაცურად და თამამად აღუდგება წინ. ეს გმირის მხრიდან მორალური და არა ფიზიკური ანგარიშსწორება უნდა ყოფილიყო. მერე უცებ გადაწყვიტე, ტრუხილიოში მომხდარი ამბავი პიურაში გადამეტანა, რადგან ამ ქალაქს უკეთ ვიცნობდი.

— ისევე, როგორც ბევრ თქვენს რომანში, აქაც საკუთარ გამოცდილებას იშველიებთ და იმ ცოდნას იყენებთ, რომელსაც თავად სანყის მასალას უწოდებთ?

— ყველა ჩემს რომანს თუ მოთხრობას კავშირი აქვს ერთმანეთთან. ისინი ასევე ჩემს თეატრალურ ნაწარმოებებთანაც არიან დაკავშირებული, რადგან მთელი ჩემი შემოქმედება საკუთარი ცხოვრებისეული გამოცდილებიდან მოდის. ჩემს ნაწარმოებებში მოგონებები ის ღერძია, რომელზეც სიტუაციებს და მოვლენებს ვაგებ. ამით იმის თქმა სულაც არ მსურს, რომ წარმოსახვას არ მოვუხმობ ხოლმე, რა თქმა უნდა, ასეც ხდება, მაგრამ ჩემთ-

ვის ნაწარმოების საფუძველს მაინც მოგონებები წარმოადგენენ.

— ამ რომანის ორი მთავარი პერსონაჟი ფელი-სიტო იანაკე და ისმაელ კარერა ისევე უჯანყდებიან არსებულ რეალობას, როგორც ეს რომანში „ომი, რომელიც სამყაროს დასასრულს მოასწავებს“ და „კელტის სიზმარში“ გაქვთ აღწერილი. ამით ალბათ გინდოდათ კიდევ ერთხელ მიგენიშნებინათ ამ ნაწარმოებებზე. რატომ გიყვართ თქვენი პერსონაჟების ასეთებად დახასიათება?

— მე იმ ადამიანის ზოგადად დახასიათება მიყვარს, რომელიც ძალიან მომწონს და ჩემს პერსონაჟებში მუდმივად სწორედ ეს სიყვარული იჩენს ხოლმე თავს. ისინი დინების საწინააღმდეგოდ მიემართებიან და არასოდეს ეშინიათ პოლიტიკურ, სოციალურ, ეკონომიკურ ან თუნდაც ყოფით სიძნელეებთან დაპირისპირება. ჩემი პერსონაჟები მტრულ, ან არაკეთილგანწყობილ სიტუაციებში ყოველთვის შეუპოვრები და ძლიერები არიან. ეს პერსონაჟის ის ტიპია, რომელსაც ჩემს ნაწარმოებებში ხშირად აღმოაჩენთ, თუმცა თავიდან სულაც არ ვფიქრობ ხოლმე, რომ იგი ასეთად გამოვიყვანო.

— გამოდის, რომ ეს პერსონაჟები თავად ხართ?

— გეთანხმებით. ისინი რალაცით მგვანან, რადგან წინააღმდეგობებისა ჩემსავით არ ეშინიათ და არც დინების საწინააღმდეგოდ ცურვას ერიდებიან. ერთი სიტყვით, ისინი ყველანაირ რისკზე მიდიან, თუ წინ ვინმე გადაელობება.

— ყურმოკვრით ვიცო, რომ წერის დროს საკმაოდ იყენებთ ჭორებს. როგორ მუშაობს თქვენი გონება, როცა ასეთ ჭორებს გაიხსენებთ ხოლმე?

— ჭორები მწერლისთვის უდაოდ მდიდარი წყაროა; წერის დროს იმ ღრუბელს ვგავარ, რომელიც ყველაფერს იწოვს. პოდა, მაშინ მახსენდება ყველაფერი, რაც ოდესმე მინახავს, მსმენია, გადამხდენია, ან წამიკითხავს. მერე ამაში ერთვება, სიტყვა, წარმოსახვა, ფრაზა, ამბავი და ტიპაჟი; ყოფილა შემთხვევა, როცა რომელიმე ადამიანის უცნაური ჩვევაც კი გამხსნებია და გამომიყენებია. ჩემი მესხიერება თითქმის იმ ავტომატურ მექანიზმად გადაიქცა, ყველაფერს რომ აკვირდება. ერთი შეხედვით ჩვეულებრივი ცხოვრებით ვცხოვრობ, მაგრამ აქ, ჩემს შიგნით ვიღაც ფხიზლობს, რომელიც იმას ხედავს და გონებაში ჩაიბეჭდავს, რაც მომავალში აუცილებლად გამომადგება. ეს განსაკუთრებით მაშინ მემართება, როცა ნაწარმოები უკვე დამთავრებულია და ჩასწორებას ვინწყებ. ამ დროს ისეთი გრძნობა მეუფლება, რომ მხოლოდ ამ ნაწარმოების წერა მაცოცხლებს და ყველაფერი წარსულში დანახული თუ მოსმენილი ამ პროცესში ძალიან მესმარება.

— ცნობილია, რომ თქვენ რკინის დისციპლინას იცავთ და მუდმივად იმ თვალსაზრისზე დგახართ, რომ ნაწარმოებზე განუწყვეტელი მუშაობაა საჭირო. ნუთუ არასოდეს გრძნობთ დაღლილობას? არ გაქვთ ხოლმე სურვილი, რომ მოდუნდეთ და ცოტა დაისვენოთ?

— არა, ასეთი სურვილი არ მაქვს, რადგან ეს ჯერ არ დამიმსახურებია. ასეთი ცხოვრება არ მხიბლავს და არც იმ ადამიანთა რიცხვს მივეკუთნები, თავყრილობები და დღესასწაულები რომ უყვართ. ღამე-დროის ეს მონაკვეთი აუცი-

ლებლად ნაყოფიერი უნდა იყოს ჩემთვის. ახალგაზრდობაში ჟურნალისტი ვიყავი, მოგვიანებით კი ფრანგულ რადიო და ტელემაუწყებლობაში ვმოღვაწეობდი; აი, იმ წლებში მუდამ ღამით მიმდებოდა მუშაობა. ერთხელ ფართო აუდიტორიის წინაშე გულუბრყვილოდ ვაღიარე, დისკოთეკაზე არასოდეს ვყოფილვარ-მეთქი. ამან მსმენელებში ხარხარი გამოიწვია, რადგან ეგონათ, რომ ვისუფრე. არა და ეს სიმართლე იყო. დისკოთეკის გამოღამეს ნამდვილად ვერ გავიღებდი მსხვერპლად. ხუთი წელი ბარსელონაში ვცხოვრობდი. ჩვენი სახლის შორიახლოს ცნობილი დისკოთეკა “მოცაცციო” იყო. ერთხელაც პატრისიას უთხარი, ბარსელონიდან ისე როგორ უნდა ნავიდეთ, რომ ამ დისკოთეკაზე ერთხელ მაინც არ შევიაროთ-მეთქი. მერე ნავედით და მხოლოდ შევიხედეთ, რა ხდებოდა იქ. სულ ეს იყო. ასეთ ადგილებს ყოველთვის გვერს ვუვლიდი, რადგან მძულს ბოჰემა. სამაგიეროდ კაფეში მიყვარს ჯდომა. იქ წერა და კითხვა მომწონს. რაც ხანში შევედი, მეგობრებთან შემიყვარდა დროის გატარება; ეს ის ადამიანები არიან, რომლებიც ჩემთან სულიერად ახლოს დგანან და მათთან ყოფნა ნამდვილად სიამოვნებას მანიჭებს. თუმცა არჩევანის წინაშე თუ დავდექი, უპირატესობას ყოველთვის ჩემს სამუშაოს მივცემ. ეს სწორედ ის საქმეა, რისი კეთებაც ძალიან მსიამოვნებს. ამიტომ ჩემს დროს ძირითადად მას ვუძღვნი და ეს მსხვერპლთშენი რვა კი არა, უდიდესი სიამოვნებაა ჩემთვის. მაგრამ არის წუთები, როცა დაღლილობისგან მზად ვარ, პირდაპირ მაგიდის ქვეშ შევძვრე და დავისვენო.

— ნობელიანტების სიაში მოხვედრა მოულოდნელი იყო თქვენთვის?

— დიახ, როგორც ყველა ჩვეულებრივ ადამიანს მეც მქონდა წუთები, როცა დიდ იმედგაცრუებას განვიცდიდი და სრული უუნარობის შეგრძნება მეუფლებოდა. მაგრამ გამოცდილებამ მაჩვენა, რომ თუ დაუჩინებთ მოვეკიდებოდი საქმეს, ყველაფერი კარგად იქნებოდა, ახალი იდეები გამიჩნდებოდა და წონასწორობას აღვიდგენდი. ამ წონასწორობას კი ჩემი სამუშაო მინარჩუნებს. თუ საქმე კარგად მიდის, ხალისიანი და ყველაფრით კმაყოფილი ვარ, მაგრამ თუ წერას ვერ ვახერხებ, ან იძულებული ვარ, რაიმე მიზეზით შევწყვიყო იგი, ამ დროს თითქოს მთელი სამყარო თავზე მეშობა. დისციპლინა და წონასწორობის შენარჩუნება: აი, ამ ორი პრინციპით ვხელმძღვანელობ მუდამ. ბავშვობიდანვე ვიცოდი, რომ თავს მხოლოდ შრომით გავიტანდი. ეს ერთ-ერთი უნარ-ჩვევაა, რომელიც მამაჩემმა თავისდაუნებურად, ჯერ კიდევ ახალგაზრდობაში, კოლეჯში სწავლის დროს ჩამინერგა. დანარჩენი ხასიათის თვისებები თავდაპირველად ჟურნალისტიკის სფეროში მუშაობით და სტატიების წერით, მოგვიანებით კი უნივერსიტეტში სწავლისა და მუშაობის დროს თავად გამოვიმუშავე. რაკი წერა დავიწყე, იძულებული გავხდი უფრო დისციპლინირებული ვყოფილიყავი. ამისათვის კი მკაცრად დადგენილი ცხოვრების წესით უნდა მეცხოვრა. მკაცრი დისციპლინის გარეშე ვერაფრის დანერგა ვერ შევძლებდი. ახლა კიდევ ერთი რამ უნდა გაგანდოთ. მას შემდეგ, რაც პატრისიაზე დავქორწინდი, ოჯახური პრობლემები სრულიად მომეხსნა და ისინი აღარ



მანაცვლებდა, რადგან ეს საქმე ჩემმა მეუღლემ აიღო თავის თავზე და ამით ძალიან შემინჯო ხელი. პატრისიამ არსებობა გამიიოლა და მეტი სიმშვიდე შემოიტანა ჩემს ცხოვრებაში, რადგან ახლა უფრო მეტ ყურადღებას ვუთმობდი წერას და შემძლო მთლიანად მისთვის მიმძღვნა ჩემი თავი; წინააღმდეგ შემთხვევაში ჩემი ცხოვრება აზრს დაკარგავდა.

– მაშასადამე, იპოვეთ თქვენი ქეშმარიტი მონოდება, რომელსაც არაფერზე გაცვლით?

– უძლური ვარ ამის წინაშე და ვალიარებ ამას.

– ცოტა ხნის წინ ერთ ჟურნალისტს გამოუტყდი, რომ ძალიან ხშირად ყოფილხართ გამიჯნურებული. ეს მართალია?

– დიახ, ბუნებით რომანტიკოსი ვარ. ამიტომ ადვილად ვებმეზობი სიყვარულის მახეში. განვიცდიდი, გულისამაჩუყებელ სასიყვარულო წერილებს ვწერდი, ვტიროდი კიდეც, მაგრამ ეს მხოლოდ ახალგაზრდობისთვის გაღებული ხარკი იყო. მაშ როგორ გინდათ? მე ხომ სამხრეთ ამერიკელი ვარ!

– ბოლეროზე რას იტყვით, გიყვართ მისი მოსმენა?

– რა თქმა უნდა, მიყვარს.

– ასეთი მკაცრი დისციპლინის დაცვის დროს, ალბათ ძალიან ცოტა დრო გრჩებათ ძილისთვის?

– დიახ, ჩემი ყოფა მეტისმეტად მკაცრი და გამონონილია და საერთოდ ცოტა დროს ვუთმობ ძილს. „ლა სალიეს“ უნივერსიტეტში როცა ვსწავლობდი, მახსოვს ჩემი მეგობრები რა მოუთმენლად ელოდნენ შაბათ-კვირის დადგომას, რომ შუადღემდე კარგად გამოეძინათ. ყოველთვის მიკვირდა მათი, რადგან მათგან განსხვავებით, ადრე მიყვარდა ადგომა. ეს ძალიან ნაყოფიერი დრო იყო ჩემთვის. დილაობით მეცადინეობაც მიყვარდა და მუშაობაც. ხუთ საათზე მეტ ხანს არასოდეს მძინებია, ექვსი საათი ძილი კი ჩემთვის დიდი იშვიათობაა. ისე რომ, დილის ექვს საათზე ყოველთვის უკვე ფეხზე ვარ.

– ესე იგი, მხოლოდ ნახევარი ღამე გძინავთ... როგორია თქვენი ცხოვრების ჩვეულებრივი დღე?

– ძილის წინ თორმეტის ნახევრამდე ან პირველ საათამდე ვკითხულობ და დილით გაღვიძებისთანავე ისევ კითხვას ვიწყებ. მერე ნახევარ საათს ვვარჯიშობ, მხრების და ზურგის ვარჯიშებს ვასრულებ. მოგვიანებით, ერთი საათით პატრისიასთან ერთად სასეირნოდ მივდივარ და ეს დრო ძალიან ნაყოფიერია ჩემთვის, რადგან სწორედ სეირნობისას ვაწყობ იმ დღის გეგმებს. გონებაში მოვხაზავ სქემას, დღის განმავლობაში სად უნდა წავიდე, რაზე უნდა ვიმუშაო, ამასთან სხვა ათას წვრილმან საქმესაც ვგეგმავ. მერე სახლში ვბრუნდები და გაზეთებს ვკითხულობ. ეს ჩემთვის სასიცოცხლოდ აუცილებელი პროცესია, მაგრამ თუ პრესა დროულად არ მოაქვთ, იძულებული ვარ ახალი ამბები ინტერნეტით შევიტყო, თუმცა გაზეთების კითხვა ბევრად მირჩევნია. შხაპის მიღების შემდეგ, ჩემს მაგიდას მივუჯდები და ორი-სამი საათის განმავლობაში ფეხს არ ვიცვლი. დღის ეს მონაკვეთი ყველაზე შემოქმედებითი და ნაყოფიერია ჩემთვის. მოგვიანებით ვსადილობთ და ცოტას ვისვენებ. ადრე ამას მიჩვეული არ ვიყავი, მაგრამ ბოლო ხანებში შუადღისას ცოტას წაუძინებ ხოლმე. მერე ისევ

სამუშაოს ვუბრუნდები. ამ დროს უმთავრესად ტექსტების ჩასწორებას და წაკითხულის განფორმებას ვანდომებ. წინათ საღამოობით ბიბლიოთეკაში მერჩივნა მუშაობა. საფრანგეთში და ესპანეთში რომ ვცხოვრობდი, ძირითადად ბიბლიოთეკაში ან კაფეში მივდიოდი ხოლმე სამუშაოდ.

– როგორ ფიქრობთ, ახლა ადამიანებს გული აქვთ აცრუებული მუშაობაზე?

– საბედნიეროდ ჯერ კიდევ არა. ახალ ისე ხშირად აღარ შევდივარ კაფეებში, რადგან იქაური სიტუაცია ხელს მიშლის მუშაობაში. საღამოობით ვცდილობ დრო მეგობრებთან ერთად გავატარო. მიყვარს კინოში, თეატრში და კონცერტებზე სიარული. ამასთან ვცდილობ დრო უქმად არ დავკარგო. ამაში პატრისია და ჩემი თანაშემწეები ძალიან მეხმარებიან და ხმაალაოლებულები მიცავენ, რომ არავინ შემანუხოს და მუშაობაში ხელი არ შემეშალოს.

– როგორია თქვენი დამოკიდებულება ინტერნეტთან? ალბათ თქვენისთანა თავდადებული მკითხველისთვის ინტერნეტი აუცილებელი საინფორმაციო წყაროა არა?

– იცით, ინტერნეტს არ ვიყენებ. ძალიან იშვიათ შემთხვევებში თუ...

– არ სარგებლობთ ელექტრონული ფოსტით? რატომ?

– არ ვსარგებლობ, რადგან წერილებზე არავის ვპასუხობ. ჩემი პირველი რომანი რომ დაიბეჭდა, მახსოვს, უამრავი წერილი მივიღე და ყველას რომ ვუპასუხე, მაშინ კი მივხვდი, რომ, თუ ასე გავაგრძელებდი, წერილისთვის კი არა, კითხვისთვისაც აღარ დამრჩებოდა დრო. მართლა არ ვაჭარბებ, ყოველ კვირა ასამდე წერილი მოდის და უბრალოდ შეუძლებელია, რომ მთელი ჩემი დრო მათ კითხვას მოვანდომო. ამიტომ ამ წერილებს პატრისია და ჩემი თანაშემწეები კითხულობენ, ზოგ წერილს მეც ვკითხულობ, მაგრამ იშვიათად ვპასუხობ, ისიც იმ შემთხვევაში, თუ საჩქარო პასუხია გასაცემი. მაშინ ამ პასუხს ჩემს თანაშემწეებს ვკარნახობ; ისინი მას სწრაფად ბეჭდავენ და აგზავნიან. ამიტომ ჩემი ლიტერატურული კორესპონდენცია მისი არარსებობის გამო არასოდეს გამოქვეყნდება.

– საკუთარი პერსონალური კომპიუტერი თუ გაქვთ, რომელზეც მუშაობთ?

– კომპიუტერს მხოლოდ საბეჭდ მანქანად ვიყენებ. იშვიათად ვსარგებლობ ინტერნეტით. მაგალითად, ნიუ-იორკში რომ გავემგზავრე, იქ პრესის გაცნობის მიზნით, „მოოგლე“-ით ვსარგებლობდი, რადგან მაინტერესებდა რა ხდებოდა ესპანეთში, პერუში, და, საერთოდ, მსოფლიოში. მაგრამ კომპიუტერი არ არის ჩემი მონოდება და, კატეგორიულად ვამბობ, რომ ის ჩემს ბუნებას ეწინააღმდეგება. მზარავს იმ ადამიანების ყურება, მთელი დღე კომპიუტერის ეკრანს რომ მისჩერებიან და ცხოვრებაში სხვა ინტერესი არ გააჩნიათ. ერთ კვირა დღეს ნიუ-იორკში ყოფნისას მსგავსი საზიზღარი გრძნობა დამეუფლა. იმხანად „პრინსტონის უნივერსიტეტში“ ვკითხულობდი ლექციებს და მანჰეტენზე ვცხოვრობდი. ერთხელ როცა კაფეში ვიჯექი და ვსაუზმობდი, იქვე ჩემს მოპირდაპირე მაგიდასთან ახალგაზრდა წყვილი იჯდა, რომელიც ალბათ არასოდეს დამავინწყებდა.

ორივეს კომპიუტერი ედგა წინ და ეკრანს მისჩერებოდა, არ ვიცი, თამაშობდნენ თუ კომპიუტერის საშუალებით ელაპარაკებოდნენ ერთმანეთს, მაგრამ ეკრანისთვის თვალი არ მოუცილებიათ, თან თავაშულებლად ჭამდნენ. ბოლოს კომპიუტერები დახუჭეს, ადგნენ და ისე წავიდნენ, რომ ერთმანეთისთვის სიტყვაც კი არ უთქვამთ. შემზარავი იყო კომპიუტერით მონუსხული და ეკრანს ჩაშტერებული ამ წყვილის ყურება. ეს ჩემთვის მართლაც გამაოგნებელი იყო. ამ ორ ადამიანს შორის ცოცხალი კომუნიკაცია არ შედგა, რადგან მათ იგი კომპიუტერებით ჩაანაცვლეს. ყველაზე ცუდი კი ის არის, რომ ეს უკვე ჩვეულებრივი მოვლენაა: ადამიანებს ელაპარაკები, ისინი კი კომპიუტერების ეკრანებს ჩაშტერებიან. მერე კი ხვდები, რომ ეს უსულო აპარატები შენთან საუბარზე უფრო მნიშვნელოვანია მათთვის. ჰოდა, ეს ყველაფერი ჩემში განგაშს იწვევს, რადგან იმ საფრთხის მოახლოებას ვგრძნობ, რომ მალე ადამიანები ერთმანეთს სრულიად დაშორდებიან, გაქრება ცოცხალი ურთიერთობები, ხელოვნება და მასთან ერთად კი ღირებულებები გაქრება.

– თქვენი აზრით როგორი იქნება სამყარო 50 წლის შემდეგ?

– ამის წარმოდგენა რთული სულაც არ არის, რადგან ამ სამყაროს დამკვიდრება აუდიო-ვიდეო-ტექნიკის საშუალებით ხდება. ეს იქნება სამყარო, სადაც ტექნოლოგიებსა და ტექნიკურ საშუალებებს უმთავრესი მნიშვნელობა მიენიჭება. მე კი ძალიან მაინტერესებს, რა ბედი ეწვევთ მომავალში წიგნებს; გადარჩებიან ისინი ამ სამყაროში, თუ უკვალოდ გაქრებიან. თუ წიგნები გადარჩა, მათ ალბათ მინისქვეშა კატაკომბებში რომელიმე საიდუმლო საძმოს წევრები ნაიკითხავენ, რომლებსაც ჯერ ისევ შენარჩუნებული ექნებათ წიგნის სიყვარული. თუ ტექნიკური რევოლუცია კომპიუტერის ეკრანების მნიშვნელობას წინა პლანზე წამოსწევს და წიგნები აღარ იარსებებენ, სრულიად განსხვავებული, ახალი ლიტერატურა შეიქმნება. ვფიქრობ, ეს უფრო გასართობი, თეატრალური ტიპის ლიტერატურა იქნება, რომელიც არაფრით აღარ მოგვაგონებს ღრმა საზრისის მქონე, ტრადიციულ ლიტერატურას. ახლა ხომ აშკარაა, რომ მეცნიერებების და ტექნოლოგიების მზარდ განვითარებას ტერორიზმი მოსდევს, რომელიც, თუ მანამდე მარგინალურ ქმედებად ითვლებოდა, დღეს აბსოლუტურად დამანგრეველ ძალას წარმოადგენს. ტექნოლოგიების ასეთმა მასშტაბურმა განვითარებამ ტერორიზმის გარდა ხელი შეუწყო ფანატიზმს და ნგრევას. ამიტომ, ისმის კითხვა, სადამდე უნდა გაგრძელდეს ეს ყველაფერი და რამ უნდა შეუშალოს ხელი კაცობრიობის ჩათრევას ყოვლისმომცველ კატასტროფაში? მაგრამ ძალიან ძნელია, და, ალბათ შეუძლებელი იქნება, მისგან თავის დაღწევა, რადგან ტექნიკური პროგრესი მხოლოდ შესაძლებლობაა უკეთური მიზნების განსახორციელებლად. უიმედობით ვარ შეპყრობილი.

– ახლა უკვე, როდესაც მსოფლიოში მოსალოდ-

ნელ ძალადობაზე და ტერორიზმზე ვისაუბრეთ, მინდა კოლუმბიის ანმყოფეც გკითხოთ. როგორ ფიქრობთ კოლუმბიაში მშვიდობა დამყარდება?

– მეგობარო, ეჭვი არ მეპარება, რომ კოლუმბიაში მშვიდობა დამყარდება. ხედავ, რა მოხდა ცენტრალურ ამერიკაში? იგი სამოქალაქო ომების ეპიცენტრად გადაიქცა, მაგრამ მოგვიანებით მოლაპარაკებების წყალობით, იქ მშვიდობა დამყარდა. კოლუმბიასთან დაკავშირებითაც ამის თქმა მინდა. მსოფლიოს ხალხებს მშვიდობა სურთ და ღმერთმა ქნას, ნაჩქარევად არ იქნეს მიღებული დამლუპველი პოლიტიკური გადაწყვეტილებები. ვფიქრობ, დიდი მნიშვნელობა აქვს იმას, რომ ეს გადაწყვეტილებები პოლიტიკურ კონიუნქტურაზე არ იყოს დამოკიდებული, არ გადაიქცეს ამომრჩეველთა სატყუარად და მშვიდობის დამყარება, მყარ და რეალურად საიმედო საფუძველზე მოხდეს. რა თქმა უნდა, ასეთ გადაწყვეტილებებს მივესალმები და განხორციელების შემთხვევაში მათ ტაშსაც დაუვკრავ. მაგრამ მეორეს მხრივ ვფიქრობ, რომ ქვეყანაში ასეთი ვითარების არსებობას სხვა მიზეზიც უწყობს ხელს. კოლუმბიაში პარტიზანული ომი სრული ანაქრონიზმია და არ შეესაბამება არც ჩვენს დღევანდელობას და არც ქვეყანაში არსებულ რეალობას. კოლუმბია დემოკრატიული ქვეყანაა, მაგრამ იქ ცუდად ფუნქციონირებენ სახელმწიფო ინსტიტუციები, თუმცა ქვეყანა მაინც სწრაფად ვითარდება და თანამედროვე სახელმწიფოდ ყალიბდება. აქედან, გამომდინარე იქ წარმოებული პარტიზანული ომი ნამდვილად სრული ანაქრონიზმია, რომელიც მხოლოდ ძალადობას წარმოშობს. ეს ქვეყნის განვითარებისთვის საშიშელი შეფერხებაა. პარტიზანული ომის გაგრძელების შემთხვევაში არ შეიძლება ქვეყანაში რაიმე წინსვლის იმედი გაჩნდეს, რადგან ქვეყნის წინაშე ჯერ ისევ ნარკოტიკებით ვაჭრობის პრობლემა დგას; ეს კი შესაძლოა, იმ მოსახლეობის ცხოვრების წესად გადაიქცეს, რომელიც ამ ომშია ჩათრეული. ეს ანაქრონიზმი განსაკუთრებით იმითაა საშიში, რომ იგი რეალობას წარმოადგენს და თუ შეთანხმება არ მოხდა „ფარკები“¹ კვლავაც გააგრძელებენ ბრძოლას. ვფიქრობ, მშვიდობიანი შეთანხმება პარტიზანების ინტერესებშიც უნდა იყოს. უბრალოდ ამ შეთანხმებას კეთილი ნება სჭირდება.

– რას ფიქრობთ შააგას გადანყვეტილებაზე კოლუმბიის და ნიკარაგუას უთანხმოების თაობაზე?


– ეს ქვეყნები უნდა დაემორჩილონ გაეროს საერთაშორისო სასამართლოს გადანყვეტილებებს. ახლა ალბათ პერუსთან და ჩილესთან დაკავშირებულ გადაწყვეტილებებზეც გვამცნობენ, რომლებიც ასევე უნდა შესრულდეს, რათა ეს ყველაფერი წარსულს ჩაბარდეს და ამ ქვეყნებმა ნორმალურად განვითარება შეძლონ. ეს კი მართლაც ძალზე მნიშვნელოვანი საკითხია.

ესპანურიდან თარგმნა
მაკა გოგოლაშვილმა

¹ ფარკები-კოლუმბიაში ამბოხებულთა მემარცხენე ძალების რადიკალური დაჯგუფება.



ავტორი:
მიხელ როსტავნი
სათაური:
„შვილი“



ავტორი:
მერილინ რობინსონი
სათაური:
„მშობლიური კერა“

„შვილი“ – ესაა რომანი დანაკარგზე, შვილის დაკარგვით გამოწვეულ ტკივილზე, მაგრამ, რაოდენ უცნაურიც უნდა იყოს, ის სიცოცხლეზეცაა, სიცოცხლის აზრსა და სიყვარულზე. ალბათ,

არ არსებობს ადამიანი, ვისაც არ აწუხებს კითხვა: არის თუ არა სიცოცხლე სიკვდილის შემდეგ? და ისიც, როგორ ხდება, რომ ზოგჯერ ერთ გამოუთქმელი ტკივილი, ერთ გამოუთქმელ

შვებად, ხსნად, იმედად იქცევა, ხოლმე? ავტორის კითხვები მრავალი შვილდაკარგული მშობლის კითხვების მსგავსია, ანუ ჩვეულებრივი და გულწრფელი, უბრალოდ პასუხებია განსხვავებული – მიხელ როსტავნი „სიცოცხლის შემდეგ სიცოცხლის გაგრძელების“ ალბათობა სრულიად განსხვავებულად – ღმერთის დაუხმარებლად „აღმოაჩინა“.

...რა შეიძლება აინტერესებდეს გარდაცვლილს? მისმა სიკვდილმა, რა ჩაკლა და რა სასიცოცხლო იმპულსები დატოვა მშობელში – მასში, ვინც მას სიცოცხლე აჩუქა და ახლა მის

სიკვდილს გლოვობს? ავტორმა ამ კითხვებს გარდაცვლილი შვილის პირით უპასუხა,

ეს პასუხები აქ არის და თქვენი ნებაა დაეთანხმებით, გაიზიარებთ, თანაუგრძნობთ, განავრცობთ და სხვათა საწუგეშებლად გამოიყენებთ თუ არა, მაგრამ ერთი რამ უდავოა:


აუცილებლად დაფიქრდებით, ოღონდ ეს აქამდე ნაფიქრისა და განცდილისგან სრულიად განსხვავებული იქნება. და აღარ მოგეჩვენებათ უცნაურად, თუ შვილმკვდარი მამა ისევ სიცოცხლის სადიდებელს იტყვის – სიცოცხლეს გაუმარჯოსო! ეს მხოლოდ დიდი იმედისა და სიყვარულის უნარის მქონე ადამიანებს შეუძლიათ.

ეს წიგნი სწორედ ასეთ ადამიანებზე, ან ასეთი ადამიანებისთვისაა, ხოლო ვისაც ერთი გამოუთქმელი სასწაულების ჯერაც არ გჯერათ, უბრალოდ, ეს წიგნი წაიკითხეთ!

მერილინ რობინსონი თანამედროვე ამერიკული პროზისა და ზოგადად, მსოფლიო ლიტერატურის ერთ-ერთი გამორჩეული წარმომადგენელია. დაიბადა 1943 წლის 26 ნოემბერს, სენდჰონტში (აშშ). 1977 წელს ვაშინგტონის უნივერსიტეტში მას ფილოსოფიის დოქტორის წოდება მიენიჭა.

წერა დაიწყო გვიან, დაახლოებით 40 წლისამ, თუმცა გამოქვეყნებულმა ოთხიოდე რომანმა და რამდენიმე ესეისტურმა კრებულმა მას არაერთი ლიტერატურული პრემია და საქვეყნო აღიარება მოუტანა.

„მშობლიური კერა“ რობინსონის პირველი მხატვრული ნაწარმოებია, გამოცემული 1980 წელს. ავტორი გვიყვება ამერიკულ ოჯახზე, რომლის სევდასა და იმედში თანამედროვე მსოფლიოს სევდა და სასოება ირეკლება. რუთისა და მისი დის, ლუსილის ისტორია სცილდება პატარა, მიყრუებული ამერიკული დაბის საზღვრებს, კონტინენტის საზღვრებსაც კი და უაღრესად მგრძობიარე, ზოგადსაკაცობრიო ნიშნულამდე აღწევს. მწერალი, სათქმელის უკეთ გადმოსაცემად, ბიბლიურ ხატებსაც მოიხმობს. და მკითხველისთვის გასაგები ხდება, რომ მშობლიური კერა, მისი მიტოვება თუ მისი დაკარგვა და უცხოებაში ხეტიალი ბიბლიური ედემის დაკარგვას ჰგავს და ადამისეულ ტკივილს უკავშირდება. თუმცა „მშობლიური კერა“, „ედემი“ შეიძლება ადამიანმა თავის თავში ატაროს და გზა შინისაკენ საკუთარ თავთან, შინაგან ედემთან მიბრუნებად აქციოს. ამ გზას, პირად გზას, ნებისმიერი ადამიანი ადრე თუ გვიან გაივლის. ამიტომ, ეს წიგნი ყველაზე და ყველასთვისაა.



ავტორი:
**კონსტანტინე
გამსახურდია**
სათაური:
**„პრეზიდენტ
ზვიად
გამსახურდიას
საქმე“**



ავტორი:
**კარან
გლუშენთალი**
სათაური:
**„სტივ ჯობსი –
სხვაგვარად
მოაზროვნე“**

ესაა საქართველოს პირველი პრეზიდენტის ზვიად გამსახურდიას გარდაცვალებასთან დაკავშირებული საკითხების შემსწავლელი საქართველოს პარლამენტის დროებითი კომისიის დასკვნითი დოკუმენტი, რომელიც 2011 წლის 24 თებერვალს მოიწონა საქართველოს პარლამენტმა და გადაუგზავნა მთავარ პროკურატურას.

წიგნში შესულია საქართველოს მთავარი პროკურატურის არქივში არსებული ცხრა ტომიდან ამოკრეფილი მასალები (1994-2004 წწ.), რომელიც ზვიად გამსახურდიას გარდაცვალების ფაქტს ეხება. ასევე დროებითი საპარლამენტო კომისიის მიერ ჩატარებული მოსმენა-გამოკითხვები. გამოკითხვაში ნებაყოფლობით მიიღეს მონაწილეობა როგორც პრეზიდენტის დაცვის წევრებმა, ასევე მაშინდელმა თანამდებობის პირებმა, იმ ადამიანებმა, ვის გარემოცვაშიც სიცოცხლის უკანასკნელი დღეები გაატარა საქართველოს პირველმა პრეზიდენტმა.

მნიშვნელოვანია ზუგდიდის ყოფილი კომანდანტის ბადრი ზარანდიას პირადი ჩანაწერები.

წიგნში ცალკე თავადაა მოცემული პროკურატისთვის მიცემულ ჩვენებებსა და დროებითი საპარლამენტო კომისიის მიერ ჩატარებულ გამოკითხვებში გამოვლენილი შეუსაბამოებები და უზუსტობები.

წიგნს ერთვის კრიმინალისტიკისა და კომისიის შემაჯამებელი დასკვნები.

დანართის სახითაა მოცემული რუსეთის ფედერაციის თავდაცვის სამინისტროს ჩრდილოეთ კავკასიის სამხედრო ოლქის მე-16 სასამართლო სამედიცინო და კრიმინალისტიკური ექსპერტების სახელმწიფო ცენტრის ექსპერტთა კომისიის დასკვნა (როსტოვის დასკვნა).

წიგნს ერთვის საინტერესო ფოტომასალა, პირთა და გეოგრაფიული საძიებელი.

ოციოდე წლის ჯობსმა მთელ მსოფლიოს წარუდგინა მის მიერ შექმნილი პირველი კომპიუტერი, რომელიც სხვადასხვა ოპერაციის შესრულების საშუალებას იძლეოდა. მოგვიანებით მის მიერ შექმნილი პატარა მუსიკალური ხელსაწყოთი, რომელსაც iPod-ი ერქვა და სიმღერების დიდ არჩევანს გვთავაზობდა, მუსიკალური რევოლუცია მოხდა. მანვე დააარსა და ფეხზე დააყენა კომპანია Pixar-ი, რომელიც აცოცხლებდა კომპიუტერულ ანიმაციებს – „სათამაშოების ისტორია“, „მანქანები“, „ნემოს ძიებაში“.

არც ინჟინერი იყო და არც კომპიუტერული ტექნოლოგიების სპეციალისტი, სამაგიეროდ, მუდამ მომხმარებელზე იყო ორიენტირებული, ერთმანეთის მიყოლებით ყველასთვის სასურველ, ყველასთვის მისაღები დიზაინის მქონე პროდუქტს ქმნიდა.

არაორდინარულიც იყო, უხეშად მიმართავდა თანამოაზრეებს, კონკურენტებს და რეპორტიორებს. ყვიროდა მაშინ, როდესაც საქმე ცუდად მიდიოდა. სხვების იდეების მითვისებასაც აბრალებდნენ. ამ დროს მომხიბვლელიც იყო, დახვეწილიც, მგრძობიარეც, ძუნწიც.

მისი ცხოვრების მხოლოდ ზოგიერთი ფრაგმენტი წააგავდა ზღაპარს: დაპირებები, რომანტიზმი, სიმდიდრე... სხვა მხრივ კი, საძაგელი, არეული და ტკბილი ოჯახური გარემოსაგან მეტად დაშორებული ყოველდღიური ყოფა ჰქონდა. უყვარდათ და სძულდათ, ეთაყვანებოდნენ და უგულვებელყოფდნენ. შოუმენი, ხელოვანი, ტირანი, გენიოსი, ეგოისტი – ამ შეუსაბამო სიტყვებით ახასიათებდნენ.

ინგლისურიდან თარგმნა ივანე ჩხიკვაძემ.



მკერდშებოდი მერცხაი

I

ჩადის ციხე

თურმე კავკასიონის მწვერვალებსა შერჩათ თოვლი, ქედებს ცოტა ხნით მოსწყდა ნისლი და ჩადის ციხის მთას გამოეფინა ხალხი.

დაბლა მიბორგავს არაგვი და ჩამონარეგვ გოხებს მიაგორებს. ჩადის ციხის მთიდან ჩემორეგია ფშაური სიმღერა დაღლილ მთიბავისა და არაგვს უფრო აფორიაქებს – არაგვს თავგზას აკარგვინებს. თითქოს ცელის ცელქი შრიალი ისმის ბალახში მოსისინე გველივითა და ფერზე გადმოდგარა ჯანდამჯდარი მთა კაცი ხვედიაი.


ხვედიამ ლიტრა რცხილის ჯაგს მიაბა ჩამოქნილ წნელითა – წყლით სავსე ლიტრა რომ არ დაჰკორებოდა, და მისი თვალი მოიტაცა ძირს განოლილმა სოფელმა. მის თვალთა წინ წამოტუზულიყო სოფლის კოშკი. მგონია, კოშკის ამბავიც გადაითვალა:

იყო სოფელი, დოლიხორბალივით ფერდას გაშლილი, ტყე შემოხვევიყო – ხვედიას თვალის წამწამებევით ხშირი და გაუვალი. სოფლისათვის სახელი არავის მიეცა, სოფელი განმატოვებით დაუყდებუდიყო. კოშკი ხომ აუცილებელი იყო იმ ხანს, ოდეს ლეკები ანიოკებდნენ ქვეყანასა, ოდეს ლეკთა ბრბო ბალებსაც აღარ ინდობდა. ლეკებმა ვერ მიაგნეს სოფელს, ლეკებს გადაურჩა სოფელი. უთუოდ უსახელობა შევლოდა, უთუოდ!..

ერთ დღეს სოფელი შეიხიზნა კოშკში ცხვარძროხით, ავლა-დავლათითა. სოფელს მოეკალიავენ ლეკნი, სოფელს ცეცხლი წაუკიდეს, შეხიზნებულებთან იყო ხვედიაი, თავის პელაითა და პირმშო თორელითა, ეხლა წყალით სავსე ლიტრას რომ მისჯდომია, ხოლო მაშინ ძუძუს ებრძოდა, ძუძუს ეძალებოდა.

ხელთ ჩაერთვნენ სოფლად გადმოხუნაგებული მთიულები და ლეკები. გაჩნდა კვნესა და ცეცხლი. ხვედიამ ამოიმიზა ბელადი მტრისა და მისმა ყირიმულმა იგი შავეთს დაამსგავსა.

მოიღუნნენ ლეკები, განახევრდნენ, დაფრთხნენ.



ბასილ მელიქიშვილი

ქოსა და მოხრილი ლეკი აეტუზა ბეჭსა და კარგად,

ძალიან კარგად გამოზომა ხვედიას მხარ-ბეჭი, დაიხსომა ყველაფერი, გულს დაიკერა. ქოსალებს აუცახცახდა დახლეჩილი ტუჩები და ზედა ტუჩს აქა-იქ ამოგინგლილი ბალანი, უღვაშის მაგივრობას რომ უწევდა.

და ვიდრე მის საფარსაც არ მიაგნო მთიულთა ტყვიამ, ადგილიდან არ დაიძრა. შევიწროვდა და შეწუხდა ქოსალები, აიგუდნაბადავა თოფიარალი.

– რას სჩადის ციხე! – დაიღრიალა და კუდამოძუებული გაჰყვა ბრბოს ნამცვრევსა.

კვლავ თვალწინ გიდგას ქოსალები, ხვედიავე, წინ გიდგას და ჰფიქრობ:

– კი არ აიღოს მაგიერი?! იქნებ აიღოს, იქნება! მაშ, ლეკი რის ლეკია, თუ არ აისრულა დანამუქრი!

– ხვედიავე! ბალლი სად არის? – გითხრა პელამა. შეკრთი, მთაკაცო, გული მოგენურა ცეცხლწაკიდებული ხოკერივითა.

– თორელი დაბმული ლიტრისაკენ წავიდა, თორელი აღარსადა სჩანს, – ბუზლუნებს პელაი.

– ბალლი სად არის?! – იმეორებ, ხვედიავე, და გარბიხარ ლელისაკენ. იქ არის ლიტრა, იქვე იქნება ბალლიცა. თითქოს ქოსა ლეკი თან დაგდევს. აღარ გასვენებს, აღარ გასვენებს!

– თორელო!.. თორელო... ო!.. – ჰყვირის ხვედია. პასუხი არ არის. სიჩუმეა.

დედამ ქვითინი თივის ბულულებთან დასტოვა და სოფლისაკენ დაეშო. ჩამოარეკინა ზარებს

და მდევარი ვინრო ბილიკებით თეთრი არაგვის ხევში გაიბანდა.

კვალი არსადა სჩანდა.

– ვინლა დაანთებს კერას?! – ღმუის ხვედიაი და ფეხშიშველა ფეხებს ღელეებში დაახეტებს.

თორელი ჩაიყლაპა. გეში არსადა სჩანს, მანდილოსნები სათიბებთან მოსთქვამენ. თორელს ექებენ. თორელს – დედისერთას, ცამეტი წლისას.

დედამ პირი დაიმიწა და თივის ბულულები ზენაქარს გაატანა – დაცრემილი და დამძიმებული.

ბალდი უგეშოთ დაიკარგა.

II

თორელი

და გარბოდი ლიტრისაკენ, თორელო, გაგისხლტა ფეხი და ხევში ჩაიჩეხე. თავს ნაბადი დაგეცა. პირი ხარის გინგლის ბურთით ამოგივსეს და ოდეს გონს მოხვედი, ორი ლეკი მიგაქროლებდა თოვლიან-ყინულიან მთისაკენ. ჰხედავ: გარბის მინა შენს ფეხთა ქვეშ.

ჰხედავ: გარბის მინა შენს ფეხთა ქვეშ. ჰხედავ: გასცდით მლეთსაც. ქედიდან კვლავ გაჰხედე არაგვს, არაგვიპირულ ჯაგებსა, ერთხელ მწყერებს რომ დაუნგრე ბუდე.

შეჰხედე ლეკსა. თითქოს გეცნო. ხვედიამ გიამბო ჩადის ციხის ამბავი. დაგახსოვდა ქოსა ლეკი, ის არის! ის არის!

მიჰქრიან ლეკები და თავს ესხმით ძანძახი.

ტყე რომ ჩამოიზნიქა კავკასიონიდან, წამოვიდა ზვავი და დაიტანა ია – ბნელ ხევში ამოტყორცნილი, დიდი ჭანდარი რომ ჰფარავდა! მაშინ დაიძრა ლაშარიდან გველისმჭამელი მინდიაი, მაშინ გადმოდგა ლომისის წვერიდან ვარდანიანთ გოგიაცა. ალბათ, გული აუტოკდათ, ალბათ!

გაგიტაცეს ლეკებმა და წინ აგიდარაბეს თოვლდანაბარდი მთაგრეხილი. გამოგამწყვდიეს, ბალლო თორელო, შუა ლეკეთს, ყრუ ანდიასა.

დინჯმა ბელადმა აბულმა გადმოგხვია ხელი, კეთილმა მამობილმა აბულმა ქოსას გაუღალა საფასე – ცხვარ-ძროხა, და შეჰხვდი ლეკურ სიტყვასა და შორს გასტყორცნე, ვითა კლდემ. კლდემ, რომელსაც მდინარე დაეჯახა გზის ძებნაში. ჰკვენესოდი, თორელო, უღვთოდა ჰკვენესოდი! არსად იყო საშველი, არსად სითბო!

თანატოლი მუსა დაიახლოვე, თანატოლი ლეკი შეითვისე – გულკეთილი, ნათელთვალეებიანი. სხვა არავინ, სხვა არავინ!

ერთხელ აბულმა ჩამოგიტკბილა სიტყვა!

– ისწავლე, შვილო, ლეკური სიტყვა, ისწავლე. ხომ იცნობ მოხუც ახუნდის. შენსავით ბალდი გამოიტაცეს გურჯისტანიდან ჰხედავ, სოფლის ბოლოს მოხუცი ლეკი რომ მიიკაკვება? რა იცი, რომ იმასაც ქართული სისხლი არ უდუღლს? ნუ დაერიდები, ბალლო.

დიახ, რა იცი, რომ ყველა ლეკს ქართული ჯანი არა აქვს? ეგებ თვით აბულიც ქართული თვალებით უმზერს ქვეყანასა? მაგ, რადა აქვს ხანდოველის იერი, რად?

დიახ, რა იცი, რომ კეთილ მუსას დედაც ტყვე ქალი იყო შილდიდან?

ალბათ, შეეგუები ლეკეთს, თორელო, ალბათ! დღეს კვლავ გასცქერ კავკასიონს და მინდა დაგიფალო ხვედიაის და პელაის ამბავი, ცეცხლნაუკიდებლივ რომ ჩაიფერფლენ ჩადის ციხეს.

ხალხი დაგროვილიყო ჩადის ციხეს:

– ეგებ ავმა ქარმა გაიტაცა?..

– ხევში სადმე იქნება ჩამღრჩვალი.

– თუ ლეკებმა გაიტაცეს, მდევარს რამ დაუბათვალეები, რით ვერ მიაგენს გზა-კვალსა?

– უჩვეულო ამბავია, საკვირველი! – გაიძახოდნენ.

ქვეყანა შეაჯერა მოხრილმა ხვედიამ. არ ასვენებდა ქოსა ლეკის ყბები და დაღესტანსაც რამდენჯერმე ესტუმრა.

მაგრამ გამოიტორა ოჯახი და ჩასაქრობად ამტყდარი სისხლი. დარბაზში ღმუოდა პელაი და დარბაზისავე დედაბოძი. ყოველდღე პელაის ღრიალი იკლებდა კოშკის კედლებს. ადვილია, ცამეტი წლის ნაამაგარის დაფუშვა?!

გაიარეს დღეებმა, ტაჯვამ თვეები დაიკონა და თითქოს მინელდა თორელის დაკარგვის ამბავიც. სოფლად კი მინელდა, მაგრამ დედის ძუძუ დაჭიმული იყო. დედის თვალი კი არაგვივით ჩამომდინარე. ხანდახან პელაის კვნესას ასდევდა ჩადის ციხეცა და არაგვი ცრემლებად იღვრებოდა, სურამის ციხიდან გამომდინარ წყაროსავითა.

ჩამოხმა ხვედიაი. უნილოდ რჩებოდა, დაკარგა იმედი და საფლავში ჩაიყოლა ბოლმა და ქვითინი. ეგებ გადარჩეს თორელი? და თუ გადარჩეს, ჩამოიტოროს მამის საფლავი; მაშინ დამშვიდდება ხვედიაის სული, ხანდახან სამარის მინას რომ შეატოკებს ხოლმე.

ტრიალებენ დღეები შენი დაკარგვის შემდეგ, თორელო, და ანდიიდან გასცქერი კავკასიონს, გასცქერი კავკასიონს და აგითვალე ხვედიაის ამბავიცა.

ბნელ ხევში მოსული ია ზვავებმა დახარეს შენი წარბივით. ეგებ წელში გაიშალოს ია. გაზაფხულის მზეს რომ იხილავს, ეგებ შენც გაიხარო.

III

ალექსანდრე პატონიშვილი

ერთხელ ლეკები შეიყარნენ აბულის კარს. დერეფანში იჯდა შუათანის კაცი – არწივისთვალეობა, ცხვირკეხიანი. მის თვალებს მოლემვა ეკვროდა, მის თვალებს ხანძარი დაენთო. შეიყარნენ ანდიელნი და კაცმა დაიწყო:

– ხალხო და ჯამათნო! ტყეები დაიზნიქენ გურჯისტანისა. მინას თითქო ფერი გადაეცალა. გურჯისტანს გაიურთა ურდოები დაეცნენ. გურჯისტანი დაინებეს. ლეკეთს უკეთესი ტყეები აქვს, გურჯისტანის ახლოა, მალე, ალბათ, აქაც მოვლენ და აბულის წვერს შემუსრავენ, აბულს დოლბანდს ჩამოაცლიან, სპეტაკი აბრეშუმის დოლბანდს. თქვენ შემორკალული ხართ გაიურებისაგან, გაუხედნავ კვიცივითა, ველად რომ

გავარდა და ხალხი გარს მოერტყა ქამანდებით. საჭიროა სიფხიზლე და რაშივით ყალყზე დგომა, რათა გარს შემოხვეულმა მტერმა ქამანდით არ დაგინებოს. მალე ქართველები შეჰმუსრავენ გიაურებს და თქვენი სილაღე, თქვენი სიამე უნდა გადმოაჩინოთ გერგეტიდან. თვალი გააგუშაგეთ, თვალი დაგეშეთ, რომ ტყე არ წაიბილნოს, რომ მიწას ცეცხლი არ გაუჩნდეს უდროოდ.

– მართალს ამბობს ალექსანდრე, მართალსა! – იგრიალეს ლეკებმა.

– დღეს მთიულეთში აჯანყება აფორიაქებს ხეობებს, დღეს ხევებს მოსდევს და მალე ხანძარი გარეჯის უდაბნოდანაც დაიწყება. გულს დაუნთეთ სანთლები. გული ხანჯლებით დაისერეთ: ეგებ იხილოთ მზე და ზენაქარი, – დაასრულა კაცმა და მიყუჩებული გული აუფორიაქა ლეკებს.

დერეფანშია თორელი აქვეა კეთილი მუსაც.

– ვინ არის, მუსავ?! – ჰკითხა თანატოლსა.

– ალექსანდრე ბატონიშვილი! – დიას, საბრალო თორელო, მოღრუბლული ადამიანი ალექსანდრეა. ეხლა კი გეშველა, ალბათ, გურჯისტანში წაგიყვანს! შეეხვეწე, ბალო, შეეხვეწე!

უცებ ალექსანდრე წამოდგა, გაარღვია ხალხი და ლობესთან რომ იდგა, გულხელდაკრეფილი, მიმინოს მსგავსი და დაფიქრებული, მაღლა აიტაცა და გულში ჩაიკრა.

– ბაღის დედამ პირბადე აიფარა და ლობეს გასცდა.

– შამილსა ჰკოცნის, მეგოდრის შვილსა!

– მეგოდრის კი არა, მისი შვილია...

– ვერ ატყობ, როგორ დამსგავსებია?! – მეგოდრე ხომ ცვედანი იყო, იმთავითვე უშნო და უგვანი.

– ჩამოაჭკნო მშვენიერი ქალი, ქალს სიცოცხლე უნდოდა და... – ამ ხუთი წლის წინათ გადმოხვენილი ალექსანდრე შეიყვარა და შეიჩვია.

– ჯან-ლონით სავსე ალექსანდრემ აჩუქა სისხლდანმენდილი ვაჟი, თავისავით დაუდგარი... – დედა იძახის: გურჯის სისხლი არ ასვენებს, გურჯის სისხლი ყოველთვის სულს უტოკებსო...

– იმ დღეს შამილმა ცეცხლი წაუკიდა მეგოდრის თივის ზვინებსა და ალენილს ხანძარს გულდამშვიდად უმზერდა ბანიდან...

„ხნიან ადამიანით შუბლდანაოჭებული და გულხელდანყობილია“, – ჩურჩულებდნენ ლეკები.

ალექსანდრემ მოიხსნა შანა და შამილს დაჰკიდა. რალა მიეკარება ნეტა?! არაფერი, არავინ! მაშინ კი გაბედე მისვლა, თორელო, ალექსანდრესთან!

– წამიყვანე ჩადის ციხეს, დამიხსენი გადაგვარებიდან. შემარჩინე სახე, – შეჰლაღადე.

– ვინა ხარ, ბალოო?!

– ქართველი... მთიული... ჩადის ციხიდან... – ალექსანდრე მიუბრუნდა ლეკებსა და დაიძახა...

– ვისთან არის ბალოი?

წინ წამოდგა დინჯი აბული, ქედი დაჰხარა.

– თორელი ჩემთან არის! – უპასუხა.

– თორელმა მოგაგონოს ჩემი სახე, თორელი შენი თვალისჩინი იყვეს.

– თორელი შვილია ჩემი. ჩემი სახელი მაგისია ჩემი სახლ-კარი თორელმა გაახაროს, ავლა-დავლათი თორელმა ზიდოს.

სალამოთი ხალხი დაიშალა და ალექსანდრემ გადალახა აბულის კარიბჭე. კერას შემოუსხდნენ ხნიანი ლეკები. დერეფანში ააბლაღეს ცხვარი და საკიდელიდან ჩამოიზიდა სახინკლე ქვაბი. ფანდურმა ჩამოიარა ხნიან ლეკთა ხელში და ანდიას გაიშალა ქება-დიდება ძველ გმირთა.

ალექსანდრემ მოგიხმო, თორელო, და წაგჩურჩულა:

– საქართველოში წაგიყვან, სახე შეგრჩება. შენ გარეთ გავარდი. იქ მუსა გელის.

– მუსა წამიყვანს, მუსა! კვლავ დავენაფები არაგვს. პელაი ჩამიკრავს გულში, – ეჭიჭიკებოდი მუსასა. იგი სდუმდა და ფიქრობდა.

მეორე დღეს ლეკებმა ალექსანდრე სპარსეთისაკენ გაისტუმრეს. ეგებ შეასრულეს დანაპირები.

IV

მერცხალი ერდოდან

და ცხრა წელიწადი შესრულდა, რაც ლეკეთსა ხარ, თორელო, წელში ქოფაკი ლეკივით მოჰხრილობარ. სახეს გიმშვენებენ ხვედიასებური ცხვირი და ამონავარდებული ულვაშები.

მუსა ყვავილმა მოგიკლა, ძვირფასო ჭაბუკო. და კვლავ მარტო ხარ, კვლავ ჰკვნესი. მუსა სიკვდილმა შეითვისა.

გაზაფხულით მოხუც ახუნდის მიჰყიდეს ტყვე თათარი, ბეჭებგამდგარი, სახედაღრეჯილი, ცალთვალა.

ტყეში ხართ შენა და თათარი, ავდარი და წვიმა ადნობს თოვლს. ნისლი ჩამოზუნაგდა ხევში და ცას აწვდილ წიფლებს ებრძვი. წიფლებსა სჭრით.

შენ აებლატე ქედს ამოზიდულს წიფელსა, ობოლსა და განცალკევებულმა და ჩამოაჩეხე წვერი. ეგებ წმიდა ხე იყო, ეგებ ხატის ნიში!

მაშ, რად მოგისხლტა ფეხი! მაშ, რად გაიშალე თათრის წინ, ცოცხალ-მკვდარი!

თათარი დაგეცა ძერასავით, საბრალო თორელო! თათარმა ჩაგიტანა აბულთან. შეშფოთდა მამობილი, მოლა აყვირდა ჯამედან და მოხუცმა ახუნდომ ლოცვა გადაგიტვალა შუბლთან. მაშინ კი გაახილე თვალი, თორელო. თავს გედგა თათარი, ჩამომდნარი, შემკრთალი. ეგებ შენ უფრო ახლო იყავი იმის გულთან, ეგებ შენ უფრო შეგითვისა ამ თოვლიან-ყინულიან მთებში, ვიდრე სხვა ვინმე?!

– ვინა ხარ? – ჰკითხე თათარსა.

– შენსავით ტყვე...

– სახელი?..

– თუმბოლ.

– შენ ძმა იქნები ჩემი, თუმბოლ, ჩემი ძმად-ნაფიცია!

ახუნდომ ლოცვა დაიწყო და ორი ტყვე დაეცა მუხლთ. ძმად გაიფიცნენ. ფიცვერცხლი ჭამეს.

ახუნდომ ნება მოგცა გარეთ გასვლისა, ბანს გადასჯექი და დააცქერდი ანდიის მოედანს.

ჰხედავ! გამოგოგმანდა დერეფნიდან თულუხიანი ქალი. წყლისათვის თუ მიდის? რათ შესცქერ გაკვირვებული? ქალი მოგიახლოვდა. თვალთ ხელი დაიჩრდილა.

– თორელო! ჩვენ ბაკთან ჩამოხვიდოდე მთავრის ამოსვლამდის, – გითხრა და გაჰქრა დილის ცისკარივითა.

შეხვედი შინ. უმზერ ერდოს. თითქოს იქ არის მაჰმუდის ქალი. ცხვრის თვალეხს ანათებს. მკერდს ლეკური ყველი დაულაგებია. ხტის ყველი მკერდიდან და შენც სცახცახებ. ქალი იცინის და ბაგეთა იქით ფერდას აკრეფილ ღრიანჭველებს აჭრიალებს. წარბებად ხუთი წლის ბაღლის შოლტი გადაუჭიმავს და უღვთოდ იცინის, გკოდავს.

უცებ მოფრინდა მერცხალი, თქვეს ერდოს რომ შემოეჩვია. მერცხალი მხარს დაგაჯდება და ჟღურტულეებს.

დაუყარე ქერის მარცვალი და მაინც ჟღურტულეებს.

აბული ეწვია დარბაზსა – მოხუცი და მოხრილი. მერცხალი ერდოდან ასრიალდა.

– რამ დაგაფიქრა? – კითხულობს აბული. მხრები აიჩჩე, თორელო, პასუხის თავი აღარა გქონდა.

მერცხალი ერდოდან გაფრინდა.

V

დეი

ბარის ლეკეთს მოაწყდნენ გიაურები, ბარის ლეკეთს ყაზახებმა გადაირბინეს. განა ედგომებოდა ლეკს ბარად? და დაიძრა ურმები შუა ლეკეთსა, ანდიისა მიყრუებულ ხეობებისაკენ.

ლეკს უნდოდა სილაღე და იალაღებს მიატანა... აბუნაგდნენ მთაში და ხმალი აღესეს ლეკური ჯიხვის ქონითა და რისხვად მოველინენ მოსულ გიაურებს. ლეკთა განავარდება ელვა იყო, მათი ბრძოლა – ჭეჭა-ქუხილი.

და დაატოვებინეს თემირხანშური მაჰმუდსაც. ეწვია ანდიასა, უკვე მეორე წელიწადია, ეწვია თავის მშვენიერი ქალითა და სოფელს თვალი დაუყენა. სოფლის ბოლოს გაიჭიმა ციხე-დარბაზი მაჰმუდისა. ლელიპირას გადადგა დიდი ფარეხი და მოტვლეპილ მთას გადაიჭიმა მისი ნახირი და ცხვრის ფარა.

ერთ საღამოთი მის ფარეხთან აიჩრდილნენ თორელი და მაჰმუდისავე ქალი. ქვევით ნაკადული ხმაურობს. ლელის ბოლოს ცხვარი იცოხნის. ფარეხი სდუმს. სდუმს თორელიც, როდემდის გასტანს დუმილი, როდემდის? არ არის სიტყვა საკმარისი, არც ძალა შესწევს.

– რა გქვიან, ქალო?! – უცებ მიახალა ვაჟმა.
– დეი! – უპასუხა ქალმა: – ხიდან ჩამოვარდნილხარ გული გტკივბია. მოგიკვდეს ჩემი თავი, მომვლელი არა გყოლია.

...რას დაგიჭყეტია თვალეხი? აბა, დახუჭე... ჰო, ეგრე, ეგრე, ხა-ხა-ხა! – კისკასებს დეი.

– დეი! დეი!.. – იძახის ვაჟი და გულში ჩაიკრავს დეის, თვალეხს ცხელი ტუჩებით უკოცნის.

ქალიც ეკვრის, ქალიც ეხვევა.

– დეი! მარტო ვარ, კერადაბნელებული, წამოდი ჩემთან. აბული ელის ჩემს ბედს, ვითა შვილისასა. დეი, წამოდი ჩემთან. აბული გაგვიღებს კერასა. დეი, დედობა გასნიე.

ლელედან გამოჩნდა ქეჩი ცხვრისა. ლელედან ძალღები იყეფებიან.

– კმარა... ცხვარი მოუდის ჩემ ძმასა. გესმის, ძალღები იყეფებიან? – სთქვა ქალმა, არაგვულ კალმახივით გასხლტა და სიბნელეს ჩაეკრა.

სახლში მისულ თორელს თუმბოლი დახვდა.

– აბული სად არის, თუმბოლ?!

– მაჰმუდს ეწვია. გიაურებს ჟღეტას უპირებენ, ბარში სალაშქროდ მიდიან.

– თუმბოლ! უნდა იცოდე ყველაფერი, თუმბოლ, ძმადნაფიცო!..

– მითხარი...

– მაჰმუდის ქალი მიყვარს. დეი ჩემთვის ფიქრობს, დეი ჩემი უნდა გახდეს. უნდა მიშველო რამ. აბულს დაყოლიება უნდა, თუმბოლ! აბულს მოღობა უნდა.

– თორელო, რათ დაგეკარგა ზომა და მანძილი?! ქართველი ხარ და...

– მოვიტაცებ... აბული მთაში გაგვისტუმრებს, ცხვართან. ქალი თანახმა არის.

თუმბოლი მოიღუშა და ჩაილაპარაკა:

– ნუთუ დაგავინყდა ხვედიაი, ნუთუ არ გესმის საღამოობით პელაის კენესა? მაშ, დაიხიე უკან, დაიხიე ჭაბუკო! გადაჰხედე შენს არაგვის ხეობას...

– ჩემ თვალთა წინ ყინულიანი მთა არის, ჩემი გული დათოვლილი, სახე გადაგვარებულ.

გავიდა ადამიანი აბეზარი, თორელის აბეზარი

ძმადნაფიცი.

თუმბოლი ფიქრობს:

– თორელი ჰხედავს, მაგრამ ბრმა არის. შველა ადრევე უნდა შემოვასვიო თავს; თორელი ჰხედავს, მაგრამ ბრმა არის.

VI

თუმბოლი

თუმბოლი შორეულ სამხრეთიდან არის. ლეკებს ცხვირდახრილმა კაცმა მიჰყიდა – კი არ მიჰყიდა, ხელში შეაჩერა ნახევარ ფასად. ეგებ თავი მოაბეზრა ცალთვალა თუმბოლმა?.. ცალი თვალი რომ უფრო გაჰშავებია? სიშავეს ნათელი მოუსპია შენთვის, ძვირფასო თუმბოლ! ხოლო გული დათვალიანებული გაქვს! გული – შორს მზირალი.

ერთხელ კერიპირას გამოეხმაურა აბულსა:

– აბულ! ოჯახს მოვლა უნდა, ოჯახს სიცოცხლე უნდა.

– დიდი ხანია ჩემ კერას გაუნყდა პატრონი. დიდი ხანია ჩემ სტუმარს აღარა ჰყავს დამხვედ-

VII

მაკრდშეპოლილი მერცხალი

სუსხი ჩამოვიდა მთებიდან. ზამთარია. ყინვამ ხალხი სახლებში შელალა და გაატკბო უკბილო ბუხარი და ზღაპრები. ლეკები ბარში არიან. მუსრს ავლებენ გიაურებს. ბარშია თუმბოლიც. მარტო არიან თორელი და დეი.

პატარა ბალღი ახმაურებს დარბაზს. ვაჟია პირმშო – ხვედიაის დანაფერები. თუმბოლმა ბინალა დაარქვა. ხმაურობს ბინალა და კვენის მერცხალი. „ის“ მერცხალი ამ ზამთარს ანდიას დარჩა. თოვლმა და სუსხმა ერდოს ჩააცილა და ესლა ხარისხას აზის კერისთავს როს ჩამოუკიდიათ სველი ტანსაცმლის გასაშრობათ.

ხარისხასთან თბილა. ძირს კერა ღვივის, ძირს კერა ბოლავს. კერა ბოლავს და ჰბოლავს ხარისხას, ჰბოლავს მერცხალსაც.

– ჩუღ! – ჟღურტულებს მერცხალი.

– ნეტა რად დარჩა? – ამბობს თორელი. – რატომ არ უნდა ჰინდუსტანის ხილვა?

ბოლავს კერა და უშავდება თეთრი გული მერცხალსა. ბოლავს კერა და რძისფერ მკერდს, გულს ეკარგება სახე.

გადაფერდა მერცხალი. მკერდშეპოლილი დასჭიკჭიკებს ხან თორელს, ხან ბინალასა.

ძვირფასო მერცხალო! შეგებოლა გულ-მკერდი და ჰკვენისი. იწინკნი გულს, არა ეშველა რა, მანც იმჭვარტლება. ესლა თორელთან მიჰფრინდი, მარცვალსა ჰკენკავ.

– ჩიტო პატარავ! რად აირჩიენ ბინად ქვეყანა თოვლისა და ყინულისა?! ნუთუ თვალმილულული იყავი და ჩამორჩი მეგობრებს? ეგებ მეგობრებმა თვითონ დაგტოვეს? მაშ რად დარჩი აქ! მაშ რად გებოლება გულმკერდი? – ჩაგძახის თუმბოლი.

– ალაპ, ალაპ! – იძახის დეი და ატატიავებს ბინალასა.

– ტაატი! ტაატი! – ისმის დარბაზში დეისა და ჰკორტნი. სახეს აწინკნი.

სდუმს თორელი. თორელი გივლის, ძვირფასო მერცხალო! მკერდშეპოლილო, გაყორნებულო ჩიტო პატარავ!

VIII

როზორ ჩამოაცალა სისხლმა მერცხლის გულ-მაკრდს მჭვარტლი

ანდიასაც ეღირსა გაზაფხული. ანდიიდან თოვლი ჩამოიხვეტა.

თორელი ბანს ჩამომჯდარა, ქალამნებს ასხამს. ზვავებმა ლელე ამოავსეს, ზვავებმა აიკლეს ანდია. გამოტირება არის თოვლისა.

უცებ იგრიალეს მერცხლებმა და ასკილს დაესივნენ, ასკილს, ბანის გვერდით რომ ამოუხეთქია.

რი. სად არის საშველი? სად არის? – უპასუხა აბულმა.

– თორელი შვილობილია შენი, თორელი შვილობას გაგინევს, იმას თანატოლი უნდა, შენს კერას კი გაღვიება.

– თორელის ბედი მეც მაფიქრებს!.. თორელი მართლაც შვილია ჩემი, – განაგრძობს აბული.

– აბულ! სიცოცხლით მოვა დეი შენს ოჯახში. აბულ, თორელის მკერდი დეისათვისაა.

– მაჰმუდის დეი მშვენიერია, მაჰმუდის დეი დედა იქნება ძვირფასი.

– მაჰმუდი შენს წვერს არ შეურაცხყოფს. მაჰმუდი გამოგეგება.

მეორე დღიდან გააჩაღეს მითქმა-მოთქმა. გადაილალა საურვადე – ცხვარ-ძროხა და აბულის ბუხრიდან კვამლმა იმატა. დეი დაუტრიალდა ოჯახს, დეიმ თორელს მოუტნა მკერდს ჩალაგებული ლეკური ყველი და უბინო ტანი.

და გაიხმო თორელი ღელისაკენ თუმბოლმა.

– დეი სად არის? აბული ახუნდისთან დავტოვე.

– მამის სახლში, – უპასუხებს თორელი.

– უნდა წავიდეთ აქედან. უნდა გავიპაროთ. უკვე შეგეშალა სახე და სხვა ლეკივით, ალბათ, მალე ჟღურტულსაც დაიწყებ. წავიდეთ თოვლსა და ყინულს იქთ, ჩადის ციხეს, ხვედიაის მზესთან პელაის ცრემლებთან.

ჩუმათ არის თორელი, დაღვრემილია. გაორებული აქვს გული.

ჰხედავს: გაიჩეჩა მინა და თითქოს დეი ამოძვრა. ჯადოსავით გადაეხვია და დეის ნასახმა უთხრა თორელს:

– შვილი მიიღე, თორელო! შვილი...

გამოერკვია თორელი და ამბობს...

– დეის რალა ვუყო, შვილს რა ვუნამლო?..

– დასტოვე დეი.

– მემრე?..

– წინ უფსკრული გაქვს, ჩაიჩეხები, დაიღუპები.

– თუმბოლ, დეის ვეტყვი ყველაფერს. დეი გამომყვება საქართველოში.

და სდუმს თუმბოლ, ბრმა თვალი დაუხუჭავს. ჰზომავს რალაცასა.

შემდეგ გადასჭრა:

– ჩვენ ვერსა წავალთ.

– არსად წავალთ? – ჰკითხა თორელმა.

– დიას, დავრჩებით ლეკეთში. დღევანდელი ამბავი არავინ არ უნდა იცოდეს. გულს დაიმარხე. დეი ქალია, დეისთან კრინტი არ დასძრა. დიას, დავრჩებით ლეკეთში. ფიცი, თორელო, ფიცი დასდევი.

– ვფიცავ ხვედიაის სისხლსა. ხმა ჩამიწყდება, – გითხრა და სამარადისოთ დაიმარხა გულს ყველაფერი, სამუდამოთ.

ღამეა. სწუხს, თუმბოლ, შენი სული, სწუხს. ვერ დასტოვებ ძმადნაფიცს. თორელი გინდა ლეკეთს გააცილო, ეგებ ფიცი გაქვს?!

სწუხხარ და სწუხს დავით გურამიშვილის სულიც – ღამე ლეკეთის ხეებს რომ ჩამოუვლის ხოლმე. ჩამოუვლის ქარიშხალსავით და კვენისის კვენისის გურამიშვილის სული და კვენისის მერცხა-

ჟღერტულებენ მერცხლები და შესცქერს თორელი. იქვე არის მკერდშებოლილი მერცხალიც, საბრალო და ბეჩავი.

გამოუცალკევებიათ. მგონია, სდევნიან.

– გული მჭვარტლმა შემიმჭვარტლა, – ჟღერტულებს მკერდშებოლილი მერცხალი.

დასწყვივიან თეთრგულა მერცხლები, ჰინდუსტანიდან ეხლახან მოსულები: არა სჯერათ, რომ ისიც მერცხალია. იქნება სჯერათ, მაგრამ სძულს მკერდშებოლილი მერცხალი.

რა ვიციოთ?!

თავი დაჰკიდა მკერდშებოლილმა მერცხალმა. კვნესის მერცხალი და კვნესის ასკილიცა.

კვლავ იგრიალეს ზვავებმა და ჩახერგეს ლელე. დეიმ წყაროსკენ ჩაირბინა თულუხითა. თორელის წინ დაეცა მკერდშებოლილი მერცხალი – ყელგამოლადრული.

ღვარად წავიდა სისხლი. გადადიოდა შებოლილ მკერდზე, გადადიოდა სისხლი და თან მიჰქონდა მჭვარტლი და სისხლმა, უბინო სისხლმა მკერდი გადაუთეთრა.

უმზერ, თორელო! უმზერ და გული გიტიორის. დასწვდი მერცხალსა და შევარდი დარბაზში. მერცხალმა თავი მოიკლა და ზვავებმა მოუმატეს ჭეჭასა. ღრუბლები გადაიკრიფრენ კავკასიონიდან. თუმბოლ, თუმბოლ, რად დაეკარგე თორელს?! მერცხალმა თავი მოიკლა, ეხლა უნდა შველა, ეხლა, ოდეს სული აუფორიაქდა.

ტახტზე იწვა აბული. გულს დაესვა ბინალაი, ემასხარავებოდა, ართობდა.

– ეგრე ნუ!.. ბალო, ეგრე ნუ! – ეუბნებოდა ბინალასა. თორელო, შენ კი კარებთან იდექი მერცხალითა – მკვდარ მერცხლითა.

ჰხედავ ბალო წვერს აწინკნის. ბალო სახა დააგაზა აბულსა.

– დალახვროს ალაჰმა, გაიურის თვალეხი უსხედს! – ამბობს აბული.

– გაიურ!.. გაიურ! – იკივლა, ოდეს ბალომა მთელი მუჭა წვერი გამოაბდღვანა. – წყეულიმც იყავ, წყეულიმც, გურჯო მოუსვენარო!.. ჩაიბურტყუნა აბულმა, დაახეთქა ტახტზე ბინალაი და კარიბჭეს გასცდა.

დეი მოვიდა წყაროდან. მიაგებე მკვდარი მერცხალი.

– დეი, ძვირფასო დეი! მერცხალმა თავი მოიკლა, – შეჰკვნესე. დეის ქვითინი წასკდა, არასოდეს ასე არ ამოსჯდომია გული. იქნება მისმა გულმაც იგრძნო რამ?

– დეი, უნდა წავიდეთ აქედან. მეც მერცხალი მიღრღნის გულს, დეი, აქედან უნდა წავიდეთ. მთებს იქით არაგვია. აქ კი – სიკვდილი ან სახის დაკარგვა. ბინალას ჩაიკრავს პელაი, დეი, ჩვენ წავალთ აქედან.

– გონს მოდი, თორელო! დაგვიწყებია, რომ დეი ლეკია, – გიპასუხა დეიმ.

– დეი, სახე დამეკარგება, ძვირფასო, დამტანჯავს მკერდშებოლილი მერცხლის სისხლი, გულს რომ დამეცა.

– ჯერ ისევ ტყვეთა ხარ. ჯერ ისევ მონა, – გეუბნება დეი. დეი ჯიქურ პასუხს გაძღვეს.

– გავიპაროთ, ქალო! აბული ღრძოა. აბულმა წყევლა და გესლი დაალოცა ჩემს შვილს.

– გურჯისტანში გაიურები აღრჩობენ აჯანყებას. გურჯისტანმა თვითონ დაჰკარგა სახე. იქ რაღას ეძებ! – ამბობს დეი.

– მართალს ამბობ, დეი. გურჯისტანში გაიურები არიან, – უთხარი და მიეგებე ძმადნაფიცს, გულხელდაკრეფილი რომ მოსდევდა დარბაზს.

– თუმბოლ, თუმბოლ! მიშველე. სახე დავკარგე. სული წამერთო. მერცხლის სისხლით გადარეცხილი გული აღარ მომასვენებს.

თუმბოლი დაიხარა. ბინალაი ჩაჰკოცნა. ბრმა თვალთ გაზომა დეი, დაიძახა:

– შენ ვერსად წახვალ.

ორივე დადუმდით.

IX

თმეზგაშლილი დედა

და იმ ღამესვე, ოდეს ღრუბლებს იქით გატყდა მთვარე, აბულის კარს აჭიხინდნენ ცხენები.

– დეი მამის სახლშია.

– თორელო! – დაიძახა თუმბოლმა. მერმე დადუმდა და ძლივსდა გაბედა:

– ბალო დასტოვე, თორელო, – უთხრა თუმბოლმა და წამოუდგა: თმეზგაშლილ დეი, გაუბედურებული დედა; ლომი, უდაბნოდან მოტაცებულ ლეკს რომ მისდევს გადასარჩენათ, – ბალოს წაყვანა სახიფათოა. შემდეგ დაუმატა:

– მაგრამ არა, ბალოს უნდა სახე, ბალო უნდა წავიყვანოთ.

თორელმა ცხვრის ტყავში გახვია ბალო და ცხენები უკვე უღრან ტყეში მიაგელვებდნენ ტყვეებს. ძირს დამპალ ტოტებს ძლივს უქცევდნენ და მალლა ჩამონოლილ ხეებს.

– თუმბოლ! – შესძახა თორელმა.

– სთქვი! – უპასუხა თუმბოლმა.

– დეი იქ დარჩა... დეი საბრალო დედა არის, – თითქოს დაიკარგა თორელის ნათქვამი. ტურებთანვე ჩაწყდა.

მიჰქრიან ტყვეები ტყეში. ბინალაი მამას ეხვევა.

ჰხედავენ, თითქოს ანდიას ცეცხლი წაეკიდა. ძაღლების ღმუილმა ლელეები გამოაყრუეს.

იმ დროს დეი მამასთან იყო.

– ეგებ შენცა გსურს გურჯისტანს წასვლა? – უთხრა მაჰმუდმა საბრალო დეის და დაუმატა:

– მაშ, წადი, შვილო. – ალბათა სცდიდა მაჰმუდი! იმიტომ თუ ურჩია წასვლა.

– ჩუმად, მამი, ჩუმად! ლეკეთს იქით ჩემი ფეხი გახმება, თვალი დაბრმავდება, გულს ჭია ამოსჭამს, – უპასუხა დეიმ. მაჰმუდი ჩუმად იყო. ნეტარი ღიმილი დასდევდა მის თვალებს.

– დეს გაიურები და ქართველები ერთნი არიან. ჩვენთვის ორივე მტერია. გაიურივით უნდა გვძულდეს ქართველიც. დეი, შვილო, შენ გაუბედურდი, მაგრამ გვიანდა არის, თორელმა დაგვასწრო და შეგიუღღდა, აბულმა დამახათრა.

– თორელი რომ გაიპაროს? – უცებ შეეკითხა ქალი.

– ვერ გაიპარება, შვილო, ვიდრე ანდიის მდინარეებს გასცდებოდეს, უმალ მოსპობენ შენი ძმები.

– ოჰ! – გული აუკენსდა დეის.

– ეგებ გეძნელება თორელის დათმობა! ან ბალღისა, რომელსაც გურჯის სისხლი არ ასვენებს.

მაშინ გავარდა გარეთ გულდაკოდილ ძუ ლომივითა და ხალხს მიაშურა.

– ეგებ გაიტაცოს ბალღი? ან როგორ დასთმობს, თორელო ტკბილი მამა არის, ჩუმი უფროსი ოჯახისა, – ჭეჭრობს და მიჰქრის.

– ეგებ შეიცვალა თორელი. ეგებ მკერდშებოლილმა მერცხალმა გადატეხა. მაშ, რად შეშფოთდა ისე ძალიან? რად?!

ღამე წამოსწოლია ანდიას. ღრუბლებს იქით მთვარე მაინც წვალბობს, ხანდახან იელვებს! გვალვის ელვა თუ არის. დეი გარბის და შფოთავს.

თუ ბალღი გაიტაცა. მაშინ გააფთრდება, აედევნება დეი და დაჰგლეჯს თორელის საყვარელ ღანვებს.

სახლში ბნელა, აბულიც არ არის.

– თორელო!.. ბინალავ!.. – ჰკვივის ქალი. სიჩუმეა. გადაატრიალე დარბაზი. ბალღი არ არის, თორელი გაჰქრა.

– თორელო, ჰაი, თორელო! სად დაიკარგე! ჰა! სად დაიკარგე?!

სიჩუმეა. გარეთ მაინცა ელავს. მთვარე მაინცა წვალბობს ღრუბლებს იქით, ქარი ამოგრიალებულა და, უბედურო დედავ, გარეთ გაიტანე გაშლილი თმები.

– ბინალო, შვილო! – არემარე თითქოს უდაბნოდ გადაქცეულა.

და შუაღამისას გაისმა სოფლად თმებგაშლილი დედის წივილი. სოფელი შეშფოთდა. მოედანს მაშხალები დაანთეს და მდევარი აედევნა დაკარგულებს.

დაგრეხილ ბილიკებს გამოჩნდა თმებგაშლილი დედა თავანყვეტილ რაშითა.

დეი სდევნიდა თორელს. დედა მდევრით მისდევდა შვილის გამტაცებლებს.

ოდეს ღრუბლებს იქით ატყდა მთვარე, აბულის კარს აჭიხვინდა ცხენები.

ძაღლების ღმუილმა, თითქოს, ღელეები გამოაყრუა.

X

თუგოლის თითაი

და კავკასიონი აიწოდა ძმადნაფიც ტყვეთა წინ. კავკასიონი – თოვლიან-ყინულიანი. არსად არ არის გზა, გადასავალი დახშულია. ერთადერთი უღელტეხილი იზიდავს ტყვეებს. გადასასვლელია კლდე – უძირო უფსკრული. ძირს სიკვდილია, წინ – გადასაჩხები. კლდეს ნაბილიკარის მსგავსი ზოლი მისდევს. ზოლი დიდრონ ლოდებისა – ალბათ ჯიხვთა სანავარდო.

უკან თმებგაშლილი დედა და მდევარი მიჰქრის. უკან – ღრძო ლეკის ქალი დეია.

არ არის ხსნა. არ არის საშველი.

– უნდა გავხობდე კლდეზე. იქით ხსნა არის, იქით არაგვის სათავეებია, – ეუბნება თუმბოლი თორელი გარინდებულია, თორელი ბალღს დასცქერის.

– ჩავიჩხებთ ხევში. ბალღიანათ ჩავიჩხებთ.

– დავბრუნდეთ ანდიას, – უპასუხა თორელმა, ენანება შვილი. თვითონაც ვერ გაბედავს კლდის გადასვლასა. დაშინებული არის. ტყეში, ხიდან რომ ჩამოვარდა, მაშინ თუ დაშინდა? დიას, მაშინ დაშინდა! თუმბოლმა დაგანახვა ბილიკი თორელო – ბილიკი, სადაც შავ ზოლად მისდევდა მდევარი და თმებგაშლილი დეი.

– უკან სიკვდილი მოგდევს, თორელო! – გითხრა თუმბოლმა.

– შვილი დაილუპება.

– ლაჩარი ყოფილხარ, უშნო და უნებო. მერცხალმა თვით მოიკლა თავი და სახე შერჩა. შენ საიმისო ძალაც არა გაქვს. დეი მოგკლავს უსახურსა და ბეჩავსა. წადი წინ, თუ გინდა სახე, – გითხრა თუმბოლმა. შენ დაეცი მიწას და დიდხანს ჩაჰკლმოდი. ოდეს მალლა აიხედე, თავს დაგდგომოდა თუმბოლი. ბალღი და ბარგი უკვე გაეტანა სამშვიდობოს.

– აიხვიე თვალები! – გითხრა და შენც აიხვიე თვალები, შემკრთალი და შეშინებული თვალები.

მაშინ აგზიდა თუმბოლს მარჯვენამა და ზურგს წამოგიკიდა. მიბორძიკობს ძმადნაფიცი და ზურგსა ჰკიდა ადამიანი, მხდალი და უნებო. ბორძიკობს უფსკრულის პირას თუმბოლი, კინალამ ჩაიჩხა ხევში, ქუჩმა ბენტერამ უშველა, ქუჩმა ბენტერამ ტოტი გაუნოდა.

და ოდეს სამშვიდობოს გახვედით, შენ წინ იდგა სახემკრთალი ხელებდასისხლიანებული თუმბოლი. თითებს წვერები ნაჰგლეჯოდა, თითებიდან ფრჩხილები დასძრომიყო, ოდეს თუმბოლი დაოთხილი მიხობავდა კლდის პირას, ოდეს თუმბოლს ძმადნაფიცი ეკიდა ზურგს.

თუმბოლმა გახედა გამოვლილ გზას და დაინახა სისხლის წვეთები და თითებიდან ნაგლეჯილი ხორცის ნაგლეჯები გაზოლიანებულ გზასაკითაა.

– დეე, გზად დარჩეს ჩვენწარ ტყვეთათვის. – ჩაილაპარაკა. განა მიეკარებალა წვიმა და ავდარი თუმბოლის სისხლსა? ალბათ, საუკუნოდ დარჩება, დიას, საუკუნოდ.

კლდესთან დარჩა დედა, უბედური და თმებგანწილი. შვიდი დღე იდგა კლდისპირასა და მეშვიდე დღეს გადაიჩხა უფსკრულში. თმები დაახვია ბენტერა ქერჩსა და გული ქვალოდსა, ქუჩთანვე რომ დაყუდებულა.

ტყვეები დაეშვნენ პირთავქე. ქვევით სითბოა, ქვევით არაგვია.

XI

სალაოთი შაოჯდა ყორანი

ერთ ალიონისას, განანამებ ალიონისას, თუმბოლმა გაიწოდა საჩვენებელი თითი:

იქით მოსჩანდა არაგვი. გაღმა მთის წვერს

წამომდგარიყო ლომისის ძლევა მოსილი ტაძარი.
ძირს – მლეთა, ქვეშეთი, ნალვარევი.

– ჰხედავ?! თორელი, ჩადის ციხე ძლივს მოს-
ჩანს. – და აღსდგენენ ბაღლობის დღეები შენ
თვალთა წინ. მიხვალთ პირთავექვე და გული სა-
გულეს აღარ არის.

ესლა უფრო უფროთხილდები ბინალასა. გულ-
ში იხუტებ მკერდშებოლილ მერცხალსაც – ანდი-
იდან რომ წამოიღე.

ნაღმიდან ფშაურ ღრეობა ისმოდა და არაგვის
პირას შეგეჩხებათ წელმოქნილი და სახედალარუ-
ლი მოხუცი.

– ვინ არის, თუმბოლ?! მოხუცი ვინ არის? –
ჰკითხე თუმბოლსა.

– ხევისბერია, ვარდანიანთ გოგიაი – მთიულთ
სიამაყე.

მაშინ გადაეღობე წინ, თორელი, და აუძრახე:

– თუმბოლს დაგლეჯილი აქვს თითები. თუმ-
ბოლს მოვლა უნდა. მალლა, მთის ფერდაზე, შავი
ბალახი დაიდო და დაუსივდა. ეგებ შენი ჩამომ-
ჭკნარი ხელი მალამოთ ექცეს. – გოგიამ მალამო
ამოიღო და შენ დაჰკუნე აბრეშუმის ახალუხი –
დეის ნაოსტატარი – ძვირფასი სახსოვარი და
შეუხვიეთ ჭრილობები თუმბოლს. თუმბოლი
ამეცყველდა:

– მოხუცო მთიულო! ჩაიბარე თორელი. ჩაიბა-
რე და აჩვენე ხედიანი, ჩაიბარე და აჩვენე პელაი,
თორელი ჩადის ციხიდან არის. მე კი ვენწვევი ჩემს
კერასა და ადამიანს, რომელმაც ლეკებს მიმაჩეჩა
იმისათვის, რომ თორელი დამეხსნა ტყვეობიდან,
რომ თორელს სახე შერჩენოდა. ვენწვევი იმ კაცსა,
რათა დავუმშვიდო სინდისი.

– უჩვეულო ადამიანო! მითხარი, ვინ გამოგგ-
ზავნა?! – ეკითხები, თორელი, და სიტყვა ამოუშო
მისმა ბაგემ და სიტყვა იგი ასრულებულ არს.

– ალექსანდრე ბატონიშვილმა სიტყვა შე-
ასრულა. ალექსანდრე ელის ჩემ დაგლეჯილ
ხელებს, – გიპასუხა თუმბოლმა და დააცხრი მის
ხელებს და ბაგენი სისხლით შეიღებე.

– თუმბოლ! ხვედიანის კერა შენც მიგიღებს.
დარჩი ძმადნაფიცთან! დარჩი ჩადის ციხეს.

– კერა მელის, მელის ფიცხი და ალექსანდრეს
დავალიანებული სინდისი. – სთქვა თუმბოლმა და
გასცდა მთიულეს.

მიხვალ ფიცისაკენ და მკლავი მაინც გისივდე-

ბა. მგონი ცალი მხარეც დასივდა. თვალებს ბინდი
ერევა, ბრმა თვალსაცა და სალსაც. ნისლებში ეს-
ვევი, თუმბოლ! მოკაკულხარ ვარდანიანთ გოგია-
სავით: ესლა კი ველარ მიხვალ, არამედ მიხობავ.

წყალი გინდა. წყალიც განყდა ამ ქედობას.
ქვევით არაგვი მაინც გოხებს მირეგვავს, ამ ქე-
დობას კი წყალიც განყდა.

ჩოხა ჯაგს გამოედო და რომ გაიზიდე – ფლა-
ტემ ჩაიფინა შენი განატანჯი სხეული. ალბათ,
სისხლი მოგეშხამა უთუოდ, უთუოდ შავმა ბალახ-
მა მოგინამლა სხეული; თითქოს გაშავდა შენი
სახეც. ყურში შორეულ ზარებსა რეკავენ. მაგრამ
რა კლდის საკაჟე გადმოსახლებულა შენთან?
ესლა შენ ებრძვი სულსაცა და თვალამომშრალ
სიკვდილსაც.

და ოდეს მზე ჩაესვენა, ლომისის მთის იქით
განუტყვევ სული, ძვირფასო ადამიანო!

თავით იდგა ობოლო რცხილა, თითქმის ჩა-
მომხმარი. საღამოთი შემოჯდა ყორანი და მისმა
ყრანტალმა აიკლო მიდამო.

ჩადის ციხის მთიდან წამოვიდა ჩურჩული:

– ვინ არის პატრონი?! ვისია მკვდარი?..

ამბობენ: ჯაგებში ჩაიშლებოდა თუმბოლის
მძორი, შეშლილ პელაის რომ არ მიეგნო. თო-
რელმა ჩამოასვენა, დაიტრიაო.

XII

ნაპოლარად

თორელმა დედადს ბინალაი ჩაუგორა, ჩადის
ციხის კოშკთან დაასვენა მკერდშებოლილი მერ-
ცხალი და კალთა გაშალა ოჯახისათვის. მამის
საფლავიც დაიტრია და ოდეს ქართველთა ჯარი
შეიყარა, რათა დაღესტანს ელაშქრათ გიაურებ-
თან ერთად, ერთ-ერთ ჯგუფს შეუერთდა.

– თორელს რაღა უნდა, ლეკეთს რას დაეძებს?
– იკითხა ვილაცამ.

– დეი მინდა ვნახო! – უპასუხა.

– დიახ, დეი გინდა ნახო, თორელი! ხანდოს
ხევთან პელაი დაგახვედრებს მკერდშებოლილ
მერცხალსა და უთუოდ დაგიბრუნებს უკან.


დეის ველარა ნახავ, ველარა ნახავ!

1927 წელი, მთიულეთი





ხილავს 49 წიგნი, რომლის
უღმა წაიხიტხო,
სანამ ცოცხალი ხარ




უნცონი ბერჯისი
მემკვიდრეობა
ფორტოხალი

31 მარტიდან
7 აპრილამდე

ღონი მღონი
სიაგაყე და
ცრურწმენა

14-დან
21 აპრილამდე





ჩემი რჩეული მსოფლიო

ავტორები, რომლებიც მსოფლიოს დაამახსოვრდა

შურნალ გზასთან ერთად ახალი პროექტი ყოველ ხუთშაბათს
საუკეთესო მწერლების დაუვიწყარი ნაწარმოებები

გუსტავ ფლობერის 4 ტომეული

- საღამომი
- მრძნობათა აღზრდა
- მადამ ბოვარი
- ბუვარი და კეკუშა

წიგნის ფასი: 5 ლარი
შურნალთან ერთად 6 ლარი

აირჩიე შენი ავტორი!